

ბიოგრაფი ნეკროლოგი

I

შპრილი რედაქციის მიმართ

ამს. რედაქტოროს
 გთხოვთ მოათავსოთ ჩემი შემდეგი
 განცხადება: ჩემს მიერ გამოქვეყნე-
 ბულ შრომებში ქართული ლიტერა-
 ტურისა და საზოგადოებრივი აზროვ-
 ნების ისტორიის შესახებ დაშვებუ-
 ლია მთელი რიგი შეცდომებისა. გან-
 საკუთრებით უნდა აღინიშნოს ჩემ მი-
 ერ დაშვებული ფედერალისტური
 რეკიდივები და ლიბერალიზმი 60-იან
 წლების ჩვენი ზოგიერთი მწერლების
 შეფასების საკითხში; გადაჭარბებული
 და შემცდარი შეფასება საქართვე-
 ლოში ნაროდნიკული მოძრაობისა
 და მისი მნიშვნელობის შესახებ; ზო-

გან არასწორი შეფასება მარქსიზმის
 წარმოშობისა და მისი წარმომადგენ-
 ლების შესახებ 90-იან წლებში.

ვალთარებ რა ყოველივე ამას, ჩემს
 მოვალეობათ მიმართ, როგორც პარ-
 ტიის წევრისა და ბოლშევიკის, უახ-
 ლოეს დროში ჩემი შეცდომების შე-
 სახებ გაშლილი კრიტიკით გამოვიდეს
 წერილობით (სიტყვიერად უკვე გა-
 მოვედი რამოდენიმეჯერ) და შეური-
 გებელი ბრძოლა ვაწარმოო ყოველ-
 ვგარ გადახრების და მარქსისტულ-
 ლენინური თეორიის დამახინჯებათა
 წინააღმდეგ.


კომხალაშით სიმონ სუნდაძე.

საბ: 1932. 14 იანვ.



A. [Signature]

1931. 287 1/2



ბიოგრაფი წერილები

თხოვლებათა სრული კრებული

სიმონ ხუნდაძის

რედაქციით, წინასიტყვაობით და შენიშვნებით

ქ ა რ თ უ ლ ი კ ლ ა ს ი კ უ რ ი მ წ ე რ ლ ო ბ ა
ც უ ნ ი მ ი ნ ი

ქართული კლასიკური მწერლობა

გიორგი ვაგთელი

ბოლო პირველი

კუბლი ცისტური წერილები

1862—1868

1505



ქ ა რ თ უ ლ ი ა ი ბ ე ი
M C M X X X I

მიხსნიკოვის სახელობის სტამბა გმც-ბა „ზარია ვოსტოკა“-სი

შეკვ. № 1341

მთველ. № 1081

ტირაჟი—3.000



John G. Brown



გ. ჩირიეთელი ახალგაზდონაში
(1861)

რედაქტორისაგან

„ჯერ აქნობამდე ეს დაუღალავი და გულწრფელი მოღვაწე ხეი-რიანად არ არის დაფასებული ჩვენის კრიტიკისაგან, არც არავინა კისრულობს მისი თხზულებების ტომებად გამოცემასა. სამწუხაროა ასეთი გულცივობა გიორგისადმი. ამ უამად ჩვენი ხალხი, მასა, ძა-ლიან ეტანება წიგნებსა, არა თუ ეტანება, ეწაფება მას. კარგი იქნე-ბა რომელიმე გამომცემელი იკისრებდეს გიორგის ნაწერების სრულს გამოცემასა“.

ასე სწერდა გიორგი წერეთლისა და მისი ნაწერების გამოცე-მის შესახებ განსვენებული ბელეტრისტი სოფ. მგალობლიშვი-ლი 1914 წ. მართლაც, ვინც იცის ქართული ლიტერატურის ისტო-რია და ქართული კრიტიკის ვითარება, მას ეცოდინება, რომ 60-იანი წლების არც ერთი მწერალი ისე დავიწყებული და დაუფასებელი არ ყოფილა, როგორც გიორგი წერეთელი. ყველასათვის ცნობილია, რომ კიტა აბაშიძემ მისი მხატვრული ნაწერები მიწასთან გაასწორა და ვერც ერთი დადებითი მხარე ვერ ნახა მის შემოქმედებაში; მის პუბლიცისტურ მოღვაწეობასა და წერილებს დღემდე ობიექტურად არავინ შეხებია და არ განუხილავს. ამ მწერალს თითქმის ორმოცი წლის განმავლობაში უხდებოდა ჩვენი ჟურნალისტიკისა და პუბლი-ცისტიკის პირველ რიგებში დგომა და ბრძოლა ახალ საზოგადოებ-რივ ურთიფერთობისათვის,—დღემდე არავინ ცდილა გამოეცა მისი პუბლიცისტური წერილები.

ასეთი „გულცივობა“ გ. წერეთლისა და მისი ნაწერებისადმი შემთხვევით არ არის წარმოშობილი: მას თავისი ისტორიული მიზე-ზები ჰქონდა. გიორგი წერეთელი ერთ-ერთი საუკეთესო წარმომად-გენელი იყო 60-იანი წლების ახალი თაობის ინტელიგენციისა. მანაც განიცადა რუსეთის 60-იანი წლების რადიკალ-დემოკრატიული მოძ-რაობის ცხოველყოფელი გავლენა, იგიც ცდილობდა, ამ იდეებსა ქარ-თულ ნიადაგზე გადმონერგვას. ამ მიმართულებით მისი მუშაობა მართლაც დაუფასებელია. მაგრამ ვერც ერთი ჩვენი „სამოციანელი“ ვერ შერჩა იმ იდეების სამსახურს, რომელიც მათ ახალგაზრდობაში

შეითვისეს: მათთვის მძიმე შეიქმნა ამ იდეების ზიდვა და დიდი უმეტესობა გადაიხარა მარჯვნივ—ლიბერალიზმისა და კონსერვატიზმისაკენ. უკეთ რომ ვსთქვათ, ცხოვრების რეალურმა პირობებმა მათ ახალგაზრდულ გატაცებას ნადაგი გამოაცალა და მათა სამოქმედო გეგმები გაბატონებული კლასის ინტერესებს შეუფარდა. გიორგი წერეთელი ერთი პირველთაგანი იყო, რომელმაც „სამოციანელთა“ იდეებისადმი პატივისცემა ბოლომდე მიიტანა და 90-იან წლებში შეეცადა იგი შეეუღლებია ახალ, სოციალ-დემოკრატიულ მოძრაობისათვის. ეს ცდა შარცხით დამთავრდა და ისტორიულად არც შეიძლება ბოდა ასე არ მომხდარიყო. პროლეტარული მოძრაობა და მისი ხელმძღვანელები თუმცა სიმპატიით ეპყრობოდნენ გ. წერეთელს, მაგრამ თავიდანვე ეჭვით უცქეროდნენ მისი ცდის განხორციელებას: რადიკალ-დემოკრატიული ბურჟუაზიული იდეოლოგიის,—რითაც ხასიათდებოდა გ. წერეთლის მსოფლმხედველობა,—პროლეტარულ მოძრაობასთან შეუღლება შეუძლებელი იყო. მეორე მხრივ არც გაბატონებულმა წრეებმა არ აპატიეს გ. წერეთელს მისი კავშირი ახლად აღორძინებულ მუშათა მოძრაობასთან და მისი გაცხარებული ბრძოლა „ივერიის“ თავად-აზნაურულ ლიბერალიზმისა და ნაციონალიზმის წინააღმდეგ-სწორედ ამიტომ დასაჯა იგი სასტიკად კრიტიკოსმა კ. აბაშიძემ; სწორედ აქედან წარმოსდგა ჩვენი საზოგადოებრივი წრეების „გულგრილობა“ და „გულცივობაც“ მისდამი.

დღეს, როდესაც გაცხოველდა ინტერესი ქართული საზოგადოებრივი აზროვნების ისტორიის შესწავლისადმი, როდესაც ქართული კლასიკოსების შესწავლა წმინდა მარქსისტულ სოციოლოგიის თვალსაზრისით მორიგ ამოცანად გადაიქცა ჩვენი კულტურული ბრძოლის ფრონტზე—ბუნებრივად დაიბადა ჩვენში ინტერესი გიორგი წერეთლის ნაწერების და მისი მოღვაწეობის შესწავლისა.

გ. წერეთლის სრული ნაწერების გამოცემის იდეა მისი გარდაცვალების (1900 წ.) მეორე დღესვე წამოაყენა ფ. მახარაძემ, რომელიც სწერდა: „სანამ გ. წერეთლის ნაწერები, რომელიც დღეს სხვადასხვა ჟურნალ-გაზეთებში და ცალკე გამოცემებშია გაფანტული, არ შეიკრიბება და ერთათ არ გამოიცემა მისი ვრცელი ბოგრაფიის ჩართვით, ჩვენ არ შეგვეძლება სრული წარმოდგენა ვიქონიოთ იმაზე, თუ ვინ იყო გ. წერეთელი და რა ღვაწლი მიუძღვის მას ქართველი საზოგადოების და ხალხის წინაშე“ (იხ. „კვალი“ № 3, 1900 წ.). სამწუხაროთ ეს მოწოდება მთელი 30 წლის განმავლობაში განუხორციელებელი დარჩა და მხოლოდ გ. წერეთლის გარდაცვალების ოცდაათი წლის თავზე ჩაეყარა საფუძველი ამ დიდ კულტურულ საქ-

მეს იმავე ფ. მახარაძის თავმჯდომარეობით სახელგამთან დაარსებულ კლასიკოსთა სექციაში.

მკითხველმა უნდა წინასწარ იცოდეს, რომ ჯერ ხნობით ჩვენში ძალიან ძნელი არის ქართველი კლასიკოსების შესაფერისად გამოცემა, აკადემიურ გამოცემაზე რომ არ ვილაპარაკოთ. როგორც ცნობილია, ჩვენში ჯერჯერობით თითქმის არც ერთი მწერალი არ არის სათანადოთ შესწავლილი და მეცნიერულად გამოცემული. ეს კი მეტად აძნელებს ცალკე მწერლების შესაფერისად გამოცემის საქმესაც,—მათი ფსევდონიმების გამორკვევას, ნაწერების დადგენას, ტექსტის აღდგენასა და მთლიანად მათი ნაწერების მეცნიერულ შესწავლას. რუსეთის მწერლობაში ათეული წლების განმავლობაში აწარმოებდნენ ამ მიმართულებით მუშაობას, და თითოეული მწერალი შესწავლილია ათეული მკვლევარისა და პროფესორის მიერ. ჩვენში მხოლოდ ამჟამად ეყრება მტკიცე საფუძველი ამ მიმართულებით მუშაობას.

ამიტომ სრულიად არ არის გასაკვირი თუ ვიტყვით, რომ გ. წერეთლის ნაწერების სრული კრებულის პირველ გამოცემას მრავალი დაბრკოლება გადაეღობა წინ და მან დიდი მუშაობა მოითხოვა. როგორც აღვნიშნეთ, გ. წერეთელი არ ყოფილა სათანადოთ შესწავლილი: მისი პუბლიცისტური წერილები სრულიად არ ყოფილა გამოცემული, ხოლო ბელეტრისტიკიდან რამოდენიმე რჩეული ნაწერი იცემოდა დროგამოშვებით, ისიც—პირველ წყაროებთან და დედნებთან შეუდარებლად. ცხადია, ეს პირველი სრული გამოცემა არ იქნება უნაკლო; ამას ყველაზედ უფრო მისი რედაქტორი გრძნობს.

გ. წერეთლის სრული ნაწერები ჩვენ გავყავით ორ მთავარ სერიად. პირველ სერიაში შედის ყველა მისი პუბლიცისტური წერილი და მეცნიერულ-ისტორიული ნარკვევები; მეორე სერიაში — მხატვრული ნაწერები (რომანები, მოთხრობები, პიესები, პოემები, ლექსები, ზღაპრები). წინასწარი გეგმის მიხედვით გ. წერეთლის პირველი სერიის ნაწერებს დასკირდება რვა ტომი, *) ხოლო მეორეს—ექვსი ტომი; უკანასკნელ ტომში მოთავსებული იქნება გ. წერეთლის კერძო წერილები, საზოგადოებრივი ხასიათის დოკუმენტები და გამორჩენილი მასალები. (დაწერილებითი საორიენტაციო გეგმა იხ. ამ ტომის ბოლოში (გვ. 451—454).

*) პირველ სერიის ნაწერებში არ იქნება დაბეჭდილი გ. წერეთლის პუბლიცისტურ-მეცნიერული ხასიათის ნათარგმნი ლიტერატურა; მეორე სერიაში კი შევა რამოდენიმე ასეთი ნაწარმოები.

ამრიგად, გ. წერეთლის ნაწერების სრული კრებულის გამოცემა წინასწარი საორიენტაციო გეგმის მიხედვით განსაზღვრულია 15 ტომად. ყოველი ნაწარმოები შედარებული იქნება დედნებთან და პირველ წყაროებთან. აქვე უნდა ვაცნობოთ მკითხველს, რომ გ. წერეთლის დედნებისა და ხელნაწერების ძლიერ მცირედი ნაწილია დარჩენილი; ასე რომ რედაქცია იძულებული შეიქნა ტექსტის დადგენის დროს პირველ წყაროებად გამოეყენებია უმთავრესად ის ეჟურნალ-გაზეთები, რომლებიაც პირველად დაიბეჭდა მისი ნაწერები.

ნაწერების დალაგებისას ჩვენ უმთავრესად ქრონოლოგიური წესით ვხელმძღვანელობდით. პირველი სერიის ნაწერების დალაგების დროს ეს წესი თითქმის უცვლელად არის დაცული, ხოლო მეორე სერიის—მხატვრული ნაწერების—ტომებად დაწყობის დროს რამოდენადმე გადაუხვიეთ ამ წესს.

რასაკვირველია, ყოველ ტომში წარმოდგენილი მასალები იბეჭდება უცვლელად—გ. წერეთლის სტილის, მართლწერისა და გამოთქმების დაცვით. ჩვენი აზრით, ყოველი კლასიკი-მწერალი საზოგადოებამ იმ სახით უნდა გაიცნოს, როგორათაც იგი ისტორიულად იყო მოცემული.

რედაქტორი

ბიორგანი წერეთელი

მოდვაწეობა. აჯროვნება. შემოქმედება.

გიორგი წერეთელი

1.

წელს გიორგი წერეთლის გარდაცვალებიდან ოცდაათი წელი (1900-1930) შესრულდა. ხოლო მისი — დაბადებიდან ოთხმოცდარვა წელი (1840-1930).

გ. წერეთელი მე-19-ე საუკუნის ჩვენი მოღვაწეთა იმ ჯგუფს ეკუთვნოდა, რომელმაც ჩვენი საზოგადოებრივი აზროვნების ისტორიაში სამოციანელთა სახელწოდებით არის ცნობილი. ეს სამოციანელები ჩვენი საზოგადოების მაშინდელმა რეაქციონურმა ნაწილმა „თერგდალეულთა“ სახელწოდებით მონათლა: ისტორიამ ეს სახელწოდება დააკანონა, მაგრამ არა იმ გაგებით, რომელსაც მაშინდელი რეაქციონური ნაწილი აძლევდა ამ ტერმინს, არამედ სხვა შინაარსითა და სხვა მნიშვნელობით. ჩვენი თერგდალეულები აღიზარდნენ 60-იანი წლების რუსეთის ახალ აზროვნების გავლენის ქვეშ და მათ მოინდომეს ამ ახალი იდეების გადმონერგვა და დამყნა საქართველოს ნიადაგზე. ამრიგად, თერგდალეულობა თავისი ისტორიული მნიშვნელობით არსებითად ნიშნავს ახალი იდეებისა და ახალი საზოგადოებრივი აზროვნების შემოტანას საქართველოში; თერგდალეულებმა ჩვენში განამტკიცეს ახალი საზოგადოებრივი მიმდინარეობა.

გ. წერეთელი ერთი იმ თერგდალეულთაგანი იყო, რომელმაც ღრმად შეითვისა რუსეთის 60-იან წლების ახალი აზროვნება და მთელი ორმოცი წლის განმავლობაში ერთგულად ემსახურებოდა მას.

გ. წერეთელმა თავისი ნიჭი და ცოდნა მრავალ დარგში გამოიჩინა. პროფესიის მრავალსახიანობა დამახასიათებელი თვისება იყო მისი ხანგრძლივი მოღვაწეობისა ჩვენს საზოგადოებრივ ასპარეზზე. მაგრამ ეს მარტო გ. წერეთელს არ ახასიათებდა, იგი ჩვეულებრივი მოვლენა იყო მე-19-ე საუკუნის საქართველოში: ვერ დავასახლებთ ვერც ერთ ჩვენ მოღვაწეს, რომელსაც მრავალ დარგში არ ეყადაოს თავისი საქმიანობა, არ დაექსაქსოს თავისი ნიჭი. ეს არსებითად გამოხატავდა ჩვენი ცხოვრების განუვითარებლობას. ჩვენს სოციალურს ურთიერთობაში, ეკონომიური ჩამორჩენილობის გამო ვერ მო-

ხდა ის ღრმამნიშვნელობის დიფერენციაცია, რომელიც ბუნებრივად იწვევს საზოგადო მოღვაწის დასპეციალებას გარკვეული მიმართულებით. დიდი ბანკირა და დიდი პოეტი ი. ჭავჭავაძე ტიპიური წარმომადგენელი იყო ამ მხრივ გასული საუკუნის ჩვენი ინტელიგენციისა.

გ. წერეთელიც ვერ ასცდა ამ საერთო, შეიძლება ითქვას, სენს და მანაც დაუზოგველად დაქსაქსა თავისი ნიჭი სხვადასხვა საქმიანობაში: რედაქტორი, ისტორიკოსი, პუბლიცისტი, ფილოლოგი, დრამატურგი, ბუნებისმეტყველი, პოეტი, მრეწველი და საზოგადო მოღვაწე—აი როგორი „საქმიანობით“ ხასიათდებოდა გ. წერეთლის მოღვაწეობა. რასაკვირველია, ნიჭისა და ცოდნის ასე დაქსაქსვა თვით პროდუქტის ღირებულებაზე მოახდენდა გავლენას,—გ. წერეთლის ზოგიერთ ნაწერს ეს აუცილებლად ამჩნევია.

ჩვენდა სამწუხაროდ გ. წერეთელი დღესაც არ არის სათანადოთ შესწავლილი. მას როგორც ბელეტრისტს უფრო იცნობენ, ვინემ როგორც პუბლიცისტს და მოაზროვნეს, მაგრამ მისი მხატვრული ნაწერებიც არ არის სათანადოთ შესწავლილი და ამ დარგშიაც იგი ყალბად არის გაშუქებული. რაც შეეხება მის მოღვაწეობის სხვა მხარეებს და განსაკუთრებით მისი აზროვნების განვითარებას და სოციალ-პოლიტიკურ მსოფლმხედველობას—ამ მხრივ გ. წერეთელი სრულიად არ არის შესწავლილი. და უნდა ვსთქვათ, რომ ეს ერთობ ძნელი საქმეც არის მანამ, სანამ არ იქნება სისრულეში მოყვანილი და გამოცემული აკადემიური წესით მთელი მისი ნაწერები.

როგორც ვთქვით, გ. წერეთელმა თავისი მოღვაწეობა დაიწყო, 60-იან წლებში. თუ გვინდა გავიცნოთ მისი აზროვნების ხასიათი უნდა გამოვარკვიოთ მაშინდელი ეპოქის შინაარსი, მისი ეკონომიური სტრუქტურა, საწარმოო ძალთა განვითარების დონე და სოციალურ ფენათა ურთიერთობანი, ერთი მხრივ, და ის იდეოლოგიური ბრძოლა, რომელსაც ენერგიულად აწარმოებდა მაშინდელი ახალთაობის ინტელიგენცია დახავსებული აზროვნების წინააღმდეგ, მეორე მხრივ.

მე-19-ე საუკუნის 50-60-იანი წლების ჩვენ ეპოქას სამი დიდი მომენტი ახასიათებდა: 1) ეკონომიურად კრიზისი ნატურალური მეურნეობისა და კაპიტალისტური ურთიერთობის მშობიარობის პროცესები; 2) სოციალურად ძველი წოდებრივ-საზოგადოებრივ ურთიერთობის რღვევა და ახალი სოციალური ფენების კონსოლიდაციის დასაწყისი; 3) იდეოლოგიურად 60-იან წლების რუსეთის ახალ მიმდინარეობისა და პროგრესიულ-დემოკრატიული დარევიოლუციონური აზროვნების გავლენით ჩვენს ინტელიგენციაში დაი-

წყო დიფერენციაცია, ძველი პატრიარქალური ოჯახი ქართული კულტურის მესვეურთა დაირღვა და ცხოვრების ახალ მოთხოვნებთან ნიადაგზედ ახალი მიმდინარეობანი ჩამოყალიბდა სხვა გვარი იდეოლოგიითა და ზრახვებით; არსებითად ჩვენი საზოგადოებრივი აზროვნების სფეროში მომხდარი დიფერენციაცია გამოწვეული იყო საზოგადოებრივ ურთიერთობაში მომხდარი ცვლილებებთან, კლასთა დამოკიდებულებების გადაჯგუფებით, ახალი სოციალური მოთხოვნა-ლებებით.

მე-19-ე საუკუნის ჩვენი ეკონომიური ცხოვრების ისტორიული ვითარების შესწავლა შეუძლებელია ამიერ-კავკასიის და უმთავრესად რუსეთის ეკონომიური ვითარების შესწავლის გარეშე. 1801 წლის აქტით რუსეთის თვითმპყრობელობამ არა მარტო პოლიტიკურად დაიპყრო ამიერ-კავკასია, არამედ ეკონომიურადაც იგი თავის კოლონიად გადააქცია. რუსეთის იმპერიალისტური პოლიტიკის მთავარი მომადრავებელი ფაქტორი იმ პერიოდში სავაჭრო კაპიტალი იყო და ამიერ-კავკასიის დაპყრობით რუსეთის სამხედრო ძალამ ეკონომიურად გზა გაუხსნა რუსეთის სავაჭრო კაპიტალს და ფართო სარბიელი გადაუშალა ჩვენში სამოღვაწეოდ. ამრიგად რუსეთის პლიტიკური ბატონობის განმტკიცებთან საქართველოში, მთელი ჩვენი მხარე და ამიერ-კავკასია რუსეთის ბურჟუაზიის საექსპლოატაციო ობიექტად გადაიქცა: ამ სამეურნეო რაიონებს უნდა დაეკმაყოფილებია აღორძინების და სწრაფი განვითარების გზაზე შემდგარ რუსეთის სავაჭრო და სამრეწველო კაპიტალის ინტერესები.

მაგრამ რუსეთის კაპიტალსა და რუსეთის ბურჟუაზიას ყოველპერიოდში ერთი და იგივე კოლონიალური მოთხოვნილებანი არ ჰქონია. რამდენადაც რუსეთში ვითარდებოდა კაპიტალიზმი და იცვლებოდა მისი კოლონიალური მოთხოვნილებანი, იმდენადვე მისი პოლიტიკაც ამიერ-კავკასიისადმი განიცდიდა საგრძნობ ცვლილებებს.

საქართველოს დაპყრობის პირველ პერიოდში რუსეთის სავაჭრო კაპიტალი უხეში და ტლანქი ფორმებით იჭრებოდა ამიერ-კავკასიის ცხოვრებაში და პირველადი კაპიტალისტური დაგროვების სარბიელად გადააქცია იგი. 30-იან წლებში რუსეთის კაპიტალი დაინტერესებული იყო საქონლის გასასაღებელ ბაზრის მოპოვებით და მთავარმართებელი ბარ. როზენის მთელი ეკონომიური პოლიტიკა რუსეთის კაპიტალის ამ ინტერესებს დაეკმაყოფილებოდა. იყო მიმართული. მაგრამ 40-იან წლებში რუსეთში სამრეწველო კაპიტალიზმის განმტკიცებით ამიერ-კავკასიისა და საქართველოსადმი ინტერესი უფრო გაფართოვდა: ა-კავკასია უნდა გადაქცეულიყო არა მარტო

რუსეთის ბურჟუაზიის საქონლის გამსაღებელ ბაზრად, არამედ მას უნდა მიეწოდებია ნედლი მასალაც რუსეთის ფაბრიკა-ქარხნებისათვის.

რუსეთის ბურჟუაზიის ეკონომიურ ინტერესების საფუძვლებზედ აღმოცენდა შეფის მოადგილის მ. ს. ვორონცოვის სამეურნეო პროგრამაც 40-იან და 50-იან წლებში. ერთი მხრივ, თუ მან გააუმჯობესა მიმოსვლის საშუალება და ამ რიგად როგორც ამიერკავკასიაში სხვა და სხვა ცენტრები დაუახლოვა ერთი მეორეს, ისე მთელი ამიერკავკასია მაგრად გადააჯაჭვა რუსეთს და ფათრო საშუალება მისცა რუსეთის ბურჟუაზიას მოღვაწეობისათვის, მეორე მხრივ, თავისი სასოფლო-სამეურნეო პოლიტიკით ვორონცოვი ხელს უწყობდა სოფლის კაპიტალიზაციის პროცესს და რუსეთის ფაბრიკა-ქარხნებისათვის საჭირო ნედლი მასალის დამზადებას; მესამე მხრივ, ცნობილ „პრიკაზის“ დაარსებით ვორონცოვმა ადგილობრივ მემამულეებს მისცა საშუალება ფულის შოვნის და ამით გზა გაუხსნა რუსეთის საქონელს გასასაღებლად. განსაკუთრებით აღსანიშნავია ვორონცოვის პოლიტიკა, რომელიც მიზნად ისახავდა ამიერ-კავკასიის სასოფლო-მეურნეობის რაციონალურ საფუძვლებზე გადაყვანას: მის მიერ დაარსებულ „ამიერ-კავკასიის სასოფლო-სამეურნეო საზოგადოების“ მთავარ ამოცანას შეადგენდა ხელა შეეწყო სოფლის მეურნეობის რაციონალურად დამუშავებისათვის ახალი სასოფლო ფარალების მიწოდებით, კარგი თესლის გამოწერით და გამოცდილი აგრონომების დახმარებით¹⁾.

ამ რიგად საზოგადოებამ ძლიერ წაახალისა მემამულეები და ისინიც შეუდგნენ სოფლის მეურნეობის ახალ საფუძველზე მოწყობას; განსაკუთრებული ყურადღება ექცეოდა საფაბრიკო ნედლი მასალის დამზადებას (თუთუნი, ბამბა, მარენა, შაფრანი და სხვა) მაგრამ ამით არ ამოიწურებოდა ამ საზოგადოების მიზანი.

მის ამოცანას შეადგენდა ისიც, რომ მიეწოდებია ნედლი მასალა რუსეთის ბურჟუაზიისათვის: „посредничество между производителями сельских произведений и фабрикантами для открытия и усиления сбыта местных произведений“—ასე მეტყველებს წესდების ერთი მუხლი²⁾. „Если дух промышленности — სწერს კოლოდევნი 1851 წელს,—этот могучий рычаг народной деятельности, при содействии заботливого правитель-

1) Колодеев: „Обзор действий наместника Кавказского для развития сельского хозяйства“ 1851 წ.

2) იხ. იქვე, გვ. 101.

ства более разовьется в производителя Закавказского края, то эта страна, снабжая Россию многими колониальными произведениями, может сделаться богатейшим уголком нашей империй¹⁾.

ამ პოლიტიკამ თავისი ნაყოფი გამოიღო. 50-იან წლებიდან საქართველოში უკვე იწყება ნელი პროცესი სამრეწველო კაპიტალიზმის განვითარებისა, რაც ბატონყმობის მოსპობის შემდეგ უფრო ჩქარი ტემპით განვითარდა. მართლაც, აღსანიშნავი არის ჩვენი ეკონომიური ცხოვრების განვითარების ტემპი მე-19-ე საუკუნის პირველ ნახევარში. ა/კავკასიის სავაჭრო ურთიერთობის დამოკიდებულება რუსეთსა და უცხოეთის ქვეყნებთან ნათლად გვიჩვენებს, ერთი მხრივ, ჩვენი ეკონომიური განვითარების ტემპს, მეორე მხრივ, იმას თუ როგორ გადაიქცა ჩვენი მხარე უცხო კაპიტალის საექპლოატაციო ობიექტად. მაგ. მთელი ამიერ-კავკასიის სავაჭრო ურთიერთობა უცხოეთის ქვეყნებთან შემდეგნაირად ვითარდებოდა: 1822 წ. შემოტანილი და გატანილი იყო—1.289.108 მან. საქონელი; 1840 წ.—4.426.724 მ.; 1851 წ.—5.298.233 მ.; 1860 წ.—7.368.084 მან.; 1865 წ.—13.193.198 მან.; 1870 წ.—15.388.718 მან.²⁾ ეს მხოლოდ უცხოეთთან სავაჭრო ურთიერთობის ხაზით.

50-იან წლებიდან უკვე იწყება ჩვენში საფაბრიკო ცხოვრების გამოცოცხლების ნიშნები,—1852 წ.—ტფილისში იხსნება პირველი თუთუნის ფაბრიკა, მეორე 1858 წ. იმავე წელს ტფილისის გუბერნიაში 239 წვრილი ტიპის ფაბრიკა-ქარხანა იყო.³⁾

„მამულის პატრონობისა და ვაჭრობის გაზეთი“ „გუთნის დედა“ სწერდა: „თავის დღეში არ ყოფილა ამთენი მსურველი ახალის მაშინების ანუ ახალი თესლების დაბარებისა, არც ამთენი მოთხოვნილება სხვა და სხვა ხენა-თესვის ნაწილებზედა ჯარიგებისა, არც მომხმარები მამულზე ამთენი ფულისა; ბოლოს დროს ტფილისში და გარეშე აშენდა რამთენიმე ქარხნები, რომელიც არ შეარცხვენდნენ თვით ევროპის მხარესა და გამოჩნდნენ მამულის მკეთებელნი სოფელშიაც, სადაც მოაწყვეს თავიანთი მამულები მშვენიერს და ანგარიშიანს წესებზედ.“⁴⁾ ასეთი არის ჩვენი ეკონომიური ცხოვრების განვითარების მოკლე სურათი იმ პერიოდში, როდესაც ჩვენში ჯერ

1) იქვე გვ. 95.

2) „Кавказский календарь за 1879 г.“ გვ. 342-5.

3) Сборник материалов для описания Тифлисской губер. ტ. I, ნაწ. I გვ. 72-74, 1870 წ.

4) იხ. „გუთნის დედა“ № 1, 1863 წ.

კიდევ არსებობდა ბატონყმური წყობილება, რომელიც კაპიტალისტური ურთი-ერთობის განვითარების უდიდეს შემფერხებელ ძალას წარმოადგენდა.

მაგრამ კაპიტალისტური ურთი-ერთობის განვითარება აუცილებლად იწვევს ძველი, დახვესებული წყობილების რღვევის პროცესებს, მის საფუძვლებზედ აღმოცენებულ სოციალური ურთიერთობის შერყევას. მართლაც რუსეთის კაპიტალიზმის ზეგავლენით განვითარებულმა ახალმა ეკონომიურმა ფაქტორებმა გამოიწვია ჩვენში, ერთი მხრივ, ნატურალური მეურნეობის და ბატონყმური წყობილების რღვევის პროცესი და, მეორე მხრივ, სოციალურ ურთიერთობათა გამძაფრება, რაც გამოიხატება მემამულეთა და გლეხთა შორის გამწვავებულ ბრძოლაში და ახალი სოციალური ფენების წარმოშობაში.

მაგრამ საქართველოში ბატონყმობის მოსპობის ერთ-ერთი მთავარი ეკონომიური მიზეზი რუსეთის სამრეწველო კაპიტალის ინტერესებში უნდა ვეძიოთ. ეს კაპიტალი ვეღარ ეგუებოდა ბატონყმურ წყობილების ფორმებს თავის კოლონიებში; ახალი კაპიტალისტური ეკონომიკა ვეღარ ეტეოდა ნატურალურ—ბატონყმურ მეურნეობის ჩარჩოებში, ახალი საწარმოო ძალთა განვითარების აუცილებლობა მოითხოვდა ამ უკანასკნელის მოსპობასა და კაპიტალისათვის თავისუფალი სარბიელის შექმნას. ამრიგად ნატურალურ-ბატონყმურ წყობილების დარღვევა ეკონომიურად აუცილებელი ხდებოდა ჩვენშიაც.

აღსანიშნავია ერთი საინტერესო ფაქტი: ის მემამულეები, რომელნიც შეუდგენ ვორონცოვის პოლიტიკის ზეგავლენით სოფლის მეურნეობის აღორძინებას, რაციონალურად მოწყობასა და სავაჭრო მიზნებით სასაფლო პროდუქტების დამზადებას, ნათლად დარწმუნდნენ, რომ დაქირავებული შრომა უფრო იაფი ჯდება, ვინემ თავისი ყმის შრომა. 1857 წ. ბარ. ნაკოლაი, რომელსაც ტფილისის გუბერნიის ფერმაც ჰქონდა მოწყობილი, სწერდა: „Крестьянин на господской работе ест много, а работает мало... потребляет столько, что его работа оказывается очень дорогою; она не только не обходится менее наемной, но в сущности чуть-ли не дороже... И есть такие (помещики), которые желали бы и даже пытались заменить эту повинность денежным оброком,—явное доказательство того, что эта работа дорога, и может быть дороже работы посредством наемных рук.“¹⁾

1) იხ. „Записки кавказского общества сельского хозяйства“ გვ.13-15; 1857 წ.

ეს ციტატა მეტის მეტად საინტერესოა და მრავლის ამხსნელი. იგი ნათლად გვიმტკიცებს, რომ ჩვენში წამოწყებული ახალი ეკონომიური ურთიერთობა, მისი საწარმოო ძალთა განვითარების აუცილებლობა ვეღარ ეტეოდა ძველი წყობილების ფორმებში და მისი ინტერესი მოითხოვდა ამა თუ იმ სახით ამ ძველი ჩარჩოების დაშლას.

ეს გარემოება საუცხოვო გასაღებს გვაძლევს იმისათვის, თუ სად უნდა ვეძიოთ ჩვენ სოციალ-ეკონომიური მიზეზები იმ თავდაზნაურულ-ლიბერალური პროგრამისა, რომლის წარმომადგენლები 60-იან წლებში კ. მამაკაშვილი, მ. თუმანაშვილი, ი. კერესელიძე, ნ. ჭავჭავაძე და სხვ. იყვნენ და რომელნიც გლახთა განთავისუფლებას მოითხოვდნენ.

უკვე 50-იან და 60-იან წლებში ჩვენი ინტელიგენციის საუკეთესო წარმომადგენლები ნათლად გრძნობენ, რომ საქართველოში ახალი ეპოქა დაიწყო, ეპოქა ევროპის ცივილიზაციის განვითარებისა.

მაგრამ ამ ახალი სამეურნეო ფაქტორის შემოჭრა ჩვენს ქვეყანაში ყველაზე უფრო ნათელი შეიქნა ბატონყმობის მოსპობის შემდეგ, როდესაც გაიყვანეს ჩვენში რკინის გზები, გაცხოველდა წარმოება, გამრავლდა ფაბრიკა-ქარხნები, ფართო მაშტაბით დაიწყო სამთომადნო მრეწველობის განვითარება (ნავთი, მარგანეცი, ქვა-ნახშირი).

ეს იყო პერიოდი, როდესაც რუსეთისა და ევროპის სამრეწველო კაპიტალი მჭიდროდ შემოიჭრა ამიერკავკასიაში, რომელსაც აინტერესებდა არა მარტო ადგილობრივი ბაზარი თავისი საქონლის გასასაღებლად და ჩვენა ნედლი მასალა, არამედ იგი დაინტერესებული იყო აგრეთვე თავისი კაპიტალის ადგილობრივად ამოძრავებით.

ეს ეკონომიური ფაქტორებზე თავიდანვე ნათლად შეამჩნია გ. წერეთელმა და არა ერთ ნაწარმოებში დაუსაბუთებია და დაუსურათებია ჩვენში ნატურალურ მეურნეობის რღვევისა და კაპიტალიზმის განვითარების პროცესები¹⁾.

2

მაგრამ კაპიტალიზმის განვითარება თავისთავად ნიშნავს ძველ სოციალურ ურთიერთობაში ღრმა ცვლილების შეტანასა და ახალი კლასების წარმოშობას. ამ პროცესსაც ვერ ასცდა საქართველო და არც შეიძლებოდა ასცდენოდა: იქ სადაც კაპიტალისტური წყობილება ვითარდება, ბუნებრივად ხდება წვრილი ბურჟუაზიის გაკოტრება, მათი გაღატაკება და მათი წრიდან პროლეტარული კლასის წარმოშობა; მეორე მხრივ სოციალური ცხოვრების ზედა ფონზე-ეცემა ძველი წოდება და მტკიცდება ახალი მებატონე ბურჟუაზიის სა-

1) იხ. მაგ. „გულქანი“ და „პირველი ნაბიჯი“.

ხით. აქაც გ. წერეთლის კალამი მახვილი გამოდგა, ხოლო მისი პუბლიცისტური ნიჭი უფრო რეალური აღლოს მატარებელი: მან 60-იან წლებშივე შეამჩნია ჩვენი ძველი სოციალური შენობის რღვევის პროცესი და ახალი საზოგადოებრივი კლასების განვითარება¹).

მაგრამ ამ ღრმა ეკონომიურ-სოციალური ხასიათის ცვლილებებს არ შეიძლებოდა თავისი შესაფერისი ცვლილება არ გამოეწვია იდეოლოგიის სფეროშიაც და სწორედ ამ ცვლილებების შედეგი იყო ის მნიშვნელოვანი გონებრივი მოძრაობა, რომელსაც ადგილი ჰქონდა 60-იან წლების საქართველოში. ამ აზროვნების გამოცოცხლებისა და აყვავების საქმეზე აუცილებლად დიდი გავლენა იქონიან 60-იანი წლების რუსეთის რადიკალურ-დემოკრატიულმა მიმდინარეობამ. ჩვენი ახალთაობის ინტელიგენცია აღიზარდა რუსეთის იდეოლოგიური მოძრაობის ზევაგლენით: ამ ინტელიგენციამ გადმოიტანა ჩვენში რუსეთის 60-იან წლების პროგრესიულ-დემოკრატიული მისწრაფებანი. ამრიგად რუსეთის ინტელიგენციის დახმარებით შესძლო ჩვენმა ინტელიგენციამ ახალ პირობებში ახალ იდეოლოგიის გამო-მუშავება²).

ჩვენი საზოგადოებრივი აზროვნების დიფერენციაცია 60-იან წლებში უდავო ისტორიულ ფაქტს წარმოადგენს. წინადა, 60-იან წლებამდე, თუ ჩვენ აზროვნებაში გაბატონებული იყო თავად-აზნაურული იდეოლოგია და მხოლოდ კანტი-კუჩტად მოსჩანდა ახალ ლიბერალურ მისწრაფებათა ჩანასახი, 60-იან წლებში ჩვენი საზოგადოებრივი აზროვნების აღორძინებასთან ერთად დაიწყო მისი დიფერენციაციის საგრძნობი პროცესი, რაც აუცილებელი შედეგი იყო ჩვენში დაწყებულ სოციალურ-ეკონომიური ცვლილებებისა.

ამ მხრივ ჩვენ უნდა აღვნიშნოთ ოთხი უმთავრესი მიმდინარეობა 60-70-იან წლების ჩვენს ინტელიგენციაში: 1. კონსერვატიული — დამცველი არსებული საზოგადოებრივ ურთიერთობისა და გამომხატველი თ.-აზნაურთა წოდების დიდი უმეტესობის მისწრაფებათა. რეფორმის დასაწყისში ეს მიმდინარეობა მთელი თავისი ენერჯიით იბრძოდა ბატონ-ყმობის მოსპობის წინააღმდეგ, მაგრამ როდესაც ეს შეუძლებელი შეიქმნა, მაშინ მან წამოაყენა გლეხების ხიზან-

1) მაგ. შეადარეთ: გ. წერეთელი: „ამ დროის მოძრაობა“ უფროს. „კრებულის“ № 3, 1873 წ. და მისივე: „ქუთაისის საადგილ-მამულო ბანკი და ინტელიგენტთა პარტიები“ „კვალი“ № 11, 1899 წ.

2) რუსეთის აზროვნების გავლენა ქართულ ინტელიგენციაზე მთელ რიგ წერილებში აღნიშნა გ. წერეთელმა; საგულისხმეო ფაქტებს „მგზავრის წერილებშიაც“ ვპოულობთ (იხ. მეორე ნაწილის დასაწყისი).

თა მდგომარეობაში გადაყვანის პროექტი. ამ კონსერვატიული აზროვნების საუკეთესო წარმომადგენელი იყო დიმ. ყიფიანი, გრ. ორბელიანი და საერთოდ ყურნ. „ცისკარი“; 2. თავადაზნაურულ-ლიბერალური მიმდინარეობა, რომელიც გამოხატავდა მაღალი წრეების შვირთაგანის პროგრესიულ მისწრაფებას. ამ ჯგუფმა შეიგნო ბატონ-ყმობის მოსპობის აუცილებლობა; იგი ფიქრობდა ევროპის ცხოვრების ახალი ვითარება დაემყნა საქართველოს მაშინდელ ნიადაგზე, მაგრამ იგი არ სცილდებოდა თავის წოდებრივ თვალსაზრისს. ჟუკეთ რომ ვსტევათ, იგი სცილდებოდა თავად-აზნაურული წოდება შეეგუებია ახალი ეკონომიური ვითარებისათვის (კ. მამაცაშვილი, მ. თუმანიშვილი და სხვ.); 3. ლიბერალურ და რადიკალ-დემოკრატიული მიმდინარეობა, რომელიც ებრძოდა რა ბატონყმურ წყობილებას, პოტენციაში გამოხატავდა ახალთაობის ინტელიგენციის ბურჟუაზიულ-დემოკრატიულ მისწრაფებებს. ამ მიმდინარეობის გამოხატველი იყო ყურ. „საქართველოს მოამბე“ (1863 წ.), გაზ. „დროება“ (დაარსდა 1866 წ.) და მთელი ის წყება ახალგაზრდა ინტელიგენტებისა, რომელნიც აღიზარდნ რუსეთის 60-იან წლების აზროვნებაზე. შემდეგში ეს თერგდალეულთა ჯგუფი გაიყო ორ საწინააღმდეგო ბანაკად, რომლის შესახებაც ქვევით გვექნება საუბარი. ამ ჯგუფს ეკუთვნოდა თავიდანვე. წერეთელიც; 4. ნაროდნიკულ-სოციალისტური მიმდინარეობა, რომელმაც 60-იან წლებში შეითვისა რუსეთის რადიკალური აზროვნება და ნაროდნიკული სოციალიზმის საფუძვლები. შემდეგში ამ მიმდინარეობამ ფართო ხასიათი მიიღო ჩვენში, და 1872 წელს უკვე ჩამოყალიბდა ნაროდნიკულ-რევოლუციონური ორგანიზაცია, ხოლო 60-იან წლებში ამ იდეების საქართველოში შემომტანი იყვნენ: ან ფურცელაძე, ნ. ნიკოლაძე და სხვ.

როგორც აღვნიშნეთ, გ. წერეთელი 60-იან წლების რუსეთის რადიკალურ-დემოკრატიულ მიმდინარეობაზე აღიზარდა. ჯერ კიდევ ახალგაზრდა 19-20 წლისა იგი ითვლებოდა „პაწაწა“ კავკასიელების წრის* წევრად პეტერბურგში. 1861 წ. მან სხვა ქართველ სტუდენტებთან ერთად მხურვალე შონაწილეობა მიიღო სტუდენტთა არეულობაში¹⁾ და შემდეგ, როდესაც ამ არეულობის მეთაურები დააპა-

¹⁾ თავის „ჩვენი ცხოვრების ყვავილში“, გ. წერეთელი შეეხო სტუდენტთა ამ არეულობას, მაგრამ ცენზურას ზოგიერთი ადგილები ამოუღია. აქ ვკითხულობთ, „186... წელს ოქტომბრის 20-ს ის (დიტო) გულსმოდგინეთ ისმენდა პეტერბურგის უნივერსიტეტის ზალაში ერთი მშვენიერი ახალგაზრდა სტუდენტის აღვლევბულს სიტყვას. ამ ზალაში იმ დროს ორას სტუდენტამდის იყო მოგროვი-

ტიმრეს, იგიც სხვა ქართველ სტუდენტებთან ერთად რამოდენიმე თვე იჯდა კონსტანტინის საპატიმროში¹).

ასე ჩაება გ. წერეთელი ახალ განმათავისუფლებელ მოძრაობაში. მან არა მარტო შეითვისა ახალი მოძღვრების შინაარსი, არაშედ მთელი თავისი ენერჯით სცდილობდა ამ იდეების საქართველოში გადმონერგვასა და რეალურ სინამდვილეში განხორციელებას.

60-იან წლების რუსეთის მოაზროვნეთა ხალხისადმი სიყვარულს და ხალხთან დაახლოვება გ. წერეთელმა უყოყმანოდ შეითვისა. ჩვენ ვფიქრობთ, ავტობიოგრაფიულ ცნობას გადმოგვცემს გ. წერეთელი, როდესაც გვი თავის „მგზავრის წერილში“ აგვიწერს ერთ საინტერესო ფაქტს ქართველი ინტელიგენტის ცხოვრებიდან; აქ ჩვენ ვკითხულობთ: „სადათა (ამ ტიპში თავისი თავი ჰყავს გამოყვანილი გ. წერეთელს) ერთი წელიწადია, ზაც დაბრუნებულყო უნივერსიტეტიდან შეუძლებლობის გამო (თვითონ გიორგი წერეთელი პეტერბურგიდან დაბრუნდა 1864 წ.), რადგან სამსახურის სუოვილი არ ჰქონდა და არც უნდოდა შინ ტყუილად პური ექამა, ამისათვის იწყო სიარული სოფლად და ქ...ს (ქუთაისის) მახლობლად ვახსნა გლეხებისათვის სკოლა. პირველად სკოლაში სწავლა ძალიან კარგად წავიდა, გლეხებიც ძალიან კმაყოფილნი იყვნენ ახალი მასწავლებლისა, სახლი უშოვეს, სკამები, პაწაწინა წიგნის საკითხავი ტაბაკებიც და ბოლოს სამ-სამა შაურიც მოაგროვეს გლეხების თავზე, რომ წიგნები ეყიდნათ. თვითონ მას გლეხები არჩინდენ თავის პურღვინათ; ცოტა ხანს იქით სოფელს მოჩივარაში გაეარდა ხმა წერიმან აზნაურობაში, რომ ერთი ვიდაც რუსეთელი ახალგაზრდა მოსულა და გლეხებს აგონებს: „თქვენ ბატონებს ნუ ემსახურებით, თქვენ და თქვენი ბატონები სულ ერთი ხართ“. ბოლოს აზნაურებმა კაი-კაი მოსცხეს „ამ თავხედ რუსეთელ ინტელიგენტს“²).

ასეთი აღტაცებისა და აღფრთოვანების მატარებელი პიროვნება იყო გ. წერეთელი. მან არსებითად შეითვისა 60-იან წლების რუსეთის გონებრივ მოძრაობის ნაყოფი და მთელი თავისი ძალღონით სცდილობდა გადმონერგვა ეს იდეები საქართველოში. ჯერ კიდევ 60-იან წლების დასაწყისში, როდესაც ილ. ჭავჭავაძემ ცხარე

ლი და ყველას დადად აღელვებდა კათედრიდან მოლაპარაკე ახალგაზრდა“... (იხ. „კრებული“ № 2, გვ. 71; 1873 წ.) როგორც სჩანს, გ. წერეთელს „ჩვენი ცხოვრების ყვაილის“ მეორე ნაწილის დაწერაც სდომებია.

¹) ამის შესახებ ცნობა გვრცენის „კოლოკოლიშიაც“ არის მოთავსებული (იხ. 1861 წ. „კოლოკოლი“ № 114.

²) გ. წერეთელი: თხზულებანი, გვ. 315—17; 1926 წ.

ბრძოლა გააჩაღა ჟურნ. „ცისკრის“ წინააღმდეგ, გ. წერეთელი ენ-ტუზიანზმით მიეგება ამ ბრძოლას და თვითონაც მიიღო მონაწილეობა „ცისკრის“ წინააღმდეგ წარმოებულ კამათში. გ. წერეთლისათვის უკვე გარკვეული იყო, რომ ეს ახლად გაჩაღებული ბრძოლა ქართულ ლიტერატურაში ძველსა და ახალ თაობას შორის არსებითად გამო-ნატავდა ბრძოლას პროგრესულ და კონსერვატიულ მიმდინარეობათა შორის; რომ ილ. ჭავჭავაძისა და მისი ჯგუფის მიერ წარმოებულ ბრძოლით იწყებოდა ახალი პერიოდი ქართული საზოგადოებრივი აზროვნების ისტორიაში, რომ ახალმა თაობამ, რუსეთის 60-იანი წლების იდეებით შეიარაღებულმა, უკვე ჩაუყარა საფუძველი იმ მიმდინარეობას, რომელსაც უნდა გაერღვია საქართველოს საუკუნოებით დახანგებული საზოგადოებრივი ურთიერთობა.

ამაში დარწმუნებული იყო გ. წერეთელი და ამიტომ სხვა თერგდალეულებთან ერთად იგიც, 20 წლის ახალგაზრდა სტუდენტი, ჭაბუკური აღფრთოვანებით ესალმებოდა. ძველი წყობილებისა და დახანგებული აზროვნების წინააღმდეგ მებრძოლთა პირველ კოლონებს

ჩვენ აქა ვართ სამნი ძმანი,
სამნივე თერგდალეულთაგანი,
მე განლაგარ გორისელო,
ერთი ამ სამ ძმათაგანი¹)...

ასე ათავებდა თავის წერილს ერთ-ერთი თერგდალეული²), რომელიც იცავდა ილ. ჭავჭავაძეს კონსერვატიულ მოაზროვნეთა თავდასხმისაგან, და რომელმაც პეტერბურგის ქართველ სტუდენტების სახელით ლაპარაკობდა.

მაგრამ გ. წერეთელი არა მარტო ძველსა და ახალთაობათა შორის დაწყებულ ბრძოლას ხედავდა და თვითონაც აქტიურ მონაწილეობას ლებულობდა შიგ, არამედ მისთვის უკვე ცხადი იყო, რომ ჩვენი ძველი დახანგებული საზოგადოებრივი წყობილება დაიძრა ძველი კალაპოტიდან და ახალი ურთიერთობის ფორმებს ჩაუყარა საფუძველები. 1863 წ. ჟურნ. „ცისკრის“ წინააღმდეგ მიმართულ წერილში გ. წერეთელი სწერდა: „მთელი კაცობრიობის ცხოვრება... თავის თავად არც ძველდება და არც წარმავალია; ძველდება მხოლოდ მისგან გამონაკვლევნი ფორმა, მისგან შემუშავებული საზოგადო წყობილება, რომელიც იმ დროში ამ ცხოვრების მოთხოვნნილებას მხოლოდ³

1) იხ. „ცისკარი“ № 4 გვ. 365, 1862; წ.

2) ამ წერილის ავტორი პოეტი აკ. წერეთელი იყო.

აკმაყოფილებდა. თანდათან ხალხის განათლებით, რასაკვირველია, თავად ცხოვრების მოთხოვნილებაც, მის კეთილ მდგომარეობისამებრ, უფრო და უფრო ვრცელდება და მრავლდება სხვადასხვაობით; მაშასადამე რამოდენიმე საუკუნის წინ დაარსებული საზოგადო წყობილება და მისგან მონაპოვარი საშვალელებაც ვეღარ აკმაყოფილებს ამ ცხოვრების მოთხოვნილებასა. აშკარაა რომ საზოგადო ფორმამ განვლო თავისი საუკუნე, დაძველდა და ამის გამო ან სულ უნდა მოდსპოს და ან გადაკეთდეს ახლად შემოსულ მოთხოვნილებისამებრ...

რადგანაც კაცის გონიერებას მოსდგამს მუდამ სისრულეში მოვალეობა, არაოდეს არც ხალხის ცხოვრება არ დარჩება მუდამ ერთ და იმავე მდგომარეობაში. აღიძვრის თუ არა ცხოვრებაში იმდენი ძალა, რომ საკმაო იქნება ახალ საშუალების მოსაპოვებლად და ძველი ფორმის გადასაგდებად, იმავე წამს ცხოვრების წინმსვლელობაც დაიძვრის და ატყდება გამწარებული ბრძოლა ძველ წყობილების და ახალ მოთხოვნილების შუა¹⁾.

ასე სწერდა გ. წერეთელი 1863 წ. და ამით იგი ნათლად აყენებდა იმ სოციოლოგიურ დებულებას, რომ საზოგადოებრივი წყობილება არ ჩერდება ერთ წერტილზე, რომ იბადება ახალი მოთხოვნილებანი, რომელიც მოითხოვს ძველის მოსპობასა და ახალი ურთიერთობის დამყარებას; გ. წერეთელის აზრით, ახალი თაობის მოვალეობაა ხელი შეუწყოს ამ ახალი წყობილების მშობიარობის პროცესს, გახდეს მისი შეთაური და გამომხატველი. „ცისკრის“ საყურადღებოდ იგი სწერდა: „ჩვენ საზოგადოებაში დაიძრა ცხოველი სული, იმას უნდა ცხოველი სიტყვა; მაშასადამე „ცისკარს“ თუ თავის სიკვდილი არ უნდა უსათუოდ უნდა დასტოვოს ის გზა, რომელზედაც აქამდინ მიდიოდა, გაავდოს მიშურა, გარეგანი სიბრკიალე და ჩაღრმავდეს სიკოცხლის მორევში მარგალიტების მოსაბოჭად“²⁾.

„ცისკარს“ არც შეეძლო და ვერც შესძლო ახალი ცხოვრებისა და ახალი აზროვნების გამომხატველ ორგანოდ გადაქცეულიყო. სამაგიეროთ გ. წერეთელი გახდა ამ ახალი ცხოვრებისა და მისწრაფების გამომსახველი: 60-იან წლებში მის მიერ დაარსებული ლიტე-

1) გ.-თელი (გ. წერეთელი): „ცისკარ“-ს რა აკაკანებდა?“ — „საქართველოს მოამბე“ № 5, 1863 წ.

2) იქვე.

რატურული ორგანოები ახალი ცხოვრებისაკენ მოუწოდებდა ქართველ საზოგადოებას.

როგორც ვწერდით, რეფორმის შემდეგი პერიოდი ჩვენში კაპიტალისტური ურთიერთობის სწრაფი განვითარებით ხასიათდება. მაგრამ რეფორმამ ვერ აღმოფხვრა ძველი წყობილების ნაშთები, ვერ გაანთავისუფლა გლეხი მემამულის ბატონობისაგან და ამით კაპიტალიზმის განვითარებას ჩვენში შემაფერხებელი ზღუდეები აღემართა. ეპოქის მორიგ ამოცანად გადაიქცა დარღვევა ამ შემაფერხებელი ზღუდეებისა, აღმოფხვრა ფეოდალური წყობილების ნაშთების და გლეხის საეკსპლუატაციო განთავისუფლება მემამულის ბატონობისაგან. ეს იყო კაპიტალისტური წყობილების განვითარებისა და მისი განმტკიცების აუცილებელი ეკონომიური პირობა. მაგრამ კაპიტალიზმის განვითარებას აფერხებდა არა მარტო ძველი წყობილების სოციალ-ეკონომიური ხასიათის ნაშთები, არამედ თვითმპყრობელობის სახელმწიფოებრივი აპარატიც, რომელსაც სურდა ახალ პერიოდშიაც დაეცვა მემამულეთა ინტერესები და ეს წოდება გაეხადა ცხოვრების მეთაურად. აქედან წარმოსდგა ბრძოლის აუცილებლობა თვითმპყრობელობის წინააღმდეგ, რომელიც ხელოვნურად აფერხებდა საერთოდ მთელს რუსეთსა და კერძოდ საქართველოში კაპიტალიზმის განვითარების საქმეს და სასტიკი რეჟიმის განმტკიცებით ძირშივე სპობდა ყოველგვარ ახალ მოძრაობას, ცხოვრების განახლებისაკენ მიმართულს.

ამრიგად ახალმა საზოგადოებრივმა ურთიერთობამ მორიგ ამოცანად წამოაყენა ბრძოლა ძველი ბატონყმური ნაშთების წინააღმდეგ კაპიტალისტური ურთიერთობის შემდეგი სწრაფი განვითარებისათვის, — ბრძოლა თვითმპყრობელობის წინააღმდეგ, ცხოვრების დემოკრატიზაციისათვის და ბურჟუაზიის ბატონობის გასამტკიცებლად. ასეთი სამოღვაწეო პროგრამა, ასეთი შეუღლება დემოკრატიზმისა ახალ ეკონომიკასთან, არსებითად კაპიტალისტური ურთიერთობისა და ბურჟუაზიის სასიცოცხლო ინტერესებიდან იყო წარმოშობილი. ე. წ. დროებით ვალდებულთა ინსტიტუტმა ჩვენში გლეხი კვლავ დასტოვა მებატონის სრულს მორჩილებაში, იგი კვლავ ყოფილი მებატონის საექსპლუატაციო ობიექტად გადააქცია. ბურჟუაზიის ინტერესი მოითხოვდა გაერღვია ასეთი ურთიერთობა მემამულესა და გლეხობას შორის და უკანასკნელი თავისუფალ მწარმოებლად გაეხადა; ამით ბურჟუაზიას სურდა ფართო ბაზარი შეექმნა თავისი საქონლის გასასაღებლად და თავისუფალი მუშა ხელი ყოლოდა მარაგში თავისი ფაბრიკა-ქარხნებისათვის. გლეხობის საკითხი არსებითად ისტორიულ-ობიექტურ პირობების გამო, გამოიხატებოდა იმაში, თუ

ვინ უნდა ყოფილიყო გლეხობის ექსპლოატატორი: ძველი მემამულე, რომელიც დროებით-ვალდებულთა ინსტიტუტის წყალობით სრული ბატონ-პატრონი გახდა და ათასგვარი გადასახადებით უკანასკნელ ძალღონეს აცლიდა მას, თუ ახალი ბურჟუაზია, რომლის ინტერესიც მოითხოვდა გლეხობა კაპიტალისტური ურთიერთობის მორევში ჩაეთრია, თავის საექსპლოატაციო ობიექტად გაეხადა იგი და ამრიგად ის, რაც მემამულეს მიჰქონდა რენტის სახით, უშვალოდ თავის შემოსავლის წყაროდ გადაექცია.

ასეთი მორიგი ამოცანები წამოაყენა ახალმა, ეპოქამ და ის ინტელიგენტთა ჯგუფი, რომელიც შესძლებდა თავისი სამოღვაწეო პროგრამა შეეფარდებია ეპოქის მოთხოვნილებსათვის, არსებითად ბურჟუაზიის სასარგებლო საქმეს აკეთებდა, სურდა მას თუ არ სურდა, ისტორიულად ბურჟუაზიული წყობილების განმტკიცებისათვის იბრძოდა.

ჩვენში ზოგიერთი მკვლევარი ჰფიქრობს, რომ 60-იან წლების დასაწყისში სამოღვაწეოდ გამოსული ახალი თაობა ერთ მთლიან ოჯახს წარმოადგენდა და მათში არავითარ წინააღმდეგობას არ ჰქონდა ადგილი 1877 წლამდე. მაგრამ ესეთი დებულება ფაქტიურად არ შეესაბამება ისტორიულ სინამდვილეს. ისტორიული ფაქტია, რომ 60-იან წლებში გამოსული ჩვენი ახალი თაობა ვერ დადგა ბოლომდე თავის სიმაღლეზე და მალე დაიწყო მისი რღვევის პროცესები. თუ პირველ პერიოდში ამ ინტელიგენციას უაღრესად აინტერესებდა ბატონყმობის მოსპობის საკითხი და ჩვენი ცხოვრების ახალი ფორმებით განვითარება, მეორე პერიოდში, როდესაც ფორმალურად მოისპო ბატონყმობა და გლეხი განთავისუფლდა მონურ მდგომარეობისაგან, როდესაც ჩვენში სხვა დარგებშიაც შეუდგენ „რეფორმების“ გატარებას,—თერგდალეულთა ბანაკში დაიწყო წინააღმდეგობა და რღვევა. თუ პირველ პერიოდში მათ აერთიანებდათ ბატონყმურ წყობილების წინააღმდეგ ბრძოლა, სამაგიეროთ ახალ პერიოდში მათი გეგმები ახალი წყობილების შექმნის საქმეში საგრძნობლად დაუპირისპირდა ერთი მეორეს: ნაწილი მარჯვნივ თავად-აზნაურულ ლიბერალიზმისაკენ გადაიხარა, ხოლო მეორე ნაწილი დემოკრატიულ-რადიკალური იდეოლოგიის გაღრმავების გზას დაადგა.

„სამოციანელთა“ ამ დიფერენციაციის მაჩვენებელი იყო სწორედ ის ისტორიული ფაქტი, რომ 1869 წ. ჩვენში ახალი ჯგუფი შესდგა, რომელსაც „ახალი ახალგაზრდობის“ სახელწოდება დაერქვა და რომელიც კრიტიკულად აფასებდა 1861 წლის ჯგუფის მოღვაწეობას. თვით გ. წერეთელი არა ერთხელ შეხებია 60-იან წლების

თერგდალეულთა დიფერენციაციის პროცესს, როგორც თავის მხატვრულ ნაწერებში, ¹⁾ აგრეთვე პუბლიცისტურ წერილებშიაც. აი რას სწერდა იგი 1897 წელს 60-იანი წლების ქართველი ინტელიგენციის ორ ბანაკად დაყოფის შესახებ; აღნიშნავს რა 1861 წლის ჯგუფის გამოსვლას სამოღვაწეო ასპარეზზე და მის როლს ჩვენს ცხოვრებაში, იგი განაგრძობს:

„სამწუხაროთ ამ ცოცხალმა მოძრაობამ მხოლოდ ერთი წელიწადი გაატანა. „საქართველოს მოამბე“, როგორც მაშინდელი ახალი თაობის ჟურნალი, გამოდგა დღენაკლული. ერთ წელს შემდეგ მასთან ერთად დალია სული თვით ილ. ჭავჭავაძის ახალთაობის წრემაც. ჟურნალის მოსპობასთან ერთად ილ. ჭავჭავაძის წრეც უცბათ დაიშალა. ყველამ მოძებნა თავთავის შესაფერი სახელმწიფო სამსახური. თვითონ თ. ილ. ჭავჭავაძე ჯერ გახდა განსაკუთრებულ საქმეთა მინდობილობის მოხელეთ. მერე მომრიგებელ შუამავლათ და ბოლოს მომრიგებელ მოსამართლეთ; პეტრე ნაკაშიძეც აგრეთვე მოიქცა. ივ. პოლტარაცკი შევიდა უმათავრეს გამგეობის კანცელარიის მოხელეთ, გ. ჩიქოვანი მომრიგებელ შუამავლის კანდიტატათ, სავანელმაც აგრეთვე იმავე თანამდებობაში შერგო თავი, ილ. წინამძღვრი შვილმა, მიხეილ ყიფიანმა და ვახ. თულაშვილმა კი გასამიჯნავ დაწესებულებაში იშოვეს კარგი ადგილები. რაკი მეთაური და მისი წრე ახალი მოძრაობისა მოხერხებულათ დაბინადდენ სხვა და სხვა სახელმწიფო დაწესებულებებში, ქართველ საზოგადოებაში ისევ ჩამოვარდა ჩვეულებრივი მყუდროება. იმ დროს მთავრობის სფეროში დიდი მითქმა-მოთქმა იყო ამ წრის შესახებ, რომლის წევრებსაც მაშინ საშიშ ლიბერალებათ იხსენიებდენ.“ ²⁾

აქ დახასიათებულა იმ დასის წევრთა მოღვაწეობა, რომელნიც 1861 წლის დასს ეკუთვნოდნენ და რომელთა ბელადი ი. ჭავჭავაძე იყო. თერგდალეულთა დარღვევის გამომსახველი სწორედ ის იყო, რომ ამ დასმა „რეფორმები“ მიიღო, თითქოს დაკმაყოფილდა მით და იგი აღარ ცდილობდა მის ჭალრმავებასა და გაფართოებას დე-

1) ამ მხრივ მეტად საინტერესოა მისი რომანი „გულქანი“ (იხ. გვ. 364, 368 და სხვ.) და „მგზავრის წერილების“ მეორე ნაწილი. გ. წერეთლის ბელეტრისტული ნაწერების ერთ-ერთ ტომში გამოქვეყნებული იქნება ნარკვევი: „60-იანი წლების ქართველი ინტელიგენცია გ. წერეთლის ნაწერების მიხედვით“, რომელშიაც ისტორიული მასალების განხილვით გამოკვეთილი იქნება გ. წერეთლის ზოგიერთ მოთხრობის სიუჟეტი და დახასიათებული ტიპები.

²⁾ იხ. წერილი: „კიტა აბაშიძე და ჩვენი ახალგაზრდობა“ — „კვალი“ № 46, გვ. 815, 1897 წ.

შოკრატიულ-რადიკალური პროგრამის მიმართულებით. მაგრამ ქართული საზოგადოებრივი აზროვნების განვითარება ამ წერტილზე ვერ შეჩერდებოდა; ცხოვრებას რეალური მოთხოვნა ჯერო რადიკალურისა და დემოკრატიული დასის მოღვაწეობას მოითხოვდა. იმავე წერილში იგივე გ. წერეთელი განაგრძობს:

„...1866 წლიდან გამოიჩინა ახალი, უფრო პროგრესიული მოძრაობა ქართულ ლიტერატურულ-პუბლიცისტურ სფეროში. ამ დროს გამოიჩინა მეორე დასი. განსაკუთრებით თავი იჩინა ამ მეორე დასმა 1869-დან—1877-დე. ეს დასი შეჯგუფდა და შეკავშირდა „დროება“—„კრებულის“ რედაქციაში. ამ დასის ნამდვილი წარმომადგენლები იყვნენ ნ. ნიკოლაძე, გ. წერეთელი, ს. მესხი, კირილე ლორთქიფანიძე და პეტრე უმიკაშვილი. ამათვე შემოუერთდა განკერძოებულათ მოღვაწე აკაკი წერეთელი. ეს მეორე დასი იყო პროგრესიულ დემოკრატიული მიმართულების მიმდევარი. ამ დასმა განუწყვეტლათ იშრომა ერთათ მთელი ათი წელიწადი—1877 წლამდის. შემდეგ კი განაწილდნ და მოხდა მათ შორის დიფერენციაცია... ამ მეორე დასს სულ სხვა იდეალი შეჰქონდა ცხოვრებაში და ლიტერატურაში, ვიდრე დასს ღუმანიტარულ მიმართულებისას...“

როგორც ხედავს მკითხველი, თუმცა ეს ორი დასი ორავე მესამოცე წლებში გამოვიდნ ლიტერატურის და ცხოვრების ასპარეზზე, მაგრამ ისინი ერთმანეთში ისე განიზიჯეოდნ, როგორც ცეცხლი და წყალი. და ლიტერატურაში მუდამ პრინციპიალურათ იბრძოდნ. ხან და ხან პრაქტიკულ ასპარეზზედაც მოსვლიათ ხოლმე იმათ გამწვავებული შეჯახება“¹⁾.

მკითხველსათვის რომ ნათელი გახდეს 60-იანი წლების ახალი თაობის დიფერენციაციის სურათი, ჩვენ აქ მას მოვავონებთ, რომ 1869 წ. დაარსებულ „ახალი ახალგაზრდობის“ წარმომადგენელმა ნ. ნიკოლაძემ მკაცრად გააკრიტიკა 1861 წლის დასი და მასთანვე ფართოდ მოხაზა ის პროგრამა, რომელიც სამოღვაწეოდ წამოაყენა ახალმა დასმა. ნიკოლაძე სწერდა: „...1861 წლის ახალი თაობა ჩვენ ცხოვრებაში პატიოსანი გრძნობით აღვსებული შემოვიდა, იმას კეთილი მიზანი ჰქონდა, პატივსაცემი მიმართულება, შრომისა და ბრძოლის სურვილი და ახალგაზრდული ალტაცება... თვითონ ეს თაობა დამხადებული როდა იყო ძველ თაობასთან ბრძოლაში შესაბამელათ. იმას გაცნობილი არ ჰქონდა პრაქტიკულა ცხოვრება, საზოგადოებრივი წესის კანონები და საჭიროებები, იმან არ იცოდა თუ რა და რა

1) იქვე, გვ. 816-17.

ცვლილებას თხოულობდა ხალხის მდგომარეობა, რა ნაირ მოქმედებას და დისციპლინას ბრძოლისას საჭიროებდა, ის ერიდებოდა ძველ თაობას, ან, მართალი ვთქვათ, ეშინოდა მისი“¹⁾ ალსანიშნავია აგრეთვე ისიც, რომ ნ. ნიკოლაძის შეტაკება საბანკო საკითხებში პირველად 1873 წ. ბეს. ლოლობერიძესთან²⁾ და მეორეთ 1876 წ. ი. ქავჭავაძესთან³⁾ არსებითად გამოხატავდა ამ ორი დასის საწინააღმდეგო შეხედულებას ბანკის საკითხში.

როგორც ვხედავთ, 60-იანი წლების ახალი თაობის ინტელიგენციამაც ჰქონა ადგილი დაჯგუფებას, დასებათ დაყოფასა და პრინციპიალურ ბრძოლებს. როგორი კლასიური საფუძვლები ედვა სარჩულად ამ დასებად დაყოფასა და ბრძოლას?

უდავოა, რომ 60-იანი წლების დასაწყისში სამოღვაწეო ასპარეზზე გამოსულ თერგდალეულთა ჯგუფის დაშლა და მის ბანაკიდან წარმოშობა „ახალი ახალგაზრდობის“ ჯგუფისა გამოწვეული იყო ჩვენი საზოგადოებრივი ცხოვრების შემდეგი განვითარებითა და დიფერენციაციით, სოციალური წინააღმდეგობათა შემდეგი გამწვავებით; ბურჟუაზიული და თავად-აზნაურული ინტერესები ამ პერიოდში გარკვევით დაუპირისპირდა ერთი მეორეს; მესამე მხრივ, საქართველოს გლეხთა ფართო მასების მისწრაფება რეფორმის შემდეგ პერიოდში, აშკარად მიმართული იყო ძველი ბატონყმური ნაშთების მოსპობისა და თავისი დამოუკიდებელი ეკონომიურ არსებობის განმტკიცებისაკენ, რაც არსებითად გამოიხატებოდა მიწის შეძენასა და წვრილი წარმოების განმტკიცებაში. ამ საზოგადოებრივ-კლასიურ ნიადაგზედ აღმოცენდა ჩვენში რეფორმის შემდეგ დიდი პრობლემა: რომელი გზით უნდა განვითარებულიყო საქართველო; უკეთ რომ ვსთქვათ, რომელი კლასი უნდა გადაქცეულიყო ახალი ცხოვრების მესაქედ და მის მეთაურად. სწორედ ამ სოციალ-კლასიურ საფუძვლებზე მოხდა თერგდალეულთა ჯგუფის დანაწილება ორ მოწინააღმდეგე ბანაკად.

ი. ქავჭავაძის სამოღვაწეო პროგრამა 70-იან წლებში არსებითად გამოხატავდა თავად-აზნაურულ ლიბერალიზმის მიმდინარეობას, იგი პროგრესიული თავად-აზნაურობის თვალსაზრისზე დადგა. ი. ქავჭავაძე, ამ პერიოდში ცდილობდა არა წოდებათა მოს-

1) ნ. სკანდელი: „ახალი ახალგაზრდობა“—„კრებული“ № 1, გვ. 285—6; 1873 წ.

2) იხ. „დროება“ № 28, 29; 1873 წ.

3) იხ. „დროება“ № 35, 40, 47; 1876 წ. აგრეთვე „ტფილისის უწყება“ იმავე წლისა.

პობას, არამედ თავად-აზნაურობის გადარჩენას განადგურებისაგან, მის შეგუებას ახალი ცხოვრების ვითარებასთან. 70-იან წლებიდან ილ. ჭავჭავაძის სამოღვაწეო გეგმების ცენტრში იდგა არა გლეხობა, არამედ თავად-აზნაურობა. მას სურდა წოდებათა შორის დაემყარებოდა მშვიდობიანი ურთიერთობა თავად-აზნაურობის პრივილეგიების დაცვით. იგი ცდილობდა ბანკი თავად-აზნაურობას სასოფლო-მეურნეობისა და წარმოების აღორძინების მთავარ ცენტრად გადაექცია; მისი გეგმით სოფლის მეურნეობის მოწყობა ახალ რაციონალურს საფუძვლებზე და მისი საწარმოო იარაღების გაუმჯობესება ერთ-ერთი პირობა იყო თავად-აზნაურობის გადასარჩენად. აქედან წარმოსდგა მისი ეკონომიური პოლიტიკაც, რომელიც მოითხოვდა წარმოების ევროპაული სისტემის შემოღებას სოფლის მეურნეობაში და სოფლის პროდუქტების გასასაღებლად გზების მოწესრიგებასა და ბაზრების გამოძებნას. ამასი გამოიხატებოდა სწორედ მისი თავისებური ავტორული კაპიტალიზმის იდეოლოგია. 1893 წ. ი. ჭავჭავაძე სწერდა: „თუ ჩვენ თავად-აზნაურობას უნდა კვლავ ეპიროს ხელში პირველობა, მთავარი ადგილი, უხადია, რომ სამრეწველოდ აღძრულს ახალსა და ნორჩს ძალღონეს მოთავეობა უნდა გაუწიოს. მძიმე სამრეწველო ჯრმის თავში თვითონვე უნდა შეებას“¹⁾.

სულ სხვა მიმდინარეობასა და სოციალურ ფენას გამოხატავდა გ. წერეთლისა და ნ. ნიკოლაძის „ახალი ახალგაზრდობის“ ჯგუფი. ეს იყო რადიკალური ბურჟუაზიის მსოფლმხედველობის და ინტერესების გამოხატველი. ეს რადიკალური ბურჟუაზიული ინტელიგენცია ვეღარ ეტეოდა „რეფორმების“ ფარგლებში და მის გაღრმავებას მოითხოვდა; იგი ცდილობდა გლეხი გაენთავისუფლებოდა მემამულეთა ბატონობისაგან და ხელი შეეწყო ვაჭრობა—მრეწველობის განვითარებისათვის ჩვენში; მისი იდეალი იყო საზოგადოებრივი წყობილების დემოკრატიზაცია. როგორც ზევით დავინახეთ, ასეთი პროგრამა არსებითად გამომდინარეობდა ეპოქის მოთხოვნილებიდან და სამრეწველო კაპიტალიზმის განვითარების ინტერესებზედ იყო აგებული. ჩვენი ინტელიგენციაც, ისტორიულ-ობიექტიურ პირობების გამო უნდოდა მას თუ არ უნდოდა, რადიკალური ბურჟუაზიის თვალთახედვით იმ ეპოქაში წამოჭრილ პრობლემებს. როგორც ვხედავთ, 70-იან წლებში ი. ჭავჭავაძისა და გ. წერეთლის სახით ერთიმეორეს დაუპირისპირდა თავად-აზნაურობის

1) იხ. წერილი: „მოვალეობა ჩვენი თავად-აზნაურობისა“—„ივერია“ № 23, 1893 წ.

ღმებრალური სოფლმხედველობა და ბურჟუაზიის რადიკალურ-დემოკრატიული მისწრაფებანი.

აღსანიშნავია სწორედ ის გარემოებაც, რომ გ. წერეთელი ბოლომდე შერჩა ამ თავის ძველ პროგრამას და რადიკალურ-დემოკრატიულ აზროვნებას. მისი ცდა 90-იან წლებში დაახლოვებოდა მარქსიზმსა და მუშათა მოძრაობას, არსებითად გამოხატავდა მის დემოკრატიულ-რადიკალურ მისწრაფებებს—გამოეყენებია ახალი საზოგადოებრივი ძალა ბურჟუაზიული წყობილების გასამტკიცებლად. ამ დემოკრატიზმისა და რადიკალიზმის გზას 80-იანი წლებიდან საბოლოოდ ასცდა და გამოეთხოვა ნ. ნიკოლაძე და იგი ლიბერალურ-ოპორტუნისტულ ტაქტიკას დაადგა¹⁾. ამრიგად 80—90-იან წლებში გ. წერეთლისა და ნ. ნიკოლაძის სამოღვაწეო გეგმებს შორის საგრძნობი განსხვავება იყო, თუმცა ორივენი ბურჟუაზიული აზროვნების და ინტერესების გამომხატველნი იყვნენ ჩვენში. მაგრამ აღნიშნულ პერიოდში ნ. ნიკოლაძისა და გ. წერეთლის სამოღვაწეო გეგმების დაპირისპირებაში არსებითად გამოიხატებოდა თვით ბურჟუაზიის სხვადასხვა ფენების ინტერესები:—მსხვილი ბურჟუაზიის შეგუება თვითმპყრობელობასთან, საშუალო ბურჟუაზიისა და მისი ინტელიგენციის შეურიგებლობა და ბრძოლა თვითმპყრობელობის წინააღმდეგ.

ამრიგად ეს წინააღმდეგობა ნიკოლაძესა და გ. წერეთელს შორის გამოწვეული იყო ჩვენი სოციალ-ეკონომიური ცხოვრების შემდეგი ევოლიუციითა და დიფერენციაციით. აღსანიშნავია ის ისტორიული ფაქტიც, რომ, მაშინ როდესაც ნიკო ნიკოლაძის სამოღვაწეო პროგრამა 80—90-იან წლებში მიმართული იყო რუსეთისაკენ და დიდ მნიშვნელობას ანიჭებდა რუსეთის კაპიტალის განვითარებას ა-კავკასიაში,—უკეთ რომ ვსთქვათ ნიკოლაძე მატარებელი იყო რუსეთის კაპიტალიზმის ორიენტაციისა, გ. წერეთელი დასავლეთ ევროპის ორიენტაციის ნიადაგზე იდგა; იგი კარგად გრძნობდა რუსეთის კაპიტალიზმის კოლონიალური პოლიტიკით როგორ იზაგრებოდა ადგილობრივი ნაციონალური კაპიტალიზმის განვითარებისა და წარმატების საქმე და ამიტომ თავისი გეგმები დასავლეთის კაპიტალისაკენ მიმართა. აქედან წარმოსდგა მისი პოლიტიკური ხასიათის ნაბიჯები: ცდები 1877-სა და 1885 წელს პოლიტიკური კავშირი გაება ევროპის სახელმწიფოებთან. როგორც მტკიცდებოდა, 1885 წელს გ. წერეთელმა სხვებთან ერთად მემორანდუმით მიჰმართა გლადსტონს და მოუწოდა საქართველოს დაპყრო-

2) იხ. ჩემი ნარკვევი: „ნ. ნიკოლაძე“—1931 წ. გ. წერეთელი, ტ. I

ბისაყენ. ასე გამოიწვია ნაციონალური კაპიტალისა და ნაციონალური ბურჟუაზიის ინტერესებმა გ. წერეთელის ორიენტაციის დასავლეთ ევროპის ბურჟუაზიისაკენ მიმართვა.

ეს იყო რადიკალურად მოაზროვნე ბურჟუაზიული ინტელიგენციის ცდა, რომლითაც იგი ჰფიქრობდა ნაციონალური კაპიტალისა და ნაციონალური ბურჟუაზიის საქმის განმტკიცებას საქართველოში.

კიდევ ერთი მომენტი. 90-იან წლებში გ. წერეთელი შეეცადა თავისი ბურჟუაზიული პროგრამა მარქსიზმის ფორმაში გამოეხვია. მე-XX-ე საუკუნის დასაწყისში არ. ჯორჯაძემ ესევე პროგრამა სოციალ-ფედერალიზმის ფორმებში წარმოადგინა. მაგრამ საქმარისია ეს გარეგანი ფორმება მოაცილოთ მათ პროგრამებს, რომ მათ შორის თითქმის სრული იდენტივობა დაინახოთ არა მარტო ეკონომიურ საკითხებში, არამედ ეროვნულსა და ფედერაციის საკითხებშიაც. ერთისაც და მეორეს სახითაც რადიკალური ბურჟუაზია მეტყველებდა. გ. წერეთელს უშვალოდ არ. ჯორჯაძეზე არა ჰქონია გავლენა. მაგრამ ისტორიულად გ.წერეთელმა და ნ. ნიკოლაძემ ჯერ კიდევ 70-იან წლებში მოხაზეს ის ძირითადი დებულებანი, რომელიც შემდეგში არ. ჯორჯაძის მოძღვრების მთავარ შინაარს შეადგენდა.

მაგრამ დაუბრუნდეთ გ. წერეთელს და უფრო ახლო გავიცნოთ მისი 70—90-იანი წლების სამოღვაწეო პროგრამა.

3

გ. წერეთლის მიერ დაარსებული „დროება“ (1866 წ.), „სასოფლო ვაზეთი“ (1868 წ.) და „კრებული“ (1871 წ.) აუცილებლად გამომხატველი იყო რადიკალურად და დემოკრატიულად მოაზროვნე ინტელიგენციის მისწრაფებისა. როგორც აღვნიშნეთ, ამ პერიოდში ინტელიგენციის წინაშე მეტის-მეტად რთული და ღრმად მნიშვნელოვანი სოციალ-ეკონომიური ხასიათის პრობლემები წამოიჭრა გადასაწყვეტად. ინტელიგენციამ თავისებური საზომით გააშუქა ყველა ეს საკითხი და გარკვეული პროგრამაც წამოაყენა განსახორციელებლად, როდესაც ამ პროგრამის შინაარსს ითავალისწინებთ, რწმუნდებით, რომ ამ ინტელიგენციის სახით ჩვენში ახალი პროგრესიული ბურჟუაზია მეტყველებდა, ბურჟუაზია, რომელსაც სურდა გაერღვია ძველი დახვეწებული ცხოვრების ზღუდეები და ევროპის გზით მიემართა ჩვენი ცხოვრება. ამ პერიოდში, როდესაც ჯერ კიდევ მწვავედ სწარმოებდა კაპიტალისტური ურთიერთობის მშობიარობა ქართულ ნიადაგზე, ისტორიულად შეუძლებელი იყო ინტელიგენციის ბურჟუაზიული პროგრამა რადიკალურსა და დემოკრატიულს ფორმებში არ გამოხვეულიყო; უკეთ რომ ვსთქვათ, დემოკრატიზმი და ბურჟუაზიული აზროვნება ერთ მთლიან მოძღვრებაში ერთდებოდა;

მათ შორის კიდევ შეუძლებელი იყო რადიკალური წინააღმდეგობის აღმოჩენა; დემოკრატიზმი და რადიკალიზმი ბუჩუქაზიულად განწყობილი ინტელიგენციის საოცნებო ლოზუნგი იყო იმ პერიოდში.

გ. წერეთელი საუკეთესო გამოძახატველი იყო მაშინდელი ისტორიულ-ობიექტური ვითარებისა: მისი სამოღვაწეო პროგრამა, მისი თეორია და პრაქტიკა იდეოლოგიურად ასახავდა კაპიტალისტური საზოგადოების განვითარების პროცესს საქართველოში, იგი ბურჟუაზიული ფენების სოფლმხედველობას და მისწრაფებებს გამოხატავდა ჩვენს ისტორიულ სინამდვილეში.

მაგრამ ვიკითხოთ, კონკრეტულად რაში გამოიხატა მისი სამოღვაწეო პროგრამა და როგორი იყო მისი თეორიული სოფლმხედველობა? ამ მხრივ ჩვენ საინტერესო ცნობები ჰვაქვს მოცემული თვით გ. წერეთლის მიერ. 1897 წ. კიტა აბაშიძესთან კამათის დროს მან გააშუქა „დროების“ ახალი ჯგუფის პროგრამა და სამოღვაწეო ხაზი. ამ წერილში ჩვენ ვკითხულობთ:

„1) ხელოვნურ, ან სიტყვა-კაზმულ ლიტერატურაში მან (ახალმა ჯგუფმა) დაარსა ნამდვილი, შეუფერავი, შეუკეთებელი რეალიზმი.

2) პოლიტიკო-ეკონომიურ შეხედულებაში ის ემხრობოდა უფრო პოლიტიკო-ეკონომისტის მილის თეორიას, მაგრამ ცხოვრებაში, ეს პროგრესიულ-დემოკრატიული დასი ბურჟუაზიისა და მუშა ხალხს შორის გამწვავებულ ბრძოლის დროს უფრო იმ თეორიას ადგა, რომ სახელმწიფო კანონმდებლობითი ძალა უნდა შეერიოს ამ ბრძოლაში მუშათა კლასის სასარგებლოთ, რომ ალაგმოს ძალმომრეობა ბურჟუაზიისაო.

3) საზოგადოებრივ წყობილების განვითარებაში ეს დასი უარს ჰყოფდა, როგორც თავად-აზნაურობას, ისე დაბალი ხალხის განკერძოებით ყოფნას. მან წამოაყენა ნამდვილი ერი, რომელშიაც თანასწორი უფლებით შედიოდნენ ყველა წოდებები, არც ერთისაკენ სასწორს არ ხრიდა, ხოლო დემოკრატიული, წოდებათა განურჩევლათ, საზოგადო წესწყობილება მიაჩნდა ასეთი ერის შესაფერად.

4) საკრედიტო დაწესებულებათა შორის ის ეწინააღმდეგებოდა თავად-აზნაურობის საადგილ-მამულო ბანკის დაარსებას. ამის მაგიერად ის ურჩევდა მოკლე ვადიან სამრეწველო ბანკების წესწყობილებას. ამასთან ამ დასმა წამოაყენა წინ სასოფლო და საქალაქო სამრეწველო კრედიტი და ერთი ამგვარი წვრილმანი ბანკი კიდევ დაარსა იმ დროს ტფილისში წვრილმან მოვაჭრეებისათვის⁽¹⁾.

1) გ. წერეთელი: „კიტა აბაშიძე და ჩვენი ახალგაზრდობა“, „კვალი“ № 46, გვ. 816, 1897 წ.

მკითხველი დაგვეთანხმება, რომ აქ დახასიათებული პროგრამა წმინდა წყლის ბურჟუაზიული პროგრამა არის. ეს უფრო ნათელი გახდება ქვევით, როდესაც ჩვენ უფრო დაწვრილებით განვიხილავთ მის შინაარსს. ახლა საჭიროა აღინიშნოს კიდევ შემდეგი მომენტები.

60-იანი წლების რუსეთის აზროვნების ზეგავლენით გ. წერეთელს წილად ხვდა ჩვენში შემოეტანა, ერთი მხრივ, ბუნებისმეტყველების მატერიალიზმი და, მეორე მხრივ, რაციონალიზმი. საქმე ის არის, რომ 60-იანი წლების რუსეთის აზროვნებამ გადმოიღო ეს მატერიალიზმი ევროპიდან, მაგრამ მისი განვითარება მას არ შეეძლო დიალექტიურ მატერიალიზმამდე. არ უნდა დავივიწყოთ, რომ ამავე ხანებში ბუნებისმეტყველებამ და მისი შესწავლის საქმემ ფართოდ გაიდგა ფესვები რუსეთში. გ. წერეთელმა და ჩვენი ინტელიგენციის საუკეთესო წარმომადგენლებმა ამ მხრივაც განიცადეს გავლენა. თვით გ. წერეთელი საბუნებისმეტყველო ფაკულტეტზე სწავლობდა და არა ერთი წერილი მოუთავსებია „დროების“ ფურცლებზე ბუნებისმეტყველებიდან. ამ გზით გ. წერეთელი აუცილებლად მივიდა ბუნებისმეტყველების მატერიალიზმამდე. ერთ თავის წერილში „მოლეშოტის“ შესახებ იგი სწერდა:

„მოლეშოტი ეს ის მეცნიერია, რომლის წიგნებითაც აღიზარდა გაღვიძებული გონება რუსეთის საზოგადოებისა და ჩვენი ახალი თაობა მესამოცე და მესამოცდაათე წლებისა. მას ევროპის განათლებისათვის იგივე მნიშვნელობა აქვს ბუნების წარმატებაში, როგორც ფეიერბახს, ბიუხერს და ფოხტს ახალი ფილოსოფიისა და ანტროპოლოგიის მეცნიერებაში. ამათ შეიტანეს სარწმუნოების მცნებაში ახალი გზა და შეუთანხმეს მას ახალი მიმართულება ბუნების მეცნიერებისა. უწინ ქრისტეს მცნებას პლატონის ფილოსოფია ჰქონდა საფუძვლად დადებული, ამ ფილოსოფიის მასალად იყო უკვდავი სული, ცხოვრება და საქმე, რომელთა ურთიერთშორისი დამოკიდებულების განხილვა და გამოძიება შეადგენდა მთელ ქრისტიანული ფილოსოფიის შინაარსს. მოლეშოტისა და ფოხტის მცნებისამებრ ბუნებაში უკვდავი არიან ორნი საგანი: უკვდავია მატერია და უკვდავია მასთან თანდაყოლილი ძალა, რომელნიც ერთმანეთის ზედმოქმედებით წარმოშობენ ყოველის ტიპისა და გვარის ცხოვრებას და არსებას — სულიერსა და უსულოს. ცხოვრება არის გამუდმებული ცვლა სიკვდილისა და სიცოცხლისა... მატერია იცვლება და არ ისპობა. მაშასადამე ბუნება და ქვეყნიერება არის ერთი განუწყვეტელი ბაწარი ცხოვრებისა, საცა ყოველი წარმოებული, შემდგარი, ან გაჩენილი

არსება იცვლება. მაშასადამე, ყოველი კერძო ცხოვრება ცვალებადია; მაგრამ მისი მწარმოებელი ძალა და მატერია კი უკვდავნი არიან¹⁾

ასეთი მატერიალისტური აზრი გ. წერეთელს მრავალ წერილში აქვს გატარებული. ჯერ კიდევ 1870 წელს გაზ. „სასოფლო გაზეთში“ მოთავესებული სამეცნიერო-პოპულიარულ წერილებში ბუნებისმეცნიერებიდან იგი ამბობდა: „ბუნებაში ყოველი ქმნილება იზადება, ცხოვრობს როგორც შეხედება და შემდეგ კვდება,—სჩანს დაიშლება იმ ნაწილებად, რომლებსაგანაც იყო შედგენილი. ჩვენ ვიცით, რომ ამ ნაწილებს ელემენტები ჰქვია. ამ ნაწილებისაგან კიდევ რაიმე დაიბადება ბუნებაში, ისევ ცხოვრობს და ხელშეორედ დაიშლება. მაშ როცა ან კაცი, ან ცხოველი მოკვდება, ან მცენარე დაჰქვება, ესე იგი, როცა იმასაც სიკვდილი მოუყვა, ამის შემდეგ არაფერი არ იკარგება. როდესაც რაიმე აღარ სცხოვრობს—კვდება—ეს იმას ნიშნავს, რომ ელემენტების შედგენილობა გადასხვაფერდება“²⁾.

აქ უკვე საესებით გატარებული არის მატერიალისტური შეხედულება ბუნებაში. მაგრამ ისიც უნდა აღვნიშნოთ, რომ ბუნებაში აღიარებული მატერიალისტური შეხედულება გ. წერეთელს არ შეეძლო გადმოეტანა საზოგადოებრივ ურთიერთობასა და ისტორიის ვითარებაში. უკეთ რომ ესთქვათ, მან ვერ შესძლო მატერიალისტურად ახსნა საზოგადოებისა და საზოგადოებრივი ცხოვრების განვითარებისა. ბუნების მეცნიერებაში მატერიალისტი, იგი სოციოლოგიაში იდეალისტი დარჩა; მისთვის საზოგადოებრივ ცხოვრების განვითარების ფაქტორები არა ობიექტურ-ეკონომიურ ურთიერთობაში არსებობდა, არამედ იდეაში, აზროვნებაში; გონება, აზროვნება—ეს არის ისტორიის მამოძრავებელი ძალა. „ისტორიას ქმნიან კრიტიკული მოაზროვნე პირები“, ესე ფიქრობს სოციოლოგიაში გ. წერეთელი. ეს „ყოვლად შემძლეობა აღამიანის გონებისა“—ეს რაციონალისტურა სოფლმხედველობა—გ. წერეთელმა იმავე 60-იან წლების რუსეთის მოაზროვნეებიდან ისესხა. ამ სუბიექტური სოციოლოგიის ნაყოფი იყო ის აზრები, რომელსაც თავიდანვე ატარებდა გ. წერეთელი ქართულ ლიტერატურაში; მისი შეხედულებით განათლება, ცოდნა, შეგნება უპირველესი პირობაა ხალხის წარმატების საქმეში; აქედან ინტელიგენციის მოვალეობაც გ. წერეთლის პროგრამით ვარკვეული არის. 1868 წ. იგი სწერდა:

1) X—ლი (გ. წერეთელი): „მოღეშოტი“—„კვალი“ № 25, 1893 წ.

2) გ. წერეთელი: „საუკეთესო ცოდნა“ გვ. 38. პირველი გამოცემა გამოვიდა 1870 წელს, მეორე—1888 წ.

„ევროპაში დიდი ხანია დარწმუნდნენ იმ აზრზე, რომ მინამ საზოგადოთ თვითონ ხალხი არ განათლებდა, სწავლით, რაც უნდა კარგი გამგეობა და სამართალი მისცე, მაინც არა გამოვა რა; ხალხის უგუნურობით კარგი სამართალიც უკუღმართად მიდის და კარგს გამგეობასაც ეკარგება თავისი ძალა, კარგი სამართალი და გამგეობა მაშინ მოუტანს ხალხს სარგებლობას, როცა თვითონ ხალხს შეუძლიან იმის მოხმარება, ამისათვის საჭიროა ხალხის ზრდა, იმის ჭკუა-გონების გამდიდრება სწავლითა. ახლა საქმე ის არის, რა საშუალება უნდა იხმაროს კაცმა ამისათვის“¹⁾.

განათლების გავრცელება ხალხში ეს არის უპირველესი მოვალეობა მოწინავე ინტელიგენციისა; იგი უნდა დაუახლოვდეს ხალხს, შეიტანოს მასში განათლება, აამაღლოს გონებრივად. „ჩვენ უნდა ვიყოთ მხოლოდ მოწინავე კაცები. ჩვენს ქვეყანაში, ჩვენ უნდა ვიყოთ გაზაფხულის მომასწავებელი მერცხლები და მინამ ვიჭიკიკოთ, სანამ ეს გაზაფხული კარზედ არ მოგვადგეს, სანამდის ჩვენი დედაკაცობა არ შევსძრათ უმაღლეს განათლების მისაღებად. თუ ჩვენ ამას შევასრულებთ, ჩვენი უმთავრესი ბედნაერებაც ეს უნდა იყოს“. — ამბობს გ. წერეთელი თავის „მგზავრის წერილებში“.

გ. წერეთლის ამ იდეალისტურ-სოცოლოგიურ სოფლმხედველობიდან გამომდინარეობდა მისი სამოღვაწეო პროგრამის მუხლებიც ხალხის განათლებისა და ცოდნის გავრცელების საქმეში. როგორც იდეალისტი და რაციონალისტი გ. წერეთელი ჰფიქრობდა, რომ შესაძლებელია აზროვნების და განათლების გავრცელების საშუალებით ისტორიული ცხოვრების ამა თუ იმ გზით განვითარება, რომელიმე პროგრამის განხორციელება ცხოვრებაში ყოველ პირობებში არის შესაძლებელი, თუ კი ამ პროგრამის შინაარსს შეიგნებს და შეითვისებს ხალხი ინტელიგენციის დახმარებითა და მეთაურობით. ამრიგად გ. წერეთელი საზოგადოებრივი ცხოვრების განვითარების უმთავრეს ფაქტორად სუბიექტურ მომენტს — შეგნებას, და ინტელიგენციის იდეურ ხელმძღვანელობას სთვლიდა; ხოლო ობიექტურ ეკონომიური პირობები პირველ მომენტს შედეგად მიაჩნდა. ამ სუბიექტური სოცოლოგიის ერთგული დარჩა გ. წერეთელი ბოლომდე: მან ვერ შესძლო თავი გაენთავისუფლებია ამა აზროვნებისაგან იმ პერიოდშიაც კი, როდესაც იგი სცდილობდა მარქსის მატერიალისტური სოფლმხედველობის შეთვისებას. რაციონალიზმი და იდეალიზმი ბოლომდე დარჩა გ. წერეთლის სოფლმხედველობის და-

1) X—ელი (გ. წერეთელი): „ჩვენი ცხოვრების კრონიკა“, — „დროება“ № 6 1868 წ.

მახასიათებელ თვისებად. ამრიგად ძველმა მატერიალისტმა, 60-იან წლების ქართველმა ბუნებისმეცნიერების მატერიალისტმა ვერ შესძლო თავისი ფილოსოფიური და სოციოლოგიური აზროვნების დიალექტიური მატერიალიზმის გზით განვითარება და შერჩა ძველ აზროვნებასა და მეთოდებს. გ. წერეთლის მიერ 90-იან წლებში მარქსიზმის მოძღვრების ვითომდა შეთვისება უფრო მექანიკური იყო, ვინემ არსებითი, როგორც ამას ქვევით დავინახავთ. ამ დარგშიაც იგი ვერ გასცდა პრობლემების უბრალო მექანიკურ გაგებას: 90-იან წლებში „მარქსისტ“ გ. წერეთლის სახით კვლავ ძველი იდეალისტი და ბუნებისმეცნიერების მატერიალისტი მეტყველებდა ჩვენში.

4

გ. წერეთელს ჩვენი საზოგადოება უმთავრესად იცნობს როგორც ბელეტრისტს, მისი მხატვრული შემოქმედება უფრო ცნობილი არის საქართველოში, ვინემ მისი პუბლიცისტური მოღვაწეობა და სოციალ-პოლიტიკური იდეალები. მაგრამ უნდა ვსთქვათ, რომ გ. წერეთლის მხატვრული შემოქმედების შეფასება, მოცემული ჩვენს კრიტიკულ ლიტერატურაში, ზოგან ყალბია და მასთანავე ზოგიერთ შემთხვევაში — მიკერძოებითი. კ. აბაშიძისათვის გ. წერეთელი ქართული რეალიზმის დეკადანსის გამომხატველი იყო და ამასთანავე მას არც მხატვრული ნიჭი უწყობდა თურმე ხელს; აბაშიძის აზრით, როგორც მხატვარი გ. წერეთელი ბევრად დაბლა იდგა მე-19-ე საუკუნის სხვა ცნობილ ქართველ მწერლებთან შედარებით ¹⁾.

მაგრამ მართო კ. აბაშიძის აზრით არ ამოიწურება გ. წერეთლის მხატვრული შემოქმედების შეფასება. ჩვენს კრიტიკულ ლიტერატურაში ნ. ნიკოლაძემ თავიდანვე საკმაოდ მაღლა დააყენა გ. წერეთლის მხატვრული ნიჭი და შემოქმედება ²⁾. მაგრამ ნ. ნიკოლაძის შეხედულებამ გ. წერეთლის ბელეტრისტულ ნაწერების შესახებ ჩვენს ლიტერატურაში ვერ ჰპოვა შესაფერისი გასაფალი და უმთავრესად კიტა აბაშიძის შეხედულება გაბატონდა ჩვენში. აქვე უნდა აღვნიშნოთ, რომ 60-იან წლებში, როდესაც გ. წერეთელმა გამოაქვეყნა თავისი პირველი ბელეტრისტული ნაწერები „დროებისა“ და „კრებულის“ ფურცლებზე, მაშინდელი ქართველი საზოგადოება მას აღფრთოვანებით შეხვდა. ნ. ნიკოლაძე გადმოგვცემს:

1) კიტა აბაშიძე: „ეტრუფები“ ტ. II.

2) ნიკო ნიკოლაძე: „გიორგი წერეთლის პირველი შრომა“ — „მოამბე“ № 3

„როცა ამ ოც-და-ხუთი წლის წინად „დროებამ“ პირველი ხანების ბეჭედა დაიწყო ბ-ნ წერეთლის „მგზავრის წიგნებისა“, მკითხველებში თითქმის იმგვარივე მოძრაობა შეიქმნა, როგორც ცოტათი უწინ ბ-ნ ილია ჭავჭავაძის „კაცია—ადამიანმა“ მოახდინა. მგონია, ცოტა არ არის ამით ნათქვამი. მთელმა საზოგადოებამ მიაქცია ყურადღება დამწყები ავტორის ნიჭს. მისი ცხოველი სურათები, მისი იუმორი, მისი ტიპები ყველას მოსწონდა და თვალწინ უდგა. „უცნობი რამ გაგვაცნო ამ კაცმაო“, ამბობდა თუ გრძნობდა მკითხველი. დიდი იმედებიც დაბადა ყველაში ამ ბედნიერმა დასაწყისმა. ყველა ელოდა, აი ახალი ბელეტრისტი გაუჩნდა ჩვენ მწერლობასო, ფხიზლად და ცხოველად მხატველი ჩვენი ქვეყნისა და ცხოვრების უცნობ მხარეებისაო, და სხვ... მით უფრო საამო შეიქმნა ქვეყნისათვის ამ ახალი ტალანტის ასპარეზზე გამოსვლა. ყოველი ახალი ხანა მისი „მგზავრის წიგნისა“ ახალ აღტაცებას, ახალ უმაღლეს ლოდინს და იმედებს ჰბადებდა“ 1).

ასეთი გავლენა მოახდინა 60-70-იან წლებში გ. წერეთლის ბელეტრისტული ნაწერების გამოქვეყნებამ. როგორც ვხედავთ, ამ ნაწერებს დიდი გავლენა ჰქონია „ჩვენს ლიტერატურულ მოძრაობაზე“ და თუ შემდეგში დაჰკარგა თავისი გავლენა—ეს მოხდა განსაკუთრებით იმ ფენაში, რომელიც გ. წერეთელს მტრულად უცქერდა და არ იზიარებდა მის პოლიტიკურ სოფლმხედველობას.

ამ ნარკვევში, რასაკვირველია, გ. წერეთლის ბელეტრისტულ ნაწერებს შთლიანად ჩვენ ვერ განვიხილავთ. ჩვენი ნარკვევისათვის საჭირო არის შევეხოთ მხოლოდ ორ მომენტს: გ. წერეთლის ლიტერატურულ-ესთეტიურ სოფლმხედველობას და მისი მხატვრული ნაწერების თემატიკას.

გ. წერეთლის ლიტერატურულ-ესთეტიური შეხედულება შემუშავდა იმავე 60-იან წლების რუსეთის მოღვაწეთა ესთეტიურ აზროვნების ზეგავლენით. ამ მხრივ აღსანიშნავია ნ. გ. ჩერნიშევსკის ესთეტიური თეორიის გავლენა არა მარტო გ. წერეთელზე, არამედ 60-იან წლების ჩვენი ახალთაობის ლიტერატურულ-ესთეტიურ აზროვნების შეხედულებაზე საერთოდ. ჩერნიშევსკიმ 60-იან წლებში პრინციპიალურად უარყო ყალბი თეორია „ხელოვნება ხელოვნებისათვის“ და თავის ესთეტიურ თეორიას რეალიზმისა და უტილიტარიზმის პრინციპი დაუდვა საფუძვლად. ხელოვნება—ჩერნიშევსკის განმარტებით—რაიმე საზოგადოებრივ ფუნქციას უნდა ასრულებდეს ცხოვრებაში:

1) იხ. 5. ნიკოლაძის დასახელებული წერილი, გვ. 141—42.

მისი მოვალეობაა ასახოს რეალურბ სინამდვილე და უმსახუროს საზოგადოების წინმსვლელობის საქმეს.¹⁾ ეს უტილიტარულ-რეალისტური ესთეტიური თეორია, როგორც ვიცით, შემდეგში ესთეტიკის ჯარყოფამდე განავითარა დ. პისარემა. გ. წერეთელმა 60-იან წლებიდანვე გარკვევით შეითვისა ეს თეორია და შეჯნებულად ემსახურებოდა მას თავისი მოღვაწეობის უკანასკნელ წუთამდე. მაგრამ თუ გიორგი წერეთელმა სხვებთან ერთად განავითარა უტილიტარული პრინციპი ესთეტიკაში, სამაგიეროდ 60-იან წლებში ანტ. ფურცელაძეს წილად ხვდა დ. პისარევის ნიჰილისტური ხელოვნების თეორია გადმოენერგა ქართულ ლიტერატურაში. ერთი, ჩერნიშევსკის გავლენით, გარკვეულ რეალისტურ-უტილიტარულ თეორიის გზას დაადგა, მეორემ პისარევის გავლენით ესთეტიკის დამსხვრევა მოინდომა ჩვენში.

უკვე თავის პირველ წერილში 1863 წ. ჟურნ. „საქართველოს მოამბის“ ფურცლებზე გ. წერეთელი მწერლის დანიშნულებას და მოვალეობას შემდეგნაირად ახასიათებდა; იგი სწერდა: „მწერალი არის ერთი თავის საზოგადოების წევრთაგანი, ერთი ამ პირთაგანი, რომლების კრებაც შეადგენს საზოგადოებას. ეს არის საზოგადოების ტანჯვის და შვების თანამგრძობელი. რაში მდგომარეობს მისი ღვაწლი საზოგადოების წინ?—აჩვენოს საზოგადოებას თავისი აზრი ამ ნაკლულევანების შესახებ, უჩვენოს იმგვარი საშუალებანი, რომლებიც მისი ფიქრით საუკეთესო არიან ამ ნაკლულევანების მოსასპობლად“²⁾.

ამ პრინციპს ატარებდა გ. წერეთელი არა მარტო თავის კრიტიკულ წერილებში, არამედ ამავე პრინციპიალურ საფუძვლებზედ იყო აშენებული მისი მხატვრული შემოქმედებაც. გ. წერეთელი ღრმად იყო დარწმუნებული იმაში, რომ მხატვრულ ლიტერატურას და საერთოდ ხელოვნების დარგს დიდი სამსახურის გაწევა შეუძლია ქართული საზოგადოების წარმატების საქმისათვის; ხელოვნებისა და ლიტერატურის საზოგადოებრივი ფუნქცია ამ მხრივ გ. წერეთლისათვის გარკვეული იყო. ხელოვნება უნდა ემსახურებოდეს საზოგადოებას, მას უნდა შეჰქონდეს ხალხში ცოცხალი აზრები და მოწინავე იდეები, იგი უნდა უნათებდეს საზოგადოებას გზას მომავალისაკენ და მოუწოდებდეს არსებული ცხოვრებას გარდაქმნისაკენ. ის რაც შეიძლება პუბლიცისტის მიერ დამტკიცებული და ნაჩვენები იქნეს ლოლიკურ

1) სიმ. ხუნდაძე: „ნ. გ. ჩერნიშევსკი“.

2) გ.—თელი (ა. წერეთელი): „ცისკარს რა აკაკნებდა?“ ჟურნ. „საქართველოს მოამბე“ № 5, გვ. 55, 1863 წ.

არგუმენტაციებით, ხელოვნებამ უნდა გამოსახოს მიმზიდველი ფერადებით. აქ პოლიტიკასა და ხელოვნებას, პუბლიცისტიკასა და ესთეტიკის შორის შესაძლებელი არის ნათესაური კავშირი გაიდვას: ერთიც და მეორეც ერთ და იმავე იდეებს ემსახურება, მხოლოდ სხვადასხვა საშუალებებითა და მეთოდებით. ამრიგად გ. წერეთელმა გარკვევით შეიტანა საზოგადოებრივ-პოლიტიკური მომენტი ხელოვნებისა და ესთეტიკის დარგში. და უნდა ითქვას, რომ თვით გ. წერეთლის ლიტერატურული პროდუქციის ორი დარგი: პუბლიცისტიკა და ხელოვნება ერთნაირი იდეებით სულდგმულობდა, ერთი და იმავე მისწრაფებით იყო გაელენთილი. გ. წერეთელმა ამ მხრივ გაორება არ იცოდა: მისი იდეები და აზრები წითელი ზოლივით არის გატარებული ყველა მის ნაწერში; ხელოვნება და პუბლიცისტიკა ერთნაირად ემსახურებოდა ავტორის მთავარ მისწრაფებებსა და პროგრამას.

„მგზავრის წერილებში“ გ. წერეთელი ამბობდა: „ჩვენ არ უნდა ვამცირებდეთ უმაღლესს ჩვენს ამ სოფლად მოვლენასა ეგრეთის გულის განაზებითა და სისუსტით. რათ დავივიწყეთ ჩვენი მოვალეობა და მიზანი ჩვენისა სიცოცხლისა? განა ახლა ისეთი დრო არის, რომ ჩვენისთანა ახალგაზრდამ ეძიოს ბედნიერება თბილ საწოლში? ჯერ ხომ ერთი ნაბიჯი წინ არ წავვიდგამს საწინააღმდეგოთ ქვეყნის დამაბრკოლებელ მიზნებისათვის? ჩვენ მხოლოდ ჯერ უნდა ვიბრძოდეთ პირისპირ ყოველსა სიბოროტისა, უსამართლობისა და დაჩაგვრისა, ვიდრემდის არ ამოვთხრით ქვეყნათ ყოველსა ამა უწმინდურებასა ძირიანად. ვიდრემდის არ მიჰვფენთ მთლად საქართველოსა სწავლისა ნათელსა, არ განვაბნეეთ ბნელსა და არ აღვადგენთ ჩვენს საზოგადოებასა, ესრეთ მწარეთ დაცემულსა“.

აქ გამოთქმული არის გ. წერეთლის საერთო მისწრაფებანი, რომელსაც იგი ხაზგასმით ატარებდა თავის პუბლიცისტურ ნაწერებშიაც. ამრიგად მხატვრული ცხოვრების დანიშნულება და პუბლიცისტიკის მოვალეობა გ. წერეთლის განმარტებით, აუცილებლად ხვდება ერთი მეორეს. მაგრამ აქედან სრულიად არ გამომდინარეობს ის, რომ მხატვრული ლიტერატურა გაუთანასწორდეს პუბლიცისტიკას თავისი ფორმითაც: იდეური და მიზნობრივი ნათესაობა სრულიად არ ნიშნავს მათი ფორმების, მეთოდებისა და ხერხების იდენტიუობასაც. ეს კარგად ესმოდა გ. წერეთელს და ყოველთვის ცდილობდა მხატვრული ხელოვნების პრინციპისათვის არ ეღალატნა. მისი უმეტესი მხატვრული ნაწერი საკმაოდ გამართლებული არის ესთეტიური საზომითაც.

ამბობენ: გ. წერეთელი ღარიბი არის თემების მხრივით. ასეთი სიღარიბე დამახასიათებელია ყველა ჩვენი მაშინდელი მწერლისათვის იმიტომ, რომ თვით ჩვენი სოციალური ცხოვრების სიღარიბე არ იძლეოდა ფართო გასაქანს მწერლისათვის; მიუხედავად იმისა, რომ კაპიტალისტურმა ურთიერთობამ შეანგრია ნატურალისტური მეურნეობის ფარგლები, ჩვენში ქალაქური წარმოება, მანქანური კულტურა და მასზედ აღმოცენებული მთელი საზოგადოებრივი შედეგები, ვერ განვითარდა თავისი შესაფერისი მრავალფეროვანების სახით. ამრიგად ჩვენმა ცხოვრებამ ვერ განიცადა ევროპიული ტემპი და სიმძაფრე განვითარებისა, ვერ განიცადა მისი მრავალფეროვანება და დიფერენციაცია. ცხადია ეს გარემოება თავის დაღს ასვამდა მწერლის ნაწარმოებს მასალის შერჩევის საქმეშიაც.

მაგრამ მაშინდელ ობიექტურ-ისტორიულ პირობების მიხედვით გ. წერეთლის მიმართ თემების სიღარიბეზე ლაპარაკი, უსაფუძვლოა: გადაჭრით შეიძლება ითქვას, რომ მე-19-ე საუკუნის არც ერთ ჩვენ მწერალს იმდენი თემა არ დაუშუშავებია, როგორც ეს შესძლო გ. წერეთელმა.

ამ მწერალს ახასიათებდა სოციოლოგიური პრინციპის შეტანა ლიტერატურაში. მან, როგორც მოაზროვნე მწერალმა, ღრმად გაითვალისწინა ჩვენი საზოგადოების ისტორიული განვითარების გზები და თავისი მხატვრული შემოქმედების შინაარსიც ამ ვითარებას შეუწონა. მან ნათლად შეიგნო, რომ ძველი ნატურალური მეურნეობის რღვევით საქართველოში უკვე დაიწყო კაპიტალისტური ურთიერთობის განვითარება, რომ ამ დიდ საზოგადოებრივ-ეკონომიურ პროცესს თან მოსდევდა ღრმა ცვლილებები სოციალურ ურთიერთობაში, წოდებათა დამოკიდებულებაში, რომ ეს პროცესი იწვევდა ახალი კლასების წარმოშობასა და იდეოლოგიური ბრძოლის გამწვავებას სხვადასხვა მიმდინარეობათა შორის. აი ჩვენი ცხოვრების ის მოვლენები, რომელიც გ. წერეთლის მხატვრული შემოქმედების თემადად გადაიქცა; ეს იყო ჩვენი ისტორიული ცხოვრების აქტუალური საკითხები, მისი შინაგანი განვითარების ძირეული მოვლენები; ამ ძირეულ ისტორიულ პრობლემებიდან წარმოსდგა გ. წერეთლის შემოქმედების თემატიკაც. ერთი მხრივ, რღვევა ნატურალურ ბატონყმური მეურნეობისა, და მეორე მხრივ კაპიტალისტური საზოგადოებრივი წყობილების განვითარება—აი ამ ისტორიულ-საზოგადოებრივ ფონზედ არის აშენებული გ. წერეთლის მთელი მხატვრული ნაწარმები. მაგრამ იგი ნატურალური მეურნეობისა და ბატონყმური ურთიერთობის რღვევას ასურათებს არა ერთი რომელიმე მომენტის აღე-

ბით, არამედ მთელი თავისი ისტორიულ შინაარსით: ეკონომიური, სოციალური და იდეოლოგიური ვითარების დახასიათებით. ასევე იქცევა კაპიტალიზმის განვითარების შესახებაც: აქ იგი მხატვრულ ფონზე გვიშლის ძველი წყობილების რღვევის პროცესთან ერთად ახალი ურთიერთობის განვითარების პროცესსაც მთელი თავისი საზოგადოებრივ-იდეოლოგიური სახეებით.

გ. წერეთელი ისტორიულ ცხოვრებას გვისურათებს დინამიკაში: მის მხატვრულ ტილოზე გადატანილი არის ძველ საზოგადოებრივ ურთიერთობიდან ახალი საზოგადოებრივი ფორმაციის წარმოშობის პროცესი. აქ არის გ. წერეთლის როგორც მხატვარის სიძლიერეც, ისე მისი სისუსტეც; სიძლიერე იმიტომ, რომ იგი სოციოლოგიური მეთოდით არის შეიარაღებული და საზოგადოებრივ ცხოვრებას ასახავს თავის ისტორიულ განვითარების პროცესში—საზოგადოებას მთლიანად აღებულს ყველა თავისი მოვლენებითა და შინაარსით, სისუსტე—იმიტომ, რომ ასეთი გრანდიოზული, მრავალსახიანი თემის დამუშავება და მხატვრულ ფერადებში ასახვა ხანგრძლივ დროსა და დიდ დაკვირვებას მოითხოვს;—მხატვრულად გადმოცემა საზოგადოების მთელი ისტორიული ვითარებისა, მისი გადასვლა ერთი სამეურნეო საზოგადოებრივ ფორმაციიდან მეორეში—დიდ ენერჯიასა და ხანგრძლივ მუშაობას მოითხოვს. გ. წერეთელი, დატვირთული მრავალგვარ საზოგადოებრივ და კერძო საქმეებით, ხშირად ვერ ახერხებდა სათანადო ყურადღების მიქცევას მხატვრულ მხარისათვის,—აქედან წარმოსდგა საფრთხე გ. წერეთლის მხატვრულ ნაწერებში პუბლიცისტიკის შეჭრისა; უკეთ რომ ვსთქვათ, ხელოვნების პუბლიცისტიკამდე დაყვანისა. უნდა ვსთქვათ, რომ ზოგ ნაწერში გ. წერეთელმა შესძლო ამ საფრთხის თავიდან აცილება. აკაკი წერეთელი სრულიად საფუძვლიანად სწერს თავის მოგონებებში: „მის (გ. წერეთლის) შრომას ორგვარი ბეჭედი აზის: ზოგს ნიჭისა და ზოგს მოქანცვის“¹⁾.

შეიძლება აქ ერთგვარი შედარება გავიყვანოთ გ. წერეთლისა და ი. ჭავჭავაძის მხატვრული პროდუქციის შორის.

ილია ჭავჭავაძე აუცილებლად დიდი მხატვარია და იმავე დროს რეალისტური სკოლის მიმდევარიც, მაგრამ მას აკლია ის, რაც ახასიათებს გ. წერეთელს—თემების ისტორიული პერსპექტივის ფონზე გაშლა. ილია ჭავჭავაძეს ახასიათებს თემის ან მასალის შემოფარგვლა, მაგრამ იმავე დროს მისი სიღრმით გაქანება; გიორგი წერე-

1) აკაკი წერეთელი: „რჩეული ნაწერები“. ტ. I.

თელი ხასიათდება თემის ფართოდ გაშლითა და შინაარსის მრავალფეროვანებით. ილია ჭავჭავაძის მხატვრულ შემოქმედებაში უფრო ფართოდ და სიღრმით არის გაშლილი ბატონყმური საქართველოს საზოგადოებრივი ცხოვრება, მაგრამ შემდეგი ეპოქა ჩვენი საზოგადოებრივი წყობილებიდან ერთობ მკრთალად არის გადმოცემული მის ნაწერებში. ამ მხრივ გ. წერეთლის მხატვრული შემოქმედების შინაარსი უფრო მდიდარია, მის მიერ მხატვრულ ტილოზე გადატანილი ქართული ცხოვრება მრავალფეროვანია.

მაგრამ მართა ამით არ ამოიწურება მათ შორის არსებული განსხვავება. ილ. ჭავჭავაძეს აკლია ისტორიულ-სოციოლოგიური მეთოდი ხელოვნებაში, გ. წერეთლის სიძლიერე სწორედ ამ მეთოდის შეთვისებაში და გამოყენებაშია. ი. ჭავჭავაძე იღებს მთელ საზოგადოებრივი ცხოვრების მხოლოდ რომელიმე კუთხეს, ან, თუ გნებავთ, მხარეს და მას შლის თავისი მხატვრული შემოქმედების ფონზე; ი. ჭავჭავაძის შემოქმედების ტილოზე ვერ ხედავთ გადატანილ ცხოვრებას დინამიურ განვითარებაში; მის მიერ დასურათებული ცხოვრება სტატიკაში არის მოცემული და მისი ისტორიული პერსპექტივით გაშლა მას არ ეხერხება: მაგ. ი. ჭავჭავაძემ დავისურათა ბატონყმური საქართველო: თქვენ აქ გრძნობთ მაგარო ხელით დახატულ ბატონყმურ საზოგადოებრივ ურთიერთობას უკვე თავის დაცემის პროცესში შესულს. ილიამ ეს ყოფა ასახა სიღრმითაც და მხატვრული სიძლიერითაც მაგრამ ცხოვრება ხომ განუწყვეტელი მსვლელობაა წინ, იგი ხომ პროცესში იმყოფება! ბატონყმურ საქართველოს გვერდით და მის შიგნით ხომ არსებობდა ახალი ეკონომიური ფაქტორი და ახალი სოციალური ძალა, რომელიც ძირს უთხრიდა ბატონყმურ საქართველოს და გზას იკაფავდა მომავალისათვის. ი. ჭავჭავაძე თითქოს ვერ გრძნობს ცხოვრების ამ პროცესს: მის ნაწარმოებში არსად არ სჩანს, თუ რღვევის პროცესში მყოფი ბატონყმური საქართველო როგორ გადადის სხვა საზოგადოებრივ ეკონომიურ ურთიერთობაში. ჩვენი ცხოვრების ეს ღრმა მნიშვნელობის პროცესი შეუმჩნეველი დარჩა ილია ჭავჭავაძის მხატვრული ინსტინქტისათვის. თუ ერთი მხრივ თქვენ გრძნობთ ილიას ნაწერში სიძლიერით დახატულ დაცემულ ბატონყმურ საქართველოს, მეორე მხრივ, არსად სჩანს საქართველო ძველი წყობილებიდან შემცვლელი, საქართველო მშობიარობის, ზრდისა და განვითარების პროცესში მყოფი, საქართველო ძველ წყობილებიდან ამომავალი; ეს მეორე საქართველო—საქართველო კაპიტალისტურ ურთიერთობის განვითარების გზაზე მდგარი—ი. ჭავჭავაძემ ვერ დაინახა და შეიძლება არც

უნდოდა დაენახა. ამიტომ ჩვენ ვამბობთ, რომ ილია ჭავჭავაძე საზოგადოებრივი ცხოვრების მხოლოდ ერთ კუთხეს იღებს და მას გვისურათებს მხოლოდ სტატიკაში. ეს უმთავრესად აიხსნება მით, რომ ი. ჭავჭავაძეს არა აქვს ისტორიულ-სოციოლოგიური მეთოდი შემუშავებული, იგი ისტორიულ ფაქტიდან კი არ გამოდის, არამედ წინასწარ განსაზღვრული იდეით მიდის ისტორიულ ფაქტთან; ამიტომ ფაქტი კი არ იშლება ისტორიულ განვითარების ფონზე, არამედ—წინასწარ შემუშავებული გეგმების მიხედვით ისახება მის შემოქმედებაში. ამ მხრივ აღსანიშნავია „ოთარაანთ ქვრივი“. ეს ნაწარმოები რეალისტური ხასიათისაა. მაგრამ უაღრესად ტენდენციური. ი. ჭავჭავაძის მხატვრული დიდი ნიჭი თითქოს ფარავს ამ ტენდენციას და ამ ნაწარმოებს. გვიდგენს როგორც ჩვენი ცხოვრების რეალურად ამსახველს. მაგრამ ეს სწორი არ არის. ი. ჭავჭავაძე 80-იან წლებში გარკვეული სოციალური საფლმხედველობის მატარებელი იყო; მან უკვე შეიმუშავა წოდებათა შორის თანამშრომლობისა და „ჩატეხილ ხიდის“ გამართლების თეორია. ამ წინასწარი შემუშავებული სოციალური თეორიით შეუდგა იგი ჩვენი ცხოვრების ასახვას და გამოცდილი ოსტატის ხელით ააშენა ამ თეორიის გამამართლებელი სურათები. მაგრამ მის მიერ დასურათებული „ცხოვრება“ არ შეესაბამებოდა რეალურ სინამდვილეს. ეს გარკვეული იდეების მიხედვით ასახული ცხოვრება იყო, მაგრამ არა რეალური ცხოვრება თავისი დინამიური განვითარებითა და სოციალური ურთიერთობით. მართლაც, ბატონყმობის მოსპობის შემდეგ პერიოდში წოდებათა შორის დამოკიდებულება უფრო გამწვავდა, გლახისა და მემამულეების ინტერესები რეალურად დაუპირისპირდა ერთი მეორეს, რაც ხშირად ხელჩართულ ბრძოლის ხასიათსაც ღებულობდა: ისტორიული სინამდვილე „ჩატეხილ ხიდის“ გამართლების ვზით კი არ მიდიოდა, არამედ მისი გაღრმავებისა და წოდებათა წინააღმდეგობის გამწვავებით. „ოთარაანთ ქვრივი“ ი. ჭავჭავაძის სოციალურ ფილოსოფიას უფრო გამოხატავდა, ვინემ ჩვენი რეალური ცხოვრების ისტორიულ ვითარებას. მაგრამ სად არის ი. ჭავჭავაძის ნაწერებში ასახული ის საზოგადოებრივი ურთიერთობა და ეკონომიური ცვლილებანი, რომელიც ბატონყმობის მოსპობის შემდეგ პერიოდში განიცადა საქართველოში? იგი არსად სჩანს და მის გადმოცემისათვის არც უზრუნვია ავტორს იმიტომ, რომ იგი ეწინააღმდეგებოდა ავტორის მისწრაფებებს.

სულ სხვა მეთოდი აქვს მხატვრულ ლიტერატურაში გამომუშავებული გ. წერეთელს. ისტორიულ-სოციოლოგიური მეთოდი გ. წე-

რეთელს საშუალებას აძლევდა „ცხოვრება“ დინამიურობაში გაეშალა: ის უაღრესად იყო დარწმუნებული იმაში, რომ ბატონყმურ მეურნეობის რღვევით ნიადაგი ეყრებოდა კაპიტალისტურ საქართველოს; უკეთ რომ ვსთქვათ, კაპიტალისტურ ურთიერთობის განვითარების პროცესებით იყო გამოწვეული ბატონყმური საქართველოს რღვევის აუცილებლობა. აქ ჩვენი ცხოვრება ნათლად ისახება ისტორიულ ფონზე გადაშლილი; ძველი საზოგადოებრივი ფორმების სიკვდილისა და დაშლის პროცესთან ერთად ისახება და ვითარდება ახალი ფორმები, ახალი საზოგადოებრივი დამოკიდებულებანი: ძველ სამეურნეო ცხოვრებიდან ახალი ეკონომიკა ვითარდება, ძველ სოციალურ კლასებს ახალი კლასები უპირისპირდება; ძველი იდეოლოგია—ახალი იდეოლოგიით იღენება. ეს ძველი და ახალი საქართველოს სურათები თავის დაშლისა და განვითარების ფონზედაა ასახული.

ჩვენ ვიტყვოდით უფრო მეტს—გ. წერეთლის მხატვრული ნაწერების მიხედვით შესაძლებელი არის მე-19-ე საუკუნის მეორე ნახევრის საქართველოს ისტორიული ცხოვრების გადმოცემა. ბევრს, ალბად, ეს ჩვენი მოსაზრება გადაჭარბებულად ეჩვენება; მაგრამ ვინც გულდასმით და ობიექტურად გაეცნობა საკითხს, იგი არ შეიძლება არ დაეთანხმოს ჩვენს მოსაზრებებს. ჩვენ უკვე აღვნიშნეთ მისი ნაწერების მთავარი „მასალა“, რომელიც ჩვენი რეალური სინამდვილიდან იყო ამოღებული; ბატონყმური საქართველო თავისი საზოგადოებრივი ურთიერთობით, მისი რღვევის პროცესები, კაპიტალისტური ურთიერთობის განვითარება, წოდებათა მდგომარეობა ამ ახალ პერიოდში, სხვადასხვა კლასების დამოკიდებულება ბატონყმობის მოსპობის საქმესთან, გლეხობის ბრძოლა მემამულეთა წინააღმდეგ და მათი პროლეტარიზაციის პროცესი, ბრძოლა მსხვილ თავადებსა და წვრილ აზნაურებს შორის, კაპიტალისტური კლასების განვითარება; ინტელიგენციის ახალი თაობის წარმოშობა და მისი იდეოლოგია; „თერგდალეულთა“ თაობის დაშლა და „ახალი აზნაურების“ ჩამოყალიბება; ჟურნალ-გაზეთების დაარსება და კულტურული ფონის განვითარება; ბრძოლა ბანკების გარშემო და სხვა მრავალი,—აი ის ნედლი, მაგრამ აქტუალური მასალა, რომელიც ახასიათებდა ჩვენი ცხოვრების მაშინდელ ისტორიულ ვითარებას და რომელიც მხატვრულად ასახა თავის ნაწერებში გ. წერეთელმა.

აღსანიშნავია გ. წერეთლის მისვლა მასალასთან. იგი ილია ჭავჭავაძესავით არ თხზავს „რეალურ ცხოვრებას“ თავის წინასწარ შემუშავებულ იდეების მიხედვით. გ. წერეთელი ეძებს ნამდვილ ისტო-

რიულ ფაქტებს, კონკრეტ მოვლენებს და მას ამუშავებს შეფარდებით ჩვენი ცხოვრების საერთო ისტორიულ ვითარებასთან; ამ კონკრეტ მასალების მიხედვით იშლება დიდი ისტორიული ცხოვრების ფონი. უკვე ცნობილია, რომ გ. წერეთელმა „ჩვენი ცხოვრების ყვაველში“ მასალად აიღო თავისი ავტობიოგრაფიული ცნობები და გაშალა იგი ბატონყმურ ფონზე; „გულჯანში“ „წერილები“ ცნობილ კონკრეტ ისტორიულ ფაქტებზედ არის აგებული; აქ ტიპებად აღებულია ცნობილი ჩვენი მოღვაწეები, ხოლო მასალად— ცნობილი ისტორიული ფაქტები, რომლებშიაც თვით ავტორიც ლებულობდა აქტიურ მონაწილეობას; „გულჯანშიაც“ არა ერთხელ არის გადმოცემული ჩვენი მაშინდელი (60—70-იან წლების) ცხოვრების ცნობილი ფაქტები. ბრძოლა „თერგდალეულთა“ მემარცხენე და მემარჯვენე ბანაკთა შორის, რომლის შესახებაც ჩვენ ზევით ვწერდით, „გულჯანში“ თითქმის ისტორიული დეტალებით არის გადმოცემული და რაც აღსანიშნავია, სწორი ციტატებიც კი მოყავს მაშინდელ კამათიდან ცნობილ პირებს შორის (ი. ქავჭავაძე, ნიკოლაძე). შეიძლება სხვა ნაწერების მიმართაც ასეთივე ანალიზი იქნეს გაკეთებული*). ამით შეტად მნიშვნელოვანი ლიტერატურული ფაქტი მტკიცდება; გ. წერეთელი თავისებური „დოკუმენტალური რომანის“ დამწყებად უნდა ჩაითვალოს ჩვენში. მაგრამ მისი „დოკუმენტალისტობა“ მაინც თავისებურია: იგი კონკრეტ მასალას ანზოგადებს, უფარდებს საერთო ცხოვრების ვითარებას და ისტორიულად ამუშავებს. მას კონკრეტი ფაქტი საერთო მოვლენის გამოხატულებად მია-

* „პირველი ნაბიჯის“ შესახებ კ. აბაშიძე სწერდა: „ყოველივე ეს გარეგანი შემთხვევა პირდაპირ მიგვიითობს ამა თუ იმ პირზედ, და ამ რომანის გამოსვლისთანავე ყველამ თითქმის ერთხმად ერთ ოჯახზედ მიიტანეს ეჭვი (იხ. „ეტიუდები“ ტ. II გვ. 63.) ეს უფლებას აძლევს კიტა აბაშიძეს გ. წერეთელს რეპორტიორი უწოდოს. ბევრად უფრო სწორად სწერდა ბელეტრისტი თეოფილე ხუსკივაძე: „გ. წერეთლის ყველა ნაწერებს ერთი დიდი ღირსება ემჩნევა. ეს შესამჩნევი ღირსება მისი გონებითი ნაწარმოებისაა. გახლავთ ჩვენი ცხოვრების ცოდნა, მისი ავისა და კარგის გაგება და ამ ღირსების ანუ ნაკლის უმეტესკლებობით სანატრელს სინანდელით გამოხატვა. მთელს მის ნაწერებში ისეთი ლიტერატურული სიმართლე გამჟღავნავს, ისეთი სინამდვილითა და ცოცხალის ფაქტებით გემუხაფებათ, რომ უნებლიეთ წარმოიდგინთ თვალწინ მრავალ თქვენ ნაცნობებს, რომლებისაც მხოლოდ სახელები შეცვალეთ და დანარჩენი თვისება ავტორის გმირისა ყველაფერი თქვენს წინ მდგარ ნაცნობში იქნება თავმოყრილი... ბ. გ. წერეთლის ხოჯიერთ ნაწერებში კი ხშირად შეხვდებით ისეთ სცენებს ან მოვლენის აღწერას, რომელიც მრავალჯერ გვინახავს და ნამდვილ მომქმედ პირებსაც ვიცნობთ“ (იხ. თ. ხუსკივაძე: „პირველი ნაბიჯი“— გვ. 15—16, 1891 წ.)

ჩნია და ამიტომ ფაქტიდან ფართო დასკვნამდე მიდის; ილია ჭავჭავაძე კი წინასწარ გამომუშავებული იდეით მიდის ცხოვრებასთან და ფაქტებს ამ იდეების მიხედვით ამუშავებს, ე. ი. თხზავს.

გ. წერეთელს სრული უფლება ჰქონდა ეთქვა თავის თავზე, რომ იგი, „ნამდვილი, შეუფერავი რეალიზმის“ განმმტკიცებელი იყო საქართველოში. ასეთი იყო ზოგადად გ. წერეთლის მხატვრული შემოქმედების ხასიათი. გ. წერეთლის მხატვრული სოფლმხედველობა და ლიტერატურული მოღვაწეობის მნიშვნელობა შეიძლება სამ მუხლში ჩამოყალიბდეს:

1. ესთეტიკის თეორიაში მან რუსეთის 60-იანი წლების ახალი აზროვნების ზეგავლენით უარყო ძველი შეხედულება და განმმტკიცა ჩვენში ხელოვნების უტილიტარული თეორია, რომელიც ცხოვრების სამსახურისაკენ მოუწოდებდა ხელოვნებას. ხელოვნება არა ხელოვნებისათვის, არამედ ცხოვრებისათვის—ასეთი იყო გ. წერეთლის ესთეტიური შეხედულება. აქედან გამომდინარეობდა გ. წერეთლის მეორე შეხედულება: ხელოვნება რომელიმე გარკვეულ იდეას და პროგრამას უნდა ემსახურებოდეს, ე. ი. ხელოვნება და პოლიტიკა განუყრელად უნდა დაუკავშირდეს ერთმანეთს.

2. ლიტერატურული მიმართულების მიხედვით—გ. წერეთელი „შეუფერავი, ნამდვილი რეალიზმის“ მიმდევარი იყო. ხელოვნებამ უნდა გამოხატოს ნამდვილი, რეალური ცხოვრება თავის ისტორიულ განვითარებაში მოცემული. მხატვარი უნდა სწავლობდეს ამ ცხოვრებას და ნამდვილ ისტორიულ ვითარების მიხედვით უნდა შლიდეს ცხოვრების ფონს. ამხრივ გ. წერეთლის მხატვრული ალლოცხოვრების დამახასიათებელ აქტუალურ მასალებისა და თემების გამოძებნაში აუცილებლად ღირსშესანიშნავია. ამ ხაზით მას გერავინ ვერ შეედრება. გ. წერეთელმა შესძლო ჩვენი ისტორიული ცხოვრების ვითარების გადატანა ფართო მხატვრულ ფონზე.

3. ლიტერატურული მეთოდების მიხედვით იგი სოციოლოგიურ თვალსაზრისზე დგას. გ. წერეთელი—სოციოლოგ ბელეტრისტად უნდა ჩაითვალოს ჩვენში.

5

ახლა განვიხილოთ გ. წერეთლის სოციალ-პოლიტიკური და ეკონომიური სოფლმხედველობა. ზევით ჩვენ მოვიყვანეთ თვით გ. წერეთლის მიერ დახასიათებული პროგრამა, რომელსაც გ. წერეთელი და მისი ახალი ჯგუფი ემსახურებოდა 60-იან წლებში. თავისი კლასიურ მნიშვნელობით ეს პროგრამა ბურჟუაზიული შინაარსისა

არის, მაგრამ უფრო რადიკალური და დემოკრატიულია თავის მეთოდებში. ეს არც გასაკვირველია, იმ პერიოდში, როდესაც საქართველო ახლად გამოდიოდა ბატონყმურ მეურნეობას ურთიერთობიდან — დემოკრატიზმი და რადიკალიზმი ისტორიულ-ობიექტურ პირობების გამო ბურჟუაზიული შინაარსის მატარებელი იყო. ეს ცნებები იშუამალ ჯერ კიდევ განუყრელი იყო; ისინი ავსებდნენ ერთი მეორეს და არსებითად ახალ საზოგადოებრივი ურთიერთობის ანარეკლს წარმოადგენდნენ. გ. წერეთლის პროგრამაც ახალი ეპოქის ნაყოფი იყო და მასთანვე დემოკრატიულ და რადიკალურ მისწრაფებების მატარებელი. ეს დემოკრატიზმისა და რადიკალიზმის პრინციპები გ. წერეთელმა იმავე 60-იანი წლების რუსეთის ახალთაობის აზროვნებიდან ისესხა და თავისი დაუღალავე ენერგიით ცდილობდა ეს იდეები დაედვა ჩვენს ახალი თაობის ინტელიგენციის სამოღვაწეო პროგრამის საფუძვლად. უნდა ვთქვათ, რომ მისი რედაქტორობით გამოცემული გაზ. „დროება“ (1866 წ.) უშესანიშნავეს ეპოქას წარმოადგენდა ჩვენს ჟურნალისტიკის ისტორიაში. ეს გაზეთი იყო ნამდვილი დემოკრატიული მისწრაფებების გამომხატველი, ჩვენი ინტელიგენციის რადიკალურ მისწრაფებათა გამწვანებელი. 1868 წ. მისივე რედაქციით გამოცემული „სასოფლო გაზეთი“ გაღრმავება იყო იმ პროგრამისა, რომელიც წამოაყენა განსახორციელებლად „დროებაში“; „სასოფლო გაზეთი“ პირველი პოპულარული საგლეხო გაზეთი იყო საქართველოში გამოცემული, რომელიც მიზნად ისახავდა ქართველი გლეხის დახმარებასა და მის გონებრივ განვითარებას. 1861 წლიდან ჩვენში „გუთნის დედაც“ გამოდიოდა, მაგრამ ეს „სოფლის მეურნეობისა და ვაჭრობის“ გაზეთი არსებითად მემამულეთა ორგანო იყო. გ. წერეთელმა არა მემამულე, არამედ გლეხი გაიხიდა თავის სამოღვაწეო საგნად და ამ მიმართულებით მისი მოღვაწეობა მართლაც აღსანიშნავია. ჟურნ. „კრებულის“ გამოცემით (1871—73 წ.) გ. წერეთელმა კიდევ ერთი მნიშვნელოვანი ნაბიჯი გადასდვა ჩვენი ჟურნალისტიკის განვითარების ისტორიაში. ეს ორგანო ფაქტიური დამატება იყო გაზ. „დროებისა“ და იგი უფრო საფუძვლიანად და თეორიულად არკვევდა იმ პროგრამას, რომელიც ამ გაზეთმა წამოაყენა.

გ. წერეთლის დემოკრატიული მისწრაფება, უწინარეს ყოვლისა, ბატონყმურ წყობილების წინააღმდეგ ბრძოლაში გამოიხატა. „დროების“ პირველსავე ნომერში იგი სწერდა: „იცი მკითხველო, რაში მოვფაოვე მე ჩემი სიკბაბუკე? — გლეხების განთავისუფლებაში. დიახ, იმ დროიდან, როდესაც ჩვენ დაჩაგრულ ძმებს მივეცი თ დიდი

ხნიდან დაკარგული სიმართლე, იმ დღიდან წარმომიდინდა ჩემი ახალი წყარო ქაბუკობისა და შენიც უფრო ნათელი, ღონიერი და უფრო სამართლიანი წყარო ცხოვრებისა“ 1). მეორე წერილში იგი ხაზგასმით აღნიშნავს, რომ ბატონყმობის მოსპობის შემდეგ ჩვენი ინტელიგენციის უმთავრეს მოვალეობას შეადგენს გააუმჯობესოს უმიწაწყლო გლეხის მდგომარეობა და გამოიყვანოს იგი მატერიალურ და გონებრივად ჩამორჩენილობიდან.

როგორც დავინახეთ, გ. წერეთელმა გარკვევით შეიგნო ბატონყმურ მეურნეობის რღვევის აუცილებლობა და ამ საზოგადოებრივი წყობილების შეუსაბამობა ჩვენი ცხოვრების წინმსვლელობასთან. მეორე მხრივ გ. წერეთელი ნათლად ხედავდა ახალი სამეურნეო პერიოდის დასაწყისს საქართველოში, ვაჭრობის, მრეწველობისა და ალებ-მიცემობის ჩქარი ტემპით განვითარებას. გ. წერეთლის სიმპატიებიც ამ მეორე პროცესისაკენ იყო მიმართული. იგი გრძნობდა, რომ ახალი სამეურნეო ცხოვრების მეთაურად ვერ გამოდგებოდა ქართველი თავად-აზნაურობა, რომ მას ახალი საზოგადოებრივი წრე უნდა გამოსჩენოდა ხელმძღვანელად. ამ წრეს გ. წერეთელი ახალ-სოციალურ ფენებსა და ახალი თაობის ინტელიგენციაში ხედავს. იგი სწერდა: „ამ წოდების (თავად-აზნაურობის) ოდენი უზნეობა და ქვეყნის გამცემობა არც ერთ წოდებას არ მიუძღვის. ძველთაგანვე დაწყებული ჩვენი ქვეყანა სულ ამ ბოროტ წოდების უსამართლობით იყო დაღუპული... დროთა ვითარებამ ისინი (თავად-აზნაურობა) მშრომელი ხალხის კისრიდან გადმოასკუპა, დასვა ცარიელზედ და უთხრა:—აწ შენი ოფლითა და მკლავით იმრომეგო; გაფუჭებული და ღონე გამოლეული ჩვენი თავად-აზნაურობა დარჩა ყოველად უნუგეშო მდგომარეობაში: შრომა იმას არ შეუძლია, სწავლა და მოხერხება არა აქვს. ამის გამო ის თანდათან ღარიბდება, საშვალეობა ხელიდან ეცლება და თანდათან ჰქრება მისი სახელწოდებაც. ამ გარემოებაში მოგებული დარჩა ის უმთავრესი ნაწილი ხალხისა, რომელიც ძველთაგანვე გაჭირვებაში და შრომაში იყო გაწაფული-მომავალიც ამ ჯანით ღონიერს ხალხზე ტრიალებს და იმდენი შეგნებითი კარგი თვისებაცა აქვს, რომ მიუცილებლად ბურთი და გოგდანი იმას დარჩება. მით უფრო სარწმუნოა ეს ამბავი, რომ ამ ქორთა ხალხის ნამდვილ შეილებათ და მომავლათ სთვლის თავის თავს ის გონება გახსნილი მშრომელი ახალგაზრდა,

1) იხ. ფელეტონი: „მათხალას აღსარება“, — „დროება“ № 1, 1866 წ.

რომელსაც სულ პირველად ქვეყნის ბედნიერება და მთელი ერის კეთილდღეობა აქვს წინ წამოყენებული. ამ სახით ჩვენი თავად აზნაურობის დასუსტება, და ქვეითება და მუშახალხის სულის ჩადგმა, იმისი წინ წამოწევა, — ი დიდად სანუგეშო ნიშანთაგანი ამ დროებისა. მაშ გაუმარჯოს მშრომელს ერს და იმის მოთავეს მშრომელს, განათლებულს ახალგაზრდობას. ჩვენი ქვეყნის ბედნიერება შემდეგში მათ ერთმანეთთან დაკავშირებაზე და დამეგობრებაზეა დამოკიდებული“¹⁾.

ასეთი არის ის დემოკრატიული შეხედულებანი, რომელიც გატარებულია გ. წერეთლის 60—70-იანი წლების პუბლიცისტურ წერილებში. ბრძოლა დემოკრატიისათვის და დემოკრატიული წყობილებისათვის გ. წერეთლის პოლიტიკური აზროვნების ქვაკუთხედს წარმოადგენდა. ერთ ხელმოუწერელ წერილში ავტორი სწერდა: „რომელ ხალხსაც სრული თავისუფლება არა ჰქონია, იმას თავის დღეში ვერა გაუკეთებია რა ქვეყნისათვის. მაგრამ რომელი ხალხიც მომეტებულიად თავისუფალი ყოფილა, ის მომეტებულიად განათლებული, ბედნიერი, სამართლიანი და მოსიყვარულე ყოფილა... როგორც მცენარე ვერ აყვავდება უმზეოდ და უჰაეროდ, ისე ის (ხალხი) ვერ გაიშლება წელში, თუ თავის თვალის წინ ვერ ჰხედავს გამლილს თავისუფლებას, სადაც ყველა კაცი თავის თავის მეფეა და იმის პიროვნებას ვერა შემოხლუდავს რა“²⁾.

ასე სწერდა გიორგი წერეთელი თავისუფლების მნიშვნელობისა და დემოკრატიზმის შესახებ 60-იან წლებში და ასეთი აზრები ფართოდ არის გატარებული მთელს მის ნაწერებში. მაგრამ მისი დემოკრატიზმი ნაროდნიკულ აზროვნების ელფერსაც ატარებს: არა მარტო ფართო მშრომელი მასისთვის სამსახური, არა მარტო ვაოის მოხდა გადატაკებული გლეხების წინაშე, არამედ ხალხზე დაყრდნობაც და მათი საშვალებით ბრძოლა ახალ ცხოვრებისათვის, აი რაში გამოიხატებოდა გ. წერეთლის დემოკრატიობა. „მგზავრის წერილში“ ავტორი სწერდა: „ხალხი ყველგან და ყოველს ჟამს მკვირცხლონებიანია. იმის მღვიძარე გრძნობას არ დაემალება ყოველნაირი ცუდი მხარე საკუთარი ცხოვრებისა. რამდენადაც უფრო მავნებელია ერის ცხოვრებისათვის რომელიმე ქვეყნის დაწესებულება, იმდენად

1) გ. წერეთელი: „ამ დროის მოძრაობა“, — „კრებული“ № 3, გვ. 227—31, 1873 წ.

2) „რამოდენიმე აზრი ჩვენს ცხოვრებაზე“ — „დროება“ № 25, 1868 წ.

აღელვებულია იმისი აზრი, რომელიც ამ შემთხვევაში ეძებს საშუალებას, რომ ამ ცუდის დაწესებულებისაგან თავი დაიხსნას¹⁾.

მაგრამ თუ, ერთი მხრივ, გ. წერეთელის პოლიტიკური აზროვნება დემოკრატიზმისა და რადიკალიზმის გზით მიემართებოდა, მეორე მხრივ, იგი ღრმად იყო დარწმუნებული ვაჭრობა-აღებ-მიცემობისა და მრეწველობის განვითარების აუცილებლობასა და საქიროებაში. პროცესი ჩვენი ეკონომიური განვითარებისა კაპიტალისტურ ურთიერთობისაქენ თავიდანვე გათვალისწინებული ჰქონდა გ. წერეთელს. ერთ თავის წერილში იგი სწერდა: „ჩვენი ახლანდელი სოფლებიც — გლეხი და მეპატრონე ყველანი ამჟამად ითხოვენ ფულს. ვაჭრებმა ეს შეიტყვეს და ერთ მანეთზე მანეთის სარგებელს იღებენ. ამ სახით ყოველი მიწის მუშა შეიქნა ვაჭრის მოხარჯე; ის ყოველ მანეთზე, მანეთის ხარკს ითხოვს სარგებლის სახელით. ამ სახით მიწაზე დამოკიდებული ბატონყმობა ახლა შეიცვალა ფულზე დამოკიდებულს ბატონყმობით და უწინდელი ბატონები ყველანი მის ყურმოჭრილ ყმებად ჰხდებიან. მეც რომ არ ვთქვა, ამას ყოველი მიწის მომუშავე ავითონ ფიქრობს და გრძნობს. ცდილობს ამისთანა ხიფათში თავი არ გაპყოს, მაგრამ ვერა მოუხერხებია“²⁾. 1866 წ. ხელმოუწერელ წერილში იგი აღნიშნავდა: „ჩვენში კეთდებიან რამოდენიმე ფულის მქონებელი პირნი მრავლის შრომით და მოღვაწეობით. ახლა ვხედავთ რომ ამ სიღარიბის გზაზე ვდგევართ და რამდენიმე დროს შემდეგ უეჭველად პროლეტარში ჩავცვივით“³⁾.

გ. წერეთელი და დიდი ნაწილი 60-იანი წლების ახალი თაობის ინტელიგენციისა თუ ერთი მხრივ ნათლად გრძნობდა რომ ვაჭრობა-მრეწველობისა და აღებ-მიცემობის განვითარება ჩვენში აუცილებელი და სასარგებლოა, მეორე მხრივ, იგი ხედავდა, რომ კაპიტალისტური ურთიერთობის განვითარება საფრთხესაც წარმოადგენდა ხალხისათვის იმდენად, რამდენადაც ეს ურთიერთობა არღვევდა დაბალი წოდების ეკონომიურ საფუძვლებს და „პროლეტარში ჩაცვივით“ ემუქრებოდა ერის დიდ ნაწილს. ამგვარი ეკონომიურ-სოციალური შედეგების ეშინოდა ინტელიგენციას. განსაკუთრებით აღსანიშნავია ის, რომ ინტელიგენციას აფრთხობდა დასავლეთ ევროპის კაპიტალის შემოჭრა საქართველოსა და ამიერკავკასიაში იმი-

1) გ. წერეთელი: თბზულებანი—278. 1926 წ.

2) „ორიოდე სიტყვა სასოფლო ბანკების თაობაზე“, — „სასოფლო გაზეთი“, № 11, 1871 წ.

3) „დროება“, № 25, 1866 წ.

ტომ, რომ მისი წარმოდგენით ევროპის დაწინაურებული ქვეყნები თავიანთი ცოდნითა და ტექნიკით დაიმონებენ ჩვენს ქვეყანას და მას თავის საექსპლოატაციო ობიექტად გადააქცევენ.—ასე ფიქრობდა მაშინდელი ინტელიგენცია. იგივე გ. წერეთელი ამ საკითხის შესახებ სწერდა:

„გამოჩნდა, რომ რკინის გზა ყოფილა გამართული იმ განათლებული ხალხებისათვის, რომელთაც ნამუშევრისა და სხვა ნაწარმოების უმრავლესობა აწუხებდათ, შემოსატანი მოხერხებული გზა არ ჰქონიათ ჩვენში და თურმე რკინის გზა უნდოდათ გაემართათ, რომ შესძლებიყოთ იმათი შემოტანა და გასაღება. გამოჩნდა, რომ რკინის გზა ვაკეთებულა ფულიან კაცებისა და ყოველნაირ ხელობაში გაწვრთნილ კაცებისათვის, რომელთაც მხოლოდ მასალა ჰკლებიათ თავის ქვეყანაში, მიწა ცოტა ჰქონიათ და ამის გამო, რაკი რკინის გზამ იმათ ჩვენი ქვეყნის გული გაუხსნა, ფუტკრებსავით უნდა შემოვიდნენ და ყოველნაირი შეუმუშავებელი მასალა გაიტანონ, მიწები მოაპოვონ და იწყონ თავის ნახელავების მრავლება, ყიდვა და როგორც მდიდრები არიან, უნდათ კიდევ უფრო გამდიდრდნენ. ამ შრომის ბრძოლაში ჩვენ რაღა შეგვიძლიან. იმათ აქვთ ფული, ჩვენ არა; იმათ აქვთ სწავლა, ჩვენ არა. იმათ იციან ყოველნაირი ხელობა, ჩვენ კი არა ვიცით-რა. იმათ აქვთ ქარხნები, ჩვენ კი არაფერი. მაშ გამოჩნდა, რომ ჩვენი რკინის გზა აპირებს ჩვენსავე ქვეყანაში უფულო, უსწავლელის, მოხელეობის უცოდნელის საქართველოს ანუ უკეთ ვთქვათ, კავკასიის ერების შებმას მდიდარ ევროპის ხალხებთან, რომელთაც აქვთ აუარებელი სიმდიდრე, საუკეთესო იარაღები, ყოველნაირი ხელობის სწავლა, დიდი მეცნიერება და ამის შემდეგ შენ თვითონ გამოიცან მკითხველო, ვის დარჩება ბურთი და მოედანი შემდეგში“ 1).

ამგვარად საქართველოში ევროპისა და რუსეთის კაპიტალის შემოჭრაში გ. წერეთელი დიდ ეკონომიურ საფრთხეს ხედავდა და ამიტომ ეძებდა საშუალებას ამ საფრთხიდან თავის დასახსნელად. ამ შემთხვევაში იგი პრინციპიალურად ეს არ ებრძოდა კაპიტალიზმსა და კაპიტალისტურ ურთიერთობას, არამედ რუსეთისა და ევროპულ სახელმწიფოთა, თუ შეიძლება ასე ვთქვათ, კაპიტალისტურ პოლიტიკას უარყოფდა. მაგრამ როგორი საშუალებით ფიქრობდა გ. წერეთელი ევროპის კაპიტალის მავნე მხარეების წინააღმდეგ ბრძოლას საქართველოში, როგორი იყო ამ მხრივ მისი პრაქტიკული ღონის-

1) გ. წერეთელი: „საამხანაგო ბანკები“. „კრებული“ № 8-9, 1872 წ.

ძიებანი?— მისი ეკონომიური პროგრამა ეროვნული კაპიტალიზმის განვითარებაში გამოიხატებოდა. თუ გვინდა თავიდან ავიცილინოთ სხვა ქვეყნების ეკონომიური მონობა და ექსპლოატაცია,— ამბობდა გ. წერეთელი— ჩვენ უნდა ვებრძოლოდ მათ იმავე იარაღით, როგორითაც ის გვიპირებს ჩვენ დაპყრობას. ვაჭრობა-მრეწველობის განვითარება, სწავლა-განათლებისა და მეცნიერების გავრცელება, ტექნიკის გაუმჯობესება— არის ის საშუალებანი, რომლითაც უნდა შეიარაღდეს ქართველი ხალხი და დაიცვას თავი უცხო კაპიტალის შემოტევისაგან. იმავე წერილში. გ. წერეთელი სწერდა: „მით უფრო ღრმად გვმართებს მოსაზრება, რომ როგორმე უეცრად მოვარდნილს ღვარს ჩვენი საერთო სახლ-კარის საძირკველი არ გამოვართვეინოთ; ისეთი ქვიტიკირის კედლით შევიზღუდოთ თავი, რომ მაგარი ბურჯები ჰქონდეს, არ აგვატივტივოს და ქვეყნის მორევში არ ჩაგვიტანოს— ამისთანა მკვიდრი კედელი ამჟამად უნდა იყოს ფულის გაჩენა ჩვენში, რომ ყოველ კაცს ახალი საქმის დაწყებისათვის ხელი მოენაცვლებოდეს“¹⁾. მეორე წერილში იგი ამბობს: „აწ რა რკინის გზა გაიხსნა, იმან მიუთითა საქართველოს ტომის ვაჭარს ხალხს ხელი ტფილისზე და უთხრა: აი, შენი დედაქალაქი და საქართველოს ბურჯი გარეშე ხალხს ჩაუგდია ხელში. შენ ეს აქამდის არ იცოდი და რომ გცოდნოდა მაინც, აქამდის ვერას გაარიგებდი, აწ მიესიეთ და იჩინეთ თავი ტფილისის სავაჭრო ასპარეზზე. ეხლა იქ არის ბურთი და მოედანი. დაიწყეთ ტფილისის სავაჭრო ბაზარში მიწოლა და ვაჭრობა. ისევ თქვენ დაირჩინეთ. უამისოდ ტფილისიც სამუდამოდ დაკარგულია და ქართლ-კახეთის მიწა-წყალიც დაღუპულია... მაშინ ჩვენი ცხოვრების ნაკადულიც ძალიან გადიდდება, იწყებს წარმატებით ჩქარ დენას და კეთილდღეობაც მოახლოვებულა“²⁾.

ასე სწერდა გ. წერეთელი ნაციონალურ კაპიტალის განვითარების აუცილებლობისა და საჭიროების შესახებ. მისი ეკონომიური პროგრამა იმ პერიოდისთვის უაღრესად პროგრესული იყო. ამ შემთხვევაში გ. წერეთელმა ღრმად განსჭვრიტა ჩვენი ეკონომიური ცხოვრების ისტორიული ვითარება და ისეთი ეკონომიური პროგრამა შეიმუშავა, რომელიც ძირითადად შეესაბამებოდა ქართველი ხალხის მოთხოვნილებებს. აქ გ. წერეთლის პირით ისტორიული სინამდვილე მეტყველებდა და იგი გამოხატავდა მშობიარობის პროცესში მყოფ

1) იქვე.

2) გ. წერეთელი. „ამ დროის მოძრაობა“. „კრებული“ № 3, 1873 წ.

ქართველ ბურჟუაზიის სასიცოცხლო ინტერესებს. გ. წერეთელი შეგნებული წინამორბედი და მებრძოლი იყო ამ ახალი კლასისა. მისი იდეოლოგია ახალი, ბურჟუაზიული საქართველოს იდეოლოგია იყო, რომელიც ისახებოდა ახალ სოციალ-ეკონომიურ ცვლილებათა ნიადაგზე. მაგრამ რადგან ეს ახალი სოციალ-ეკონომიური ნიადაგი ჯერ კიდევ მშობიარობის პროცესში იმყოფებოდა, ჯერ კიდევ განუვითარებელი და მოუმწიფებელი იყო, ამიტომ ასეთს პირობებში აღმოცენებული ბურჟუაზიული აზროვნება და იდეოლოგია თავისებური სახის მატარებელი უნდა ყოფილიყო. აღსანიშნავია სწორედ ის გარემოება, რომ გ. წერეთელი მხარს უჭერდა ასოციაციებსა და მეთუნეობის კოლექტიურ ფორმებს. აქ მართლაც სჩანს ჯ. სტ. მილის გავლენა. გარკვეული ენით რომ ვთქვათ, გ. წერეთელი მომხრე იყო კაპიტალიზმში ჩვენში კოლექტიურ ფორმებში განვითარებული იყო, ე. ი. მას სურდა კაპიტალისტურ ურთიერთობის განვითარებას მიეღო მშვიდობიანი და დემოკრატიული ხასიათი. ერთი მხრივ, მას აფრთხობდა ქართველი გლეხობის „პროლეტარიატში ჩაცვენის“ შიში, მასების გალატაკება და ის უხეში მეთოდები, რომელსაც კაპიტალიზმი იყენებს თავისი განვითარების დროს; მეორე მხრივ, ევროპის ცხოვრების შესწავლით გ. წერეთელმა კარგად იცოდა, თუ როგორ დიდ სოციალურ ბრძოლებს იწვევს წინააღმდეგობა შრომისა და კაპიტალს შორის და ჰქმნის ანარქიას კაპიტალისტური ურთიერთობის განვითარება ამა თუ იმ ქვეყანაში. აქედან შემუშავდა გ. წერეთლის ეკონომიური პროგრამა, ასე ვთქვათ, პროგრამა დემოკრატიული კაპიტალიზმის განვითარებისა საქართველოში, — კაპიტალიზმის, რომელსაც გ. წერეთლის წარმოდგენით დაკარგული ექნებოდა თავისი მკაცრი და უხეში სახე და რომელიც კოლექტიურ-ასოციაციურ ფორმებში მოთავსდებოდა. ასეთი კაპიტალიზმი აგვაცდენს „პროლეტარიატში ჩაცვენას“ და მასში შესძლებს გაერთიანებას ჩვენი საზოგადოების ყოველი ცოცხალი ძალა: მუშა, გლეხი, ვაჭარი, მრეწველი, ინტელიგენტი და სხვა, ისე იქნება უპროლეტარო კაპიტალიზმი, უფრო მშვიდობიანი და დემოკრატიული, ვინემ არის დასავლეთ ევროპაში. ასე ფიქრობდა 60—70-იან წლებში გ. წერეთელი. და მისი აზროვნება სავსებით შეესაბამებოდა მაშინდელ პროგრესიულ-რადიკალური ინტელიგენციის მისწრაფებებს; ამ პროგრამაში დემოკრატიზმიც იყო დაცული და კაპიტალიზმიც, მშრომელი ფენებიც (გლეხი, მუშა, ინტელიგენტი) და ბურჟუაზიაც; ამ პროგრამით გ. წერეთელმა შეუქავემირა დემოკრატიზმი კაპიტალიზმს, მშრომელი მასა — ბურჟუაზიას; ასე შეადგულა გ. წერეთელმა ერთ სინტეზ-

ში სხვადასხვა მოვლენები და სოციალური კატეგორიები. ასე სურდა მას დაეკარგა კაპიტალიზმისათვის ანტაგონისტური და კლასიური ხასიათი და გადაექცია იგი ჩვენი საზოგადოებრივი ცხოვრების პროგრესულ ძალების გამაერთიანებელ ფაქტორად. რასაკვირველია, ასეთი პროგრამა ყალბ სოციოლოგიურ საფუძველზე იყო აგებული: კაპიტალიზმის განვითარება უკვე გულსხმობს ანტაგონისტურ-კლასიურ საზოგადოებას, ბურჟუაზიისა და პროლეტარიატის სოციალ-ეკონომიურ ბრძოლებს; რომ ინტელიგენციის სურვილისა და აზრების მიხედვით კი არ ვითარდება კაპიტალიზმი და მუშავდება მისი ფორმები, არამედ ისტორიულ აუცილებლობით, საზოგადოებრივი ცხოვრების შინაგანი კანონებით. გ. წერეთელი, რომელიც არ იცნობდა ამ კანონებს და სუბიექტური სოციოლოგიის ნიადაგზე იდგა, ცდილობდა საქართველოს საზოგადოებრივი წყობილების განვითარებისათვის სასურველი შინაარსი და ფორმები მიეცა. ეს უტოპიური ცდა იყო; მაგრამ ეს ბურჟუაზიული უტოპიზმიც ახალი იდეოლოგიის დამახასიათებელ თვისებას წარმოადგენდა: ამ უტოპიზმის ფორმაშიაც ნათლად სჩანდა ბურჟუაზიული პროგრამა და ბურჟუაზიული აზროვნება.

აღსანიშნავია გ. წერეთლის საბანკო პოლიტიკაც. როგორც ვიცით, ბატონყმობის მოსპობის შემდეგ დ. ყიფიანის მეთაურობით წამოყენებულ იქნა სათავად-აზნაურო ბანკების დაარსების პროექტი. ამ პროექტის მეთაურთ სურდათ გალატაკების გზაზე შემდგარი თავად-აზნაურობა ბანკების საშვალებით გადაერჩინათ სრულ განადგურებას და შეენარჩუნებიათ მათთვის ქონებრივ-ეკონომიური უპირატესობა. 70-იან წლების დასაწყისში ბანკების საკეთხის გარშემო დიდი კამათი გაიმართა ქართულ პრესაში. ახალი თაობის ინტელიგენცია სხვანაირად უყურებდა ბანკის დანიშნულებას: მას არ სურდა წოდებრივ ფარგლებში მოექცია ბანკი და იგი ერთი წოდების ინტერესების დამცველად გაეხადა. გ. წერეთელს კარგად ესმოდა ბანკების მნიშვნელობა ეკონომიური ცხოვრების წარმატების საქმეში. იგი მთელი თავისი ენერჯით მხარს უჭერდა სასოფლო-სამეურნეო და „მოკლე-ვადიან სამრეწველო ბანკების წესწყობილებას“. ამ საკითხშიაც გ. წერეთელი თავიდანვე დაადგინა დემოკრატიულ გზას და მისი საბანკო პოლიტიკა არსებითად შეფარდებულ იყო ჩვენი ცხოვრების სამრეწველო განვითარების საქმესთან.

განსაკუთრებით ყურადღების ღირსი არის გ. წერეთლის ეროვნული პოლიტიკა. 50—60—70-იან წლებში, როდესაც აღორ-

ძინება დაეტყო ჩვენ საზოგადოებრივ ცხოვრებას და დაიწყო კაპიტალიზმის განვითარების პროცესი ჩვენში, გამოცოცხლება დაეტყო ბურჟუაზიულად განწყობილ ინტელიგენციის ეროვნულ მისწრაფებასაც, კლასიური ბრძოლის განვითარებასთან ერთად გაცხოველდა ინტელიგენციის ეროვნული შეგნებაც. 1832 წლის შეთქმულების დამარცხების შემდეგ ქართული ეროვნული პოლიტიკის შინაარსი რუსეთის ტახტისადმი ერთგულებასა და საქართველოსადმი სიყვარულში გამოიხატებოდა. თავად-აზნაურული ინტელიგენცია შეეზარდა რუსეთის სახელმწიფოებრივ აპარატს და მისი პოლიტიკის ერთგული დარაჯი გახდა საქართველოში. ასეთი იყო მაგ. დ ი მ. ყ ი ფ ი ა ნ ი ს ეროვნული პოლიტიკა ¹⁾). სხვა გზას დაადგა 60-იან წლების ახალთაობის ინტელიგენციის ზოგიერთი ნაწილი. ამ ინტელიგენციის ლოზუნგი იყო ეროვნული თავისუფლების მოპოება თვითმპყობელობის დამხობის საშუალებით. იგი პრინციპიალურად არ იზღარებდა „ტახტთან“ თანამშრომლობას და მეფის ერთგულების პოლიტიკას; მისთვის მთავარი იყო ეროვნული თავისუფლების აღდგენა, როგორც გარანტია ხალხის ცხოვრების ალორძინებისა და ეკონომიური დამოუკიდებლობის მოპოებისა. გ. წერეთლის პოლიტიკა ეროვნულ საკითხში ამ გზით მიემართებოდა; იგი უაღრესი დამცველი იყო ამიერ-კავკასიის ერთა სოლიდარობისა და დამოუკიდებლობის დემოკრატიულ-ფედერატიულ საფუძვლებზე. 1874 წ. ციურისში მოწვეულ ა/კავკასიის მოღვაწეთა კონგრესზე გ. წერეთელი ატარებდა იმ აზრს, რომ საჭირო არის ამიერ-კავკასიის დამოუკიდებლობის მოპოება და მტკიცე დემოკრატიულ-ფედერატიულ საფუძველზე აშენება სახელმწიფოებრივ მართვა-გამგეობის საქმისა ამიერ-კავკასიაში ²⁾). აღსანიშნავია ის ფაქტიც, რომ გ. წერეთელი თავიდანვე დამცველი იყო ამიერ-კავკასიის ერთა სოლიდარობისა და თანამშრომლობის. 1879 წ. იგი სწერდა: „ჩვენ საქართველოს ხალხს და იმათს დაწინაურებულს კაცებს დღეს ბაირალზე ეს უნდა გვეწეროს: ერთმანეთთან დახმარება, ერთმანეთის პატივისცემა. სამივე ერის (სომხების, ქართველების და თათრების, ს. ხ.) გულისთვის ერთად ზრუნვა, ძმური კავშირი და საერთო ძალით იმ შინაური ცუდის გასწორება, რომელიც ასე აჩერებს ჩვენს კეთილ-მდგომარეობის გზაზე წინ წასვლას... ეს სამი ტომი დღეს კავკასიის აქეთა მხარეში მკვიდრი მოსახლენი არიან, ერთმანეთის დახმარებით აშენდებიან, ერთმანეთის მტრობით

1) იხ. ჩემი ნაწარმოები: „დემიტრი ყიფიანი“.

2) იხ. Ив. Джабадари: „Процесс 50-ти“—„Былое“ № 9, 1907 წ.

კი დაიქცევიან“ 1). ასე სწერდა ამიერ-კავკასიის ერთა სოლიდარობისა და თანამშრომლობის შესახებ გ. წერეთელი 70-იან წლებში და ამ პრინციპისათვის მას არასდროს არ უღალატნია. მისი ვაგებით ამ ერთა სოლიდარობა, თანამშრომლობა და შეთანხმებული მოქმედება იყო საუკეთესო გარანტია ამიერ-კავკასიის დამოუკიდებლობის მოსაპოვებლად. როგორც ვიცით, ჟურნ. „ივერია“ ი. ჭავჭავაძის მეთაურობით და ქართველი თავად-აზნაურობა ცხარე ბრძოლას აწარმოებდნენ სომხობის წინააღმდეგ. ეს ბრძოლა არსებითად გამოხატავდა ქართველ თავად-აზნაურთა და სომხის ბურჟუაზიის კლასიურ ბრძოლას; გ. წერეთელი, როგორც ახალგაზრდა ქართველი ბურჟუაზიის წარმომადგენელი, თითქოს ვერ გრძნობდა 70-იან წლებში სომხის კაპიტალის წინააღმდეგობას; და იგი ფიქრობდა, რომ სომხისა და ქართველი ბურჟუაზია ინტელიგენციის ხელმძღვანელობით უნდა შეთანხმდნენ და ერთად დაიცვან თავიანთი ეკონომიური ინტერესები.

როგორათაც არ უნდა ავსხნათ გ. წერეთლის პოლიტიკა ამ საკითხში, მაინც უნდა ვსთქვათ, რომ მას მხნეთ ეკირა ხელში ეროვნული სოლიდარობის დროშა და თავ-გამოდებით იცავდა ამიერ-კავკასიის ერთა დაახლოებისა და დამოუკიდებლობის საქმეს 2). ამ მხრივ მისი პოლიტიკა არსებითად განსხვავდებოდა ი. ჭავჭავაძის პოლიტიკისაგან.

6

90-იან წლებში გ. წერეთელმა ერთი მეტად საინტერესო პოლიტიკური ნაბიჯი გადასდგა: მან პოლიტიკური კავშირი დაიჭირა ახლად ჩამოყალიბებულ სოციალ-დემოკრატიულ ჯგუფებთან და ბოლოს მარქსიზმის დროშაც დაიჭირა ხელში. გ. წერეთლის ამ ნაბიჯმა ცხარე კამათი გამოიწვია მაშინდელ ქართულ პრესაში 3) და დღესაც იწვევს ერთგვარ გაუგებრობას; მართლაც საინტერესო საკითხი არის: რა მოტივები ამოძრავებდა გ. წერეთელს ამ ნაბიჯის გადადგმის დროსა და ნამდვილად ორტოდოქსალი მარქსიზმის მიმდევარი გახდა იგი 90-იან წლებში? ამ ნარკვევში მხროლოდ მოკლედ გავცემთ პასუხს აღნიშნულ კითხვას, შემდეგში, როდესაც გამოქვეყნდება გ. წერეთლის შესახებ მონოგრაფია, იგი უფრო ფართოდ და ღრმად იქნება გაშუქებული.

1) გ. წერეთელი: „ჩვენ და ჩვენი დროება“, — ტაზ. „დროება“ № 16, 1879 წ.

2) იხ. მისი წერილი: „ქართველობა და სომხობა“ — „კვალი“ № 15, 17, 21, 1893 წ.

3) იხ. ლალისა და ა. ნა-ლის წერილები—1894—95 წლის „ივერიასა“ და „მოამბეში“.

90-იან წლები ჩვენ უახლოეს ისტორიის პერიოდში უშესანიშნავეს ხანას წარმოადგენს. ამ ეპოქაში კაპიტალისტური ურთიერთობის განვითარებამ უკვე საგრძნობ დონეს მიაღწია. მთელი ამიერკავკასია კაპიტალისტური განვითარების მორევში მოყვა და მის მიერ გამოწვეული შესაფერისი ცვლილებების ნაყოფი უკვე საგრძნობი შეიქმნა.

კაპიტალიზმის სწრაფ განვითარებას თან მოჰყვა პროლეტარული კლასის ჩამოყალიბება, რომელთა მოწინავე კოლონები უკვე გამოვიდნენ სამოღვაწეო ასპარეზზე. აპრივად 90-იანი წლები იმითაც არის შესანიშნავი, რომ საგრძნობლად ამოძრავდა ჩვენი ცხოვრების ყველაზე უფრო მოძრავი საზოგადოებრივი ფენები; ამასთანვე ცხოვრების ახალ დუღილში, ახალი იდეოლოგია და ახალი აზროვნება ჩამოყალიბდა; პროლეტარული ფენების სამოღვაწეო ასპარეზზე გამოსვლასთან ერთად საქართველოს ნიადაგზე საფუძველი ჩაეყარა მარქსისტულ მიმდინარეობასაც. ხოლო ამ მიმდინარეობის ჩამოყალიბება ნიშნავდა ცხარე იდეოლოგიური ბრძოლის გაჩაღებას სხვადასხვა მიმდინარეობათა შორის. მეორე მხრივ დეკადანსი დაიწყო ძველ ნაროდნიკულ იდეოლოგიაში: 70-იან წლებში ამოძრავებული წვრილი ბურჟუაზიული ინტელიგენცია დამარცხდა იდეოლოგიურად და ფაქტიურადაც, მან ვერ შესძლო ცხოვრების თავისი პრინციპებისა და პროგრამის მიხედვით გარდაქმნა; კაპიტალიზმის განვითარება უფრო მძლავრი აღმოჩნდა, ვინემ ნაროდნიკების სამოღვაწეო პროგრამა; ახალთაობის წვრილ ბურჟუაზიული ინტელიგენცია ცდილობდა ცხოვრებაში მომხდარ ცვლილებების ახალი თვალსაზრისით შეფასებას და ახალი იდეოლოგიის შემუშავებას. აქედან წარმოსდგა ამ წვრილ-ბურჟუაზიული ინტელიგენციის ნაწილის მარქსიზმით გატაცება.

90-იან წლების კარი ორმა დიდმა ისტორიულმა ფაქტმა შემოაღო: ერთი—ბათუმის მუშების გრანდიოზულმა გაფიცვამ 1890 წელს და მეორე—1892 წელს მარქსისტების პირველმა კრებამ ე. ნინოშვილის მეთაურობით ყვირილაში, ე. ი. მარქსისტული ორგანიზაციების ჩამოყალიბებამ. ბოლოს ამ ორ ფაქტს შორის უნდა მომხდარიყო სრული შეთანხმება, მათი დაკავშირება, რადგან მარქსიზმისა და მუშათა კლასის შეუღლება ისტორიული ცხოვრების აუცილებელი კანონია. რასაკვირველია, ჩვენი ცხოვრების ვითარებაც ვერ ასცდებოდა ამ კანონს. თუ ერთი მხრივ მარქსისტული ინტელიგენცია ჯერ ფარულად და შემდეგ ლეგალურად გაზეთებში გაცხარებულ მუშაობას აწარმოებდა მარქსისტულ პრინციპების დასაცავად, მეორე მხრივ,

მუშათა მოძრაობაც ისახებოდა და ამ სახით ორი საზოგადოებრივი ფაქტორი — მარქსისტული იდეოლოგია და მუშათა ფენები და მათი ორგანიზაციები შექმდებოდა შეკავშირებულად უნდა გამოსულიყო სამოღვაწეო ასპარეზზე.

გ. წერეთელს წილად ხვდა ამ ორი დიდი ფაქტის მშობიარობის პროცესის ახლო მეთვალყურე გამხდარიყო და შემდეგ მათი მზრუნველობაც ეკისრა.

ცნობილი არის გ. წერეთლის დამოკიდებულების ფაქტები. ახალგაზრდა ს.-დემოკრატიულ ინტელიგენციის პირველ მეთაურებთან.

ბათომის მუშათა ამ პირველ მნიშვნელოვან გაფიცვას თვით გ. წერეთელიც ეხება ერთ თავის წერილში. ამ გაფიცვასთან რამდენადმე კავშირი ჰქონდა თვით გ. წერეთელსაც. ავტორი აღნიშნავს, რომ „ამ დროს როტშილდის ქარხანაში მუშაობდა რვა ათასი კაცი ყოველ დღე“, შემდეგნაირად გადმოგვცემს აღნიშნულ გაფიცვის ვითარებას:

„1890 წლის მარტის თვეში ბათომში როტშილდის მუშებმა — ხუთასმა კაცმა — შეჰკრეს პირი და მუშაობას თავი დაანებეს, რადგან ქარხნის გამგებელმა ბ.-ნ. ზროდლოვსკიმ ქირა გაუნახევრა, ვითომაც იმ გარემოების მიხედვით, რომ კეროსინის ფასმა იკლო საზღვარგარეთო. ვისაც მანეთი ეძლეოდა, ათშაურზე ჩამოიყვანეს და ვისაც, ორი მანეთი — ექვს აბაზზე. მუშები იყვენ სულ იმერეთ-სამეგრელო-გურიიდან. ისინი ემუქრებოდნენ ზროდლოვსკის ცემას. ამან მიაშურა მაშინვე ბათომის სამხედრო გამგებელს, ნ. ერისთავს, რომელმაც ფიცხი განკარგულება მოახდინა: თუ მუშები არ დაიწყებენ კვლავ მუშაობას, პოლიციის ეტაპით უნდა განდევნილ იყვენ თავიანთ ქვეყნებში, ხოლო მუშების ამბუნტებელ მეთაურებს ეძებდნენ დასაჭერათ. ამ დროს ქართველი მუშების არტელის დასაარსებლათ ვიყავით მიწოდებული ბათომში, და ასე, წირვის დრო იქნებოდა, რომ როტშილდის ქარხნის მუშები ერთიანად შემოვიდნენ ჩემი არტელის კანტორაში და მთხოვეს შუამდგომლობა გამეწია სამხედრო გუბერნატორის თანაშემწესთან, თ. ნ. ერისთავთან, როგორც ქართველ კაცთან. ისინი თხოვდნენ მას პატრონობას როტშილდის ქარხნის უფროსის ზროდლოვსკის მიერ შევაწროებისაგან... მე მაშინვე წავყვი თ. ნ. ერისთავთან, რომლის სახლის წინ დამოკიდებული იყვენ რამდენიმე პოლიციის ბოქაული და დარაჯები. მუშა ხალხი სახლის გალავნის გარეთ დადგა და მე შევედი თ. ერისთავთან მოსალაპარაკებლათ. ის ძალიან კუდ-გუნებაზე დამხვდა და ჩემ კითხვაზე საშინელი ლანძღვა

გინებით მოიხსენია იმერელი მუშები: ვინც დღეს და ხვალ ბათომიდან არ წავა, ყველას სატუსაღოში ჩაყარო... მე თქვენ გთხოვთ თავი დაანებეთ მაგათ პატრონობას, თორემ თქვენი მუშის არტელიც გაუქმდება და თქვენც მთავრობის წინაშე შენიშნული იქნებით— მითხრა მან წყრომით... ყველა მიხვდა, რასაც მაშინ ჩემი გული გრძნობდა. მუშებს ვუთხარი, ცუდათ არის საქმე მეთქი, ჰსჯობია ისევ შინ წადით და თოხს მოკიდეთ ხელი, თვარა აქ ყველას დაჭერას გიპირებენ-მეთქი* 1).

ასე მოხდა პირველი შეხვედრა გ. წერეთლისა ამოდრავებულ პროლეტარულ მასებთან. ერთი მხრით, მას როგორც, მუშათა არტელის გამგეს, საშვალეება ჰქონდა ახლო გასცნობოდა ქართველ პროლეტარიატის ეკონომიურ მდგომარეობას, მეორე მხრივ, იგი უშუალო მეთვალყურე გახდა პროლეტარულ-მასობურ მოძრაობის, პირველ კოლონების გამოსვლისა ბრძოლის სარბიელზე. საქართველოს ამოდრავებულ მასა, ალბად, პირველად იხილა გ. წერეთელმა. იმავე წერილში იგი სწერს: „საქართველოს ხალხი, ეს უმრავლესობა ერისა, რომლისაგანაც საქართველო მოვლის თავის აღორძინებას, უკვე შეძრულა და მასში დაბადებულა უკეთესი ეროვნული და ეკონომიური იდეალები“ 2). აი, ამ ახლად ამოდრავებულ საქართველოს უმრავლესობის გამოყენებას ცდილობდა შემდეგში გ. წერეთელი თავისი მიზნებისათვის. ეს ფაქტი აუცილებლად უნდა იქნეს აღნიშნული.

1893 წ. გ. წერეთლის მეთაურობითა და მისი უახლოესი თანამშრომლობით დაარსებული იქნა ახალი პროგრესიულ-დემოკრატიული ორგანო „ეგალი“, რომელშიაც დაარსებიდანვე თავი შეაფარა ახალგაზრდა მარქსისტულმა ინტელიგენციამ (ე. ნინოშვილი, ხომლელი, ნ. ჟორდანიანი, ფ. მახარაძე და სხვ.). შეიძლება ითქვას, რომ გ. წერეთელი თავიდანვე თანაგრძნობით შეხვდა ამ ჯგუფს და შეძლებისდაგვარად გაუხსნა თავისი ეურნალის კარები. მაგრამ გ. წერეთელი მარტო თანამშრომლობით არ კმაყოფილდებოდა, იგი ცდილობდა იდეური ნათესაური კავშირიც გამოეძებნა ახალ მიმდინარეობასთან. უკვე ერთი წლის შემდეგ, 1894 წ. ე. ნინოშვილის დასაფლავებაზე წარმოთქმულ სიტყვების შესახებ გ. წერეთელი სწერდა: „ერთი რამ შესანიშნავი მოვლენა აღმოჩნდა ნინოშვილის. დასაფლა-

1) გ. წერეთელი: „ეგნატე ინგოროყვა“ (წიგნში: „ორი მოთხრობა ეგ. ნინოშვილისა“) გვ. IX—XII, 1895 წ.

2) გ. წერეთელი: „ეგნატე ინგოროყვა“ (წიგნში „ორი მოთხრობა“ ეგ. ნინოშვილისა“ 1895 წ.) გვ. XVIII.

ვებაზე. მის კუბოს გარს შემოკრბენ, ასე ესთქვათ, მესამე დასი ახალ-გაზრდობისა, ესე იგი სულ ჟუკანასკნელი წლების თაობა — ისინი რომელიც გამოსულან ასპარეზზე მეოთხმოც-და-ათე წლებიდან. ნამდვილი ამათი მოთავე, ამათი სახელი და ამათი იმედი ყოფილა ნინოშვილი, რომლის ნაწერებშიაც ბრწყინავს ეს მესამე დასი, ახალ-გაზრდობის სულის მისწრაფება და მათი მოქმედების პროგრამა მომავალში. ისინი უარს ჰყოფენ ძველ ჩვენ ინტელიგენტებს — მეთაურებს და მათი მოქმედება უკვე მავნებლად მიაჩნიათ ჩვენი საზოგადოების წარმატებისათვის... ამ დასში არიან მრავალი სოფლის მასწავლებლები, გონება-განვითარებული სემინარიელები, სამოსწავლო ინსტიტუტში კურს-დასრულებულნი და მეოთხმოც-და-ათე წლების ზოგიერთი სტუდენტობა. ნინოშვილის კუბოზე პირველად წარმოსთქვეს მათ თავისი პროგრამა მოქმედებისა და თითქმის რაზმად დაეწყვენ, რომ ხალხში შეიტანონ განათლების შუქი და ზურგი შეაქციონ იმ ინტელიგენციას, რომელიც დღეს თავს იხრჩობს ბანკისა და ქალაქის არჩევნებში. ამ მესამე დასმა საგნათ აირჩია ისეთი მოქმედება, რომ გაუნათლებელს ხალხში მოჰქინოს წერა-კითხვა, შეიტანოს მეცნიერებისაგან გამორკვეული ნათელი აზრები, მკვირცხლად ადევნოს თვალი მსოფლიო ცხოვრების მიმდინარეობას და არავითარი შემთხვევა არ გამოეპაროს მსოფლიო ცხოვრების მოძრაობაში მისთანა, რაც კი სარგებლობას მოუტანს ჩვენს ხალხს და წინ წააყენებს მის ბედობას. ყველაზე შესანიშნავი ის არის, რომ ამ დასმა ყველა თავგანწირულები არიან, რომელთაც არავითარი სიმდიდრე არ აინტერესებს და მზად არიან ძაძით-შემოსილნი ემსახურონ ხალხს და ეცადონ მის გამოფხიზლებას; ესენი არიან სულ ახალგაზრდანი, გონებრივი ღონით სავსენი... არც ერთი მუხლი იმით (მესამე დასელების) პროგრამისა არ ეწინააღმდეგებოდა იმ აზრებს, რომელიც გამოარკვია გ. წერეთელმა ნინოშვილის კუბოს წინაშე წარმოთქმულ სიტყვებში“¹⁾. კიდევ ერთი წლის შემდეგ გ. წერეთელი სწერს: „კვალის“ მეთაურებმა უარყვეს პირველი დასის (ნაროდნიკების) შეხედულება და მეორესაც („ივერიის“), რადგან ორივენი იყო ცალ-კერძო და უსულო... ამისათვის „კვალი“ დიდის სიხარულით და აღტაცებით მიეგება ამ ახალ გზაზე მოსიარულე მესამე დასს, რომელმაც უარჰყო წოდებათა განკერძოება და მათზე მზრუნველობა. იმან გამოაცხადა საგნათ თავის ზეგავლენის მთელი საქართველოს ერთი, რომელიც მარტო გლენჯაკობა, ან მარტო თავადაზნაურობა კი არ არის,

1) იხ. „კვალი“, № 21, 1894 წ. წერილი: „განტე ინგოროყვას გასვენება“, დამსწრესი (გ. წერეთლის).

არამედ ეს არის შეკრებულობითი არსება, რომელშიც გლეხიც არის, თავად-აზნაურობაც, მღვდელიც, ვაჭარიც, მოხელე და მოქირავე უმაც¹⁾. ასე ესმოდა გ. წერეთელს ახალი დასის—რომელსაც შან პირველად უწოდა „მესამე დასი“—პროგრამის შინაარსი. უდავოა, რომ პირველ ხანებში გ. წერეთელი სრულიად გაურკვეველი ყოფილა ახალი დასის იდეოლოგიასა და სამოღვაწეო პროგრამაში. ისიც უდავოა, რომ იგი თავიდანვე ცდილობდა ეს ახალი დასი გადმოებირებია თავის მხარეზე, თავისი პროგრამისა და იდეოლოგიის მატარებელი გაეხადა.

ამრიგად გ. წერეთელმა 1893 წლიდან შეიხიზნა თავის ორგანოში ახალი მარქსისტული მიმდინარეობა და ცდილობდა ამ დასსთან იდეოლოგიურ-პოლიტიკური კონტაქტი დაემყარებია თავისივე პრინციპიპალურ მოსაზრებათა საფუძვლებზე. მაგრამ შემდეგში ჩვენ სხვაგვარ მდგომარეობასთან გვაქვს საქმე: მარქსიზმი უფრო მძლავრი აღმოჩნდა ვინემ გ. წერეთლის აზროვნება; ახალგაზრდა მარქსისტები უფრო მტკიცე და შეურყეველი აღმოჩნდნენ თავიანთ პრინციპიპალურ შეხედულებაში, ვინემ თვით გ. წერეთელი. კქედან ჩვენ მივიღეთ შემდეგი ფაქტი: თვით გ. წერეთლის გადახრა მარქსიზმისაკენ; იგი იძულებული შეიქნა ახალგაზრდა დასს დასთანხმებოდა, დამორჩილებოდა და ბოლოს (1898 წ.) თავისი ორგანოც მათთვის გადაეცა. იგი უკვე მარქსისტული ენით ლაპარაკობს და სწერს: 1896 წ. გაზ. „ივერიის“ საპასუხოდ იგი სწერდა: „მარქსის თეორიას ეკონომიური მატერიალიზმისას პოლიტიკო-ეკონომიურ მეცნიერებაში იგივე ადგილი უქირავს რაც დარვინის თეორიას ბუნების მეცნიერებაში და ბიოლოგიაში. ეს არის უკანასკნელი მეცნიერული დასკვნა პოლიტიკო-ეკონომიაშია და სოციოლოგიაში“²⁾.

ასეთი გზით განვითარდა გ. წერეთლის აზროვნება 90-იან წლებში.

აქ შეიძლება ერთი პატარა პარალელი გავიყვანოთ. ისე, როგორც გ. წერეთელმა 90-იან წლებში შეიხიზნა ახალგაზრდა დასი თავის ორგანოში, მსგავსადვე ი. ჭავჭავაძემ უკვე 80-იან წლებიდან ფართოდ გაუღო გაზ. „ივერიის“ კარები ნაროდნიკული მიმდინარეობის წარმომადგენლებს საქართველოში (ნ. ხიზანაშვილი, ს. ჭრელაშვილი, გ. ყიფშიძე, მ. მაიაშვილი, ა. ნანეიშვილი, გ. ლასხიშვილი, ვ. წერეთელი და სხ.). ამიტომ არის რომ გაზ. „ივერია“-ს ფურც-

1) გ. წერეთელი: „კვალის ორი წლის ნაღვაწი“. № 5, 1895 წ.

2) გ. წერეთელი: გაზ. „ივერია“ და მისნ საპოლემიკო ხასიათი—„კვალი“

ლებზე ხშირად შეხვედებით ნაროდნიკული შინაარსის წერილებს, მაგრამ ილ. ჭავჭავაძემ შესძლო ამ თავისი შეხიზნულთა დიდი ნაწილის (ხიზანაშვილი, ყიფშიძე და სხვ.) თავისებურად გადახარშვა, თავის აზროვნებაზე გადაყვანა, „ივერიის“-ს პროგრამის საფუძველზე მათი აღზრდა, ხოლო მეორე ნაწილი, რომელიც არ დაემორჩილა მას, გასცილდა „ივერიას“. გ. წერეთელი კი ჩაითრია თავის მოძრაობაში ახალმა დასმა და თავისი მიმდევარი გახადა, ილ. ჭავჭავაძე კი უფრო მტკიცე აღმოჩნდა, მან თვით ჩაითრია ქართველი ნაროდნიკები და თავისი მიმდევარი გახადა. ეს პროცესი ისტორიულად გასაგებია: თავი რომ დავანებოთ წმინდა სუბიექტურ მომენტებსა და ი. ჭავჭავაძისა და გ. წერეთლის აზროვნებათა დახასიათებას, ისტორიულ-ობიექტური თვალსაზრისით აქ შემდეგ პროცესთან გვქონდა საქმე: ნაროდნიკობა გამოხატავდა წვრილ ბურჟუაზიის ინსწრაფებას და მისი იდეოლოგია დეპროგრამა უკვე აღარ შეესაბამებოდა ისტორიული ცხოვრების განვითარებას; იგი სანგრძობ კრიზისს განიცდიდა როგორც რუსეთში, ისე ჩვენშიც და გადაშენების გზაზე იდგა; ნაროდნიკობა ან უნდა გალიბერალებულიყო და ამით უარეყო თავისი თავი ან მარქსიზმისაკენ უნდა გადახრილიყო და პრლეტარულ მოძრაობას შეერთებოდა, ან ახალი სამოღვაწეო პროგრამა შეემუშავებია. ნაწილი ქართველ ახალგაზრდა ნაროდნიკების ამ უკანასკნელ გზას დაადგა; ამ მიმდინარეობიდან შემდეგში ჩვენ მივიღეთ ე. წ. „სოციალ-ფედერალიზმი“-ს მოძღვრება საქართველოში. მეორე ნაწილი გალიბერალდა და შეუერთდა „ივერიის“ მიმდინარეობას. ხოლო მესამე ნაწილი ახალგაზრდა ნაროდნიკებისა მარქსიზმის მიმართულებით წავიდა. აქედან წარმოიშვა ს.-დემოკრატიული მიმდინარეობა ჩვენში. ცხადია, რომ ნაროდნიკების ნაწილის „ივერიის“ ბანაკში გადასვლა ი. ჭავჭავაძის პირად პოლიტიკას კი არ მიეწერებოდა, როგორც ამას ფიქრობდა ნ. ჟორდანიას¹⁾, არამედ იგი ისტორიულ-სოციალური პროცესების ბუნებრივი გამოწვეული. ნაროდნიკული მოძრაობა ღამარცხდა ჩვენში; მისი იდეოლოგიური და პრაქტიკული საქმიანობა არსებითად ეწინააღმდეგებოდა ჩვენი ცხოვრების საერთო ვითარებას. აქედან წარმოიშვა ნიადაგგამოცლილი ძველი მიმდინარეობის კრიზისი და მისი დაშლის პროცესი; ამიტომ წვრილ ბურჟუაზიის ნაწილმა თავისუფლად შესცურა ლიბერალიზმის ტბაში. სულ სხვა გვარი ისტორიული როლი ჰქონდა დაკისრებული ქართულ მარქსისტულ მიმდინარეობასა და მის ორგანიზაციას. იგი ჯერ

1) იხ. ნ. ჟორდანიას: „ქართული პრესა“, 1900 წ.

კიდევ თავის წარმოშობისა და ზრდის პროცესში იმყოფებოდა, ხოლო მისი მოღვაწეობა, იდეოლოგია და პროგრამა სავსებით შეესაბამებოდა ისტორიული ცხოვრების ვითარებას, ახალი სოციალური კლასის—პროლეტარიატის ინტერესებსა და მისწრაფებებს. ცხადია ამ მიმდინარეობის მთლიანად გადაყვანა ნაციონალურ-დემოკრატიულ ნიადაგზე შეუძლებელი იყო და ეს ვერც გ. წერეთელმა შესძლო. ასეთი შესაძლებლობა ჩვენი საზოგადოებრივი ცხოვრების განვითარებას ეწინააღმდეგებოდა. გ. წერეთელი თვით გახდა ამ ახალი დასის მიმდევარი, იგი თვით ჩაითრია ახალმა ძალამ თავის მოქმედების ფერხულში.

მაგრამ აქ კითხვა იბადება: რამდენად შესძლო გ. წერეთელმა მარქსისტული მოძღვრების შეთვისება? ნუ თუ იგი მართლა გახდა მეცნიერული სოციალიზმის მიმდევარი და ორტოდოქსალი მარქსისტი? ეს საკითხი მეტად საინტერესოა თავის მნიშვნელობით. ჩვენს წიგნში „სოციალიზმის ისტორიისათვის საქართველოში“ უკვე ვუპასუხეთ ამ კითხვაზე.¹⁾ ჩვენ მაშინ ვამბობდით, რომ გ. წერეთლის გადახრა მარქსიზმისაკენ 90-იან წლებში არსებითად გამოხატავდა რადიკალურ-ბურჟუაზიულ ინტელიგენციის ცდას გამოეყენებია თავისი კლასის ინტერესებისათვის, როგორც მარქსისტული მოძღვრება, ისე მუშათა კლასი და ს.-დემოკრატიული ორგანიზაციები. გ. წერეთელი ახლად წარმოშობილ დასსა და მარქსიზმს დაუახლოვდა, როგორც ბურჟუაზიის იდეოლოგი; მის სამოღვაწეო პროგრამაში არსებითად არაერთარი ცვლილება არ მომხდარა, ამ მხრივ იგი ცდილობდა მარქსიზმისათვის წმინდა ბურჟუაზიული შინაარსი მიეცა, პროლეტარული იდეოლოგია შეეცვალა ბურჟუაზიული იდეოლოგიით. 1895 წ. „კვალის“ ორი წლის მოღვაწეობის შეფასების დროს გ. წერეთელი სწერდა: „ჩვენ უნდა გავხსნათ ჩვენი საკუთარი სამრეწველო და სამეურნეო ბანკები. უნდა დავაარსოთ სამეურნეო და სამრეწველო ასოციაციები, უნდა ვისწავლოთ ვაჭრობა და აღებ-მიცემობა. გავხსნათ ჩვენივე საკუთარი მოთხოვნილების დუქნები“²⁾. ასეთი ეკონომიური პროგრამის დამკველი ბოლომდე დარჩა გ. წერეთელი, ხოლო ეს სხვა არაფერი არ არის, თუ არა ბურჟუაზიული პროგრამა; იგი მფარველობით და მზრუნველობით ეკიდებოდა „ახლად აღორძინებულ ვაჭარ-მრეწველთა კლასს“. ამ პროგრამიდან არ შეიძლო გადახვევა.

¹⁾ სიმონ ზუნდაძე: „სოციალიზმის ისტორიისათვის საქართველოში“, ტ. II, გვ. 271—276.

²⁾ გ. წერეთელი: „კვალის ორი წლის ნაღვაწი“—„კვალი“ № 3, 1895 წ.

გ. წერეთელს და არც სურდა გადახვევა: იგი სწორედ ბურჟუაზიულ კლასში, ხედავდა ჩვენი ცხოვრების მამოძრავებელ ფაქტორს, მის მოწინავე ძალას. ამრიგად გ. წერეთლის მარქსისტობა საეჭვო ხასიათის არის: მან მარქსიზმიდან მიიღო ის, რაც გამოსაყენებელი იყო ბურჟუაზიისათვის საქართველოში, კაპიტალისტური წარმოების განვითარებისათვის. ამ სახით თუ განვიხილავთ გ. წერეთლის მოღვაწეობასა და აზროვნებას 90-იან წლებში, უნდა ვსთქვათ, რომ იგი ე. წ. „ლეგალური მარქსიზმის“ თავისებური სახის მატარებლად უნდა ჩაითვალოს ჩვენში. როგორც ვიცით, იმავე 90-იან წლებში რუსეთშიაც ბურჟუაზიული ინტელიგენცია (სტრუვე, ტუგან-ბარანოვსკი და სხ.) შეეცადა თავისებურად შეეთვისებია მარქსიზმი: ამით რუსეთში საფუძველი ჩაეყარა „ლეგალურ მარქსიზმის“ მიმდინარეობას, რომელიც გარეგანი ფორმით იყო მარქსიზმის მიმდევარი, არსებითად კი ბურჟუაზიულ მისწრაფებებს გამოხატავდა. იმავე კლასიურმა საფუძველმა ჩვენშიაც მიიყვანა ბურჟუაზიული ინტელიგენცია მსგავს მოვლენამდე: სრულიად დამოუკიდებლად რუსეთის „ლეგალური მარქსიზმისა“ — ჩვენში გ. წერეთელმა, როგორც დავინახეთ, სცადა მარქსიზმის შეუღლება ბურჟუაზიულ იდეოლოგიასთან, მაგრამ ასეთი ცდა მარცხით დამთავრდა. მაგრამ თვით ეს ცდა საინტერესო იყო იმდენად, რამდენადაც იგი გამოხატავდა პროგრესიული ბურჟუაზიული ინტელიგენციის ძიებას, ბრძოლასა და მისწრაფებებს.

*
* *

ამით შეიძლება დავამთავროთ გ. წერეთლის აზროვნების განვითარების მოკლე მიმოხილვაც. ამ წერილში ჩვენ შევეცადეთ მოგვეცა გ. წერეთლის შემოქმედებისა და სოფლმხედველობის მხოლოდ მთავარი კონტურები. როგორც დავინახეთ, იგი ერთობ ნაყოფიერი და მრავალფეროვანი მწერალი და მოღვაწე იყო. გ. წერეთელი ერთ-ერთი საინტერესო ფიგურა იყო „სამოციანელთა“ შორის. მისი მოღვაწეობა ჩვენი ისტორიული ცხოვრების ახალი ეპოქის ვითარებას შეეხება ქრონოლოგიურად, და მან ყველაზე უფრო მკაფიოთა და ნათლად ასახა ის პროცესი, რომელიც სწარმოებდა საქართველოს სოციალ-ეკონომიურ წყობილებაში. თავისი იდეოლოგიით, პრაქტიკული პროგრამითა და მოღვაწეობით იგი გამოხატავდა აღორძინების პროცესში მყოფ ახალი სოციალური კლასის — ბურჟუაზიის ინტერესებს. თავისი ეპოქისათვის გიორგი წერეთელი უაღრესად პროგრესიული, დემოკრატიული და რადიკალურად მოაზროვნე პიროვნე-

ნება იყო. თავისი ხანგრძლივი ლიტერატურული და პუბლიცისტური მოღვაწეობით გ. წერეთელმა მეტად საგრძნობი წვლილი შეიტანა ჩვენი საზოგადოებრივი აზროვნების განვითარებისა და წარმატების საქმეში.

გ. წერეთელი თავისი ეპოქის შვილი იყო და მისი აზროვნებაც და პრაქტიკული მოღვაწეობაც ამ ეპოქის მიხედვით უნდა იქნეს შეფასებული. მაგრამ ის, რაც საინტერესო და პროგრესიული იყო მაშინდელ პერიოდისათვის,—სრულიად გამოუსადეგარი და მიუღებელი ხდება ჩვენი ეპოქისათვის. მაშინდელი ეპოქის ძირეული ამოცანები კაპიტალისტური ურთიერთობის ინტერესებითა და ჩვენი ცხოვრების დემოკრატიზაციის პროცესებით იყო გამოწვეული. ამ ეპოქის მამოძრავებელი კლასი ბურჟუაზია იყო, ხოლო მისთვის იდეოლოგიურად მებრძოლი—ბურჟუაზიული ინტელიგენცია. მაგრამ ეს ეპოქა ახლა უკვე გავლილია და ჩვენი ცხოვრების მესაქედ მუშათა კლასი გამოვიდა: ჩვენი ეპოქის ამოცანები სოციალისტური მეურნეობისა და სოციალისტური კულტურის ძირეული ინტერესების მიხედვით მუშავდება. ამ ეპოქისათვის გ. წერეთლის საზოგადოებრივი აზროვნება და სოციალ-პოლიტიკური იდეალები გამოუსადეგარია. მაგრამ გ. წერეთელი არა მარტო პოლიტიკური მოღვაწე და რადიკალურ-ბურჟუაზიულად მოაზროვნე მწერალი იყო—იგი იმავე დროს დიდო მხატვარიც იყო, რომელმაც თავისი სკოლაც შექმნა ჩვენს ლიტერატურაში და თავისებურად ასახა ჩვენი ცხოვრების მაშინდელი ვითარება. გ. წერეთლის ლიტერატურული თეორია, მისი სოციოლოგიური მიდგომა მასალისადმი, მისი ლიტერატურულ-მხატვრული ხერხები და ტიპების დამუშავების მეთოდები და სხვა—ძვირფასს მემკვიდროებას წარმოადგენს თანამედროვე პროლეტარულ კულტურისა და ლიტერატურის-მცოდნეობისათვის. გ. წერეთლის ამ ლიტერატურულ მემკვიდრეობიდან ბევრი რამ შეუძლია მიიღოს და გამოიყენოს თანამედროვე პროლეტარულმა მწერლობამ. რასაკვირველია, აქ მექანიკურ „მიღებაზე“ კი არ არის ლაპარაკი, არამედ კრიტიკულად შეთვისებაზე.

სამწუხაროდ, გ. წერეთლის სკოლა და მისი ლიტერატურული მემკვიდრეობა არავის შეუსწავლია წმინდა მარქსისტული თვალსაზრისით.

დრო არის ქართული კულტურისა და ლიტერატურის ეს ენერგიული მუშაკი თავისი ნამდვილი ისტორიული სახით იქნეს შეფასებული.

ბიოგრაფიული წიგნები

კუბლიცისტური
წერილები

1863—1868

1 8 6 3

„ციხკარს“ რა აკაკანებდა?

„ციხკარი“ იანგარს აქეთ რალაც ერთობ დატკბა. ანჩხლობის შაგიერად თითქო ყველას ია და ვარდს აფენსო... მეტად გაგულკეთილდა!.. წარმოიდგენდით, მკითხველო, თუ როდესმე „ციხკარი“ იმ გაბასრებულ ჩხუბის შემდგომ ასე დამშვიდდებოდა? ახლა შეხედეთ! თითქო ბულაღსაც ვერ გააღვიძებსო!—ასე გასინჯეთ: საზოგადოებასაც თავს აბრალებს ვითომც ვისმე შეევიწროებინოს. რას თათბურებ „ციხკარო“? ან ვის კალთაში ლამი თავის დადებას? ვინ შეგაგვიწროვა?.. რომ შენთვის ჯერ კაცს ხმა არ გაუცია? და მართლა რომ კიდევაც ვინმემ ხმა გაგცეს, განა უნდა საჩივლელად წახვიდე? შენ შენი აზრები გაქვს, რომლების დაცვაც ყოველ წინააღმდეგ აზრისგან უკანასკნელ სისხლის ცვარამდინ გმართებს, მაგრამ მხოლოდ შენის გონებით და მსჯელობის ძალით და არა სხვის მოხმარებით. მსჯელობა ყოველთვის თავისუფლებას ეძებს და ყოველი გვარი მფარველობა მას სიკვდილივით სძაგს. ან იქნება მართლა შენ გინდოდეს გუგულსა და მამალსავით მოიქცე?.. „გუგულო, რისთვის აქებ მამლის ყვილსაო?“—„მიტომ რომ მამალი ჩემს ხმას აქებსო“. ვინ არ მიხვდება, ჩემო „ციხკარო“, რომ „ციხკარის“ აგრეთი ქცევა უფრო სულმოკლე სიმხდალის ნიშანია, რომ როგორმე დამოკლესის მახვილი აიციდინოს და არა იმ სულგრძელ მოქმედების შედეგი, რომელიც აღიძვრის ყოველ კეთილშობილ გულში, როდესაც მას შეაგონებენ მასს შეცდომებებს.—მით უფრო მაგითი პირს ვერ აგვახვევინებ, რომ მაინც დაწვლილებით არ განვიხილოთ საზოგადოების წინ შენი ექვსი წლის ნაღვაწი, რომლითაც ყურებს გვიყრუებ. ვერც იმას მოგვაშლევინებ არა ვთქვათ, რომ ყოველი ფაქტი, საზოგადო გონიერების წინ წაწვევის დასამტკიცებლად აღმოჩენილი, რაგინდ რომ თავისთავად სასარგებლო იყოს, მაინც გაივლის უნაყოფოდ ცხოვრებისათვის, როდესაც ეს ფაქტი დაფუძნდება მრუდე დასაწყისებზედ,—თავად ის საშუალობა, რომლითაც მიუყილებლად საზოგადოების გონებითი ხსნა ყველაზედ მსწრაფლად წინ უნდა წაწეულიყო, როდესაც მას არ უჭირავს თავისი ადგილი ცხოვრებაში, წავაპრუულად

უნაყოფოდ, როდესაც ხალხის სიტყვა, რომლის გამომთქმელადაც უნდა იყოს ყოველი ჟურნალი, არ უბნომს იმას, რაც რომ სტანჯავს ხალხის ცხოვრებას, არ მუსტრავს იმ ნაკლულევიანებებს, რაც რომ წინ უდგება ცხოვრების კეთილმდგომარეობას და არ აჩვენებს საზოგადოებას სწავლისაგან გამოსაკვლევს ქეშმარიტებაებს და კანონებს, რომლების ძალითაც ისპობა ეს ნაკლულევიანებები, მაშინ ყველაფერი უნაყოფოა.

ამ უკანასკნელ დროში, ნამეტურ ორის წლის წინიდან დაწყებული იანგრაზდინ მაინც, „ცისკარი“ თითქო სამუდამოდ გამოეთხოვა მოსვენებას. ლანდით დაფრთხალ კაცივით არა ეშველა რა, შფოთვაში და ღელვაში ატარებდა თავის წუთის სოფელს. რა მიზეზი იყო, ან რისგან შეემთხვა ასე უეცრად, აგრეთი ცვლილება, კვალისა-ამდები ახლაც არ არის. გრძნობდა მხოლოდ ერთს საუბედურო სიმპტომებს, (უსათუოთ ახლაც გრძნობს, თუმცა რომ გვგონია პირზედვარდი გადმოდისო) დრო გამოშვებით ტანში ჟრუანტელი უვლიდა, მაგრამ ნიშნის ცოდნიდან მიზეზის გამოკვლევამდინ ყოველთვის დიდი ბიჯია, „ცისკარისათვის“ ხომ სულ მიუწვდომელი ყოფილა. ხან იმას მივარდებოდა აშფოთებული ხან, ამას და ამგვარ ვითარებაში ერთვოდნენ მისი ჭფერო დღეები საუკუნისა. მის ამგვარმა ქცევამ ისე მოგვიხუთა სული, რომ ბოლოს გამოჩნდა ერთი ღვთიანი კაცი, რომელმაც მიიღო თავის თავზედ მის მაშფოთებელ მიზეზების გულწრფელად ჩვენების მოვალეობა, ვითომც ეგონა იმ კეთილ პირს, თუ ერთის მხრით „ცისკარსაც“ სარგებლობას მოუტანდა, რადგანაც თავად „ცისკარმა“ იმ მიზეზების კვალიც არ იცოდა და მეორეს მხრით ჩვენც გაგვათავისუფლებდა მის ფუჟ ქადაგებისაგან; მაგრამ ღმერთი არ გაუწყრა!.. ფხიკიანი აკი გამოდგა „ცისკარი“!.. ექიმთან წამალზე გაფრენის მაგივრად, მიზეზების ჩვენება თავის თავზედ აკი უკადრისად მიიღო!.. ამაზედ მახსენდება ერთი ყმაწვილი, რომელსაც თვალზედ გამოუვიდა მუწუკი. „ყმაწვილო თვალზედ შემწვარი ხახვი დაიდგე, დაგიმწიფდება, ჩირქი გამოვა და მუწუკისაგან მალე განთავისუფლდებიო.“ — ვინც შეხვდებოდა, ამას ეტყოდა. ყმაწვილს ეგონა თუ მუწუკიანს შეძახიანო და ვინც კი მის წინ მუწუკის სახელს ატყენებდა, სულ კუდით ქვას ასროლინებდა ხოლმე!.. რა საძწუხაროც არ უნდა ყოფილიყო ყველასთვის „ცისკარის“ აგრეთი ზნეობითი სიჩვილე, მაგრამ საუბედუროდ ეს მართლა მოხდა. იწყო გაბასრებული ჩხვლეტა; ცოტა რომ მქრელი ეკალი ჰქონოდა; თქვენი მტერია, რომ ბრალიანს და უბრალოს სულ ერთიანად დაჰჩხვლეტდა! რაც ბედიო, არ ვიცი, დღე მოსწრებით მოსტყხია ეკალი, თუ დასა-

ბამიდანვე მისთვის უზენაესს ის ერთი ეკლის სიბასრეც დაშურებია, მოჰყვა უკბილო ღრძილებით ლოღენასა... აბა ერთი მითხარით ღრძილებით ლოღენა ვის რას ავნებდა?.. აქედან აშკარათა ჩანს, რომ მისი პასუხის გება არავისთვის არ ღირდა თავის შესაწყენად, ამიტომ რომ ამ შემთხვევაში წინააღმდეგ მოქმედებას აღძრავს მხოლოდ ერთი ტკივილის გრძნობა; თუ რომ ნაკბენი არსაით შეიმჩნევა, უსათუოდ იქ არც ტკივილის გრძნობას ექნება ალაგი, მაშ ყოველი წინააღმდეგი მოქმედებაც სრულებით წავიდოდა ამაოდ, და თუ რომ ეხლა ვსცემთ პასუხს, ამის მიზეზი არის უსათუოდ ერთი საგანი, რომელიც ქვემოთ ცხადდება. „ცისკარმა“ რომ ამ ბოლო დროს დაიწყო ჩხელეტა და წივილი—ეს ფაქტია და ყველამაც იცის. რა იყო მისი წივილის მიზეზი? უსათუოდ ერთი იმ ელემენტთაგანი, რომლის მოკლებითაც ყოველს სხეულში შეიძლება სიმრთელი. „ცისკარმა“ დაიწყო ცოტა ხელის მომწერების რიცხვზედ ჩივილი: აშკარაა, რომ ზემოხსენებული ელემენტი არ ყოფნიდა, ესე იგი არ იყო იმდენი, რამდენსაც მოითხოვდა მისი სიმრთელით ყოფნა; რასაკვირველია, რომ ამის შემდგომ ის მიუცილებლად უნდა ჩავარდნილიყო არაჩვეულებრივ მდგომარეობაში, რომელსაც მუდამ ოხვრა და წივილი მოსდევს. იმერეთში ვიცოდი ერთი ოჯახი, სადაც იმყოფებოდა ერთი საწყალი მუნჯი, ეს მუნჯი იყო მეტად წითელ ნუნუის და ნამეტურ მისი კულით რაკრაკის მუსუსი. გაჩნდა იმერეთში წყეული ნაცარი, რომელმაც სულ ერთიანად კვირტებში დაახმო ყურძნის ტევნები; გაკვირვებულმა მუნჯმა არამც თუ კულით, კიქითაც ველარ დაიტკბო ნუნუით გული; მას აქეთ იმას პირზედ საუკუნოდ დაეკარგა ღიმილი. „ცისკრის“ ჩივილი ედარება ამ შემთხვევის შედეგს, მაგრამ ელემენტის სიცოტავის მიზეზი კი იმყოფება თავად „ცისკარში“ და არ მიეწერება გარეშე უეცარ შემთხვევას, როგორც ყურძნის ნაცარი. მოლაყბე გვიმტკიცებს, ვითომც თერგდალეული და სხვა მის გვარი პირები „ცისკარს“ არ იწერენ და მით იყოს ცუდიო. მე მგონია ეს „ცისკრის“ უკარგობის მიზეზი კი არ არის, მისი უკარგობის მიზეზის შედეგია: ალბად რომ მისი გამოწერა სასარგებლო არ არის რომ არ იწერენ.

რა გინდ რომ გაუხსნელი იყოს საზოგადოება, ეს მაინც ცხადია, რომ ის ცხოვრებს, მაშასადამე მის მოთხოვნილებაში უნდა სუფევდეს ცხოველი აზრი, მარგები ელემენტი, რომელზედაც დამოკიდებულია მისი სიცოცხლე. ტყუილი არ არის მე რომ მშვიოდეს და შენ ცარიელი სიტყვებით მიყოლიებდე, ჩემ შფოთვანზედ მუდამ მიმეორებდე: „მოთმინებითა შენითა მოიპოვე სული შენის“, სწორეთ

ვიფიქრებ: „ეს კაცი ან გაგიჟებულა ან და ჩემი შიმშილით მოკვლანდომია შეთქი“. თავად იესო ქრისტეს ღვთიურ ქადაგებასაც არ ექნებოდა ერთ უდაბურ ალაგს ხალხზედ იმდენი გავლენა, თუ ისინი ქადაგების შემდგომ პურით და თევზით არ დაეძლო. აგერ ერთი საუკუნეა სპარსელების და ოსმალებისაგან განვთავისუფლდით; „ცისკრის“ რედაქტორს კი, როგორც პოეტს, თითქო ერთ საუკუნის განმავლობაში სულ უძინაო და როდესაც ძილისაგან თვალი გამოუჭყეტია, მოჩვენებია ვითომც ჩვენ ისევ იმათ ხელში ვართო და ჩვენ ყმაწვილებს გულში „ნანით“ აკენიდან სისხლის ღვრის გრძნობის აღძვრას უპირებს.—მოუვიდა პოეტიკური ფანტაზია და ალტაცებაში გამოხატაო თავის გრძნობა—იტყვის ზოგი. ჩვენის ფიქრით გრძნობა აღძვრის, როდესაც კაცის გონებაზედ მოქმედებს გარემო მდგომარეობა, როდესაც კაცის გულში აღძრავს რომელიმე აზრს თავად ცხოვრება და გარეგანი ქვეყნის ზედმოქმედება. პოეტი ხომ კაცზედ სხვა არსება არ არის? თქვენი რისხვა მქონდეს თუ „ცისკრის“ რედაქტორს თავის დღეში ენახოს ხანჯლით მოკლული კაცი.—მაგითი კიდევ ხომ არ მტკიცდება, რომ ჩვენ შინაური მტერი სრულიადაც მოგვსპობოდეს—იტყვით, მკითხველო. დიახ მართალია, მტერი ცოცხალ არსებას არაოდეს არ ესპობა, მაგრამ ახლანდელი მტრები ძველ მტრებს ხომ არა გვანან. მის ფარში ჩვენი ხანჯლის წვერი ვერ გაატანს. „დეკაჟის მოსაკლავად, დეკაჟისვე ხმალი უნდა მოიპოვო“—არის ნათქვამი. აი ჩვენს ვითომც პოეტს რედაქტორს ხანჯლის ხმარების მაგივრად ყმაწვილებისთვის ესწავლებინა, თუ როგორის საშუალობით მოიპოვება დეკაჟის ხმალი—ეს სხვა იყო, თორემ ამ ნაირი საზრდოთი ჩვენი ყმაწვილები აკვანში ველარ გაიზრდებიან; ამ გვარი საზრდო ერთობ დაობდა, რომ მათ სხეულისთვის იქნეს მარგები და შეძლევაზედაც თავად მათ პირი არ გაიბრუნონ.—მაშ საიდან აღიძრა ეგ კეთილგრძნობა პოეტის გულში?—საიდანაც ის საკიცხავი ვაჟი მილიციონერი და სულ მთელი „დიასამიძის“ სახლობაც, რომლების მსგავსი იქნება რამ ჰაერში სუფევდეს და არა ჩვენ საზოგადოებაში.—სულ ერთ გვარ წყაროდან, რომელიც ერთ ცრუ გრძნობით მოდის ალტაცებაში და თავის ვიწრო შეხედულობით ვერ სწვდება რეალურს, მართალ ცხოვრების სიმრავალგვარეს; სულ იმ დამსხვრეულ ფანტაზიიდან, რომელიც ვერ ხედავს უღვეველ ქვეყნის მშვენიერებას და თავის „ანგელოზის“ მხრებზედ მჯდარი, მიიგლიჯება ჰაერში, უნდა ცხოვრებაც თან გაიტაცოს. ჰაერში ფრენა ჩვენ არას გვარგიაო!.. როგორც დედამიწის შვილები ჩვენ მხოლოდ დედამიწაზედა ვართ წელ მაგარიო, —მიუგო საზოგადოებამ ინსტიტუტურად, ხელის მოუწერლობით.

—შენ ჩვენ გულმტკივნეულებას ვერა გრძნობო, წადი როგორც გეფრინოს ჰაერში ისე იფრინეო! აი, სად არის „ცისკრის“ მარგებ ელემენტის სიცოტავეს მიზეზი და მასთან მისი ჩივილისაც. აშკარაა, რომ „ცისკრის“ უკარგობა და მისი ჩივილი სულ თავის მიმართულებების ბრალია, რომელიც, მართლა რომ ვსთქვათ, სრულებით არაადროს მასში არ ყოფილა, როგორც ეხლა არ არის, ამიტომ რომ ყოველი გვარი მიმართულობა არის დაფუძნებული რომელიმე აზრზედ და წადილზედ, რომელიც მუდამ უნდა გაჰყავდეს მას საზოგადოებაში; მაგრამ, თუ რომ აზრი არ სუფევს, ალბათ აქ არც მიმართულებას ექნება ალაგი.

რა იქნება იმაზედ უკეთესი ყოველ მემამულესთვის, როდესაც ის ფაქტით იგრძნობს თავის საზოგადოების გონების კეთილ წარმატებას. ამ გვარ ფაქტით, რასაკვირველია, დამტკიცდა, როგორც ეს ისე ცხოველ ელემენტების დაძვრა ჩვენ საზოგადოებაში. ჟურნალის გამოცემით ყველამ ვიგრძნეთ, რომ მრავალ ხნის ძილის შემდგომ, ბოლოს ჩვენ ცხოვრებასაც ეშველა თვალის გამოჭყერა, თუმც რომ „ცისკრის“ რედაქტორს კი გონია, ვითომ მხოლოდ იმას და მის თანამშრომლებს მოეხდინოს ან აღეძრას ეს მომენტი ჩვენს ცხოვრებაში. იმას ხომ ვერ დააჯერებ, რომ რამოდენიმე გულ-წრფელი სიტყვა, რომელიც მის გამოცემაზედ წარმოითქვა, იყო საზოგადოების გაშობხობა, რომლის თანაგრძნობითაც „ცისკარმა“ მოატანა აქამდინ ძალა უნებურათ.

ყოველი მომენტი, ხალხის ცხოვრების კეთილ-წარმატების გამსაზღვრელი, არის მრავალ ხნის მის ისტორიულ ცხოვრების ნამყოფი, — და არა კაცის ძალას აგეთი ბიჯი არ შეუძლიან საზოგადოებაში რომ მოახდინოს. თითოული პირის ცხოვრება იმ გვარად არის შეკავშირებული მთელ საზოგადოების ცხოვრებასთან, რომ არც შეუძლიან მის ზედ-მოქმედებისგან თავი ისხნას, არც მისგან გაცალკდეს და არც მაზედ ამალლდეს; ამის გამო ყოველ ცხოვრების მოქმედების ფაქტის წინ, თითოულის პირის მოქმედობა დარჩება ყოვლად უძლეური; მაგრამ ამ შემთხვევაში მისი გამჭვრიახობა და ნაღვაწი, როგორც საზოგადოების წინ, აგრეთვე შთამომავლობის წინ იფასება, თუ რამდენად უცვნია იმას ეს ფაქტი, როდესაც შემთხვევით გამხდარა მისი მმართველი, ან თუ რა მხრით წარუშმართავს ის, რომ როგორმე ამ ფაქტს შესძლებოდა ცხოვრებისათვის მოეტანა იმდენი კეთილი, რამდენიც მისგან იყო შესაძლო. რომ ვრცლად გავზომოთ ამ ზომით „ცისკრისაგან“ მოტანილი საზოგადოებისთვის კეთილი ექვსის წლის განმავლობაში და მისი მმართველის ღვაწლი შთამომავლობის, წინ საჭირო არის ცოტა მოვილაპარაკოთ იმ კანონებზედ,

რომლებს წესითაც გადასულა განათლება ერთის ხალხიდან მეორეში; მით უფრო, რომ ჩვენ ცხოვრებაში აღმოჩენილი მომენტი არის ამ წრისა და არა ჩვენი საკუთარი ისტორიულ ცხოვრების ნამყოფი.

როგორც ისტორია მოგვიჩვენებს, საზოგადო კაცობრიობითი განათლების გზა მუდამ ყოფილა ავი საკვლევი. ვინ წარმოიდგენს, თუ რამდენ ადამიანს შთამომავლობას თავი ქვაზედ უმსხვრევია და ხალხს ხალხად დაუყვია თავის წუთის სოფელი, სანამ შემზადდებოდა ახლანდელი ევროპის ცივილიზაცია და რა? ზოგიერთს სწავლულს, რომელსაც სუნითა და გემოთი დაწვლილებით გაუცვნია ეს განათლება, რომ ჰკითხოთ, ამბობს, „ჯერ კიდევ სწავლის კარშია ცოცხალი ვართ შესულიო“. მართლა, რომ კიდევაც კარგად მოვიფიქროთ, არც გასაკვირველია ასე ნელა ბოდიალი ხსნის გზაზედ. თუ რომ წარმოვიდგენთ იმ მკმუნვარე გარემომდებარეობას, იმ სულ მომხუთველს, წრიაპს კლდეებს თავის დახშულის, უდაბურის მღვიმეებით, იმ ცამდინ მწდომს მთის წვერებს თავის უძირო ნაპრალებით, თვალ მიუწვდომელ მინდვრებს და მუდამ მღელვარე სტიქიონს, რომლებსაც უნდა ქონოდა მისთანა მკიდრო ზედ მოქმედება ჯერ კიდევ ნორჩს კაცის გამოხატულებაზედ; კიდევ მაღლი მის სიყურმახვილეს, თუ რომ ბოლოს მას უშველა მაინც ამ გვარ ზედმოქმედებისგან განთავისუფლებამ. ხევთა ჩხრიალი, ქართა ქრიალი, კლდეთა ლუილი, ზვათა ძგრიალი, მეხის ქეჩა, ზღვის ქოთვა, კოხთა ცქრიალი და ათასი სხვა ბუნების ძალების სასაშიშრო მოქმედებები და გამოხატულებისთვის მკაცრი სურათები განა არ იქნებოდნენ საკმაოდ, რომ კაცს ევლო მართლა „წყუდიად ბნელში“ ქვეყანაზედ, სანამ რომელმე გარემოების გამო, შესძლებოდა ხელი გაეშვირა თავად მის მჩაგვრელის ბუნებისთვის და მასშივე ეძებნა წყაროები თავისი ცხოვრების კეთილმდგომარეობაში მოსაყვანად? განა ახლაც არ არის რწმუნება ჩვენ ხალხში, ვითომც ტყეში, ნამეტურ ღამე, ყოველ ფოთლის ქვეშ იმალებოდეს ფათერაკი სული, რომელიც თითქო ყოველს გამვლელს ეჯახებოდეს შესანთქავად. თუნდ თვითონ „ცისკარიც“ ავილოთ. ასე გასინჯეთ ამ გვარ რწმუნებაებზედ ერთობ გულგრილი არც ის ყოფილა. თორემ ეს კარგად ვიცი, რომ ერთ მის ნომერთაგანში—ნომერი დამავიწყდა საუბედუროდ—იყო გრძელი მოთხრობა, თუ ბრუტ-საბ-ძელზედ რა რიგი შექცევა ქონიათ თავის ტარტაროსით კუდიანებს. ამას იქით თუ კი ახლანდელ კაცის გონიერებას ვხედავთ ამ გვარ მდგომარეობაში, როგორსაც წარმოგვიდგენს ევროპიის ცივილიზაცია, სადაც კაცს გაუტეხია ბუნებისგან შებმული მონების ბორკილი ე. ი. განთავისუფლებულა ამ გვარ რწმუნებაებისაგან, და გამხდარა

თითქმის მისი ბატონი, კიდევ მაღლი მის გონიერებას. ეს არის, რომ როგორც ზევითა ვსთქვიტ, ერთობ ბევრი ხალხის ოფლი დაწურულა და ჩაუვლია მრავალ საუკუნოებს, სანამ კაცობრიობა მოვიდოდა ამ გვარ მდგომარეობაში. ეს განათლება არის მრავალის ისტორიულს ხალხების ნაშრომი, რომლებიც მოქმედებდნენ ერთი მეორის შტმდგომ. მთელი კაცობრიობის ცხოვრება, როგორც დასაბამიდგან ისე აქამომდე მომდინარეობს (რომ მომავალ დროზედ სჯას დავეხსნათ, ზადგანაც მომავალი ჩვენს გულთმხილველობისგან დაფარულია), თავის თავად არც ძველდება და არც წარმავალია; ძველდება მხოლოდ მისგან გამონაკვლევნი ფორმა, მისგან შემუშავებული საზოგადო წყობილება, რომელიც იმ დროში ამ ცხოვრების მოთხოვნილებას მხოლოდ აკმაყოფილებდა. თანდათან ხალხის განათლებით, რასაკვირველია, თავად ცხოვრების მოთხოვნილებაც, მის კეთილ მდგომარეობისამებრ, უფრო და უფრო ვრცელდება და მრავლდება სხვა და სხვაობით; მაშასადამე რამოდენიმე საუკუნეს წინ დაარსებული საზოგადო წყობილება და მისგან მონაპოვარი საშუალებაც ვეღარ აკმაყოფილებს ამ ცხოვრების მოთხოვნილებასა. აშკარაა რომ საზოგადო ფორმამ განვლო თავის საუკუნე, დაძველდა და ამის გამო ან სულ უნდა მოისპოს და ან გადაკეთდეს ახლად შემოსულ მოთხოვნილებისამებრ. ცხოვრებას მხოლოდ თავის ნიჭნი სისრულეში მოჰყავს. მაგალითად: თუნდ ავილოთ კაცი ივანე, ივანე ისეთი ივანეა აკვანში, როგორც წვერ-ულვაშიანი; ისეთი კაცის არსება არის აკვანში, როგორც წვერ-ულვაშიანი; ისეთი კაცური უფლება აქვს აკვანში, როგორც წვერულვაშიანი: მხოლოდ რომ ივანე აკვანში იყო ჩვილი ყრმა და ეხლა კი წვერულვაშიანი ვაჟ-კაცია; მაშინ იმას დედა არჩენდა, ეხლა კი თავს თითონ ირჩენს. მაშინ ის იყო კკუით უგუნური, ეხლა კი გონიერი, ისე ცხოვრებაც. მხოლოდ რომ, შეიძლება წინეთ დაარსებული ზოგადწყობილების ფორმა იყოს დამყარებული იმ გვარ სასტიკს კანონებზედ, რომელიც ჩაადებს საზოგადო გონიერებას და მის გამჭირიახობას უძღურებაში, როგორც საწყალ ივანეს დააჯუჯავებს მუდამ დედის ცემა; მაგრამ რადგანაც კაცის გონიერებას მოსდგამს მუდამ სისრულეში მომავლობა, არაოდეს არც ხალხის ცხოვრება არ დარჩება მუდამ ერთ და იგივე მდგომარეობაში; აღიძვრის თუ არა ცხოვრებაში იმდენი ძალა, რომ საკმაო იქნება ახალ საშუალების მოსაპოვნელად და ძველი ფორმის გადასადგებათ, იმავე წამს ცხოვრების წინმსვლელობაც დაიძვრის და ატყდება გამწარებული ბრძოლა ძველ წყობილების და ახალ მოთხოვნილების შუა. ამ შემთხვევაში შეიძლება ზოგიერთ მკაცრის გარეგან შემთხვეულებათ-

ბის გამო თავად ხალხის ცხოვრებაც უდროოდ დაიღუპოს, როგორც დაიღუპება საწყალი ივანეს სიმრთელე და გონიერება, თუ რომ რო მელიმე გარემოების გამო არ წაერთვა მისი თავი დედის სიმტარვალესა. აი ამ გვარად დაიქცა რომიც. რაგინდ რომ მკაცრი ზოგად წყობილებაც არ ყოფილიყო რომში, რაგინდ რომ გასრესილი არ ყოფილიყო მისი შინაგანი ცხოვრება ზოგად წყობილებით სიმტარვალისაგან, რაგინდ რომ შევიწროვებულიც ყოფილიყო მის ცხოვრების კეთილ-წარმატების საშუალობაც, მაინც მიუცილებლად ხალხში აღმოჩნდებოდა იმდენი ცხოველი ძალა, რომ შესძლებოდა გაეწია ბრძოლა მის მახრჩობელ გარემოებასთან და მოესპო ის, თუ რომ შინაგან ბრძოლას და უთანხმოებას არ მიმატებოდა მრთელის ქვეყნების ხალხების ძალა, რომლის სიმძლავრის ქვეშაც გაისრისა სრულებით რომის არსება. აი ამ გვარ უეცარ შემთხვეულებების გამო დაიყოფებოდა სხვა და სხვა დროში თითქმის ყოველის ისტორიულის ხალხის ცხოვრება,—და იმავე მიზეზებსაც უნდა მივაწეროთ თითქო შემეკვიდრებით ჭკუითის საუნჯის გავრცელება სხვა და სხვა ნაციებისგან. განსაკუთრებით შესანიშნავია ის კანონი ამ შემთხვევაში, რომლის წესითაც ერთს ხალხს გადუცია მეორე ხალხისთვის თავის ჭკუით შეძენილი ქონება, მით უფრო, რომ ზოგი ცუდი მხარე, რომელიც თან მოსდევს ამ გვარ წესს არა ხალხის ცხოვრებას, სადაც კი განათლება გადაღებით გადასულა, არ ასცილებია. ასე გაშინჯეთ ჩვენც ვერ ავშორებვიართ იმ ქვას, რომელზედაც წამოუკრავს ფეხი თითქმის ყოველის ისტორიულის ხალხის ცხოვრებასა. ამის მიზეზი უნდა იმყოფებოდეს უსათუოთ ჯერ კიდევ ნორჩს ხალხის გონიერებაში, რადგანაც მის სუყე ჭკუასა არ შეუძლიან იმ მაღლად გახსნილის ცხოვრების საფუძვლიანად გაზილვა, რომელშიაც მას ექნება ნიადაგი მიმოსვლა. ავიღოთ თუნდ მაგალითი: ვსთქვათ რომ ერთმა ღარიბის კაცის შვილმა დაინახა ვინმე მდიდრად ჩაცმული ყმაწვილა. მას მიიზიდავს იმავე წამს ამ ყმაწვილში მისი მდიდარი სამკაული. „ნეტავი შენ, ყმაწვილო, მაგ ნაირი ტანსაცმელი გაცვია... რა არის ახლა ჩემი სიცოცხლე?.. ამ ტიალ კონკში მაინც! რატომ მეც არ მაცვია აგრეთი ტანისამოსი?.. ჩემ ტანსაც ხომ აგრე შეამკობს, კარგი არ არის, რომ მეც აგრე ვუყვარდე ჩემ დედ-მამას, როგორც თავის დედ-მამას ეს ყმაწვილი, ხომ მეც აგრე ჩამაცმევინ“, —ფიქრობს თავისთვის ღარიბი კაცის შვილი; ის კი არა თუ იმ ყმაწვილის მამას თავის შვილის ტანსაცმელი ეგოდენათ არ უღირს, რამდენათაც მის გაჭირვებულს მშობელს ერთი შვილის პერანგი; და თუ მართლა თავის შვილის უგუნურებას აპყვა, უკანასკნელ პურის ქერქსაც უნდა გამოეთხოვოს.

რასაც ვხედავთ ნორჩს ყრმის გონიერებაში სრულებით მას ვხედავთ გონიერებით ჩვილის ხალხის ცხოვრებაში. შეიძლება მკაცრი ჩვენოს ბევრს ამ გვარი შედარება. ავილოთ მეორე: ვსთქვათ, ერთი ჩვენ თავადის შეილთაგანი გავიდა სამზღვარ გარეთ და შეხვდა მას. ერთ ევროპიულს სატახტო ქალაქში ყოფნა, ვსთქვათ ის მოხვდა პარიჟსა. საითაც თვალს არ მიაპყრობს ყოვლის მხრით ჰხედავს მხოლოდ ერთ დიდებას და სამოთხის გვარ მშვენიერებას: დიდებულს სასახლეებს, დიდებულს ქუჩებს, კაცის ენიდგან გამოუთქმელს სიმრავალგვარით და გემოვნებით საჭმელებს, წალკოტს, კაცის თვალისგან უნახავის შადრევანებით, ძეგლებით, აუზებით, სხვა და სხვა ქვეყნის ხეხილებით, მდინარით, ზღვით, სხვა და სხვა ქვეყნის მხეცებით; ერთი სიტყვით ის იქ ნახავს დიდებას და მშვენიერებას, რომელიც თვით მაჰმადსაც არ მოზმანებია თავის სამოთხეში. დასვით ეხლა ეს პირი ჩვენში. პირველი მისი წადილი ის იქნება, რომ როგორმე ბროლის კოშკი დაიდგას და იმ გვარი წალკოტი გაიმართოს, როგორიც იმ ქვეყანაში იმას თვალს უბრმავებდა. ოღონდ კი გამართოს, თორემ მრთელი ხალხიც რომ ჰყავდეს ხელში, მისს ღონისძიებას უკანასკნელ წვეთამდინაც შესწირავს ამ წადილს. განა ამას აქვს იმდენი გონი, რომ მოიფიქროს, თუ ამ გვარ წადილით, უიმისოთაც საშუალობით ღარიბის სიცოცხლის ცეცხლზედ სულ წყალს დაახამს? განა ის იმის სჯას შეუდგება, თუ ეს გარეგანი სიმდიდრე და ბრკიალება მხოლოდ დიდის ხნიდან ცხოვრების კეთილ-წარმატების გზაზედ მომდინარეობის შედეგია?—თუ ეს სიმდიდრე მხოლოდ ამ გვარად გახსნილს ცხოვრებას შეფერის და ყოვლის საშუალობით ღარიბის ცხოვრებისთვინ დიდო მავნებელია, რადგანაც მისი გადაღება უდროოდ ლევს ამ ცხოვრების ძალას? ის არის უბედურება, რომ გონებით გაუხსნელის ხალხის თვალთ-მხედველობას იტაცებს მხოლოდ ერთი გარეგანი ელვარება და არ შეუძლიან მას ჩაღრმავდეს იმდენათ, რომ გამოიკვლიოს მისგან მიზეზი და ან აზრი. აქედამ, რასაკვირველია, ვხედავთ იმ უწყესო მომენტებს ყოველს ისტორიულს ცხოვრებაში, რომლებიც არიან შედეგი ამ გვარ გადაღებისა. თუნდ ეხლა ავილოთ ჩვენი ცხოვრება: ვინ არ იცის, რომ ჩვენს საზოგადოებაში ელვარე მუნდირს დიდი ფასი აქვს: ვინც...*) ეპოლეტებით არის შემკული, ვინ არ იცის, რომ ჩვენი საზოგადოების ფიქრით, მხოლოდ ის არის კაცური კაცი, ბრძენი და ფილოსოფოსი. ჩვენში კაცის ღვაწლი საზო-

*) ცენზორის მიერ არის ამოღებული.

გადგომის წინ და მისი გონიერება იფასვის გარეგან ელვარობითა. არ შემძლიან აქ არ მოვიხსენიო ერთი იმერელი თავადიშვილთაგანი, რომელმაც ერთ დიდ კაცის წინ იმდენი იმიამუნა, როგორც გავიგეთ, სანამ ჩინი არ იშოვნა. მაგრამ განსაკუთრებით იმის მაგალითს, რომელზედაც ჩვენ გვაქვს ლაპარაკი, წარმოგვიდგენს ფრანციის შინაგანი ისტორიული ცხოვრება. როდესაც საზოგადოებამ მიაწია იმდენ განათლებაზედ, რომ შემოვიდა ცხოვრებაში ძველის კლასიკურის მეცნიერების გადაღების მოთხოვნილება, მისი გონება მხოლოდ ერთმა ბრკიალა სამოსწა შეიპყრო: მან სტაცა ხელი მხოლოდ ერთს ფორმას; მისი ყურადღება მიიქცია მხოლოდ ერთ ტურფა და მეტად ტკბილის ენით ჭამოთქმაზედ და არა თვით მასში მყოფს აზრზედ. მისი პროეტები იწყებდნენ იმ ნაირად ყეფას, როგორც სოფოკლი, ესხილი, არისტოფანი და სხვა გამოჩენილი საბერძნეთის მწერლები; აღწერდნენ იმ გვარ გრძნობაებს, როგორცსაც თავის საზოგადოების ნაკლულევანებაები აღძრავდა არისტოფანის და ევრიპიდის გულში. რასაკვირველია, რომ ამ გვარ გზაზედ დამდგარი ლიტერატურა და პოეზია სრულიად უნდა განშორებოდა ხალხის ცხოვრებას; შინაგანის ცხოვრების ელემენტით გაცხოველებული პროეტის სიტყვა უნდა შეცვლილიყო ერთს ყურისმგლეჯელს ცივს ხმაზედ. ლიტერატურამ დაკარგა ცხოვრებაში თავისი მნიშვნელობა და ხალხის ცხოვრებიდან განშორებულმა, მან ვერ შესძლო მისთვისვე გამოეკვლია გონიერი და საფუძვლიანი დასაწყისები, რომელზედაც მაგრად უნდა დაფუძნებულიყო მომავალი პოლიტიკური წყობილება. აქედან გამოვიდა ის რომ, როდესაც ხალხმა თავისუფლება მოითხოვა სახელმწიფოში, როდესაც მან ძველი წყობილება, როგორც უვარგი შესცვალა ახალზედ, თითქმის მთელს ერთ საუკუნის განმავლობაში განვლო მუდამ ტანჯვაში, ბოლოს კი მაინც ჩავარდა იმ გვარ ზოგად წყობილების ქვანებებში, რომელიც ბევრით არ გაერჩევა პირველს. აი რა მავნებელია ლიტერატურა და პოეზია, როდესაც ის არ მსახურებს ხალხის ცხოვრებას, ატარებს დროებას ფუქ დიკლამაციაში, როდესაც გადაღებაში, ნამეტურ ამ გვარ განათლების მხარეების, როგორც პოეზია და ლიტერატურა, მისი გადმომღები ხელთმძღვანელობს ერთ გარეგან ბრკიალა სახით და ვერ სცნობს მის მარდალს მნიშვნელობას, მის შინაგანს აზრს, ურომლისოთაც თვით ელვარე ფორმა ფუქია და მავნებელი. აი ის ქვა, რომელზედაც ჯოველის ხალხის ისტორიულ ცხოვრებას, მიმბაძავ პერიოდის დროს, ფეხი წამოუკრავს და რომელზედაც ჩვენც ზედ გადამტვრევას გვიპირებს ჩვენი „ცისკა-

რი“, თუ კი რომ ქონდეს ის მალური თვალი, რომლის გორვითაც შესძლებოდა შორს გავეტაცეთ.

1857 წელს, ჩვენს ბნელს გორიზონტს ეღირსა ბოლოს „ცისკრის“ ამოსვლა. აბა მითხარით ვინ არ გაიხარებდა ამაზედ, რადგანაც ყველას გულში გვექონდა, რომ მდაბიურად ყოველს ცისკრის ამოსვლის შემდგომ, „ბნელით მოცულს“ ბუნებას ელის გამაცხოველებელი ტკბილი დილა. მაგრამ დაგელოცა ღმერთო სამართალი!.. ურიცხვი სხვა და სხვა ქმნილებათა შორის ყოფილა ქვეყანაზედ იმგვარი „ცისკარიც“, რომელიც არ გვანებია მდაბიურს ცისკარს. ამიტომ რომ ეს მეშვიდე წელი დადგა, ის იქყირება იმავე ალაგიდან, საიდანაც შვიდის წლის წინეთ დილის მოსვლა გვაუწყა. თავად კი ჯერ თავის ალაგიდან არ დაძრულა, თულა აწ დაიძვრის—ეს უფალმა იცის. მრთელ შვიდის წლის განმავლობაში ნათობს ციალის შუქით და არა ეშველა რა—ოდნავ ვარსკვლავის სიბრკიალეც ველარ მიიღო, არამც თუ დილის გამაცხოველებელი სინათლე. ჩვენი ბედკრული „ცისკარი“ შვიდის წლის განმავლობაში სულ იმაზედ გვატარებინებს დროებას ან ღამე როგორია, ან დღე რა რიგის სინათლით მოიცვავს არე მარეს, თუ დილა კაცის გულში რა რიგს ტკბილს გრძნობაებს აღძრავს, ან თუ საღამო რა რიგის სიმშვენიერით მორთავს ბუნებას და სხვა ამ გვარებით. არა გვეშველა რა, ის აზრი კი ვერ გამოვიკვლიეთ მასში, რომელსაც პირობა დაედვა საქართველოს დილის ამოსვლაზედ; თუ რომ ღამიდა შეტოპვას ცხოვრების მორევში, იმავე წამს ისხამდა ფრთებს აერში გასაფრენად და ჩაუვარდებოდა ენა. ნამდვილის ცხოვრების თვისების მაგივრად, ფანტაზიაში შედგენილ სურათებზედ გვატყერინებდა; რასაკვირველია, რომ ყველას მალე უნდა მოსწყენოდა ღარიბის ფანტაზიის სურათებით შემკულ ქვეყანაზედ მუდამ ყურება!

ჟურნალი იმ გვარის თვისების; როგორიც მიიღო მან ევროპიის ხალხში, უნდა ყოფილიყო მხოლოდ ნამყოფი ევროპიელი ხალხის ცხოვრებისა. მხოლოდ ევროპიაში, ზოგიერთის გარემომდებარეობის მიზეზების მადლობით ადრე ჩავარდა კაცი თავის გონში და მოითხოვა სასტიკ ზოგად წყობილებისაგან დაკარგული უფლება. აშკარაა, რომ აღმოსავლეთში, სადაც ხალხის ცხოვრება იყო მოსრესილი მეფის დესპოტობისაგან, ამ გვარს ფაქტს არ ექნებოდა ადგილი. ეს ფაქტი გადმოვიდა ჩვენ ცხოვრებაში მიბაძვით, ამისთვის ყველაზედ პირველად უნდა შეგვეტყო მისი აზრი და არ გავყოლოდით მის გარეგან სახეს, ყველაზედ პირველად უნდა გავვეგო, თუ რისი მაქნისია, ან რა მნიშვნელობა უნდა ჰქონოდა ჟურნალს ჩვენს ცხოვრება-

ში, ვინემ აღტაცებულვიყავით მის ყოველს თვისა და თვის თავზედ-
შვიდ შვილის დაბეჭდილის ფურცელების გამოხვლით და „ცისკრის“
სახელით. მაგრამ პირებს, რომლების ხელმძღვანელობის ქვეშაც ჩავარ-
დნილა შემთხვევით ეს ფაქტი, ვერ შეჰძლებიათ ღრმად იმის აზრის
გაგება და ამის გამო ის მეტად კეთილ-მყარ თავის თავად ფაქტს ჩა-
უვლია აქამდინ სრულიად უნაყოფოდ საზოგადოებისთვის. „ცისკარ-
რი“ ასე გაშორებულია ცხოვრების მოთხოვილებაზედ, როგორც ცა
მიწაზედ. ის ვერ გრძნობს სრულებით მის გულმტკივნელობას და
მის მოთხოვილებაზედ წინ უდებს იმ გვარ საქმელებს, როგორც
„შვილი ჴმანკობისა“, ისიც სხვისა, საძაგლად გადაკეთებული და
თავისად უსირცხვილოდ მითვისებული, *) „ჩემი ანგელოზი“, „თამარ
ბატონის შვილი“, „მამისგან შვილის დარიგება“ და ვერ მო-
ვითვლი რამდენს სხვა ამ გვარებს. რა გასაკვირველია, რომ საზო-
გადოებაში ვერ პოვებს სიმპატიას. კიდევ ბეღია, ქეშმარიტად, რომ
აქამდინაც სრულებით არ დაეცა, მაგრამ ზოგი მის მოლაყბესაც
უნდა ჰკითხოს კაცმა. აი რა გვარ მიზეზებს აწერს ის „ცისკრის“ და-
ცემას: — „ცისკრის“ თავდა პირველად გამოცემა ყველას სასიხარუ-
ლოდ მიგვაჩნდა, — ამბობს მოლაყბე ოქტომბრის ნომერში 1862 წ.
— „მაგრამ დამარხვაზედ კი ნურას უკაცრაოდ, ყოვლისფერი დაიმარ-
ხება, თუ მტრად გადავეკიდენით და ქვითა ვდიეთ ჩასაქოლავათ“.
ქვით ჩაქოლვა რა არის?.. განი თუ კაცს, რომელსაც არ მოსწონს
ზოგიერთი აზრები, მისის ფიქრით მავნებელი ცხოვრების კეთილ-
წარმატებისთვის და დაიწყებს ლაპარაკს ამ გვარის აზრების წინააღ-
მდეგ, ერქმის ქვით მქოლავი?.. საზოგადოების ცხოვრებაში, რო-
გორც სულთდგმულთ მოქმედებაში, მუდამ იპოვებიან სხვა და სხვა
ერთი ფრთამანეთის წინააღმდეგი ელემენტები: მაშასადამე მათში
ყოველთვის უნდა სუფევდეს მუდამი ბრძოლა, რადგანაც განსვენება

*) ეს თხზულება გახლავთ რუსულად ნათარგმნი ნემგეტურიდამ: უხვირო ნე-
მენცის მწერალის კოცებუს დრამაა მაგავე წოდებით, მაგრამ უფ. „ცისკრის“ რედაქ-
ტორმა გადააკეთა გვარები და სახელები და თავისად გამოჰსცა. ცისკარს ბევრჯერ
მოსვლია ამგვარი სიკვალუცე საზოგადოების წინაშე, მაგ. რჩეულოვის „შეშლილი“.
ეგ გახლავთ პატარა მოთხრობა ანგლიურიდამ რუსულად ნათარგმნი, რუსულს
ენაზედ მაგ მოთხრობასა ჰქვია: „Венок Офелии“. უფ. რჩეულოვმა სახელი გამო-
უცვალა, სიტყვა სიტყვით სთარგმნა. მხოლოდ გიორგი, კოროლი ანგლისა, ვა-
რანცოვად გადააკეთა, ლონდონის თეატრი ჩვენ თეატრად, იქაური გიყების სა-
ხლი ბედლეგი, ჩვენ ნავთლუხის გიყების სახლად, იქაური აქტრისა, აქაურად და-
ამ ყოფით იმ მოთხრობას დაარქვა შეშლილი და თავისი გვარი მოაწერა, — მითამ
და იმისია. აგრეთვე „იშვითი ცხოვრება“ გ. ბარათაშვილისა, „ანუკა ბატონი-
შვილი“ იმავე რჩეულოვისა და სხ.

სიკვდილის წესია. ცხოვრებაში იმყოფებიან სხვა და სხვა რწმუნებები, ყოველ საგანზედ თავისებური სჯა, თავისებური აზრი და შეხედულობა, რომელსაც ჰყვანან თავთავის დამცველები. საზოგადოებაში, როგორც გონიერ არსებაში, შედის მუდამ ის რწმუნება, ეს აზრი, რომელიც ყველაზედ ვრცლად, ცხოველად და საფუძვლიანად დაიცვის, რომელიც ყველაზედ უფრო ჭეშმარიტია; თუ კი რომ „ცისკარში“ წარმოითქმოდეს მისთანა აზრები, რომელშიაც საზოგადოება კეთილს და სასარგებლოს რამეს ჰპოებდეს, რაგინდ ბევრი ქვა და ლოდი სცემონ, მაინც ვერვინ ვერას დააკლებს. ქვის სროლა „ცისკარს“ კიდევაც უფრო გაამაგრებს, რადგანაც წინააღმდეგ აზრებში მისი სარგებლიადა უფრო ამკარად დაინახება. როგორც სჩანს, იმ სალაყბო ფურცლის ღირსება მდგომარეობს ან სრულებით ფუჭ მტყუვებლობაში და ან თუ თერგდალეულის სტატის განხილვას წადილობს, მხოლოდ იმ გვარ საგნებზედ აქვს ლაპარაკი, თუ თერგდალეულმა, რატომ თქვა „გაიარდა“ და არა ვაივლიდაო; მის შინაგანს აზრს კი ვერ ვხედავ, რადგანაც მართლის პირში შეხედვას არწივის ღვალები უნდა. ამის გამო ვის ექნება იმდენი დრო, რომ ნამეტურ აქ თავიდან ბოლომდის ის გაარკვიოს? მხოლოდ არ შეიძლება ზოგიერთ პუნქტებზედ არ გაეჩერდეთ, რადგანაც იქ ზოგიერთს მაღალ საგნებზედ მოდის ლაყბობა და სწორეთ თუ მრუდეთ „ცისკარის“ დაცემის მიზეზებს ეხება. თუნდ ავიღოთ ის, სადაც მოლაყბეს მოუდის ლაპარაკი მწერალის და მწერლობის მნიშვნელობაზედ:— „რა არის მწერალი და თვით მწერლობა?“— ჰკითხავს მოლაყბე თერგდალეულს. აქ რომ მართლა კითხვითი ნიშანი დაესვა და შემდგომ სხვაზედ დაეწყო ლაპარაკი, უსათუოთ ვიფიქრებდით, რომ მისი მნიშვნელობა, თავის სიყურ-მახვილით, სადმე ამონაკითხი მაინც ექნებოდა. ახლა კი მე მგონია მის ახსნით საზოგადოებაში მოიპოვა დიდი სახელი, რადგანაც მან უჩვენა სწავლულთ ქვეყანას პოეზიის და ლიტერატურის სფეროში იმ გვარი კანონები, რომლების მსგავსი არა წარმოთქმულა რა არც ლესსინგის „ლაოკოონში“ და არც ლეგელის „ესთეტიკაში“. მიეცი შვებას, ჩვენო საზოგადოება! დღეს შენ აჩუქე კაცობრიობას ერთი სწავლის მნათობი, რომლის კვალზედაც აწ იწყებს წინ წასვლას ევროპიის განათლება, ის მნათობი გახლავთ მოლაყბე. ნეტავ ვიცოდე ვინ არის, ან რა სახე აქვს ამ მოლაყბეს, რომ მისი კინკრისის გახილვით ვამცნო ახალი კანონები ფაქტებით ღარიბს ფრენელოლიის სწავლას. აი რას ვგამცნებს მოლაყბესაჲნ წარმოთქ-

მული პირველი კანონი: 1. „მწერალი არას მამა ხალხისა“. მკითხველებო გაიგონეთ ამ კანონის გარკვევა, მწერალი არის მამა ხალხისა, ესე იგი ხალხი მისი შვილები, გჩხმით კარგად?.. შვილებს უნდა მამასგან მულამ ზნეობითი დარიგება. ყოველს ჩვილს წლოვანებითს ყმაწვილის გულში თითოეული მამის სიტყვა არის განუსაზღვრელი ჭეშმარიტება. აქედან: მოლაყბე არის მწერალი, ჩვენ მისი შვილები, მაშ ყოველი ნამცნევი, რაც რომ მის პირისაგან არ წარმოითქოს, უნდა გვეგონოს განუსაზღვრელ ჭეშმარიტებად. მხოლოდ ამ შემთხვევაში გველის მომავალს დროში ცხოვრების კეთილ-წარმატება, განათლებით, ევროპიელ ხალხებზედ დაწინაურება და თუ, ვინიცობაა, არ ვეთანხმეთ ზოგიერთს მის აზრს, შევიქნებით ღვთის პირისაგან წყეული, როგორც მამის ურჩი შვილები. ყოველ სულდგმულს მართებს არამც თუ გონიერად, ინსტინქტურადაც თავის არსებობის დაცვა. არც მოლაყბეს ეძრახვის, რომ ამ გვარი სალლოგიზმებით იმოქმედოს „ცისკრის“ და თავის ინტერესის დასაცველად, მაგრამ ღვთის პირისაგან შეჩვენებაც რომ მელოდეს, არ შემძლიან ამ განმარტებაში წინააღმდეგად არ გაუზხდე. მწერალი, ჩემის ფიქრით, ყველაზედ პირველად იმ ქვეყნის შვილია, სადაც რომ შრომობს; არის დაბადებული იმ საზოგადოებაში, აღზრდილი იმ საზოგადოებაში, და მიძღები ყოველივე ზნეობითის ჩვეულებების, რომლებიც სუფევენ იმ საზოგადოებაში. მაშ მწერალი უფრო უნდა იყოს საზოგადოების შვილი, ვინემ მამა; მაგრამ სწორედ რომ გავსაჯოთ, არც ეს არის: მწერალი არის ერთი თავის საზოგადოების მწვერთაგანი, ერთი იმ პირთაგანი, რომლების კრებაც შეადგენს საზოგადოებას. ის არის საზოგადოების ტანჯვის და შვების თანაგრძობელი. რაში მდგომარეობს მისი ღვაწლი საზოგადოების წინ?—აჩვენოს საზოგადოებას თავისი აზრი ამ ნაკლულევენებაების შესახებ, უჩვენოს იმ გვარი საშუალობები, რომლებიც მისის ფიქრით საუკეთესო არიან ამ ნაკლულევენებაების მოსასპობელად. შეიძლება მისი აზრები არ ვარგოდეს, მაშინ ის ჰპოებს მის მოძმეებში წინააღმდეგობას. გამოჩნდება მესამე, მეთხე. ერთის სიტყვით ყველა ვინც, რომ ჰპოებს იმდენ ძალას, რომ თავისი აზრი გამოთქვას. შეიქნება ბაასი და აი ამ ბაასში და სხვა და სხვა აზრებში ეუწყება საზოგადოებას ჭეშმარიტება, რომელიც განსაზღვრავს მის გონებითს გზხნას და ცხოვრების კეთილ-წარმატებასაცა.

რასაკვირველია, რომ ასე მოკლეთ მწერლის მნიშვნელობის განმარტება არ არის საკმაო, მაგრამ არც სტატიის სიგრძე ვეაძლევს მეტს ნებას, ამისთვის სხვა შემდგომისთვის იყოს, აქ მხოლოდ ის არის

წაჩვენები, თუ რავდენად უგუნური არის ის განმარტება, რომლითაც მწერლის მნიშვნელობას ადარებენ მამის მნიშვნელობას. როგორც მოლაყბის სიტყვებიდან სჩანს, იმას სამძღვარ გარეთ უმგზავნიდა. არ ვიცი, რომელ სალიტერატურო ორღანიდან ამოუკითხავს ესრეთი სჯა ამ გვარ საგნებზედ, თუ იქნება მართლა „ტრედიაკოვებით“, „სუმაროკოვებით“, „ხემნიცერებით“ თუნდ „ლალარპებითაც“ და მათ თხზულებებით თავი ისე გაუტენია, რომ პატარა გონიერ სჯას თუნდ ამ გვარს, მის თავში ადგილიც აღარ დარჩენია? ვთქვათ, თუნდ ეს ასე იყოს, — მაგრამ ამ წაიერი კანონები საიდანღა გამოუღლია? ხომ ერთ ზემოხსენებულს მწერლების თხზულებებშიაც არ იპოვება ამ გვარი კანონები, როგორც მაგალითად: — „რაც რომ ბეგრს ფულს მივსცემ მწერალს, იმდენად უფრო კარგად დასწერსო“? (bis) გეთაყვა ერთი კიდევ გაიმეორე ეს კანონი, მოლაყბევ! ამათ მსგავსი კანონები ნეეტონსაც აღარ წამოუთქვამს ქვეყნის აგებულების ასახსნელად. აი უცოდინარობა მწერალს როგორ უგუნურებებდას წარმოათქმევინებს. ერთი რომ ჟურნალი თავის სიკეთით იძენს ბეგრს ფულს, რადგანაც ამ შემთხვევაში ყველა წადილობს მის გამოწერას, და არა ფული შეიქს კარგს ჟურნალს: მეორე — ეს მაინც რამ წარმოგათქმევინა, მოლაყბე! „ხუთი ათას ხელისმომწერლების ფულით რა მწერალსაც მინდა ლეკურს ბუქნას ვათამაშებო“? განა მწერალი სუდიას გვარია, რომ ასი თუმნით ლეკური ბუქნა ჩამოარონინო? მაშ, მოლაყბე, იქნება შენ კარგი ნიჭიერი მწერალიც იყო, მაგრამ სანამ ზუთას, თუმნობით მუქებს არ გაგიყებენ, მანამ არ დაიძერი განა? — დიან და გეშაბის! შეიძლება შენ შენის უნიჭოების მისამალავათაც წარმოსთქვი ეს; მაგრამ რაც რომ ბეგრი ეცადო, თუნდ ერთი მილიონიც მოგცენ, მაინც მაგაზედ უკეთესს ვერ დასწერ რაც დაგიწერია. განა რაც ბუნებას შენთვის დაშურვებია, ფული იმას ჩაგინერგავს თავში? ესეც უნდა ვთქვათ, რომ მწერალი, რომელიც ასი თუმნით თამაშობს, მეტად ნიჭიერიც, რომ იყოს, მაინც თავის თვისებით კეთილზედ ბოროტს უფრო მეტს შესძენს საზოგადოებას, მაშასადამე მაგ გვარი მწერალი, რომ კიდევაც გამოჩნდეს მაინც კბილით დასაგლეჯია. ნიჭიერი და მამულის მოყვარე მწერალი ფულში არ საჭიროებს. მის გულში, როგორც გაუქრობელი ლამპარი, ანთია მუდამ ერთი წმინდა წადილი, რომელიც სიკვდილამდინ ამხნეებს იმას ღვაწლისთვის. რასაკვირველია, ფული მრავალ თავისუფლებას მიჰსცემდა მწერალსა, იმიტომ რომ თუ საწყალია თითქმის უფრო მეტი თავისი დღენი მაგ ღონისძიების მოპოებაში ეკარგება და ამით მწერლობასა ჰცდება, მაგრამ აქედამ ის არ გამოდის, რომ მწერალს ფული ჰქმნიდეს. რა-

ტომ როდშილდი არა შექსპირობს, ჩემო მოლაყბე! მაგრამ იმას, ვისაც ოცდა ათის და მეტის წლის განმავლობაში სულ ერთი მხრით უწევინა, მეორე მხრით როგორღა გააწევინებ, რაგინდ რომ აშკარად და საფუძვლიანადაც ელაპარაკო. ჩვენც, რასაკვირველია, აქ თავს მივანებებდით, თუ რომ ერთი მეტად შემაქცევარი ადგილი არ გვეპოვა კიდევ მის სალაყბო ფურცელში, ეს — ის ადგილია, სადაც ის ყმაწვილურის სიმარტივით ერწმუნება, ვითომც და „ცისკარს“ ზოგიერთის ხეირიანის სტატიებით მოეტანოს რამე კეთილი საზოგადოებისთვის. აი ეს ადგილი: „აქებს თერგდალეული ზოგიერთს მწერლებს, რომელთ შრომები „ცისკარში“ დაბეჭდილი იყვნენ: კონქაძეს, დიმიტრი ყიფიანს, გარდაქმნელს, ბერიძეს, დიმიტრი ბაქრაძეს, ლავრენტი არდაზიანს და მე უღირს მონას და მოსამსახურეს, (ტყვილა პირს ნუ იწვამ, რა საქებიცა ხარ შევიტყვეთ იმას თუ იტყვი, რომ ზოგიერთი ჩვენის ცხოვრების უმსგავსო ცაქტი რომელიც თავის უმსგავსობით ყველას თვალშია ეჩხირებოდა, შეგიტანია სალაყბო ფურცელში, როგორც შექრონიკეს — ეს კიდევ დიდისიკადული არ არის ნამეტნავად როცა შევიტყვეთ, რომ იმის შემტანიც შენ არა ყოფილხარ. „ქებისთენ დიდი მადლობა!“ (სულ ტყვილა! თუ მართლა თერგდალეულმა გაქო, ძლიერ შემცდარა) „მაგრამ ერთი ესა ბრძანოს, აკი იძახდა „ცისკარი“ ცუდიპო! მაშ ცუდი არ ყოფილა“. დიახ, მართალია ზოგიერთი ისტორიული სტატიები „ცისკარში“ არ იყვნენ ურიგონი. შეიძლება შემდგომისთვის, როგორც ისტორიის მასალა, შეიქნენ რითიმე გამოსადგენი, ისიც ვინ იცის? მაგრამ ცხოვრებისთვის კი სრულიად გამოუსადეგარნი იყვნენ, რადგანაც გვაჩვენებენ მხოლოდ წარსულის ისტორიის ფაქტებს და საზოგადოებაც არ იყო იმდენად გახსნილი, რომ საკუთარ მსჯელობით მათგან რომელიმე სასარგებლო წესი ცხოვრებისთვის გამოეკვლია. ესეც ხომ იყო: საზოგადოებას რომ კიდევაც შესძლებოდა ამ ფაქტების განხილვა, მე არ მგონია, იმ გვარად იყვნენ დაწერილნი ეს სტატიები, რომ მათგან შეძლებულიყო რამე სასარგებლოს აღმოჩენა ცხოვრებისთვის. არც ის იყო შესაძლო ამ სტატიებისაგან, გვეცნო საფუძვლიანად რომელიმე მომენტი წარსულის ცხოვრებისა. მაშ „ცისკარს“ როგორც ჟურნალს, ამ გვარ სტატიებით ღირსება არ მიეცემოდა. რასაკვირველია „სურამის ციხე“ მეტადრე „სოლომონ ისაკიან მეჯღანუაშვილი“ და განსაკუთრებით „რომეო და ჯულიეტა“ დრამა შექსპირით ნათარგმნი შორს მოიტოვებდნენ „შვილს ჯმანკობისას“, „თამარ ბატონის შვილს“, მაგრამ ამითი რა გახდა? ევროპიული საქმელები რომ მომიტანო, მათი ჭამაც ხომ უნდა მასწავლო, როგორ

უნდა. შექსპირის დრამების გასაგებლად, საზოგადოებას იმდენად უნდა ქონდეს ესტეტიკური გრძნობა გახსნილი, რომ შეეძლოს ჩისი დრამებში თათქოს ღვთიურის ხელით აღმოხატულის ცხოვრების ჭვრეტა, კაცის გულის ისე ღრმად და ვრცლად გაგება, როგორც ის არის ნაჩვენები მის დრამებში და კომედიებში. აბა ერთი მითხარით რავედენ სტატიებში აუწყა საზოგადოებას „ცისკარმა“ ან პოეზიის მნიშვნელობა ან მისი ისტორიული არსება და ცვლილება, თუ როგორი შეხედულობა ქონიათ ელლინელთ ქვეყანაზედ, ან როგორის გრძნობით ეყრებოდნენ ბუნების ზედ მოქმედებას, ან თუ რა არის პლასტიკური გრძნობა, ურომლიოთაც პოეტისგან არ შეიძლება რეალურ ცხოვრებას მართლად ჭვრეტა. აბა სად გვიჩვენა ის პლასტიკური გრძნობა რომელიც გამოსჭვერს თ. რაფიელ ერისთვის ზოგიერთ ლექსებში და ნამეტურ თ. გრიგოლ ორბელიანის, სწორედ ხალხურის ელემენტით სავსეს პოეტურს გრძნობაებში, სადაც ასე აღტაცებით არის გამოყვანილი, თუ რას შეხარის ქართველის გული? აბა თუ შეუნიშნავს კიდევაც „ცისკარს“ ის რომანტიული (?) მიდრეკილება, რომელიც ისმის თითქმის აკაკი წერეთლის ყოველ ლექსებში: „საყვარელო ალექსანდრა“ დან „რუსთუმეს“ სურათებამდინ. „ცისკარი“ არ იყო ილია ჭავჭავაძეს ქვის სროლით შეხვდა? სად გვიჩვენა მან ის ორი ხასიათი ქალისა და ვაჟისა, რომლებიც ასე ღრმად და საკვირვლად არიან გამოხატული „სურამის ციხეში“? სად განიკვლია მან ის მიზეზები და გარემოება, რომელმაც შექნა ეს ხასიათები, ამისთანა ბოლოს ღირსნი, როგორიც ამ რომანშია, ნაჩვენები?

სრულებით ამ გვარ რამეს 1857 წლიდან, რომ დავიწყოთ და ამთვის ნომრამდინ გადავშალოთ სულ ფურცელ-ფურცლად, მაინც ვერაფერს მასში ვერ ვპოვებთ. ვერც იმას ვპოვებთ, თუ სად განუხილავს ასე ვრცლად და მართლად გამოხატული სოლომონ ისაკიჩ მეჯღანუაშვილის ხასიათი, რომ როგორმე მკითხველის გულში აღეძრა ზიზღი ამ გვარ მიდრეკილებაზედ. როგორც ვეჭობ, „ცისკარს“ სურამის ციხის აზრი სრულებითაც არ გაუგია, ამიტომ რომ როდესაც თერგ-დალეულმა გაიხსენა იმაზედ, როგორც ერთ კარგ თხზულებათაგანზედ, რაც რომ მხოლოდ „ცისკარში“ არ დაწერილა, მხოლოდ მის შემდგომ გამოვიდა მასზედ ფურცელადის რეზენზია და შერე როგორი! განა ამას რეცენზია ერქმის?.. ახალ ადგმულ ენის ყბედობაა და ქარის მობერილი ჰსჯა. ამის შემდგომ თუნდ თვითონ შენ დაიდევ, მოლაყბევ, გულზედ ხელი და თქვი ღვთის წინაშე, რამდენი კეთილი მოუტანია „ცისკარს“ საზოგადოებისთვის ამ შეიღის წლის

განმავლობაში? ვინ იქნება იმდენად უგუნური, რომ „ცისკარს“ ამაში დაუწყოს გამტყუნება. ყოველი საგანი მხოლოდ მაშინ იმტყუნება, როდესაც მასში იპოება მისთანა საშუალობა, რომლითაც შეიძლება რამე კეთილის მოტანა და არ მოუტანია. ცარიელი ტიკი რაგინდ რომ წურო, კახურს ვერ ჩამოგვისხამს, მაგრამ ის არის სამწუხარო, რომ, როდესაც ამტიციებენ, რომ „ცისკარი“ შვიდის წლის განმავლობაში არა კეთილის შემძენი არ ყოფილა საზოგადოებისთვისაო. აშკარა მართლის თქმაზედ გული გებძარვის კარგი რაც ითქვა, ითქვა: იმას ხომ აღარა გაეწყობა რა, მხოლოდ ერთი უნდა გითხრა, მოლაყბე! რადგანაც „ცისკრის“ ადვოკატობა მივიღა: შენ კარგად გექნება ნაცნობი თუ არ შენის გულთმხედველობით, ინსტიტუტურის გრძნობით მაინც, რომ ჩვენ საზოგადოებაში დაიძრა ცხოველი სული, იმას უნდა ცხოველ სიტყვა; მაშასადამე „ცისკარს“ თუ თავის სიკვდილი არ უნდა უსათუოდ უნდა დასტოვოს ის გზა, რომელზედაც აქამდინ მოდიოდა, გააგდოს მიშურა, გარეგანი სიბრკიალე და ჩაღრმავდეს სიცოცხლის მორევეში მარგალიტების მოსაბოკად. სიტყვით დატევება ცოტა არის, საქმით კი ჯერ ვერა ვხედავთ. გარიბალდის ცხოვრებით და სხვა ამ გვარებით თავს ვერ შეგვიხვევ ამიტომ, რომ მის გვერდში ვხედავთ იმ გვარ თხზულებებს, როგორც „მამისგან შვილის დარიგება“, ქერელი ბექას ბაქიობა და სხვ. ამ გვარად „ცისკრის“ გზის გამოცვლა კიდევაც უფრო მავნებელია, რადგანაც ამ გვარებით შეიძლება მკითხველის თვალისგან დაიფაროს შინაგანი ეშმაკობა. და ესეც არის: კაცი, რომელიც თან შეზრდია ერთგვარ სმენას და შეხედულობას ცხოვრებაზედ, რომელსაც გამოუშვია თავისებური სჯა თითოთულ საგანზედ და ფაქტებზედ თუ კი იმას რამე აზრი აღუზრდია თავში, ერთობ ძნელად შეიძლება გადახდეს თავის გზას ნამეტურ ასე უცებ, „ცისკრის“ რედაქტორმა ეს გვაუწყა და თითქმის ყოველწელს გვაუწყებდა: ეხლა სხვა აზრზედ უნდა წავიდეთ, სხვა კარგ მიმართულებას ვიჭონიებო და თუ მართლა ასეა, სანამ ჟურნალის შინაგანი ნაკლულოვანება საქმით არ გაიწმინდება, სულ ტყუილია, რომ იხახონ თუნდ წლიდამ წლამდინ: ეხლა სხვა გზაზედ ვდგებიო. საქმე უნდა და არა სიტყვა. როგორც ტბაში თუ ქვეწარმომავალი არის, არ შეიძლება რომ ხანგამოშვებით მაინც თავი არ ამოყოს ხოლმე და იმ ტბის სიწმინდავე; არ აამღვრივოს, სწორედ ისეც ჟურნალშია ხოლმე.

1 8 6 6

მათუსალას აღსარება

I

ოჰ, რა მოხარული ვარ მკითხველო, რომ ამდენის ხნის სიმუნჯის შემდეგ ბოლოს მაინც, ღვთის შეწევნით, ენის კლიტე გამეხსნა შენთან სალაპარაკოთ. უნდა წარმოიდგინო, რა რიგად დაწუხებული ვიყავი ამ სულთა-მხუთავის ქირვებისაგან... სიმუნჯე, ჰმ... სიმუნჯესთანა სენი ნეტა თუ რამე მოეფლინოს ზეციურს მამას კაცის დასასჯელად. უეცრად დამუნჯებული კაცის საქმე სულ სხვაა და დაბადებიდან მუნჯისა კიდევ სხვა. დაბადებიდან მუნჯს იმისთანა სამწუხარო მდგომარეობა არა სჭირს, როგორც შემდგომისათ დამუნჯებულს კაცს. პირველს არაოდეს არ მოუსმენია კაცის ტკბილი საუბარი, ჩიტის ქიკქიკი, ბულბულის წკრიალი, შოშის სტვენა, მდინარის ჩხრიალი, კლდის ქვითინი, მწყემსის სალამური და ყოველნაირი ხმა, ბუნებაზედ რომ კაცის გასართველად მოვლენილა. ღმერთს ბუნებით მუნჯისთვის დაბადებიდანვე დაუზღავს სასმენელი და ის ვერც წარმოიდგენს თითქმის ხმის სიტკბობას; მაგრამ კაცმა, რომელსაც თვითონ უმღერია და რამდენჯერმე მისი გული აღელვებულა დედის აღერსით და ჩვილის ტიკტიკით, იმ კაცმა რარიგათ უნდა აიტანოს სასმენლის და სიტყვიერების მოკლება? დიდი გულის საკვდავია იმისი მდგომარეობა, როდესაც იმას თავის ნაღვლიანი ამბობება სჯერს მოძმეს გაუმჟღავნოს, მაგრამ სასაუბროთ ენა ველარ მოუბრუნებია და მოძმეს ლაპარაკი უხმო ტუჩის ძრევით ეჩვენება. ქვეშარიტათ ძნელი ასატანი უნდა იყოს ამ წუთისოფელში პირუტყვით ცხოვრება, მაგრამ სიცოცხლესთან საუკუნოთ გამოსალმება კიდევ უფრო ძნელი ყოფილა. საგრძნობელის მოკლება დიდი უბედურებაა, მაგრამ სიკვდილს კი მაინც ვერ შეეღარება... მკითხველი იქნება ამ ჩემს ლაპარაკს ყურადღებით ისმენდეს, მაგრამ ის კი არ იცის, ვინ ელაპარაკება. ეს იმასა ჰგავს, ჰაერიდან კაცის ხმა მოისმოდეს და თვით მთხრობელს კი ვერ ხედავდე. არა, უჩინმაჩინის ქულს შენს წინ რათ

დავისურავ, რადგანაც ჩემს თავს შენს მახლობელს ნათესავათ. და მე-
გობრათ ვხდი. ის რალა მეზობელი და მეგობარია, თავის
მეზობელს რომ ვერ გამოჰჩენია. აი, ამისათვისაც ვისწრაფი
თავი მალე ვაგაცნო, მკითხველო. მე ვარ ერთი იმ საქარ-
თველოს მათუსალათაგანი, ბახუსის წვენიტ რომ ნოეს მოუძღურება
დახსოვნებია და იმისს შვილებზედ წყევაც მოუსმენია. მე ვარ ის მა-
თუსალა, მურვან-ყრუ აგარიანელის საქართველოში შემოსვლის მო-
წამე რომ ყოფილა. ვაი იმ დღეს, როდესაც ჩემთან ათასი წარჩინე-
ბული საქართველოს შვილი კლდეებში და ღრეებში იმალებოდნენ
მთელი ორი წელიწადი! ვინ იცის, რა გაჭირვება არ გამოვიარეთ! ბევ-
რჯერ მოხდებოდა ხოლმე, რომ პურათ მარტო ხის კანი გვექონდა და
საჭამდატ ხის ხავსი. ყოველი სულიერი და უსულო რკინასა და
ცეცხლს მიეცა მრსანელებლათ. მთელმა სამოცმა წელმა მას უკან ისე
გაიარა, რომ საქართველო ჩვეულებრივს მდგომარეობაში ჯერ კიდევ
ვერ ჩამდგარიყო. მე ვარ ის მათუსალა, სულთანის ჯელალ-ედინის ტფი-
ლისში შემოსვლა რომ თავის თვალით უნახავს, რუსუდანის მეფობის
დროს. ოჰ, უღვთობეავ!? ოჰ, არა წმინდებავ!... მე, ბედკრულმა ძლივს,
რითაც იქნა, ერთს ბნელს სარდაფში ჩავასწრე, მაგრამ ქართველების
ღრიალს და დედა-კაცების უნუგეშო გოდებას სარდაფის კედლები
როგორ დაიჭერდა. დედის წინ ძუძუმწოვარს ყრმას აიყვანდნენ და
მიწაზედ დაანარცხებდნენ, თვით დედასაც შემდეგ დანით ზედ დააკ-
ლავდნენ. მოხუცს ცხენის ძუას გამოაბამდნენ და ლუკმა-ლუკმათ იმის
წიხლებს დააგლეჯინებდნენ. გეგონებოდა ამ დროს სიკბაბუკე იმისა-
თვის დავაუკაცებულაო, რომ თურქის ხრმლით თავი უნდა მოკვეთო-
დაო. გეგონებოდა იმათთვის სამი მტკაველი მიწაც დაშურებიათო და
იმისთვის დაუხოცნიათო, კაცის თავებით ნადირი და ძალები რომ
დაეძლოთო. შეელის მაგივრათ დედაში გასაკიცხავი დედოფალი რუ-
სუდან ქუთაისს იმალებოდა. ამნაირს მდგომარეობას საშუალო აზი-
იდგან კიდევ მონგოლების შემოსევა დაერთო. იმათს უკანით მიქცე-
ვის შემდეგ, მთელი საქართველოს მხარე ცეცხლით გადაფუტებულს-
ველს ემსგავსებოდა. მე ვარ ის მათუსალა, ამერის და იმერის გაცალ-
კევებას რომ მოვსწრებივარ, მოვსწრებივარ იმ დროს, როდესაც
სპარსეთში და ოსმალეთში ათასობით გაჰყავდათ საქართველოს ახალ-
გაზდობა, ზოგი ტყვეთ და ზოგი ძევლათ, ვყოფილვარ იმ დროე-
ბის მოწამე, როდესაც უპირულობის გამო ისე მოეუძღურდით, რომ
ჩვენი მეზობელი ლეკები დაღისტნიდგან იმერეთში გადადიოდნენ,
დაბასა და ქალაქს ცეცხლით აოხრებდნენ, ტყვეებს და საქონელს იტა-
ცებდნენ. ამდენს ცეცხლში და კუპრში გამოვლილს, მე ცოდვა გა-

დიდებულს მათუსალას განა გული კიდეც უნდა შემოჩენოდა, რომ თავს ზარის დაცემით ენის საბრუნავი არ ჩამკეტოდა?—უეჭველია. მე რომ ხანგრძლივ დაედუმდი, აპისი მიზეზი იყო ის განუქარვებელი სევდა, რომელიც მომდიოდა გულზე წამისწამს, როდესაც მოვიგონებდი ყოვლად უნაყოფოდ ჩავლილ ჩვენს ისტორიულს ცხოვრებას. ერთს მშვენიერს საღამოს, იმისთანა საღამო, რომლის ნაირიც დიდი ხანი იყო ჩემს თვალებს არ ენახა, დამაშვრალი განვისვენებდი მწვანე მდელოზედ. ძველი ჩვენი ფუჭი ცხოვრება მუდამ ცხოველის წარმოდგინებით გულის კრილობას მიახლებდა. ამ დროს უეცრათ, ალბათ სისხლის აგორვებით მომიხდა თავს, რომ ზარმა დამკრა, კოქებადის ჩაიბრინა. როცა ცნობაში მოვედი, ამგვარის ზარის დაკვრის შემდეგ, ენის საბრუნავი სრულიად ჩამკეტოდა. მას აქეთ არის რაც დადუმებული დავტანტალებდი ამ წუთის სოფელში ყოვლად უსაქმით, უფრო მისთვის რომ სადმე სამს მტაველზედ ცივი საზარის მიწა გამხსნოდა და მას საუკუნოდ მივებარებინე; მაგრამ მე, ცოდვა გადიდებულს სიკვდილიც მეღტვოდა. თითქო თვით ბუნებას მათუხალასათვის ადანის წლობა მიუნიჭებიაო. როგორც იქნა მკვდარ-ცოცხალი მოვცოდვილდი ამ დროებადმის და აქ კი სულის სიკრულე შემისაღავათდა. ციაგის შუქმა უეცრად შემოანათა იმ ბედ კრულს ღამეში, რომელშიაც უგზო-უკვლოთ დავეხეტებოდი. სიხარულისათვის კარდახშული გული გამინედლდა. ამ დროშიაც მომესმა ქეშმარიტების ხმა: „ესხურე, მათუსალავ, ახალის ცხოვრების წყაროთი; შეიხსენ შემოკირებული ბორკილი და ისევ ღრმა მოხუცებისაგან გამშვენიერდი კაბუკად“. იცით, მკითხველნო, რაში მოვიპოვე მე ჩემი სიკაბუკე?—გლეხების განთავისუფლებაში. დიახ, იმ დროიდგან, როდესაც ჩვენს დაჩაგრულს ძმებს მიეცათ დიდის ხნიდგან დაკარგული სიმართლე, იმ დლიდგანაც წარმოდინდა ჩემი ახალი წყარო კაბუკობისა და შენიც უფრო ნათელგ, ღონიერი და უფრო სამართლიანი წყარო ცხოვრებისა. ამ გვარის ცვლილების მომსწრე ასეთ რიგად ავლორძინდი, რომ დადუმებული ენაც ისევ ამედგა ახლა მხოლოდ ამას ვევედრები უზენაესს, რომ ნორჩის ენით ტიკტ-კი მდიდარს და მოსწრებულ ქართულს სიტყვიერებად შემიცვალოს. ახალის ადგმულის ენითაც ახლა ვისურვებ შენთან ჟღურტულს სხვა და სხვა ამბის შესახებ... მაგრამ რა ვთქვი? სულ ყველა ყველა და ტკბილის საუბრის კი რა მოგახსენო? მაღამის N ეთეროვანს გაზრდილებთან ნურას უკაცრავად, თუ მათი ყურთა სმენა სირინოზის ხმით ვერ დავატკებ ხოლმე. ექვი არ აჩის იმათი ფაფუკი ღაღაბი, ნაზი წელ-გაწრეტილება და გულმკერდის უხვად-გადმოშლილება კორხლიანს სიტ-

ყვებს ვერ აიტანს და ხშირადაც შეიძლება წამოიძახონ ხოლმე ამ გვარად: „ფუი გაუზრდელი!.. ეს ვის გაუგონია ამ გვარი უზრდელი სიტყვები! ტპუ! ტპუ! ცადა დაიქარგე, თვალით არ დაგვენახო უზრდელო მათუსალავ!“—უნდა მოგახსენოთ მადამის N და ნატუსიანთ არე მარეში ერთს რალაც ნაირს იხტიბალურს მანქანასა ხმარობენ და მითი ასეთ რიგად უვიწროებენ ყანყრატოს ჩვენ ახალ-გაზდა სიტურფესა, რომ იმახ ყელს არც ასოსი შ, არც ძ და არც წ გამოთქმა არ შეუძლიანთ. შ მაგივრად იტყვიან ჯ, ძ მაგივრად გამოთქმენ ბზბაანს და წ მაგივრადაც ც! მაგალითად, თუ სურთ გამოთქვან— „ჩვენ ვყაყანებთ“, ამის მაგივრად იტყვიან „ჩვენ ვკაკანებთ!“... იკაკანე რამდენიც გერჩიოს ჩვენო წყალწაღებულ სიტურფევე; მაგრამ მე კი არ შემძლიან ამ ქვემო ხსენებულის წინასიტყვაობის ძალით ყოველთვის ასე არ მოვიქცე ხოლმე:

აწ აღვიძვრი შენ საქებად
 ეთეროვანო არსება!
 ასკილს მოვიხმარ სიტყვებად,
 თუმც ვიცი არ გაემება.

მაგრამ სჯობს ასე, მუობადში რომ არ გავხდეთ საგონებლად. ამ უამად მხოლოდ ამ წინასიტყვაობით გავათავებ ჩვენს ახალ-გაზდა სიტურფესთან ლაპარაკს, რადგანაც სხვა მკითხველებთანაც ბევრს რასმე საგნებზედა მჭკს სალაპარაკო, მაგრამ ეს შემდგომისათვის გადავდეთ.

II.

ცხოვრების წყაროთი განახლებული თქვენი ბერი მათუსალა ვისწრაფი ხელმეორეთ მოგცე სალამი, მკითხველო! „კარგი გამარჯვება!“—ღმერთმან გადღეგრძელოს—შემომავებებ, განა არ ვიცი შენის გულკეთილობისაგან! მაგრამ მე კი, სწორე მოგახსენო, არაფრათ მეჭაშნიკა შენი მაგისტანა მოლოცვა. ნოედგან აქამომდე სულ ვდღეგრძელობ, მაგრამ მეტი შენს მტერს ნურა კეთილი დაყრია, რაც ტანჯვის მეტი ჯერ არა გამოიმეცადნოს რა... მჰ, დღეგრძელი!.. რა დღეგრძელია ქვა რომ იცოდე, მკითხველო!... ბუნების მეძიებლები ამტკიცებენ, ვითომც ოდესმე ჩვენი დედა-მიწა სიციხისაგამო ტყვიასავით გალხვალი ყოფილიყოს და რაკი იმდენათ გაციებულა, რომ სიპი ქვის აბკი გარს შემოუკრავს, მას უკან ქვა სულ დღეგრძელებს, მაგრამ ამითი ნამცეცი შინაგანი კეთილ-მდგომარეობა იმას არ შემატებიო. ბრალიანს და უბრალოს სულ ქვა დაუბრიყვებია. მიარახუნებს თუ არა დროშკა, იმისმა ბორბლებმა მაინც ქვას ნაპერწყლები უნდა გააყრევიონ. მიაჭენებს თუ არა ცხენი,

უქვევლია ქვაზედ იმისმა ტორებმა ბრავა-ბრუგი უნდა აუყენოს. ვისაც კედელში ლურსმის შერქობა უნდა მიუცილებლათ, თუ ჩაქუჩი არ აქვს, ქვას გვერდები უნდა შეაღწეოს. ვისაც უნდა ციხე ააშენოს, იმან პირველათ კლდე ნაღმით უნდა დაარღვიოს და მერმე საცოდავი ქვის ლოდები გავარვალეზულს საკირეში უნდა კირათ დაანაცროს. მეტი სიუბედურე რაღა იქნება, რომ ყმაწვილის საბურთალოთაც ქვას ქვისთვის თავი უნდა ასკმევინონ, ამისთანა დღეგრძელობას, კარაპეტასი არ იყოს, მეტი ბედოვლათი დღეგრძელობა მიქვია. ამისთანა დღეგრძელობა, მკითხველო, ნურც შენ მოგცეს ღმერთმან, მაგრამ ეს ჩემი მოძმე მათუსალები ამ უკანასკნელს დროში დღეგრძელობისაგან ისე მოიკრუნჩხნენ, რომ კაკლის ხეჭუჭში ჩასატყვი გამხდარან; მერე თუ მართლა, ერთის ზღაპრისა არ იყოს, კაკლის ხეჭუჭშიაც ჩასხდნენ! თქვენი მტერი, ბევრი აღარა ეკლებათ რა გაქვავენას! ნამეტნავათ მე რომ ამერიკანული კაკლის ხეჭუჭი ვიცი, მგონია სიმაგრით ქვას აჯობოს! ამ გვარის ხეჭუჭით გზების მოკირწყვლაც ძალიან შნოიანი და სუფთა იქნება; ამ გვარის კენკებით მოკირწყლულს ქუჩებზედ ძალიან რბილათ უნდა ირჩინოს რესორიანმა კარეტებმა. რასაკვირველია, ამისთანა რახარუხის ხმა მაშინ აღარ იქნება, როგორც ახლა რიყის ქვებზედ არის. ერთს ახლანდელ მეცნიერთაგანს კიდევ უქადაგნია, ვითომც ის ჟამიც შორს აღარ არისო, როდესაც ზემოხსენებული ქვა შენობებისათვის მოიხმარებო!... მართლა, მეცნიერებზედ მომაგონდა... ახლანდელს დროში ჩვენს საქართველოში და ნამეტნავათ ტფილისში მეცნიერები ისე გამრავლდნენ, როგორც მტკვრის ქვიშა. მხოლოთ ერთი რამ წვლილი ნაკლულევანებისა სჭირთ ამ მეცნიერებს, თორემ სხვებრ ყოვლათ შემკობილნი არიან, ვითარცა ხუცესი უხუცესთსა ქვეყანასა შინა. ეს წვლილი იმათი ნაკლულევანება არის ხშირათ სიცრუვის ლაპარაკი. თუ რომ დღეში ერთხელ მაინც არ იცრუეს, იტყვიან: „ის დღე უქმათ ჩავლილია განათლებისათვისო“. ამგვარი იმათი წვლილი ნაკლულევანება წარმოდგარა ერთის კიდევ უწვლილესის იმათის ნაკლულევანებისაგან: ისინი არიან საკვირველი თაფლის მოყვარული ფუტკრები, ესე რომ თუ თაფლს დაპირდი, შრომასაც გადაიხდიან ხოლმე და თუ კი შენთვის საამურად დარჩება, დღეს ღამეთ მოგაჩვენებენ; თუ რომ თაფლს არ დაპირდი, ტყუილათ ნუ იფიქრებ, რომ ხელი უბრალოთაც გაანძრიონ; თითქმის ტყუილისთვისაც ენას არ მოაბრუნებენ. ახლანდელს დროში თაფლი მეტი რამ საუნჯე შეიქნა. ამბობენ, თაფლით შეიძლებაო სამართლის მოპოება. თაფლით შეიძლებაო რისხვის თავიდან მოშორება, თაფლით შეიძლებაო ჯოჯო-

ხეთოდგან სამოთხეშიაც შესვლა, თაფლით ვინ იცის კაცი რას არ იზავსო. თუ კი პირზედ მოსაცხებელი თაფლი მაქვს ბლომათ, რომელი ქართველიც არ უნდა დამისახელო, იმ ქართველს ჩავაცმევ ყორნის ტანთ-საცმელს და ყორანსავითაც ვაყივლებ. ამ ცოტას ხანში ერთი იმ მეცნიერთაგანი, რომელთაც თაფლზედ ფუტკარსავით მუსუსი მოსდით, ყოფილა ერთს მშვენიერს და მდიდარს ქალაში მდებარეს ქალაქში. მიუხედ-მოუხედავს და ჭერზედ ციხის ნანგრევი დაუნახავს. ამ ციხის კედელი ღორის ზურგისთვის შეუდარებია. მერმე გამოუკითხავს ქალაქის სახელი და შეუტყვია, რომ ქალაქს სახელათ გორი რქმევია. აქედგან იმ წამსვე გამოუყვანია: „უთუოდ ქალაქს ღორი უნდა რქმეოდაო, მაგრამ რადგანაც ფილოლოგიური წესით ასო ლ ხშირათ შეიცვლებაო, ამისთვის თვით მცხოვრებლებსაც ღორის მაგიერათ ქალაქისთვის გორი დაურქმევიათო“, ამაზედ არის ერთი ლათინური ანდაზა*)

ამისთანა ამბების გამორკვევაც შემდეგაც ბევრჯერ მოგვიხდება ხოლმე, თუ ვიცოცხლეთ და სიზარმაცის დირე თავს კიდევ უწინდულათ არ წამოგვაწვა, მკითხველო. მაგრამ მე და შენ ამ პირველშივე უნდა დავედვათ ზოგი იმისთანა პირობაები, რომელსაც ერთი ერთმანეთთან შეეძლოს კავშირის გასკვნა, თორემ უამისოთ მე და შენს მეგობრობას დიდი ხანი არ ექნება. ყოველი შენი და ჩემი ნაკლულევანება სულ ერთის წყაროსაგან წარმოდინდება ხოლმე, რადგანაც ორავე მეც და შენც ერთს არეზედ ვართ აღმორკვენებული, ერთი წყალი გვისვავს ორივეს და ერთი ჰაერი გვისუნთქვავს. ამისთვის ყოველგვარი ჩემი მწუხარება, მოუსვენებლობა და ბევრი რამ სხვა ცუდი მიზეზი უსათუოთ შენც არ უნდა მოგასვენებდეს. ორთავეს უნდა გვექონდეს ერთი გულის წუხილი და ვიყვნეთ თანამოხიარე ერთმანეთის ქირისა: საკუთარს ნაკლულევანებას უნდა ვსდევნიდეთ ერთის ძალით, რადგანაც ის არის ორივეს სიცოცხლის გამბოროტებელი. საერთო მანენ ყოველთვის ერთის ძალით უნდა მოვიცილოთ ხოლმე. მოხდება, როდესაც კაცი თავის ნაკლულევანებას ისე შეეთვისება, რომ თითქმის ნაკლულევანებათაც აღარ მიაჩნია, მაგრამ ჩვენი მეცადინეობა იმაში უნდა მდგომარეობდეს, რომ ამ გვარს ტანში გამჯთარს სენს დაუგდოთ ბარი და ამოვსთხაროთ ცხოვრების ჯურღმულითგან, როგორც უკეთური ღვარძლი. აი ცოტათი მე რისა მეშინიან ვაი თუ, ამგვარს ნაკლულევანებაზედ სჯა შენ ძლიერ მკვახე

*) ცენზორის მიერ არის ამოღებული.

გეჩვენოს, მაგრამ რაც რომ მე არ დამიჯერო, ის ჩემს წვა-და-დაგვა-ში გათვთრებულს თმას დაუჯერე. ჩემმა ხნიერებამ იმდენი გულ-სა-წვაივი მაგალითი მიჩვენა, რომ ყველაზე უკეთ შემოძლიან დავაფასო, თუ რა არის კარგი და რა არის ცუდი ჩვენს მდგომარეობაში. ამისთვის გევედრები, მკითხველო, თუ რომ მკვახეთაც მოგეჩვენოს ჩემი აზრი პირველათ, ჯერ მაინც ჩაფიქრდი და ამ რიჯათ განსაჯე ხოლმე: „ჩვენი ცხოვრებისგან ტანჯული მათუსალა ჩვენს სასარგებლოს საქმეს რისთვის გააკიცხავდა?“ თუ თვალი არ გადაგიცდენია, მე ზევითაც გაცნობე, რომ ჩემი გულის გამწვანებელი და დადუმებულის ენის ამდგმელი გლუხების პირადათ განთავისუფლება იყო.

მას აქეთ არის, რაც ჩემი სიკაბუჯის წყარო ხელახლა წარმოდინდა. ვგრძნობ, ვგრძნობ, მკითხველო, რომ ეს სიტყვები ეკალსავით გულზე გეჩხვლიტება და იქნება ორიოდეს ქართულს ლოცვასაც მიგზავნი; მაგრამ წლოვანება ნებას არ მძლევს რომ შენმა დაღრეჯილებამ ჩემი გული ცოტათი მაინც ააციმციმოს. ამის მაგივრათ უფრო საჭიროთ ვრაცხ ამ აზრზედ შენთან დაწვლილებით მოვილაპარაკო. ჯერ შენ ეს მითხარი, გყოლია თუ არა მეგობარი?—ღიახ, ერთის მაგივრათ ათიც გყოლია და მათ შორის ერთი მაინც განსაკუთრებით უგულითადესი შენი მეგობარი ყოფილა. წარმოვიდგინოთ რომ ამ შენმა უგულითადესმა მეგობარმა ცოტა სიამაყე დაიწყო. იმედი მაქვს ამ სიამაყისათვის იმას მკაცრის სიტყვებით დასჯი და თუ თავის სიამაყესაც არ მოუკლო, გულსაც იმაზე მალე აიყრი. ეტყვი: „შენც შეგარკხვინოს ღმერთმან და შენი მეგობრობაც მაგისთანა ცხვირის აბზეკისათვის“. სწორეთ ამისთანა სიტყვებია გაამპარტავნებულის მეგობრის საკადრისი. მაგრამ ახლა ეს განვსაჯოთ: თუ რომ შენს გულითადს მეგობარს უბრალო სიამაყესაც ვერ შეაწევ და ცუდის მეზობლობისათვის საუკუნოთ აეშლები, მაშ იმ კაცმა შენზედ რაღა უნდა იფიქროს, ვინც ჩვენგანით დაჩაგრულია... სიძულილი ერთის მეორისა ყოფილა მიზეზი, რომ ჩვენს ძველს ცხოვრებას ასე უნაყოფოთ ჩვენთვის ჩაუვლია. სიძულილი, ჯოჯოხეთის ნაირი სიძულილი და მგლური თვისება ყოფილა ჩვენის ძველათვე უბედურების მიზეზი. მგლურს კბილებს გაუცალკევებივართ და ამისგამო არა რაიმე კავშირი არა თუ ერთმანეთში, არც მრთელს მხარეებს შუა არა ყოფილა. აღრიდგან მისგან წარმოდგენილმა უბედურებამ გამომადებნინა ზემოხსენებული მიზეზი. ყოველს მწუხარების დროს ეს ნალვლიანი სიტყვები მომვარდებოდა ხოლმე ენის წვერზედ: „რომ ჩვენში ერთს კაცს მეორის დაჩაგვრა არ შესძლებოდა. ოჰ, რა ბედნიერი და ძლიერი ვიქნებოდით! ოჰ, რა ერთსულობა გვექნებოდა!...“ ამას

იქით თვით შენ იფიქრე, მკითხველო, რა რიგათ უნდა გავხარებულ-
ვიყავ, როდესაც მომესმებოდა, რომ ჩვენის წარსულის გამყალბებელი
მიზეზი მოიკვეთება. მას შემდეგ ჩვენი სურვილიც მხოლოდ ამას უნ-
და შეიცავდეს, დაჩაგრულს მძას ძველი ნაუსამართლევი გულში არ
ჩავარჩინოთ და რომლის ხელითაც დაგვიჩაგრავს, იმავე ხელით ახ-
ლა იმას თვალზედ ძველი ცრემლი მოვსწმინდოთ. მკითხველსა
ვსთხოვ ამგვარის წრფელგულიანობისათვის ჩემზე გული არ აიყაროს
და, თუ ვინცობაა ამ ჟამათ ეს სიმართლე არ ექაშნიკოს, ათს წელს
შემდეგ, როდესაც ამაზედ თავის გონებით დარწმუნდება, მაშინ მაინც
ვსთხოვ, შენდობით მოიხსენებდეს ჩემს სულს საუკუნეში.

დედა-კაცის აზრი დედა-კაცზედ

ახლანდელს დროში დაწინავებულნი პირნი განათლებულს ქვეყნებში ნამდვილათ გრძნობენ, რომ ქალს საზოგადოებაში არა აქვს მინიჭებული თავისი შესაფერი მდგომარეობა. ყოველ სახელმწიფოს სჯულში არის ზოგი იმისთანა კანონები, რომლის გამოთაც დედა-კაცი იჩაგრება და იმდენი თავისუფლება არ მიეცემა, რამდენიც საჭიროა სახელმწიფოს კელილ მდგომარეობისთვის და შთამომავლობის სასარგებლოთ. ეჭვი არ არის, ამ სიტყვებზედ ჩვენი ქალები წყრომას დაგვიწყებენ.—როგორ თუ შესაფერი მდგომარეობა არა გვაქვსო? დაჩაგვრა კი არა, ჩვენოდენი უფლება და ღირსება არავის არა აქვს. აი წარმოვიდგინოთ, როდესაც ქალი და კაცი ქუჩაში ერთათ დასეირნობენ; დედა-კაცი წინ მიდის და მამა-კაცი კი ბიჭსავით უკან აედევნებაო. ქალები არა ვართ, რომ კაცები, როგორც მეფეს მოწიწებით ხელზედ გვკოცნიან და ზოგჯერ ჩვენს წინ მუხლსაც მოიყრიან? აბა ერთი მიჩვენე საზოგადოების ყრილობაში, თუ ქალს ყოველთვის კაცზედ უპირველესი ადგილი არ უჭირავს! ვის გაუგონია ამ გვარი ცილის წამებაო! არა, ეგ ტყუილი შოგიგონია, ვილაც გამოსულხარ და სწერ; მაგ სიტყვებს არასოდეს ჩვენ თავზედ არ მივიღებთ. ჩვენისთანა ბატონები მამა-კაცები არ არიანო, ჩვენ ოჯახებში ბატონებათ ვზივართ და ისინი კი ოფლის წურწურით შრომობენ და ხარჯს გვაძლევენო.

პატივცემულნო მანდილოსანნო, ძლიერ ნუ გაცხარდებით; გული დაიმშვიდეთ და ისე მოისმინეთ ჩემი საუბარი. მე აქ უფრო ერთის გამოჩენილის დედა-კაცის პირით ვლაპარაკობ, რომელსაც არ მოსწონს ქალის ბატონობა ახლანდელს დროში და ამბობს, რომ ამ გვარი ბატონობა დედა-კაცის დამამცირებელი და შეუფერებელი არისო. მაშ ახლა განვაგრძობ ლაპარაკს. დედა-კაცს კანონით აკრძალული აქვს, რომ თავისი ნიჭი და გონიერება საზოგადოების წარსამატებლათ მოიხმაროს. დედა-კაცს არ შეუძლიან საზოგადო საქმისთვის იშრომოს, ისე როგორც მამა-კაცსა; იმას არ შეუძლიან ცხოვრების

საშუალობა პატიოსანის გარჯით მოიპოვოს. საზოგადოების ჩვეულება დედა-კაცს ნებას არ აძლევს, რომ თავისი გონება გაანათლოს იმდენათ, რამდენათაც მამა-კაცს შეუძლიან თავისის გონების გახსნა. საზოგადოების წესდებულება უშლის დედა-კაცს, რომ ის სახელმწიფო გამგეობის წევრათ გახდეს; იმას არ შეუძლიან შეიქნეს მასწავლებელი, ექიმი, სამოქალაქო თანამდებობის აღმასრულებელი და სხვა. რადგანაც დედა-კაცს არავითარი წყარო თავისუფლათ ცხოვრებისა არ ჰქონია, ამისთვისაც ის გამხდარა სრული მონა მამა-კაცისა. ის პირმოთნეობა, რომელიც ცოლ-ქმარობაში ხშირია—ოჯახის გამრყენელი და ზნეობის დამამცირებელია. ხასიათის შეუთვისებლობით რომ ცოლის გულში უკმაყოფილება აღიძრას, უეჭველათ ქალმა ეს უკმაყოფილება უნდა დაჰფაროს და მუდამ თავის გულს უნდა ასკდებოდეს; ამ ნაირის მდგომარეობისაგან დედა-კაცი ვერას ღონისძიებით თავს ვერ იხსნის. თუ ეს უკმაყოფილება იმან ცხადათ წარმოსთქვა; ვაი იმის მოსწრებას!.. მეტი გზა არ არის, ყოველს ამ ნაირს მდგომარეობაში დედა-კაცი პირმოთნეობით უნდა აღიჭურვოს. აი, ამ გვარმა საზოგადოების სასტიკმა ჩვეულებამ და სჯულმა აღძრა ქალების დრტვინვა და განათლებულის კაცების უკმაყოფილება.

ყოველი ქვიანი ქალი და კაცი ევროპისა და ამერიკისა, ებრძვის ასეთ საზოგადო წყობილებას და იმის ჩვეულებას დედა-კაცის მდგომარეობის გაუმჯობესებისათვის. სხვათა დედა-კაცებთა შორის ერთი ფრიად განათლებული ქალი, გრაფინა დორა დისტრია ძალიან უკმაყოფილოა ახლანდელს შეუფერებელს ქალის მდგომარეობაზედ. დორა დისტრია დედა-კაცის მდგომარეობას სხვადასხვა საზოგადოებაში ისტორიულათ განიხილავს და იმ აზრზედ დამყარდება, რომ უგუნურს კაცის სიმძლავრეს დედა-კაცი მამა-კაცის მონათ გაუხდიაო. აი რას იტყვის ისა: ველურს ხალხში დედა-კაცს პირუტყვისაგან ეპყრობიან და ზოჯერ იმის მდგომარეობაზედაც უფრო სამძიმოა. აქ დედა-კაცი ღმერთებისგან მოძულეებულათ მიაჩნიათ. დედა-კაცს მამა-კაცთან პურის ჭამა არ შეუძლიან; რაც მამა-კაცის საჭმელია, იმას დედა-კაცი ვერ შეეხება. მამა-კაცთან ვერ დაჯდება. რომელს ჭურჭელსაც მამა-კაცი ხმარობს, დედა-კაცი იმ ჭურჭელს ვერ იხმარებს. ის იქ მამა-კაცს ვერას დაამადლებს და მამა-კაცი კი იმაზედ ხშირათ მოიხმარს ხოლმე თავისს ძალას. ამ დედა-კაცის დამოკიდებულება ძველიდან აქამომდე მომდინარეობს, ზხოლოთ ეს კი არის, რომ ეს დამონავება თანდათან სუსტდება. აღმოსავლეთის ქვეყნებში ქალის მდგომარეობა არ არის ისე სასტიკი. დედა-კაცი რომ ველურს ხალხს პირუტყვად მიაჩნია, აღმოსავლეთის ხალხი იმას ისე უყურებს, რო-

გორც თავისს მონას. თუმცა ქალი იქაც ნივთსავით საკუთრებათ მი-
აჩნიათ, მაგრამ ეს საკუთრება ოჯახის მმართველია და იმის ფასიც
აძევს: დედა-კაცს აქ ყიდულობენ. რადგანაც აღმოსავლეთში დედა-
კაცი სავაჭრო საქონელია, რომელიც უნდა გაისყიდოს, ამისთვის უეჭ-
ველია, ვისაც მომეტებული შეძლება აქვს ის ამ ნაღრს ნივთს ჟფრო
ბევრს მოიპოვებს და აი აქედანაც უნდა წარმომდგარ იყო მრავალ-
ცოლიანობა. განათლებულს საბერძნეთში და რომში ქალი უფრო
პატივცემული იყო. აღმოსავლეთსავით იქ დედა-კაცს არა ყიდდენ,
და არც ითვლებოდა ისა მამა-კაცის მონათ, თუმცა იმავე მამა-კაცის
ხელში იყო სრულებით.

ქრისტიანობამ თავისი ღვთიურის აზრებით იმ დროში ძირითადი
ცვლილება ვერ მოახდინა დედა-კაცის შესახებ. რომის განათლებას არ
შეეძლო, რომ საქრისტიანო აზრებზედ გავლენა არ ჰქონოდა, როდეს-
საც ეს აზრები ხალხში ვრცელდებოდნენ. ამ მიზეზებისა გამო ქრის-
ტიანობამ ვერ შესძლო დედა-კაცის მდგომარეობის გაუმჯობესება.
ამას ჩვენ ახლანდელს დროშიც ნათლათ ვხედავთ. ჩვენში დედა-კაცი
უწინდელათ არის მამა-კაცის დამოკიდებულების ქვეშ, მაშინ როდეს-
საც ეს დამოკიდებულება იმისთვის სრულიად საჭირო არ არის.

მწერლები, რომელნიც საზოგადო მონებისგან დედა-კაცის გან-
თავისუფლებას ეწინააღმდეგებიან, ორ გვარს საბუთებს წარმოადგე-
ნენ. ერთი საბუთი იმას შეიცავს, ვითომც დედა-კაცს თავისი შესა-
ფერი თავისუფლება ქონდეთ მინიჭებული; დედა-კაცის დანიშნულე-
ბა, იმათის აზრით, ოჯახობა არის და იქ ის სრული თავისუფალიაო.
მაგრამ დორას აზრით ოჯახის მოვლის გარდა ქალს კიდევ ბევრი
თავისუფალი დრო დარჩება. იმას უნდა ნება მიეცეს, რომ დანარჩენი
თავისუფალი დრო საზოგადოების სასარგებლოთ მოიხმაროს, რო-
გორათაც საზოგადოების წევრმა. ერთის სიტყვით, ვისაც ჰგონია,
რომ დედა-კაცი მარტო კარგი მეოჯახე უნდა იყოსო, ისინი ძალიან
სტყუიან, ამისთვის რომ შეიძლება კაცი კარგი ოჯახის მომვლელი
იყოს და ამასთან კარგი ექიმიც, კარგი ვაჭარიც, კარგი ვეჟილიც,
კარგი ისტორიკოსიც, კარგი სახელმწიფო მოხელეც და სხვ. ოჯახო-
ბა, როგორც მამა-კაცს, აგრეთვე დედა-კაცს ვერ დაუშლის ისტო-
რიკოსობას და მრავალს სხვა რიგს სამოქალაქო სამსახურსა.

მეორე საბუთი დედა-კაცის წინააღმდეგ ამ აზრს წარმოადგენს:
ვითომც იმისი ნიჭიერება და მამა-კაცისა შორის შორს იყოს; მაგრამ ამ
გვარი აზრიც დორას ფიქრით სრულიათ უსაფუძვლოა. დორა დის-
ტრია აიღებს ისტორიას და იქ ცხადათ გვიჩვენებს, რომ სწავლაში,
პოლიტიკაში და სარწმუნოების სფეროში გამოჩენილნი დედა-კაცები

ყოფილან. შესანიშნავია ერთი იტალიელი ქალი, რომელიც სხვათა შორის დედა-კაცის ნიჭიერების დასამტკიცებლათ მოჰყავს დორას. ამ დედა-კაცს რქმევია მარიამ გაეტანა აგნეზი. ცხრა წლისა რომ შექმნილა იმას დაუწერია ლათინური თხზულება, რომელიც ნათლათ ამტკიცებს, რომ დედა-კაცსაც შეუძლიან ამგვარი შრომა, თერთმეტის წლისას ამ ქალს ბერძნული ესმოდა და ოცდა ათის წლისა ლათინურიდამ თარგმნიდა ბერძნულათ, იტალიურათ, ფრანგულათ და ნემეცურათ. შემდეგ იმან კიდევ ისპანიური და ებრაული ენა ისწავლა-ოცის წლისა იყო მხოლოთ, როდესაც პაპამ ბენედიქტმა XIV ის მიიწვია პროფესორათ მათემატიკის კათედრაზედ ბოლონის უნივერსიტეტში. ეს პატივცემული ადგილი ამ დედა-კაცმა დაიმსახურა თავისის შესანიშნავის მათემატიკურის თხზულებით, რომელიც იმ დროს სწავლულებში ძალიან ხმა გავარდნილი იყო. ლაურა ბასსიც თითქმის ისე შესანიშნავია ფილოსოფიაში და ფიზიკაში, როგორც აგნეზი. როდესაც პრუსიაში თავისუფლებისთვის ომიანობა მოხდა, მამინ მრავალმა დედა-კაცმა თავი გამოიჩინა მამულის სიყვარულით და სხვა მოღვაწეობითა. სხვადასხვა სწავლის ნაწილშიაც ბევრი სახელგანთქმული დედა-კაცები არიან, მაგალ. ფილოსოფიაში მარკაზ-დემეტლე, ვოლტერის მეგობარი, ეთნოგრაფიაში ანუ ხალხის აღწერაში, გეოგრაფიაში, ფიზიკაში—სოფიო ჟერმენი, ილა ფეიფერი და მისი შტრიკლანდი, ასტრონომიაში—ზომერვილი და მრავალი სხვა.

ეს დედა-კაცები ყოველს საბუთზედ უფრო ნამდვილათ გვიჩვენებენ, თუ რამდენათ უსაფუძვლოა იმ კაცების აზრები, რომელნიც ეწინააღმდეგებიან დედა-კაცის მამა-კაცთან გათანასწოებასა და ამბობენ, ვითომც მამა-კაცის ნიჭიერება ბევრათ მაღლა იდგეს დედა-კაცის ნიჭიერებაზედ. ახლა ევროპის საზოგადოებაში დაწინავეებული პირები უფრო იმ აზრზედ არიან დამყარებულნი, რომ დედა-კაცი განთავისუფლდეს მამა-კაცის ნივთიერებითის დამოკიდებულებისაგან და ის უფლება მიენიჭოს იმათ, რომელიც მამა-კაცს აქვს. რა საკვირველია, ამ გვარი თავისუფლება დედა-კაცს მიანიჭებს ნამდვილს კაცურს ღირსებას და ამასთან იმის დაჩაგრულს მდგომარეობასაც აღადგენს.

საკვირველი მოვლენა

სანტორინის კუნძულიდამ (საბერძნეთში) მოწერილი წიგნი გვაცნობებს, 160 წლის წინათ რომ ზღვაში პატარა კუნძული ნეაკამენი გამოჩნდა, დიდის მიწის ძვრის შემდეგ, ისევ ჩამალვას აპირებსო. 30 იანვარს ამ კუნძულზედ, რომელიც სანტორინიდამ შეიღს მიღზე (49 ვერსი) არის, მიწის ყრუ გრგვინვა ისმოდა და მეორეს დღეს ამ ხმამ ისე მოიმატა, რომ ზარბაზნის სროლას მიემზგავსა. კუნძულს გარემო ზღვა საშინლათ ლელავდა, დუღდა და ზედ ადიოდა თეთრი ბოლი, რომელსაც გოგირდის სუნი ჰქონდა. სადამოს თვალითაც შენიშნეს რომ მიწა ძირს იწედა. პირველს თებერვალს მიწილამ ალმა ამოხეთქა და ორ საჟენს სიმაღლეზედ სცემდა. ეს შესანიშნავი მოვლენა ერთი საათი მეტი გაგრძელდა.

საბერძნეთის მთავრობის კაცები განემგზავრენ იმ კუნძულზე და ნახეს, რომ ერთს გვერდზედ ეს კუნძული ღრმად გამსქდარიყო. უწინ ეს კერძო უნაყოფო იყო და ახლა კი ამ ადგილს ორი ტბა გამოჩნდა. ტბები თან-და-თან განიერდებიან. დაკვირვებით შეიტყეს, რომ ტბებში წყალი ოთხის საათის განმავლობაში ორ გოჯს სიმაღლეს მატულობს; ორის საათის განმავლობაში კი მიწა ნახევარს არშინზედ ძირს ჩავიდა.

ამ კუნძულის მახლობლივ რომ ხომალდები იყვნენ ყველანი სადგურიდან აეხსნენ და განშორდნენ. იქ რომ სააბანავო სახლები იყვნენ აგებულნი, ძალიან წახდნენ და საცა არის კიდევ დაინგრევიან. რადგანაც კუნძულის უეცრათ ზღვაში ჩანთქმისა ეშინიანთ, ამისათვის მცხოვრებლების გამოსაყვანათ იქ ცეცხლის გემი არის გაგზავნილი.

დედა-მიწის ზურგზედ ამ გვარი შემთხვევა არ არის იშვიათი, რაკი ევროპელებმა იმისთანა ავეჯი მოიგონეს რომ ოკეანეში გზა აღარ ებნევათ, იმას შემდეგ მრავალნი სწავლულნი განემგზავრებოდნენ ხომალდებით უცხო ქვეყანაში მეცნიერების შესაძენათ. იმას შემდეგ არც იმისთანა სწავლული კაცები არიან ძვირნი, რომლებსაც

არათუ განკერძობულის კუნძულის ზღვაში ამოსვლა და ჩანთქმა უნახავთ, არამედ თვით ვრცელის ქვეყნების ამოწვევისა და ჩაწვევის მოწამენიც ყოფილან. ამის საუკეთესო მაგალითს წარმოგვიდგენს ნეაპოლის მახლობლივ, იტალიაში, სერაპისის ტაძრის ნანგრევი. ტაძარში სამი სვეტი დგას. თვითო სვეტს თითქმის ექვს-ექვსი საყენი სიმაღლე აქვს; ეს სვეტები ზღვის პირიდან ორ საყენს სიმაღლეზედ დახვრეტილები არიან. თითქო ლოკოკინები მიკვროდეთ და იმათ დაეხვრიტოთ. ზღვაში კლდეები ხშირად არიან ლოკოკინებისაგან დახვრეტილნი. იმ სვეტების ნახვრეტები ძალიან ემზავსებიან ზღვაში კლდეების ნახვრეტებს. უეჭველია კაცმა უნდა იფიქროს, რომ უწინ ეს სვეტები ყოფილან ღრმად წყალში ჩასულნი და ლოკოკინებს დაუხვრეტია; აქედამ უნდა ვიფიქროთ, რომ უწინ ეს ადგილი ჯერ იმდენზედ დაწეულა, რომ სვეტები ორ საყენს მეტზედ ზღვაში ჩამალულან, შემდეგ მიწას ისევ ამოუწვეია. სვეტებზე ახლა მშრალს მიწაზედ დგანან.

ზღვას არ შეეძლო მომატება, ამისთვის რომ მაშინ ყოველ კიდეებზედ უნდა შემოხსენებული ნიშნები გამოჩენილიყო, მაგრამ ამ გვარი ნიშნები ამ ადგილის მეტად არსად არ იპოვება.

1822 წლიდამ 1823 წლამდე, ერთი ანგლიელი, ქალი მისტრის გრეგემ თვითონ ყოფილა მოწამე, თუ მიწის ძვრის გამო ერთს ალაგს მეტზედ როგორ ამაღლებულა თითქმის მთელის პერუს სახელმწიფოს დასავლეთის კერძო, ამერიკაში.

ბუნებაში კაცის გონებას ბევრი რამ მიიტაცებს და კაცს მხოლოდ კარგი დაკვირვება უნდა, თორემ იქედამ ბევრს რამეს საკვირველს ამბებს გამოიკვლევს. მაგალითად ბევრს სწავლულ კაცს სურდა შეეტყო, თუ როგორი სითბოა მიწის სიღრმეში. ამის შესატყობათ იმათ კარგი საშუალება მოუხმარნიათ და ბოლოს ეს შეუტყვიათ, რომ თერთმეტ საყენს სიღრმეზედ ზამთარ და ზაფხულ თითქმის ყოველგან ერთგვარი სითბო არის.

რაც უნდა ცივი ზამთარი იყოს და რაც უნდა ცხელი ზაფხული, მაინც ამ სითბოს არც მოაკლდება და არც მოემატება. ამის მაგალითს თვით ქის წყალიც ნათლათ გვიჩვენებს ხოლმე. თუ ქაღრმად არის ამოთხრილი. იმისი წყალი პაპანაქ სიცხეში ძალიან ცივი გვეჩვენება ხოლმე და ძალიან ცივ ზამთარში თბილი. ეს იმიტომ რომ ამ წყლის სითბოს არც ემატება და არც აკლდება.

ევროპის სახელმწიფოებში, სადაც მადნებსა სთხრიან ალაგ-ალაგ მიწაში დიდ სიღრმეზედ ჩასულან. ერთის კარგი იარაღით, რომელსაც თერმომეტრს ეძახიან, ამ ადგილებში შეიტყეს, რომ ყო-

ველს 18 საუენზედ იმას ქვევით, სადაც მარადის ერთი და იგივე სითბოა, თითო გრადუსი ანუ ზომა სითბო ემატება. ასე რომ ამ გვარის გამოანგარიშებით 74 ვერსტ მიწის სიღრმეში იმისთანა სიცხე უნდა იდგეს, რომ ყოველი ქვა და რკინეულობა გამდნარი უნდა იყვეს. ალაგ-ალაგ მიწაში თითქმის ამ გაღებულ გულამდის ჩასდგეს ნაპრალები, რომელშიაც ჩავა ხოლმე წყალი და ჩაატანს ამ გამდნარს გულამდის. აქ წყალი უფერად სიცხის გამო ორთქლად იქცევა და დაიქვრს დიდს ალაგს. როცა ეს ორთქლი ძალიან ბევრი შეგროვდება მიწის სიღრმეში, მაშინ ის იმ ვიწრო სივრცეში ვერ მოთავსდება. ხოლმე, ცდილობს საღმე ამოხეთქოს მიწა და თავისთან გამდნარი მიწის გულიც ამოაქციოს. ჯერ ამოხეთქამდის ორთქლი მიწის ქერქს შიგნიდამ მძლავრათ აწვება და ალაგ-ალაგ დედა-მიწის ზურგს შეანძრევს ხოლმე. აი ამ შემთხვევაში გრგვინავს მიწა და იტყვიან მიწა შეინძრავო. ზოგიერთი მთის წვერები არიან ჩალრმავებულები, საიდანაც დრო და დროს განმავლობაში ამოქუხს გამდნარი მიწის გული. ორი ამისთანა შესანიშნავი მთა არის ევროპაში: ერთსა ქვიან ვეზუვია, რომელმაც რომაელების დროს ასეთის ძალით ამოიდინა, რომ გამდნარმა მიწის ნაკადულმა ორი ქალაქი ღერკულანუმი და პომპეი, თავის მცხოვრებელთანათ მოსწვა-მოდავა. სხვათა შორის აქ ერთი ჩინებული რომაელი სწავლული კაცი დაიღუპა. იმას ერქვა ლინოს უფროსი. მეორე ამისთანა მთის წვერი არის სიცილიის კუნძულზედ და ეწოდება ეტნა.

შესანიშნავია, თუ ნადუღის ამოსროლასა და მიწის ნძრევას შუა რა კავშირი არის. ამისთვის მოკლეთ განვიხილავთ 10 წლის განმავლობაში, ისე იგი 1750 წლიდამ 1760 წლამდე. რა და რა ქვეყნებში მიწა ძვრულა და ან სად ამოხეთქილა ნადუღი. 1751 წელს გრძნობდნენ რომ მთელის წლის განმავლობაში სპარსეთიდან მოკიდებული ატლანტიკის ოკეანემდის, განსაკუთრებით საშუალ-ქვეყნის ზღვის პირები იძროდა და 1751 წელს ვეზუვიიდან ნადუღმა ამოიქუხა. მერმეთ მოხდა ისევ ძვრა ამ ადგილებისა 1754 წლიდამ. 1755 წლის იანვარში პორტუგალიის სატახტო ქალაქი ლისსაბონი დაიქცა. მრავალი ხალხი დაიღუპა. შემდეგ წლებში საბერძნეთის კუნძულებში საშინელი ძვრა იყო, მცირე აზიაში იმისგან დამასკი და სიდონი დაიქცა იქა და წამოყვა ძვრა, დასავლეთით გამოიარა ვეზუვია და ეტნა, ფრანციაში, გერმანიაში და ანგლიაშიაც კი იგრძნეს მიწის შენძრევა. ალბათ მძლავრი ორთქლი ანუ ოხშივარი დარბოდა მიწის ქერქში და ვერსად ვერ იპოვა ამოსასვლელი ალაგი. ამ წელიწადებში ეტნამ ამოხეთქა, მაგრამ ამონადენი ნადუღი და ოხში-

ვარი ძლიერ ნაკლები იყო, ბოლოს ამერიკაში, მექსიკის სახელმწიფოში, ტრიალს მინდორზე, სადაც უწინ მთა კაცს არ ენახა, უცბათ-ამოიბერა მიწა და გაკეთდა მთა, რომლის წვერიც ამოსკდა და გადმო-დინდა მიწის ნადული, ამ მთას ეწოდა იორულო. 1760 წ., დეკემბერში ვეზუვიამაც საშინლათ ამოიქუხა. რაკი მიწის სიღრმე განთაფი-სუფლდა მონაგროვს ოშხივარისაგან, რამდენსამე ხნის განმაგლო-ბაში მიწის ზურგიც ნძრევისაგან დამშვიდდა. ამის შემდეგ მკით-ხველიც დამეთანხმება, რომ უეჭველია ეს ჩვენი კავკასიის მთები და გორები იორულოს მთისაგით ამობერილან; არც ის გაუკვირდება, თუ კუნძული ნეაკამენი რათ იღუპება ზღვაში, ამიტომ რომ იმის მა-გიერ უეჭველად სადმე ან ზღვაში და ან ხმელეთად მიწა უნდა ამო-იბერებოდეს. არც ის გაუკვირდება თუ სერაპისის სვეტები პირვე-ლათ ზღვაში რათ ჩასულან ან მერმეთ ისევ რათ ამოსულან. ამ გვა-რი ცვლილებანი დედა-მიწის ზურგზედ სულ გალხვალის მიწის გუ-ლის ბრალია და იქ შენაგროვების ორთქლისა.

ბანკის დაარსებისა გამო ქუთაისში

ამ დღეებში ჩვენ მივიღეთ ქუთაისიდან ძალიან სასიამოვნო ამბავი. ოთხშაბათს, 6-ს ამ აპრილს, იმერეთის თავად-აზნაურობა შეყრილა ქუთაისში და გადაუწყვეტია ბანკის დაფუძნება; დაუდევიათ რომ ბანკის შესადგენად გადასდონ 10 პროცენტი ე. ი; მანეთზე ორი შაური იმ ფულიდამ, რომელიც ხელმწიფე იმპერატორს უწყალობებია იმერეთის მებატონეებისათვის გლეხების განთავისუფლების გამო. ამ ყრილობის გადაწყვეტილებაზედ თითქმის ყველა მებატონეებს მოუწერია ხელი. ზოგს იმათგან საქებარი თანაგრძნობა გამოუცხადებია ამ ქვეყნის სასარგებლო საქმისათვის და შეუწირავთ ბანკისთვის, როგორც იწერებიან, 10 პროცენტზედ ბევრად მეტი. თავად-აზნაურობას ამოუჩრჩევია კამმისისია, რომლისათვის მიუხდვია წესდების პროექტის შედგენა ბანკის თავობაზედ. კამმისისია კიდევ შესდგომია ამ მინდობილების ასრულებას: ვისწრაფით ჯერ ეს მოკლე ცნობა შევატყობინოთ ჩვენს მკითხველებს, რადგანაც მეტი ამ ჟამად არც ჩვენ ვიცით. მოუთმენლივ მოველით ქუთაისიდან დაწერილებითს ამბავს.

ყოველი კეთილ-გონიერი კაცი დაგვეთანხმება, რომ ზემოხსენებულის ფულის მოხმარება იმაზედ უკეთ არ შეიძლებოდა, როგორც იმერეთის თავად-აზნაურობა აპირებს. უეჭველია, თუ კარგათ წავიდა, ბანკი დიდს სარგებლობას აღმოუჩენს იქაურს მხარეს. იმერეთი რომ ბუნებით მდიდარია და ამასთანავე სასარგებლო მდებარეობა აქვს ევროპასთან საეაჭროდ, ეს ყველამ იცის; მაგრამ ამასთანავე ესეც კემმარტივია, რომ ის ღარიბი ქვეყანაა, რომ იქ არც ვაჭრობა არის გავრცელებული და არც ხელოსნობა. ამ მდგომარეობის ერთი უმთავრესს მიზეზთაგანი ის არის, რომ ამ მხარეს კაპიტალი (ფული) ძალიან აკლია. ძნელი წარმოსადგენია, თუ რა საშინელს სარგებელს იღებენ ფულში იმერეთში: 15 და 20 პროცენტი იქ ჩვეულებრივ სარგებლათ ითვლება და ხშირად ამ სარგებლითაც არ იშოვება ფული. ამ გვარს უფულო ქვეყანაში რა რიგი ვაჭრობა შეიძლება ან რანაი-

რათ უნდა შეამუშავოს კაცმა დიდი-ძალი მიწა, თუნდა კიდევ დიდის მემულის პატრონი იყოს? ამისათვის ბანკის დაფუძნება იწერეთისათვის დიდი ბედნიერებაა, იმას დიდის სარგებლობის მოტანა შეუძლიან ფულის სესხებით, მეორეს მხრით ბანკი ქვეყანას სარგებლობას მოუტანს ფულიდამ შემოსულის პროცენტით. ჩვენ ჯერ სწორეთ არ ვიცით, თუ როგორ უნდა იმერეთის თავად-ახნაურობას ბანკიდამ შემოსულის სარგებლის მოხმარება. მაგრამ სრული იმედი გვაქვს, რომ ამ სარგებელის მეტს ნაწილს ის მოახმარს იმ საქმეს, რომელიც უაღრესია ნივთიერებითის სიმდიდრეზე და რომელზედაც არის დამოკიდებული ჩვენის ქვეყნის მომავალი სვე. ჩვენ ვამბობთ ახალის თავობის განათლებაზედ. ჩვენ ამაში მით უფრო დარწმუნებულნი ვართ, რომ წინათ ბევრი იმერეთის მებატონეებისაგან გაგვიგონია: თუ ბანკი დაარსდაო, იმის სარგებლით ყნაწვილები უნდა გამოიზარდონო.

შესაძლებელია, ბევრი ეკვში შევიდნენ, რომ იმ ბანკმა, რომელსაც თავდაპირველად მხოლოდ რამდენიმე ათი ათასი თუმანი ექმნება, ქვეყანას იმდენი სარგებლობა შესძინოს. არც ჩვენ ვიტყვით, რომ იმას ახლავე შეეძლოს ქვეყნის გამდიდრება და განათლება; ჩვენ უფრო მომავლის დროისთვის ვამბობთ. ამ გვარი საქმე თითქმის ყოველთვის მცირე კაპიტალით იწყება, რომელიც შემდეგ თან-და-თან იზრდება ამ შემთხვევაში ცხადს მაგალითს გვიჩვენებენ ევროპის ბანკები, რომელნიც ახლა აუარებელს ფულს აბრუნებენ, პირველათ კი ბევრი იმათგანი მცირე კაპიტალით ყოფილან დაფუძნებულნი. ჩვენ მხოლოდ ამას ვამბობთ, რომ ბანკი ახლაც სასარგებლოა და მომავალში კიდევ უფრო მეტს სარგებლობას მოიტანს, თუ რიგიანად დააწესეს და კარგათ წაიყვანეს იმისი საქმე. უეჭველია, ყოველის საქმის წარმატება იმაზედ არის დამოკიდებული, თუ როგორ გაუძღვევიან და წაიყვანენ. ეს კეშმარიტება ყველაზედ უფრო საგრძობელია ბანკის და სხვა იმ გვარს საქმეებში, სადაც ნაღდი ფული მუშაობს. ბანკის საქმე დამოკიდებულია კრედიტზედ ე. ი. რწმუნებაზედ და ნდობაზედ. რწმუნება და ნდობა მაშინ ექნება ჭანკს, როდესაც იმისი საქმე კარგად წავა, როცა ყველა დარწმუნებული იქნება, რომ იმაში შეტანილი ფული არ დაეკარგება და თავის დროს სარგებელით დაუბრუნდება. როდესაც საქმის კარგათ წაყვანით ბანკი კრედიტს შეიძენს, მაშინ იმისი საქმე გაკეთდება. ყველა იმაში შეიტანს ფულს და რაც მეტს ფულს შემოიტანებენ ბანკში შესანახავად, იმის და გვარად იმას სარგებლის შემოსავალი მოემატება, რადგანაც ყოველი ბანკი შემოიტანილს ფულში ნაკლებს სარგებელს აძლევს, გასესხებულში კი მეტს იღებს.

ამ მიზეზებისა გამო ბანკის წესდება დიდის სიფრთხილით და წინდახედვით უნდა შესდგეს. სიფრთხილე უფრო იმისათვის გვმართებს, რომ ჩვენში ბანკი ახალი საქმეა და ჩვენ არა გვყავს ამ გვარს საქმეებში მკოდნე დახელოვნებული და გამოცდილი კაცები. ეს საქმე უთუოდ კარგად უნდა გაირჩიოს, როგორც იტყვიან, უნდა აიწონოს და დაიწონოს. ამის გარჩევა, რა საკვირველია, ყველაზე უფრო ადვილი და სასარგებლო იქნება დაბეჭდილის სიტყვის საშუალებით. მაშინ ყველას შეეძლება თავისის აზრის გამოთქმა და ეჭვი არ არის, ვისაც კი ესმის ეს საქმე, იმას არ დაეზარება აზრის წარმოთქმა ამ საგანზედ. ამ გზით საქმე კარგათ აიხსნება, ერთი წარმოადგენს თავის აზრს, მეორე შენიშნავს იმისს საფუძვლიანობას ან ნაკლულევანებას, საქმე გაირჩევა ყოვლის მხრით, ცხადათ გამოჩნდება, რომლის აზრის მიღება ემჯობინება და რომლის უარ-ყოფა. ამ გვარად გაშინჯვენ ხოლმე განათლებულ ქვეყნებში ყოველს საზოგადოს საქმეს და ამიტომაც კარგათ მიჰყავთ ის. მიუხედავთ ამ შემთხვევაში მაინც იმათს მაგალითს და შექველია ეს მიბაძვა უსარგებლოთ არ ჩაივლის. რედაქცია დიდის სიხარულით დაბეჭდავს თავის გაზეთში ყოველ გვარს ცნობას და სჯას, რომელიც ბანკის შესახები იქნება. ის ბედნიერად შერაცხს თავის თავს, თუ ცოტაოდენი მაინც შემწეობა აღმოუჩინა ამ ქვეყნისათვის სასარგებლო საქმეს.

ქართული თეატრი

კომედია „ცოლის შერთვეინება“ და „ძალათ აქიმი“

წლებადღეს წელს ქართული სცენა ტფილისში უწინდელზე უფრო გამხიარულებული იყო და ამის მიზეზი შეიქნა ორი ფრანცუზულიდამ გადმოღებული კომედია.

ეს ორი კომედია—„ცოლის შერთვეინება“ და „ძალათ აქიმი“ ფრანცუზის გამოჩინებულის მწერლის მოლიერისაგან არის შეთხზული. „ცოლის შერთვეინება“ უ. დიმიტრი ყიფიანისაგან ჩინებულის ქართულის ენით არის ნათარგმნი. უნდა ვთქვათ, რომ უ. დიმიტრი ყიფიანი ქართულს სიტყვიერების ცოდნაში განთქმულია და ყოველი იმის კალმბრადამ გამოსული თხზულება, ნათარგმნი და თუ საკუთარი ლექსში ძალა-დაუტანელობით და ბუნებითი სინამდვილითა ბრწყინავს. როდესაც შეგვხედრია ხოლმე იმის ენით დაწერილის თხზულების წაკითხვა, ბევრჯერ მხიარულებით წამოგვიძახნია—აი ნამდვილი ქართული ენა!... აი ის მდიდარი ქართული ენა, რომელსაც თითქმის არა ღრმა აზრის ნათლად გამოთქმა არ გაუჭირდება. „ცოლის შერთვეინება“ უწინაც იყო სცენაზე ერთჯერ, თუ ორჯერაც, მაგრამ წლებადღელის წარმოდგენა სისრულით ბევრათ სჯობდა მაშინდელს. „ძალათ აქიმი“ კი წლებადღელის მეტად არ გვინახავს სცენაზედ. ეს კომედია ჯერ დაბეჭდილიც არ არის. მადლობა ღმერთს, რომ ბოლოს მაინც გვეღიროსა სცენაზე იმისთანა სურათის ნახვა, რომელიც ცხოვრების სინამდვილეს, ცხადათ წარმოადგენს. ამ კომედიების წარმოდგენის დროს გულითადი სიცილი გაუწყვეტელად გრიალებდა პარტერში და ეს საყოველთაო სიცილი გვიმტკიცებდა ნათლად, რომ ყველას ჩვენთაგანს ბევრჯერ უნახავს ჩვენს ცხოვრებაშიაც ამისთანა სურათი. ჩვენ გვინდა ზემოხსენებულს პიესებზედ ვთქვათ რამოდენიმე სიტყვა და ბოლოს თვით წარმოდგენებზედაც, მაგრამ პირველად სჯობს მოკლეთ მოვიხსენიოთ კაცის ზოგი უმთავრესი თვისება, ანუ ხასიათი, რომ უფრო ცხადათ გავიგოთ, თუ რო-

გორი მნიშვნელობა აქვს საზოგადოების ცხოვრებაში დრამატიკურს თხზულებას.

ვიღრემდის კაცს არა ვითარი ცოდნა არა აქვს, ქვეყნიერობისაც იმას თითქმის არა გაეგებარა. ის ვერ ცნობს თავის კაცურს მოვალეობას და ემორჩილება სრულიად სხეულის მოთხოვნილებას. ამისთანა პირებისაგან შემდგარს საზოგადოებას იმავე გვარი თვისება აქვს. სვინდისი ძვირათ ამხილებს გონება-გაუხსნელს საზოგადოებას; ცუდის მოქმედების საგრძნობლათ იმას ცოცხალს სურათში უნდა აჩვენოს კაცმა იმისივე მოქმედება. ამ მოქმედებაში საზოგადოებამ ანუ ხალხმა უნდა იცნოს თავისთავი და ღრმით შეირყეს. ვიტყვით მაგალითს: ამბობენ ლოთობისთანა ძნელი მოსაშლელი კაცისთვის არა არის რაო, მაგრამ ბევრჯერ შეიძლება, რომ ლოდი სრულიად ღვინის სმას გადაეჩვიოს, როდესაც ნახავს მომაკვდავს კაცს, რომელსაც არაყით კუჭში ცეცხლი ეღება, იმისაგან წვალობს და იკრუჩხვის. ქვეყანაზედ ხშირია იმისთანა სურათი, რომელშიაც კაცს თავის უბედურების სურათი ღრმად შეარყევს და ზნეობით გააკეთებს. თუ ხალხში წერაკითხვა გავრცელებულია, ის მაშინ კარგის წიგნების კითხვითაც გახსნის გონებას და გაკეთდება. იქ დაწინაურებულის კაცების ვალია მისცეს ხალხს ამ გვარი საზრდო და არ მოაწყურონ კარგი წიგნების კითხვა; მაგრამ იმ ხალხში, სადაც ანბანის სახელიც არ იციან, რა საშუალებით უნდა გაეხსნას ხალხს გონება?—ამ შემთხვევაში არის ორი გვარი ღონისძიება:—ერთი ისა, რომ ჭკვიანი კაცი და მეცნაერი უნდა საქვეყნოდ გამოვიდეს და იქადაგოს, როგორც საბერძნეთში ამას სოკრატ ფილოსოფოსი იქმოდა; მეორე ისა, რომ ძალიან ნიჭიერმა კაცმა უნდა მოიგონოს იმისთანა საშუალება, რომლითაც შეიძლებოდეს, რომ ხალხს აჩვენოს ნამდვილი თავის ცხოვრება და მოქმედება. ამისთვის დახელოვნებული მწერალი ამოარჩევს ხოლმე ცხოვრებაში იმისთანა მოვლენას (შემთხვევას), რომელიც კაცის ცუდს გულის-თქმას მოუხდენია და რომელიც საზოგადოების ნაკლულეგანების ბრალია, ცხოვრებაში რამე შესანიშნავი მოვლენა ან ერთისა და ან რამოდენიმე პირის მოქმედებებთ მოხდება; მწერალი გამოიყვანს ამ პირებს სურათში და ამოქმედებს იმათ იმათის ბუნებისამებრ: მაყურებელი კი, ამ სურათის წარმოდგენაზედ ხედავს თავისავე საკუთარს. მოქმედების სახეს და, თუ უმსგავსოა ეს მოქმედება, რცხვენიან თავის თავისა, ამ სახეს მწერლობისას ეწოდება დრამატიკური თხზულება და იმას გამოყავს კარგი და ცუდი მხარე კაცისა. ეს მხარე აშკარათ ჩნდება სცენაზედ ცოცხალის პირების მოქმედებაში. ამ პირებს ეწოდება აქტორები და მოქმედებენ იმიტომ, რომ მაყურებელს ცხადათ

დაანახვონ იმისივე საკუთარი მოქმედება. კომედია, რომელშიაც კაცის შეუფერებელი თვისება არის გაკიცხული, ეკუთვნის დრამატიკურს ხელოვნებას. ახლა თვით მკითხველსაც შეუძლიან ამ გვართ დაასკვნან:—დრამატიკური ხელოვნება შეიცავს ცხოვრების აზრს და იმის სახეს, რომელიც თვით კაცის მოქმედებაში სცენაზედ იხედება.

ძველს დროში საბერძნეთის სახელმწიფოებში და განსაკუთრებით ათინის რესპუბლიკაში უმთავრესი უფლება ხალხს ჰქონდა მიმკვიდრებულნი; ამისთვის არა სხვა ქვეყნის სახელმწიფოებს ისე საჭიროდ არ დაუნახავთ ხალხის გაწაფლება, როგორც საბერძნეთის სახელმწიფოებს. რამდენათაც უფრო გონიერი და ზნეობით სრული იქნებოდა იქ ხალხი, იმოდენათ სახელმწიფოს სჯული და დაწყობილება უფრო სრული და კეთილ მდგომარეობის მომცემი იქნებოდა ყოვლის მოქალაქისათვის. ამის გამო ყველაზედ პირველათ ბერძნებმა მოიხმარეს უმზგავსო მოქმედების სურათი ხალხის გასაზრდელათ. დრამატიკურმა ხელოვნებამ პირველად იქ მიიღო თავისი მნიშვნელობა საზოგადოების გონების გასაღვიძებლად. საბერძნეთში დიდი ნიჭის მწერლები ცდილობდნენ სცენაზედ მოქმედებით ეჩვენებინათ ხალხისთვის ანგარების მოყვარეობა, საზოგადოების ზნეობით მოუძღურება, რომელიც ზოგში საბერძნეთის დამხობის მიზეზიც შეიქნა.

უმთავრესი კაცის თვისება ყოველს მხარეში ერთი და იგივეა, კაცი თავის ბუნებით ყოველგან კაცათ დარჩება. ანგარების მოყვარე და უპირო კაცი შეიძლება ფრანცუზიც იყოს, ანგლიელიც და ქართველიც. ცრუობა და ცრუმორწმუნოება ფრანციაშიც და საქართველოშიც ერთსა და იმავე გარემოებაში იბადება. დიდის ნიჭის მწერალი კაცი ნაკლულევეანებას და ხალხის ცხოვრებას ძლიერ ღმრათ უყურებს. ამის გამო საზოგადოების ცხოვრებაში ის იმისთანა შემთხვევას მოსძებნის ხოლმე, რომ ამ შემთხვევაში ანუ მოვლენაში უმთავრესი ნაკლულევეანება და ბოროტება კაცს ცხადათ თვალის წინ წარმოუდგეს. რამოდენათ მწერალი უფრო ღრმათ შეეხება ცხოვრებას, იმოდენათ იმისგან გამოყვანილს სურათში ნათლად დაინახავს მაყურებელი თავის თავს. ამ გვარი მწერლისაგან გამოჩენილი ნაკლულევეანება ეკუთვნის მთელს ქვეყნის ხალხს და ამ შემთხვევაში თვით მწერალიც საქვეყნო ჭკუის მასწავლებელი შეიქნება. ამითი აიხსნება, რომ მოლიერის ღრმა მკვრეტელობამ დაგვანახვა ზოგი ჩვენივე ცხოვრების ნაკლულევეანება ფრანცუზულის ცხოვრების სურათში. მოლიერი ცხოვრებდა მეჩვიდმეტე საუკუნეში და იყო დიდის ნიჭის პატრონი. აი რას შეიცავს იმის კომედია—„კოლის შერთვეინება“. ერთი მდიდარი მოხუცებული კაცი, გვართ სგანარელი, სიბე-

რეში სიყვარულს შეუპყრავს და ცოლის შერთვას აპირებს. ამაზედ ის პირველად თავის მეგობარს დაეკითხება, მაგრამ რადგანაც იმისგან სასიამოვნო პასუხს ვერ მიიღებს, ამისთვის განიზრახავს მოლაპარაკებას იმ დროის ფილოსოფოსებთან. ფილოსოფოსნი არიან ორგვარნი: ერთი—არისტოტელის მიმყოლი და მეორე—სკეპტიკი, ესე იგი ყოველს საქმეს იჭენეულობით განსჯის ხოლმე. რაც უნდა ჰკითხო, ის სულ ამას ამბობს—„იქნება“, „მგონია შეუძლებელი არ იყოს“, „მე ხელი დამიბანია“. რადგან-ამისთანა გვამებისაგან სგანარელი ხეირიანს პასუხს ვერ გამოიტანს, ამისთვის, მეტი გზა არა აქვს, ისევ მკითხავს მიჰმართავს. მაგრამ გზაზედ ერთი შემთხვევის ნახვა საწყალს სგანარელს, თვალს აუხელს. ის თავს წაატყდება საცოლოს, რომელიც თავის საყვარელს ეალერსება და სგანარელზედ გულ-დაუნდობელობას გამოაცხადებს. სგანარელს უნდა ხელი აილოს თავის ღამაზს დორიმენზედ და წავა მის მამასთან ჯვარის დაწერაზე უარის სათქმელათ. პასუხის მაგიერათ ქალის მამა თავის შვილს აახლებს სგანარელს. ახალგაზრდა ყმაწვილი შეურაცხებისთვის ხმალში გამოითხოვს სასიძოს. სგანარელი უარზედ დგას. ქალის ძმა ღაზათიანათ იმას წნელით ზურგს გაუხურებს და ქორწინებაზედ ძალათ დაათანახებს. ამ კომედიაში განსაკუთრებით შესანიშნავია ერთი ალაგი, სადაც რჩევის საკითხავად სგანარელი მიდის სხვა და სხვა ფილოსოფიის დოქტორებთან; სგანარელის საცოლო დორიმენ არის მსხვერპლი იმ საზოგადო გართულებისა, რომელიც მოიცავდა იმ დროში თითქმის მთელს ფრანციას. დორიმენს ყავს თავისი საყვარელი. იმას უნდა თავის გულის სატრფოსთან შვება და ყოველ გვარი განცხრომა, მაგრამ სიღარიბისა გამო ორთავ არიან მრავალს მხიარულებას მოკლებულნი; აი ამისთვისაც უნდა იმას თავის დაგებულს მახეში გააბას მდიდარი, მაგრამ მოხუცი სგანარელი. მამაც ცხადათ ხედავს თავის ქალის ვერაგობას და, რადგანაც იცის, რომ მრისხანებით ვერარას გააწყობს, ამისთვის თვითონაც აჩქარებს, როგორმე თავის ქალი თავიდან მოიცილოს. ბიწიერი დორიმენ ეუბნება თავის საქმროს, რომ არ დაუშალოს იმის მყობადს მეუღლეს ბალებში სიარული, ვიზიტები, საჩუქრის მიღება და სეირნობა.

ეს სიტყვები სგანარელს ეკალსავით გულში ეცემა და გასწევს ფილოსოფოსებთან რჩევის მისაღებათ. არისტოტელის მიმყოლს დოქტორს პანკრასსა უკითხავს წარჩინებულის ბერძნის ფილოსოფოსის თხზულება, მაგრამ რადგანაც იმის თხზულებაების უმთავრესი აზრები თავიდან გამოპარვია და ვერ უცვნია, ამისთვის პანკრასს მარტო უაზრო მჭერ-მეტყველება შეუთვისებია. უნდა წარმოვიდგინოთ, რამ-

დენი ცბიერება არსებობს ამ ცრუ-მეცნიერში. — რომელს ენახედ გინდათ გელაპარაკოთ? — ჰკითხავს პანკრასი სგანარელსა — იტალიურად, ისპანიურად, ნემეცურათ, ანგლიურათ, ლათინურათ, ბერძნულათ, ებრაულათ, სირიულათ, ოსმალურათ, არაბულათ, თუ რა ენახედ?... — განა გგონიათ ამ ცბიერმა მეცნიერმა ეს ენები მთლათ ერთიანათ იცოდეს? — არა. ის სტყუის ამ შემთხვევაში; მაგრამ თვითონაც კარგათ იცის, თუ რა სულიერთან აქვს ლაპარაკი და ამისთვისაც ბედავს ცხადს სიცრუეს. სგანარელს იმის ბაასში იჩივ არ ესმის და ან რას დაეძებს იმის ლაპარაკს. იმას¹ თავისი სენი აწუხებს: — უნდა ჩქარა გაიგოს რამე თავის მყობადს ბედნიერებაზედ და ამისთვისაც ჩქარ-ჩქარა დაეკითხება ხოლმე დოქტორს თავის საქმეზედ, პანკრასი ყოველს იმის კითხვაზედ ამ გვარს ბაასში გაერთობა: — „ნუ თუ საზარელი არ იყოს. ნუ თუ არ ჰღალატებდეს ცად მიმართ სიბრიყვე და უმეტრება იგი, რომელი სახალხოთ იტყვის ფორმაო ქუდისაო!?! — მე ვამტკიცებ, რომ უნდა ითქმოდეს ფიგურა ქუდისა და არა ფორმაო ქუდისა, რადგან ფიგურასა და ფორმას შორის განსხვავება ესე არს. რომელ ფორმა არს გარეგანი სახე პირისა, ანუ სულიერისა სხეულისა და ფიგურა არს გარეგანი სახე ნივთისა, ანუ სხეულისა უსულო-სი;“ — სგანარელი — (ცალკე) ყოველი ერი დაღუპულა მეთქი მეგონა (პანკრასს) უფალო დოქტორო, ნულარ ფიქრობთ მაგაზედა... მე...“ მაგრამ პანკრასი მაინც კიდევ თავისას ბოდავს. რომ ვერას ღონისძიებით ველარ გამოარკვევს სგანარელი მეცნიერს თავის განვითარებისაგან, ბოლოს სტაცებს საყელოში ხელს და შეაგდებს თავის თთახში. შექმდე სგანარელი მიჰმართავს პირონის ფილოსოფიის მეცნიერსა. მაგრამ საუბედუროთ იმისგანაც ვერა გამოიტანა რა. ყოველს იმის კითხვაზედ მეცნიერი თუთიყუშსავით უპასუხებს: „შეიძლება“ „შეუძლებელი არ არის. — სგანარელი. — „კარგი იქნება თუ ცუდი ჩემი საგულებელი ცოლი რომ შევირთო?“ — მარფურიოს (ასე ეწოდება პირონის შკოლის დოქტორს) — „ერთიცა და მეორეცა“. სგანარელი — „მაგრამ რომ შევირთო ვაი თუ, როგორც მოგეხსენებათ, ფეხი აირბ...“ ქვეყანაში ქუდი მომხადოს“. მარფურიოს — „შეიძლება მოხდეს“. სგანარელი — „რას ფიქრობთ ამახედ?“ მარფურიოს — „მგონია შეუძლებელი არ იყოს“. სგანარელი — „ლამის ცეცხლი მომეკიდოს“. მარფურიოს — „მე ხელი დამბანია“. სგანარელი — „ცეცხლი და ნავთი შენს თავსა გამოშტერებულ ბებერო!“ მარფურიოს — „რაც მოხდება, ის იქნება“. სგანარელი — „ჯალათო შჩევენებულო!“ — და ჯოხს დაუშენს. მარფურიოსი ყვირის: „ოჰ, ოჰ, ოჰ!“ და მხოლოდ ახლა გამოერკვევა და დაუყვირებს სგანარელს — „როგორ, როგორ გაბედე ჩემი ასე გაუპატიურება! ჩემებრ

ფილოსოფოსის ცემა!.. მაგრამ სგანარელი იმისთვის უწინდელის სიტუაციებით პასუხს აძლევს: „ჩემი ბრალი არ არის“, „მე ხელი დამიბანია“. სგანარელს თავის დღეში ამისთანა კარგი საქმე არ მოუხდენია. ამ გვარი მეცნიერება იმაში მდგომარეობს, რომ ფიგურასა და ფორმის განჩევაში კაცმა მთელი თავისი სოცოცხლე გაატაროს? ნუ თუ მეცნიერის მოვალეობა არის, რომ მთელს თავის სოცოცხლეში თუთიყუშსავით იძახოს: „მე ხელი დამიბანია“, „რაც მოხდება ის იქნება“ და სხვა.

ამ გვარი მეცნიერები სადაც გამრავლებულნი არიან, იქ ხალხის წარმატებაც გონებით არ უნდა იყოს შესაძლო. თავის გამოუდგარის სწავლითა ისინი სრულიად განშორებულნი არიან ხალხისაგან. იმათ არ შეუძლიანთ გზა დაბნეული კაცი სწორე გზაზე დააყენონ, ამისათვის, რომ თვითონაც გზა დაბნეული არიან. მაშ სგანარელისთანა კაცებს მეტი რა ღონე აქვთ, რომ გაჭირვებაში, რომ ისევ მკითხაეთან არ წავიდნენ, რადგანაც ამგვარის მეცნიერებისგან არა გამოდნება რა! მკითხაობას კი ცხიერება და უმეცარის ხალხის ცარცვა მოსდევს. დიდი სამწუხაროა იმ ხალხის მდგომარეობა, სადაც უმეცრება თავს იჩაგრავს და საუკეთესო კაცები კი პანკრასსა და მარფურიოსსავით ხალხთან განშორებულნი არიან. საუბედუროთ ჩვენს დროშიაც ჩვენი ქვეყანა არ ასცილებია ამისთანა სურათს. იქნება ჩვენშიაც იყვენ ბევრნი მარფურიოსისთანა გაბუტებულნი თუთიყუშნი, მაგრამ ქვეყნისთვის კი იმათი სწავლა და ცხოვრება სრულიად გამოუდგარია. ისინი, როგორც სჩანს საქმით, ხალხს განშორებიან და შორიდამ კი ასე იძახიან: „ჩვენ ხალხი უგუნური და ზნეობით დაცემულიაო“. — აბა ერთი მითხარი, რამდენი საშუალება მოგიხმარია, ჩვენო სწავლულო თუთიყუშო, რომ ამისთანა დაცემისაგან ხალხის წამოყენება მოგენდომებინოს?.. მაგრამ აქ სიტყვას გავწყვეტ.

იმ პირებს, რომლებმაც ისურვეს ზემოხსენებულის კომედიების წარმოდგენა, ძალიან კარგათ უცვნიათ თავ-თავიანთი როლები. იმათს მიხვრა-მოხვრაში და ლაპარაკში მოუხერხებლობა არ სჩანდა. „ცოლის შერთვეინებაში“ განსაკუთრებით სამნი თამაშობდნენ ძლიერ კარგათ თავ-თავიანთს როლებსა; უ. გარსოვეი — სგანარელისასა, უ. მამულოვი — პანკრასის როლსა და კალოუბანსკი — პირონელთ ფილოსოფიის დოქტორისას. უ. მამულოვს მაინც დოქტორის როლში კაცი ვერ გამოიცნობდა. ჩვენ არ გვეგონა, თუ ჩვენის თვალის წინ საშუა-

ლო საუკუნის სხოლასტიკი არ მოქმედობდა და არ ბაასობდა, როდესაც ვხედავდით უ. მამულოვის თავისუფლათ ხელის და ტანის ხმარებას, გულ-ამაყობით სიარულს და აღელვებულს ლაპარაკს. სასიამოვნოა, რომ ქართულს სცენაზედ ნამდვილ ნიჭს შევხვდით. მეორე პიესამ, „ძალათ აქიმი“, კიდევ უფრო დაამტკიცა უ. მამულოვის ნიჭი. ვინ წარმოიდგენდა, თუ ის კაცი რომელიც ასე ნამდვილათ წარმოადგენდა არისტოტელის ფილოსოფიის დოქტორსა, შემდეგ თათუა მევაქსის კომიკურს (სასაცილო) სახეს მიიღებდა. „ძალათ აქიმი“ თავი როლი უ. მამულოვისა იყო. ამ პიესაში უ. მამულოვმა ყველა გაგვაკვირვა. ყოველი იმისი გარეგანი ყოფა-ქცევა აღმოხატავდა იმის შინაგანს მღელვარებას. რასაც ენით ვერ გამოსთქვამდა, იმას პირის სახით და ხელოვნურის მოქცევით, გაგვაგებინებდა ხოლმე.

კომედია „ძალათ აქიმი“; როგორც ზევით მოვიხსენეთ, არის მოლიერისაგან დაწერილი და არ ვიცით კი ქართულს ენაზედ ვის გადმოუთარგმნია; მაგრამ რა ვთქვი!.. ნეტაი ნათარგმნი იყოს, თორემ ბევრათ ეძჯობინებოდა. დალოცვილს მთარგმნელს მოუნდომებია ფრანკუზულის ცხოვრების სურათის გადაკეთება ქართულს ცხოვრების სურათზედ; მაგრამ ერთის მეგრელისა არ იყოს, ისე მოსვლია; მეგრელმა ორ მწყერს მიმინო მიუტევა და თან მიაძახა: — „ჟირი ჭოფი, ჟირი ჭოფი“ (ორივე დაიჭირეო), ვერც ერთს კი მიმინო ვერ მიეწია. ამ გადაკეთებულს კომედიას ფრანკუზულის ცხოვრების სურათიც დაჰკარგვია და ჩვენს ცხოვრებაშიაც ფეხი არ უდგა. დაგლეჯილის ევროპიულის ტანთ-საცმელით მევაქსედა შემდეგ საყელოებიანი დოქტორი, რომელსაც ერთი არშინი წვეტიანი ქუდი თავზედ ხურავს, ჩვენს ცხოვრებაში არ იბოვება. ეს გარეგანი მორთულობა თათუა მევაქსისა და ჩვენი საწყალი გლეხები და მებატონე ერთათ რალაც უმსგავსოთ თვალში ეჩხირება ხოლმე მაყურებელს; ამისთანა არევ-დარევა ტანთ-საცმლისა თუმცა გარეგანს, სახეს კომედიისას აფუჭებდა, მაგრამ შინაგანს აზრს თავისი სიკეთე მაინც არ დაჰკარგვია.

კომედიის აზრი ეს არის: ერთს გონება მახვილს მევაქსეს ქეიფობაში თავის ცოლის შუთიევი გაუფანტავს. ცოლი ამ საკმეს ესაყვედურება და იმდენზედ მიიყვანს ქმარს, რომ თავს გაალახვინებს. ცოლს უნდა მაგიერი გადაუხადოს და შემთხვევაც მალე მიეცემა ამისთვის. ორი გლეხი შედის მევაქსე თათუას სახლში და აქიმს ეძებენ. თათუას ცოლი ამათ დააჯერებს, რომ იმისი ქმარი თათუა დიდი აქიმი, და ამასთან კიდევ დაარიგებს იმათ, რომ ვიდრემდის კარგათ ჯოხით გვერდებს არ გაუხურებენ, თათუა აქიმობას არ გააც-

ხადებს. გლეხები ისე მოიქცევიან, როგორც ქალმა დაბარია. მანამ აქიმი ვარო თათუას არ ათქმევინებენ, არ მოეშვებიან. თათუა აქიმათ მორთული წავა გლეხების ბატონის სახლში და ბატონს ლაზართანათ ფულებს დასტყუებს. აქ შემთხვევით შეიტყობს, რომ ქალი საყვარულის გამო დამუნჯებულა. ქალის საქმროსაც აქ ბლომით ფულს ააცუცნის და ბოლოს პიესა გათავდება იმით, რომ ქალი თავის საყვარელს შეირთავს. მეტად შესანიშნავია ამ შემთხვევაში თათუას სიტყვები: „აქიმას ხელობაში უპატიოსნება არ იმყოფებაო; ათასი კაციც საიქიოს რომ გაგზავნო, პასუხს იმათთვის კაცი ვერ მოგვითხავსო. გინდ მოჰკალ ავათ-მყოფი, გინდ მოარჩინე, ფული ორივე შემთხვევაში გეძლევაო. აბა რა ბრიყვი ვიქნები ამისთანა ხელობაზედ. სიკვდილამდის ხელი ავიღოვო“. — უწინ, როდესაც მარტო ვაქსის მყიდავი იყო თათუა, დღე არ გავიდოდა, რომ იმისთვის გვერდები ჯობით არ დაეზილათ და უპატიოსნოც არ დაეძახათ. კვირა გავიდოდა, იქნება ორ მანეთსაც ვერ მოიგებდა, ახლა კი ცოლის მადლობით, ვინ იცის, კვირაში რამდენს ფულს არ იზოგნის. იმისთანა ხალხში, სადაც თათუა მოქმედებს, კაცი უმეცრების გამო ვერაფერს საქმეს საფუძვლიანათ ვერ გამოიძევეს. როგორც პატარა ყმაწვილს ნათქვამი ზღაპარი მართალი ჰგონია, ისე ამ უმეცარს ხალხში ყოველი განაგონი ამბავი კაცს მართლად მიაჩნია. ის არ დაიწყებს გამოძიებას, თუ რაოდენათ მართალია ამ შემთხვევაში ეს მოჭორებული ამბავი. დაჰყაროს კი ვინმემ რამე შესანიშნავი ხმა, თორემ მეორე წამს ამ ხმას ათასი ენა გაიმეორებს და რამდენს პირშიაც ეს ხმა გაივლის, იმდენათ უფრო დიდდება და სახეს იცვლის. აი მაგალითად: კომედიაში „მზის დაბნელება“, ბატონსა და ყმას, რომელნიც მოულოდნელს შემთხვევას უნდა დაესწრნენ, გული ორივეს ერგვართათ უცემთ, ბატონი რომ ერთს ამბავს მოაჭორებს—დაბნელების დროს ცის ფრინველები კლანჭებით ცხვირპირს დაგვაფხრეწენო, გლეხი კიდევ თავის მხრით უარესს იტყვის, — ჩოფრები გაცოფიანდებიან და ყველას დაგვჭამენო. მართალი არც ერთს არ ვაეგებათ, ორივე სტყუიან; მაგრამ ან კი რა ქნან, რომ ერთმანეთს არ დაუჯერონ, ნამდვილის მართლის მთქმელი კაცი რომ არავინ არის, რომელს ხალხშიაც არაფერი სწავლა არ შესულა, იქ კაცმა არ იცის, რომლის განაგონს ხმას დაუჯეროს და ამისთვის ცბიერის კაცისაგან ყოველი მოგონილი ამბავი სარწმუნოთ მიაჩნია. „ძალათ აქიმშიც“ დედა-კაცს თავის ქრმის თათუას ჯავრი სჭირს და ეძებს რამე საშუალებას, რომ ის ვისმეს მწარეთ გააჯობინოს. აი მარტო ეს არის იმის მიზეზი, რომ დედა-კაცი აქიმას მძებნელს კაცებს ეუბნება—თათუა მევაქსე

ჯანიოზი აქიმი არისო და, თუ კარგათ არ გასახრეთ, თავს არ გამოიჩენსო. ამისთანა მოჭორება სრულებით საკმაოა, რომ გლენხმაც და ბატონმაც მეორე წამსვე სალახანა ვაჭსის მყიდავი თათუა აქიმათდასახონ. რაკი თათუა გაჯოხნეს, ახლა უარზედ არც ის დგას და ყოველის ღონის-ძიებასაც ხმარობს, რომ აქიმობაში სახელი გაითქვას. ის კიდევაც დარწმუნდა, რომ აქიმობის სახელი იმის გაფხეკილის ჯიბისათვის სასარგებლო იქნება. თათუას თავის სიცოცხლეში ბევრი პანკრასისთანა მეცნიერები უნახავს და ბევრჯერაც გაუგონია იმათგან არისტოტელისა და ციცერონის სახელი. ის ახლა ამ განაგონის სახელებითაც კი სარგებლობს. თათუა ამ განაგონის სახელებს ხშირათ ხმარობს მებატონის სახლში და ამასთან ყოველს სიტყვას, რაც კი ენაზედ მოვარდება, წამოროშავს ხოლმე, რომ უფრო დააჯეროს უმეცარი მებატონე თავის სწავლითა და აქიმობითა. რა სარგებლობა აქვს ამითი თათუას?—ძალიან დიდი. ერთი რომ ლატაკს თათუას თავისის სიცრუით ჯიბე უსქელდება, მეორე რომ ის ყველას პატიოსან კაცად მიაჩნია და, როგორც ჯანიოზს აქიმს, საზოგადოებაშიც დიდი პატივი აქვს. პიესის დასასრულს თათუა თვითონვე ამხელს თავის უმეცრებას აქიმობაში, მაგრამ, რადგან საზოგადოება ისე უგუნური უნახავს, რომ მევაქსე თათუა ძალათ აქიმათ გაუკეთებია, მაშ მეთი რა ქნას, რომ არ იცრუოს და ხალხი არ ცარცვოს. ამის იქით საკვირველი არ იქნება, თუ ჩვენს ქვეყანაშიაც; სოფლათ და ქალაქად ვხედავთ ხოლმე, რომ მკითხვეები ძალიან გამრავლებულნი არიან. ხალხის გაუნათლებლობა აძლევს იმათ ნებას შეუბრალებლათ ქვეყანა ატყუნონ. ვიდრემდის ხალხი ამ გვარს უმეცრებაშია, თათუასთანა კაცებსაც ყოველთვის შეეძლება, რომ იმათგან ისარგებლონ ხოლმე. ამ შემთხვევაში არ შეიძლება, რომ ჩვენს თავს ასე არ ვკითხოთ:—რა ზხნის ხალხს ამ გვარის მდგომარეობისაგან?—მხოლოდ ერთი სწავლის გავრცელება და იმისი განათლება, მაგრამ საუბედუროთ ჯერ კიდევ ჩვენს მეცნიერებს ამისთანა საქმიანათვის სძინავთ.

ბუნების მესნიერებიდან

წ ა ზ ი

ქვეყანაზედ მრავალი იმისთანა ცხოველი არის, რომ მე და შენ, მკითხველო, არამც თუ იმათი ცხოვრება, თვით იმათი სახელიც არ ვიცი... ბუნებაში ყოველს არსებას თავის დანიშნულება აქვს. ყოველს ცხოველს თავისი ადგილი აქვს. ის ცხოვრობს იმ სჯულით, რაც ბუნებას და იმის შინა-აგებულებას იმისთვის განუწყესებია. ამისი ცოდნა კაცის გონებას ამდიდრებს და განსწმენდს იმას ბევრის ცრუმორწმუნეობისგან. რამდენათაც ვრცლათ იცის კაცმა ბუნება და იმისი არსებანი, იმდენათ უფრო ძლიერი და ამალღებულია ის ამ ქვეყანაში; ამას გვიმტკიცებს მთელი ევროპის ხალხობა...

მიუცილებლათ ჩვენს ქვეყანაში ყველაზედ უფრო შესანიშნავი ცხოველი არის წავი, თუმცა კი იმისი მნახველი იშვიათია. ძლიერ ცოტაა იმისთანა კაცი, რომ მთა-ტყე დაეველოს და ნამეტურ მთების ჩქარ მდინარეებისთვის თვალ-ყური ედევნოს. წავი კი არის მცხოვრები ამ გვარის მდინარეებისა და ყოველს იმერელზე უფრო უყვარს ამ მდინარეების ახალი თევზი და კიდევ უფრო კალმახი. მეტად შემაქვევარი სანახავია, როდესაც წავი ანკარა მდინარის სიღრმეში თევზაობს, ხან წინ გარბის, ხან უკან. იქ და აქ წყლიდამ ცხვირის წვერს ამოყოფს, რომ სული მოიბრუნოს და შემდეგ ისევ გაჭქრება მორევში, რომ ხელ-ახლა აამღვრიოს ჩქარის კალმახების სიმყურდროვე. კაცი ძალიან ძნელად მოაგლებს თვალს წყალში წავსა და იმის იქ მყოფობა მხოლოდ იმითი შეინიშნება, რომ წყლის სიღრმიდამ ამოდის შეუწყვეტელი ბაწარი წვრილ-წვრილის წყლის ბუშტებისა და ისარსავით წამის-წამს ამოსჭრის ხოლმე წყალს თვით წავის ტუჩი, რომ ჰაერი შეისუნთქოს და შემდეგ ისევ ჩაიყურჭუმალოს.

წავს ისეთი ბასრი და მაგარი კბილები აქვს, რომ რაც უნდა სრიალა და სწრაფი თევზი იყვეს, იმის კბილებს მაინც ვერ გაუხსნლტება. ხან-და-ხან რომ წავი წყლიდამ არ ამოაბედავდეს სულის

მოსაბრუნებლად, იმას ვერც ერთი თევზი ვერ მოუტრიახებდა დაუტყრავი. წავისთვის სულ ერთია, გინდ ზევით უცურავნია, გინდა სიღრმეში. უნდა წინა-ტანით წავა, უნდა უკანა ტანით, ერთის სიტყვით წყალში ყოველნაირათ იმოძრავენ. თუ წავი წყალშია, ის მუდამ მოძრაობაშია, ბრუნავს ყოველ გვარად და გვეგონება, რომ განზრახ თამაშობსო. ხან-და-ხან წავი ცურავს ცალ გვერდზედ, მერე დაიწყებს ბრუნვას, მინამ ზურგით არ დაწვება; შემდეგ გაშლის ტანს, დაიწყობს გულზე და მუცელზედ თავის ფეხებს და მხოლოდ კუდსა და თავს ანძრევს ხან იქეთ და ხან აქეთ. ამ შემთხვევაში იმისი გრძელი ტანი და კუდი საკვირველად მიემზგავსება გველსა. რაც უნდა დიდ ხანს დარჩეს წყალში, წავის ბეწვი მაინც არ დასველდება და, როგორც ბევრი ამბობს ღამ-ღამე კიდევ ანათებს. ზამთარში, როდესაც მდინარეებს გაჰყინავს, წავი მოსძებნის ხოლმე იმ გვარს ალაგს, სადაც ყინულის ნახვრეტებია, ჩასძვრება შიგ და ცურავს, ამ ცურვაში ის პოულობს, ხოლმე დიდის მოხერხებით ახალსა და ახალს ყინულის ნახვრეტებს, ამოყოფს ხოლმე შიგ ტუჩსა და სუნთქავს, ხშირად შეხვდება ხოლმე კაცი ზამთარში წავს, რომელსაც წელი მალლა შეუხრია, გაჯავრებულ კატასავით, თავი ძირს დაულია, მოკუნტულა და ამ რიგათ გაყინულს მდინარეზედ, ანუ თოვლზედ თავ-დაღმა მისრიალებს.

წავი არის გრძელი ტანისა, მოკლე ფეხებზედ დვას და თითებ-შუა ფართო ტყავი აქვს გამჯღარი, ბატის ფეხებსავით, ყურები მოკლე და ფართო; ისინი ძლივს გამოჩანან გრძელსა და რბილს ბეწვში. თავი აქვს მსხვილი და ბრტყელი, ტუჩი მოკლე და ფართო.

წავის ბეწვი საკვირველი რბილი და თბილია; იმას უფრო შავი ფერი დასცემს. ამ შავს ფერში ხშირად თეთრ-თეთრი გრძელი ბანლებია ამოსული და ისინი თვით ტყავსაც ვეცხლის ფერს გადაჰკრავენ. ტუჩებზედ წავსა აქვს თეთრი ფორაჯები. წავის შავი ბწვიალა თვალები ამტკიცებენ იმის განცხოველებულს მოძრაობას. ძნელად გაიგონებს კაცი წავის ხმას, თუ შინ არა ჰყავს დატუსაღებული. როდესაც აღელვებულია, წავი სტვენს ხმა მალლა და სასიამოვნოდ. იმ მდინარის პირზედ, სადაც წავს დაუბუნდია, იმას აქვს რამოდენიმე სორო გათხრილი. თუ რომ თევზი ბევრია მდინარეში, მაშინ წავი ერთ სოროსაც იკმარებს. წავი ისეთი ფხიზელია, რომ მტეი არ შეძლება. თუ ხმელეთად არის გამოსული, კაცი ას ნაბიჯზედაც ვერ მიეკარება. თვალი და ყური ძლიერ უჭრის. ყნოსვა კარგათა აქვს გახსნილი. დღე უფრო ხშირათ წავი თავის სოროში იმყოფება, ღამე კი ყოველთვის წყალში ნადირობს. თუ

წყალმა მეტის-მეტად მოიმატა და სორო წყლით ამოუვსო, მაშინ ის ხეზედ შეიმალება.

თევზს გარდა წავი იჭერს კიბოს, ცხრა-ფეხას და წყლის ლოკოკინებს; მაგრამ ბატი და იხვი თუ მოხვდა იმ წყალში, სადაც თვით წავი იმყოფება, ის იმათ ხორცითაც კი მოითხოვს ხოლმე დღიურს ხარჯსა.

„შტუტგარდტის მშვენიერს ბაღებში რომ ტბები არიან, იქ მრავალი შინაური და გარეული იხვი და ბატი იბუდებს,—ამბობს ტესსინი,—ტბებში, თევზი და კალმახი ურიცხვია. 1824 წელს ზაფხულზედ ამ ტბებს შეეჩვია ერთი წავი და დიდს ზარალს აძლევდა ამ წყლების მცხოვრებლებს, მაგრამ ვერავინ კი ვერ მიხვდა, თუ ვინ იყო ასე შემაწუხებელი ამ მშვიდობიანის მდგმურებისა. დღითი-დღე ნახავდნენ ხოლმე აუზების ნაპირებზედ და თვით კუნძულზედ, რომელნიც იყვნენ ამ ტბებში, დანგრეულს ბუდეებს და კვერცხებს შიგნიდან გამოქმულს; პატარა ბარტყები წამისწამს იკარგებოდნენ და იმათ კვალს ვერსად ვერ პოულობდნენ; ძველ-ძველს იხვებს კი ხშირად ნახავდნენ ხოლმე, რომელთაც თავი და კისერი მოკმული ჰქონდათ. ბატები და ჟრუნები მწარედ დაჭრილნი ბასრის კბილებითა ხშირად კვდებოდნენ ხოლმე. ვინ იყო ამ საქმის ჩამდენი, არავინ არ იცოდა. ბოლოს კაროლის მებაღემ, ბოშმა, ერთს შთვარიანს ლამეში განიზრახა მიდარაჯება ტბის ნაპირზედ. შუალამეშის ფრინველებში ასტყდა დიდი ალიაქოთი, წვრილ-წვრილი იხვები საწყლად ყვიროდნენ და მხოლოდ მაშინ მიწყნარდა ეს შფოთვა და წყვირილი, როცა ფრინველები წყლიდამ ამოვიდნენ. უ. ბოში ცდილობდა ფრინველები ისევ წყალში ჩაერევა, მაგრამ ისინი არას გზით წყალში აღარ ჩადიოდნენ. შუალამის პირველს საათზედ ბოშის მახლობლად ჩავიდა წყალში ერთი გარეული იხვი. ამის შემდეგ ბოშმა დაინახა წვრილ-წვრილი წყლის ბუშტები, რომელნიც ბაწრად გაბმულნი ამოდინდნენ ზევით, ტბის სიღრმიდამ. შეეძლო კაცს ეფიქრნა, რომ ეს სწორეთ დიდი თევზია და მალლა მოკუთრავსო, მაგრამ ბუშტების ნაკადულად მეტის-მეტად ჩქარა წინ მოდიოდა და დიდი თევზი კი ასე ჩქარა ცურვას არ დაიწყებდა. როგორც კი შენიშნა ეს იხვმა, იმავე წამს წყლიდამ ამოფრინდა და გადიკარგა. ბუშტების ნაკადული თან და თან უახლოვდებოდა ბოშსა. ასე რომ ბოლოს იმან ესროლა თოფი, მსხვილი საფანტით გატენილი. ამის შემდეგ წყალი დაწყნარდა. ბოში ჩავიდა წყალში ნავითა და მალე ნახა რბილი რალაცა, ტბაში ჩაძირული, და გამოათრია ბარჯით ნაპირას. ეს იყო მამალი წავი, თითქმის ორი არშინი სიგრძე კუდის ბოლომდის და ერთ ბათმან-

ზედ მეტს იწონიდა. ამის შემდეგ ფრინველებს მიეცათ მოსვენება“
 სასიამოვნო სანახავია, როცა წავი წყალში ნადირობს; ის ხან
 ამოეთარება ერთს ქვის ძირს და უყარაულებს თევზს, რომელიც აპი-
 რებს ქვის ქვეშ შეწოლას; ხან გამოეკიდება მოზდილს ნაფოტა თევზს,
 და საკმაოა იმის დასაჭერად, თუ ერთი ბასრი კბილი იმან სადმე
 მოჰკრა. ზოგჯერ წავი კუდს დაჰკრავს ხოლმე წყალზედ, რომ თევზე-
 ბი შეაშინოს; შემდეგ დაეცემა ხოლმე ქორივით შეშინებულს თევზს,
 რომელიც შეძრება ხოლმე ქვის ქვეშა თავის შესაფარებლად. წავის
 პატარა კლანჭები მეტად მჭრელია.

წავი ბევრ კაცს ჰყოლია მოშინაურებული და ბევრს და ბევრს
 გასართობ ამბავსაც მოგვითხრობენ იმისა კეკუაზედ და ნადირობაზედ,
 მაგრამ იმ მოთხრობას მაინც არა შეეძრება რა, რომელსაც გვიამ-
 ბობს ერთი პოლშელი აზნაური, ქრიზოსტომი პასსეკი, თავის მოში-
 ნაურებულს წავზედ, რომელიც იმას გაუწაფავს თევზის ნადირობაში.
 აი ის რას ამბობს: „1688 წელს, როდესაც მე ვცხოვრობდი ოციოვ-
 კოში, კაროლმა (პოლშისამ) გამოგზავნა ჩემთან კავალერი სტრაშ-
 ჩევსკი, წავი მთხოვა და მაგიერად შემპირდა დიდს წყალობას. რა
 მექნა, უნდა გამოვთხოვებოდი ჩემს საყვარელსა. ცოტა დავიხებრეთ
 და გაველით მინდორზედ, რადგანაც იმდროს ჩემი წავი სახლში არ
 იყო. ის მაშინ ნადირობდა მახლობელის წყლის საგუბარში. მე დავუ-
 ძახე: „ვურმ“ და იმან იმავე წამს ჭალიდამ თავი ამოყო, მომვარდა
 და დაიწყო ჩემწინ ხტომა და თამაში. სტრაშჩევსკი გაკვირდა და
 სთქვა: „ოჰ, რა გაეხარდება კაროლს ამისთანა ცხოველის შოვნა—
 „შენ მაგას მარტო ამისთვის აქებ, მაშ მაგის სხვა თვისებები რომ
 ნახო, სულ გადირევი“—მე ვუთხარი. ჩვენ წაველით იქვე წყლის სა-
 გუბარში; შევდექი ტივზედ და დავუყვირე: „ვურმ“, სტუმრებისათვის
 თევზი მინდა, აბა წყალში ჩადი და თევზი დამიჭირე“. წავი ჩახტა
 მარდათ და ამომგვარა ნაფოტა-თევზი, მეორეთ ამოიყვანა ერთი პა-
 ტარა ქარი-ყლაპია თევზი, შესამეთ უფრო მოზდილი, რომელ-
 საც კისერში ჰქონდა ნაკბენი. სტრაშჩევსკიმ შემოიკრა თავში
 ხელი და დაიყვირა:—„ღმერთო, ამას რას ვხედავ!“—„გინდა კიდევ
 ვერყვი, კიდევ დამიჭერს, ერთის სიტყვით რამდენსაც ვეტყვი,
 იმდენსა“. სტრაშჩევსკის მეტად უხაროდა, რადგანაც ფიქრობ-
 და, რომ ამ ამბებით ბევრს ასიამოვნებდა კაროლსა. მე ვაჩვენე
 იმას ამ ცხოველის ყველა თვისებანი და შემდეგ გავატანე კა-
 როლთან...

წავი იწვა ხოლმე ჩემთან და ასეთი ფაქიზი იყო, რომ არაო-
 დეს არც ჩემი ქვეშაგები და არც ჩემი, ოთახი არ გაუსვრია. ის

იყო ჩემი მცველი. ღამე ჩემ ლოგინთან მოსვლა არავის შეეძლო. ბიჭსაც არ ანებებდა, რომ ჩემთვის ფეხთ მოეხადა, ის გააბამდა ასეთ ყვირილსა, რომ რაც უნდა ღრმად მძინებოდა მაინც გამომაღვიძებდა. ხან-და-ხან, როცა დავითვრებოდი, წავი მანძრევდა და მივლიდა გარშენო, მინამ არ გამომაფხიზლებდა. დღე სადმე კუთხეში ეძინა ისე მაგრად, რომ ხელითაც გეტარებინა, თკალს მაიც არ გამოახელდა. თუ ხელს ვინმე მომკიდებდა და დავიძახებდი: „ვეურმ“, მიჭერენ, მომეხმარე“, —ის იმავ წამს გამოეჩანებოდა და ჩემს დამჭერს ხან ტანსაცმელში სწევდა და ხან ფეხებში კბენდა. იმას უყვარდა ერთი ბანჯვლიანი ოთახის ძაღლი და არაოდეს არ სცილდებოდა; ამ ძაღლისაგან ისწავლა ჩემმა წავმა ბევრი რამეები. სხვა ძაღლები კი არ უყვარდა.

ერთხელ სტანისლავი ოცარსკი მესტუმრა. „დაიჭი ეს მწვევარი! უთხრა იმან თავის შვილს—მეშინიან წავს არ ეცეს!“—„ნუ გეშინიან, ჩემი პატარა მხეცი მაგისთანა შეურაცხებას არ მოითმენს“—მე ვუთხარი. „შენ ხუმრობ, და ჩემი მწვევარი მგელს ეჭიდება, მელას კი სულის მობრუნებასაც არ დააცდის, ისე უცბათ გაგუდავს“. წავი დიდხანს მეთამაშებოდა და, როცა უცხო ძაღლი დაინახა, ჩახტა ძირს, აუარ-ჩამოუარა უცხო მწვევარს, დასუნა უკან ფეხებში და განშორდა. ჩვენ ისევ რაღაც ლაპარაკს ვავერთვით. ამ დროს მოეპარა წავი ძაღლს უკანიდამ და ასეთ ღონივრად შამოჰკრა იმას ყბაში თავისი თათი, რომ მწვევარი გადახტა კარებისაკენ და იქილამ შევარდა ბუხრის თავზედ. წავი უკან გამოეკიდა და უნდოდა იმასაც ბუხრის თავზედ შესვლა. ძაღლმა რომ მეტი ველარ მოახერხარა, ჩამოხტა ჩვენ სუფრაზედ და ორი ბროლის ჭიქა ღვინით სავსე, გაგვიტეხა. ის კარში გაეაგდეთ და ამის შემდეგ სახლში აღარ შამოგვკარებია, თუმცა იმის პატრონი მეორე დღეს შუადღემდის ჩემთან დარჩა. თუ კარში რომელიმე ძაღლი მიეკარებოდა წავსა და დაუწყებდა დასუნვას, ის იმისთანა უსიამოვნოს ხმით გააბამდა ყვირილს, რომ ძაღლი იმავ წამს გაშორდებოდა.

„ეს ცხოველი ბევრს კარგს საქმეს მიკეთებდა, როცა წავიდოდი სადმე მარხვაში და, თუ ჩემი წავი თან მყავდა, მივიდოდი ხოლმე სადმე მდინარის პირზედ, ვეტყოდი: „ვეურმ, ჩადი თევზი დამიჭირე“. ის ჩავარდებოდა მაშინვე წყალში და მოკლეს დროს იმდენს დაიჭერდა, რომ მეც მეყოფოდა და ჩემ მოსამსახურეებსაც“. როცა ის მომაცილეს, საწყალი საშინლათ სწუხდა, იგლიჯებოდა გალიაში და საოცრად ყვიროდა“.

კაროლს დიდი ხანი არ ყოლია ეს წავი, როგორც მიგვარეს. ის იმავ საღამოს გალიიდამ გაიქცა და ერთმა კაროლის დრაგუნმა მოჰკლა, რომელმაც არ იცოდა, თუ ის შინაური იყო. იმან ამ წავის ტყავი მიჰყიდა ერთ ურიას. უნდა ვთქვათ, რომ წავის ტყავი ძვირად ფასობს. იმის თბილს და საკვირველს რბილს და სასიამოვნო ფერის ბეწვსა ხმარობენ შინლის საყულოზედ მოსავლებად და ეძახიან ბაბორსა.

მლეთის სოფლის საზოგადოების სათემო ბანჩინების გამო

ამ ნომერში ვბეჭდავთ ჩვენ ერთს კორრესპონდენციას და იმედი გვაქვს ამ კორრესპონდენციის საგანს „დროების“ მკითხველები ყურადღებას მიაქცივენ. ის მივიღეთ ქვიშეთიდან, რომელიც მდებარეობს დიდს გზაზედ კავკასიის გულში და ეკუთვნის ხევის მაზრას. კორრესპონდენცია შეიცავს განაჩენს, რომელიც მლეთის სოფელს შეუდგენია ამ წელს მაისში, სასოფლო ბანკის დაწესების გამო. კორრესპონდენტი გვწერს, რომ მლეთის მაგალითს სხვა სოფლებიც შესდგომიანო, ესე იგი, სიონი, სნო და კობი. პირველი აზრი მიუცია მაზრის ნაჩალნიკს, უ. გრგორიევს. სოფლები მოხარულნი თურმე არიან და იმედი აქვთ, რომ საქმე კეთილათ იწარმოებს.

ეს საქმე ისეთი საქმეა, რომ არ შეიძლება რამდენიმე სიტყვა-არ წარმოვსთქვათ იმის გამო. კაპიტალის შედგენა ამხანაგობით, სასოფლო ბანკები განათლებულს ქვეყნებში ჩვენ დროს უკეთესს საფუძვლათ და უპირველესს ღონისძიებათ არის მიღებული საზოგადო კეთილ-დღეობისთვის. ამ საგანზედ ჩვენმა მკითხველებმა კიდევ იციან „დროების“ აზრი, რომელიც გამოითქვა ორჯერ: პირველათ იმერეთის სააზნაურო ბანკის გამო, მეორეთ ევროპის ასსოციაციების გამო სტატიაში: „ისტორიული მოძრაობა განათლებისა“. ჩვენ შემდეგშიაც არ დავცხრებით; ყოველს ამ გვარს შემთხვევას სიამოვნებით მივიღებთ, რომ კიდევ და კიდევ მოვილაპარაკოთ ხოლმე.

მოვიგონოთ მოკლეთ, რაც რომ ამ საგანზედ იყო ნათქვამი „დროებაში“. ევროპაში გონების გახსნა და მეცნიერება ძალიან წარმატებაში შევიდნენ. მაგრამ, რასაც მეცნიერება უნდა მსახურებდეს, ჯერ, სამწუხაროთ, უკან არის დარჩენილი. ჩვენ ვამბობთ თვით ხალხის კეთილ-დღეობაზედ. სხვა-და-სხვა ღონისძიება არის ნაჩვენები საზოგადო ცხოვრების გაუმჯობესებისთვის. უმეტესი ნაწილი იმათ შორის უქმათ აღმოჩნდა. ბოლო დროს შესდგნენ იმაზედ, რაც რომ უკეთესი იყო: კაპიტალის დაწესებაზედ ამხანაგობით, ამხანაგობით აღებ-

მიცემაზედ და ბანკების შედგენაზედ; ფასი ალებ-მიცემობაში, პროცენტი ანუ სარგებელი ბანკში არის დადებული მცირე. საქმეს შეუდგებაან ხოლმე ძალიან ადვილათ თვით უღონონი და ღარიბნი: რამდენიმე ამხანაგი შეიტანს აბაზობით, მანეთობით, თუმნობით; ვისაც საკუთარი ფული არა აქვს, სესხულობს; ფული, რაც უნდა მცირე სარგებელი ჰქონდეს იმას, ძალიან მატულობს, თუ რომ ადამიანი გონივრულათ დააწესებს საქმეს. სულ ათი წელიწადია გასული, რაც ამხანაგობები დაიწყეს ევროპაში და რა გვართ გრძნობენ იმის საჭიროებას, რამდენათ არიან ახლა გავრცელებულნი, ეს სჩანს შემდეგის ფაქტიდამ: ანგლიაში—მთელს მცხოვრებლებში, ამხანაგობას ეკუთვნის ცხრიდან ერთი კაცი, ბელგიაში სამოცდა ოთხიდან—ერთი, ფრანციაში სამოცდა თექვსმეტიდან—ერთი, გერმანიაში—უფრო ნაკლებათ. რიცხვი სხვადასხვა ამხანაგობის წევრებისა მარტო ანგლიაში და ფრანციაში შეადგენს ხუთს მილიონზედ მეტს.

გსურთ შეიტყოთ, რა მჭიდროთ ამყარებს ამხანაგობა კეთილდღეობას? შეადარეთ იმ კაცის ცხოვრება, რომელიც ამხანაგობას ეკუთვნის, ცხოვრებას იმ კაცისას, რომელიც ამხანაგობაში არ არის შესული. მაგალითათ მოგვყავს დაბალი ხალხი: ერთიც და მეორეც ამ უწყებას ეკუთვნიან. ამხანაგობის წევრი რამდენისამე წლის წინათ ყოფილა ღარიბი და ლატაკი; ახლა კი იმას იმდენი აქვს შეძენილი, რომ კმაყოფილათ სცხოვრობს. რომელს ამხანაგობასაც უკეთ მიჰყავს საქმე, იმის წევრებს ფულიც ბლომათ აქვთ შეკრებილი, ასე რომ მარტო სარგებლით შეუძლიან სახლობა გამოკვებონ. გარდა ამისა, ის სწავლაზედაც ფიქრობს: შვილების სასწავლებლათ ამხანაგობები თვითონვე შკოლებს აწესებენ, თვით წევრებისთვის აწესებენ ბიბლიოთეკებს, საკითხავს კლუბებს. იმათ აქვთ პურისა და სხვადასხვა საჭირო მალაზინები: როგორათაც წევრები, აგრეთვე გარეშე პირნი ყოველს ხორავს, სავაჭროს ბევრით იაფათ პოულობენ ამ მალაზინებში, ვიდრე ბაზრებში და ბაზრის მოვაჭრეებში: იქ 15—20 პროცენტით ყოველივე ნაკლებია. თავიანთს სავაჭროს გასავრცელებლათ ისინი ხმარობენ უკეთესს ღონისძიებას, ზომიერებას და პატიოსნებას. ასე თითქმის ყველგან. ეს პატიოსნება აღმოაჩინეს ნამეტნავათ ბანკების საქმეში. ამხანაგობით შედგენილი ბანკები დიდათ ვრცელდება. აქ სარგებელი 10 პროცენტზედ მეტი არსად არის, ესე იგი ორ შაურზედ მეტი მანეთზედ წელიწადში. აი რა არის ამხანაგობა, ან რა სასარგებლოა ისა მთელის საზოგადოებისთვის. იმედი აქვთ, თავისს დროზედ მთელი ვაჭრობა, ალებ-მიცემობა ყველგან ევროპაში ამ გვარს ამხანაგობაზედ იქნება დამოკიდებული.

ამხანაგობის ღირსება უფრო მაშინ შეგვიძლიან კარგათ დავაფასოთ, როდესაც წარმოვიდგინოთ იმ კაცების ცხოვრებას, რომელნიც გაცალკეევებით სცხოვრობენ, ამხანაგობას არ ეკუთვნიან. იმათი ცხოვრება, იმათისვე არის მონებრივი: ისინი ბაზრის ვაჭრების ხელში არიან. ვთქვათ, ღარიბი კაცი ერთს თუმანს სესხულობს; ეს ერთი თუმანი იმას ძვირათ უჯდება: წელიწადში თხუთმეტ მანეთათ, ორ თუმნათ და უფრო მეტათ. ვალიდან ვერ გამოდის, ხორაგი, ყოველი გამოსაკვები აგრეთვე ერთი ორათ უჯდება იმას. ეს არის მიზეზი, რომ იმისგან ოფლით შეძენილი, ყოველი იმისგან ნაშრომი სხვებს მიაქვთ. ასეა მთელი იმისი ცხოვრება, ოჯახობის გამოკვება იმას არ შეუძლიან. ამის გამო უფრო გაძლიერდა ევროპაში პროლეტარიატი ანუ უკიდურესი სიღარიბე, რომელიც ჯერ კიდევ ძალიან არის გავრცელებული და ტვირთათ აწევს ევროპას. იმისი მოსპობა შეუძლიან მხოლოდ ასსოციაციას ანუ ამხანაგობას. რალა თქმა უნდა, რომ გონების გახსნა, სწავლა, პატიოსნება და ზნეობა პროლეტარებში შეუძლებელი საქმე არის.

ჯერ ჩვენს ხალხს არ გამოუცდია პროლეტარიატი. იმედი გვაქვს, არც ჩავარდეს ამ მდგომარეობაში, თუ ის თავისს კეთილდღეობისთვის ღონისძიებას მიიღებს. ჩვენი მხარე ბუნებას შეუშვია ყოველისფრით, ყოველის ნაყოფიერებით. კახეთი, იმერეთი, ქართლი სწორეთ სამოთხეა; ბევრი ქვეყანა არ არის ხმელეთზედ, რომ ამათ შეედრებოდეს. ამასაც არ ვიტყვი, რომ ზარმაცნა ვიყვნეთ: ჩვენ ვშრომობთ, მაგრამ ჯერ არ ვიცით, როგორ უნდა ვიშრომოთ, რომ ჩვენი შრომა ისევე ჩვენს ხელში დარჩეს; არც ეს ვიცით, როგორ უნდა ვისარგებლოთ ეს შრომა, რომ ჩვენც შევიძინოთ და სხვებსაც შევიძინოთ. ეს გვაკლია ჩვენ; ამაზედ უნდა ვიფიქროთ, ამას უნდა ვეცადოთ.

საკმაოა რამდენიმე სიტყვა, რომ ჩვენის ხალხის ახლანდელი მდგომარეობა გამოვხატოთ. ჩვენში კეთდებიან რამდენიმე ფულის მქონებელნი პირნი მრავალის შრომით და მოღვაწეობით. ეს წესით არ შეიცვალა, დიდს ვნებას მისცემს ყველას. ხალხს გააღარიბებს. ახლავე ვხედავთ, რომ ამ სიღარიბის გზაზედა ვდგევართ, და რამდენისამე დროს შემდეგ უეჭველათ პროლეტარიატში ჩავცვივით. ჩვენ ყველანი ვალში ვართ; ამ ვალიდამ ვერ გამოვდივართ. რა არის მიზეზი? ვთქვათ ოცი თუმანი მეჭირება და ვსესხულობ; მაგრამ ეს ფული მე ერთი ხუთათ და ერთი-ათათ მიჯდება. უბედურს გლეხს ყოველთვის ეჭირება ფული: იმან უნდა გამოჰკვებოს სახლობა, გაიღოს სახაზინო ხარჯი, აძლიოს მებატონეს. შოულობს ფულს პურზედ, ღვი-

ნოხედ. მაგრამ როგორ? ერთის კოდის მაგიერ მიაქვთ ათი კოდი, ერთის საპალნის მაგიერ—ათი საპალნე. ხან-და-ხან ორი სამი თუმნისთვის მამულსა ჰკარგავს, სარგებელი ისეთი უღვთოა, ისე მატულობს მცირე ხანში, რომ ვეღარ მოუხერხებია იმისი გამოხსნა. ეს სენი მთელს ხალხშია გავრცელებული, ხალხი გრძნობს თავის მდგომარეობას, მაგრამ მახეშია გაბმული და არ იცის რა ქნას.

ამ უბედურებაში ვინ უნდა მისცეს იმას შემწეობა? ეს მოვალეობა აძევს ყველა მაზრებში ადგილობრივს მოხელეებს, რომელნიც მთავრობისგან არიან დაყენებულნი; ის აძევთ აგრეთვე მიროვის პოსტდენიკებს და აგრეთვე ყველას, ვისაც სწავლა აქვს მიღებული და ესმის საქმის გარემოება. იმათ უნდა ჩააგონონ ხალხს, განუმარტონ, უჩვენონ მოსახმარი ღონის-ძიება. ეს ღონის-ძიება ძნელი არა არის რა. დააწესონ ამხანაგობები, შეადგინონ კაპიტალები. აბაზობით და მანეთობით იმათ შეუძლიანთ იმდენი, შეიძინონ, რომ საჭირო აღარ იყოს იმათთვის გარეშე სესხი, დამღუპავი იმათი შრომისა და ნაღვაწისა. გაიჩინონ პურის მაღაზინები, აქედან აძლიონ სესხით პური ზომიერი სარგებლით, ან გაჰყიდონ ხოლმე და აქციონ კაპიტალათ (თავნათ) და ეს კაპიტალთ ამუშაონ ხოლმე. ამხანაგობანი თვითონვე შეუდგენენ აღებ-მიცემობას: თვითონვე ჰყიდონ პური, ღვინო და სხვა ხორაგი და სავაჭრო. სხვას ნუ აძლევენ თავიანთ შრომას და ოფლს. დააწესონ სოფლებში პატარ-პატარა ბანკები, ბანკებს დაუნიშნონ ხუთიდან ათამდე პროცენტი ანუ სარგებელი...

მხოლოდ ამ გვარათ შეიძლება კეთილ-დღეობის გავრცელება ხალხში. თუ არ ამხანაგობით, არაფერი არ მოუხერხდება რა. მართალია ასში-ორასში ერთი გამდიდრდება, მაგრამ გამდიდრდება ყოველის უსამართლობით. მაგრამ საზოგადოებას რა? საზოგადოება მხოლოდ ღარიბდება, ზნეობით მცირდება.—აი, რა აზრები დაბადა ჩვენს გონებაში, როდესაც მღვთის განჩინება წავიკითხეთ. ღმერთმა ინებოს, რომ ეს საქმე დამყარდეს და გავრცელდეს სხვა მაზრებშიაც, ერთი სიტყვით, მთელს ჩვენს მხარეში. დასასრულ, ჩვენი სურვილი ეს არის, რომ ყოველივე ამგვარი შემთხვევა აცნობონ ხოლმე „დროების“ რედაქციას. ეს საჭიროა ჩვენთვისაც და ჩვენის მკითხველებისთვისაც. „დროების“ შემწეობით უფრო ადვილი იქნება იმის გავრცელება ხალხში. „დროება“ ეცდება კიდევ, უჩვენოს ხოლმე, თუ რადა რა საფუძველია საჭირო ამა და ამ შემთხვევაში, როგორ არის ის დაწესებული სხვადასხვა ადგილებში.

P. S. ტფილისის ლუბერნიის თავად-აზნაურობა ამ ორის წლის წინათ ბანკის საქმეს შეუდგა; როგორც გვახსოვს, ფულიც შეკრიბა, მაგრამ არ ვიცით, რა დაემართა ამ საქმეს, აგრეთვე წელს იმერეთის თავად-აზნაურობამ მიჰყო ხელი ამ საქმეს; არცა რა იქიდან გვაქვს ცნობა მიღებული. რას მივაწეროთ ეს ღუმელი? ნუ თუ არა გრძნობენ, ვის ხელშია ეს საქმეებია, რომ საზოგადო საქმის დაწყებაში ღუმელი მავნებელია?

ახალგაზრდა დედებს და ყმაწვილ ქალებს

ხშირად მოგვდის ხოლმე ლაპარაკი ჩვენს გამოუდევრობაზედ. ამბობთ, რომ არც კაცები ვარგივართ, არც ქალები და არც ახალგაზრდობა: იმისთანანი არა ვართ, როგორსაც მოითხოვს ჩვენი ქვეყანა, ჩვენი მდგომარეობა და ჩვენი დრო. ყველანი ვგრძნობთ ამისთანა უფარგობას; ამას ზოგნი გულში ვამტკიცებთ; მაგრამ თვით ის ბასრიკი არც ერთს არ მოგვიძებნია და არ გვიჩვენებია, რომლითაც შეგვძლებოდა ამოგვეკვებინა ჩვენი ნაკლულოვანება და ამით შეგვემცირებინა ჩვენი გაკიცხვა... რა არის ამისთანა ბასრი და წამალი საზოგადოების გაუმჯობესებისა?.. მაგრამ პასუხის მაგივრად ჯერ კიდევ ეს ვიკითხოთ: რა არის უმთავრესი მიზეზი ჩვენის გამოუდევრობისა და უხეირობისა?

ახლანდელი მეცნიერები ამბობენ; „კაცი არის ქმნილებათათვის გარემოებისაო“. ყოველი ახალგაზრდა დედა თავს დაჰხარის თავის პირმშო შვილს; იმის დედური გული და შვილზედ თავ-განწირული სიყვარული ხშირად უღაღდადებს თავის ახალ მოტიკტიკე ყმაწვილს: „შვილო შენ უნდა იყო წარჩინებული შენს ტოლსა და ამხანაგებში; შენ უნდა გამოხვიდე შეუღარებელი კაცი კაცთა შორის; შენ უნდა დაავიროვიო შენი მშობელი შენის სახელოთ“, —ყოველი დედა ამ გვარად უქადაგებს თავის შვილებს; მაგრამ ამ შემთხვევაში არც ერთი დედა კი თავის თავს არ ჰკითხავს, თუ რა გააკეთებს და რა გახდის იმის შვილს პირველ კაცად კაცთა შორის. ყმაწვილს ზეციდან არ გადმოველინება განუდრეკელი ხასიათი, გაუკიცხველი ზნე, მაღალი ჭკუა და მაგარი სხეული, რომელნიც გახდინა იმას საუკეთესო კაცად. ყველა ეს თვისება ყმაწვილს უნდა ჩაენერგოს მშობლიდან და იმ მაგალითებით, რომლითაც ყმაწვილია გარემოცული: შინა ცხოვრებაში. მაგრამ საუბედუროდ ჩვენებურს დედებს და მშობლებს შინა-აღზრდისა არა გაეგებათ რა და არც ესმით ყმაწვილის ხასიათი და იმის აგებულება.

ყოველი ახალგაზრდა ჩვენში სრულებით თავმინებებულია და იზრდება უყურადღებოთ. ჩვენის უმეცრების გამო ისინი მრავალს ცუდს მაგალითს ხედავენ ჩვენს ცხოვრებაში, შეითვისებენ ყოველს უმსგავსო ნაკლულოვანებას და შემდეგ ამ ცუდს დასაწყისზედ განიგრძობა იმის ზნეობითი დასრულება. მაშ ჩვენი უვარგობის მიზეზი არის ჩვენი შინაური და გარეგანი აღზრდა. სიყმაწვილეში არ გვეძლევა არავითარი გონიერი მაგალითი და ამის გამო სივაჟაკეშიაც ფუჭად ვატარებთ ჩვენს ცხოვრებას...*)

ჩვენში ყმაწვილი ქალები, რომელნიც დედობას ემზადებიან და თვით ახალგაზრდა დედებს განიყოფებიან ორ გვარათ: ერთნი არიან მდიდარნი, ამის გამო იმათ შეუძლიანთ გაიზარდონ სასწავლებლებში და მიაქციონ ყურადღება პედაგოგიას*), რომლის სწავლაც იმისთვის ცხოვრებაში მიუცილებლად საჭიროა. იმათ შეუძლიანთ სასწავლებლებში ისწავლონ, თუ რა რიგათ უნდა გაზრდი ყმაწვილს, ან რა თვისების არის ყმაწვილის ნორჩი აგებულობა, ან როგორ უნდა მოპყრობა ყმაწვილს, ან რა გარემოებაში უნდა ჩასდგეს ყმაწვილი, რომ იმას შეეთვისოს მაღალი ზნე და მაგარი აგებულობა, რომ შემდეგ გახდეს ყოვლისფრით სასარგებლო კაცი თავის ქვეყნისათვის. შეძლებულს და ინსტიტუტებში ნასწავლს დედებს შეუძლიანთ მოიპოვონ საპედაგოგო წიგნები, შეუძლიანთ გამოიწერონ ჟურნალები, რომელიც შეეხება ყმაწვილის განიერულს აღზრდას. ამით ისინი შეივსებდნენ თავიანთ სწავლას, რომელიც მიუცილებელი საჭიროება იყო იმათთვის, რადგან ამგვარის სწავლით, ისინი დააყენებენ კაცურს გზაზედ თავიანთს შვილებს. საუბედუროდ ამის მაგივრად ყოველი ჩვენებური დედა, რომელსაც თუ ცოტა რამე შეძლება აქვს, მაშინვე იმას ცდილობს, რომ როგორმე თავიდან მოიცილოს თავისი შვილი, მიაბაროს ძიძას და თვითონ კი თავისუფლად ისე ირნოს. ამის გამო პირველდაბადებითი აღზრდა იმ ყმაწვილებსა, რომელთაც შეეძლოთ გონიერად აღზრდილიყვნენ, ჩავარდნილია ყოველად უგუნურს ძიძების ხელში. უნდა განვიხილოთ ძიძას სახლობა და თვით სოფლური ტალახი, რომელიც შეეთვისება ყმაწვილს ცხოვრებაში და მაშინ დავრწმუნდებით, თუ რა უნდა გამოვიდეს ამისთანა ყმაწვილისაგან. შენ თვითონ იცი, მკითხველო, ჩვენებურს ძიძებში რამდენი გონიერება და კარგი თვისება იპოება, რამდენს სა-მაგალითო ჩვეულებებს, შთანერგავენ ისინი თითო ყმაწვილის სხეულში.

*) აქ ცენზორის მიერ არის ამოღებული

რ. ჯ. დ.

**) პედაგოგია ნიშნავს სწავლას აღზრდის შესახებ

აქედან სჩანს, რომ შეძლებულის დედების შვილებიც იმ გვარად იზრდებიან და არიან სრულებით უყურადღებოდ, როგორც მდაბალის ხალხის ახალგაზრდობა.

მეორე გვარის დედები არიან ღარიბნი, რომელთაც არა შესძლებიათ განათლების მიღება. ისინი მხოლოდ შინ არიან გაზრდილნი, ქართული წერა-კათხვა უსწავლიათ და ამით დაგვირგვინებულა იმათი გონების განათლება. რასაკვირველია, ამ გვარი დედები უფრო ხშირად თვითონვე ზრდიან თავ თავიანთ შვილებს, იმათ იმდენი შეძლება არა აქვთ, რომ შვილის აღზრდისაგან თავი იხსნან; მაგრამ აქედამაც არა გამოდის რა. ყმაწვილნი აქაც, როგორც ძიძის და გამდლები ხელში, არიან გარემოცულნი უმეცრებითა, ცუდის მაგალითებითა, რჩებიან უყურადღებოდ და ამის გამო ცხოვრებაშიაც შეიქმნებიან ქარაფშუტებად. ამგვარად გაზდილს ყმაწვილს შკოლის სწავლაც ბევრს სარგებლობას ვერ მისცემს. დაბადებიდან შეყოლილი ნაკლულევანება შკოლის შემდეგაც გაჰყვებათ და შერჩებათ მთელს ცხოვრებაში. ძალიან იშვიათად მოხდება, რომ შკოლამ გაასწოროს ყმაწვილის ცუდი ზნე, იმიტომ რომ ათას ყმაწვილში ჯეროვანი ყურის ვდება შეუძლებელია მასწავლებლისთვის.

მაშასადამე შეძლებულნიც და შეუძლებელნიც ყველანი ერთრიგად ზრდიან თავიანთ შვილებს. მთელი ჩვენი ახალთაობა გადის უმეცრების აკვანში; იქ შეითვისებს მრავალსგვარს ნაკლულევანებას და ცხოვრებაშიაც ვართ ზოგნი ზნეობით დამახინჯებულნი და ზოგნი სხეულით.

მანამ შინაურს აღზრდას ცოტა მაინც გონიერი საფუძველი არ მიეცემა, ჩვენს გამჯობინებასაც არა გაეწყობა რა და ყოველთვის უფარგნი დავრჩებით. ამისათვის ჩვენ მივაქცევთ ახალგაზრდა დედების ყურადღებას და ყმაწვილ-ქალების გონებას ამ საგანზედ. თუ რომ იმათი დიდური გული ისურვებს ყოველს კარგს თავიანთ შვილებისათვის, შეუჭველია ამასთან ესეც უნდა იცოდნენ, რომ ყოველი კეთილი ზნე იმათს შვილებს უსათუოდ შეეთვისება იმათგან. გონიერი საფუძველი ყმაწვილის აღზრდაში დაიდება დედისაგან. ამის გამო არაოდეს გონიერი დედა ერთი, რომ თავის შვილს ცუდს სახლობას არ გააზრდევინებს და მეორე, რომ ის ყოველთვის ეცდება მოიპოვოს შვილის აღზრდაში დიდი გამოცდილება და ცოდნა.

ამ შემთხვევაში რაც შესაძლებელია ჩვენც ვეცდებით ჩვენს გაზეთში დავსტიოთ ხოლმე ზოგიერთი ცნობა შვილის შინაურს აღზრდაზედ. ამგვარი ცნობა მიუცილებელი საჭიროა განსაკუთრებით იმ დედებისთვის, რომელთაც რუსულ სასწავლებლებში არ უსწავ-

ლიათ; ხოლო, რომელნიც ნასწავლნი არიან, იმ დედებს კი ვურჩევთ წაიკითხონ პედაგოგიური წიგნები; აგრეთვე სასიამოვნო იქნება რომ იმათ მოიპოვონ ერთი პედაგოგიური ჟურნალი, რომელსაც სახელად ჰქვიან „საყმაწვილო ბაღი“--„Детский сад“ და რომელიც გამოიცა პეტერბურგს, წლეფანდელ წელს, აპრილის თვიდამ.

ამ ჟამად გამოვსწერთ ამ ჟურნალიდამ ერთს სტატიას და იმედი გვაქვს ის უნაყოფოდ არ ჩაივლის მკითხველებისათვის.*)

*) იხ. სარედაქციო შენიშვნა
რედ.

სოქრეს სონეტები

წერილი პირველი

ქუთაისიდან. ჩვეულებრივ შემოდგომა იმერეთში სანატრელი დროა, მაგრამ წელს ამ დრომ გვიღალატა. დადგა თუ არა პირველი შემოდგომის თვე, სექტემბერი, თან მოიტანა ჩვენი დამლუპველი ზენა-ქარი და ამასთანავე ზაფხულის სიცხე დაიჭირა. ჩვენ მოველოდით ამ პოეტებისგან ქებულის და მსუქნად წოდებულის დროსაგან გაძლომას, მაგრამ გაძლომის მაგიერათ დმას უნდა დაგვამშიოს. გაზაფხული და ზაფხული იმერეთში ძალიან კარგი იყო მოსაველისათვის. მავნებელი აღმოსავლეთის ქარი, რომელსაც იმერლები ზენა-ქარს ეძახიან, მხოლოდ ერთხელ ამოვარდა ზაფხულში და ჰქრიდა ორს თუ სამ დღეს და არაფერი დიდი ზარალი მოუტანია. ყველანი მოხარულნი ვიყავით, რომ ზაფხულმა გაიარა და მოსაველი კარგის ჩანდა. მაგრამ ამ დასაქცევმა ქარმა თავისი მაინც არ მოიშალა, ორს კვირაზე მეტს ჰქროდა, ძლივს როგორც იქმნა გუშინწინ დაწყნარდა. ამასთანავე დიდი წვიმა დაიწყო, რომელსაც ჯერ კიდევ არ გადაუღია. — ვინც იმერეთში არ ყოფილა, იმისთვის ძნელი წარმოსადგენია, რა საძაგელი და მავნებელია ეს ქარი; ის ზაფხულში საშინელი ძლიერი და ცხელია. როცა ის ჰქრის, რეომიურის თერმომეტრი ხანდახან მზეში 40 გრადუსამდე აიწევს. ჰაერს აშრობს, მცენარეს აჰკნობს და ამტვრევს, ადამიანს სუნთქმას უძნელებს და ალონებს. არა ხანგრძლივი გოლვა არ ახმობს ისე მიწას და არ არის ისე მავნებელი, როგორც ეს ქარი. ძნელი ასახსნელია, სად იზადება და საიდან მოდის ეს ქარი. ის ქრის აღმოსავლეთიდან, მაგრამ ეს არის შესანიშნავი, რომ ქართლმა ეს ქარი არ იცის. ზენა-ქარი ჰქრის მომეტებულათ საკუთარს იმერეთში და სამეგრელოში; იმათ გარშემო მდებარე მხარეებს (რაჭას, ლეჩხუმს, აფხაზეთს, გურიას და ახალციხის უეზდს) ის ან სულ არ ხვდება და ან ნაკლებათ.

ამ ქარს რომ არ წაეხდინა, მოსაველი ჩვენში ძალიან კარგის ჩანდა, იმედი კი გვაქვს მაინც, რომ საყოფრ მოვა. თუ უქარობა არ

შეიძლება, კიდევ ბედია, რომ ის სექტემბერში ამოვარდა; ახლა იმოდენათ მაინც ვერ გვაზარალებს, როგორათაც ზაფხულში, ერთი რომ ახლა ქარი უფრო გრილია და მეორე სიმინდი დაწვეთებულია, ნაგვიანებს თუ აწყენს კიდევ, თორემ ნაადრს ბევრს ვერაფერს დააკლებს.

იმერეთში ბევრი სხვადასხვა რიგი საზრდო მოდის. თავი და ყველაზედ უფრო გავრცელებული ჭირნახული სიმინდი არის. იმას ყოველგან სთესვენ, მთის ადგილებშიაც და ბარშიც. თუ სიმინდი კარგათ მოვიდა, პურის მოუსვლელობას ადვილათ შოითმენენ იმერეთში. როცა კარგი მოსავალია, იმერეთს კარგი ძალი სიმინდი გადარჩება ხოლმე გასასყიდლათ და ეს გადარჩენილი ზღვით გააქვთ ოსმალეთში.

პურს სთესვენ უფრო ზემო იმერეთში, რაჭაში, ლეჩხუმში და სვანეთში; ვაკე იმერეთში, გურიაში, სამეგრელოში და აბხაზეთში იშვიათად. ვაკეში ერთი ცუდა თვისება აქვს პურს: როცა პურს გაღეწენ, თუ მაშინვე კარგათ არ გაირეცხა, შეხურდება და გაუჩნდება პეპელი, რომელიც მარცვალს გულს გამოუხრავს და წაახდენს. წელს პურის მოსავალი იმერეთში საქები ვერ არის.

რომელს ადგილებშიაც პური ცოტა ითესება, იქ იმის მაგიერათ ლომი მოჰყავთ. წელს ლომის და ფეტვის მოსავალი კარგი სჩანდა, მაგრამ ქარმა დიდი ზარალი მისცა, დამწვებული ლომი და ფეტვი, სულ გასცალა მარცვლისაგან.

ღვინო ბევრი მოღაოდა წინათ იმერეთში, ათს წელიწადზე მეტი არა ცამხარეში გაჩნდა ყურძნის ავათმყოფობა, რომელსაც სწავლულეები ეძახიან იდიუმ ტუკკერს (*Oidium Tuckeri*) და ღვინის მოსავალმა ძალიან დაიკლო. თუ მოდიოდა ღვინო კიდევ მთის კალთებზედ, რომელთაც წინათაც მეტი და უკეთესი ღვინო იცოდნენ, თორემ ვაკეში ყურძენი სულ წახდა. მას აქეთ, რაც ყურძნის ავათმყოფობა გაჩნდა წლებიანდელსავე ვენახს არ სხმია, მაგრამ ზენა-ქარმა ისიც დიდათ დააზარალა. იმერეთში უფრო ხშირია მალლარი (ხეზედ გაშენებული) ვენახი, მინამ დაბლარი. დაბლარი ვენახი ბევრი არ წაუხდენია, მალლარი თითქმის სურ ცალა ყურძნისგან, დაუმწიფებელი მტევნები ქარმა ხეებიდამ ჩამოყარა. შესანიშნავია, რომ ყირიმიდამ მოტანილს ყურძენს იზაბელლას არ ემართება იდიუმ ტუკკერი და ამის გამო ეს ყურძენი არ ხდება. ბევრმა ამის დამნახველმა გააშენა იზაბელლა იმერეთში, მაგრამ ამ ყურძენს ერთი დიდი ნაკლუღევანება სჭირს—იმისგან კარგი ღვინო არ დგება.

აბრეშუმი იმერეთში წელს აგერ-ეგერ მოვიდა. მმართველობაჲ დაარიგა ცოტ-ცოტა აბრეშუმის თესლი. ეს თესლი იყო ორ გვარი:

ერთი იაპონური და მეორე ნუხური. პირველმა ივარგა და მეორესულ წახდა. ადგილობრივმა თესლმაც ვერ იხარა. დიდი ზედნიერება იქნება იმერეთისათვის, თუ შემდგომს წელში საკმაოთ დარიგდა იაპონური თესლი. ღვინის და აბრეშუმის ავთიმყოფობამ გააღარბა ხალხი იმერეთში. პირველი ფულის საშოვარი საშუალება ჩვენში ღვინო და აბრეშუმი იყო. გლეხი მოიწვედა ღვინოს და აბრეშუმს, გაყიდა იმათ, ამ ფულით ტანსაც ჩაიცვამდა და სახელმწიფო ხარჯსაც გადიხდიდა. ახლა ორივე ეს საგანი მოისპო, ხალხს ძალიან გაუჭირდებოდა, რომ ამ მდგომარეობაში იმას ბამბა არ დახმარებოდა. იმერეთში ძალიან კარგი ბამბა მოდის; აქაურს ბამბას ბევრათ ამჯობინებენ ერევნისასა და იმაზედ მეტათაც ფასობს, მაგრამ წინათ ცოტას თესვიდნენ; როცა ამეროკის ომის გამო ბამბას კარგი ფასი დაედვა, მაშინ მოუმატეს იმისი თესვა. შარშან ბამბა კარგათ ფასობდა, ფუთი 18 მანეთათ გადიოდა ადგილზედ და ბევრიც გაიტანეს იმერეთიდან ევროპაში. იმისთანა მოსახლე გლეხები არიან ვაკე იმერეთში, რომელთაც შარშან გაყიდეს ორმოც და ათის; სამოცი თუმნის და კიდევ მეტის ბამბა. წელს ბამბა ბევრი სთესია და ძალიან კარგათაც მოვიდა, მაგრამ ჯერ ნაკლებ ფასობს, ვაჭრები ფუთში თუმანს იძლევიან. იტყვიან: „ერთი ჭირი მარგებელიაო“. ეს ანდაზა წელს ზენა-ქარმა გაამართლა. სხვა მოსავალი წახდინა, ბამბას კი ძალიან მოუხდა და კარგ დროსაც მოუსწრო, თუ შემოდგომაზედ კარგი ამინდი არ დაესწრო და ქარი არ მოხდა, ისე ბამბის ჰარკები ან ვაშლები, როგორც იმერეთში ეძახიან, არ გაიშლება. ამ შემოდგომას იმას არც კარგი ამინდი დაჰკლებია და არც ქარი. მშვენიერი სანახავია ახლა ბამბით დათესილი ყანები, პარკები დამსკდარან და გამოუშლიათ მზეში ნაზი და თოვლსავით თეთრი ბამბა. ბამბის შემუშავებაში ყველაზე უფრო უძნელდებათ ჩვენში ომის გარჩევა, კურკის მოცილება ბამბისგან.

აქაური ჩიხრიხით ბამბა დიდის ცოდვილით ირჩევა და ევროპიული მხოლოთ რამდენსამე პირსა აქვს იმერეთში. ძალიან კარგს საქმეს იზამს კავკასიის სოფლის მეურნეობის საზოგადოება, რომ ევროპილამ დაიბაროს ბამბის სარჩევი ჩიხრიხები და ქუთაისში გაყიდოს. ამ გვარის ჩიხრიხის გავრცელება ძალიან სასარგებლო იქნება იმერეთისთვის.

ზაფხული ჩვენში მთელი იყო. იმერეთის ჩვეულებრივი ავთიმყოფობა ცივებ-ცხელებს და მუცელა წელს, ღვთის მადლით, იშვილათად არის. მხოლოთ ამ თვეში ერთმა ცუდმა სენმა დააპირა შემოპარვა, მაგრამ იმედი გვაქვს, რომ ის ბევრს ვერაფერს დაგვაკლებს.

რადგანაც ახლა კიდევ აგრილდა და ზამთარიც გვიახლოვდება. ეს სენი ხოლერა არის. პირველათ ხოლერა ჯარს გაუჩნდა აფხაზეთში, სადაც ის უეჭველია, ყირიმიდამ გადმოვიდა. როცა შემდეგ ჯარი დაიშალა აბხაზეთში, შემდეგ ხოლერაც გაწყდა იმერეთში. ამბობენ ახლა ფოთში და ზუგდიდში არისო ხოლერა, მაგრამ სუსტი. ქუთაისში ორს თუ სამს კაცს გამოაჩნდა ხოლერა, ისინი სამნივე სოხუმიდამ იყვნენ მოსულნი. აგრეთვე სოფლებში გამოაჩნდათ ეს სენი ზოგიერთს პირებს, რომელნიც მილიციაში იყვნენ აბხაზეთში და იქიდან მოკლე ხანში დაბრუნდნენ.

როგორც წინათვე მოსალოდნელი იყო აბხაზეთში არეულობა უჩხუბრათ გათავდა. მმართველობამ მოსთხოვა აბხაზეთს იარაღის აყრა და მოცემა თავი კაცებისა, რომელთაც არეულობა მოახდინეს. ვინც კი კოდორის მდინარის გაღმა სახლობენ ყველამ თოფი და დამბაჩა აიყარეს და ჩააბარეს რუსის ჯარს. არეულობის თავი კაცებთან ზოგი დაიჭირეს და ზოგნი თვითონ გამოვიდნენ რუსებთან. ახლა ეს მხარე სრულებით დამშვიდებულია.

წერილი მეორე

ქუთაისიდან. წარსულს კორესპონდენციაში ჩვენ ვუჩივლით ქარს, რომელმაც სექტემბერში შეგვაწუხა. ოქტომბერში მოვიდა იმისი წინააღმდეგი წვიმა, მაგრამ იმ გვართ, როგორც ჩვენში იტყვიან: „ვანის გავეყარეო და ვუის შევეყარეო“. ამ თვის განმავლობაში თითქმის სულ წვიმა. იმერეთში ხშირად იცის დაჟინებული წვიმა. მაგრამ არ ნახულა იმისთანა წვიმა, როგორიც წარსულს კვირაში მოდიოდა. ეს წმინდა წარღვნა იყო. ერთის ორშაბათიდან (17 ოქტომბერს) დაწყებული მეორე ორშაბათამდე ცა მოდებული იყო შავი ღრუბლით, მზეს ერთხელაც არ გამოუხედიდა და განუწყვეტელი წვიმა კოკასავით ასხავდა. სადაც მოსსე არ არის, გზაზედ კაცს არ გაეგლება. მდინარეები და ხევის წყლები გადირიენ, გადიარეს ნაპირები, წაახდინეს წისქვილები და გზები, მოიტაცეს ხიდეები, ხეები და რაც რამ ნაპირას დახვდათ. რიონი ქუთაისში ძალიან მომატებული არ არის, ამისათვის რომ მთები დაუთოვლია და ამით საზრდოც მოკლებია; ქვევით, ამბობენ, ძალიან დიდიაო, რადგანაც ქუთაისის დაბლა იმას ერთვის ბევრი წყლები, რომელთაც წვიმის დროს ძალიან მომატება იციან.

ამ დიდმა წვიმამ ახლაც კარგი ზარალი მოახდინა, მაგრამ კიდევ ბედია, რომ ის იმ დროს მოვიდა, როცა ქირნახული მოწეული იყო. უფრო ადრე, რომ მოსულიყო ქალებში სულ წაახდენდა ქირ-

ნახულს, როგორც შარშანწინ მოხდა დად წყლობის დროს. ახლა წვიმამ ნამუშავართაგან მარტო ბამბას მოუსწრო. ის კიდევ არ იყო სულ მოწეული და კიდევ ავნო. თუ ამის იქით მაინც კარგი დარი დადგა, ბამბას კიდევ არა უშავს რა, გამოივარგებს. ეს სამი დღეა შშვენიერი დარი დგას, მაგრამ ვინ იცის დიდხანს გასწევს თუ არა?

წერილი მისამე

ქუთაისი, 22 დეკემბერი, 1866 წელს. ამ უკანასკნელის ორის კვირის განმავლობაში თეატრზე და სათეატრო წარმოდგენებზედ ქუთაისში ხშირი ლაპარაკი იყო. ვისთანაც უნდა მისულიყავით, სადაც უნდა გაგველოთ, განსაკუთრებით აქაურს ბულვარზე, თითქმის ყოველგან და ყოველთვის მოჰკრავდით ყურს თეატრზე ლაპარაკს. ალბად წარმოდგენები ხშირად ყოფილა, იფიქრებ—და არ მოსტყუებდები; მართლაც გახშირდა აქ სპექტაკლები: ორი კვირის განმავლობაში ხუთი სპექტაკლი ხუმრობა, არ არის ამისთანა ქალაქისთვის, როგორც ქუთაისი, და არა როგორც ტფილისი, სადაც ზანდიხან არა თუ ოთხი-ხუთი, არამედ ბევრად უფრო მეტაც წარმოდგენა რამოდენიმე დღის განმავლობაში—ჩვეულებრივი საქმეა. მერმე კიდევ ისიც უნდა ვსთქვათ, რომ თუმცა ქუთაისში ყოველ წლობით არის ხოლმე სპექტაკლები, მაგრამ ეს არის შობა-ახალ წლის და აღდგომის დღესაწაულ დღეებში და ყველიერში და არა ამისთანა დროს. ქართულ ენაზე იყო მხოლოდ ორი წარმოდგენა, იმათგან ერთი გუშინ საღამოს. პირველ წარმოდგენაში, რომელსაც მე არ დავსწრებივარ, ყოფილიყო „გაყრა“, „შეშლილის“ თანდამატებით, წუხელის წარმოდგენის „ძალათ ექიმი“.

ორივე წარმოდგენაზეს ჰქონდა საკმაო-წარმატება. საზოგადოთ სპექტაკლს ყოველთვის დიდი წარმატება აქვს ქუთაისში.

ერთი-მხრივ ის არის, რომ აქ არ არის ნაკლულევიანება ნიჭიერ წარმოდგენელ პირებში, ასე რომ შესახებ ზოგიერთ ამისთანა პირებთა, მგონი, ტფილისსაც შეუძლიან შურის თვალით შეხედოს ქუთაისს. ეს პირები—კაცებიც და მანდილოსნიც—ყოველთვის დიდი ხალისით მიიღებენ ხოლმე მონაწილეობას წარმოდგენაში; დაზარება ამათგან არ შეიძლება. ამასთანავე პუბლიკაც ყოველთვის დიდის ხალისით დაესწრება ხოლმე წარმოდგენასა, ასე რომ ხშირად ვერ ეტევიან აქაურს თეატრში. ვამბობ თეატრაში, მაგრამ აქედგან არავინ იფიქროს, რომ ქუთაისში არის საკუთარი სათეატრო სახლი, როგორც არის, მიგალითებრ ტფილისში და სხვა დიდ ქალაქებში; არა, ქუთაისს არ აქვს სათეატრო სახლი, წარმოდგენა არის ხოლმე

ძველ კლუბში, როგორც ეძახიან აქ იმ სახლს, რომელშიაც წინათ კლუბი იყო.

სასპექტაკლო ზალა ამ სახლის ძლიერ ვიწროა; ხშირად არ იტევს ხოლმე ყველა მსურველ მაკურებლებსა. ამის გამო ადგილებს საკმაოდ დიდი ფასი აძევს; იმაში არაოდეს არ არის ხოლმე ხუთ ექვს შაურიანი ადგილები, როგორც ტვილასის თეატრში. ზალა რომ დიდა იყოს, მაშინ ადგილებს უფრო ნაკლები ფასი ედება, უფრო ბევრი ხალხი ივლის; ადგილები არაოდეს არ დაჩრება ცარიელი, თორემ მოხდება ხოლმე, ხანდახან—თუმცა ეს არ ითქმის ახლანდელ წარმოდგენებზე—რომ ხალხი ცოტაა სპექტაკლში. ამის მიზეზი ბილეთების სიძვირეა და ვერეთი სავიწროვ სათეატრო სახლისა არის ერთი ძნელი საქმე, რომელაც სჭირს ქუთაისის ანუ, სპეგბრ ვსტევათ, ქუთათურების ესთეტაკურს შექცევას. მეორე ის არას ძნელი; რომ ქართული რეპერტუარი (სათეატრო პიესები) მეტად მკირეა. ამაში ქუთაისის თანამოზიარეა ტვილისიც.

სულ ერთი და იგივე „გაყრა“, „ძუნწი“, „მზის დაბნელება“ და სხვა სამი ოთხიოდე პიესები—აი მთელი რეპერტუარი, ერთი და იგივე ხშირად მოკლე დროში განმეორებული, მოსწყინდება კაცს; თავს მოაბეზრებს; კარგია კიდევ, რომ ამ პიესებში ერთი ორიოდე, მაგალითებრ „გაყრა“ ისეთი პოპულიარულია, ისე კარგათ არის მიღებული, რომ ყოველთვის მოსწონს პუბლიკას. ასეთი ბედი ექნება თუ არა „ძალათ ექიმს“, რომელიც შეემატა ჩვენს რეპერტუარს და რომელიც წუხელის წარმოდგინეს? არა მგონია.

მართალია, სიცილი და ხარხარი ბევრი იყო წუხელის. ალბათ სასაცილოა, ალბათ თავისი ნამდვილი ცხოვრების სახეს ხედავენო შიგ და პუბლიკას მოსწონს და ტაშს უკრავსო,—სთქვა ერთმა ჩემ ახლოს მჯდომარე პირმა, რომელსაც ქართული არ ესმოდა. დიახ, სასაცილოა, მაგრამ სასაცილოც იქნება და სასაცილოც: ერთი გოგონისაგან მოხსენებული კაცისა არ იყოს, ზოგიერთს თითიც რომ უჩვენო, საშინლად გაიხარხარებს, ზოგი უმიზეზოთაც იცანის. ჩვენ ხომ საზოგადოდ ქვემოურები მცხოვრებნი დასავლეთის საქართველოსა, მხიარული ხალხი გახლავართ.—არა, უაჟო, მეუბნება ერთი მეზობელი, მხიარულება სადღა არის. წავიდა ის დრო. უწინ გაამებოდა კაცის შეხედვაც, ყველას მხიარული მოცინარე პირის სახე ჰქონდა: ლხინი, ქეიფი, შექცევა საყოველთაო იყო, ახლა ყველა ჩაფიქრებულია, დაღვრემილია: შეხედე ამ ჩემ მეგობარს, როგორ ჩამოუშვია ცხვირ-პირი, ასე გგონია, რალაც საშინელი უბედურება დამართიაო, თუ არა და შეხედე კიდევ აი ამ მოხუც კაცს, რომელსაც

კარგათ იცნობ, გინახავს როდისმე, რომ მის პირზე ღიმილი არ ყოფილყოს, არა თუ მაშინ, როდესაც სხვასთან ლაპარაკში და შექცევასში ყოფილა, არა—მარტოკაც სადაც მინახავს, სულ ღიმილი იყო მის ტუჩებზე, სულ იცინოდა. აბა, ახლა შეხედე, როგორი დამწუხრებული, მტირალა პირის სახე აქვს. წავიდა წინანდელი დრო, ქეიფი.—ლმერთმა ასე ქნას—ვამბობ მე.—როგორ!.. რომ ყველანი დამწუხრებული და დაფიქრებულნი ვიყოთ?—სიანჩხლით მკითხავს ჩემი მოსაუბრე, განა მწუხარება და ტირილი სჯობს მხიარულებას?—ხშირად ასე სჯობს—ვეუბნები მე, მართალია ზოგიერთი კაცი თუნდა იცინოდეს, თუნდა სტიროდეს, აქედგან ხეირი არა გამოვა რა; მაგრამ თუ კაცი უფრო უბედურაა, მინამ ბედნიერი,—მაშინ მხიარულებას და სიცილს მწუხარება და ტირილი სჯობს. სხვა არა იყოს რა, ეს კეშმარიტებასთან უფრო ახლო იქნება.—მეც ამას ვამბობ—მეუბნება მოსაუბრე; მე ვამბობ, რომ უწინ უფრო მხიარულება იყო, ამიტომ რომ უზრუნველი დრო გვექონდა;—მე კიდევ მას ვამბობ—თუგინდ დაიჯერე, თუგინდ ნუ, დრო უწინ ბევრად უარესი იყო, უფრო უბედურნიც ვიყავით... ძველ დროს ბევრად სჯობია ახლანდელი დრო; თუ უწინ უფრო სიმხიარულე იყო, მინამ ახლა, ეს იმას ნიშნავს, რომ ახალი დრო სჯობნებია. ახლა ყველანი ჩაფიქრებულები არიანო—ამბობფ თქვენ; მე კიდევ ვიტყვი: ღმერთმა ქნას, რომ ასე იყოს. ფიქრი კარგი საქმეა; ფიქრში ჩავარდნა, ქკუაში ჩავარდნის მომასწავებელია, წინაშობელია. მაგრამ მეკი ასე მგონია, რომ ჩვენ ჯერ არა ვართ საკმაოდ ფიქრში ჩავარდნილნი...

ამასობაში მე დამავიწყდა იმის მოხსენება, რაც დავდაპირველად იყო სათქმელი. მე ვსთქვი ზევით, რომ ახლანდელი წარმოდგენები ჩვეულებრივს დროს არ მომხდარა. რა იყო მიზეზი წარმოდგენების დახშირებისა ამისთანა დროს? ეს წარმოდგენები იყვნენ ქალუბრის სასწავლებლის სასარგებლოთ, რომელიც გაიხსნა ქუთაისში ორი თვის წინეთ გენერალ-გუბერნატორის, კნიაზის სვიატოპოლკ-მირსკის თავობით. დანიშნულება ამ შკოლისა ის არის, რომ აქაურს ღარიბი კაცების ახალგაზრდა ქალებს მიეცეს ღონის-ძიება, რომ უსასყიდლოთ ისწავლონ წერა-კითხვა და, შეძლების და გვარად, სხვა უსაჭიროესი ცნობაები და ხელ-საქმობა. ამ შკოლის გახსნა დიდად სასიამოვნო და სანუგეშო ფაქტია. იმერეთი, როგორც საზოგადოდ მთელი საქართველო, ძლიერ ღარიბია სასოფლო შკოლებით, მაგრამ რაც უნდა იყოს, ვაჟებისთვის კი ოთხი ხუთიოდე სასწავლებელი მაინც არის, ქალებისთვის ძლიერ ნაკლები არიან საზოგადო სასწავლებლები. მთელს დასავლეთს საქართველოს ერთად-ერთი ქალების სასწავლებე-

ლი აქვს ქუთაისში. მე ვამბობ წმინდა ნინოს სასწავლებელზე (ზავედენიაზე). ამოდენა მხარისთვის რას ნიშნავს ერთი ქალების სასწავლებელი? მერმე კიდევ ბევრს შეუძლიან იმაში შვილი გაზარდოს? ძალიან ცოტას. აი რისთვის არის დიდად სასიამოვნო ახალი შკოლის გახსნა. ჯერ-ჯერობით 50 პატარა ქალები დადიან სასწავლებელში. როგორც ამბობენ, მსურველები სხვებიც ბევრნი არიან თურმე, მაგრამ, სახლის სიეიწროვის გამო, მეტს ვერ იღებენო. სახლის ქირას და სხვა შკოლის ხარჯს კერძო შეგროვებულ და შემოტანილი ფულებით იხდიან. სულით და გულით ვისურვებთ ამ სასარგებლო საქმისთვის სრულს წარმატებას.

ამ შემთხვევით არ შეგვიძლიან არ გამოვაცხადოთ, თუ რასა წაწყენია, რომ არავითარი ცნობა არ გვაქვს სასოფლო შკოლებზე საქართველოში. ეს ცნობები დიდათ საინტერესოა იმ მნიშვნელობის გამო, რომელიც აქვს ხალხში განათლების გავრცელებას. ნუ თუ სულ არ არის სოფელის შკოლები საქართველოში, რომ მათზე არაფერი იხმის?..

ბანათლების გავრცელებაზედ საქართველოში

„უნდა ვეცადოთ, რომ ჩვენის ძვლებიდან არ დაიბადოს ჩამომავლობა, რომელმაც დაგვიწყოს წყევლა და დევნა“.

(ერთი ლათინური სწავლული)

ქართველო კაცო! შენ, ვგონებ შეეჩვიე ცოტ-ცოტათ პირში თქმასა. გწყინს, თუ არა, ეს საჭიროა ვიცოდეთ, რომ შემდეგ ისე გელაპარაკოთ. ვიცით შენში ჯერ იმოღენათ არ არის დაქარგული ის რაინდობა და ძველი გულ-გახსნილობა, რომ არ გიამოს შეიტყო შენს თავზედ სწორი ამბავი. შეგიძლიან, ჩემო ქართველო, იმაზედ დაგვემდურო, რომ ამბავი ისე არ გაცნობეთ; ქეშმარიტება გამოგცვალეთ; მაგრამ იმედი გვაქვს და არც-სიმაართლე გვაქვს, იმაზედ დაგვემდურო, როდესაც პირში მართალს და ქეშმარიტს ამბავს გეტყვი, თუნდ საკუთრად შენზედაც რომ იყოს ნათქვამი ეს ამბავი. მაგრამ ჩვენდა საუბედუროთ, არიან კიდევ იმისთანა პირები, რომელთაც ყველა სწორეთ ნათქვამი ამბავი ქართველზედ და საქართველოზედ გინებათ მიაჩნიათ, და ჰკონიათ, ვითომც ჩვენ ქართველები არ გვიყვარს და ამიტომაც მივაწერთ ხოლმე იმათ ყოველს ცუდსა. ჩვენ კიდევ ვიცათ, რომ არიან იმისთანა პირნი, რომელნიც ისე ფიქრობენ, მაგრამ, ჩვენს საუბედუროთ აშკარათ და სახალხოთ კი ხმას არ იღებენ და სხვანაირათ უცხო პირსა, ჩუმად უჩურობენ ხოლმე, ვითომც ამისთანა მოქმედებით ქართველების სახელს დავიცვათო შეურაცხებისგან.

არა, მაგისთანა მოქმედებას, ცრუნო-მზრუნველნო, რიგიანი პირები არ დაგიმადლებენ და ჩვენ, ჩვენის მზრით, სულყველასა ვთხოვთ, რომ თუ რაშიმე ვცდებით, ან ტყუილს რასმე ვამბობთ, გვიჩვენონ და გვამტყუნონ სახალხოთ; ჩუმათ ლაპარაკს უცხო კაცთან კი თავი დაანებეთ. ჩუმათ ლაპარაკი ძალიან ადვილი საქმეა და, რასაკვირველია, იმის მოქმედნიც ზურგს-უკან მოლაპარაკენი

არიან. ყველამ ვიცით რაც ხელობა არის ზურგს-უკან ლაპარაკი-
უცხო კაცთან და რა მანებელი საქმე გამოვა იქიდან.....*)

გიორგივე, ქართველო კაცო, თავი დაანებო ამისთანა მოქმედებას;
გეყო რაც ზურგს უკან ილაპარაკე შენს სიცოცხლეში და ვნახეთ რაც
ნაყოფი გამოვიდა მანდიდან. ამიტომაც სჯობს თავი დაანებო. თუ
გაქვს რამე სათქმელი, რომელიც მთელს საზოგადოებას შეეხება,
სთქვი სახალხით, თუნდ საკუთრათ ჩვენზედ. „დროების“ რედაქცია
სულ ყოველთვის სიხარულით დაბეჭდავს ყველა სტატიებს, რომელ-
შიაც კი იქნება ნაჩვენები რედაქციის შეცდომილება; რასაკვირველია
ამასთან უფლებაც კი ექნება იმას, რომ მოიხსენოს პირველათვე,
თუ რაზედ არ ეთანხმება სტატიას, და პასუხიც მისცეს თავის დროს.
სულ-ყველა გონიერს და რიგიანს კაცს უნდა ესმოდეს, რომ აზრის გამო-
სათქმელათ ჩვენვე ერთი-ერთ მანეთს არ უნდა ვსდევდეთ და აგრეთვე
არც უნდა დავუშალოთ. რასაკვირველია ყველა კერძო პირს უნდა
შეეძლოს თავისუფლათ გამოსთქვას თავისი აზრი, რამდენათაც კა-
ნონი მისცემს უფლებას.

ამ ჟამათ დავიწყოთ ლაპარაკი იმაზედ, რომ გაუნათლებლები,
ლარიბებო, ამაყ-გულიანები და მფანტველები ვართ. დიდხანს გასწევს
და არავისთვის ეს ახალი ამბავი არ არის და სულ ყველამ ვიცით
ეგ თითქმის. როგორც სჩანს ეს ნაკლულევანება ჯერ კიდევ დიდხანს
გასწევს. ვეცდებით ამაზედ სხვა ალაგს მოვილაპარაკოთ ახლა კი-
გესურს ორიოდ სიტყვის თქმა განათლებაზედ.....*)

უპირველესი ნიშანი განათლებისა არის წერა-კითხვის გავრცე-
ლება საზოგადოებაში და იმის ცოდნა, თუ რასა კითხულობს ხალხი
და რა წარმოსდგება იქიდან. ვინც თვალს ადევნებს ხალხების მოძ-
რაობას და განათლებას, იმან იცის, რომ ყოველს ევროპიის და უმე-
ტესად ამერიკის ქვეყნებში ცდილობენ, რომ ყველა საზოგადოების
წევრმა უთუოდ იცოდეს წერა-კითხვა, რომ ამ ცოტას ხანში წერა-
კითხვა ნეგრებშიაც კი გავრცელდა; ამის დასამტკიცებლათ წარმო-
ვადგინთ ამ ფაქტსა: წრეულს ვირჯინიაში (შტატია შეერთებულს
ამერიკის შტატებში) იყო ამ გვარი შემთხვევა: 170 ამერიკელში,
რომელნიც იყვნენ სამუშაოთ ერთს ალაგას, მარტო სამმა იცოდა
წერა, რომ მოეწერათ თავიანთი გვარი და სახელი; 140 ნეგრებიდან
კი 92 იცოდა წერა და კითხვა, რომლებმაც მოაწერეს ადვილად თავი-
ანთი გვარი და სახელი. ამერიკელი ვინკლერი ამოწმებს, რომ სამ-
ხრეთის ამერიკის ნეგრები ძალიან ცდილობენო თავიანთს განათლე-
ბას. ნუ—ორღეანის შკოლებში 20 ათასი ნეგრების ქალი და ვაჟი
დადიანო ყოველს ღდეს. იმავე ქალაქში, 4 ათასი მოზრდილი კაცი

*) ცენზორის მიერ არის ამოღებული რედ.

დადის საღამოს შკოლებში. ამახედ რას იტყვი, ჩემო გულგრილო ქართველო? ჩვენ შეგვიძლიან საქვეყნოდ ვსთქვათ, რომ საქართველოში მრავალი იმისთანა სოფელია, სადაც არამც თუ პატარამ, დიდებმაც კი არ იციან წერა-კითხვა. მაგალითად არის ბევრი იმისთანა სოფელი, სადაც ას-ორმოცდა-ათას კომლში, მღვდლისა და დიაკვნის მეტმა ერთმა არავენ იცის წერა-კითხვა. რამდენი აზნაურის შვილები გვინახავს იმისთანა, რომლებმაც წერა-კითხვა არ იციან, თუმცა ძალიან კი ამაყობენ და ტრახახობენ თავიანთის ჩამომავლობით. მრავალი იმისთანა თავადები და აზნაურები არიან, რომლებმაც თავის სახელის და გვარის წაკითხვა და მოწერა თუ იციან, ისიც ძალიან კარგი საქმეა; წიგნის წაკითხვას ხომ ვინღა ჩივის, აი ის მაგალითი, ქართველო, რომ ჩვენ განათლებაში ნეგრებსაც კი დაუფარდით, იმ ნეგრებს, რომლებსაც ამ ოთხისა და ხუთი წლის წინათ პირუტყვად რაცხავდნენ ამერიკაში. შენ კი, დიდგულო ქართველო, ძალიან ტრახახობ ჩამომავლობით და გვაროვნობით.

ისიც უნდა შეიტყო, თუ რასა კითხულობენ ნეგრები? დიახ, ესეც კარგი შესატყობი ამბავია, რადგანაც მარტო წერა-კითხვა მაგდენს არას მისცემს ადამიანსა, თუ ამასთან ღონისძიება და რიგიანი წასაკითხავი წიგნებიც არა აქვს.

ამ ცოტა ხანში ამერიკის შეერთებულს შტატებში, ნეგრებს, რომლებსაც აქამდინ არაფერი სამოქალაქო პატივი და უფლება არა ჰქონდათ, ამ ჟამად აქვთ 9 ჟურნალი, რომლებიც კვირაში ერთხელ გამოდიან და ერთი საყოველღეო გაზეთი. ამის გარდა სამხრეთ-ამერიკის შტატებში ნეგრებსავე აქვთ 5 გაზეთი: „Coloured Tennessean“—ნაშვილში; „Tribune“—ახალ-ორლეანში; „Nationalist“—მობილში; „Loyal Georgian“—ავგუსტში და „Communicator“—ბალტიმორში. ამ გაზეთების და ჟურნალების რედაქტორები არიან თითონ ნეგრებივე. ამახედ რაღას იტყვი, ჩემო ქართველო? აბა ერთი მითხარი: რა გაზეთები და ჟურნალები გამოდის ქუთაისში, გორში, თელავში, სიღნაღში და სხვაგან? ან რა სასწავლებლები გაქვს ფქავე დაფუძნებული, რომელნიც დაედარნენ ახალ-ორლეანის სასწავლებლებს?.....*)

ამასთან ვიტყვით, რომ უპირველესი სურვილი და ღირსება ყოველის რიგიანის კაცისა ანუ საზოგადოებისა არის ის, რომ თავისის თავის გარდა, თავისი მოძმე კაციც ახსოვდეს და იმისთვისაც

*) ცენზორის მიერ არის ამოღებული რედ.

არ დაიშუროს ყოველი კეთილი საქმე და შეეწიოს ყოველს გასაკირს მდგომარეობაში. ეს აზრი ახალი არ არის. ამას პატარაობიდანვე ჩავ-
ვიჩინებენ ხოლმე. ვინ არ იცის, რომ ქრისტიანობა მაგაზედ არის
დადგენილი და მაგ აზრს ასწავლის; მაგრამ რასა ვხედავთ? ჩვენ საუ-
ბედუროთ არამც თუ ვასრულებთ ზემოხსენებულს აზრსა, არამედ ყო-
ველს ღონისძიებასა ვხმარობთ, რომ ამისი წინააღმდეგი საქმეები
ჩავიდინოთ; ყოველს ფეხის გადადგმაზედ ვეწინააღმდეგებით ამ აზ-
რსა და ვცდილობთ დავცეთ ჩვენი ძმა კაცი.....*)

ახლა მოვიგონოთ თუ, რაზედ დადგა ბანკის საქმე? ძლიერს
ქართველებმა ერთი რიგიანის საქმის ასრულება მოვიხლომეთ და
თავი გამოვიდეთ, მაგრამ ესეც კი თავ-და-პირველათვე უნდა ჩაი-
შალოს. რა არის მიზეზი? არა გვეგონია ამ დროში ჩვენში გამოვიდეს
იმისთანა კაცი, რომელსაც არ ესმოდეს, თუ ბანკს რა სიკეთე და
საშუალება ექნება ჩვენს ცხოვრებაზედ. უეჭველია, ბანკის დაწესებაში
ბევრი კერძობითი და წვრილმანი ნაკლულევანება შეიპარება, მაგ-
რამ ეგენი არ უნდა იყვნენ მიზეზნი, რომ მაგათ შეგვაშინონ. ვერც
ერთი ხალხი და ვერც კერძო პირი ვერ იტყვის, რომ შეუცდლომლობით
გაეტარებინოს თავისი სიცოცხლე, მაგრამ მაგიტომ არავის მოუკვე-
თია ცხოვრება. ეგრე უნდა იყოს ყოველი საზოგადო საქმეცა. მაინც
კიდევ ვიკითხავთ, რაზედ დადგა ბანკის საქმე? როგორც ვიცით ჯერ
არც წესდებულება იყო დაწერილი და არც გაჩხრეკილიყო იმისი
კანონები, საიდანაც გამოჩენილიყო ის აზრი, რომ იმნაირის დაწე-
სებით ბანკი წინ ვერწავა. მაშასადამე თუ გამოჩნდნენ წინააღმდეგნი,
ისინი იყვნენ ისევე იმ აზრისა, რომ ბანკი არ დაწესებულყო. ჩვენ ეს
აზრები და ფაქტები იმისთვის არ გამოვსტკეით, რომ სახალხოთ გა-
მოჭყევანოთ წინააღმდეგნი პირნი; არა, ჩვენ გვინდოდა დაგვემტკიცე-
ბინა ამ ფაქტით ის აზრი, რომ ჩვენში ერთობა არ არის და ეს მი-
ზეზი გვიშლის დაწინაურდეთ და კეთილდღეობა მოვიპოვოთ; აგრეთ-
ვე მტკიცდება ის აზრი, თუ რა ძალიან შორსა ვართ იმ აზრთან, რაც
ზევით წარმოვსტკეით, ესე იგი: ჩვენ მოძმე კაცს უნდა ყოველის ღო-
ნისძიებით შევეწიოთ.....*)

ადრინდელი დრო წავიდა. ჩვენს სასიხარულოთ ის დროებაც
წავიდა საუკუნოთ, როდესაც ყმები გვეყვანდა და გვიკვირს ზოგიერთი
პირები როგორა ფიქრობენ, რომ თავადმა აზნაური ყმათ გაიხადოს.
ეგ ცრუ და უგუნური აზრია; სჯობს საუკუნოთ გამოვესალმოთ და

*) ცენზორის მიერ არის ამოღებული
რედ.

თავი დავანებოთ მაგ აზრს და წადილს. ვერცარავინ ნებას მისცემს. და ვერც თითონ ისინი შეიძლებენ იმ აზრის ასრულებას. ისევ სჯობს თავი დაუდოთ, რომ ერთობა და სიყვარული დაარსდეს ჩვენში. ამას ღმერთიც და კაციც დაგვიმადლებს. თუ კი ნეგრებმა მოიპოვეს საშუალება და თავი იხსნეს იმ მდგომარეობიდან, რის კმაყოფილაც არ იყვნენ, როგორღა უნდა გვსურდეს, რომ ჩვენი მოქმე კაცი ახლათ-დავიმონავოთ და ჩვენ გვარად უფლება არ მივსცეთ, უმეტესათ მაშინ, როდესაც მაგ უფლებას კანონი არ უშლის.

„დროებაში“ იყო დაბეჭდილი მოკლე ამბავი, რომ ქუთაისში, იქაურს თავად-ახნაურობას ჰსურს ბანკის დაწესება და მთავრობას კიდევცა სთხოვეს ამ საგანზედ ნებაართვა. რასაკვირველია, ყველა რიგიანმა ქართველმა სიხარულით მიიღო ამ ძალიან სასარგებლოს საქმის ამბავი, თუმცა ჩვენ უნდა სასირცხვილოთა გვეკონდეს, რომ პირველათ ბანკის დაწესებეს აზრი აქ გავრცელდა და იმერეთში კი გვაჯობეს. გავიმეორებთ, რომ ყველა ქართველს უნდა ეს ამბავი სიხარულით მიგველო, რადგანაც იმერლები და ქართველები, თუმცა გუბერნიების სახელებით გაირჩევიან, მაგრამ არაფერი განსხვავება არა აქვთ რა და ძმანნი არიან. ეს კი უნდა ვსთქვათ, რომ იქაური ხალხის მოქმედება გვიმტკიცებს, რომ ქუთაისის გუბერნიაში უფრო უმეტესი სურვილი და გულის წადილი აქვთ საზოგადო საქმეზედ, ვიდრე ტფილისის გუბერნიის ქართველებს, თუმცა ყოველს ქართველის მომეტებული სურვილი ის უნდა იყოს, რომ ქუთაისის და ტფილისის გუბერნიების ქართველებმა სასარგებლო საზოგადო საქმე უთუოთ ერთათ უნდა დაიჭირონ, და ამ ორის გუბერნიის ბანკი ერთათ დაწესდეს.....*)

ვიდრე ეს ჩვენი სურვილი ასრულდება ვიტყვით, რომ უმეტესათ ჩვენი მოქმედება და მდგომარეობა არის მიზეზი, რომ ნეგრებმაც კი გვაჯობეს. ჩვენ კი, ჩემო ქართველო, ძალიან მაგრათ მივსდევთ ჩვენ მამა-პაპის აზრებს და მოქმედებაებს, აქედანდღეს დროსთვის კი თავი დაგვინებებია; მაგრამ ის კი არ ვიცით, რომ იქნება იმ აზრებს თავის დროს ჰკონდა რამე მნიშვნელობა, ესეა კი უნდა გავიგოთ და შევიტყოთ, რომ მაგ განზრახვას და აზრს არაფერი რიგიანი მნიშვნელობა არა აქვთ და გროშათაც არა ღირან. დრო არის გავიგოთ და დავრწმუნდეთ, რომ ამ სოფელში უპირველესი ღირსება განათლებასი და სწავლასი მდგომარეობს. უამისოთ სულ ყოველის ფერი ფუჭია და ამაოა. მარტო გვაროვნობა რომ დაუფლოთ ჩვენს

*) ცენზორის შიგრ არის ამოღებული რედ.

შვილებს, არას შევმატებთ, თუ უფრო არ შეავიწროებს მათ მდგომარეობას. ამიტომაც თუ ბედნიერება გვინდა ან ჩვენი თავისა, ან ჩვენი ჩამომავლობისა, მარტო საკუთრათ ჩვენ თავისთვის კი ნუ ვიზრუნებთ, — მოვიგონოთ ჩვენი ჩამომავლობაც და იმისთვის ვიზრუნოთ; ეს უნდა იყოს ყოვლის კაცის წადლი. მოვიგონოთ ის აზრი, რომელიც ზევით არის გამოყვანილი: „ვეცადოთ, რომ ჩვენის, ძველებიდან არ დაიბადოს ჩამომავლობა, რომელმაც დაგვიწყოს წყევლა და დევნა“. აბა ახლა მოვიგონოთ ჩვენი წარსული დრო და ვკითხოთ: რა მოვიქმედეთ ამ ცოტა ხანში იმისთანა მაინც, რომ ზემოხსენებული წყევლა ჩვენს თავზედაც არ ასრულდეს.

ყველა ჩვენს უძრავობას, მოუქმედებლობას ვაბრალებთ ჩვენს საწყლობას. ჩვენც ახლა გვსურს მოგაგონოთ, მკითხველო, რომ ახლა გვექონდა შემთხვევა მოგვეფიქრებინა ჩვენს ჩამომავლობაზედ, რადგანაც ამ ცოტას ხანში მოხდა ჩვენს გარემოებაში დიდი ცვლილება. აბა ვკითხოთ ჩვენს თავსა: რა დაუშაადეთ ჩვენს ჩამომავლობას და ან რას მოელის ის ჩვენგან? ვგონებთ რიგიანს არაფერს, რადგანაც ამ დროებამაც და შემთხვევამაც ისე გაიარეს, როგორც ადრეც გაუვლია. ფულები ისე მივფლანგეთ და მოვფლანგეთ, როგორც გვიფლანგავს ამ ათის—ოცის წლის წინათაც, ის კი არ გვესმის, რომ არაფერი უფლება არა გვაქვს უხეიროთ ვხარჯოთ ეს ფული, რომელიც ჩვენს მამა-პაპას იქნება სისხლის ღვრით და ვაი-ვაგლახით უშოვნია. ჭკუა მოვიკრიფოთ და ისე წავეყვანოთ საქმე, რომ ჩვენი შვილები არ დაგვემდურონ, როგორც ვემდურებით ახლა ჩვენს მამა-პაპას, რომ თავიანთის უზრუნველობით არც ზრდილობა მიგვექცეს, არც განათლება, თუ გვინდა, რომ ამ განსაცდელს მოვშორდეთ, უნდა თავი დავანებოთ იმ აზრს, ვითომც ყველამ უნდა იზრუნვოს და იცხოვროს მარტო თავის თავისათვის და არა ჩამომავლობისთვის და ყველა კაცის შემწეობისთვის. ჩვენ ძალიან ვსდევთ უგუნურს და უღვთო აზრს, რომელიც წარმოსთქვა ჩვენმა ერთმა წინაპარმა: „თუ მე არ ვიქნებო, ქვა ქვაზედაც ნუ იქნებაო.“ ჩვენდა საუბედუროთ ამ უსამართლო და უსაფუძვლო აზრმა ძალიან გასჭრა და მრავალი მზადავი მოუპოვნია. ჩემო ქართველო, მაგისთანა უგუნური აზრი ფრანციაშიაც იყო ძალიან გავრცელებული შუა და ბოლოს მეთვრამეტე საუკუნეში, ლიუდოვიკის მე XVI დროს. მაშინ ამბობდნენ: „Après moi le deluge“ (ჩემს უკან თუნდ წარღვნა მოსულაო). ეს აზრი არსებობდა იმ დროს, როდესაც საზოგადო წყობილება ისე გაირყვნა და წახდა, რომ რევოლიუცია დაიბადა და ამ რევოლიუციამ მოუღო ბოლო იმ ხალხს და პირებს, ვინც ზემოხსენებულს აზრს მისდევდნენ.

ამ სტატიას ვათავებთ. იქნება ამ სტატიამ ზოგი კიდევ გააჯავროს და ზოგი გააცინოს. ამ ორში ერთერთი მაინც უთუოთ იქნება. მაგრამ მოაგონე, რომ როდესაც დაუდევნელობით ჩვენი ჩამომავლობა ჩვენც უპატიურათ მოგვეპყრას და დაგვიწყოს ლანძღვა და დაძღურება, მაშინ არც დროებას უნდა დავემდუროთ, არც წამხდარს ახალგაზრდა კაცებს, როგორც გვიყვარს იპისი მოხსენება და შემკობა. არა, მაშინ ამოვიოხროთ და ვსთქვათ: „ჩვენ თითონა ვართ დამნაშავე და ჩვენ თითონვე დავბადეთ ჩამომავლობა, რომელიც გვღვეს და გვემდურის“. გესმის, ჩემო მკითხველო!

ბუნების მეცნიერება და იმისი დიდი ღვაწლი ხალხის განათლებისთვის

როდესაცკაცს თავისი ჭკუა და ჭკუისაგან მოზოგებული მეცნიერება არ მსახურობს, იმისთანა უძლური სულდგმული ქვეყანაზედ არ იპობა. იმას არ აქვს არაფერი გარეგანი საშუალება, რომ მტრისაგან თავი დაიცივას და საზრდო იშოვნოს. ყოველი მხეცი ამ შემთხვევაში იმაზე ძლიერია. მგელსა აქვს თბილი ქურქი, ბასრი კბილები და მხატე ტანი, რომ სიცივისაგან თავი დაიცივას, მტერი მოიგეროს და სარჩო მოიპოვოს. კურდღელსა აქვს გრძელი ყურები, გრძელი უკანა ფეხები და მაგარი წინა-კბილები, რომ მტრის მიპარება შეიტყოს, ხტომით გაექცეს და მაგარი ჯაგების წნელები თავის გასაკვებად ცოხნოს ხოლმე. ჩიტს ფრთა აქვს, რომლითაც ერთის თვალის დახამამებას ცხრა მთას გადირბენს, ტყე-ველს მოივლის, საკენკს იშოვნის და კუჭს გაიძღობს. საწყალი კაცი ამ შემთხვევაში კურდღელზედაც და ჩიტზედაც უფრო უღონოა. იმას არც ერთი შემოხსენებული იარაღ-თაგანი არ აბადია. ის არ არის, როგორც მგელი, ბუნებით გამოხვეული ბეწვის ტყავში, რომ ზამთარში სიცივემ არ შეაწუხოს და ზაფხულში სიცხემ არ დასწვას შიშველი ტანი; არა აქვს ბასრი კბილები, რომ მტერს სისხლის დაღი დააჩინოს და ცხვარს ყელი გამოსჭრას; ის ვერ გაიქცევა კურდღელსავით და არც აქვს იმისი მაგარი კბილები და სტომაქი, რომ ნეკერთ და ხას ფოთოლით თავი ირჩინოს; ის ვერ გაფრინდება ჩიტსავით, რომ ზამთარ იქ იცხოვროს, სადაც ბევრი სარჩოა და ზაფხული იქა, სადაც ყოველივე საზრდო მწიფს და მწიფდება. კაცი თავის სხეულის აგებულებაში ვერ უჩვენებს იმისთანა მოწყობილებას, რომ იმით შეეძლოს სხვა ცხოველებსავით სიცოცხლის შენახვა. ამ მოწყობილების მაგივრად იმას აქვს სულიერი ძალა, ანუ ჭკუა, რომლითაც იმან უნდა მოიპოვოს ყოველივე, რაც ბუნებით წართმეული აქვს. ბეწვიანი ტყავის მაგივრათ იმან უნდა მოქსოვილი და შეკერილი ტანისამოსი იშოვნოს, ბასრის კბილების მაგივრად—თოფი, ბარი, გუთანნი და სხვა მრავალი სიცოცხლის დამცველი სამკაული; ჩქარის ფეხების მაგივრად—სახლი ხისა ან ქვიტკი-

რისა, რომლის კარებსაც ვერა გარეგანი მხეცი ვერ შეამტვრევს, თუ არ თვითონვე კაცი; ფრთების მაგივრად—ჩქარი ცხენი და კიდევე უფრო ჩქარი გემი და რკინის გზა, რომელსაც შორს სიარულში ვერა ფრინველი ვერ შეედრება. მაგრამ ამდენი საშუალების გამოძებნას დიდი შემზადებული ჰქუაც უნდა. ის უნდა იყოს მდიდარი გამოცდილებითა, ძალიან უნდა დაკვირებოდეს ბუნებას, რომ მრავლის ნივთის დანიშნულება იცოდეს და ამ ნივთების მოხმარებაც უნდა შეეძლოს თავის სასარგებლოდ. როდესაც კაცის გონება გამოცდილებით და მეცნიერებით ჯერ კიდევე პირვანდელს მდგომარეობიდან არ გამოსულა, მაშინ იმას სად ექნება ამდენი მიხვედრა? უნდა ვიფიქროთ, რომ მაშინ იმის ბუნებას არა გაეგებარა. ყოველი ბიჯი, მრუდით გადადგმული, მრავალს გაკვირვებას შეამთხვევს ხოლმე. ქარი, წვიმა, წყალი, ცეცხლი და სხვა მრავალი, იმის სიცოცხლის წინააღმდეგი მოვლენა აწუხებს ჰკუთით გაუხსნელს კაცსა, ჩაგრავს და აშინებს იმის გონებას. ტყეში თუ შევიდა, იქ სხვა და სხვა ნადირი და ფრინველი მოძრაობს. ეს მოძრაობა იმას ხშირად მტრად ეჩვენება. კლდეში თუ შევიდა, იქ ერთი უეცრად მოგლეჯილი კლდის ლოდი დააფრთხობს იმას. ის ვაიფიქრებს რაღაც ბოროტს სულზედ, რომელიც იმას სდევნის დღე ნიადაგ ამ ქვეყანაში. ცა რომ მოიღრუბლოს და ელვა და გრგვინვა რომ გამოუშვას, იმის გამოც საწყალი კაცი ძრწის, რადგანაც წამის წამს მეხის დაცემას და სულის დაღევას მოელის. ამ გვარის დაუწყნარებელის მოქმედებითა ბუნება კაცს უფრო და უფრო შეიპყრობს და წარმოადგენინებს მრავალ გვარს კუდიანებს, ეშმაკებს და ქაჯებს.

საწყალის უმეცარის კაცის გონებით მთელი ქვეყანა ამ გვარის ბოროტის სულებით არის ავსებული. ისინი არ აძლევენ იმას მოსვენებას არც შინ და არც გარედ.

ამ სახით კაცი მიეცემა ცრუმორწმუნეობას. ეს ცრუმორწმუნეობა შეეზრდება ერთის შთამომავლობიდან მეორე შთამომავლობასა ხალხი, რომელიც ამ გვარის დამფრთხალის კაცებისაგან არის შემდგარი, ვეღარ ამდიდრებს თავის გონებას; ამიტომ რომ იმას ეშინიან, ყოველის საგნისა: ტყისა, წყლისა, კლდისა, ავდრისა, გრუხუნისა. ის ვერაფერს გულ-დამშვიდებით ვეღარ დააკვირდება, და თუ კი არასა დააკვირდი, ვერც არაფერს შეიტყობ, თუ რომ არ გამოიძიე, არ აწონე და დაწონე რაიმე საგანი, რასაკვირველია, არც გამოცდილება და სწავლა შეგემატება. როდესაც ხალხი ამისთანა მდგომარეობაშია, ის არის დამცრობილი ბუნების მკაცრის მოქმედებითა. ცრუმორწმუნეობა იმას არ აძლევს ნებას თავისი ძვირფასი საუნჯე—ჰკუა-

თავისუფლად მოიხმაროს. მანამ ის ამ გვარს მდგომარეობაშია, თავის ცხოვრებას ვერ გააჩვენებინებს, ამისათვის რომ იმისი გონება შეშინებული და მიძინებულა...

ამ შემთხვევაში ბუნების მეცნიერება პირველი საშუალებაა რომ კაცს და აგრეთვე ხალხს დააკარგვინოს ცრუმორწმუნოება. ის ახსნის, თუ რა რიგათ თან და თან ირღვევა კლდე ჰაერისაგან და წყლისაგან; ან ტყე რარის ცხოვრებას და მოძრაობას მიეცემა იმაში მყოფის სულდგმულებითა და უსულოთი; ის ახსნის გრგვინის მოვლენას, თოვლის მოსვლას, ჰაერის ცვლილებას და სხვ. გააცნობს ხალხს ბუნების სჯულს და ძალას, რომელიც მოქმედებს და დაბადებს სხვა და სხვა მოვლენას. ამ რიგათ კაცის გონებაც აღარ ერწმუნება ბოროტის სულის არსებობას; ის მკვიდრად დაადგება იმ აზრს, რომ ქვეყანაზედ ქაჯების, კუდიანების და ეშაკების მაგივრად მოქმედებს მხოლოდ ბუნების ძალა იმ წესით, როგორც ბუნების სჯულს შეესაბამება. იმას აღარ ეშინება ბოროტის სჯულისა და, უწინ რომ რამე მოვლენის გამო შიშით ირყეოდა, ახლა გულმაგრად უყურებს ამ მოვლენას. თვით იმ ძალის, რომელიც წარმოშობს ამისთანა მოვლენას, ის დაიწყებს ხოლმე მოხმარებას თავის სასარგებლოდ, და აქედამ წარმოდინდება იმისი კეთილდღეობა. მაგალითად: მიწიდან და ზღვიდან აღის ჰაერში წყლის ორთქლი. ეს ორთქლი ზევით იკრება წვრილ-წვრილ ბუშტებად და შეადგენს ღრუბლებს. შემოხსენებული ორთქლი, როდესაც წვრილ ბუშტებად იქცევა, დაბადებს ელექტრონის ძალას, რომლის გამოც გრგვინვა და ქექა მოხდება ხოლმე ჰაერში. ეს ძალა კაცმა იხმარა ტელეგრაფის ძაფში და ახლა იმის საშუალებით ორიათასს ვერსზედ ჩვენ ერთი-ერთმანეთს ველაპარაკებით და ვატყობინებთ ხოლმე ერთი-ერთმანეთის ამბავს რამოდენისამე მინუტის განმავლობაში. შემოხსენებულივე ორთქლი კაცმა მოაგროვა პატარ-პატარა თუჯის ქვაბებში და დაჰბადა ასეთი ძალა, რომ იმას ერთი მხრიდან მეორე მხარეში რამოდენიმე ათასი კაცი გადაყავს ხოლმე რამოდენიმე საათის განმავლობაში. ერთის სიტყვით ამ ორთქლის საშუალებით იმან გააჩინა რკინის გზა.

როგორც ზემოთ ნაჩვენების მაგალითიდან შევტიყვეთ, ბუნების მეცნიერება გამოაფხიზლებს კაცის შეშინებულს გონებას და ბოროტის სულების მაგივრად ის გააცნობს ბუნების ძალებთან, რომლებსაც უწინ კაცი ჰყავდა დამფრთხალი ეშაკის სახითა.

ბუნების მეცნიერება ასწავლის კაცს, თუ რა რიგათ უნდა მოიხმაროს იმან ეს ძალები თავის სასარგებლოდ. ის ათავისუფლებს კაცს ცრუმორწმუნოებისაგან და უჩვენებს იმას მრავალს სასარგებლო

არსებას ბუნებაში. აი ეს არის უმთავრესი ღვაწლი, რომლითაც ბუნების მეცნიერება მსახურებს კაცსა.

ერთი უსაკვირველესი ბუნების მოვლენა ქვეყანაზედ არის სისხლის წვიმა და ცხოველის წვიმება. ამ მოვლენას ბევრჯერ შეუშინებია ხალხი, განსაკუთრებით საშუალო საუკუნოებში, როდესაც ევროპაში და სხვა ქვეყნებში ნაკლებათ იყო სწავლა გავრცელებული, და ხალხი საშინელს ამომორწმუნეობაში იყო ჩავარდნილი. ამ გვარი მოვლენა მით უფრო შემადრწუნებელია, რომ ზეცილამ ცვივა თევზები, ბაყაყები და ზოგჯერ შინაური ცხოველებიცა. გაუნათლებელს ხალხს მით უფრო თავ-ზარი უნდა დაცემოდა ამ შემთხვევაში, რომ არ იცოდა, საილამ გრის ამისთანა საკვირველი მოვლენა? ის აბრალეზდა ამას ღვთის განრისხებას.

1813 წელს, იტალიის სამხრით, კალაბრის მაზრაში, 23 მარტს, გამოჩნდა ერთი შავი ღრუბელი, რომელიც ზღვიდამ მოისწრაფოდა. როდესაც ეს ღრუბელი გადაეფინა ამ მაზრას, თუმცა დღე იყო მაგრამ დადგა ასეთი ბინდი, რომ უსანთლოდ აღარაფერი იხედებოდა. ჯერ ცა შეიღება სისხლის ფრად და შემდეგ კაცს ეგონებოდა, რომ მთელი არემარე ცეცხლის ალმა მოიცვაო. ხალხს შიშისაგან ძალაწაერთო, განსაკუთრებით მაშინ, როდესაც დაუშვა სხვილმა წითელმა წვიმამ. ყველას ეგონა ზეცილამ სისხლი მოწვიმსო და, ეს არის, ქვეყანასაც მიეცემა დასასრულიო. როგორც მოგვხსენება, მკითხველო, ამისთანა დროს სასულიერო წოდება კიდევ უფრო სასოებას უკარგავს ხოლმე ხალხს, რადგანაც დაიწყებს ქადაგებას ღვთის განრისხებაზედ და ცოდვის მონანებაზედ. ერთის მხრით სასულიერო წოდებისთვის ამისთანა ქადაგება სასარგებლოც არის, რადგანაც ის ამ შემთხვევაში თავის ლოცვით უფრო დაიმონავებს კაცის გულსა და სარგებლობაც ემატება... ამ რიგათვე მოიქცა სასულიერო წოდება იმდროს იტალიაში. მაგრამ ხალხს რაღა იმისი მხილება ეჭირებოდა! ის უმისოთაც სასოწარკვეთილებაში იყო ჩავარდნილი სისხლის წვიმითა!

ახლანდელს დროში ამ გვარი წვიმები აღარავის აკვირვებენ. ბუნების მეცნიერებამ ახსნა, რომ ეს სისხლის წვეთება იგივე უბრალო წყლის წვეთებია, რომელშიაც მრავალი მეტად პატარა წითელი ცხოველები ცურაობენ.

1675 წელს, ერთმა გოლლანდიელმა სწავლულმა შენიშნა დამდგარს წვიმის წყალში პატარა ცხოველები, რომელნიც კაცის თვალით არ შეიმჩნევიან, თუ არ მიკროსკოპიდა (გამდიდებელის შუშითა, ჭიქითა), უფრო გვიან ყველა ამ გვარს ცხოველებს დაარქვეს საერთო სახელი ინფუზორია.

ამ ცხოველებში ის, რომელიც ხან-და-ხან წვიმის წვეთებში იმყოფება, არის ევგლენა (Euglena); ეს ცხოველი მრავლდება დამდგარს წყლებში, ესე იგი ტბებში და იმ მდინარის უბეებში, რომელიც ძლიერ მდორეთ მიდის.

ევგლენა წარმოადგენს ბუშტსა; ბუშტს შიგნით სქელი წყალია და წყალს შიგნით კიდევ პატარა ბუშტია, რომელსაც გული ჰქვია. ევგლენას მხოლოდ ერთი ან ორი ღერი ბალანი ასხია. ამ ბალანის შემწეობით ის წყალში დაცურავს. არც პირი და არც სხვა მოწყობილება არა აქვს. ის გავს ხეჭოჭ-შემოუკვრელ კვერცხსა. იმისი საზრდოა წყალში გამდნარი ნივთიერება, რომელსაც შეისვამს თავისის თხელის კანითა. მრავლდება ამ გვარათ: შინა გული დაიყოფება რამდენსამე ნაწილათ, თითო გულის ნაწილს გარს შემოვრტყმის სქელი წყალი და შემდეგ თხელი კანი; იმას გამოუა ერთი ან ორი ღერი ბალანი და შთამომავლობა მზათ არის, რომ დედის საშოდამ გამოვიდეს და წყალში იცხოვროს. როდესაც დედა ევგლენა გაიტენება ამ გვარის შვილებითა, შემდეგ ის გასქდება და პატარა ევგლენები გამოცვივიან წყალში საცხოვრებლად. ამ რიგად რამოდენისამე დღის განმავლობაში ერთის ევგლენისაგან შეიძლება რამდენიმე მილიონი ამისთანა ცხოველი წარმოსდგეს.

ახლა ეს უნდა ვიკითხოთ: ჰაერში საიღამ ჩდებიან ეს ცხოველები, რომელნიც ხან-და-ხან ისე ბეურნი იმყოფებიან წვიმაში, რომ ლებავენ იმას სისხლის ფრათა?

ამ ცხოველების ზეცაში ატანას აბრალევენ სმერჩსა ანუ ტრომბას. ზოგჯერ რომელსამე ღრუბელს უეცრად გაგბერება და გაეშლება ზედა ნაწილი, ამასთან ქვედა ნაწილი უგრძელდება და ძირში წვერს იკეთებს. ამ გვარი ღრუბელი თან-და-თან მსწრაჟლად დაეშვება მიწაზედ, ბრუნავს როგორც ციბრუდი და საშინელის ჩქარის დენით მირბის ერთის ადგილიდამ მეორე ადგილზედ. რაც რომ წინ დაუხვდება: ხეები, ცხოველნი, კაცები, - ის ყოველს ფერს გლევს და ჰაერში აჰყავს. ერთხელ სირიაში ამ გვარს სმერჩს აეყვანა მიწიდან რამოდენიმე კატა. იმათმა ჰყავილმა და ჰაერში მოგზაურობამ საშინლად დააფრთხო იქაური მცხოვრებლები. თუ ამისთანა სმერჩს გზაზედ დაუხვდა ან ტბა და ან მდინარე, მთლად ერთიანად ამოაშრობს და წარიტაცებს ტბების და მდინარეების ცხოველებსა: თევზებს, ბაყაყებს, კიებს და ინფუზორიებს. ერთხელ ამ გვარმა სმერჩმა მთელი ზღვის უბე ამოაშროო ქალაქის ქრისტიანიის მახლობლად, რომელიც მდებარებს ნორვეგიაში. სმერჩი ჩვენებურად გრიგალი უნდა იყოს. მაგრამ ჩვენში გრიგალს ეძახიან უფრო ქარს, რომელიც ბრუნავს და ხეებს მოთხრის.

სმერჩი დიდხანს ვერ გასძლებს ხოლმე. ის გაირბენს რამოდენსამე ვერსსა და შემდეგ იქცევა მსხვილ წვიმათა, რაც ცხოველები და სხვა საგნები თან ვაუტაცნია, ყველას ისევ წვიმასთან ძირს ჩამოყრის. შოტლანდიაში ბევრჯერ ცილამ ჩამოყრილა ხოლმე მრავალი ზღვის თევზები, რომელთაც მოუფენიათ იქ ზოგიერთი ადგილები დიდს სიერცხეზე. 1815 წელს, 13 დეკემბერს, ფრანციაში წვიმასთან იმდენი ჭი-აები ჩამოცვივდნენ მიწაზედ, რომ ხალხმა ალაგ-ალაგ კოცონები ააგო ამ მატლების დასაწველად, რადგანაც ძლიერ შეეშინდა, რომ სახლებში არ შესეოდნენ ეს მატლები.

ამას შემდეგ, რასაკვირველია, არავის ჩვენთაგანს არ გაუკვირდება, თუ როდესმე ჩვენშიაც მოხდა წვიმასთან ცხოველების ჩამოცვივნა და სისხლის წვიმის მოსვლა, რადგანაც გვეცოდინება რომ ეს ცხოველები მიწილამ არიან ატანილნი ტრომბასგან.

1867

ქველი წლის ნაყოფი და ახალი წლის კოცრები

1

„ღმერთმა მრავალს ახალწელიწადს დაგასწროთ“!—ეს ვინ გვილოცავს?.. აი, დასწყევლოს ღმერთმა!.. აკი „დროება“ მეორე წელში ფეხს ვერ გადადგამსო!—იტყვის მკითხველი და კეთილი გულით გაიღიმებს. დიახ, მკითხველო, „დროება“ ისევ ცოცხალია. რაც დღე გამოდის, ის უფრო და უფრო ფეხზედ მაგრათ დგას. ბევრს ჩვენს მოძმეებს არა სჯეროდათ „დროების“ დღეგრძელობა. ისინი ამბობდნენ,—რაცუნდა კარგის მოღგმესა იყოს, დღენაკლულათ დაბადებული დიდხანს მაინც ვერ იხეირებსო. გამოზაფხულის და გაზაფხულის სითბოებში კიდევ როგორც იქნება გააჯანჯალებსო თავის სიცოცხლეს, მაგრამ დადგება თუ არა შემოდგომა და როგორც რომ ზამთრის სიცივე კანკებში მოუჭერსო, მაშინ იმისი საქმე წასულიაო. „დროება“ თან და თან იმკლევებს, მისუსტდება, ფერი გამოეცვლებაო და ახალწლის წინალამეს ფეხებს გასკიშავსო, აგრე რომ ეთქვათ, ზამთრის ყინვა ქვასაც გახეთქავს; მაგრამ საქმე ის არის, ახალ მოზარდი იმდენზედ არ მივიყვანოთ, მართლაც სიცივემ გაყინოს. მკითხველო, შენ რომ მშვენიერი გაფუნთოტებული ყმაწვილი გყავდეს და ასე განიზრახო: „მოდო ამ ყმაწვილს მუდამ ყინვიან წყალში ვაბანავებ და ცოტასაც ვაჭმევ, კარგი ტანადიც გამოვაო და მაგარი აგებულებისაც იქნებაო“, შენი მტერი, როგორც ის ყმაწვილი ხელში შემოგაკვდეს და ან თუ გადაურჩა ამისთანა წვალებას გაპოსადევი მაინც აღარ იქნება: ამიტომ რომ ტანი დაუსნეულდება: ჩვენში იტყვიან, „საქონელი მოვლისა არისო“. — მიუცილებლად, „დროებისთვის“ რომ ყური არ გვევდო, გამოცემის საშუალება არ მიგვეცა, მაგას რადიდი კითხვა უნდა, რომ ისიც ფეხს გაშლიდა მეორე წელში; მაგრამ ღვთის მადლით, საზოგადოების თანაგრძნობა იმას თავიდგანვე წინ მიუძღოდა. ამისთვისაც „დროებამ“ ერთი წელიწადი, როგორც ერთი წამი, ისე გაირბინა და მეორე წელიწადში გადამდგარმა თავი დაგიკრათ.

როდესაც „დროება“ გამოჩნდა, ვინ იცის რამდენი ჭორები არ გამოუგონეს?.. ჯერ ამას იძახდნენ,—ეგ სულ თილისმოზა არისო, „დროების“ რედაქცია მოთილისმეებით სავსეაო და თვითონ „დროებაც“ თილისმის მახეო. მაგვარი თილისმის მახეც ვნახეთო. ძალიან დახელოვნებული ხალხი უნდა იყვესო ეს მოთაღისშე გვამები, როცა ამ კაცებს უამთავითარება გარიყავს და ჯიბეში თავვები ხრიაგინს დაუწყებენო, მაშინ ამ გვარ მახეს, მოიგონებენო. ეს მახე ისეთი მანქანებაა, ძვირად იქნება, რომ იმაში ძვირფასი საუნჯე არ გაეზბასო, რომელიც მთელს სიცოცხლეში კაცს საქმელს ჰურს არ გამოუღვესო. ისინი ამ გვარ მახეთი თავის საქმეს იკეთებენო, ჩვენ კი მაგ თილისმობით თილისმობის და მოტყუების მეტი არ გვხვდება რაო. მაგ თილისმობასაც დრო წაუვიდაო. ამნაირი სჯა „დროების“ გამომცემლებისთვის ძალიან გულსატკენი იყო; მაგრამ ამისთანა მრუდე აზრის გასწორებას მოთმინების მეტი არა გაეწყობოდარა. დრო, ყოვლის-ფერს გაასწორებს და ჩვენც საზოგადოების წინ გაგვამართლებსო, ფიქრობდნენ ისინი. ამით რომ საქმე გათავებულყო კიდევ არაფერი, მაგრამ ამას გარდა „დროებას“ ბევრი სხვა მიზეზებიც მოუღეს. „დროებას“ ზრახავდნენ, რომ ახალი ასოებით რათ იბეჭდებო. ჩვენებურს სტამბაში რომ ასო-მთავრული არა ყოფილა „დროებამ“ საიღამ შამოგვაჩეჩაო. საზოგადოება სწყურებოდა ასო მთავრულის შემოღებაზე—ეს რა ასოებია ინი ინს არა ჰგავსო და ენი ენს. ამ გვარად წერა თქვენი ჭირიმეთ, ვის გაუგონია:—ენსა და ვინს რომ მალლა სმენო, სხვა ასოებს კი დაბლა. ზოგი აწეულია, ზოგი დაწეულია, თითქო ასოები ყირამალაზედ გადასვლას აპირებენო ამისთანა სჯაში ბევრჯერ იყვნენ ხოლმე გართულნი ჩვენი მოზუცებულები. მაგრამ „დროება“ ამისთანაებს ყურს არ უღდებდა. იმან კარგათ იცოდა, რომ ყოველი ახალი საქმე და ნივთი კაცს თვალში ეჩხირობა, არ მოსწონს იმისთვის, რომ თვალი შეუჩვეველი აქვს; იმისი წინააღმდეგია, რადგანაც ჯერეთ იმისგან სარგებლობას ვერ ჰხედავს. ამასთანავე „დროება“ კარგათ ხედავს ასო-მთავრულის სარგებლობას; იმან იცოდა, რომ უასომთავრულოთ კაცი საკუთარს სახელს ძნელად გამოიცნობს ხოლმე ასე, რომ კითხვაში ხშირად შეუნიშნავათ რჩებიან უცხო ქვეყნების და კაცების სახელები. ამას გარდა ყოველი აზრი კითხვაში უფრო მკაფიოდ და ნათლად იხედება, რადგანაც ის ყოველთვის ასო-მთავრულით იწყება ხოლმე. ასო-მთავრულის შემოღებით აგრეთვე თვითონ ქართული სტამბაც მრავალგვარდება და მშვენიერდება. „დროება“ კარგათ გრძნობდა, რომ როდესაც მკითხველებს ასო-მთავრულზედ თვალი გაუტყდებათ, მაშინ ისინი ღირსე-

ბათ ჩათვლიან იმ ნაკლულევანებას, რომელსაც პირველათ ხედავდნენ. ამ აზრის იყო „დროება“ და ვგონებ, არც მოტყუებულა. ახლა ენაზე გადავიდეთ. „დროებამ“ დაიწყო თუ არა ლაპარაკი, მაშინვე ჯავრობა დაუწყეს. ეს სადაური ქართულია, რომ ნახევარი სიტყვების მთლათ არ გვესმისო. როცა „დროება“ ლაპარაკს დაიწყებს თითქო ყურებში ჩხირს გვიჩხუკურებდნენ, ისე გვეჩოთირებო იმისი გაგონება. ვიცი რომ ქართული სიტყვები სწერია, მაგრამ სიტყვა სიტყვაზედ ისე ეშმაკურად ვადამბულია, რომ დაბურღულს აბრეშუმის შულში, როგორც ძაფს თავს ვერ მოუნახავ, ისე იმის ქართულ სიტყვებში აზრს ვერ გამოიკვლევო.

დიახ, მაგაში ჩვენც თანახმა ვართ. „დროება“ ნამდვილი ქართული ენით არ ლაპარაკობდა, მაგრამ ან კი სად უნდა ესწავლა ქართული ლაპარაკი. ცოტათ მოზრდილან თუ არა „დროების“ თანამშრომელნი მაშინვე იმისთანა სასწავლებელში მიუციათ, სადაც ქართულ ენაზედ ერთი აზრიც არ მოსმენიათ. ისინი გაზრდილან უცხო ენაზედ და ნაძღვილს ქართულს სიტყვიერებას. თან-და-თან გადაჩვევიან. იმათი გონება და აზრი თან-და-თან უცხო ენის კილოზედ დაწყობილა და ამის გამო ბუნებითი ენის კილოც დაჰკარგვიათ. ამაში ვინ არის დამნაშავე? მიუცილებლათ თვითონ საზოგადოებაა. ის თუ კი არ იზრუნებს თავის ენაზედ შვილის განათლებას, შვილს სად ექნება იმდენი ღონე და მიხედობა, რომ თვითონ იფიქროს თავის სამშობლო ენაზედ. ამის გამო „დროების“ თანამშრომლებს ბევრი ჯაფა დასჭირდებოდათ, რომ შრომით ისევ თავისი ბუნებითი ენა დაებრუნებინათ. ჯაფა და შრომა დროსაც მოითხოვს. მაშ „დროების“ ენა თუ პირველად არ იყო ნამდვილი და შესაფერი, იმედი ჰქონდა, დროს-და-დროს განმავლობაში მაინც იკეთებდა. ამას გარდა „დროებას“ უნდა გამოეთქვა სხვა-და-სხვა მეცნიერებიდამ გამოკრეფილი აზრები. ჩვენს ენაზედ, რადგანაც ეს მეცნიერებანი შემუშავებულნი არა ყოფილან, ამისთვის ბევრი ახალი აზრი თავის შესაფერს სიტყვასაც მოიხივდა. ახალის აზრის გამოსათქმელად უეჭველად ახალი სიტყვებიც უნდა შამოგველო. იმათი მნიშვნელობა პირველად ძნელი გასაგებია, მაგრამ ხშირად წმარებაში ისინი შევლენ ჩვენს ენაში და ბოლოს ჩვენის ენის საკუთრებათაც გახდებიან. ეს ყველა ხალხს ცხოვრებაში ასე ყოფილა. მაგალითს ვიტყვი: როდესაც კაცი ჯერ კიდევ აკენის ყმაწვილია, თავის გრძნობას მარტო ყვირილით აცხადებს ხოლმე. წლის ანუ წლინახევრის რომ შეიქნება, რამოდენისამე ნივთის სახელს ისწავლის. ის გრძნობს თვალით, ყურით, ენით და შეხებით. პატარა ყმაწვილი რასაც დაინახავს, იმისი ხელის მო-

კიდება უნდა და პირშიც იდებს. ერთის და იმავე ნივთის გაცნობისათვის ხმარობს რამოდენსამე საგრძნობელს: რომ დაინახოს, შეეხოს და გემო გაიცინოს. მინამ კარვა დიდი შეიქნებოდეს, შინაურობაში იმისთანა ნივთი არ იქნება, რომელიც ყმაწვილს არ ენახოს და იმან იმისი სახელი არ იცოდეს. ამნაირათ ჭკუის ზრდასთან ენაც იზრდება. როდესაც ყმაწვილი კარვა დიდი შეიქნება და შინ ვეღარ დამაგრდება, გამოვა გარეთ, ვაიცინობს თავის სამშობლო ქვეყნის ბუნებას, ის ხედავს მთას, ბარს, მდინარეს, ლელეს, ხეს, ტყეს, მინდორს ერთის სიტყვით ყოვლისფერს, რაც იმას გარშემო აკრავს. ამ გვარად ბუნების გაცნობა. რასაკვირველია, ამდიდრებს ყმაწვილის ჭკუას და ამის შესაფერად ენაც გაუმდიდრდება; იმის მხარეში იმისთანა საგანი ძვირად იქნება, რომ სახელი არ დაარქვას და რამე ყველასაგან გამოკვლეული თვისება ამ საგნისა არ შეიტყოს. ამ მაგალითიდან ცხადათ სჩანს, რომ თან-და-თან ჭკუის გახსნას, ენის გახსნა და უამდიდრება მოსდევს. ერთის სიტყვით ჭკუა არის იმისთანა ნიჭი, რომელიც ენაში გამოიმეტყველებს. როდესაც ყმაწვილი აკვანში იწვა, იმისი ჭკუა ჯერ სრულებით შეუგნებელი იყო, იმისდა გვარად ენასაც მობრუნება და სიტყვის გამოთქმა არ შეეძლო. ენა რას გამოთქვამდა. რომ ჭკუაში და გონებაში არა ჭყაოდა რა? როცა არ იყო ჭკუა გახსნილი, არც ენას ჰქონდა თავისი სიტყვიერება. როცა ჭკუა თან-და-თან იწყებს გონებაში ჩახვდომას, მაშინ ენაც თან-და-თან იწყებს ლაპარაკს და ახალის სიტყვის შექმნას.

ახლა ხალხზედ ვაღვიდეთ. როგორც ერთი კაცი, ხალხიც აგრეთია. კაცსა აქვს თავის სიყმაწვილე და სივაჟაკე; აგრეთვე ხალხსაც თავისი ყმაწვილობის და ვაჟაკობის დროება აქვს. როდესაც საზოგადოებას, ანუ ხალხს არავითარი მეცნიერება და განათლება არა აქვს, იმან მხოლოდ იმდენი ნივთის სახელი და თვისება იცის, რამდენსაც ჰხედავს და რამდენიც გამოცდილებით მოუპოვებია. რაც აზრი და გონება აქვს იმის მეტს თავის ენით ეს ხალხი ვერ გამოთქვამს. როცა ის სწავლით მდიდრდება, ჭკუა ეზრდება, ახალი აზრები თავში ებადებიან, მაშინ ამ ახალის აზრების გამოსათქმელად ახალს სიტყვებს მოიგონებს ხოლმე. ეს სიტყვება იმის ენას შეეთვისება და ამ ხალხის საკუთრებათ ვახდებიან. ლინგვისტებს (საენო მეცნიერებს) და სხვა სწავლულებს გარდა, მეტი ვერაინ გამოიცნობს, ეს სიტყვები ადგილობრივ მოგონილია, თუ სხვა ენიდან ვადმოღებულა.

რადგანაც ყოველს ხალხს ჰსურს თავის ჭკუის განათლება და მეცნიერების შექმნა, ჩვენც აგრეთვე უნდა ვეცადოთ სწავლის ვადმოწინავეს ჩვენს მხარეში. უსწავლელად ხალხი პირუტყვია; მეცნიე-

რების საშუალებით კი ბუნების ძალასაც თავის სასარგებლოდ მოიხმარს. ამ კანონის თანახმად ახალის აზრის და მეცნიერების წარმოსათქმელად „დროებას“ უეჭველად ახალი სიტყვები უნდა ეხმარა ხოლმე. კაცმა არ უნდა თქვას, ახალი აზრი ახალის სიტყვებით რათ წარმოთქვესო. ამას რა კითხვა უნდა, რომ თუ კი აზრი ახალია, იმას ახალი სიტყვებიც დასჭირდება. მაშ ახალის აზრის შემოსატანად ახალის სიტყვების მოუხმარებლობა შეუძლებელია. ეს აქამდისაც ასე ყოფილა. ვინ იფიქრებს თუ სიტყვები: კანონი, სვინიდიისი, პარასკევი, პატრონი, ოჯახი, ბარათი, კალამი, ფული, საპონი და მრავალი სხვა, ჩვენი სიტყვების არ იყოს; მაგრამ არა. ეს სიტყვები სულ უცხო ენებიდამ არიან შემოტანილნი. აბა ახლა წარჩინებულს ძველს მწერალს რუსთველს ვკითხოთ, თუ რამდენი არაბული და ბერძნული სიტყვები უხმარია თავის თხზულებაში. ვეფხვის-ტყაოსანი გადაშალეთ, მკითხველო, და მაშინ შეიტყობ. უახალსიტყვებოთ ჩვენი მწერლობა ვერ გაიხარებს, ვერ გავრცელდება, როგორც უიმისოთ განათლებულის ხალხების ლიტერატურა ვერ გავრცელებულა. მაგრამ ესეც უნდა ვთქვათ, რომ ახალი სიტყვები ახსნილი უნდა იყოს. ვგონებ ამ აზრითაც უფრო ჯავრობდა საზოგადოება, როცა ამას იტყოდა ხოლმე:—ესა და ეს სიტყვები რა ეშმაკური რამ გამოუგონიათო, რომელსაც ვერც თავი და ვერც ბოლო ვერ გაუგეთო. ამ შემთხვევაში რამდენათაც „დროება“ იყო დამნაშავე, იმდენათ თვით გარემოებაც. თითქმის არც ერთი ახალი სიტყვა, „დროებას“ აუხსნელი არ დაუტოვებია, მაგრამ ერთის ახსნით მკითხველი უცხო სიტყვას ვერ გააბეჯითებს, რადგანაც იმისი მნიშვნელობა მალე დაავიწყდება. ამისთვის ყველას ის ემჯობინება, რომ ახალი სიტყვები; რომლებიც მთელის წლის განმავლობაში ხმარებულა, „დროებამ“ შეკრიბოს და მოკლე ლექსიკონი გამოსცეს. თვით „დროების“ მოვალეობაც ამას მოითხოვს და საზოგადოების ჩივილიც დაწყნარდება.

ამის გამო მკითხველების ჯავრობა თუმცა ბევრში საფუძვლიანია ამ შემთხვევაში, მაგრამ „დროებას“ მაინც დიდათ არ შეაწუხებდა, რადგანაც ამისთანა უკმაყოფილება დროსა და დროს გავლით თან-და-თან შემცირდებოდა და კიდევ მოისპობოდა. მაგრამ „დროებისთვის“ საწყინარი მოსასმენი ის იყო, როცა შეიტყო, რომ მკითხველს სწყინსო იმისი მკაცრი ლაპარაკი.—„ჯერ რომ არც კი გამოსულა ასპარეზზე და ასეთ უკმეხ სიტყვებს ისვრისო, მაშინ რაღა ხერხს დაგვაყრიდს, როცა ის უფრო ღონეს და ძალას მოიციემსო. მკითხველი ამბობდა, ვინ მისცაო იმას იმდენი სიმართლე, რომ ჩვენ შინა-ცხოვრებას

შეეხოს და შინაური კუჭკუი გარეთ გამოიტანოსო?.. ამას ძუ არ მტერი, კაცს მეგობარი როგორ უზამსო.

„დროებას“ განა ის კი არა სწყენია, რომ ზრახავდნენ, უფრო ის ეწყენა, რომ მკითხველი ასე მრუდეთ ისმენდა მის ლაპარაკს. ერთ შემთხვევას მომაგონებს: ორი მეგობარი მიდიოდა ერთ თვალ-უწლომელს მინდორზედ. პაპარაქა სიცხის არმური იყო გამდგარი იმ არემარეზედ. მგზავრები სიცხით სულს ვერ იბამდნენ. ისინი ასეთხმელსა და უნაყოფო მხარეს მოხვდნენ, რომ ხის ნატამალი არ მოიძიოდა. მიწა მეტის-მეტის გოლვისგან თითო მტკაველზედ იყო დამსქდარი. მეგობრები მეტის წყურვილით პირს აწლაკუნებდნენ. ამისთანა პაპარაქებაში მგზავრობა კიდევ უფრო უმატებდა იმათ წვალებას. ენა გაუშრათ, ყელი გაუზნათ ბედკრულს მეგობრებს.—ნეტავ როდის მოვრჩებით ამ ღვთის პირისაგან შეჩვენებულს პიპალო მინდორსა—ჰკითხა ერთმა მეორეს.—უფალმა უკეთ უწყის—წამოიძახა მეორემ და სასოწარკვეთილების ფერმა გადაჰკრა. ამ დროს შორს დაინახეს ცისფერი მალლობი.—ღმერთო, ვინ ღირს შენს წყალობას, —სიხარულით დაიძახეს ორივე მეგობრებმა.—იქ ალბათ ჩრდილიც იქნება და წყაროც მოიძებნება! არაქათ წართმეულებმა მიაწურეს უკანასკნელი ღონე და მივიდნენ იმ გორის ძირსა. წარმოიდგინე, მკითხველო, რა რიგის სიამოვნებით დაეხტნობოდნენ... იმ გორიდან მშვენიერი წყარო გამოჩუხჩუხებდა. წყაროს ჩრდილავდა ძეწნის ხეები და იქიდან მონადენი ტუბილი სიო არაქათ წართმეულს მეგობრებს უგრძობდა და ღონეს უბრუნებდა. ამ ტუბილს სიგრილეში და წყაროს ჩუხჩუხში ერთს იმათაგანს ღრმად მიეძინა. ამ დროს წყაროდგან გველი ამოძვრა და მიძინებულს მგზავრს კბენა დაუბირა. იმ წამს მეორემ კარგი ქისტო უთავაზა დაძინებულს მეგობარს, აქეთ გადმოაგდო და გველს კი თავი გაუჭკეჰყა.—ღმერთმა შენც შეგარცხვინოს და შენა მეგობრობაცაო—უთხრა ძილ დაფთხობილმა,—შენ მეგობარი კი არა მოსისხლე მტერი ყოფილხარ, რომელსაც ჩემი ტანჯვა და ცემა გყვარებიაო. წადი თვალსიდან დაშეკარგეო. იმ უგუნურს იმდენი სინათლე თვალში კი აღარ დაურჩა, რომ იქვე თავ გატეხილი გველი დაენახა. სწორეთ ამ გვართათ მოიქცა ზოგი მკითხველი; იმან დაიწყო ჯავრობა, „დროებამ“ ისე ენა რად დაიგრძელა, რომ ჩვენი ნაგავის კარში გამოტანა დააპირაო. ამ შემთხვევაში „დროება“ ძლიერ სწუხს, მაგრამ იმას კი არა, რომ ბოდიში მოიხადოს მკითხველის წინ; არა, ის იმასა სწუხს, რომ მართლაც ვერ მოახერხა ჩვენი შინა-ცხოვრების შეუფერებლობის გამოხატვა, იმას იმდენი ღონე არა ჰქონდა, რომ ჩვენი ცხოვრების უმგზავსოება ნათლად წარმოედგინა მკითხველის თვალწინ.

ეს მით უფრო საჭირო იყო, რომ ყველას თავს მოგვაჩვენებდა; მაგრამ ვაი, რომ ამისთვის არც გარემოება გვაძლევდა [ნებას და არც შესაფერი ღონე მოგვდევდა!..

კაცი, მკითხველო, ასეთი არსებაა, რომ მინამ რაიმე საზოგადო სენი კარგათ არ დააზარალებს, იმის მოშორებას არ ფიქრობს. როგორც მოგვხსენება, მკითხველო, იმერეთში მინდვრად და ბაღებში ბევრი ტყემალი, ალუჩა და ქლიავი იცის. გაზაფხულზედ, როცა ეს ხეები ნაყოფს გამოიღებენ ხოლმე, უნდა გაყურებინათ, როგორ ფუტკრებსავით მიესევინან ხოლმე იქაური ყმაწვილები ამ ხეების უმწიფარს ნაყოფსა. ისინი დედ-მამას წინ იტენებიან ხოლმე ამ მავნებელი ნაყოფითა, მაგრამ უფროსებს აზრშიაც როგორ მოუთ ამისი დაშლა. შემდეგ, როცა ყმაწვილს მუცელი გრიალს დაუწყებს, სისხლს ასაქმებს და ყმაწვილი სასიკვდილოთ თავს გადადებს, დედ-მამა თავში ხელს მხოლოდ მაშინ შემოიკრავს და ეუბნება თავის თავს:—ეს რა უბედური დღე დამადგა, რა ღმერთი გამიწყრა, რომ ყმაწვილს კვახე ნაყოფის ჭამა არ ავუკრძალეო. კიდევ ეგ არის, ჩემო თვალის სინათლე, რომ გაფრთხილება და წინათ მოსაზვრა გკლებია. ჩვენში ანდაზათ არის დარჩენილი: ურემი რომ კაცს წაექცევა, გზასაც მაშინ მოსძებნისო. საქმე ის არის, მინამ ურემი გადაბრუნდებოდეს, კარგი გზა მონახო, თორემ რაკი ურემი დაგემტვრევა, შოსსეც რომ გააგო, მაინც დამტვრეულს ურემს ვერას უშველი. რადგანაც ყოველი საზოგადოება თითო პირებისაგან შესდგება, ამისთვის რაც ნაკლებუღევანება ერთს გვამს სჭირს, იგივე ნაკლებუღევანება მთელის ხალხისთვისაა. მაგრამ ამ შემთხვევაში ხალხს კიდევ უარესი თვისება სჭირს. აი, თუნდა წარმოვიდგინოთ ერთი რომელიმე სოფელი. ვთქვათ ამ სოფელს მგელი შემოეჩვია და ერთ მოსახლეს ხარი წამოუქცია. საწყალი ხარის პატრონი ყველას წუწუნით შეჰჩივის, მგელმა ხარც შემიჭამაო. ის კი არა თუ მაშინვე მთელი სოფელი წავიდეს სანადიროთ და ნადირი მოიცილონ. არა, ყველა ფენმოკვცილი ზის და საწყალს ხარის პატრონს სასაცილოთ იგდებს:—ახია თუ შეუჭამია, რატომ კარგათ არ გაუფრთხილდა, რატომ ყოველ ღამ ბაკეში არ ებაო. უზრუნველად გაუშვია მინდორში, რასაკვირველია, ნადირი შეუჭამდაო. კარგი, ეს არაფერი; მაგრამ საქმე ამით არ მიწყნარდება; ვნახოთ მეორე დღეს მეორე მოსახლეს ცხვარი დააკლდა; მერე მესამე მოსახლეს მგელმა ღორი მოსტაცა. ამრიგათ მთელს სოფელს თითო-ორთა საქონელი მოაკლდათ. ახლა კი ყველას ზურგის კანი ასტკივდა. ყველა იძახის, არიქა, მგელი თავიდან მოვიცილოთ, თორემ პირუტყვისაგან გაგვცალა, მაგრამ არც ამით არა გაკეთდა რა.

თუმცა ძლიერ ყვირიან, არც ერთი კარში ფეხის გამოდგმას კი არა ფიქრობს. თუნდ რომ კიდევ წავიდნენ და ნადირი მოკლან, მაინც ეს ზარალს ვერას უშველის. ამრიგათ, მკითხველო, უთანხმოებისა და უზრუნველობის გამო მთელმა სოფელმა სულ ტყუილათ უბრალოთ იზარალა. კიდევ ეგ არის ხალხის ნაკლულევენება, რომ იქ თანხმობა და ერთი პირი არ არის. ამ უთანხმოების გამო ყველა ზარალშია. ერთს რომ სახლი ეწოდეს, მეორე მოხმარების მაგივრად, შეჩერებია და ჰხარობს: „ოჰ, რა წიაკოკონია გაჩნდაო!“ იმას კი არ ფიქრობს, რომ თუ ეს ცეცხლი გაძლივრდა იმის სახლსაც შემოედება.

ხალხში ბევრნაირი წრის კაცებია: ერთთა მდიდარი, მეორეც ღარიბი, მესამეს ლუკმა პურიც არა აქვს. ამას გარდა ხასიათით და თვისებით რომ განირჩევიან, იმისთანაებსაც მრავალს შეხედებით; ხალხში იპოვნით ჭკუიანსაც და უჭკუოსაც, გონიერსაც და გიჟსაც, მოცეტებულსაც და დაზანტებულსაც, დარდიანსაც და უდარდელსაც, ქეიფიანსაც და მწუხარესაც. ერთი რომ იძახის,—არიქა, ძმებო, ხმელა პური მაინც მომაწოდეთ, თორემ ლამის მეც და ჩემი ცოლ-შვილიც შიმშილით დავიხოცენითო; მეორე კი ასე ეუბნება:—რამ გადავრია, სადაური შიმშილი, რას გაუგიჟებინარო, მგონი ამისთანა მძძღრობა თავის დღეშიაც არ ყოფილაო; პური კი არა, ჩიტის რძეც რომ დამჭირდეს, თქმის მეტი არა მინდა რაო. მძღარი მშიერს არ განიკითხავს და მშიერი მძღარს ვერ უგრძნობს. ამისთანა გარემოებაში უნებურად მოგაგონდება ჩვენებური ანდაზა: „მძღარს მშიერიც მძღარი ჰგონია“ო. ერთი რომ წინ გაიწევეს, მეორე კალთაში აფრინდება: დაჯე, მამაგიცხონდება, თავხედი ნუ ხარო. აბა სულ იმ წინ რომ მიისწრაფი, ვინ იცის რა დაგემართებაო. აქ კი ჩვენ კერას ძირში ყველანი თბილათ და უზრუნველად ვცხოვრებთო: „რაც არ ექნას მამაშენსა, ნურც შენ დახვე ფარფაშებსა“. ვითომც როგორც შენ მამადა პაპას კომლიან სახლში თვალები უსრესია, შენც ეგრე ცხოვრეო. ის კი არა, თუ უწინ შალის ჩოხითაც კარგათ გამოხვიდოდი გარეთ, ახლა კი შალის ჩოხა თუ ჩაიცვი, მაშინვე „ბიჩოს“ დაგიძახებენ და ღმერთმა იცის ან კი რა შეგემთხვევა! ყველას უნდა მაჟღი ჩაიცვას და წმინდათ იცხოვროს; მაგრამ ამისთანა ცხოვრებას ფულიც უფრო ბევრი ნდომებია. ფულს შრომა და დიდი ჯაფა ყვარებია; ჩვენ კი ასე ვიძახით: „აჰ, თუ ღმერთი გწამს, შრომის და ჯაფის სახელს ნუ გაგვაგონებ. ჩვენ ეგ სულიერი ძველიდამ არ გვყვარებია და არც ახლა გვიყვარსო. ჩვენ უფრო მოსვენებულად ცხოვრებას ვართ შეჩვეულიო“. მაშ თუ აგრეა მეც, ერთი მოვაჭრესი არ იყოს, მოგახსენებთ: უშრომით კნიაზის ჯიბეც ფხინკ!.. გროშიც არ მოგვეპოება! ხარჯვას

კი ღვთის მადლით ძალიან შეჩვეულნი ვართ და შრომა სულ არ გვიყვარს; ამის გამო არც ფული გვაქვს. მაშ საქმე სესხებაზედ მიადგა. ამაში, რასაკვირველია, მარჯვეთა ვართ, მაგრამ ვალს გადახდა უნდა, ჩვენ კი ფული არ გვაბადია. ამის გამო ვალს თანდათან ემატება და ადგილ-მამული ცოტ-ცოტობიდ მიდის ჩვენის ხელიდგან. ბოლოს, როგორც მგონია, ამით იმდენხედ მივატანთ, რომ ერთს ფილოსოფოსივით დაგვემართება, რომელსაც ტანსაცმლის მეტი არა ებადა რა და საცა მივიდოდა ამას იძახოდა: რაც მაქვს თან დამაქვსო. (*Omnia mea mecum porto*) ენამ მიყვილა! ღმერთი არ გაუწყურეს მართლა იმ ერთ ფილოსოფოსსავით არ დაგვემართოს, — მართო ტანსაცმლის ამარა არ დავრჩეთ! მაგრამ ან კი რატომ არ უნდა დავრჩეთ? სადაც არ ჩაიხედავ, ყოველგან ამოიკითხავ, რომ ხან ამ ქართველს მებატონეს უყიდიან ადგილ-მამულს და ხან იმ ქართველსა. ფცქენიან საწყლებს, როგორც ქათმებსა. მაგრამ ამ ლაპარაკში ჩემ წინა აზრს გადავცილდი. ამას ვამბობდი: საზოგადოებაში ერთი რომ ერთი მხრით მიდის, მეორე მეორე მხრივ ეზიდება: — მანდეთ სად მიდიხარ, ხევში გადავარდები, აქეთ წამო, კარგს გატკეცილს გზას გიჩვენებო; მაგრამ თვითონ კი სრულებით არ იცის იმისგან ნაჩვენები გზა გატკეცილია, თუ ბუჩქებიანი. ამისთანა მიხლა-მოხლაში ბოლოს იმდენხედ მივა საქმე, რომ საზოგადოებაში ორს კაცს ვერ ნახავ; რომ ერთი აზრი ჰქონდეთ და ერთ გზაზედ მიდიოდნენ. ყველას თავის განზრახვა და გაცალკეებული წადილი აქვს. ყველას თავის მოთხოვნების წრე შემოუფარგლავს, კედელი შემოუვლია და სხვისი დარდი აღარ აწუხებს. იმის კედელს გარეთ ქვეყანაც რომ დაიქცეს, ხმას არ ამოიღებს, კარ-შაღ არ გამოიხედავს. ამ დროს რომ რამე საზოგადო შემავიწროვებელი გაჭირვება მოხდეს, ვთქვათ ნიაღვარი, ცეცხლი და სხვა სენი, აოავინ ხელსაც არ გაანძრევს. ყველას თავის კერას ძირს ფეხი მოუკეცია და სხვის გაჭირვებას, ყვირილს ყურსაც არ უგდებს. იმას ჰგონია, ის სენი ამით გათავდება და ჩემამდინ ვერ მოატანსო და, რომ კიდევ მოატანოსო, მაგარ კედელს მაინც ვერ შემომინგრევსო. მაგრამ სამღვთო წერილში სწერია: „როგორითა საწყაულითა მიუწყოთ. აგრეთითა საწყაულითა მოგეწყოსთო“. იმისი შემოვლებული კედელი საზოგადო სენს ვერ დაიმაგრებს. კედელი გასტყდება და სენი სხვის გაჭირვების უგრძნობელს კისურში ხელს წაავლებს და გაგუდავს. ის დაიწყებს ძახლს: „მიშველეთ, მიშველეთ!“ მაგრამ როგორი საწყაულით სხვას მიაგო, იმისთანავეთი თვითონ იმას მიეგება. ამგვარი კაცის დაღუპვა გონიერის კაცისთვის არც კია შესაბრალო. ახლა ჩვენ უნდა ვიკითხოთ: ამნაირად დაწყობილს ხალხში კაცმა რა უნდა

ჰქნას?.. ძველად იცოდნენ საყვირის ხმარება. ყოველს შინა და გარე-
განს გაჭირვების დროს აძახებდნენ საყვირსა, მინამ ყველას ყურს არ
გაუყრუებდნენ, რომ თხასავით გაბნეული მოძმეები შეეკრებათ და
ერთად მოეფიქრებინათ ამ გაჭირვების თავიდან მოშორება. საყვირს
ახლა აღარ ხმარობენ. იმის მაგივრად ჩვენ დროშია შამოღებულნი გა-
ზეფი და ყურნალები. იმათ უნდა იმდენი ილაპარაკონ და იყბედონ,
რომ საზოგადოებას კეთილი განზრახვა აღუძრან, კარგი გრძნობა გა-
უღვიძონ და ცხოვრებაში საუკეთესო მიმართულება მისცენ. ამას
გარდა იმათ უნდა ნათლად დაგვანახონ ჩვენი უმგზავსობა, იქნება
ამით მაინც ჩაგვაფიქრონ და მოგვააზრებინონ რამე, თორემ ჩვენ
თვითონ ვერაოდეს ვერ ვხედავთ ჩვენს ნაკლულევანებას და ჩვენი
თავი ყველას შეუმცდარი გვეონია. მაგრამ, როდესაც კაცი ჩაფიქრე-
ბის მაგივრად ჯავრობას დაიწყებს, იტყვის,—ასე რათ გვლანძღვენ,
რომ ჩვენ ნაკლულევანებას თვალთ გვიჩვენებნო,—ამისთანა, კაცი
შენ როგორ მოგწონს, მკითხველო!.. ამის ასახსნელად მაგალითს ვიტყ-
ვი. წარმოვიდგინოთ ყმაწვილი, რომელსაც გულზედ წვინტლი აქვს.
მეორე ყმაწვილი ეუბნება: „აი, გულზე წვინტლი გაქვს, მოიშორეო“.
იმან რომ წვინტლის მოშორების მაგივრად თავის ამხანაგს ჯავრობა
დაუწყოს, როგორ თუ შენ. მაგისი თქმა გაბედე, მე კი არა წვინტლი
თუ კარგია, შენ გქონდესო,—აბა ამისთანა ყმაწვილზედ რაღას იფიქ-
რებ მკითხველო?.. სწორეთ უგუნური უნდა იყოს, თორემ ქკუიანი
მაგისთანა საქმეს არ იზამს. ახლა ვთქვათ, ის ყმაწვილი უფროსთანაც
წავიდა საჩივლელათ, უთხრა, ამა-და-ამ ყმაწვილმა გამლანძღაო და
ჩემს თავს აღანძვინებთო. ამისთანა ყმაწვილზედ რაღას იფიქრებთ,
მკითხველო?.. ამისი განსჯა თქვენთვის მომინდვია. ჩვენ მეტს არას
ვიტყვი, მხოლოდ ამას კი მოგახსენებთ, რომ წარსულს წელს ჩვენს
საზოგადოებაშიაც ამისთან შემთხვევა მოხდა...

კარგი უცუდოთ შეუძლებელია. ამისთვის საზოგადოებაშიც თუ
იმ ყმაწვილებისთანა პირები გამოჩნდნენ, იმათ არ უნდა ეწყინოთ
საზოგადო ნაკლულევანებაზედ ლაპარაკი. ამ შემთხვევაში ჩვენი სურ-
ვილიც მხოლოდ ის არის, რომ ცუდი ხალხში მოისპოს და კარგს
მიეცეს წარმატება. ამით ვათავებთ წარსულის წლის ანგარიშს. რაც
უნდა უკმაყოფილოდ ვიყოთ წარსულის წლისა, ის მაინც ჩვენთვის
ნეტარ სახსენებლად უნდა დარჩეს, ამიტომ რომ იმან ერთი საზო-
გადო მოლაპარაკე შეგვძინა. ჩვენ კარგათ ვიცით; რომ „დროებას“
ბევრი ნაკლულევანება აქვს; მაგრამ სასიხარულო ეს არის, რომ
„დროების“ გამოსვლით სამშობლო ენაზედ საზოგადოთ ლაპარაკის
ნება მოგვეცა.

II

ესეც ახალი წელი! ყოველს ახალ წლის დამდეგს ყველანი ერთი ერთმანეთს სიხარულით ვულოცავთ ხოლმე: „ღმერთმა მრავალს ახალწელიწადს დაგასწროთ“; მაგრამ თუ ამ სიტყვებს კარგათ დავაკვირდით, ეს მოლოცვა დიდათ აღარ გვახარებს. ყოველი ახალწელიწადი უმატებს ჩვენს ხნიერებას. ახალწლის დადგომით ჩვენი სიცოცხლე ერთს მოკლე ნაბიჯს საფლავისკენ გადადგამს ხოლმე. ერთმა რომაელმა პოეტმა სთქვა: „რაც გუშინ ვყოფილვართ, დღეს ის აღარა ვართო“. დროსა და დროს გამოვლით ჩვენი ტანი იანდათან იცვლება. ყოველს წამს ათასი ნაწილი ჩვენი ტანისა კვდება, სხეულისთვის აღარ ვარგა, ტანს შორდება და სისხლის ნაკადულს გარეთ გამოაქვს. ამით მაგიერ ათასს ახალს ნაწილს სისხლი ისევ ტანს უბრუნებს და დასტოვებს იმავე ადგილებზედ, რომლებსაც ძველი ნაწილები მოშორებიან. ამსახით ყოველს საათს და ყოველს წამს არის ტანს შიგნით გაუსხლეტელი მუშაობა: ახალი მოდის, ძველი კვდება და ტანს შორდება.

ამ მუდამ ცვლილებაში ჩვენი შინა-აგებულებაც ცვდება იმავე გვარად, როგორც ყოველი ნივთი ხდება მუდამ ხმარებაში. სიცოცხლის ბორბალი თან-და-თან აკლებს ბრუნვას და ბოლოს კიდევ გაჩერდება. ტანი მეტის-მეტის გაცვეთის გამო ვეღარ იმუშავებს და საუკუნოდ დადგება. ამას სიკვდილს ვეძახით. ამ აზრით ყოველი ახალი წელიწადი სამარეს გვიახლოვებს.

მაშ ახალწლის დადგომა სასიხარულო კი არა სატირალი უნდა იყოს.—ზოგისთვის დიახ სატირალია, ზოგისთვის კი სასიხარულო. წარმოვიდგინოთ, რომ ტანი მილიონ პატარა ნაწილებისგან არის შემდგარი. კაცის ტანში ყოველს ნაწილს თავისი დანიშნულება აქვს. ის რამოდენსამე ხანს უნდა მსახურებდეს აგებულებას. იმან უნდა იშრომოს რამდენიც რიგია, განწესებულს ვადამდის უნდა სინდისიანათ ასრულოს თავისი დანიშნულება. ამისთანა შრომით ის მთელის ტანის სიცოცხლეს ხელს წარუშარბავს. როდესაც ის თავის ცხოვრების წრეს სრულად გაივლის, კვდება და გარეთ გამოდის. თუ რომ ყველა ნაწილები ამ ერთ ნაწილსავით რიგიანათ ასრულებენ თავის დანიშნულებას, მაშინ თვითონ ტანიც სიმრთელით არის და სტკბება უსნეულო ცხოვრებითა.

ახლა წარმოვიდგინოთ, რომ კაცმა მცირედი რამ საწამლავი მიიღო. რამდენსამე ხანს შემდეგ ამ საწამლავის ნაწილები მიუცალეპლად კუჭიდან სისხლში გადაეღენ; სისხლის ნაკადული კი მკვდარი

ნაწილების მაგივრად დასტოვებს ტანში ამ საწამლავის ნაწილებს. ყოველი ამგვარი ნაწილი ტანისთვის მავნებელია. ის ტანს იმით ავსებს, რომ სხვა მრთელს ნაწილებს უდროვოთ მოჰკლავს და იმათს დანიშნულებას აღარ ასრულებინებს. ამგვარად საწამლავის ნაწილები სხეულში იარას გააჩენენ.

ერთი ნაწილი ასს მარგებელს ნაწილს მოწამლავს და გადასცემს იმათ თავისს მავნებელ თვისებას, რომ მოწამლულმა ნაწილებმა კიდევ სხვანი გააფუჭონ. იარა სხეულში თანდათან ვრცელდება. მთელს ტანს მოივლის და ბოლოს კიდევ მოჰკლავს და დაშლის.

რა დანიშნულებაც ერთ ნაწილს ტანში აქვს, იგივე დანიშნულება ერთ კაცს ხალხში აქვს და (უფრო ვრცლად რომ ვსთქვათ) კაცობრიობაში აქვს. როდესაც ყოველი კაცი ნაყოფიერად შრომობს თავის სიცოცხლეში, მაშინ მთელი ხალხიც წარმატებით ცხოვრობს. კაცი რამდენათაც ბევრს შრომობს, იმდენათ უფრო ბევრს ნაყოფს იძენს. ჩვენ იმას შრომას არ დავარქმევთ, რომ ვთქვათ, კაცმა მთელს თავის სიცოცხლეში წერაქვი ურახუნოს, საიღამაც ნაყოფი არ გამოვა. უფრო გამორკვევით ვიტყვი: კაცი რამდენათაც უფრო ბევრს მიწას შეიმუშავებს, იმდენათ ბევრს მოსავალსაც მოჰკრავს. შესაძლებელია კაცს გოლვიანი წელიწადი დაუდგეს, მაგრამ ესეც იმის შრომაზედ არის დამოკიდებული. იმას შეუძლიან წყლის მისაშვებო ჩარხები ააბრუნოს და თავის სახნავ-სათესსა სისველე არ მოაკლოს. თანდათან შრომის მომატებით ნაწარმოებიც მრავლდება, მხოლოდ იმ შემთხვევაში, როცა კარგი მშრომელი, კარგი შემნახავიც არის.

თუ მშრომელი კარგი შემნახავი არ არის, იმისი ჯაფა სრულეებით უნაყოფოთ ჩაივლის. ვთქვათ ამ წელიწადს იმან ბევრი ნაწარმოები შეკრიბა; მაგრამ წლის გასულს რომ რაც მთელს წელში იშოვნა ერთს დღეს გაფანტოს, — ამისთანა მოქმედებითაც სრულებით არა გამოდნება რა. ამისთანა მოქმედება უფრო სავნებიც არის. ეს იმას ემსგავსება, რომ მთელი წელიწადი კაცმა ჯაფაში და წვალებაში გაატაროს და მეორე წელს კი კუჭი ისევ ცარიელი გაჰყვეს. მიუტილებლად ამგვარს კაცს იმ მეორე წელში სიკვდილი ეწვევა, თუ ვინმემ საზრდო პური არ მისცა. ამის გამო ყოველი კაცის დანიშნულება არის შრომა და შრომის ნაყოფის კარგი შენახვა. როგორც ზემოთ ვთქვით, ბევრი შრომა ბევრს საზრდოსაც აძლევს და კარგი შენახვა ერთს ნაწილს მონაგებისას გადაანარჩუნებს.

კაცმა რომ წელიწადში სამასი მანეთი იშოვნოს, წლის გასულს სამჯერ ათი მანეთი მაინც უნდა გადაარჩინოს.

ვინც თავისი ნაწარმოების სრული პატრონია, შეათედის გადანარჩუნებაც ძალიან ცოტაა; მაგრამ ასე ცოტ-ცოტა მოგროვითაც და რიგიანი შრომითაც კი შეიძლება, რომ ბოლოს ფული გაჩნდეს. თუ კაცს ფული აქვს, კარგს ხელსაწყოსაც მოიპოვებს. რასაც ერთი კევრი ერთს თვეს გალევწავს, იმას მაშინის სალევწავი ერთს დღეს არ მოუწოდება.

ამისთანა ხელსაწყოს შეძენით კაცის ნაწარმოებიც ერთი ათად იქცევა. ამის გამო კაციც წინანდელზედ ათჯერ უფრო მდიდარი ჰხდება. როდესაც ამგვარათ ყოველი კაცი წარმატებაშია, მაშინ მთელი ხალხიც უფრო მდიდარია, მიტომ რომ საზოგადო საჭიროებისთვის ყოველი კაცი უფრო ბევრს ფულს გამოიღებს. სიმდიდრეს კეჟა-გონების გახსნა და სწავლის შემატება მოსდევს. ამას რაღა კითხვა უნდა, რომ ვისაც ბევრი ფული აქვს, ის უფრო ბევრს დახარჯავს თავის შვილების გასანათლებლად, ის საუკეთესო მასწავლებლებს უშოვნის თავის შვილებსა.

იქნება ბევრი მკითხველი ამაში წინააღმდეგი გახდეს: სთქვას, რომ ჩვენში მდიდარი კაცის შვილები უფრო ვერ გამოდიანო კარგები. მაგრამ ეს ტყუილია.

მდიდარი კაცი იმას არა ჰქვიან, რომელიც თავის ნაწარმოებს არ ამრავლებს. ამისთანა გვამებს დღეს რომ აქვთ, ხვალ იქნება ულუკმა პუროთაც დარჩენ. ამისთანა ოჯახის ვაჟს თვითონ თავისი სახლობა ახდენს. იმის სახლობაში ყველანი უსაქმოდ ზიან; ყველანი ლხინში და შექცევაში ატარებენ თავის ცხოვრებას. ამის შემხედავი ყმაწვილიც თან-და-თან მიეჩვევა უსაქმობას, გაირთვება და სწავლაზედ დიდს ყურადღებას არ მიაქცევს.—უსწავლელათაც ბევრი მექნებაო, ყმაწვილი ჰფიქრობს, და ცხოვრებაშიაც გარეწარი იქნება. რაცა აქვს, მიფლანგ-მოფლანგავს, ყოვლის ფერი ვალში ეყიდება და და ზოლოს იმისთანა ღარიბი არავინ იქნება. ევროპაში ანგლიასთანა მდიდარი ქვეყანა არ არის. იმისთანა განათლებული და წარმატებული ცხოვრებაც არავის აქვს. იმ ქვეყანაში ფითად კაცი რომ აიღოთ, იმათთანა გამრჯელი და თავდარიგის დამპყერი სხვაგან იშვიათად მოიძებნება. იქ თითოეული კაცი დიდი მშრომელი და მომგებიია; ამის გამო მთელი ხალხიც ძალიან მდიდარი და განათლებულია. აქედამ სჩანს, რომ კაცს თავის კეთილ მდგომარეობისთვის და საზოგადოთ ხალხის წარმატებისთვის ეს ორი თვისება უნდა სჭირდეს: გულდადგრომილი შრომა და ნაწარმოების კარგი შენახვა. როდესაც იმას ეს ორი თვისება სჭირს, მაშინ ის გამდიდრებასაც ადვილათ შეიძლებს. თუ ყოველი კაცი მდიდარიც, მაშინ მთელი ხალხიც

საერთო გამონაღებთაც უფრო ბევრს საშუალებას მოაგროვებს, რომ ქვეყნის საჭიროებაც უფრო კარგათ დააკმაყოფილოს.

ამ შემთხვევაში მთელი ხალხიც უკეთესს ცხოვრებაშია. მაშ ხალხის ბედნიერება და უბედურება თითოეულს პირზედ ყოფილა დამოკიდებული. ამაში ეჭვი არ არის.

კაცი, რომელიც სინიდიისიანათ ასრულებს თავის დანიშნულებას, ორს დიდს კეთილს საქმეს შვრება. ერთი რომ თვითონ გაუჭირვებლად ცხოვრებს, მეორე რომ ქვეყანას ეწევა, რადგანაც ქვეყნის საჭიროებისთვის მომეტებულს ფულს სწირავს.

ახლა წარმოვიდგინოთ ხალხში იმისთანა გვაში, რომელიც ზემოთ მოხსენებულს დანიშნულებას არ ასრულებს. ამისთანა კაცები ჩვენში ბევრია.

ვთქვათ ერთი კაცი არ შრომობს:—არ ხნავს, არ თესავს, არ ვაჭრობს; არავითარს სასარგებლო მოხელეობას არ ასრულებს და არც საზოგადო სამსახურშია. ვთქვათ ის ზის, სახლში; ზამთარ და ზაფხულ თავის გასართობლათ ნადირობს; თუ შემთხვევა მიეცა, არც ლხინსა და არც ჭირს აკლდება. ამისთანა კაცს უნდა ცხოვრება, უნდა პური, ღვინო და ფული. რადგანაც ესეები შრომის ნაყოფია და თვითონ არ შრომობს, ამისათვის იმან როგორმე სხვის ნაშრომით უნდა იცხოვროს. მაშ ეს სხვა გვაში, რამდენიც შეეძლო, იმდენს მონაგებს ველარ მოაგროვებს. იმისი ნაწარმოები იმ ზემოხსენებულს კაცს მიაქვს, რომელიც არ შრომობს. ამ სახით თვითონ მშრომელი თავის ნახევარს ჯაფას ტყუილათ ჰკარგავს. ის ველარ შეიძლებს თავის ცხოვრების გაუმჯობესებას, რადგანაც მონაგებს ხელში ვერ იმაგრებს. ამის გამო ხალხის საჭიროებისათვის ჟს პირი ველარ სწირავს იმდენს ფულსა, რამდენიც რიგი იყო. ამ შემთხვევაში საზოგადო საჭიროების დასაკმაყოფილებლად ხალხსაც უმცირდება ღონისძიება.

მაშასადამე, კაცი, რომელიც თვითონ არ შრომობს, ორს დიდს ზარალს შვრება. ის აზარალებს იმ კაცს, რომლის მონაგებიც თავის საცხოვრებლად მიაქვს და აგრეთვე ზარალს აძლევს მთელს საზოგადოებას, რადგანაც იმას შემწე პირს უღარიბებს. მაგრამ ეს ორი დიდი ზარალი ამით კიდევ არ თავდება. კაცი, რომელიც მხოლოდ სხვის მონაგებს შეჩერებია, თვითონ ჯაფას არ ეწევა და მარტო სხვისი მონაგები კი იმის ცხოვრებისთვის არ კმარა, ამის გამო თავის თავით ერთს ღარიბს კიდევ უმატებს საზოგადოებას. თვითონ რომ არა აქვს; საზოგადოებას რას მისცემს.

ცხოვრებაში კი ხშირად მოხდება, ვინც არ მუშაობს, ის საზოგადოებას არაფერს აძლევს. ამ სახით ნებივრად მცხოვრები კაცი

ოთხკეცს ზარალს შვრებთ. ის თავის გაურჯელობით აღარიბებს თავის თავს და იმ კაცს, რომლისგანაც თავს ირჩენს. აგრეთვე ხალხსაც ორკეცს ზარალს აძლევს, რადგანაც იმას ორ ღარიბს კაცს შესძინებს, რომლებიც სიღარიბის გამო საზოგადოებას ცოტას აძლევენ და იმდენს არა, რამდენსაც საზოგადო საჭიროება ითხოვს. ამ შემთხვევაში შრომის მოყვარე კაცი ჰგავს ტანის ნაწილს, რომელიც თავის სასარგებლო შრომით სხეულის სიცოცხლეს ეწვევა. რომელი კაციც არა შრომობს, ის იმ მომწამვლელ ნაწილს მიემგზავსება, რომელიც ტანში იარას აჩენს. უსაქმური კაცი იმისთანავე იარას დაჰბადებს ხალხის ცხოვრებაში, როგორც ტანში საწამლაფი. რამდენათ უფრო ბევრი მავნებელი ნაწილი შევა კაცის ტანში, იმდენათ უფრო დიდდება შინაგანი იარა და ბოლოს სხეული იმითი კიდევ მოკვდება. აგრეთვე რამდენათ უფრო ბევრი უსაქმური კაცები ხალხში იბადება, იმდენათ შრომის ნაყოფი მცირდება და საქმელი პური ყველას აღარ ყოფნის. ხალხი თან-და-თან ღარიბდება, იმშევა და დაეცემა...*)

ძველათ აღმოსავლეთში ბევრი განათლებული ხალხი ცხოვრებულა, შემდეგ ამ ხალხების მეტი ნაწილი გაქრა. იქ საცა ძველი ასსირიელი და ძველი ბაბილონელი სეირნობდა, ახლა თურქსა და სპარსელს გაუჭიმავეს თავისი სახლ-კარი და ბაბილონის ქალაქის მცირედი ნაქცევი თუ მოგვაგონებს ბრწყინვალე ნაბუქოდონოსორის ოდესმე მეფობას, თორემ იმ არემარეზედ სხვა კი არაფერია. ამ ხალხების გაქრობის მიზეზი ნეტავ რა იყო?—უმთავრესი მიზეზი კუჭის ცარიელობა იყო. მთელი ხალხის ნაწარმოები რამდენისამე პირის ხელში ვარდებოდა. ისინი ხარჯვისა და გარყვნილს ცხოვრების მეტს არას აკეთებდნენ. უმრავლესს ნაწილს კი შიმშილით კუჭი ეწვოდა, ხალხის უმეტესმა ნაწილმა ძუცელი რომ ველარ გაიძლო თან-და-თან მისუსტდა. ამ დროს ველური ხალხი იმათ თავს გადაელაჯა და ისინი თავის სიმძიმის ქვეშ ამოსრისა.

აქედამ ნათლად სჩანს, რომ შრომაზედ გულ აცრუებებს ყოველთვის ცუდი ბოლო აქვს ხალხის ცხოვრებისთვის; თუ ხალხში ყოველი კაცი კარგი მშრომელია და თავის ნაწარმოების რიგიანი მოხმარებელი, მაშინ, როგორც ცალკე პირების, ისე მთელი საზოგადოების კეთილდღეობაც თანდათან მატულობს.

კაცის სიცოცხლე ძალიან მოკლეა. სულ რომ ბევრი ვთქვათ, კაცი სამოცს ახალწელიწადს თუ გაატარებს ამ სოფლად თითქმის მეტს ველარ. ახლანდელს დროში ოთხმოცისა და ასი წლის კაცი ძალიან ძვირად იპოვება. უფრო ხშირათ ორმოცსა და ორმოცდაათ

*) ცენზორის მიერ არის ამოღებული.

წელს არ გადასცილდებიან. ნეტაი ცხოვრების წრე მაინც დიდო-
იყოს, რომ რამდენიმე ხანი უღარდელად გავატაროთ და დანარჩენი
შრომას შევწვიროდ. აკენილამ ხუთმეტს წლამდის კაცი მოუხმარებე-
ლია. ამ დრომდის იმას საქმის კეთება არ შეუძლია.

მაშ რაღა დარჩა? ბევრი, ბევრი ოცდა ათი ან ოცდა ხუთმეტი წე-
ლი: ამ ხნის ნახევარიც ძილში გვეკარგება, ბოლოს ხუთმეტი წელია
ჩვენი შრომის წრე. ეს ხანი ისე ჩქარა გარბის, რომ იტყვიან, თვა-
ლის დახამხამებასაც ვერ მოასწრებ, სიბერე შემოგვსწრებაო. აბა ეს
მოკლე ხანიც უღარდელათ ვატაროთ, შრომა როდისღა გავსწიოთ?
ცხოვრებაში ხშირად შევხვდებით ხოლმე იმისთანა მოხუცებულს,
რომლის სახესაც მწუხარების კვალი ღრმად აჩნია. ვის არ მოუქმენია
იმისი მძიმე ამოხვრავა. ამ ოხვრაში ისმის მწუხარე გლოვა დაკარ-
გულს ყმაწვილობაზედ. იმას თავლის წინ ხშირად უდგას წარსული-
ცხოვრების სურათი და ამ სურათში ის ვერ ჰპოვებს იმისთანა მოქ-
მედებას, რომელსაც შეძლებოდა იმის სახელი კარგის ხსენებით დაე-
მკვიდრებინა ამ ქვეყანაში. იმას ის აწუხებს, რომ გავლილს ცხოვრე-
ბის სურათში ერთს სარგებლიანს საქმესაც ვერ ჰხედავს. ის სითვალ-
ხარბით ნატრულობს თავის სიყმაწვილის დაბრუნებას; მაგრამ ამაოა,
იმისი ნატვრა. იმას თავის სიბერის დღენი უსიამოვნოდ წინ მიურ-
ბიან. ტკბილი სიბერე მხოლოდ იმისია, რომელსაც თავის ცხოვრება-
ში გონივრად უშრომია და სიბერის დროს შეჭხარის თავის შრომის
ნაყოფსა. პირველისთვის კი ყოველი ახალი წელიწადიც სატირალი და
სამწუხაროა, რადგანაც ძველი წელიწადი უნაყოფოთ გაუტარებია და
ახალიც მხოლოდ სიცოცხლის დღეებს აკლებს. იმას სასარგებლო
შრომის იმედი არა აქვს, ამიტომ იმისი გართული და დაზარმაცებუ-
ლი ცხოვრება კარგს საქმეზედ ხელს ვერ მოაკიდებინებს.. ჩვენს წარ-
სულს ცხოვრებაში ძალიან ცოტაა ნაყოფიერი და კეთილი მონაქმე-
დი, განსაკუთრებით ახლანდელს დროს უფრო გვმართებს შრომაში
განვითარება.

ბევრი იმისთანა თავმინებებული საქმეა ჩვენს ცხოვრებაში, რომ,
თუ იმათ ყურადღება არ მივაქციეთ და ხელს დროზე არ მივყავით,
სხვა ცუდი შემთხვევაც რომ არ გვექნას, მარტო ამ საქმეების თავ-
მინებება მოგვითხროს ძირსა. ახლა უნდა გამოვიკითხოთ, ეს რა საქ-
მეებია?.

რაც არის ამას შემდეგ მოვახსენებთ.

მზის დაბნელება

რომელიც მოხდება 22 თებერვალს

მოულოდნელს ზეციურს მოვლინებას ყოველთვის დიდი ზედმოქმედება აქვს ხალხის გამოხატულებაზედ, ყოველთვის აშინებს და აფრთხობს მას. ამ მოვლინებაებს შორის ხ. ლხისათვის ყველაზედ უფრო შემადრწუნებელი მზის დაბნელება არის. ქვეყნის გამაცხოველებელი, სინათლის და სითბოს მიმცემი მზე, ლაუეარდოვან ცაზედ ჩვეულებრივი გზით მიმავალი, ანათებს ქვეყანას და უცებ იმას რაღაც ჩამოეფარება და დედა-მიწას სიბნელე მოეფინება. მართლა და ამისთანა მოვლინებამ როგორ არ უნდა შეაშინოს გონება-გაუხსნელი კაცი, რომელიც ამას არ მოელოდა? რადგანაც გაუნათლებელმა ხალხმა ამ გვარის ზეციურის მოვლინების მიზეზი არ იცის, ამისთვის ის იმას გამგების რისხვას მიაწერს ხოლმე და შიშით მოელის, რომ იმას თან მოჰყვება ყოველგვარი უბედურება. ვის არ ახსოვს, რა შიშით დაძრწოლით მიეგება ჩვენში ხალხი 1851 წელს მზის დაბნელებას და რა ჭორები დაჰყარეს ამ მოვლინებაზედ. ამ შემთხვევის გამო განსვენებულმა ანტონოვმა დასწერა კომედია „მზის დაბნელება“, რომელშიაც ხელოვნურათ არის გამოყვანილი ხალხის აზრი ამ ზეციურს მოვლინებაზედ და ამასთანავე მოხსენებულია სასაცილო ჭორები, რომელნიც მაშინ გავრცელებულნი იყვნენ. სხვა ჭორებმა ისე ჭორებათ ჩაიარეს, ერთმა კი საწყალო ქათმებს ბოლო მოუღო. დავარდახმა, რომ მზის დაბნელებამ ქათმებს კუჭში გველები გაუჩინაო, მიჰყვეს ხელი ამ საცოდავს ფრინველს და იმდენი გაწყვიტეს, რომ იმისი გვარი კინალამ სულ არ ამოვარდა.

განათლებული კაცისთვის მზის დაბნელება იმისთანა ჩვეულებრივი მოვლინებაა, როგორც მზის ამოსვლა და ჩასვლა; განსხვავება მხოლოდ იმაში მდგომარეობს, რომ ერთი იშვიათათ მოხდება ხოლმე, მეორე კი ყოველს ღდეს. ქვეყანაზედ არაფერი არ მოხდება უმიზეზოთ და შემთხვევით; იმას მმართავენ მტკიცე და შეუცვლელი კანონები. როდესაც ამ კანონებს გამოვიკვლევთ, მაშინ ყოველგვარი

მოვლინების ახსნა ადვილი იქნება. მეცნაერების დანიშნულება სწორეთ იმაში მდგომარეობს, რომ შეიტყონ და გამოიკვლიონ ეს შეუცვლელი კანონები, რომელნიც თვით ბუნებაში არიან და სხვა-და-სხვა მოვლინებაებს მოახდენენ. ასტრონომიამ ანუ ვარსკვლავთ-მრიცხველობამ კიდევ გამოიკვლია ის კანონი, რომელიც მმართავს ზეციურს მნათობებს და შეიქნა ყველაზე უფრო მტკიცე და შეუცდომელი მეცნიერება. ასტრონომები არა თუ მართო მოვლინების მიზეზებს გვიხსნიან, არამედ წინასწარ-მეტყველობენ, რომ ამა და ამ დროს ამა და ამ მიზეზებისა გამო, ესა და ეს მოვლინება უნდა მოხდესო და მათი წინასწარ-მეტყველობა კიდევ მართლდება. იმისთვის მართლდება, რომ კანონი, რომელსაც ისინი დაეფუძნებიან, ჭეშმარიტია, და ამასთანავე შეუცდომელია მათემატიკა, რომლის საშვალებით ისინი მოახდენენ თავის გამოანგარიშებას. მკითხველებს ეხსომებათ, თუ როგორ წინათ აგვიწერეს ასტრონომებმა მზის დაბნელება, რომელიც 1851 წელს მოხდა საქართველოში. იმათვე გამოანგარიშეს, რომ წელს თებერვალში მზის დაბნელება უნდა მოხდეს.

მზის დაბნელება მარტივი და ადვილი ასახსნელი მოვლინებაა. ჩვენ ახლა დაკვეშმარიტებით ვიცით, რომ ჩვენი ქვეყანა ტრიალობს მზის გარშემო ასე, რომ ერთის წლის განმავლობაში ის მზეს ერთხელ შემოუვლის ხოლმე. ჩვენ ვიცით აგრეთვე, რომ ჩვენს ქვეყანას გარშემო უვლის მთვარე და შემოუტრიალდება მას ერთს თვეში ერთხელ. ჩვენს ქვეყანას და მთვარეს ერთი ერთმანერთთან იმისთანა დამოკიდებულება აქვთ, რომ მთვარე უვლის ქვეყანას და იმავე დროს ორნივე ერთათ მზეს გარშემო უტრიალებენ. მზე—მნათობი ზეციური სხეულია; ის ანათებს ჩვენს ქვეყანას და მთვარეს, რომელნიც ბნელი სხეულები არიან, ესე იგი, თვითონ არავითარი სინათლე არა აქვთ და სინათლეს იმათ მზე აძლევს.

როდესაც თავის მოძრაობაში მთვარე სწორეთ მზესა და ჩვენს ქვეყანას შუა დადგება, რასაკვირველია, ეს ბნელი სხეული ჩამოეთვარება მზეს და მისს სხივს ჩვენსკენ აღარ გამოუშვებს. მაშინ ჩვენს მიწაზე იმ ალაგს, რომელიც მთვარეს დასწვრივ მდებარებს, მთვარის ჩრდილი დაეცემა და დაბნელდება. ამ შემთხვევაში იტყვიან მზის დაბნელება მოხდაო. მზე ძალიან დიდი სხეულია, ასე რომ ის ერთ მილიონ და ოთხას-ათასჯერ მეტია ჩვენ ქვეყანაზედ, მთვარე კი პატარაა, ორმოც და ათჯერ ნაკლებია ჩვენს ქვეყანაზედ, ამასთანავე ესეც უნდა ვსთქვათ, რომ მზე ჩვენზედ ძალიან შორს არის; ჩვენსა და იმას შუა ას ორმოც მილიონ ვერსზედ მეტია. მთვარე ყველა სხვა ზეციურს სხეულებზედ უფრო ახლოა, ასე რომ ჩვენსა და იმის

შუა სამას სამოც ათას ვერსზედ ცოტა მეტია. მზის დაბნელება ორგვარია: სრული და კერძობითი როცა მზე სრულიად დაბნელდება, მაშინ იტყვიან სრული დაბნელება მოხდაო, როცა მთვარე დაფარავს მხოლოდ ერთს ნაწილს მზისას, მაშინ კერძობითი დაბნელება მოხდება, ჩვეულებრივ მზის ორივე გვარი დაბნელება ერთსა და იმავე დროს მოხდება ხოლმე ქვეყანაზედ, მაგრამ სხვა-და-სხვა ალავს. ერთის მხარის მცხოვრებლებს სრული მზის დაბნელება წარმოუდგებათ და მეორისას—კერძობითი. მაგალითებრ 1851 წელს ჩვენში სრული მზის დაბნელება იყო და საქართველოს კარშემომდებარე მხარეებში—კერძობითი. როგორც ზევითა ვსთქვით, მზის შედარებით მთვარე ძალიან პატარა სხეულია, ამის გამო, როდესაც ის მზეს ჩამოეფარება, იმას არ შეუძლიან დააბნელოს მთელი დედა-მიწის ზურგი; მისი ჩრდილი მხოლოდ ჩვენის მიწის ერთს მცირე ნაწილს გადაეფარება. ავხსნათ ეს მაგალითით. წარმოვიდგინოთ, რომ შუაგულ ოთახში ლამპა ანთია. ვსთქვათ ეს ლამპა მზეა. ავიღოთ ერთი ბურთი და დავიჭიროთ კედელზედ ცოტა მოშორებით. წარმოვიდგინოთ, რომ ეს ბურთი მთვარეა და კედელი—დედა-მიწის ზურგი. ამ ბურთის ჩრდილი დაფარავს ერთს ნაწილს კედლისას. თუ დავუკვირდებით, ადვილათ შევნიშნავთ, რომ ამ ჩრდილის შუაგული სულ ბნელი იქნება და გარშემო უფრო განათლებულა, ასე რომ სიბნელე შუაგულიდამ თანდათან იკლებს და წრეს გარეშ სულ დაიკარგება. ასე მოხდება დედა-მიწაზედაც მზის დაბნელების დროს. მთვარის შუაგულის დასწვრივ მდებარე ადგილებში სრული დაბნელება მოხდება და იმის გარშემო მდებარე მხარეებს მხოლოდ ბინდი მოეფინება; იქაური მცხოვრებლები მარტო კერძობითს დაბნელებას დაინახავენ.

როდესაც ჩვენი ქვეყანა დადგება მზესა და მთვარეს შუა, მაშინ ის დაჩრდილავს მთვარეს და მოხდება მთვარის დაბნელება, როგორც მზისა ისე მთვარის დაბნელება ორგვარია: სრული და კერძობითი, ესე იგი, ხან მთელი მთვარე დაბნელდება და ხან იმისი ნაწილი. მთვარის დაბნელება უფრო ხშირათ მოხდება; მინამ მზისა, ამისთვის რომ ჩვენი ქვეყანა ბევრათ მეტია მთვარეზედ და ამისგამო იმის ჩრდილიც მეტია მთვარის ჩრდილზედ—ამ მიზეზისაგამო, როცა ჩვენი ქვეყანა ჩადგება მზესა და მთვარეს შუა, იმისი ჩრდილი უფრო ადვილათ მოხვდება მთვარეს და დააბნელებს მას. მზის დაბნელება ყოველთვის ახალ-მთვარეზედ მოხდება და მთვარის—მაშინ, როცა ის სავსეა. ჩვენში წელს მოხდება კერძობითი მთვა-

რის დაბნელება 2 სექტემბერს. ის დაიწყება მეორე საათზე ნაშუა-
ლამევს და გათავდება მეხუთე საათზედ.

ახლა ვსთქვათ რამდენიმე სიტყვა იმ მზის დაბნელებაზედ, რომლისგამო ეს სტატია დაიწერა. ამ თებერვლისთვის 22 რიცხვს მოხდება მზის დაბნელება, რომელიც დაინახება ევროპაში, ჩრდილოეთს აფრიკაში და დასავლეთს აზიაში.

ჩვენში მხოლოდ მზის ერთი ნაწილი დაბნელდება, ესე იგი, კერძობითი დაბნელება მოხდება. ტფილისში დაბნელება დაიწყება ნაშუადღევს, როცა პირველ საათის 6 მინუტი გავა. 26 დროს მზის მარჯვენა მხარე ცოტათი დაბნელდება, შემდეგ სიბნელე თანდა-თან იმატებს, ასე რომ ბოლოს მზის ერთი ნახევარი სულ დაიფარება. ამის შემდეგ სიბნელე თანდათან იკლებს და მეორე მესამე საათის 44 მინუტზედ ის სრულებით გაქრება მზის წვერთან. კახეთში, ქართლში და იმერეთშიაც ეს დაბნელება თითქმის იმ დროს დაიწყება და გათავდება, როგორც ტფილისში. თუ ღმერთმა ჰქნა და 22 თებერვალს კარგი მოწმენდილი ღლე გამოვიდა, ჩვენ ვგონებთ, ბევრი მოინდომებენ ამ იშვიათის ზეციურის მოვლინების დანახვას. ზამთარში მზეს დიდი სიცხოველე არა აქვს და ამისათვის შესაძლებელია, რომ თვალი უშუშობთაც გაუჩერდეს მზეს. ვისაც სუსტი თვალები აქვს, იმან მზის დაბნელების დასანახავათ უნდა ალიქურვოს კვარტლით გაშავებული შუშით, რომელიც ძალიან ადვილი მოსამზადებელია. შუშა რომ ცოტა ხანს სანთლის ალზედ დაიჭირო, იმას მაშინვე კვარტლი მოედება.

ბატონ-ყმობის გაუქმების გამო სამეგრელოში

ამ ნუმერში მკითხველებში წაიკითხავენ უმაღლესს უქაზს გლეხობის განთავისუფლებაზედ სამეგრელოში. ეს უქაზი გამოცხადდა სამეგრელოში 19 თებერვალს, გლეხების „განმათავისუფლებელის“ ხელმწიფე იმპერატორის ტახტზედ აბრძანების დღეს. 8 ნოემბერი და 19 თებერვალი ჩვენთვის სამუდამო სახსოვარ დღეებათ დარჩებიან. 8 ნოემბერს 1864 წლისა, მოხდა გლეხობის განთავისუფლება ქართლში და კახეთში, იმავე დღეს 1865 წლისა—იმერეთში. 19 თებერვალს დაიწყო და კიდევ თავდება დიდი საქმე გლეხების განთავისუფლება: ამ დღეს 1861 წ. გამოვიდა უმაღლესი მანიფესტი ბატონ-ყმობის გაუქმებაზედ რუსეთში და იმავე რიცხვს 1867 წელს. თავისუფლება მიენიჭა სამეგრელოს გლეხებს. ამას იქით ბატონ-ყმობა სამუდამოდ მოისპო საქართველოს მიწაზედ; ამასთანავე რუსეთის იმპერიაშიაც ის არსად აღარ არსებობს. უმაღლესი უქაზი გლეხობის განთავისუფლებაზედ სამეგრელოში თავდება შემდგომი სასიხარულო სიტყვებით: „ესრეთსრულდების დეაწლი მიდამო ჩვენს იმპერიაში ყმობითის საზოგადოების გაუქმებისა“.

მართლა და გლეხობის განთავისუფლება რუსეთის იმპერიაში დიდი დეაწლი და უმაგალითო საქმეა. ისტორიაში ძვირათ მოიპოვება ამისი მსგავსი საქმე. 23 მილიონ კაცს მიენიჭა თავისუფლება, ახალი ცხოვრება, ასე ვთქვათ ახლათ დაიბადენ, რადგანაც მონის სიცოცხლე არა მგონია, რომ მართლა ცხოვრება იყოს. უმაღლესის ნებით, მოკლე დროს, წყნარად და მშვიდობიანათ მოიშალა წესი, რომელიც დამყარდა რამდენიმე საუკუნოების განმავლობაში კაცის მძლავრობის და სხვა-და-სხვა გარემოების გამო. ბატონ-ყმობის გაუქმებამ არა თუ მართო მებატონეების და გლეხების მდგომარეობა შესცვალა, არამედ მთელის საზოგადოებისა. ერთმა მწერალმა ბატონ-ყმობა შეადარა ორპირიან მახვილს, რომელიც წყლულს უჩენდა და აზარალებდა როგორც დამონებულს ისე დამმონებელს. ჩვენი მხრით ჩვენ დაგუმატებთ, რომ ბატონ-ყმობა მართო ამ ორ წოდებას კი არ ავნებდა, ის იყო სენი, რომელიც უშლიდა მთელის ქვეყნის ყველა

მცხოვრებლების წარმატებას. ბატონ-ყმობა, რომ ქვეყნის განათლებას და გამდიდრებას უშლის, ამას ჩვენ ცხადათ გვიჩვენებს ევროპის ისტორია. მინამ იქ ბატონ-ყმობა არსებობდა, ის ლარიბი და გაუნათლებელი იყო. შემდეგ როცა ბატონ-ყმობა მოისპო და იმას თან მოჰყვა სხვადასხვა საჭირო და სასარგებლო ცვლილებანი, სიმდიდრით და განათლებით ის შეიქნა პირველი ქვეყანა ცას-ქვეშეთში. ჩვენ დარწმუნებული ვართ, რომ გლეხობის განთავისუფლება ჩვენს საშობლო ქვეყანასაც დიდს წარმატებას მისცემს.

ვინც წაიკითხავს უკუხს სამეგრელოს გლეხების განთავისუფლებაზედ, ის შეჰქველია იკითხავს: რა მდგომარეობაშია ახლა ბატონ-ყმობის საქმე ტფილისის და ქუთაისის გუბენიებში? ჩვენდა სამწუხაროდ უნდა ვსთქვათ, რომ ამაზედ ჩვენ არა გვაქვს არავითარი აფიციალური ცნობა. ვიცით, მხოლოდ რომ ეს საქმე ქართლსა და კახეთში რიგიანათ მიდის, წყნარათ და მშვიდობიანათ თავდება. ორივე მხარე გლეხები და ნამეტურ მებატონეები სწორეთ სამაგალითოდ იქცევიან. საქმე თითქმის ყველგან მორიგებით და დათმობით თავდება. უმეტესი ნაწილი დებულების ოქმისა (უსტავნის გრამოტისა) ქართლში და კახეთში შედგენილი და დამტკიცებულა, ასე რომ იმედია, წიგნდებულების ოქმის შედგენა სულ გათავდება. როგორც ამბობენ ბევრნი მებატონეები აპირებენო მიწის შესყიდვას გლეხებისათვის. ამაზედ უკეთესს ისინი ვერაფერს იზამენ. შეჰქველია საქმე საბოლოოთ ასე უნდა გათავდეს რომ გლეხი მიწის მეპატრონეთ უნდა გახდეს. რაც მალე მოხდება ეს საქმე, ის უკეთესია. გლეხიც და მებატონეც დაინახავენ, რომ ორივე მხარისთვის სამძიმოა ვალდებული დამოკიდებულება, და მიწის შეხსნა ორივესთვის სასარგებლო იქნება. ბატონ-ყმობის გაყრაში ქართლში და კახეთში ყველაზე უფრო შესანიშნავი და სასიხარულო ის არის, რომ მებატონეები და გლეხები ერთ-ერთმანეთს სწორეთ მეგობრულათ შორდებიან, ორივე მხარე ივიწყებს, რაც რომ უკმაყოფილება ყოფილა მათ შორის, და უნდათ ამას იქით კარგს მეზობლებსავით იცხოვრონ. ტფილისის გუბერნიაში ამასთანავე ყოველგან სოფლის საზოგადოება შესდგა და სასოფლო სასამართლოები დაწესდნენ. ასე, რომ ახლა გლეხები თვითონ მართავენ თავიანთ საზოგადოებას და თვითონ განაგებენ თავიანთს შინაურს საქმეებს. დასაწყისი ყოველთვის ძნელია და ამისათვის ვერავინ ვერ მოითხოვს, რომ გლეხებს თავდაპირველადვე, როგორც რიგია, ისე წაეყვანათ ეს ახალი საქმე, საზოგადოთ კი როგორც ამბობენ სოფლის ამორჩეულნი პირები მაინც კარგათ იქცევიან, ზოგან კიდევ

გაუმართავთ სასოფლო შკოლები და პურისმაგაზინები და სხვაგანაც აპირებენ იმათ დაწესებას.

ჩვენდა სამწუხაროთ უნდა ვსთქვათ, რომ იმერეთიდან არ ისმის ასე სასიამოვნო ამბავი. იქ დებულების ოქმის შედგენა და საზოგადოთ ბატონ-ყმობის საქმე რალაც მძიმეთ მიდის: იმედი კი გვაქვს, რომ ამას იქით იმერეთი და სამეგრელო ქართლის და კახეთის მაგალითს მიხედავს. ბატონ-ყმობის საქმის გათავება შებატონების და გლეხების ურთიერთის ნებაყოფლობაზედ არის დამოკიდებული. თუ საქმე ჯინჯდ წავიდა, უეჭველია ერთი მეორის ზარალს შეიძლებს. მაგრამ აქედამ უკმაყოფილების, შურის, ერთი-ერთმანეთის დაზარალების მეტი რა გამოვა? ორსავე მხარეს უნდა ახსოვდეს, რომ მომავალში ერთი-ერთმანეთს ყოველთვის დასჭირდებიან, უერთი-ერთმანეთთ გაძლება არ შეუძლიანთ. ამისათვის ისინი უნდა ცდილობდნენ თანხმობით და ისე დათმობით გაშორდნენ ერთი-ერთმანეთს, რომ ერთმა მეორეს იმისთანა არა აწყენინოს რა რაც მომავალში დაუშლის მათ გაწყობილს მეზობლურს ცხოვრებას. ამ საქმეში პირველი მაგალითი, რასაკვირველია, თავად-აზნაურობამ უნდა გამოაჩინოს; რადგანაც ის არის უმაღლესი წოდება განათლებით და შეძლებით ის მაღლა სდგას გლეხებზედ.

როგორც მკითხველი დაინახავს კანონებისგან, რომელნიც სამეგრელოში ბატონ-ყმობის გაუქმებისა გამო გამოიციენ და ჩვენს გაზეთში იბეჭდებიან, სამეგრელოში გლეხები განათავისუფლდნენ იმავე საფუძვლებზედ, როგორც ქართლში, კახეთში და იმერეთში. როგორც აქ ისე იქ გლეხები უნდა ენსახურნონ მებატონეებს ორს წელს, ამ დროს განმავლობაში უნდა შესდგეს დებულების ოქმი და მებატონემ უნდა მიუჩინოს თავის გლეხს იმდენი მიწა, რამდენიც იმერეთშია დაწესებული, ესე იგი 12 ქცევა. ვადასახადი მიწის მოსავლიდამ სამეგრელოში იმ ზომით გამოერთმევა გლეხს, როგორც სხვაგან საქართველოში. პირადის სამსახურის მოკლებისათვის ხელმწიფე იმპერატორმა სამეგრელოს მებატონეებს უწყალობა ფული, რომელიც იმ რიგათ უნდა დარიგდეს, როგორც კახეთში, ქართლში და იმერეთში დარიგდა.*)

სამეგრელოში ორი დიდი ცვლილება მოხდა ამ მოკლე ხანში:

*) ამ შემთხვევაში ჩვენ არ შეგვიძლიან არ წარმოვსთქვათ ჩვენი იმედი, რომ სამეგრელოს მებატონეებიც ისე მშვენიერათ და სასარგებლოთ მოიხმარებენ ხელმწიფე იმპერატორისაგან ნაწყალობე ფულსა, როგორც იმერეთის თავად-აზნაურობამ მოიხმარა. ჩვენ ვამბობთ ბანკის დაარსებაზედ. ჩვენ სრული იმედი გვაქვს, რომ მეგრელები ამ შემთხვევაში იმერლებს უკან არ ჩამორჩებიან და ამ ფულის ნაწილს ბანკისათვის გადასდებენ.

ერთი ადრანდელის მთავრის უფლების მოშლა და მეორე — ბატონ-ყმობის გაუქმება. უეჭველია ეს ცვლილება დიდს წარმატებას მისცემს. ქვეყანას. ეს მხარე უხვათ არის შემკული ბუნებისაგან: მიწა აქ ძალიან ნაყოფიერია, მდებარეობა ზღვის, პირათ ძალიან სასარგებლოა ვაჭრობისათვის; ამასთანავე იმას ასხია ცოცხალი და ნიჭიერი ხალხი, ადვილად შემთვისებელი და მიმღები განათლებისა და ახალის წესისა, აქამომდე იმის მცხოვრებლებს არა ჰქონდათ საშუალება, რომ უსარგებლებინათ თავის სამშობლო ქვეყნის სიმდიდრითა და მდებარეობითა. სამეგრელოში არ იყო არც მტკიცე მმართველობის წესი, რომ ხალხის მოთხოვნილება დაეკმაყოფილებინოს, იმას არ ჰქონდა არც სასწავლებლები და არც გზები, რომელნიც ასე მიუცილებელნი არიან ახალის განათლების და კეთილდღეობისათვის. ამისთვის ეს მხარე ამქამომდე ყველა სხვა საქართველოს ნაწილებზედ უფრო ღარიბი და ჩამორჩენილი იყო. ჩვენ ვფიქრობთ, რომ ამ მხარის განათლების დრომაც მოაღწია. ბატონ-ყმობის გაუქმება უნდა იყოს საფუძველი და პირველი ნიშანი ამ ახალის ცხოვრებისა. იმას თან უნდა მოჰყვეს სხვა ზომები და ცვლილებანი, რომელთაც ხალხის საჭიროება მოითხოვს. შემდეგ ამისა უწინასწარმეტყველოთაც შეგვიძლიან ვსთქვათ, რომ სამეგრელოს ბრწყინვალე მომავალი მოელის, რომ ეს მშვენიერი მხარე იმ გვარს ადგილს დაიჭერს კავკასიაში, როგორც ძველათ განთქმულს კოლხიდას შავი ზღვის პირათ ეჭირა.

პოლიტიკური უფლება დედა-კაცისა

I

დედა-კაცის მდგომარეობაზე საზოგადოებაში, იმისის განათლებ-
ის საჭიროებაზე, იმის მომზადებაზე შრომისთვის, ახლანდელს დროს
შრავალსა სწერენ ევროპის მწერლები და მეცნიერნი, ჟურნალები
და გაზეთები. დედა-კაცის ემანციპაციას (თავისუფლებას), ამას
წინათ სხვა აზრი ჰქონდა, ახლა სხვა აზრი აქვს. უწინ ამ სიტყვას
სადრახ მნიშვნელობას აძლევდნენ. ახლა ემანციპაცია ისე ესმით, რომ
დედა-კაცს უნდა ღონისძიება მიეცეს, რომ თავისის შრომით დააწ-
ყოს საკუთარი ცხოვრება და გონების გახსნით ზნეობითი დამოუკი-
დებლობა მოიპოვოს, ასე რომ ამ გვარათ კეთილ-მოქმედი გავლენა
იქონიოს საზოგადოებაზე. მართალია ახლაც იპოვებინ იმისთანა პირ-
ნი, რომელთაც ემანციპაცია უწინდელის აზრით ესმით; მაგრამ
უკეთესი, გონება-გახსნილი საზოგადოება ასე აღარ ფიქრობს. დროს
შემართულება ამ უკანასკნელების აზრზედ არის დამყარებული. რას
ვხედავთ ამ დროს ევროპაში? ვხედავთ, რომ ყოველს ევროპიულს
სატახტო ქალაქებში წესდება დედა-კაცის შრომის საზოგადოებები,
რომელთაც საგნათ აქვთ, რომ იმათ გზა გაეხსნას აქამომდე იმათ-
თვის დახშულის მოქმედებისათვის, რომ ამ გვარათ იმათ საკუთარ
ღონისძიების მოპოვებით თავიანთი თავი უზრუნველ ჰყონ და თავიდან
მოშორდნენ სიღარიბე, რომელიც დიდი დამაბრკოლებელია ზნეობისა.
ამგვარ საზოგადოებაებს დიდი იმედით შესცქერიან ყველა პარტიებისა
და ყველა აზრების პირნი, შემწეობას აძლევენ. ყველა კლასები,
თვით მეფენი, მაგალ. ანგლის კოროლევა, პრუსიის კაროლის სახ-
ლობა და სხ., რომელნიც იმათ მიჰყვნენ თავიანთს მფარველობას.
ასეა ამერიკის უმრავლესს ქალაქებში, რომელთაც ამ საგანში მაგა-
ლითი უზენესს ევროპას. ყველას ესმის, რომ უპირატესი საგანი ამ
საქმისა არის, როგორც ზემოთაცა ვთქვით, გონიერული აღზრდა მდე-
დრობითას სქესისა, ღონისძიების მიცემა მოსაპოვებლათ საკუთარის

შრომით საზრდოისა და უზრუნველობისა. აი რაში მდგომარეობს დედა-კაცის ემანციპაცია.

ჩვენ ამ საგანზე ახლა არას ვიტყვი. ჩვენ გვსურს ჩვენს მკითხველებს წარმოუდგინოთ ერთი აზრი, რომელზედაც ახლა ხშირად საუბარი აქვთ ევროპაში და რომელიც თვით-თავი საგნიდამ მომდინარეობს—ესე იგი, დედა-კაცების საპოლიტიკო უფლებებზე. ეს აზრი მომატებულათ არის გავრცელებული ამერიკის შეერთებულ შტატებში და ანგლიაში, თუმცა წარმატება ამ აზრისა ერთი არ არის ერთსა და მეორეს ქვეყნებში. აქ ჩვენ გვსურს დაუპირდაპიროთ ერთი მეორეს სხვა და სხვა აზრები, რომლებსაც ანგლიის ჟურნალები ადგანან. იმათი ბაასი და მსჯელობა შესანიშნავია: აქედამ შეიძლება ადვილათ მივხვდეთ, თუ რა მდგომარეობაშია ახლა საგანი ემანციპაციისა და რა იმედი და სურვილი აქვთ ემანციპაციაზედ მოწინავე პირებს. ამერიკაზედ კი ეს უნდა შევნიშნოთ, რომ კანზასის შტატში დედა-კაცებს კიდევ მიენიჭათ კენჭის ანუ აღმორჩევის უფლება. გიცით აგრეთვე, რომ ვაშინგტონის კონგრესშიაც ლაპარაკი იყო, რომ დედა-კაცებს მიეცეს კენჭის უფლება. ეს აზრი კონგრესში პირველათ შემოიტანა პენსილვანიის სენატორმა კოუენმა: ამ დროს ერთმა წევრმა მისტერ ანტონიმ წარმოსთქვა, რომ რა სიმართლეაო ამ უფლების არ მიეცემა მდედრობითის სქესისთვის? თუ დედა-კაცს მეფობა ეძლევაო, მაშ რატომ არ უნდა მიეცესო კენჭი? მისტერ ვილიამსონიმ აზრისა იყო, რომ დედა-კაცს პოლიტიკური უფლება არ უნდა მიეცესო, რადგანაც ისინი სხვა და სხვა პრივილეგიას მოკლებულნი არ არიანო; ამასთანავე იმან შენიშნა, რომ ამერიკელნი ყოველთვის პატივისცემით უმზერდნენ და ეპყრობოდნენ დედათ-სქესს. ამ კომპლიმენტის შემდეგ იმან სრულებით მოულოდნელათ დაუმატა, რომ თუ დედა-კაცებს ხმა მიეცათო, მაშინ ისინი თვითეულს საოჯახოს სახლს ნამდვილ ჯოჯოხეთათ გადააქცევენო. კონგრესში ხმები გაიყო: როდესაც კენჭი დაითვალა, მაშინ აღმოჩნდა, რომ დედა-კაცების მხარეზე იყო 9, წინააღმდეგს მხარეზე 37. ემანციპატორები დამარცხდნენ.

მიზეზი საუბრისა ამ საგანზე ანგლიაში ეს იყო, რომ შარშან ქვემო-პალატაში პეტრცია შემოიტანა გამოჩენილმა ანგლიის მწერალმა და პარლამენტის წევრმა ჯონ სტუარტ მილმმა. პეტრცია მრავალთაგან იყო ზელ-მოწერილი. ის ითხოვდა რომ დედა-კაცებს, ანუ რომელსამე იმათს ნაწილს, მიენიჭოს პოლიტიკური უფლება, რომლითაც სარგებლობენ საზოგადოების სხვა კლასები. პეტრცია ამბობს: ანგლიის სჯული აღმორჩევითს უფლებას აძლევს ყველა სახლის-პატრონებს, მიწის პატრონებს და სხვა და სხვა ქარხანების მუპატრონებს.

რომელთაც დაწესებული ხარჯი შეაქვთ ხაზინაში. ჩვენ მხედველობაში უნდა ვიქონიოთ, რომ ანგლიაში მრავალნი არიან დედათაგანნი, რომელთაც მამულები აქვთ, რომელნიც გამგეობენ სხვა და სხვა ქარხანებს, აძლევენ დიდს ხარჯს, მაგრამ პოლიტიკურს უფლებაში იმათ უარს ეუბნებიან. აქედამ ვხედავთ, რომ სრული თავის თავს ეწინააღმდეგება... ეს წინააღმდეგობა უნდა მოისპოს სამართლის გულისთვის და სახელმწიფოს სასარგებლოთ.

ამ პეტიციამ შობა დიდი ღელვა და აღძრა მკაცრი ბაასი, რომელშიაც ზოგი თანახმა იყო პეტიციისა, ზოგი წინააღმდეგი. ბაასი აქამომდე არ შეწყვეტილა. ჩვენ მივაქცევთ ყურადღებას ამ შემთხვევაში შემდეგს გაზეთებს: Saturday Review, Spectator და Liverpool Mercury.

Spectator-ის აზრით, არიან, რასაკვირველია, დედა-კაცები ნიჭიერი და მომზადებულნი, მაგრამ ამგვარნი დიახ იშვიათნი არიან. რა იქნება რომ ერთის გულისთვის ასიდგან ოთხმოცდაცხრამეტსაც პოლიტიკური უფლება მიეცეს? მაშინ სჯულის წინააღმდეგი გავლენა პოლიტიკაში გაძლიერდება; თვით ოჯახებში ჩხუბი და ვივაგლახი მიუტილებელია. დედა-კაცის ხმაზედ ერთის მხრით ექნება გავლენა ქმარს, მეორეს მხრით—შვილს, მკურნალს, მღვდელს; ქალზე იმის მოვალეობას მამისადმი და იმის სულის გრძნობას: ის უნდა უმზერდეს საპოლიტიკო საგანს, როგორათაც ბრძოლას მორჩილებასა და სიყვარულს შორის. აი მიზეზი, რისთვისაც ჩვენ ვეწინააღმდეგებით პეტიციის მოთხოვნილებას. ხალხს აქვს სამართალი ჰკითხოს პეტიციის შუამდგომელთ: შეგიძლიანთ დაამტკიცოთ, რომ ჩვეულებრივის ნიჭისა და განათლების დედა-კაცებს აქვთ საპოლიტიკო დამოუკიდებლობა? დაგვიმტკიცეთ ესა და დავთანხმდებით. აქამომდე მუშა ხალხს ეს უფლება არ მისცემია, რადგანაც იმათი ნიჭიერება საპოლიტიკო საქმეებში ვერ დაამტკიცეს. თუმცა ისინი უმეცარნი არიან, ეს კა უნდა ვთქვათ, რომ იმათთვის უფლების მინიჭებას უფრო საფუძველი აქვს, ვიდრე იმ დედა-კაცებისათვის, რომელნიც იმათზე ბევრით მაღლა დგანან განათლებით, მაგრამ დამოუკიდებულნი არიან სხვებზე.

ეს Spectator-ის სტატია ამ საქმეში უფრო ზომიერია, ვიდრე წინათ მოხსენებულის გაზეთის აზრი. მაგრამ იმას მკაცრი პასუხი მისცა დედათ-სქესის მოსარჩლე პარტიამ და სხვათა შორის თვით დედა-კაცმა მისს კობბმა. კობბა უჩვენებს Spectator-ის აზრებში წინააღმდეგობას: თუ იმათ ნიჭი აქვთ, მაშამ ნიჭიერების აღმოჩენა თვით საქმით რატომ არ შეიძლება? კობბის სიტყვით მხოლოდ ისინი სჯიან ლოდაკურათ, რომელნიც ან სრულებით უარ-ჰყოფენ დედა-კა-

ცის პოლიტიკურს ნიქს, ან თანახმანი არიან ამაზე და ითხოვენ იმის საქმეში გამოყენებას. მისს კობზა ამბობს, მთხოვნელის დედათ-სქესის საგანთ ის არისო, რომ ქალებში განიდვიძოს იმ თვისებებმა, რომლებზედაც Spectator-ი აფუძნებს პოლიტიკურს უფლებას და რომელთ გაღვიძება შესაძლებელია მაშინ, როდესაც ამ უფლების სარგებლობის ღონისძიება იმათ მიეცემათო. დედა-კაცებს სურთ მოითხოვონ უშუამდგომელო წარმომადგენლობა. თვით Spectator-ი ერთს თავისს სტატიაში ამტკიცებს, რომ დედა-კაცების უბედურება, რომლის მიზეზნიც კაცნი არიან, აურაცხელიაო. ბევრი მაგალითი შეიძლება წარმოვადგინოთ ამ გვარის უბედურებისა: იმის მოსპობა მანანდის არ შეიძლება, ვიდრე მდედრობითი სქესი თვითონ პოლიტიკაში პირდაპირს მონაწილეობას არ მიიღებსო.

II

მისს კობზის წერილის შემდეგ ჩვენ უნდა მივჭმართოთ Liverpool Mercury-ს სტატიას, რომელიც ძალიან ესარჩლება ანგლიის დედა-კაცების პეტიციას. ის ასე იწყებს თავისს საბუთებს: „მაშულისა და სახლების მფლობელნი და აგრეთვე საკუთარის ვაჭრობის მქონნი დედა-კაცი ანგლიაში და ვალისში, ითხოვენ განთავისუფლებას. პოლიტიკურის მცირე-წლოანებისგან, რომელ შიაც ისინი აქამომდე უპყრიათ. პეტიცია შემოიტანა პარლამენტში სტუარტ მილმა; ის არის მოაზრებული თვით მდედრობითის სქესისაგან, ხელ-მოწერილი 15000 პირთაგან; იმათ რიცხვში არიან გამოჩენილნი ქალნი ლიტერატურაში მეცნიერებაში და თვით პოლიტიკაში. ამ სიაში ვუჩვენოთ მხოლოდ გარრიეტა მარტინო და მერი სომერვილი; ამ დედა-კაცებმა მრავალი სასარგებლო საქმეები შეასრულეს და ამითი დაამტკიცეს ნიქიერება თავიანთი სქესისა“. შემდეგ ამისა შემოთ მოხსენებული გაზეთი ცდილობს, რომ წინააღმდეგობა უჩვენოს ანგლიურს სჯულში დედა-კაცების შესახებ. ის ამტკიცებს, რომ ანგლიის საზოგადო თვით-მართვაში, იმ დედა-კაცებს, რომელნიც ხარჯს იძლევიან, სჯული აღმორჩევითს ხმას აძლევსო; იმათ აქეთო ხმა სამრევლო კრებაში; იმათ ირჩევნო სამაზროს და სამრევლოს თანამდებობებში. თუ აქ იმათ სჯული კენქს აძლევსო, მაშ რა მიზეზი უნდა იყოს, რომ იმათ ხმის უფლება აკრძალული აქეთო საქვეყნო საქმეში, რომლისთვისაც ისინი მომატებულათ იღვწიანო? გასაკვირველი არ არისო რომ დედა-კაცების მოთხოვნილებამ გააოცაო მრავალი, საკვირველი ის არისო, რომ უურნალებისა და გაზეთების ბაასმა პეტიციის გამო საქმე ნამდვილათ ვერ გაარკვიაო. რა მიზეზიო, რომ პეტიციის ყველა მოწინააღმდეგეები იმ;

აზრისანი არიანო, ვითომც პეტიცია ითხოვდეს, რომ მთელს მდედ-რობითს სქესს მიეცეს აღმორჩევეთი ხმა... არავის არას დროს არ უთ-ხოვნია ესა: არვის ჰქონია აზრში, რომ ყველა დედა-კაცებს მიე-ნიჭოს კენჭი. პეტიცია იმათ შეეხება, ვინც ნიჭიერებით და ცენზით ამისი ღირსია. დედა-კაცის მონაწილეობა პოლიტიკაში ისე არ შეს-ძრავდა სახელმწიფო წესს, როგორც არა სძრავს იმათი მონაწილე-ობა სამრევლო საქმეებში. არც საოჯახო ბედნიერებისთვის უნდა ეშინოდეთ. იმ დედა-კაცებს, რომელთაც კენჭი უნდა მიეცეს, ან უო-ჯახონი არიან, ან ოჯახის თავნი არიან. ისინი არიან განათლებულ-ნი, ნასწავლნი, ღონის ძიების მექონნი, მაშასადამე. იმათ მოსყიდვაზე რა ეჭვი უნდა გვქონდეს? ჩვენ კი დარწმუნებულნი ვართ, რომ ამ გვარს დედათ-სქესის მოპოება დიდათ სასარგებლო იქნება ქვეყნ-სთვის.

ამით თავდება Liverpool Mercury-ს დედათ ქება. ჩვენ უჩვენეთ სხვა და სხვა პირთ აზრი ამ საგანზე: ვინ არის მართალი იმათში, ვინ მტყუანი, მკითხველმა თვითვე გაშინჯოს.

ამის დასამატებლად მოვიხსენებთ კიდევ ორ წიგნს, რომელიც ქალებისაგან არის დაწერილი. პირველი იმათგანი ეკუთვნის მადმუაზელ დობიეს. ის არის დაწერილი ლიონის აკადემიის ტემაზე; აკადემიამ ეს შრომა დააჯილდოვა. დობიეს აზრი ის არის, რომ სჯულმა და მართებლობამ შემწეობა მისცენ ღარიბ დედა-კაცებს; ის ამტკიცებს, რომ დედათ სქესს უნდა მიენიჭოსთ თვით-მდგომარე უფლებათ, რომელსაც ისინი ფრანციაში მოკლებულნი არიანო; იმათის შევიწროე-ბის მიზეზნი არიანო მამა-კაცი სჯულის დამდებნი. დობიეს წიგნი, თუმცა ხან და ხან წრეს გარეთ გადის, მაგრამ საფუძვლიანათ არის დაწერილი, სავსეა საბუთებით და ამისთვის ის მხედველობაში უნდა იქონიოს ყველამ, ვინც ყურადღებას აქცევს ამ საგანს.

მეორე თხზულებაა მადამ მინა პინოფისა; ის არის გერმანიე-ლი. იმისი: „დედა-კაცის მომზადება შრომისთვის“, დაფუძნებულია სულ სხვა აზრზედ, ვიდრე დობიეს წიგნი. ის სამოქალაქო და ეკონო-მიურს მდგომარეობას დედა-კაცისას არ შეეხება. ის ამბობს, რომ პირვე-ლად დედათ სქესმა იმაზედ უნდა იზრუნვოსო, რომ ზნეობა და გო-ნების გახსნა მოიპოვოსო. „ჯერ ჩვენ უნდა წესი დავდოთო შინაურს მდგომარეობაში. დიდების მოყვარეობა კი არა, სიმდიდრე და მდიდ-რული ცხოვრება კი არ არის დედა-კაცისათვის წყარო იმათის ამაღ-ლებისა და დიდებისა, არამედ სერიოზნი, სამუდამო შრომა, აღზ-და, აღზდა ნამდვილი და არა გარეგანი. ამ რაზე უნდა იყოსო მიქ-ცეული ყურადღება დედათ სქესის ემანციპაციის მოსარჩლეებისაო“.

რამდენიმე აზრი ჩვენს ცხოვრებაზე

ბნელი და გულსაკლავია ჩვენი წარსული და აწმყო. რამდენათაც კაცი ღრმად ჩაუყვირდება ჩვენს ისტორიულს ცხოვრებას, იმდენათ მტკიცეთ დარწმუნდება, რომ ჩვენს ცხოვრებას სიცოცხლის ნიშანი არ აძევს; იმაში თქვენ ვერ ჰნახავთ ნათელს კვალს, რომელსაც შეეძლოს განგვინათლოს გარემოდებული წყვილიაღი, რასაკვირველია, ამასა ჰქონდა თავისი მიზეზებო...

ყველა სულმდგმულს ბუნებაში ჩანერგილი აქვს თავისი კანონები და მოთხოვნილებანი. წაართვით იმას ეს მოთხოვნილებანი, შეაჩერეთ იმისი ბუნებითი კანონების თავისუფალი მსვლელობა და გახსნა, — ეს იმის სიკვდილის თანასწორია. გინდა მოგიკლავს ეს სულმდგმული და გინდა შევიჩერებია თავისუფალი შინაგანი სიცოცხლე-როდის შეიძლება ვსთქვა, რომ ვცოცხლობ? მაშინ, როდესაც ჩემში შინაგანნი ძალანი აღმოშობენ თავის შესაფერს მოქმედებას, როდესაც მე წარმოვადგენ განმარტოვებულს ქვეყანას, სადაც ერთი ძალა მეორეზედ თავისუფლად მოქმედებს და იმათის ურთიერთის ზედმოქმედებით აღენათება სიცოცხლის ლამპარი. რას ვეძახით უსულო საგანს? იმას, რომელსაც თავისი შინაგანნი ძალანი არა აქვს, რომელსაც ამოქმედებს გარეგანი ძალა.

მევაშტკიცებ, რომ ჩვენი სიცოცხლე სიცოცხლე არ არის და არცა ყოფილა. განა არ შეიძლება ვსთქვათ, რომ ქვაცა ცხოვრობს, მაგრამ რამდენათ დაბალია მისი ცხოვრება შედარებით ცხოველთან და ადამიანთან. რამდენათაც დაბლა დვას ცხოველი და მცენარე, იმდენათ იმისი შინაგანი სიცოცხლე სუსტი და ჩამქრალაა. რათა? ვითომ რა აქვს ადამიანს და ცხოველს ისეთა, რომ იმათ სიცოცხლეს სიცოცხლე დაეძახებოდეს და ქვის სიცოცხლე კი არ-სიცოცხლეს ჰნიშნავდეს?

ადამიანს და ცხოველს აქვს აზრი, მსჯელობა, ისინი გრძნობენ და ფიქრობენ. მცენარე არა ფიქრობს და არცა გრძნობს, ქვა უფრო ნაკლებათ. ახლა ვკითხოთ ჩვენს თავს: ვინ არაა ქვეყანაზედ ყველაზედ თავისუფალი? (მკითხველმა, რასაკვირველია, იცის, რომელს თავ-

ვასუფლებზედაც ვლაპარაკობ). ის ვინცა ფიქრობს. ცხოველის და ადამიანის მოქმედებაში ჩვენა ვპოვებთ ორს ძალას, ორს მიზეზს, ერთს გარეგანს და ერთს შინაგანს—აზრს, გონებას. რამდენაა ცაციის მოქმედებაში სძლევენ გარეგანა მიზეზები, იმდენათ ის ნაკლებათ არის თავისუფალი და მასასადამე, იმდენათ იქისი სიცოცხლე არ სიცოცხლეობს. სადაც სიცოცხლეა, იქ თავისუფლებაა, ე. ი. შინაგანი მიზეზები სძლევენ გარეგანს, იქ ცაცი თავას შინაგანის კანონებით მოქმედებს. აქ კიდევ ვკითხავთ: ვის უცოცხლია, მართლა უცოცხლია? იმას, ვისაც ბევრი უფიქრია თავის სიცოცხლეში და ვისნი მოქმედებანიც წარმომდინარეობდნენ შინაგანის წყაროდგან, რომელსაც დაჰბადებდა შინაგანი სიცოცხლის პროცესსი. აქ მე, რასაკვირველია არ ვამბობ, რომ გარეგანიც საჭირო არ. იყოს, მაგრამ იმდენათ საჭიროა ეს ჩვენის აზრისათვის, რამდენაა ცაცი საკმელი ჩვენის სხეულისათვის. ჩემი სხეული ცოცხლობს თავას შინაგანის ძალით, მაგრამ უაქმლოთ მაინც არ შეიძლება იმისი სიცოცხლე. შინაგანა სხეულის ძალა, კუჭის და ნაწლევების შემწეობით, გადააკეთებს ამ საჭეულს, მრავალგვარს ცვლილებას მოახდენს იმაში და მხოლოდ უკანასკნელად, როდესაცა ის გადაიქცევა სისხლად, დაივლის ჭანში და იმას ასაზრდოებს. მასასადამე შინაგანი სხეულის ძალა შეამუშავებს გარეგანს მასალას. აბა კუჭში და ნაწლევებში ნუ დაჰყოფს საკმელი და პირდაპირ სისხლში შეიყვანეთ, თუ სხეულის სიცოცხლე მაშინვე არ მოისპოს. აგრეთვე უნდა უყურებდეთ ცაციის ზნეობის მხარესაც. თუ ცაციის ზნეობითს, ანუ უკეთ ვსთქვათ, სულიერს მხარეს არა აქვს ნება, რომ თავისის საკუთარის კანონებით მსვლელობდეს და თავისუფლად აყვავდებოდეს, მაშინ ის ცაცი მოკლულია, ის არა ცოცხლობს რადგანაც, როგორც ეს წინათა ვთქვით, ადამიანი გრძნობს და ფიქრობს და ამიტომაც ცოცხლობს.—ახლა გამოვიკვლიოთ, რა კანონები სძევს სიცოცხლის აკვანში, ვიპოვნოთ სიცოცხლის დედა-არსი და თუ ამ სიცოცხლის დედა-არსს/ჩვენ სულიერს სიცოცხლეში ვნახავთ, ხომ კარგი, თუ არა და ჩვენ არა ვცოცხლობთ და არც გვიცოცხლია.

ერთი უმთავრესი კანონთაგანი არის თავას-დაცვა. ეს ეკუთვნის სულიერა მხარეს. ამ თავას-დაცვას ჩვენ ყველა სულ-დგმულში ვპოვებთ. წარმოადგინეთ ნამკეკა, თვალით დაუნახავი ინფუზორია; იმასაც კი აქვს ეს გრძნობა. ის ებრძვის სხვებს თავის, სიცოცხლის დასაცველად. როცა თევზი მოინდომებს იმას ჩაყლაპვას, ის ან გაექცევა იმას და ან მოიხმარს იმ იარაღს, რომელიც იქისთვის ბუნებას მიუცია; ის ან პირით, ან თავით და ან სხვა რამ მოსაგერებელის იარაღით დაეჭაკება თავის მტერს და თუ შეიძლო სასიკვდილოთაც

არ დაინდობს. ეს ამტკიცებს, რომ იმასა აქვს თავის თავის დაცვა, რომ იმას თავის-თავი ყუყვარს. ბუნებაში თავის მოყვარეობა არსებობს. ეს არის მთელი სიცოცხლის დედა-კანონი. რამდენათაც ცხოველი მალა სდგას, იმდენათ ეს თავის-დაცვა ძლიერია, იმდენათ ცხოველი სრულად არის აღკურვილი თავის დასაცველის იარაღებით. პაწაწინა ინფუზორია გამოეკიდება სხვას, რომ ის ჩაყლაპოს. რათა? იმიტომ, რომ თავის-დაცვა უნდა. სხვა ჭია რომ არ ჩაყლაპოს მშიერი მოკვდება. ეს კანონი ყველა ცხოველებში ერთი და იგივეა. თავის საფუძველში, მაგრამ სხვა და სხვა ცხოველებში სხვა და სხვა გვართ იცვლება. ვნახოთ, კაცობრიობაში ამ კანონს როგორ უმოქმედნია... მრავალ გვაროვანი ცვლილება გამოუვლია კაცს, მანამდის იმას ამ მდგომარეობამდის მოუხწევია, რომელშიაც ჩვენ ეხლა იმას ვხედავთ. როგორც კაცობრიობა იცვლებოდა, ისე ეს კანონიც, რომელზედაც ჩვენა ვვაქვს ლაპარაკი. როცა კაცები ველურს მდგომარეობაში ყოფილან, მაშინ ერთმანეთი უჭამიათ მოხსენებულის კანონის ძალით. მერე მრავალის წელიწადების განმავლობაში, კაცებს გონება გახსნილა, კაციჭამიობისათვის ხელი დაუწებებია, მაგრამ მაინც კიდევ კაციჭამიობა არ მოსპობილა, მაინც ერთმანეთი უჟღეჯით, ომები და სისხლის ღვრა არ შეჩერებულა, თუმცა შესუსტებულა... გასულა კიდევ საუკუნოები. კაცი შესდგომია მიწის შემუშავებას. აი ეს არის ის უდიდესი ცვლილება, რომელიც შეჰმთხვევია ამ კანონს. კაცობრიობის ისტორიულს მოძრაობაში. აქ ვხედავთ, რომ კაცის გონებაში მომხდარა დიდი ცვლილება. იმას დაუნახავს, რომ ერთმანეთის ჟღეჯა არ გამოდგება, რომ აქ არამთუ თავის დაცვაა, არამედ თავის თავის მკვლელობაა. იმან დაინახა, რომ როგორც იმას უნდა სხვის მოკლა, ისე სხვასაც უნდა იმისი მოკლა. კაცმა სცნო, რომ თავის დაცვისთვის და ბედნიერებისათვის იმან სხვასთან მშვიდობიანათ უნდა იცხოვროს, რომ ის კაცს კი არ უნდა ებრძოლოს, არამედ ბუნებას, რომ კაცში ჰრ არის უარყოფა სხვის ბედნიერებისა და კეთილდღეობისა, რომ შეიძლება უფრო კარგათ იცხოვრონ, როდესაც ერთმანეთი ეყვარებათ. კაცმა დაინახა, რომ სიმდიდრე ბუნებაშია, რომ იმის მოპოვება შრომით შეიძლება და დაიწყო მიწის შემუშავება. მაგრამ არ შეიძლება ვთქვათ, რომ ეს კაცმა პირველათვე ცხადათ იგრძნო. ის მარტო ინსტიქტით გრძნობდა ამას, რადგან იმის გონება ღრმად ვერ ჩააკვირდებოდა იმ დიდის ცვლილების დასაწყისს, რომელიც კაცობრიობაში მოხდა. ეს ცვლილება ჯერ არ გათავებულა. მრავალ წელიწადები გაა, მინამ კაცობრიობა ნათლათ დაინახავს, რომ ერთმანეთის ცარ-

ცვაში, ერთმანეთის ჩაგრაში, ერთმანეთის ჩაყლაპაში და ჩანთქვაში არ არის ბედნიერების წყარო. ჯერ კაცობრიობა ვერ მიხვდა და დიდხანაც ვერ მიხვდება, რომ ვინც სხვასა ჰყლაპავს, იმას სხვანიც ჩაყლაპავენ. მაშასადამე ჩვენ ვხედავთ, რომ კაცობრიობას სრულებით არ ეყურება, რაში მდგომარეობს თავის-დაცვა. ერთი ხალხი მეორესა სცარცვავს, ატყავებს, თავისუფლებას, ენას და ხალხობას აკარგვინებს და ჰგონია, რომ ამით ის თავის ბუნებითს კანონს აღსრულებს. არა, ის მტერია თავის თავისა, ის თავის თავის მკვლელია. „ვითარითა საწყაულითა მიუწყობთ, ისეთივე საწყაულითა მოგეწყობისთ“. ნუ თუ ეს თავის დაცვაა, რომ მე სხვები ჩაყლაპო და ბოლოს სხვას ჩავეყლაპინო? ასე მოუვათ უთუთო მყლაპველებს. ისინი შეიქნებიან მსხვერპლნი თავის უგუნურებისა. ვინც არ აღსრულებს ბუნებითს კანონს, ის მკაცრათ დაისჯება ბუნებისაგან, და იმის სახსენებელიც აღარ დარჩება. — ქვეყანაზედ იყვნენ და არიან ორგვარნი ხალხნი. ერთნი ეკუთვნიან მყლაპველებს და მეორეები ჩაყლაპულებს და ჩასაყლაპავეებს. ერთნი არიან მგლები და მეორე ცხვრები. რაღაცა შავი ფიქრები შემოგხვევა კაცს, როცა წარმოიდგენს რამდენი ჰაბუკი, სიცოცხლით სავსე ხალხი ჩაუყლაპავს სხვის გაუმაძღრობას. საბერძნეთი, ის მშვენიერი საბერძნეთი, რომელიც სავსე იყო იმდენის ძალით და სიცოცხლით, რომელიც ასე მშვენივრად აყვავდებოდა და რომლის ბადალი ხალხი ჯერ ჩვენს თვალს არ უნახავს მთელს კაცობრიობაში, ჩანთქო ჯერ მაკედონიამ და მერე რომის მოსიხბლეს და გაუმაძღარმა გულმა. ვაი დაკარგულო საბერძნეთო! მაგრამ უფრო უარესათ ვაი იმათ, ვინც იმის მშვენიერი ყვავილი ასე უდროთ დააჭკნო. საბერძნეთი სამუდამოთ დარჩება და თქვენ, ჩამყლაპელებო, სიცოცხლეშივე დაღპით, ჩაიკუშენით, თქვენმა მუცელმა ვერ მოინელა ის, რაც ჩაყლაპა!! საბერძნეთმა თავის სიკვდილით უკვდავების გვირგვინი მოიპოვა, და თქვენ სიცოცხლეშივე ყველასაგან მოძულებულნი ხართ და თქვენი სიკვდილიც არავინ დაინანა. ასე ძლიერია ბუნების კანონი!

ჩვენს დროს ისე ვერა მიიქცევს რა კაცის ყურადღებას, როგორც სხვა და სხვა დაჩაგრულის ხალხების დრტვინვა. აქამდის დაეხლაც ქვეყანაზედ სუფევს ძალადობა, უგუნური ბრმა ძალა. ნუ ზოითხოვთ იმისაგან აზრს და სიმართლეს, რადგანაც ძალადობა და სიმართლე ერთი ერთმანეთს გამორიცხავენ, ე. ი. ერთმანეთს მტრობენ და სრულიად ეწინააღმდეგებიან. დიდი ხანია, რაც ძალადობა და აზრი იბრძვიან ერთმანეთში, ბრძოლა თან და თან ძლიერდება. პაროქიტი პირველად აუტყუა ეს ბრძოლა ძალადობას და მას შემდეგ

ის არ შეწყვეტილა, თუმცა სხვა და სხვა დროს ის ხან გაძლიერდებოდა და ხან ისევ შესუსტდებოდა. ყველამ იცის, რომ უგუნური ძალის სუფევა არ არის საუკუნო, იმას აქვს ბოლო. მხოლოდ ერთი აზრი და სიმართლე არ დაითურგუნება და მხოლოდ იმისი სუფევა არის უკვდავი და გონების ტაძარი შეურყეველი. დიახ, მე ვთქვი, რომ ჩვენს დროს საუკუნოებიდამ დაჩაგრულმა ხალხებმა წამოიწიეს და თავისი თავი სცნეს, იმათ მოძებნეს თავის დაკარგული სიმართლე, თავისუფლება და ხალხობა. რადგანაც, როგორცა ვსთქვით, ძალადობა სდევს საშართლეს, აპისტვის ასტყუდა ბრძოლა, რომელიც ჯერ არ შეჩერებულა. ამ ბრძოლის დასასრული ჯერ არა სჩანს ამ ახლო მომავალში. ჯერ ჩამყლაპელები ძლიერნი არიან, მაგრამ ამასთან ესეც არის, რომ ხალხებმა ბევრი რამ მოიპოვეს, თუ სრულად არ მოუპოვებიათ თავისუფლება და ჯერ არ აღუდგენიათ თავისი დაცემული და მწასთან გასწორებული ხალხობა. ჩვენი ქვეყანა ისეა აგებული, რომ აქ უბრძოლოთ არ გარიგდება რა. კაცი მაშინ მოიპოვებს ბედნიერებას, როდესაც ის ებრძვის თავის დამჩაგრელს ძალას. მარტო ბრძოლა და ღვაწლი დაადგავს ქაცს უკვდავების გვირგვინს. რათა? იმატომ, რომ ის აღსრულებს სიცოცხლის დედა-კანონს, იმიტომ, რომ ის თავს-იცვავს, იმას არ უნდა, რომ ვისმე გაექვლინოს, იმას არ უნდა, რომ თავისი თავისუფლება, თავისი ენა, თავისი გრძნობა და აზრი სხვას მისცეს, ე. ი. სხვის გავლენას. კიდევ რათა? იმიტომ რომ თავისუფლების, გრძნობის, აზრის და ენის მიცემით ის თავის სიცოცხლეზედ ხელს იღებს და ამით არღვევს ზემოხსენებულს ბუნების კანონს. მაგრამ საკვირველი ის არის, როგორ დაკარგვენ ხოლმე, როგორც კერძობითი პირები, ისე ზოგიერთი ხალხები ყოველს არამითუ ადამიანურს, არამედ ცხოველურს გრძნობასაც? როგორ და რასიხით შეიძლება ისე დაყრუვდეს და დაბრმავდეს კაცი, რომ თავის ბუნებითს მოთხოვნილებათსაც აღარა გრძნობდეს და იმ კანონს, რომელიც ჩანერგილა არამითუ კაცში, არამედ უკანასკნელს ცხოველში? ყველგან, სადაც კი სიცოცხლე ფეთქავს, იქ ეს კანონიც მღვიძარებს. ის დასტრიალებს თავზედ და გაამახვილებს იმისი გონებას, განაცხოველებს იმის მოქმედებას. ერთის სიტყვით სიცოცხლის ნაკადით აღავსებს იმის ნერვებს და სისხლს! მაშ სჩანს, რომ კაცი ისე ღრმად და ისე დაბლა დაცემულა, რომ იმას უკანასკნელი ცხოველიც სჯობია, ისე იმ გვარად გარკინებულა, რომ იმას არც ტანჯვა და არც მწუხარება ესმის! მაშ რაღა ცხოვრებაა ეს ცხოვრება? სჯობს გაქვავდეს, მინამ იცოცხლოს და სიცოცხლისა კი არა ეუთრებოდეს რა. სჯობს არა ცოცხლობდეს, მინამ დაკარგოს ეს, რაც კაცის ბუნე-

ბას განამშვენებებს. წარმოიდგინეთ კაცი, კაცი უაზროთ რა არის და წარმოიდგინეთ მასთან კაცი, რომელსაც ყოველი არამთუ ადამიანური, არამედ ყოველი ცხოველი აზრი დაუკარგავს, სხვისთვის მიუცია და ამას სრულებით არა გრძნობს. ოჰ, განალა იქნება კაცის ბუნების დაცემა ასე მდაბლად?! წარმოიდგინეთ კაცი, რომელსაც ენას სჭრიან, იმას ართმევენ სიამოვნებას, რომ ჩჩვილი ყმის ტიკტიკი გაიგონოს და იმის წრფელს გრძნობას დაუახლოვდეს, წარმოიდგინეთ კაცი, რომელსაც სტანჯავენ, სისხლსა სწოვენ და ამასთან ის ყოველად უგრძნობელია. ოჰ, ამაზედ მეტი გულის გაქვავებალა გინახავთ?! რა სიცოცხლეა ის სიცოცხლე, როდესაც კაცი ყოველად უგრძნობელია?! ყოველად უგრძნობელობა მარტო უსულო საგნების თვისებაა. ახლა წარმოვიდგინოთ ზოგიერთის ხალხის ცხოვრება. ზოგიერთს ხალხს სწორეთ ამ მდგომარეობაში ვხედავთ, იმას დაუკარგავს ის, რაც მიუცილებელ კუთვნილებათ უნდა მიგვაჩნდეს და ამასთან ის ვერა გრძნობს ვერაფერს. რათა? იმისთვის რომ თავის თავს ვერა სცნობს. მაშ სჩანს რომ ხალხს, რამდენათაც შეუძლიან ამაღლდეს ცხოველებზედ თავისის გონიერებით, თავისუფლების და სიმართლის სიყვარულით, იმდენათაც შეუძლიან დაეცეს ყველა ცხოველზედ დაბლა. ამის დამტკიცებაებს ჩვენ ვხედავთ კაცის სხეულზედ. ის წარმოგვიდგენს შრავალ გვარ გარჩევას. პირველი შეხედვით ნეგრს ვერ შეატყობთ, რომ ის ისეთივე კაცია, როგორიც ევროპიელი. ევროპიელის სახე მშვენიერია და ნიგრის სახე უფრო მაიმუნისას მიემგზავსება. კაცის სხეულის აგებულებაში ადვილათ შესაძლებელნი არიან დიდი და გასაოცარი ცვლილებანი. ბევრჯელ შეჰხედვებით, რომ მშვენიერს დაებადება მახინჯი, რომელიც სრულებით კაცის სახეს არ მოგავიწყებთ. სწორეთ ესვე გაიმეორებთ, კაცის სულიერის მხარე უფრო მომეტებულს ცვლილებას გამოივლის. ერთის მხრით თქვენ ჰხედავთ ნიუტონს, რომელიც მსოფლიო კანონებს გამოიკვლევს და თავის შეუძცდარის გონებით და გამოანგარიშებით სცნობს, რომ მხოლოდ ერთი მიმომზიდველი ძალა აბრუნებს აუარებელ ზეციურს მნათობებს და მეორე მხრით—ლოტტენტოტს, რომელმაც ათამდის დათვლა არ იცის ერთის მხრით ჰხედავთ აყვავებულს და თავისუფალს რესპუბლიკებს, მდიდარს ყოველის ნიჭით, მდიდარს მაღალის აზრებით, რომელთაც თავის სიცოცხლეზედ უმეტესად უყვართ თავისი თავისუფლება, თავისი ენა, თავისი ხალხობა. და მეორეს მხრით ჰხედავთ იმისს თანებს, რომელსაც არამ თუ ესენი დაუკარგავს, არამედ არცა გრძნობს და არცა სცნობს თავის თავს და ამით თავის არ მყოფობა გვიმტკიცებს.

*) ცენზორის მიერ ვრცლად არის ამოღებული.
რედ.

რათ ვხედავთ ზოგიერთს ხალხს, ზოგიერთს პირებს ასრე დაცემულს, რომ იმათ ყოველი ადამიანური დაუკარგავთ და სრულიად უგრძობელნი გამხდარან? ამასა ჰქონია თავისი მიზეზები. ხალხი ან ყოფილა უნიჭო, ან მცირე და წინააღმდეგი ძალა მეტად ძლიერი და მომჯადოები, რომ შეუხლართავს ხალხი რაღაც მისნური ბადით და მძიმე ტყვიასავით დასწოლა იმის გონებას და არ აძლევს ნებას თავისუფლად ამოსუნთქვისაჲ. არ შეიძლება ვთქვათ, რომ ჩვენი ხალხი უნიჭო იყოს. მაშასადამე დავგრჩება მეორე მიზეზი. ამას გვიმტკიცებს თვით ჩვენი ისტორიაჲ. თუ მკითხველს ახსოვს ჩემი სიცოცხლის ახსნა, ის, რასაკვირველია, მიჰხედება, რას ჰნიშნავს თავისუფლების არ ქონა. სადაც თავისუფლება არ არის, იქ სიცოცხლე არ არის, რადგანაც სიცოცხლე ყოველს მოქმედებას თავისუფლად აღმოშობს თავის შინაგანის და არა გარეგანის ძალით. რომელს ხალხსაც სრული თავისუფლება არა ჰქონია, იმას თავის დღეში ვერა გაუკეთებია რა ქვეყნისათვის. მაგრამ რომელი ხალხიც მომეტებულად თავისუფალი ყოფილა, ის მომეტებულად განათლებული, ბედნიერი, სამართლიანი და მოსიყვარულე ყოფილა. მრავალი მაგალითები გვიმტკიცებენ ამას: საბერძნეთი, ჩრდილოეთის შერთებული შტატები, ანგლია, შვეიცარია, და სხვ. რაც ძველს დროში ქვეყნიერებისათვის იყო საბერძნეთი, ის ანგლიაა ჩვენს დროში. რათა? იმიტომ, რომ, როგორც ბერძნის, ისე ანგლიელას ბუნებაში თავისუფლების სიყვარული ძევს. აშერაველასთვის (რომელაც ანგლიას რასას, ტომს ეკუთვნის) თავისუფლება ის არის, რაც ეხლა ჩემთვის და შენტვის ჰაერი და ჰური. როგორც უჰაეროთ კაცი მოკვდება ისე თავისუფლების მოკლებით ამერიკელი მკვდარია, იმიტომ რომ ის მოკლებულია იმ ძალას, რომელიც ატრიალებს იმის სიცოცხლას ჩარხს ამერიკელსა აქვს მომდრეკი ბუნება, ამისი პიროვნება არ შეიწყნარებს ყოველს იმის თავისუფლების შემავიწროებელს ძალას. როგორც მცენარე ვერ აყვავდება უმზეოთ და უჰაეროთ, ისე ის ვერ გააშლება წელში, თუ თავის თვალის წინ ვერ ჰხედავს გაშლილს თავისუფლებას, სადაც ყველა კაცი თავის თავის მეფეა და იმის პიროვნებას ვერა შემოზღუდავს რა. აჲ ხალხს უყვარს ზღვა. რათა? იმიტომ რომ ჩაუდგავს იმას ყმაწვილობიდგანვე. რაღაც გარე შეუწერელს ძლიერებას, რომლის ზვირთებიც თავისუფლად მჩქეფარებენ. რადგანაც ზღვა თავისუფალი და დაუმონაგებელია იმიტომ იმას ეს უყვარს, რადგანაც იმისი ბუნებაც იმისთანავეა. იმიტომაც საბერძნეთის შემდეგ ჩვენ ვერა ვხედავთ იმისთანა თავისუფალს ხალხს, როგორიც ეს ხალხია. შეხედეთ ეხლა იმ ხალხს, რომელ-

საც თავის დღეში ზღვა არ უნახავს და მხოლოდ მობიზინე მწვანეს დაჰყურებს (როგორც ჩვენი ხალხი); ის ისეთვე მშვიდი, მიწყნარებული და მორჩილია, როგორც ცხვარი, ძროხა, რომლებაც თავის სიცოცხლეში სულ ბალახს დაჰყურებენ. მართლაც ყოველსფერი გვიმტკიცებს, რომ მაწის მხვნელი კაცი მშვიდი და მორჩილია, ის ყოველთვის ძველს მისდევს და ახალი ვერა გაიტაცებს რა. იმას ყოველისფერი წაართვით, ოღონდ ნუ მოუშლით ხენა-თესვასა. თუნდა ჭირნახულიც წაართვით, ის კმაყოფილია ძროხასავით.

მაშასადამე თავისუფლება მიუცილებლად საჭიროა ხალხის წარმატებისათვის, ამიტომ რომ ეს შეადგენს იმის ბუნების მოთხოვნილებას და ყოველი გარდახდომა ბუნების კანონებსა და ისაჯება ხალხის დამახინჯებით და ბოლოს იმის განაცრებით.

ერთი კაცის ბუნების მოთხოვნილებათაგანი არის ბედნიერების ძებნა. ყველა კაცს ბედნიერება ჰსურს თავის თავისთვის და მუდამ იმას ელტვის, რომ კარგა იცხოვროს; მაგრამ რა რიგით ეწინააღმდეგებიან ერთმანეთს ეს წადილი და თითონ ცხოვრება! ეს მაკვირვებს, რომ კაცს ბედნიერად ჰსურს ცხოვრება და თავის საქმით კი უბედურათა სცხოვრობს. მაშინ, როდესაც კაცი ნეტარების წყაროს უნდა დასწაფებოდა, სიცოცხლეში ის იტანჯება, იბრძვის და მაინც ვერა გაუწყვია რა. მაგრამ ამ ტანჯვამ და მწუხარებამ მაინც ვერ დაუხშა კაცს ბედნიერების სურვილი. როდესაც დაინახა, რომ ეს სიცოცხლე სრულებით უკუღმართად არის შექმნილი, იმან რაღაც ოცნებაებს მიჰყო ხელი და თავის თავში ააშენა ის ციხე-დარბაზები, რომლებიც სიცოცხლეში ვერა ნახა. ზოგი მთელს თავის სიცოცხლეში სასუფეველზედ ფიქრობს, ზოგი გამოიხატავს გონებაში მომავალს კაცობრიობის ბედნიერებას, ზოგი ბრამაში ჩაღრმავდება, ზოგი სულ იმას ნატრობს, რომ ელირსოს ელიას ეტლში ჩაჯდომა, ზოგი წარმოიდგენს მშვენიერს წალკოტს, ყოველას სურნელებით და ხეხილვანებით საესეს და მიეცემა მერე რაღაც იღუმალ გამოუკვლეველს ტკბილს ფიქრებს. პირს იტკბარუნებს, თითქო ეს არის ეხლა დაეწაფაო ნეტარებას, მინამ შეუბრალებელი ცხოვრება არ მოაგონებს რომ იქას ორ ი გროში არა აქვს პურის სასუიდელად—და ესე გაჰქრება ის მშვენიერი ჩვენება, რომელიც მწუხარების მეტა არას დააჩნევს იმის გულს. აქედამ სჩანს, რომ კაცს მართლაცა აქვს ჩანჩრგილი ბუნებაში ბედნიერების ძებნა და ეს მოთხოვნილება ღრმა და ამოუფხვრელია. მაგრამ კაცობრიობა ჯერ იქამდის არ მისულა, რომ თავის მოთხოვნილებები დააკმაყოფილოს. გაუნათლებლობის გამო ის ყოველთვის თავის ბუნებითი კანონების წინააღმდეგ მოქმედობს და

ამ სახით თავის თავსევე ჯოჯოხეთს უშენებს სამოთხის მაგივრად. აქამდის კაცი ძალიან ცოტას ფიქრობდა თავის მდგომარეობაზედ. იმას არ შეუხებდია კრიტიკულის თვალთ თავის ცხოვრებისთვის, და არ გამოუკვლევია, თუ რისგან წარმოსდგება, რომ კაცი მთელს თავის სიცოცხლეში ბედნიერებასა სდევს და უბედურებასა, ჰპოვებს? ამასა აქვს ორი მიზეზი: კაცობრიობის ცხოვრება მეტად უგუნურად დაწყობილად, რადგანაც კაცს თითქმის სრულებით არა სცოდნია, და შემდეგ კაცი მისჩვევია ძველს ცხოვრებას და თავის უცოდინა-რობის გამო, ვერ მიჰხვედრება, რომ ეს ძველი იმისი დამლუპველია. ეს სიძველე ისე შეეთვისა კაცის ბუნებას, რომ მარტო გენიოსები განიცდიან თავისის გამჭვრიახის თვალთ ძველის ჩვეულებების უსაფუძვლობას და თავისის მიუფერებელის ანალიზით წარმოადგენენ, რომ ეს ძველი ცრუ-რწმუნებანი კაცის ბუნებას და იმის მოთხოვნილებებს არ ეთანხმებიან. დიდი ხანი, არ არის, რაც კაცმა იჭვენეჯლის თვალთ შეჰხედა თავის სიცოცხლეს, დიდი ხანი არ არის, რაც გატანჯულმა ჩვილმა გულმა იგრძნო კაცობრიობის ტანჯვა და მწუხარება და იტანჯა იმის ბედნიერებისათვის. ეს მოძრაობა დაიწყო მეთვრამეტე საუკუნეში (თუმცა ჩვენ ვერ ვიტყვი, რომ წინათაც არა უფიქროს ეს მოძრაობა, მაგრამ ის სუსტი იყო და მეთვრამეტე საუკუნეში კი ამ მოძრაობამ გარემოიცვა ჯერ ფრანცია და მერე მთელი ევროპა). გამოჩნდნენ კაცები, რომლებმაც მოიწადინეს ისეთი რამ მოეძონნ, რომ კაცობრის ბედნიერება და სიკეთე მიანიჭონ. დიდი და აღტაცებულნი იყო იმათი წადილი. ზოგი იმათგანი დიდის თავგანწირულებით მიეცა ამ დიდს საქმეს და არაფერი დაიშურა რა, რომ თავისი საყვარელი აზრი აღსრულებაში მოეყვანა. ჩვენ ვიცით ბევრი იმათგანი, რომელთაც თავი შესწირეს საზოგადო კეთილდღეობას და არ შეუშინდნენ არავითარს დაბრკოლებას.

ისინი სწორეთ ჯვარს ეცვენენ ქვეყნისათვის და ქვეყანამ კი ვერა სცნა ვერც ისინი და ვერც ის ნათელი, რომელიც იმათ ქვეყნიერებას მოუტანეს. ქვეყნიერებამ, მეტად თავ-მძიმემ, მეტად მიუნდობელმა ყველა ახალის მოვლინებისადმი უარ-ჰყო ისინი და იმათი სწავლა უქკნოთ და შემცდარათ დასახა და თავის თავი მეტად ბრძნათ გამოიხატა. ისინი, მართალია, -გატაცებულნი იყვენენ თავისის იდეით და ადვილათ შეიძლებოდა, რომ თავის გატაცების დროს ისინი ილ-ლიუზიაში ჩაცვიფნილიყვნენ, მაგრამ ესეც უნდა ვიცოდეთ, რომ გატაცებულად ამ გვარის საქმის წარმოებაც არ შეიძლება და გატაცებაშიაც ისინი თავისის უმანკო ზნეობით და გონივრობით შეუდარებლად მაღლა იდგნენ მთელს საზოგადოებაზედ. იმათ ბევრი ისეთი ნათელი და

ჯან-მრთელი აზრი გამოთქვეს, რომელიც მრავალს საუკუნოებს იცოცხლებს და კაცობრიობის ბედნიერების საფუძველად შეიქმნება.

რამდენათაც ჩვენ დაშორებული ვართ ევროპაზედ სხვა მხრით, იმდენათ ამ საქმეშიაც დაშორებული ვართ. ჩვენში ჯერ ყველანი დარწმუნებულნი არიან, რომ ისინი სწორეთ ნეტარებენ და „სასუფეველთა ცათა“ იმათ აქვე იხილეს. ამაში ეჭვი არავისა აქვს. მაშ დეე, იოცნებონ ჩვენებმა; მერე ძილის სიზმრები საუკუნო ძილის სიზმრებათ გადაექცევათ!... რამდენათაც ჩვენში სხვა ბუნების მოთხოვნილებანი არიან დაყრუბულნი და ჩამქრალნი იმდენათ ეს მოთხოვნილება, რომელიც ყველაზედ მეტად ეთანხმება ჩვენს ბუნებას და ყველაზედ უმეტესად სასიამოვნოა კაცისთვის, დაყრუბულია და თითქმის ერთი იმისი ნაპერწკალიც არ ღვივის „ჩვენს გულში“. ახლაც ეს უნდა ვიკითხოთ: რით და როგორ დაკმაყოფილდება ეს ჩვენი ბედნიერების წადილი? იპოვეს რამე იმისთანა, რომ რამდენათაც შეიძლება კაცი ბედნიერი გაჰხადონ? ჯერ საფუძველიანი ვერა უპოვიათ რა, მხოლოდ ერთი განათლების გარდა. ამას ამბობენ ყველანი, ვინც ამ საქმეს კარგათ ჩაჰკვირვებიან. მხოლოდ განათლებას შეუძლიან შეუტყვალოს იმათ აზრები, იმათი ბუნების და თავისუფლების შეუხებლათ და შეუფიწროებლათ. ბევრი ღონისძიება მოუგონებიათ კაცობრიობის გასაბედნიერებლად, მაგრამ იმათ უფრო კათოლიკური ხასიათი აქვთ. კათოლიკობას ძალიანაჰსურს, რომ ყველას დაუმკვიდროს სასუფეველთ. მაგრამ ამისთვის რას შერება? იმას უნდა მოსპოს და გააქროს ყოველი წინწალი თავისუფალის მსჯელობისა და თავისუფალი რწმუნებისა. იმათი ცხონება უნდა. ამასთან თვით აზროვნებას და თვით რწმუნებას სდევნის. ისე კიდევ ბევრსაჰსურდათ კაცობრიობის გამომხსნელად გამხდარიყვნენ, მოიგონეს ერთი რამ აზრი, რომელიც, იმათი ფიქრით, გააბედნიერებდა მთელს ქვეყანას და მერე გინდა თუ არ გინდაო ეს აზრი უნდა აასრულოო. ამ გვარი ხასიათი ჰქონდათ მომეტებულათ იმ აზრებს და თეორიებს, რომლებიც კაცობრიობას ბედნიერებას ჰპირდებოდნენ. იმ აზრებში მხოლოდ ის აზრი არის ცხოველი და გამოსადეგი ყოვლის მხრით, რომელიც ითხოვს ხალხის განათლებას, მხოლოდ ამ აზრის აღსრულება შეიძლება და მხოლოდ ამას შეუძლიან კაცობრიობის გაბედნიერებაც. ამასთვისაც ამ აზრს ადგენან მრავალნი.—ეხლა ითხოვენ, რომ რამდენათაც შეიძლება ხალხში ვრცლად მოიფინოს განათლება და ყოვლის ღონისძიებით ცდილობენ, რომ სახალხო შკოლები გაამრავლონ. მკითხველი არ დაივიწყებდა ნუჯერისის შტატის არხივპისკოპოზის ღირსად-შესანიშნავს სიტყვას: „სახელმწიფო და აღზრდა“. ამ სტა-

ტიაში, რომელიც წარსულს წელს იყო დაბეჭდილი „დროებაში“ მე 26 №-ში, არხიეპისკოპოზი მშვენიერად ამტკიცებს სახალხო შკოლების მიუცილებელს საჭიროებას. მაგრამ აბა ერთი გადავხედოთ რამდენი ასი სახალხო შკოლა გვაქვს? რამდენი სასწავლებელი მოიძიება ჩვენში? ეს შკოლების სიცოტავე გვიმტკიცებს, რომ ჩვენ განათლებაზედ სრულებით არასა ვფიქრობთ და აქედამვე სჩანს, რამდენათ ვფიქრობთ ჩვენს ბედნიერებაზედ!

მაშ, თუ ეგრეა, რა მოგველის ჩვენ მომავალში? მკითხველო, ამის პასუხს მე ვერ მოგცემ, შენ თითონ განსაჯე. მაგრამ ვთხოვ მკითხველს ორიოდ სიტყვა კიდევ მოისმინოს. მე დამავიწყდა თავის დროზედ მეთქვა ეს აზრები, მაგრამ არა უშავსრა. ვიცი გულკეთილი მკითხველი აპატიებს ჩემს გამოუცდელობას. მე ვამტკიცებ სწავლის საჭიროებას და მინდა, რომ ჩემს სიტყვებს შესაფერი სისრულე ჰქონდეს. რა არის სწავლა? სწავლა არის ბუნების კანონების ცოდნა; სწავლა არის გამოკვლევა იმისი, თუ რა მიზეზებიდან რა შედეგი წარმოსდგება; თუ რა კანონები ჰპართვენ სხვა და სხვა მოვლინებაებს. მაშასადამე, თუ კაცი ნამდვილათ ნასწავლი და განათლებული იმან იცის (რამდენათაც ეხლა ამის ცოდნა შეიძლება) ბუნების კანონები; მაშასადამე იმასა აქვს ბუნების ცოდნა, და რადგანაც თითონაც ბუნების ნაწილს შეადგენს, იმას აქვს თივის თავის ცნობაც. აქედამ სჩანს, რომ კარგათა სცნობს თავის სიცოცხლის კანონებს, და თავის მოთხოვნილებებს—იმას უყვარს თავისუფლება, თავისი მამულიც (რადგანაც ეს თავის-დაცვას მიეწერება) და შეჭხარის ყოველს კეთილს, რასაც კი შეჰნიშნავს თავის გარეშემო. რათა? იმიტომ, რომ იმან იცის, რომ სხვის ბედნიერება იმისი საკუთარს ბედნიერებას შეადგენს, რომ თუ მრავალნი ბედნიერები იქნებიან, ისიც ამათში უბედნიერესი იქნება და ამ სახით ამალღდება იმ პათოსამდი, რომ ან ნიუტონობას ან შექსპირობას და ან ოვენობას დაიწყებს, ის მიახწევს იმ ნათელს და მალალ თავის-ცნობამდის, საიდგანაც დაინახავს პირველს მზის სხივებს, რომელიც მომავალში აღმოუბრწყინდება ახალს ქვეყნიერებას, სადაც გონებას, სიმართლეს და სიკეთეს დაუსუფევებია....

ქ უ თ ა ო ს ი ღ ბ ა ნ

(კორესპონდენცია)

როგორც სწერდნენ გაზეთებში, ამ გაზაფხულს რუსეთში და სხვა ქვეყნებშიაც ძლიერი დიდ-წყლობა იყო; დიდი და პატარა მდინარეები გადავიდნენ ნაპირებიდან და დიდი ზიანი მისცეს ადგილობრივ მცხოვრებთ. ამ მხრით ჩვენი რიონი ქვეყნების წყლებს უკან არ ჩამორჩა. საზოგადოდ ჩვენ შეჩვეულნი ვართ რიონის ხშირს გადიდებას: თითქმის ყოველ წლობით რამდენმეჯერ რიონი გადადის ხოლმე ნაპირებიდან და დიდს ზარალს შერევა; მაგრამ ასეთი იმისი გადიდება და გადავლა, რომელიც ჩვენ ვნახეთ გასული თვის (ივნისის) 23 და კიდევ სამი წლის წინეთ, ქუთაისში ბევრს არ ახსოვს, რომ წინეთ ყოფილიყოს. საშინელი სანახავი იყო ეს მდინარე იმ დღეს: პატარა და დიდრონი ხეები ძირიანათ ამოგლეჯილები, ტივები, ფიცრები, ცოცხალი და დამხრჩვალნი პირუტყვები გაუწყვეტლად მიცურავდნენ ქვეითკენ, თითქმის მთელი დღე. დიდი უბედურება ის იყო, რომ ეს წყალდიდობა მოხდა მრავლისათვის მეტბს-მეტად ცუდ დროს. ღომი და სიმინდი, რომელნიც შეადგენენ უმთავრეს ხალხის სარჩოს დასავლეთის საქართველოში, ესე იგი, იმერეთში, გურიაში და სამეგრელოში, ახალი ამოსული იყო მიწიდან, პური ბევრს ადგალს აუღებელი, და რადგანაც საუკეთესო ყანები, ქუთაისიდან დაწყებული ფოთამდის, სულ რიონის პირად არის და ეს ნაპირები დაბლობია, შეგიძლიანთ წარმოიდგინოთ, ლა დიდი ზარალა მოიტანა რიონმა. ორპირის ახლო ადგილების რმნახელები ამბობდნენ, რომ იქ ყანების კვალიც არ სჩანსო; ახალამოსული სიმინდი და ღომი დაუკარგავს ღრმა ქვიშიანს ტალახს, რომელიც დიდ ხანს არ გაშრებაო. საწყალი სოფლები დიდად დამწუხრებულნი შეჰყურებენ თავიანთ ფუჭად გაყლილს ნაჭირნახულებს და არ იციან რა ჰქნანო: სიმინდის ხელმეორეთ დათესვა გვიან არის, ღომისა კი შეიძლება, მაგრამ ტალახი უშლის. ერთობ დიდი უბედურება იყო მცხოვრებლებისთვის რიონის გადავლა. თვით

ქუთაისში დიდი ზიანი არა უქნია არა რიონს; საკმაოდ აზარალა მხოლოდ ფერმა (სახელმწიფო ბაღი), რომელსაც ადრე იქნება თუ გვიან, რიონი სრულებითაც ფეხს აუდგამს; მაგრამ ამით დიდი არა დააკლდება რა ქუთაისს; ამისთვის, რომ სასეირნო ადგილები უამისოთაც ბევრი აქვს ქუთაისელებს: მთელი ქუთაისი ბაღებში დგას; ქუთაისს აქვს ბულვარი. ამ მხრით ფერმას სრულებით არა აქვს იმისთვის ისეთი მნიშვნელობა, როგორც აქვს, მაგალითებრ, ალექსანდროვის ბაღს და მუშტაიდს ტფილისისათვის. ტფილისში, რომ ეს საზოგადო სასეირნო ბაღები არ იყოს დიდათ საგრძნობელი და შემაწუხებელი იქნება მცხოვრებლებისთვის იქაური ხმელი, ჩტვირანი ჰავა. უფრო მნიშვნელობა უნდა ჰქონდეს ქუთაისის ფერმას იმ მხრით, რომ ის არის გაკეთებული გასაერცელებლად ამ მხარეში რიგიანი ბაღის კეთებისა, ვენახის და სხვა სასარგებლო მცენარეების ეთებისა და მოვლისა; მაგრამ აი რამდენი ხანია არსებობს ფერმა და იმისგან არავის არა უსწავლია რა. მებაღეების სასწავლებელს, რომელიც ვითომც არსებობს ფერმაში, შეადგენენ ათი თორმეტიოდე ყმაწვილები, რომელნიც სწავლობენ ქართულად და რუსულად წერას და კითხვას, და მებაღეობა კი, ვგონებთ, მათ ეცოდინებათ თავის დროზე არა უკეთესად სოფლის მებაღეებზე. იმათზე უკეთესად ეცოდინებათ მხოლოდ კეთება ყვავილებისა და თაიგულებისა, რომელნიც ასე საჭირონი არიან მანდილოსნების ყნოსვის დასატკობლად. მართლა და ყვავილები და თაიგულები (ბუკეტები) ბევრი კეთდება ფერმაში. მაგრამ ანდაზათ ნათქვამია: თამაშობა სანთლად არა ღირსა. ფერმა მისი ყვავილებით და თაიგულებით არა ღირს იმ ხარჯათ, რაც იმაზე გადის...

თუ ბოლო დროს უწინდელ დროზე უფრო გახშირდა და გაძლიერდა რიონის უცებ გადიდება და გადავლა, ალბათ უნდა იყოს რამე განსაკუთრებითი ამისი მიზეზი, რომელიც წინ არ ყოფილა. ორი მიზეზისაგან მოხდება წყლის გადიდება: თოვლის დადნობისაგან და წვიმებისაგან. თოვლისგან გადიდებული წყალი არ არის ეკრე რიგათ მავნებელი ჩვენში, ამიტომ რომ თოვლის ლანქერი არის ხოლმე გაზაფხულს, იმ დროს, როცა სიმინდი და ღომი ჯერ ნაკლებათ არის დათესილი, ან არა და ამოსული არ არის, უფრო მაზარალებელია წყალდიდობა წვიმებისგან—მაისიდან დაწყებული ნოემბრამდის. ახლანდელი რიონის გადავლა და სამი წლის წინათაც, სექტემბერში, მოხდა წვიმებისგან. მაგრამ წვიმები, ძველად, როდესაც ჩვენი ქვეყანა უფრო ტყიანი და ქაობიანი იყო, უფრო ეცოდინებოდა, მინამ ახლა; ის კი არა რიონი ახლა უფრო ხშირად და ძლიერ-

რად დიდდება და რღვნის არე მარეს, მინამ წინათ. რით უნდა აიხსნას ესა? ამბობენ, რომ ამის მიზეზი არისო გაოხრება და მოსპობა ტყეებისა იმ მთა-გორებში, რომლებს შუა მომდინარეობს ზემო ნაწილი რიონისა და საიღამაც ერთიან მას სხედასხვა წყლები. მართლაც და თუ წარმოვიდგენთ ერთი მხრით იმას, რა გავლენა აქვს ყოველ მხარეში ტყიან მთებს წვიმის და წყლების სიმრავლეზე, მეორე მხრით შევხედავთ იმას, რანაირათ გააოხრეს და აოხრებენ ტყეებს ჩვენ ქვეყანაში, — ადვილად მივხვდებით, რომ ზემო ნათქვამი მიზეზი რიონის უებრი და უცები წყალდიდობისა საფუძვლიანია. ტყეს აქვს ბევრი სინოტიე; ამასთანავე ტყიანი მთები იჭერენ ღრუბლებს და, ამ სახით აძლევენ ქვეყანას წვიმას; ტყე იჭერს მთაზე ნიაღვარს და უშლის ერთბაშათ წყლების მოვარდნას და გადავლას დაბლობ ადგილებში. შეკავებული ტყისაგან წვიმის წალი ჩადის და გროვდება მიწაში, საიღამაც გორების ხეობაებში და გვერდობაებში გამოწხრიალებს წყაროებად და რუებად. ამის გამო იმ ქვეყნებში, სადაც მთაგორები შემოსილი არიან ტყეებით, ბევრი წყაროები და მდინარეებია; იქ საკმაოდ მოდის წვიმა, გვალვა იშვიათია და დიდხანს არ გასწევს. რასაკვირველია, ამასთანავე ბევრი დამოკიდებულია იმაზე, ახლოა თუ შორს ზღვა ამ ქვეყანაზე და საიღამ უმეტეს ნაწილად ქრის ქარი. სრულიად ამის წინააღმდეგ ვხედავთ იმ მხარეებში, სადაც მთები გატიტვლებულია, უტყეოა. იქ ხშირია გვალვა; წყლები ნაკლებათ არის და რომელნიც არიან, ის თვისება სჭირსთ, რომ უცებ; პატარა წვიმისგან, მოვარდებიან, გადივლიან და აოხრებენ არე-მარეს, რადგანაც წვიმის დროს არაფერი იჭერს მთებზედ ნიაღვარს, რომელიც ყოველ მხარით რეცხს გორას, თან მიაქვს ნაყოფიერი ზედაპირი მიწისა და თავისუფლად მიგრიალებს დაბლობში. ამისთვის მართალს ამბობენ ისინი, რომელნიც რიონის ჩქარს მოვარდნას და გადავლას მიუწერენ ტყეების აოხრებას; ამიტომ, რომ ეს მეტად ცხადი ფაქტია, რომ ტყეები, როგორც რიონის არემარეებში, ეგრეთვე საზოგადოთ ყოველგან ჩვენში მეტად გააოხრეს, და ახლაც უთავბოლოთ სჭრიან და ბოლოს უღებენ. ეს ფაქტი ყოველს შემთხვევაში ღირს ამათ, რომ იმაზე ყურადღება მივაქციოთ.

წინათ, დიდი ხანი არ გასულა, რაც მთელი დასავლეთის საქართველო დაფარული იყო ტყეებითა, რომლებშიაც იშოვებოდა ყოველგვარი შენობების ხეები: მუხა, წაბლი, ძელქვა, ცაცხვი, მაღალ ადგილებზე ფიჭვი და ნაძვი და სხ. ახლაც, როცა მაღალი მთიდან დაჰყურებ ამ ქვეყანას გგონია, რომ ტყით არის შემოსილი. მართლა კი რას ვხედავთ? მთელს იმერეთში (შორი, შეუვალი ხევობაების გარდა)

ერთილად რიგიანი ტყე—აჯამეთისა. ტყეები სხვებიც ბევრია, მაგრამ როგორი ტყეები? ისეთები, რომლებშიაც ხეები ვარგან ან მხოლოდ შეშად, საფიცრო ხეები კი იშვიათად იპოვება. ქუთაისში შენობისთვის სავარგისი, კარგი მუხის და წაბლის ხეები მოაქვსთ მხოლოდ აჯამეთიდან, ფიჭვს და ნაძვს კი ზიდავენ ზემო რაჭიდან, ხანის და ზეკარის ხეობიდან და ლიხეთ-ახალციხის მთებიდან. დიდი წაბლნარის და მუხნარის ადგილას, რომელიც თხუთმეტ-ოც წლის წინათ ქუთაისიდან დაწყებული გასწევდა ხონისკენ და უწევდა გუბის წყლამდის, ახლა ვხედავთ დამახინჯებულს ჯაგნარს, რომელშიაც რიგიანი შეშაც არ იშოვება: სადღა ახლა ის დიდ ძალი ტყე, რომელიც ორპირიდან დაწყებული ორივე რიონის პირზე; მეტადრე გურიის მხრით, მიდიოდა ზღვამდის? ოცი წლის წინათ მშვენიერი რამე იყო ეს ტყე; ახლა ის შესდგება, უმეტეს ნაწილად, მრუდე, უსწორ მასწორი კოპიტის (იფნის), თხმელას (მურყანი) და ცხემლის (რცხილა) ხეებისგან, რომელნიც განოსადეგი არიან მხოლოდ შეშად; წაბლის და მუხის დიდი და სწორე ხეები, გამოსადეგი შენობისათვის, ძვირად იპოვება ახლა იმაში. იფიქრებს კაცი, რომ ტყეების მოწყვეტას ერთი კარგი შედეგი მაინც ექნებოდაო, სინოტიე იკლებდა და ჰავა გაიწმინდებოდა და უფრო მრთელი შეიქნებოდაო. მაგრამ ესეც არ ითქმის შესახებ ყველა ამისთანა ადგილებისა. მაგალითებრ, რიონის დაყოლებასზე, გურიაშიც და სამეგრელოშიც, ისეთივე საძაგელი ხაშნიანი ჰავა არის და იგივე ხშირი ცივებ-ციხელება ზაფხულში, როგორც ძველად ყოფილა; ამისთვის, რომ ტბები, კაობები, ნოლები ისევ ისე დგანან იმ გაფუჭებულ ტყეებში, როგორც წინათ ყოფილა; არავეს არ უმეცადინია, რომ თხრილები გაეყენა და ეს ხაშნიანი წყლები გაეშრო. სხვა-და-სხვა ევროპის ქვეყნებში ახლა დიდი ყურადღებაა მიქცეული ტყეებზე; არა თუ უთავბოლოდ არ აფუჭებენ ტყეს, არამედ ცდილობენ, სადაც არ არის ტყე, აქლად გააშენონ. დრო არის, რომ ჩვენშიც მიაქციონ ყურადღება და მოსპონ უანგარიშო ტყის გაოხრება, თორემ ცუდი შედეგი მოჰყვება ამისთანა უანგარიშობას; დიდი გასაკირი მოელის ჩვენს ქვეყანას მომავალში, როგორც ვსთქვი, იმერეთში დღესაც გრძნობენ ტყის ნაკლებობას; აქლაც უჭირთ შენობათათვის სავარგისი ხეების და ფიცრების შოვნა, მაგრამ, თუ ასეთი წინდაუხედავი ტყის კაფვა არ შესწყდა, ახლოა ის დრო, როდესაც შეშა შამოგვაკლდება. ქუთაისში ექვსი უკანასკნელი წლების განმავლობაში იმერული საყენის ფასმა აიწია, ოთხი მანეთიდან 11—12 მანეთამდე,—ეს ფაქტია. ეს ერთი ცუდი შედეგი, რომელიც მოსდევს ტყის მოსპობას; მაგრამ ნუ დავივიწყებთ

მეორე უცუდესს მხარეს. მე ზემოთ ვსთქვი, რა მნიშვნელობა აქვს ტყიან მთებს წვიმის მოყვანაზე, საზოგადოთ წყლის სიმრავლეზე და მიწის ნაყოფიერებაზედაც. იმერეთში დღესაც ბევრს ვხედავთ ჩვენ-მთა გორებს, რომლებიც ერთხელ დიდად ნაყოფიერი ყოფილან, მაგრამ, როდესაც გაუგებლობას და წინადაუხედაობას მოუსპია იმათზე ტყე, და წვიმის ნიაღვარს თავის მხრით, მოურეცხია, მოუშორებია და წაუღია ნიადაგისაგან ნაყოფიერი მიწა, ეს მალალი ბორცვები და სერები დამსგავსებია ქართლის გატიტვლებულს და უნაყოფო გორებს. როდესაც შევყურებ ამ მთებს, ცხადათ ვხედავთ, რომ თუ ახლანდელი უთავბოლო კაფვა, წვა და დაგვა ტყეებისა გორებზე არ მოისპო, შორს არ არის ის დრო, როდესაც ყველა ჩვენი ამწვანებული და ნაყოფიერი მალალი ადგილები დაემსგავსებიან იმ დამწვარ-დადაგულს უნაყოფო გორებს. ნუ დავივიწყებთ კი, რომ დიდ ძალი ნაწილი სახნავე-სათესაებისა ჩვენში შესდგება მთა გორებთაგან; როდესაც მთებზე ტყეები მოისპობა, ამას მოჰყვება წყლების დაკლება, ზოგიერთის დაშრობაც, ამას მოჰყვება ხშირი გვალვა, რომელიც დასაველეთის საქართველოსთვის უფრო საგრძნობელი და მავნებელი იქნება, მინამ, მაგალითებრ, ქართლისათვის; ამისთვის, რომ იქ, ქართლში, მორწყვა უფრო ადვილია, ვიდრე ჩვენში, სადაც უმეტეს ნაწილს სახნავე-სათესს ისეთი მდებარეობა აქვს, რომ ჩვეულებრივი, ადვილი საშუალებით მორწყვა მათი არ შეიძლება და სანამდის ჩვენში ის-წავლიან ხერხიანი და დახელოვნებული საშვალებით მორწყვას, სანამდის კარგი დრო გავა...

საშუალო აზიაში მოგზაურობა

თხზულება არმინი ვამბერისა, თარგმნილად ანგლიური ენიდგან რუსულად, 1865 წ.

1865 წელს, რუსულს ენაზე დაიბეჭდა ერთი ვენგრიელის მოგზაურობა შუაგულს აზიაში. იმას რომ ადგილები აუწყერია და შემოუვლია, ჯერ იმ ადგილებზე არც ერთს ევროპიელს ფეხი არ დაუდგამს. ვამბერი, პატარაობიდანვე გაზრდილი მალლად განათლებულს ევროპის საზოგადოებაში, დაჟტევეებს ნათელს ცხოვრებას, ჩაიცვამს დაკონკილს გლახაკის ტანსაცმელს, ფეხ-შიშველა და ტალახ-შემხმარი წვივებითა დაივლის იმისთანა ადგილებს, სადაც მგზავრობა თვითონ იქაურს კაცსაც ძალიან ეძნელება. მთელ თავის მოგზაურობაში ვამბერი დადიოდა უბინაოდ და არც ერთი სანდო კაცი არ ასჩენია. რომ ერთი ნაბიჯი მრუდეთ გადაედგა და ან რომ ერთი სიტყვა წინდაუხედავათ წამოეთქვა, ის იმავე წამს დაიღუპებოდა; ღმერთი რომ გასწყრომოდა და ის ევროპიელად ვისმე ეცნო, მეორე წამს ცოცხალი აღარ დარჩებოდა. ნეტავ რისთვის ითმინა ვამბერამ მთელი ერთი წლის განმავლობაში აუტანელი შიმშილი, წყურვილი, უბინაობა და შიშის გამო ნიადაგ თმის აბუძგება? ამ კითხვაზედ თვითონ მგზავრი აი რას გვეუბნება:— „ვენგრიაში რომ მდინარე დუნაი ჩასდის, იქ რამოდენიმე კუნძულებია. ამ კუნძულებში ერთი ყველაზედ უფრო დიდია. ამ უდიდესს კუნძულზედ რომ პატარა ქალაქია, მე იქა ვარ დაბადებული. სალინგვისტო მეცნიერების სწავლა პატარაობიდანვე მქონდა გულში ჩავარდნილი და ამის გამო აღრიდგანვე დავიწყე ევროპის და აზიის ცვლილ-ენების (наречия) სწავლა. რათ უნდა იყოს გასაკვირველი, რომ განსაკუთრებითი ყურადღება ჩემ სამშობლოს ენის თვისებას მივაქციე. ყველამ იცის, რომ ვენგრიული ენა ალტაიური ტომის ენებს ეკუთვნის, მაგრამ აქამომდე კი არავინ იცის ტომში ის რომელს შტოს მიეწერება:— ფინურსა თუ თათრულსა? ამის გამოძიება ჩვენ ვენგრიელებისთვის მეტად სასურველია მეცნიერების მხრითაც და კიდევ უფრო ნაციონალური შეხედულობით. ამ მიზე-

ზებისა გამო განვიზრახე გამგზავრებულ ვიყავ აზიისკენ და ადგილობრივ შემეკრიბა ეს ცნობები...“

ვინც კაცობრიობის სწავლას უმატებს, იმისი სახელი უკვდავად რჩება და ნიადაგ გადიცემა ხოლმე შთამომავლობიდან შთამომავლობაში. ამ გვარი სახელის დამკვიდრება ვის არ განამხნევენს დიდი ღვაწლის მოსატანად?... მაგრამ ნაციონალური გრძნობა, რომელიც კაცს გულში ჩაუნერგავს შრომის სურვილსა თავის სამშობლოს საკეთილდღეოთ—ეს გრძნობა კიდევ მეტად წააქეზებს ხოლმე ყოველს ევროპელს მემამულეს თავის ქვეყნის წარსამატებლად.

ნაცია, ანუ ერთი ტომის ხალხი ეწოდება იმ ნაწილს კაცობრიობისას, რომელიც ცხოვრებს ერთს რომელსამე მხარეში დედა-მის წის ზურგზე. ის იმყოფება რამოდენიმე ათასი წლობით ერთსა და იმავე ბუნების გავლენაში. ამის გამო იმას მიუღია შესაფერი აგებულება, ჭკუა-გონება და შეუძენია ამ ჭკუა-გონების გამომთქმელი თავისებური ენა. ამას აქვს ორგვარი თვისება: შინაგანი, რომელიც ჩამჯდარია ამ ტომის თითოეული კაცების შინა-აგებულებაში და ჭკუა-გონებაში; გარეგანი, რომელიც რამოდენათმე აჩვენებს შინაგანს თვისებასა და შეიცავს ამ ხალხის თითოეულს პირის სახესა, ტანის მოყვანილობას და სიტყვიერებას, ან სწორედ ვთქვათ, ხალხის ენას. ეს თვისებები არიან მიუცილებელნი, ურომლებოთაც ხალხის თვით-არსი ცხოვრება შესაძლებელი არ არის. წაართვი იმას ერთი ზემოხსენებული თვისებათაგანი და ის ხალხი ან სულ გადაგვარდება და ან მოკვდება. ვიტყვიტ მაგალითს: ბულბული თავისებურად ჰგალობს. ძალა დაატანე, რომ თავისებურად აღარ ისტვინოს და ნუ მოეშვები მინამ ყორანსავით ჩხავილი არ დაიწყოს. მაშინ მიუცილებლად ეს უნდა მოხდეს: ბულბული ვერ გაუძლებს ძალდატანებასა და სული ამოხდება. ხალხიც აგრეა. მინამ იმას თავისი განუშორებელი თვისება აქვს. ესე იგი, თავისი ტანის მოყვანილობა, სახე, ენა და ჭკუა-გონება, მინამ ამ ხალხსაც თავისი სახელი ეწოდება და აქვს თვით-არსი ცხოვრება. მაგრამ თუ ამ ხალხს ერთი თავის უდიდესი თვისებათაგანი მოაკლდა, ის გადაგვარდება და პირვანდელი ხალხისა არა დარჩება რა. რადგან ყოველი ჩვენთაგანი ცდილობს, რაც შეიძლება, დიდხანს იცოცხლოს და რადგან კაცის ბუნებაა, რომ სიკვდილი ძალიან ეჯავრება, ამის გამო ყოველი კაციც უნდა ცდილობდეს თავის ხალხის კეთილ-წარმატებასა, ესე იგი იმან უნდა გაამჯობინოს და განაძრიელოს ამ ხალხის მიუცილებელი თვისება... ეს აზრი ძალიან კარგათ ესმისთ ევროპის განათლებულს ხალხებსა; ამის გამო ვინც უნდა იყოს თუნდ ანგლიელი, თუნდ ფრანციელი, თუნდ ამერიკელი,

თუნდ იტალიელი და ან ვენგრიელი,—ყველა იმასა ცდილობს, რომ თავის სამშობლოს რითიმე გამოადგეს; ყველას თავის ხალხობით მოსწონს თავი. თუ ხალხი კეთილ-მდგომარეობაშია, მაშინ თითონაც მხიარულად და გულმაგრად არის, თუ ამ ხალხს უბედურება შეემთხვა რამე, მაშინ თითოეული მემამულეც სტირის და ცდილობს შემციროს თავის სამშობლოსა ცოდვა-ნაკითხი უბედურება.... *) აი თუნდა თვითონ ვამბერი მოვიყვანოდ მაგალითად. იმას ყმაწვილობიდანვე შეზრდია მამულის სიყვარული და ამ სიყვარულს ასეთ რიგათ გაუტაცნია, რომ თავის სამშობლო ენის გამოსაძიებლად თავისი თავი თითქმის შეუწირავს, ამისთვის რომ იმან კარგათ იცოდა, რომ მხეცბ ხალხი ცოცხალს არ გამოუშვებდა, თუ რომ ის ევროპელად ეცნო ვისმე...

ვამბერიმ რამოდენიმე ხანი დაჰყო ოსმალეთში და, როგორც თვითონ ამბობს, ხშირად დადიოდა ოსმალეების შკოლებში მახმადის სარწმუნოების წესის სასწავლელად. იმას მიუცილებელი ზედმიწევნით უნდა ესწავლა საღმრთო წერილი და მიეღო ეფენდის (მღვდლის) სახე, რომ ამ საშუალებით თავისი გვაროვნება და განზრახვა მხეც ხალხში დაემალა. „ოსმალეების ოჯახებში რამოდენიმე წელი გავატარე—იტყვის ვამბერი,—ხშირად დავდიოდი ისლამის შკოლებში (მედრესებში), წიგნის სავაჭრო დუქნებში, სადაც ვკითხულობდი მახმადიანურს წიგნებსა და ზოგს კიდევ ვყიდულობდი. მახმადის სარწმუნოება იმდენათ შევიგენი და იმდენათ შევითვისე ოსმალეების წესი და ჩვეულება, რომ, ვინც მნახავდა, ყველას ეფენდი ვეგონე. რადგან საშუალო აზიაში მოგზაურობას ვაპირებდი, მიუცილებლად საჭირო იყო, რომ ეფენდის სახე მიმელო და ისე მემგზავრნა.“**)

*) ცენზორის მიერ არის ამოღებული.
რედ.

***) იხ. სარედაქცოო შენიშვნა.

თვითმოქმედება

სამუელ ხმაილხის თხზულებიდან გადმოკეთებული

თ ა ვ ი I

თვითმოქმედება არის საფუძველი ნამდვილი გონების გახსნისა. ხალხისთვის ეს არის ჭეშმარიტი წყარო ნაციონალური მხნეობისა და ძლიერებისა. გარეგანი შემწეობა კაცს უფრო დაასუსტებს; მაშინ როდესაც შემწეობა, დამყარებული შინაგანს ძალაზედ, განაძლიერებს იმას. ეს იმით აიხსნება, რომ როდესაც კაცს ეძლევა გარეგანი შემწეობა, ის აღარ იმოქმედებს თავის საკუთარის სარგებლობისათვის და როდესაც კაცი იმყოფება სხვის გავლენის ქვეშ, მაშინ ის შეიქნება უძლური.

რაც უნდა კარგი დაწყობილება იყოს, ის მაინც ვერ მისცემს კაცს ნამდვილს შემწეობას. ყველაზედ უკეთესი სახელმწიფოს დაწყობილება ის არის, რომელიც მომეტებულს თავისუფლებას აძლევს კაცს თავის განათლებისათვის და შეაძლებინებს იმას, რომ თვითონვე გააუმჯობესოს თავისი პირადი მდგომარეობა. მაგრამ ხალხი კი ყოველთვის დაჯერებული იყო და არის, რომ იმათი ბედნიერება სახელმწიფოების დაწყობილებაზედ არის დამოკიდებული და არა თავის საკუთარს ყოფა-ცხოვრებაზედ. ეს უსაფუძვლო აზრი შეიქნა მიზეზათ, რომ სჯულთდების მნიშვნელობა ასე რიგათ გააძიდე და საზოგადო პროგრესიც იმის გავლენას მიაწერეს. ეხლა კი ზოგერთმა პირებმა სცნეს ის ჭეშმარიტება, რომ სჯულმა კერძობითს მოქმედებას უნდა უჩვენოს მარტო საზღვარი, და თითონ არას დროს არ უნდა იმოქმედოს. ერთის სიტყვით მმართველობამ მარტო უნდა დაიცვას: სიცოცხლე, თავისუფლება და საკუთრება. ამისათვის ანგლიაში ამ 50 წლის განმავლობაში უმთავრესნი ცვლილებანი იმაში მდგომარეობდნენ, რომ უწინდელი დაწესებულებების ძალა გააუქმეს; ამისათვის, რომ არ არის იმისთანა სჯული, რომელმაც შეიძლოს უსაქმო კაცი შრომისმოყვარეთ გახადოს, ფულების მფანტველს ას-

წავლოს ფულის შენახვა და გარყვნილ კაცს პატიოსნება და თავის შეკავება ჩააგონოს და მიაღებინოს. ამ თვისებაების მოპოვება კაცს შეუძლიან მხოლოდ თავისის საკუთარის ნიჭის ხმარებით და ვარჯიშობით, მხოლოდ თავისის ბეჯითი და დაუდგრომელი პატიოსანი მოქმედებით. გამოცდილებამ დაგვიმტკიცა, რომ სახელმწიფოს ღირსება და ძალა დამოკიდებულია თვითოეული პირების თვისებაზედ და არა სახელმწიფოს დაწყობილობაზედ, რადგანაც ხალხი შესდგება ცალკე პირებისაგან და ცივილიზაციის დანიშნულება ამ პირების განათლებაში და წარმატებაში მდგომარეობს.

სახალხო პროგრესი თვითოეული პირების პატიოსნებაში, მხნეობაში და შრომის მოყვარებაში მდგომარეობს, და ნაციონალური უძლურება არის შედეგი ამ კერძო პირების სიზარმაცისა, თვით-მოყვარეობისა და ბიწიერებისა. ის საზოგადო მოვლენები, რომლებსაც ჩვენ ვკიცხავთ და ვეძახით უდიდეს საზოგადო წყლულს, ხშირად ჩვენი საკუთარი ურიგო ცხოვრებიდან წარმოსდგებიან და რამდენიც უნდა ვეცადნეთ, რომ სჯულის შემწეობით ისინი მოვსპოთ, მაინც კიდევ ეს უბედურობანი გამოიჩინენ თავს ახალი ძალით, უკეთუ თვით ჩვენი ცხოვრება და ხასიათი თავის საფუძველში სრულიად არ გამოიცვლება. თუ ამ შეხედულებას მივიღებთ, მაშინ პირდაპირი ამის შედეგი ის იქნება, რომ მამულის-მოყვარეობა და კაცთ-მოყვარეობა დამყარდება ხალხში. უფრო კერძო პირების თავისუფალი და დამოუკიდებელი მოქმედებით, რომელსაც მიზნად ექნება თავისი სიცოცხლის გაუმჯობესობა და გონების წარმატება. და არა სჯულის გამოცვლით და სახელმწიფო დანწყობილების გაუმჯობესობით.

ყოველი ხალხის მმართველობა არის გამომხატველი კერძო პირებისა. უკეთუ მმართველობა თავის აზრებით და მიმართულებით ხალხზედ მაღლა სდგას, ის მიუცილებლად ფრთებს დაუშვებს და გაუსწორდება მთელს ხალხს, და თუ ხალხს უკან ჩამორჩა, ის იძულებული იქნება წინ წავიდეს და დროების მოთხოვნილება დააკმაყოფილოს. საზოგადო ხალხის ხასიათი გამოიხატება იმის მმართველობაში და სჯულთდებაში. კეთილშობილს ხალხს პატიოსნად მმართავენ და განაგებენ, ხოლო ურწმუნო და წამხდარს—ამის წინააღმდეგ. თვითოეული ხალხის თავისუფლება დამოკიდებულია იმის პოლიტიკურზედ და ზნეობითს ხასიათზედ. ის არის კერძო პირების მხნეობის, ნიჭიერების და გამრჯელობის შედეგი.

გარეგანს კაცის მმართვეას მცირედი მნიშვნელობა აქვს. ყველაფერი დამოკიდებულია იმაზედ, თუ როგორ მიჰყავს კაცს თავისი თავი და თავისი მოქმედება. სწორეთ რომ ესთქათ, მონა იმას.

კი არ დაეძახება, რომელიც სხვის ბარბაროსობას ითმენს, მონა ის არის, რომელსაც ვერ დაუძლევია თავისი საკუთარი უმეცრება, რომელიც ვერ შეჰბმია თავის ბიწიერს მიდრეკილებას, ვნებას,—და სხვადასხვა ქვეყნებში ყოფილან და ეხლაც არიან იმისთანა მამულის-მოყვარენი (პატრიოტები) რომლებიც მტარვალის მოკვლას თავისუფლებისათვის დიდ საქმედ რაცხვენ, მაგრამ ამათ ავიწყდებათ, რომ ეს მტარვალი არის სჯულიერი წარმომადგენელი იმ მილიონ პირებისა, რომლებზედაც ის სუფევს. ის ხალხი, რომლის ხასიათიც არის პირუტყვობა, მონობა და ქედ-მოხრილობა, თავის დღეში თავისუფლებას ვერ მიიღებს, თუნდ ათასჯერ გამოცვალებთ იმის მმართველი და სრული ცვლილება მოახდინეთ იმის ქვეყნის დაწყობილებაში; და ვინემდის ის ცრუ აზრი არსებობს, რომ თავისუფლება მმართველობაზედ არის დამოკიდებული, მანამდის არავითარს რეფორმას მკვიდრი და პრაკტიკული შედეგი არ ექნება, თუ გინდ თითონ რეფორმა საუკეთესო იყოს. თავისუფლების მკვიდრი საფუძველი კერძო პირების ხასიათზე უნდა იყოს დამყარებული.

ამაზედ არის დამოკიდებული ნაციონალური პროგრესი (წარმატება). აი რა შეადგენს ანგლიის თავისუფლების ძალას. ანგლიელებმა იციან, რომ ისინი არიან თავისუფალნი არამთუ მარტო იმისთვის, რომ ისინი ცხოვრობენ თავისუფალის დაწესებულების მფარველობის ქვეშ, არამედ იმისთვისაც, რომ ყოველს წევრს საზოგადოებისას კარგათ ესმის თუ რა არის თავისუფლება; ამის გამო ისინი იცავენ თავის ზავისუფლებას და ხმარობენ აზრის გამოთქმაშიაც. მაგრამ ეს კიდევ არაფერი. ისინი ამ თავისუფლებას გამოხატავენ თავის ცხოვრებით და ენერგიული მოქმედებით, რომელიც შეჰჭყერის თავისუფალს ხალხსა. მრავალ შთამომავლობას გაუწევია დიდი შრომა, მინამ ანგლია ახლანდელს მდგომარეობაში ჩასდგებოდა. ამ შრომაში ჰქონდა მონაწილეობა უკანასკნელს მცირედ შესანიშნავს პირსაც. ყოველისფერი იყო ისე რიგათ წამართული, რომ ეს განზრახვა გაემართლებინათ. შრომის მოყვარე და მომთმენი კაცები ყოველი წოდებისა—ყოველგვარი მსწავლულნი, პოეტნი, ფილოსოფოსნი, სახელმწიფო კაცნი, ყველანი ერთად შრომობდნენ, ერთი შთამომავლობა განაგრძობდა წინაპრების შრომასა იმ აზრით, რომ შეიმუშაონ საზოგადო ხასიათი ქვეყნისა და დაადგინონ მტკიცე საფუძველზედ ამ ქვეყნის კეთილ-მდგომარეობა. ამ ღირსეულის ღვაწლ-შემოსილის კაცების რიგმა დაადგინა წესი ხაოსისგან (დაუწყობლობისაგან). ამ სახით ჩვენ დავიმკვიდრეთ ჩვენი წინაპრების შრომის ნაყოფი და ამასთანავე მივიღეთ მოვალეობა, რომ ეს სამკვი-

დრო ჩვენს შთამომავლობას გადავსცეთ, არამცთუ გაფუჭებული არამედ უფრო გაკეთებული.

ამ გვარი სული თვითმოქმედებისა, რომელიც მიაჩვენეს, კაცს, რომ ჰქონდეს იმედი თავის საკუთარს ძალაზედ და რომელიც გამოიჩინეს თავს კერძო პირების მხნე და დაუდგრომელ მოქმედებაში, არის ნიშანი ანგლიელების ხასიათისა და არის ზომა იმათი ნაციონალური ძლიერებისა. იმათ ყოველთვის ჰყვანდათ იმისთანა პირნი, რომელნიც უბრალო ხალხზედ მაღლა იდგნენ და რომელთაც საზოგადოება დიდს პატივსა სცემდა; მაგრამ ამასთან ისიც უნდა ვსთქვათ, რომ ანგლიის ხალხმა არას დროს არ უნდა დაიდუმოს სხვა პირების ღვაწლიც, თუმცა ისინი არ ყოფილან ისეთ რიგათ შესანიშნავნი. ასე კიდევ რომელიმე ომის ისტორიაში მოხსენებულნი არიან გენერლები, და იმ სალდათების სახელი კი დავიწყებულია, რომელთაც თავისი გმირობით დასძლიეს მტერი და მიუშვედრეს მამულს თავისუფლება და თვითმყოფობა. სიცოცხლე შეიძლება შევადაროთ სალდათების ბრძოლას, რადგანაც უდიდესი მოქმედი (ДЕЯТЕЛЬ) კაცები თითქმის დაბალი წოდებიდგან წარმოსდგებიან. ჩვენ ახლა არ ვიცით და არც კი გავგიგონოთ სახელები მრავალი პირებისა, რომელთაც თავის სიცოცხლეში დიდი გავლენა ჰქონდათ ხალხის კეთილდღეობაზედ და იმ-ს წარმატებაზედ. მაგრამ ეს არაფერია. რაც უნდა იყოს ქვეყნის ბედნიერებაზედ და კეთილდღეობაზედ ყოველს კაცს აქვს გავლენა, რომელიც კი თავის შრომის მოყვარეობით და მაღალის სიმართლით აძლევს სხვებს კეთილის მაგალითს; იმის ცხოვრებას და ხასიათს სხვანი შეითვისებენ და მომავალში ახალის შთამომავლობისთვის ნათელს კვალს დაარჩენენ.

ამას ესეც უნდა დაუმატოთ, რომ განათლებული და პატიოსანი პირების ცხოვრების აღწერა (ბიოგრაფია) მეტად სასარგებლოა სხვებისთვის, რადგანაც უბრალო კაცი იმათი მიხედვით განზნებდება და კეთილ გზას დაადგება. ზოგიერთი იმათგანი ისე სამაგალითონი არიან, როგორც სახარების მქადაგებელნი, რადგანაც ესენი ასწავლიან ხალხს კარგს ცხოვრებას და ენერგიულს მოქმედებას თავისი და საზოგადო სარგებლობისთვის. ანგლიის ხალხში იპოვევიან მრავალი იმისთანა პირნი, რომელნიც ჩვენთვის მაგალითები არიან, რადგან ისინი დაჯერებულნი იყვნენ თავის თავის ძლიერებაში, მუდამ ერთს მიზანს ევლტოდნენ, დაუცხრომელათ მოქმედებდნენ და პატიოსნად ცხოვრებდნენ. ანგლიელი მშრომელი და პატიოსანი პირების ცხოვრებაში კაცი ნათლად დაინახავს, თუ რა ღონისძიება უნდა იხმაროს კაცმა, რომ თავისი თავი წარმატებაში შეიყვანოს.

იმათი ბიოგრაფიებიდამ ცხადათა სჩანს, რა ნაირი მტკიცე რწმუნება აქვთ იმათ თავის შეძლებაზედ და რა რიგი პატივისცემა თავიათავისა. ამათი ბიოგრაფიების წამკითხველი კაცი სცნობს, რომ კაცს მარტო შრომით შეუძლიან ამაღლდეს საზოგადოებაში და პატივცემული გახდეს.

უცხო-ქვეყნელებმა დიდი ხანია ყურადღება მიაქციეს ანგლიელების გასაკვირველს მხნეობას (ენერჯიას), რომელიც შეადგენს მთელი ხალხის შესანიშნავს თვისებას, მხნეობას, რომელიც არ გაჰქრება სხვადასხვა დაწესებულებაებში, არამედ დაიცავს სრულს თავისუფლებას აზრისას, სიტყვისას და მოქმედებისას.

„Que j'aime la hardiesse anglaise! Que j'aime les gens qui disent ce qu'ils pensent!“ ოხ, როგორ მიყვარს ანგლიელების გამბედაობა! ოხ, როგორ მიყვარან ის კაცები, რომლებიც ამბობენ იმას, რასაც ფიქრობენ!“—აი რას ამბობდა ვოლტერი ანგლიელებზედ. ასეთი პიროვნება არის მიზეზი ანგლიელის თავისუფლებისა; ესევე განამკვიდრებს იმის თავისუფლებას. იმათი მხნე და გამრჯელი პირები ხშირად შეუღლებიან საზოგადო მოქმედებას და ამ სახით მთელი საზოგადოება გაცოცხლდება და ამ კერძო პირების დახმარებით შესრულდება ძლიერი და ენერჯიული მოქმედება მთელი ხალხისა.

ანგლიელების უკეთესი პრაქტიკული აღზრდა მდგომარეობს კერძო პირების მხნეობაში, რომელიც არა თუ ერთგან ან ორგან მოქმედებს, არამედ მთელს საზოგადოებაში. შკოლები, აკადემიები და გიმნაზიები აძლევენ კაცს მარტო პირველს გახსნის თესლს. უფრო შესანიშნავია ის აღზრდა, რომელიც ჩვენ ყოველდღე გვეძლევა სახლში, ქუჩაში, სამუშაოვებში, საფეიქროში და გუთანზედ, კანტორებში და ფაბრიკებში და ყოველს საზოგადო მოქმედების ცენტრში. ამ გვარა აღზრდა ანგლიელს მუშაობას ასწავლის და ამასთან აძლევს ღონისძიებას, რომ თავისუფალი კაცი გახდეს. დაბოლოებისას აღზრდას, რომელიც საზოგადოების წევრების ხასიათის გაუმჯობესობაში მდგომარეობს, შილლერი უწოდებს „კაცობრიობის აღზრდას“. ამ აღზრდას კაცი ვერ შეიძინებს წიგნების კითხვით, ეს მდგომარეობს მოქმედებაში და თავის ყოფა-ქცევის თვალ-ყურის დევნებაში. ბეკონი ამბობს, რომ „მეცნიერება კაცს არ ასწავლის, თუ როგორ უნდა გამოიყენოს ის კაცმა ცხოვრებაში. ეს შეადგენს განსაკუთრებით ცოდნას, რომელიც ამაზედ მალა სდგას და სადაც მეცნიერებას არ მიუწვდება თავისი გავლენა: ეს მოიპოვება გამოცდილებით.“—ეს აზრი მართალია. გამოცდილებამ დაგვიმტკიცა, რომ კაცს უფრო მუშაობით შეუძლიან თავისი თავის გაუმჯობესობა; მი-

ნამ კითხვით, რომ კაცობრიობას განაახლებს უფრო ცხოვრება, მოქმედება და პირადი თვისება კერძო კაცებისა, მინამ ლიტერატურა, სწავლა და სხვა.

გეტემ სთქვა: „თუმცა გასაოცარია, მაგრამ უნდა ვაღვიაროთ, რომ ანგლიელები ყველა ხალხებზედ მალა დგანან. არ ვიცი, რა არის ამისი მიზეზი: იმათი შთაბოძავლობა, იმათი ქვეყნის ჰავა, თუ ის მრთელი აღზრდა, რომელიც იმათ ეძლევათ? აქ ვეიმარში იპოვებიან ანგლიელები, და თუმცა იმათ არა აქვთ ამორჩეული ერთი რაიმე მიზანი, მაგრამ შეხედეთ რა მშვენიერი კაცები არიან! ჩვიდმეტის წლის ყმაწვილები უცხო-ქვეყანაში ცხოვრობენ და ისინი არა რაცხვენ თავის თავს უცხო-ქვეყნელად. ჩვენ უნდა ვსთქვათ, რომ საზოგადოებაში იმათ უჭირავთ თავი პატიოსნად და მშვიდობიანად, თითქო ისინი თავის მამულში იყვნენ და თითქო მთელი ქვეყანა იმათ ეკუთვნოდეთ“. — „რაც უნდა იყოს, უპასუხა ეკერმანმა, მე მაინც ვერ დაგთანხმდებით, რომ ანგლიის ჯენტლემენები უფრო განათლებული და კარგის ზნეობისანი იყვნენ, მინამ ჩვენი ახალგაზდანი“. — „საქმე ამაში არ არის, მიუგო გეტემ, სიკარგე ამაში არა მდგომარეობს. აგრეთვე არაფერს ნიშნავს მალალი შთაბოძავლობა და სიმდიდრე, — საქმე იმაშია, რომ იმათ თავისის გამრჯელობით შეუძლიანთ ისეთები იყვნენ, როგორათაც თვით ბუნებას შეუქმნია. იმათ შეუსრულებელი არა აქვთ რა. ესენი სრული ადამიანები არიან; — თუმცა ბევრნი სრულად უგუნურნი არიან, მაგრამ ამ უკანასკნელს მდგომარეობაშიაც კაცს მაინც არ ეკარგება თავისი მნიშვნელობა და ღირსება: იმას აძევს კაცობრიობის ნიშანი“. ამ გვარათ, გეტეს აზრით, ანგლიელი ახლოა იმ პირობასთან, რომელიც ლესსინგმა კაცის ადამიანობის ნიშნად და თვისებად დასდვა: „იფიქრეთ, როგორც გინდათ, თუნდა შეცდომით, მაგრამ იფიქრეთ თქვენ თავად“.

მეორე უცხო-ქვეყნელი მწერალი ნემეცი ვიზე აღარებს ნემცეების და ანგლიელების აღზრდის წესს და ჰპოვებს, რომ პირველი ცდილობს გონების გახსნას მოწაფეში, და მეორე კი ხასიათის გაწმენდას და გაუმჯობესობას. ის ჰპოვებს, რომ ანგლიელები უფრო უყურებენ ვინც უფრო ენერგიულათ ელტვის თავის მიზანს, ვისაც უფრო ღომეტებული მოთმინება, დადგრომილება და თავის დაჭერა აქვს, მინამ მეცადინეობას სწავლაში სიჭაბუკის დროს. ერთი სიტყვით, ანგლიელები ხასიათს უფრო დიდს მნიშვნელობას აძლევენ, მინამ გონებას, თუმცა იმათგან არც ეს არის სხვაზედ ნაკლებათ დავიწყებული:

მოვიყვანთ კიდევ ფრანცუზის რანდიუს სიტყვებს ანგლიის წესზედ. იმისი აზრით ეს წესი საუკეთესო გაწყობილებას აძლევს მთელს სოციალურს ცხოვრებას. იმას უკვირს, რომ ჩვენ პირად თავისუფლებასთან სხვებზედ უკეთესად ვემორჩილებით დადგენილს სჯულს და ენერგიულს კერძო პირების მოქმედებასთან, რომელიც ვერ აიტანს ცოტაოდენს შევიწროებას, ჩვენ ვმოქმედობთ ისე, როგორც შეეფერება საერთო მოვალეობას. ფრანცია მომეტებულად სალდათებს და ჩინოფნიკებს ზრდის, მაშინ როდესაც ანგლია ყველას სრულს თავისუფლებას აძლევს, სქესის განურჩევლად, და ყველას შიანიკებს თავის აღზრდის უფლებას, ამზადებს მოქალაქეებს, რომლებიც გამზადებულნი არიან პრაქტიკული მოქმედებისთვის. თუმცა შკოლებში და გიმნაზიებში ჩვენ შეგვხვდება ზოგიერთი ნიჭიერნი პირნი, რომელთაც ღრმა განათლება მიუღიათ, მაგრამ ნაციონალური აღზრდის გამო, ჩვენა გვეყვანან მრავალი იმისთანა პირნი, რომლებიც წარმოგვიდგენენ ძლიერის რასის (ტომის) ორს უდიდეს სიკეთეს: შეურყეველს თავის დაჭერას და სიმტკიცეს განზრახულის საქმის მიდევნაში.

ეს პირადი თავისუფლება და ენერგიული მოქმედება შეადგენს ჩვენი ნაციონალური ძლიერების მიზეზს, რადგანაც სული თავისუფალი მოქმედებისა მარტო ერთ წოდებაში კი არ იპოვება, არამედ ის არის გამჯდარი მთელი ხალხის ძვალსა და რბილში და უმეტესად ის გამოიჩინს თავის ძალას დაბალ და ღარიბ ხალხში.

მეცნიერნი, ხელოსნები და ლიტერატორნი უდიდესი აზრების მქადაგებელნი — გამოვიდნენ ანგლიის ფერმებიდამ, შოტლანდიის მთებიდგან, სამუშაოებიდგან და მადნებიდგან, სამჭედლოდგან და სხვა ადგილებიდამ. ამის მაგალითები ისე ბევრია, რომ კაცმა არ იცის, რომელი ამოარჩიოს იქიდან მაგალითისთვის. მოვიგონოთ მარტო ეს შემთხვევა, რომ სადალაქოდგან იყვნენ: რიჩარდ არკრაიტი, რომელმაც საფეიქრო (მაშინა) მოიგონა და დააფუძნა ბამბის მანუფაქტურები, ლორდი ტენტერდენი, რომელიც იყო შესანიშნავთაგანი ანგლიის მსაჯულებში და ტერნერი, სხვა და სხვა ლანდშაფტების მხატვარი.

ნამდვილათ არ ვიცით, ვინ იყო შექსპირი, მაგრამ უეჭველია, რომ ის დაბალი კაცის შვილი იყო. შექსპირის მამა იყო ყასაბი და მემცხვარე. ამბობენ, ვითომც შექსპირი ერთის შკოლის მეკარეთ იყო, და მერე ნოტარიუსის მწერლათ. შექსპირი იყო გამომხატველი კაცობრიობის ცხოვრებისა. ყველა ზღვის მწერალს (морской писатель) ეგონება, რომ შექსპირი იყო მეხომალდე

რადგანაც იმის პიესებში ბევრგან შეგვხვდება ფრაზები, რომელნიც ზომალღზედ იხმარებიან. სასულიერო წოდების პირს ეგონება, რომ ის დიაკვნათ ყოფილა, რადგანაც იმის თხზულებებში ბევრი სამ-ლთო წერილის სიტყვები ურევია და გამოჩენილი მეცხენე დაიწყებს დამტკიცებას რომ შექსპირი ცხენების დალალი იყო. ყველამ იცის, რომ შექსპირი იყო აქტორი და თავის სიცოცხლეში ბევრი როლე, ბი უთამაშნია. ეჭვი არ არის, რომ ის ყურადღებით სწავლობდა და ბეჯითად მუშაობდა; იმის თხზულებებს ანგლიელების ხასიათზედ აქამომდე ძლიერი მოქმედება აქვთ.

ინჟენერი ბრინდლეი, ზღვაში მოსიარულე კუკი და პოეტი ბერ-ნსი ეკუთვნოდნენ ანგლიის მუშებს. ბენ ჯონსონი უბრალო ქვის მთლელი იყო. იმას საიურიდიკო სასწავლებლის აშენების დროს ხელში ნაჩაბი ექარა და ჯიბეში წიგნი ეღდა.

შესანიშნავს დურგლებში ირიცხებიან: ხუროთ-მოდღვარი ინ-გო-ჯონი, გარრისონი, ფიზიფლოგი ჯონი გეტნერი, ორიენტალისტი პროფესორი ლი, სკულპტორი ჯონი ჯიმსონი.

მათემატიკოსი სიმპსონი, ადამ უოკერი, ჯონ ფორსტერი, ღირ-სად-შესანიშნავი მოგზაური და მისსიონერი დოქტორი ლივინ-გსტო-ნი და პოეტი ტანაგილლი უწინ ფეიქრები იყვნენ. მებაშმაკეებში იყ-ვნენ შესანიშნავნი: ადმირალი შაველი, მსწავლული სტერჯენი, მოგ-ზაური კერი; შრომის მოყვარე მისსიონერი მორრისონი ჩეკმების კალაპოტებს აკეთებდა. აგრეთვე თომას ედვარდსი პირველათ ხარა-ზი იყო, მაგრამ როცა კი მოცალეობა ჰქონდა, ისა სწავლობდა ბუნე-ბითს საგნებს და ბოლოს შესანიშნავი ბუნების გამომძიებელიც გახდა.

მკერვლებსაც ჰყვანდათ თავისი გამოჩენილი კაცები ადმირა-ლი გობსონი იყო დიდათ გამბედავი ზღვაში-მოსიარულე; ანგლიაში ბევრი ვერავინ შეედრება იმას გამბედაობაში. ის ებარა შეგირდათ ერთს მკერვალს, უატის კუნძულზედ; ერთბაშად იმის სოფელში მო-ვიდა ხმა, რომ კუნძულის კიდეებთან სდგას სამხედრო ესკადრა. ის გამოვარდა დუქნიდამ და გაიქცა თავის ამხანაგებით ზღვის ნაპირ-თან, რომ თვალი მაინც მოეკრა ამ საკვირლის სანახავისთვის. ამ პა-წაწა მკერვალმა მოიწადინა, რომ ზღვის მოხელეთ გამხდარიყო. ის გადახტა გემზედ, გაეშურა ესკადრისკენ და გემის კაპიტანმა ვოლონ-ტერათ აიყვანა. რამდენისამე წლის განმავლობაში იმან დაიმსახურა პატივი და დიდება და შემდეგ მობრუნდა ისევ სამშობლო სოფელ-ში და მშვიდობიანათ დასახლდა იმავე სხელში, სადაც ის უწინ სცხოვრობდა, როდესაც მკერვალს შაგირდათ ებარა.

იმ შესანიშნავი კაცების რიცხვში, რომლებმაც გამოიგონეს ორ-თქლის მაშინა, ჩვენ მოვიხსენებთ ნიუკომენს, უატტს და ხტეფენსონს. პირველი ამათვანი იყო მკედელი, მეორე მათემატიკურს იარაღებს აკეთებდა და მესამე კაჩეგარის *) თანამდებობას ასრულებდა. მქადაგებელი გენტინდონი პირველათ გროშოათ იყო (ე. ი. იმას ნახშირი დაჰქონდა აქეთ იქით გასასყიდათ). ფარადეი, ლარიბი მკედლის 'შვილი, სიყმაწვილეში წიგნის ყდის გადამკვრელს ებარა და იქ 22 წლამდე მუშაობდა და შემდეგ შესანიშნავ ფილოსოფოსად გახდა.

დიდი ხანი არ არის, რაც როლერიმ მურჩისონი შეხვდა შოტლანდიაში ერთს კარგ გეოლოგს, რომელიც პურის მცხობელათ იყო. ამ კაცის სახელი არის რობერტი დიკი. როდესაც მურჩისონმა ნახა იმისი თონე, დიკმა გამოუხატა იმას ფეკვილზე გეოგრაფიულ და გეოლოგიური სახე საგრაფოსი, რომელშიაც ის სცხოვრებდა. ამასთან დიკმა დაუწუნა ქარტები და ბევრი ნაკლულევანება ჰპოვა იმათში, რადგანაც იმან კარგათი განისწავლა საგრაფოს ადგილ-მდებარეობა თავის წასვლა-მოსვლაში. მურჩისონმა დაუწყო გამოკითხვა სხვა და სხვა ამბებისა, და ბოლოს შენიშნა განცვიფრებით, რომ ეს პირი იყო წარჩინებული ბოტანიკოსი. „მე ვპოვე, ამბობს გეოგრაფიული საზოგადოების დირექტორი, რომ ამ პურის მცხობელს უფრო ბევრი ბოტანიკური ცნობები ჰქონდა, მინამ მე. იმის კოლექციას აკლდა მარტო 20 ან 30 სხვა და სხვა ყვავილების ჯიში. ზოგიერთი იმისთვის სხვას ეჩუქებინა, ზოგი ეყიდნა და უმეტესი ნაწილი თითონ შეეკრება თავის სამშობლოში;—ყვავილები ეწყო რიგზედ და ყველას ზავისი სახელი ჰქონდა დაწერილი“.

ჩვენს ქვეყნს დიდებას შეადგენს ის, რომ აქ იპოვებიან მრავალი ამისთანა პირნი, ბევრნი იმათგანნი, მართალია, ძალიან დიდათ არ არიან შესანიშნაენი, მაგრამ ყველა კი დანდობილია თავის ნიჭზედ და ძალაზედ. ამ გვარი კაცები წარმოგვიდგენენ სასიამოვნო და პატიოსანი მოქმედების მაგალითს. ეს გვიჩვენებს, რა შეუძლიან კაცს თავისის მცირედი ღონით და ნიჭით, თუ ის მიჰმართავს ერთს წინათვე ამორჩეულს მიზანს და ყოველს დროს მხედველობაში ექნება. ბუნების მოვლინებანი არ არიან დაფარულნი არც ფილოსოფიისთვის, არც ხელოსანისთვის და არც გლეხისთვის. იმათ შეუძლიათ ესენი გამოიყენონ თავისი გონების გახსნისთვის. ამ გვართ მზრომელს კაცებს, თუნდაც ისინი უბრალო ხელობისანი იყვნენ, შეუძლიანთ საზოგადოებას სარგებლობა მისცენ.

*) კაჩეგარი ის პირია, რომელიც ბუბრებს ცეცხლს უკეთებს ზავოდებში, ცეცხლის გემებში და სხვ.

ანგლიის ხალხში ბევრნი არიან იმისთანა პირნი, რომლებიც თავის დაუსტებრომელის შრომით ამაღლდნენ მთელს საზოგადოებაში და სასარგებლონი გახდნენ, თუ ქარგათ დავაკვირდით საქმეს, ჩვენ დავრწმუნდებით, რომ ვინც ყმაწვილობიდანვე შეებრძოლება სხვა და სხვა უსიამოვნო გარემოებაებს და უშიშრად გააპობს ყოველს გვარს დაბრკოლებას, რომელიც კი იმას გზაში დახვდება, ის უეჭველად მოიპოვებს მტკიცე და შეურყეველს ხასიათს და საფუძვლიანს გონების გახსნას. ანგლიის ქვემო პალატაში ყოველთვის იპოვებიან იმისთანა პირები, რომლებიც გვიმტკიცებენ, რომ ანგლიელები შრომის-მოყვარენი არიან. ერთხელ პარლამენტში იოსებმა ბრევერტონმა დიდის აღტაცებით უამბო თავის მსმენელებს, თუ რა რიგი ნაკლებეანება და შრომა გამოუვლია თავის სიყმაწვილეში, იმანასთქვა, რომ, როდესაც ის იყო ამ შრომაში და გაჭირვებაში, სწორეთ მაშინ გაუელვა თავში, რო მუშების მდგომარეობა გააუმჯობესოს, რითაც კი შეიძლებოდა. შემდეგ ამისა ჯემსმა გრაგამ გამოაცხადა, რომ იმან სრულებით არ იცოდა თუ ბრევერტონი ესე დაბალი კაცის შვილი იყო და ეხლა კი იამპარტავენებს იმ აზრის წარმოდგენით, რომ ასე დაბალი ხარისხის კაცს ნება აქვს მოუჯდეს გვერდით ანგლიის მემკვიდრეობითს აზნაურობას.

რასაკვირველია, ეხლაც არიან იმისთანა ქვემოპალატის წევრნი, რომლებსაც შეუძლიანთ ჩაურთონ სიტყვაში: „როდესაც ვებარე ფეიქარს“. მაგრამ სჯობს, რომ მოკლეთ გიამბოთ ცხოვრება გამოჩენილი ლინდსეისა, რადგანაც იმისი ცხოვრება არის ისტორია ბრძოლისა სხვა და სხვა დაბრკოლებაებთან.

თავისი ცხოვრება იმან თითონ უამბო ვეიმუტის ამომარჩეველებს. ის 14 წლის ობოლი იყო, როდესაც უნდა მოენახა თავისთვის მოქმედების გზა. გლაზგოვიდამ ლივერპულს 4 შილინგით და ცოტათოდენის წვრილის ფულით წავიდა. ის ისეთი ღარიბი იყო, რომ ცეცხლის-გემის კაპიტანს ძალიან შეებრადა და უთხრა, რომ უფასოთწაიყვანს, ოღონდ იმან ნახშირს უპატრონოს. იმან ეს მიზნობილება აღასრულა და ამ სახით გადაიხადა თავისი ვალი. ლინდსეი ბოლოს იგონებდა ხოლმე რომ იმას თავის დღეში ისეთის სიამოვნებით არ უჭამია პური, როგორც იმან ხომალდზედ ჭამა, რადგანაც ეს თავისი შრომით მოიპოვა. ლივერპულში ლინდსეიმ შვიდი კვირის განმავლობაში საქმე ვერ იზოვნა. ის დღითი დღე რის ვაი ვავლახითაც ცხოვრებდა. იმას ებადა 4 1/2 შილინგი და ძლივს ბოლოს ის განწესდა მეგემეთ ერთს ხომალდზედ, რომელიც ეკუთვნოდა ვესტინდოელ ვაჭარს. ის ჯერ ყმაწვილი იყო, როცა განწესდა ზღვის სამსახურში.

და როდესაც ცხრამეტი წლისა გახდა, იმას ჩააბარეს ერთი ხომალდი, რომელზედაც იმას თვალყურს უნდა სჭეროდა. ოცდა სამი წლისამ იმან დაანება ზღვას თავი და ისევე ხმელეთზედ დასახლდა. ლინდსემი კეთილცხოვრებამდის მიახწია თავის დაულალავის მოქმედებით და მუყაითი შრომით. იმასა ჰქონდა ერთი განზრახვა, რომ სხვის სიკეთისათვის ისე თავ-გამოდებით ემოქმედნა, როგორათაც თავის ბედნიერებისათვის და ამას ყოველთვის აღსრულებდა.

ამნაირი მაგალითები სხვა ანგლიის წოდებებშიაც ბევრი იპოვება. საშუალო კლასიდამ ბევრი გამოჩენილი პირი გამოსულა; რომელთაც თავი უსახელებიათ მეცნიერებაში, ვაჭრობაში და ხელოვნებაში. ისაც ნიუტონი, ანგლიის დიდი ფილოსოფოსი, იყო ერთი მცირე შემამულეს შვილი. იმის მამულს წელიწადში მარტო ოც და ათი გირვანქა სტერლინგი შემოსავალი ჰქონდა. ამავე წოდებისა იყო ჟარსკვლავთ-მრიცხველი ადამსი, რომელმაც ცთომილი ნებტუნი იპოვა. იმისი მამა იყო ღარიბი მიწის შემამულე. — რიჩარდ ოუენი რომელიც ბუნების მეცნიერების ცოდნაში შეიძლება ნიუტონს შევადაროთ, იყო პირველათ გარდემარინი და კარგა გვიან დაიწყო მეცნიერების შემუშავება; მაგრამ ოუენი ისე ბეჯითათ შეუდგა საქმეს, როგორ დიდი სახელი დაიწახურა. პირველად თავისი ცნობები მოიპოვა მაშინ, როდესაც იმას შეაღწეა, რომ მშვენიერი ცხოველების მუხუშუმის კატალოგი შეედგინა, რომლებიც შეკრიბა ჯონმა მეტნერმა. ამ საქმეს ოუენი ათ წელიწადზედ მეტი მოუხდა.

ეს მაგალითები ცხადათ გვიჩვენებენ, რომ თუ კაცს უნდა ხალხის კეთილდღეობა და თავის გაბედნიერება, იმან ბეჯითად და დაუდგომელათ უნდა იშრომოს. სიზარმაცე თავისდღეში კაცს ვერ აამაღლებს. დიდი კაცის შეილებმა და მდიდრებმაც უნდა ენერგიულათ იმუშაონ, რომ მტკიცე რეპუტაცია და სახელი მოიპოვონ, რადგანაც ისინი შემკვიდრებით მიიღებენ მარტო სიმდიდრეს და არა ცოდნას და ჭკუას. მდიდარს კაცს შეუძლიან სხვა ვინმე იჭირაოს თავის საქმის წასამართავათ, მაგრამ ჭკვასა და ცოდნას კი ვერაფრით ვერ იყიდი. ის მხოლოდ შრომით მოიპოვება და არა ფულებით. ამის გამო ღარიბმა და მდიდარმაც ერთგვარათ უნდა იშრომონ, რომ წარმატებაში შევიდნენ.

გონების გახსნა კაცს მარტო თავისი საკუთარის თავისუფალის შრომით შეუძლიან მოიპოვონ, უამისოთ გამარჯვება არ შეიძლება. კაცს სადაც არა დაუთესია რა, იქ ვერცა რას მომკის.

თ ა ვ ი II

ქეშმარიტი განათლება მდგომარეობს სრული ადამიანის ბუნების წარმატებაში და გახსნაში; იმან უნდა იმოქმედოს როგორც სულზედ ისე სხეულზედ. თუ ერთი რომელიმე მხარე დაფიწყებულია, მაშინ ვერ ვიტყვი, რომ კაცი სრულიად განათლებული იყოს. განათლება უნდა შეეხოს მთელს ადამიანს, ყოველს იმის ძალას (ფიზიკურს და ზნეობითს); უნდა მისცეს იმგვარი მიმართულება, რომ კაცის ბუნებამ მიიღოს შესაფერი სისრულე ყოველის მხრით. თუ ფიზიკურს მხარეს მიაქცევთ მომეტებულს ყურადღებას, თქვენ დაჰბადებთ ან ატლეტს და ან ველურს კაცს, და თუ სულიერის მხარეს გახსნას ეცდებით, თქვენ აღზრდით იდეალისტს, ხოლო უკეთეს მოიწადინებთ მარტო გონების გახსნას, მაშინ თქვენი მოწაფე შეიქნება ან უგუნური და ან ჭკვიდან შეშლილი.

ნამდვილათ განათლებული კაცი ის არის, რომელშიაც იმის ბუნების ყოველი მხარე გახსნილია და ერთმანეთთან ისე არიან შეთანასწორებულნი, რომ არც ერთი მხარე არ დასძლევს მეორეს.

ძველს დროში დიდი ყურადღება იყო მიქცეული კაცის ფიზიკურს ძალზედ და ყოვლის ღონისძიებით ცდილობდნენ, რომ კაცში შეერთებინათ ძლიერი სული ძლიერს სხეულთან. ბერძნის მასწავლებლები ურჩევდნენ თავის მოწაფეებს, რომ იმათ ის საგნები ხსწავლონ, რომლების სწავლაც ფეხდგომელა შეიძლება. თითქმის ამნაირივე აზრი არის გამოთქმული ერთს ძველებურს ანგლიის ანდაზაში: „ზაფხულში—მინდორი, ზამთარში—მეცნიერება“. მილტონი თავის თხზულებაში ამტკიცებდა, რომ ჭაბუკში აღიზარდოს როგორც ფიზიკური, ისე სულიერი მხარე და მით იყოს გამზადებული ყოველ გვარი ბრძოლისთვის.

ჩვენს დროში ჰგონიათ, რომ ფიზიკური მუშაობა კაცს დაამდაბლებს და იმისთვის სრული ყურადღებაა მიქცეული მხოლოდ გონების გახსნაზედ, თუმცა ამგვარი მოქცევა ყმაწვილის სიმრთელის დამლუპველია. ამ გვარათ ტვინი სხვა სხეულის ნაწილებზედ მომეტებულად მუშაობს და როდესაც ყმაწვილის გონება სისრულეში შედის, მაშინ იმისი, ჯერ ჩვილი სხეული, სნეულდება, იმას ეკარგება სიცოცხლე და სიმკვირცხლე. აი ეს არის მიზეზი, რომ ჩვენს დროს იპოვებიან ბევრი სუსტის კუჭით, უღონო ხელებით და მჩატე სხეულით. მაგრამ ნუ გეგონებათ, რომ მარტო ფიზიკურს მხარეს ეძლეოდეს ამისაგან ვნება. თვით ჩვენი გონება დამახინჯდება და ზნეობითნი ძალანი დაჰკარგვენ თავის სიცოცხლეს და ძლიერებას, იმათ მოე-

ლებათ ყოველგვარი ენერჯია და შეიქნებიან სუსტნი. ფიზიკური შრომის სიძულვილისაგან წარმოსდგება უკმაყოფილება, უსაქმოება, რაღაც უგუნური გამოშტერება, ოცნებობა ერთი სიტყვით ყველა, რასაც დაჰბადებს სიცოცხლე ერთის მხრით გახსნილი. იქნება ამ ფიზიკურის უშრომელობისაგან წარმოსდგებიან ის ოცნებანი, რომლების აუღსრულებლობაც მოუკლავს ხოლმე გულს ყმაწვილ კაცს. უეჭველია, რომ ფიზიკური შრომა კაცს გამოაცოცხლებს, გაამკვირცხლებს, და სიამოვნებით აღუვსებს გულს. ეს შეუნიშნავს დოქტორს ჩანინგს ამერიკაში, რომელიც ამბობს, რომ ყმაწვილები გამოდიან რაღაც ფერ-მიხდილები, ავად-მყოფები, და მეტად უფხონი. ამ ყმაწვილების სენის გასაკურნავათ საჭიროა გამუდმებული სხეულის მოქმედება და ყოველგვარი ფიზიკური ვარჯიშობა. დანიელ მალტუსი, რომელიც ფრთხილად და ბეჯითად ადევნებდა თვალ-ყურს თავის აღზრდას და განათლებას, ითხოვდა, რომ იმისმა შვილმა მიიღოს მონაწილეობა სხვა და სხვა თამაშობაში, რომელსაც შეუძლიან გახსნა როგორც გონებისა ისე სხეულისაც. ის ეუბნებოდა თავის შვილს: „ექვი არ არის, რომ მეცნიერების, ხელოვნების და ბუნების ცოდნა გაართობს და გაამახვილებს შენს გონებას, მაგრამ ამასთან შენი სხეულიც უნდა გამაგრდეს,—ამისთვის მე დიდათ მოსურნე ვარ, რომ შენ მიაქციო ყურადღება სხეულის ვარჯიშობასაც. დიდათ სასიამოვნო იქნება ჩემთვის, თუ შენ გნახავ მარჯვეს და ღონიერს მუშაობაში. ვგონებ, რომ ჩვენ კმაყოფილებას და ბედნიერებას მაშინ გამოვცდით, როდესაც მთელი ჩვენი არსება იქნება ამაში მონაწილე“. იერემია ტეილორი ამბობს: „ერიდეთ ცუდაობას, რადგანაც ეს არის დედა ყოველი ბოროტი საქმისა; ყოველი წამი სასარგებლოდ შიიხმარეთ; ზარმაცე გონებას ძალიან ადვილად მოიცვამს სხვა და სხვა ბოროტი ვნება, მაშინ როდესაც მოქმედი და გამრჯე კაცი ძალიან ცოტათ ფიქრობს ხორციელს კმაყოფილებაზედ“.

ანგლის შკოლებში და უნივერსიტეტებში მიღებულია იმ გვარის სათამაშონი, რომლებიც ითხოვენ ძლიერს სხეულის მოძრაობას. ამ გვარის ღონისძიება მეტად გონიერია და ამის მადლობელი უნდა ვიყვნეთ, რომ ანგლიაში ხშირად იპოვებიან ჯანმრთელნი, მამაცნი და ძლიერნი ვაჟკაცნი. ლერცოგმა ველლინგტონმა შენიშნა, როდესაც ის უყურებდა იტონის შკოლაში მოთამაშე ყმაწვილებს, რომ „ვატერლოოს ბრძოლა აქ იყო წინათვე მოგებულიო“.

ახლანდელს ყმაწვილების აღზრდაში არ უნდა დავივიწყოთ ძარღვების გამაგრება და გაღონიერება. აქამომდე ვხედავთ, რომ ჩვენი ახალგაზრდობა ასრულებს კურსს და ლ ა თ ი ნ უ რ ი თ გ ა მ ო ტ ე ნ ი

ლი თავი გააქვს სხვა და სხვა უვარგისი ცნობებით, და ამასთან სხეული დამჩატებული, დაუძღურებული და სიცოცხლე მოკლებულია. იქნება ჩვენ ახალგაზრდობას კარგათ ეყურებოდეს გრამატიკული კანონები, მაგრამ შენიშვნის და დაკვირვების ნიჭი კი უფრო უბრალო მკვლევებს და ღურგლებსა აქვსთ, მანამ ჩვენს ახალგაზრდობას.

არ არის ეჭვი, რომ პედაგოგია, როდესაც წარმატებაში შევა, მასწავლებლები მტკიცედ დარწმუნდებიან, რომ კაცისთვის როგორათაც საჭიროა გონების გახსნა, აგრეთვე სხეულის სიმრთელე, ფიზიკური შრომა, და ჩვეულებრივი საქმის წამართვა. ჩვენ ხშირად შევხვდებით იმისთანა სწავლულებს, რომლებმაც თავისი მეცნიერების მეტი არა იციან რა და თავის წრეს გარეთ სრულებით უვარგისნი არიან. საჭიროა, რომ სასწავლებლებში გაიმართოს სამუშაოები და როდესაც მოწაფეს მოცლა ჰქონდეს, იმან იქ იმუშაოს. ეჭვი არ არის რომ ამგვარი სამუშაოები დიდს სარგებლობას მოუტანდნენ ყმაწვილს მოსწავლეს, რადგანაც ის მოიპოვებს სიმკვირცხლეს და გაღონიერდება კიდევ. მაგრამ ამასთან ესეც უნდა ვსთქვათ, რომ ახალგაზრდობისთვის მხოლოდ ერთი ხელოვნების სწავლა არა კმარა, რადგანაც გონებითი და ხეობითი განათლება უფრო საჭიროა კაცისათვის. ფიზიკური ვარჯიშობა დაეხმარება იმას და ამ სახით ყმაწვილს მიეცემა სრული ჯან-მრთელი აღზრდა. ისაკ ნიუტონმა ყმაწვილობაშივე შეიყვარა სხვა და სხვა მეხანძრული მუშაობა. მთელი დღე იმის სახლში არ შესწყდებოდა ჩაქურჩის რახა-რუხი და ხერხვა. ის დიდი კმაყოფილებით აკეთებდა პაწაწა წისკვილებს, ურმებს და სხვა და სხვა მაშინებს, და როდესაც მოიზარდა, ის აჩუქებდა ხოლმე თავის მეგობრებს პატარა სტოლებს და შკაფებს. უატტი და სტეფენსონი ყმაწვილობაშივე სწავლობდნენ, როგორ იხმარებიან სხვა და სხვა იარაღები; აი ეს ცნობის მოყვარეობა იყო მიზეზი იმათი უდიდესი გამოგონებებისა. გონება და პრაქტიკული ნიჭი შეიძინეს იმათ სიყმაწვილეში მუშაობით. აგრეთვე ხელოსან კაცებსაც მოუტანა სარგებლობა თავისმა ხელობამ, როდესაც ისინი სწავლას შეუდგნენ.

ბოროტი აგრეთვე ამტკიცებდა, რომ ვისაც კარგათ უნდა: სწავლათ, იმან კიდევ უნდა იმუშაოსო. სხეულის გასამაგრებლად და თავისი გონების გასაღვიძებლად ის ანებებდა თავს სწავლასა და მიდიოდა სამკვლელოში სამუშაოთ. ამნაირივე აზრი გამოსთქვა მილნსმა თავის სიტყვაში, რომელიც იმან წარმოსთქვა მიტინგზედ მეხანიკოსების ინსტიტუტში. იმანა სთქვა, რომ ბეჯითი და კარგი მეხანიკური მუშაობა ყველაზედ უკეთესად მოამზადებს კაცს სწავლის-

თვის. კარგს მუშას შეუძლიან კარგი მსწავლულიც გახდეს. გარდა ამისა ის ამბობს, რომ ყველა შესანიშნავი პირნი იმათ კი არ ეკუთვნებიან, რომელთაც ცოტა უმუშავნიათ, არა ისინი ყოფილან მხნე, მშრომელნი და ნიჭიერნი თავის ხელობაში. არის ორი მიზეზი, რომლებიც კაცის გონების გახსნას უშლის: ერთის მხრით კაცის ღონეზედ გადამეტებული შრომა და მეორეს მხრით სიზარმაცე და უშრომელობა. თუ კაცს დიდი ჯაფა აქვს ზურგზედ დაწოლილი, მაშინ ის სწავლასთვის ვერ მოიცილის, და თუ კაცი ზარმაცია, ცხადია, ის ვერას ისწავლის.

ეჭვი არ არის, რომ სპეციალისტი-სწავლულის შრომის ნაყოფი დამოკიდებულია იმის სხეულზედ და სიმრთელეზედ. მრთელი და მაგარი გული ისე რიგათ არის საჭირო ადვოკატისთვის და სახელმწიფო კაცისთვის, როგორათაც განათლებული გონება. როდესაც ჰაერი თავისუფლად ჩადის ფილტვებში, სისხლი კარგათ იწმინდება და ტვინიც, ამ დაწმენდილი სისხლის შემწეობით, კარგათ მუშაობს.

ვალტერ სკოტის, სტუდენტობის დროს ედინბურგის უნივერსიტეტში, სახელი ჰქონდა გაფარდნილი ღონივრობაში და სხეულის მაგარს აგებულებაში. იმას შეეძლო შეჯდომა გაუხედარს ცხენზედ; როდესაც იმან ლატერატურას მიჰყო ხელი, ის ნადირობას მაინც თავს არ ანებებდა. დილით ის სწერდა „ვევერლეს“ და საღამოთი საკურდღლაოთ წავიდოდა ხოლმე.

პროფესორს უილსონს ატლეტის აგებულება ჰქონდა. ის იმგვარათვე მარჯვეთ ხმარობდა წერაქვს, როგორათაც მარჯვეთ სწერდა პოეტურს და ორატორულს თხზულებებს.

ეჭვი არ არის, რომ კაცისთვის სხეულის სიმრთელე საჭიროა, მაგრამ უმეტესად საჭიროა სწავლაში ბეჯითობა და გულის დადება. კაცმა ყოველი დაბრკოლება უნდა შრომით დასთურგნოს, განსაკუთრებით ეს შრომა ჰმართებს კაცს თავის გონების გახსნისათვის. ვისაც შრომა უყვარს, იმას თავის თავის განათლებაც შეუძლიან და არ არის იმისთანა დაბრკოლება, რომლის მოშორება და დაძლევა ვერ შეიძლოს კაცმა, თუ ის იშრომებს. ერთის სიტყვით, როგორც შეცნაურებაში, ისე ყოველს საქმეში ენერჯია (მხნეობა) დიდათ საჭიროა. მართლაც გასაკვირველია, რამდენი შეუძლიან გააკეთოს თავის გონების გახსნისთვის ბეჯითს და მშრომელს კაცს, რომელიც ყოველს გარემოებას გამოიყენებს თავის სასარგებლოდ და არ ჰკარგავს ტყუილად არც ერთ თავისუფალს წამს, რომელზედაც ასე დაუდევნელია ზარმაცი. აი მაგალითებიც: ფერგიუსონი სწავლობდა ვარსკვლავთმრიცხველობას მინდორში ცხვრის ტყავების დაკეცის დროს. სტონი

ყოველ დღე მუშაობდა ერთს ბალში და ამასთან მათემატიკას სწავლობდა. დრიუ იყო წაღების მეჯღანეთ, მაგრამ, როდესაც კი იმას თავისუფალი დრო ექნებოდა, დიდი ხალისით სწავლობდა ფილოსოფიას. ამ გვარათ ეს პირები არ შეუშინდნენ დამაბრკოლებელს მიზეზებს და თავის საკუთარს მეცადინეობით და ბეჯითობით შეიქმნენ განათლებულები და მოიპოვეს სახელი. ჯოშუა რეინოლდსი ისე რიგათ იყო დაჯერებული შრომის ყოვლად-შემძლებობაში, რომ ყოველს კაცს შეუძლიანო თავისი შრომით იმ გვარ სისრულემდის მიადწიოს, როგორც კი შეგვიძლიან წარმოვიდგინოთ. ის ამტკიცებდა რომ დაუღალავი მუშაობა გენიოსად გაჭნის კაცს და არტისტიკისთვის საზღვარი არავის დაუდვია: იმის წარმატება განიზომება თავისი შრომით. რეინოლდს არა სწამდა ზეგარდმო შთაგონება. ის ამბობდა: „სისრულე და უპირატესობა კაცს შეუძლიან მოიპოვოს შრომით. თუ თქვენა გაქვთ დიდი ნიჭი, შრომა გააუმჯობესებს თქვენს ნიჭს, და თუ თქვენი ნიჭი არ არის ისე ბრწყინვალე, შრომა გამოადვილებს და სრულ ჰყოფს თქვენ ნაკლულოვანებას. კარგათ წარმართული შრომისთვის არ არის რა შეუძლებელი, უამისოთ კი კაცი ვერაფერს გააკეთებს.“ აგრეთვე ფიქრობდა ბექსტონი. იმის აზრითაც: შრომა ყოვლად-შემძლებელია და ვისაც უნდა რაიმე მნიშვნელობა ჰქონდეს ცხოვრებაში, ის უნდა მიეცეს შრომას. იმას დიდი რწმუნება ჰქონდა ჩვეულებრივის კაცის ნიჭზედ, თუ ამას დაემატა დაუდგრომელი ბეჯითობა. მართლაც და გენიოსობა უშრომით უნო ორაკულია.

უეჭველია, რომ გენიოსები იყვნენ ყოველთვის გულდადებული და დაუღალავი მშრომელნი.

ვისაც უნდა ისწავლოს რაიმე საგანზე, ის უნდა სრულიად მიეცეს ამ საგანს და იმას არა დროს არ ღალატობდეს. ფრენსის გორნერი დიდად საჭიროდ რაცხნდა, რომ კაცი ერთს საგანს დაადგეს, რომ ის სრულებით შეითვისოს და განისწავლოს. ის კითხულობდა წიგნებს დიდის სიფრთხილით და ერიდებოდა წარა-მარა კითხვას. კაცის ცნობების ღირსება ვითარებაში მდგომარეობს და არა უმრავლესობაში და იმათ გამოყენებაში. ამის გამო უფრო სასარგებლოა, რომ კაცმა იცოდეს ცოტა და მტკიცედ, მინამ ბევრი, რომელსაც ის მოიპოვებს მსუბუქი კითხვით. ამ გვარის კითხვით კაცი ვერ მიიღებს საფუძვლიან განათლებას და მაინც უმეცარი დარჩება. ხშირად შევხედებით იმისთანა კაცებს, რომლებსაც ბევრი წიგნები წაუკითხავთ, მაგრამ საფუძვლიანათ კი არა ფერი იციან რა; ამ გვარი უგუნური მკითხველები მოგვაგონებენ ერთ გვარს ჯიბის დანას, რომელსაცა-

აქვს მაკრატელი, ხერხი, საჭკრეტელი, მაგრამ ესენი ისე პატარები არიან, რომ იმათ კაცი ვერას გზით ვერ მოიხმარებს: „უკეთესია, რომ კაცმა ცოტა გააკეთოს და კარგათ, მინამ ბევრი და ცუდათ“. როდესაც ახალგაზრდა კაცი რომლისაღმე საგნის სწავლას შეუდგება, იმან არას დროს არ უნდა დაანებოს თავი ამ საგანს, მინამ არ განისწავლის ყოველის მხრით, თუ არა და იმის შრომა ცუდ-უბრალოთ ჩაივლის. ლორდი სენტ-ლეონარდსი ანბობს, რომ ის თავის დღეში ახალს საქმეს არ მიჰყოფდა ხელს, თუ ჯერ ძველი არ გაეკეთებინა. ზოგიერთი იმის ამხანაგი წაიკითხავდა, ერთს დღეში იმას, რასაც ის მთელს კვირას კითხულობდა და წლის ბოლოს გამოჩნდებოდა ხოლმე, რომ ლეონარდს ყველა ცნობა წიგნებიდან ამოკითხული ცხოვლად და ღრმად ჰქონდა ჩარჩენილი გონებაში და იმის ამხანაგებს არც კი ახსოვდათ წაეკითხათ. სადმე თუ არა.

ქეზმარიტი და სასარგებლო ცნობა ის არის, რომელიც მოპოვებულია წინათვე მოფიქრებული განზრახვით. როდესაც რომელსაჲმე მეცნიერების ნაწილს კარგად ვისწავლით, მაშინ იმ გვარად მოპოვებულ ცნობას კიდევ გამოვიყენებთ. პრაქტიკული ცნობა ჩვენ უნდა შევიძინოთ, წიგნიდან ამოკითხვა იმისი არ შეიძლება, როგორც ყველა საქმეში საჭიროა გამბედაობა და სიმკვირცხლე, ისე უმეტესად საჭიროა ეს სწავლაში. ვისაც თავის თავზედ იმედი აქვს და ვინც მიეჩვევა სიყმაწვილიდგანვე ყოველ საქმეში თავის გატანას, ის ადვილად მოიპოვებს ერთსაც და მეორესაც. სიყმაწვილეში კაცი უნდა თავისუფლად მოქმედებდეს. ვინც შეავიწროვებს ყმაწვილს და თავის ხელმძღვანელობის ქვეშ ეყოლება, ის ეწინააღმდეგება იმას, რომ ყმაწვილებში აღენთოს სული თვით მოქმედებისა. გამბედაობის უქონელობა არის დამაბრკოლებელი მიზეზი წარმატებისა. კაცი ყოველთვის უნდა სცნობდეს თავის საკუთარს ღირსებას და არ ავიწყდებოდეს თავისი კეთილი ღვაწლი.

ზშირად მოხდება, რომ კაცის საქმეს მცირედი წარმატება ექნება. რათა? იმიტომ რომ თითონ საქმის მიყოლა იყო სუსტი. ზოგიერთხელ კაცს არ აუსრულდება თავისი განზრახვა, რადგანაც თითონვე ეფარება იმ ნათელს, რომელიც საქმისათვის საჭიროა. იშვიათი არ არის იმისთანა კაცი, რომელიც ელტვის თავის განათლებას, მაგრამ ეს წადილი ვერ აუსრულდება, რადგანაც დადგრომილი და მუყაითი შრომა არ შეუძლიან. „მოუთმენლობა საქმეში შეადგენს ჩვენის შთამომავლობის უდიდეს სენს“, — ამბობს დოქტორი ჯონსონი. ამ სიტყვებს აქამდისაც არ დაუკარგავთ თავისი სინამდვილე. აღზდაში ჩვენ ვეძებთ სხვა და სხვა ღონისძიებას, რომ ნაკლებათ ვიშრომოთ.

ჩვენ ვცდილობთ, რომ სწრაფად ვისწავლოთ საგნები და თორმეტ-ვაკვეთილს მერე დავიწყოთ ლაპარაკი უცხო ენაზედ. ამ მხრით ჩვენ მიივმსგასებით იმ მორთულ მოპრანჭულ კეკლუც ქალს, რომელმაც დაიჭარა მასწავლებელი, მაგრამ იმ პირობით კი, რომ იმან თავი არ მოაწყინოს რაღაცა ზმნებით და მიმღეობით.

სხვა საგნების სწავლაშიაც ჩვენ სწორეთ- აგრეთვე ვიქცევით: ვსწავლობთ ხიმის მოკლე სახელმძღვანელოში. ამის შესახებ უნდა ვთქვათ, რომ თუ ამგვარი სწავლა სჯობია სრულს უსწავლელობას, ის მაინც გამოჲდგარია ამ ცხოვრებაში. საქმიდამ გამოდის, რომ ჩვენ მართლა კი არ ვსწავლობთ, ისე შევაქცევთ ჩვენს თავს და ამასთან დაჯერებული ვართ ჩვენს სიბრძნეში და სოკრატობაში. ეს სენი თანდა-თან უფრო ვრცელდება; ამ გვარის სწავლისაგან წარმოსდგება ორი უბედურება,—ერთი, რომ ღრმა, საფუძვლიანი ცოდნა არ ექმნება, მეორე შრომის სიძულვილი და სიზარმაცე. თუ ჩვენ მართლა გვინდა გონების გახსნა, დაუღალავათ უნდა ვიშრომოთ. ყოველი ძვირფასი ცნობა მოიპოვება შრომით. მუშაობაში ჩვენ უნდა გვეკონდეს არჩეული ერთი მიზანი და მოთმინებით უნდა ვუცადოთ იმ სანატრელს დროს, როდესაც ჩვენი შრომა დაგვირგვინდება. ბიუფონი ყოველთვის ამბობდა, რომ გენიოსობა მოთმინებაში მდგომარეობს; იმისი აზრით გენიოსების უკეთესი ნიჭი იმაში მდგომარეობს, რომ დიდის მოთმინებით და თავის-დადებით შრომობენ. ქეშმარიტი წარმატება მიემართება წყნარად და ის კაცი, რომელიც სინდისიანად და პატიოსნად შრომობს, ყოველთვის მიიღებს ჯილდოს თავისი შრომისთვის. დაჟინებულის შრომით ჩვენი საქმე ნელ-ნელა წაიშრება. სული მშრომელობისა იპოვის თავის-თავისთვის ფართო ასპარეზს, სადაც ის გამოიღებს თავის კეთილ ნაყოფს; მაგრამ ამასთან ჩვენ უნდა ვიშრომოთ ჩვენის განათლებისთვის, რადგანაც კაცმა სიკვდილამდის სულ უნდ ისწავლოს. პოეტი გრეი ამბობს, რომ მუშაობა ბედნიერებაა. კუმბერლადის ეპისკოპოსმა სთქვა: „უმჯობესია, რომ კაცი შრომაში დაიღალოს და ღონე მოელოს, მინამ სიზარმაცისგან გაუფუნურდეს“.

ვისაც მოუთმენლად ჰსურს, რომ ჩქარა იხილოს თავისი შრომის ნაყოფი, ის მეტად მოკლე ჰქვისაა. ამ გვარი კაცები ჰგვანან პატარა ყმაწვილებს, რომლებსაც ძალიანა ჰსურთ, რომ დათესილბ თესლი ჩქარა კმოვიდეს. მაგრამ გონიერი კაცი კი მოთმინებით უცდის გაზაფხულის, ზაფხულის და შემოდგომის მოსვლას, ის ბევრჯელ იმითიც კმაყოფილია, რომ იმისმა შვილმა მაინც ისარგებლოს იმისი შრომის ნაყოფით.

თვით განათლება არის კაცის გონების გახსნის უკეთესი და უმაღლესი წესი. ის სწავლა, რომელიც გვეძლევა შკოლებში და სხვა სასწავლებლებში, არის მხოლოდ დასაწყისი ჩვენი თვით განათლებისა; ის უნდა მხოლოდ დაგვებმაროს ჩვენს საკუთარს განათლებაში. საჭიროა რომ ყმაწვილის გონება ყოველთვის ფიქრობდეს და სჯილდეს, გაჩერებული ის არაოდეს არ უნდა იყოს; ამისთვის უნდა დარჩეს ზოგიერთი გაუჩხრეკელი საგანი, რომლის განსჯასაც ახალგაზდა გონება დამოუკიდებლად, თავის თავად უნდა მიეცეს. მაშინ ახალგაზდა გონება განსჯის, რა უნდა გააკეთოს და რა-არა. იმისი მოქმედება იქნება უფრო მხნე და ჯანიანი, რადგანაც ყმაწვილის თავისუფალის არჩევით და წადილით მოხდა, და ამასთან მოისპობა ეს ბოროტება, ყმაწვილი სხვის რჩევასა და აზრს არ დაენდობა. უკეთესი აზრდა ის არის, რომელსაც კაცი თავის თავად მოიპოვებს. სხვის აზრები კაცს არავითარს სარგებლობას არ მისცემენ, თუ ის კარგათ არ განსჯის იმათზედ და გარკვეულს ანგარიშს არ მისცემს თავის თავს. ჯონი ლოკი ამბობდა: „სხვა და სხვა ცნობების მოპოვება საკმაო არ არის. თუ კაცმა კარგად არ შეითვისა სწავლა, ის ვერც ძალას მისცემს იმას და ვერც საზრდოს. სხვისაგან შეთვისებულს აზრს ჩვენ ვერ დაუძახებთ საკუთარს; მაშინ, როდესაც ჩვენგან შეძინებული აზრი ჩვენს საკუთრებას წარმოადგენს. ჩვენის საკუთარის შრომით შეძინებული ცნობა შეთავსებულია ჩვენს გონებაში ღრმად, მაშინ როდესაც სხვისაგან მიღებული ვერ გაიდგამს ჩვენს გონებაში მკვიდრს ფესვებს. ამგვარათ მოპოვებული სწავლა აღმოშობს ჩვენს გონებაში ბევრს იმისთანა აზრს, რომელიც უიმისოთ ჩაჰქრებოდა ჩვენს სულში. ვინც თავის თავად განსჯის ერთს კითხვას, ის მეორე დაბრკოლებასაც არ შეუშინდება და—ამ სახით იმაში აღწეობს ის დაუძინარი მსჯელობა, რომელიც ჩაუკვირდება ყოველს. საგანს და ჰპოვებს მასში დედა მიზეზებს. აქედან ჩნანს, რომ წარმატების თავი მიზეზი არის საკუთარი შრომა; უამისოთ ჩვენ ვერ გვიშველიან ვერც წიგნები, ვერც სწავლა სხვისაგან და ვერც ზეპირობა გაკვეთილებისა“. ეს შრომა დააჩნევს თავის ბეჭედს მშრომელს გონებაზედ და დაჰბადებს კაცში მტკიცე პრინციპებს და დააფუძნებს იმაში სამუდამოთ შრომის-მოყვარეობას.

უკეთესმა მასწავლებლებმა დიდი ხანია საჭიროდ დაინახეს, რომ ყმაწვილი შრომას მიაჩვიონ და თავისი საკუთარი მსჯელობა აღუძრან. ისინი ცდილობდნენ, რომ ყმაწვილებს მიეღოთ ცხოველი მონაწილეობა იმათ მოქმედებაში. ამათში ირიცხება დოქტორი არნოლდი, ისა ცდილობდა, რომ ყმაწვილი მარტო თავის თავზედ ყოფილიყო დანდობილი,

ის მხოლოდ ამხნევებდა იმათ მუშაობაში და მიმართულებას აღ-
 ლევდა.

კაცისთვის საკმაო არ არის მხოლოდ ერთი ლიტერატურული
 განათლება, შეიძლება ბევრი წიგნი წაიკითხოს კაცმა, სხვა და სხვა
 საგნებიც ისწავლოს და ამასთან სრულიად გაუხსნელი იყოს იმისი
 გონება, მაშინ როდესაც იპოვებიან კაცები, რომელთაც არ მიუღიათ
 შკოლში განათლება, მაგრამ შრომით და თავის გონების ვარჯიშო-
 ბით მიახწიეს მაღალ გონიერობამდის.

სწავლა უნდა იყოს შეერთებული კეთილობასთან და გონი-
 ერებასთან და უნდა გამოიხატებოდეს პატიოსანს ხასიათში, წინა-
 აღმდგეს შემთხვევაში ის უდრის ნოლს, ე. ი. არავითარი მნიშვნე-
 ლობა არა აქვს რა. ეჭრი არ არის, რომ სწავლა დაიცავს კაცს სხვა
 და სხვა ბოროტი საქმისაგან, მაგრამ ის ვერ აღუდგება წინ თავის
 მოყვარეობითს მიდრეკილებას, თუ იმაში არ დაემკვიდრებიან გონიე-
 რი პრინციპები და კარგი ჩვეულებანი. ამისაგან ჩვენ ხშირად შევ-
 ხდებით ხოლმე მცოდნე კაცებს, მაგრამ ცუდის ხასიათით.

ზოგიერთი ამბავი დავით ბებუთოვის ცხოვრებიდან

I.

კრივი და შენიღბა ტფილისში

თავადი დავით იოსების ძე ბებუთოვი დაიბადა ტფილისში, 71 იანვარს, 1793 წელსა. როდესაც სომხეთის სამეფო დაეცა, ბებუთოვის გვარი გადმოესახლა საქართველოში. აქ ბებუთოვიანთ გვარის კაცები საქართველოს თავადობაში ყოველთვის იყვნენ პატივცემულნი. ისინი სამხედროსა და სამოქალაქო სამსახურში ყოველთვის ყოფილან გამოჩენილნი, განსაკუთრებით მეშვიდმეტე საუკუნეში, როცა საქართველოს სამეფოს უკანასკნელი დღე დაადგა. როდესაც ოსმალებმა სპარსელებს წაართვეს გავლენა საქართველოზე და როდესაც მეფე თეიმურაზი ფშაველებთან წავიდა, მაშინ ტფილისში დავით ბებუთოვის პაპის მამა, აშხორ ბეგი, იყო მელიქად (ქალაქის მმართველად): 1724 წელს, ტფილისის აღებაზე აშხორ ბეგი მოჰკლეს. თერთმეტი წელიწადი რომ გავიდა მას უკან, ნადირ შაჰმა გაჰყარა ოსმალები საქართველოდან, თეიმურაზს ისევ მეფობა დაუშრუნა, მაგრამ იმისი შვილი ერეკლე კი ძველად წაიყვანა. ერეკლეს გაჰყვარამოდენიმე წარჩინებული თავადი და იმათში ერთი დავით ბებუთოვის პაპა, ბასილ ბებუთოვი, რომელსაც ეძახდნენ მელიქ-აღასა. როდესაც ბატონის შვილი იმყოფებოდა სპარსეთის შაჰის კარზე. ნადირ შაჰ გაელაშქრა ინდოეთს, მელიქ-აღაც თან ახლდა და ბევრი კარგი საქმე ჩაიდინა. ნადირ შაჰ აჩუქა იმას ძვირფასი ხმალი და მისცა მისკარ ბაშობა. ნადირ შაჰის სიკვდილის შემდეგ სპარსეთში ასტყდა არეულობა. ერეკლემ იშოვნა კარგი დრო, განაიხავისუფლა საქართველო დამოკიდებულებისაგან და მელიქ-აღა ტფილისის მელიქად დააყენა. მელიქობა ბებუთოვებს სამკვიდროთ დარჩათ. დავითის მამა იოსები ბატონის შვილთან იულონთან მოლარეთ-უხუცესათ იყო. თავადს იოსებს ჰყავდა ცოლად ასული იოსებ კორღანაშვილისა, რომელიც იყო ამილახორათ. ერეკლე მეორეს დროს იოსებ ბებუთოვს მაინც მისკარ ბაშობა ჰქონდა.

1783 წელს, ერეკლე მეფემ ისურვა რუსეთის მფარველობის ქვეშ ჩავარდნილიყო; მაგრამ სპარსელები და ოსმალები მაინც არ იშლიდნენ საქართველოს ხელში ჩაგდებასა. კუჩუკ-კაინაჯში რომ შერიგება მოხდა ოსმალეთსა და რუსეთს შუა, იმის შემდეგ ოსმალები დაწყნარდნენ; მაგრამ სპარსეთმა მაინც თავის განზრახვა აასრულა. 1795 წელს, ალა-მაჰმად-ხანი დიდი ჯარით შეესია განჯისა და ერევნის სახანოსა, რომელნიც წინათ დაიპყრო საქართველომ. იქიდან ალა-მაჰმად-ხანი გამოემართა საქართველოში, აიღო ტფილისი და სულ მოაოხრა. ცარცვა და გლეჯა ცხრა დღე არ დაწყნარებულა.

რაკი სპარსელები ქალაქს დაეცნენ, ვინაც მოახერხა მთაში გაიქცა; ბებუთოვის სახლობაც აგრეთვე წავიდა დასახიზნავათ: როგორც კი შეიდ ვერსს გასცილდნენ, ასტყდა ასეთი ქარიშხალი, რომ წინ წასვლა აღარ შეიძლებოდა და ამისთვის არჩიეს ერთს დაქცეულს მონასტერში დაბინავებულ იყვნენ. დაებარგდნენ თუარა ერთმა ვილამაც წამოიძახა: „არიქა, სპარსელები, სპარსელებიო!“ მაშინვე ყველანი ცხენებზე შესხდნენ და გაიქცნენ. ამ არეულობაში გამდელმა პატარა დავითი სასაფლაო ქვაზე მიატოვა. ცოტათ რომ ბინას მოშორდნენ, კნეინამ, დავითის დედამ, ყმაწვილი მოიკითხა, მაგრამ სად იყო! გამდელი ხელცარიელი მისდევდათ. კნეინა მაშინვე უკან გამოიქცა და თავის ჩვილით ისევ მალე მოეწია ცხენოსნებსა. თავადს დავით ბებუთოვს ძალიან უყვარდა თავის დედა და იტყოდა ხოლმე: დედა ჩემმა ორჯერ დამიფარაო სიკვდილისგან და ორნაირათაც უყვარდა: როგორც მშობელი და როგორც სიკვდილისგან დაქსნელი.

საქართველოს მდგომარეობა უნუგეშო იყო, ამისთვის მეფემ გიორგი მეთორმეტემ სთხოვა რუსეთის იმპერატორს პავლეს, რომ იმას საქართველო თავის ქვეშევრდომთ გაეხადა. ამ დროს საქართველომ განჯის და ერევნის სახანო დაჰკარგა. საქართველო მხოლოდ ქართლსა და კახეთს შეიცავდა.

თავადს დავით ბებუთოვს კარგათ ახსოვდა ზარების რეკა და ზარბაზნების სროლა, რომლითაც ტფილისის ქალაქმა იდღესასწაულა რუსის ჯარის მოსვლა გენერალი ლაზარევის წინამძღოლობის ქვეშ.

თუმცა საქართველო შეუერთდა რუსეთის სახელმწიფოს, მაგრამ მაინც ბევრი იყვნენ იმისთანები, რომელთაც სჯეროდათ, რომ საქართველოს კიდევ შეუძლიან თავისუფლად არსებობაო. როგორც ვიცით ამ პარტიის მოთავე იყო ბატონიშვილი ალექსანდრე-

თავადი დავით ბებუთოვის მამა კი ძალიან ერთგული იყო რუსებისა; იმის სანაშნო იკრიბებოდა რუსის საზოგადოება: იმასთან ხშირად დადიოდნენ ლაზარევი, კოტლიარევსკი, გულიაკოვი, პორტნიაგინი, კნორინგი. ციციანოვი რომ ტფილისს მოვიდა, მოხუცებული მისკარბაში გაიცივნო და ისე შეიყვარა, რომ ლაშქრობაში არ იცილებდა. 1804 წელს იოსებ ბასილისძე წინამძღოლობდა ერთს ატრიადსა და მდინარეს ზანგას პირზე დაამარცხა ერეენის სარდალი, რომელიც აპირებდა საქართველოში შემოსევისა. ამისთანა საქმისათვის და სხვა ერთგულებისათვის მისკარბაშს მისცეს პოლკოვნიკის ჩინი და ანა მეორე ხარისხისა, ალმასით, მორთულთ. მთავარ-მმართველმა დაიხსლოვ აოსებ და ურჩია რომ შეიღებო სამხედრო სამსახურში მიეცა. მისკარბაში დათანხმდა ამ რჩევაზე. ორი უფროსი შეიღი ბასილი და დავითი ჯერ შევიდნენ სააზნაურო შკოლაში, რომელიც გახსნა 1801 წ. მეფის გიორგის კარზე დანიშნულმა, რუსის დესპანმა კოვალენსკიმ. ამ შკოლისთვის თავადმა ციციანოვმა გადასდგა ის ხარჯი, რომელიც ჭარ-ბელექნელს ლეკებისგან შემოდიოდა. 1807 წ. თ. ბასილი ბებუთოვი გაგზავნეს პეტერბურგს, კადეტის კორპუსში. შემდეგ ბასილ შეიქნა წარჩინებული მხედართ-მთავარი და მოიგო ორი დიდი ბრძოლა ყურთყუ-დარში და ბაშყადიყლარში. თ. დავითი და სხვა სამი ძმები დარჩენ ტფილისში; იმათგან მხოლოდ გრიგოლ უნდა შესულიყო სამოქალაქო სამსახურში, სხვანი კი სამხედრო სამსახურში.

იმ დროს განათლების წყარო ძალიან ვიწრო იყო. ქართველებში განათლებულს იმას ეძახდნენ, ვინც ქართულს ენაზე წერა-კითხვა იცოდა, სპარსულად ლაპარაკობდა და ცხენზედ კარგად იჯდა. რუსულის ცოდნა მაშინ შეიქნა უფრო საჭირო ქართველებისთვის, როცა საქართველო სრულდებოდა შეუერთდა რუსეთსა. თავადი დავით ბებუთოვი დადიოდა შკოლაში, ცხოვრებდა თავის ოჯახში და ხშირად მდევრობდა ხოლმე ლეკებზე, რომლებიც მაშინ ტფილისამდის ჩამოდიოდნენ ხოლმე საცარცვათაჲ. დ. ბებუთოვს ძალიან უყვარდა კვირაობით სამხედრო ვარჯიშობაში სიარული. ის აქ ხის რხმლით იბრძოდა ხოლმე ამხანაგებთან, ხმარობდა შურდულს და ხშირად დაბრუნდებოდა სახლში თავ-პირგატეხილი. ვინ არ იცის ამ სამხედრო ვარჯიშობის სახელი. ეს იყო კრივი. აი თვითონ დავით ბებუთოვი კრივზე როგორ გვიამბობს: „კრივი იყო ორჯვარი. ზაფხულში. კრივობდნენ მარტო მუშტითა და ამას ერქვა მუშტის კრივი; ზამთარში კი მუშტს ახმარებდნენ ქვასა და ხის რხმალსა. ამას ერქვა ქვის კრივი. ქვის-კრივი ყოველთვის ქალაქს ზარეთ უნდა გამართუ-

ლიყო. კრივს დაიწყებდნენ პატარები. ამ პატარებს ორ მხრივ თანდათან ემატებოდნენ და როცა ბრძოლა კარგათ გარგვალდებოდა, მაშინ დიდებიცა და მოხუცებულებიც ჩაერევოდნენ. კრივსა თავისი რიგი ჰქონდა. ვინც კრივში იშოვნოდა იარაღს, ქუდს, სარტყელს, წაბადს, იმის იყო და ველარავინ გამოართმევდა. როცა შიგ ქალაქში გაიმართებოდა ხოლმე კრივი, მაშინ მაყურებელნი და ქალები შვევიდოდნენ სახლის ბანებზე და იქიდგან იცქირებოდნენ. ისინი ყვირილით და წაქეხებით ამხნევებდნენ მაჩხუბრებსა. როცა ქალაქს გარეთ დაიწყებოდა კრივი, მაშინ დედაკაცები და სხვა მაყურებელნი აირჩევდნენ მალღობს ადგილებსა, საიდგანაც ძალიან კარგათ იხედებოდა კრივი ძირს მინდორზე და მთების სივიწროეში. კრივზე ახალგაზრდობა დაფეთებული იყო. ქართველს ქალს ის უფრო მოსწონდა, რომელიც კრივში გაიმარჯვებდა და ფვითონ მაჩხუბარი ახალგაზრდაც უფრო გაჯავრებული იმისთვის ჩხუბობდა, რომ თავის საყვარელს მოწონებოდა და სახელიც ეშოვნა. რასაკვირველია, კრივს კარგი მნიშვნელობაც ჰქონდა. ქართველი ყმაწვილობიდანვე ეჩვეოდა ბრძოლაში ხერხიანობას, თანდათან ემატებოდა იმას ბუნებითი გულალობა (გამბედავობა, სიმარჯვე), სიცქვიტე, ერთი სიტყვით აქ ის იძენდა ყველა თვისებას, რაც კი ბრძოლაში გამოადგებოდა. სარდათის კრივი იწყებოდა შურდულით. კრივში ხმარობდნენ მომცრო შურდულებსა. როცა ქვით ცოტაოდნათ არევდნენ მოწინააღმდეგეების წყობას, მერმე რხმლებს გაილებდნენ და ჩაერევოდნენ ერთმანეთში; მეშურდულეები ამ დროს შურდულს თავს დაანებებდნენ და ქვას ხელით ესვროდნენ ერთმანეთსა. მეომრებს ნაბდები ესხათ და თავს იმით იფარავდნენ. მაყურებლებში ხანდანან დიდი კაცებიც ჭრიდნენ; რუსის მთავარ მმართველებიც ხშირად ესწრებოდნენ ხოლმე: კიციანოვი, ერმოლოვი და ვარანცოვიც ბევრჯერ დასწრებანი.

ძალიან დიდი სარდათის კრივი, ბებუთღვის სიტყვით, გაიმართებოდა ხოლმე ყველიერში და გათავდებოდა დიდ-ორშაბათს. ამ დღეს ყეენობაა. ყველიერის ორშაბათს დილით ადრე ქვემო უბანში და გარეთ უბანში ამოირჩევდნენ თითო ყეენსა, მდიდრათ მორთავდნენ და დააბძანებდნენ ტახტზე, რომელიც იყო აგებული გზის ჯვარადინზე იმისთანა ადგილას, საიდგანაც ყეენს გამგელე-გამომგელე არ უნდა გამოპაროდა. გზაზე ყეენათ მდიდრათ შეკაზმული ყეენის ცხენი და იქვე ქუჩებზე ყეენის ჯარები იდგნენ, რომლებსაც ერქვა ქუჩების სახელები. ყეენის ბრძანებით ართმევდნენ ხარჯს ყოველს გამგელესა, ვინც კი იმის უბნის არ იყო. მებაირაღე და იმასთან

რამოდენიმე ხლებულად გამოეკიდებოდნენ გამვლელსა, დაასობდნენ იმის წინ ბაიარალს და ყენის სახელით მოსთხოვდნენ ხარჯსა. უარს ვერავინ იტყოდა და აძლევდა შეძლების და გვარად. მერე დიდის პატივისცემით გაჰყვებოდნენ ხარჯის მძლეველსა და წარმოსთქმიდნენ რამდენი შეაწია; ყენის მოლარეთ-უხუცესი ჩასწერდა დავთარში იმის სახელსა და შესაწირს ჩასდებდა საუნჯეში. სადილობამდის ამას ჩადიოდნენ. სადილს უკან ყენი თავის უბანში ქუჩებზე დასეიონობდა. თუ მოწინააღმდეგენი შეხვდებოდნენ ერთმანეთს, მაშინვე შეიბმოდნენ, მაგრამ თავი ბრძოლა კი დიდს ორშაბათს გაიმართებოდა. ყველიერის ორშაბათიდან დაწყებული შაფათამდე მონაგროვები ფული კარგა ბლომათ შედგებოდა. კვირა დილას შეიქნებოდა მოლაპარაკება მოწინააღმდეგეებს შუა; ყენები გაუგზავნიდნენ ელჩებს ერთმანეთს და ითხოვდნენ ხარჯს და თავის დაკვრას. ამასობაში ორივე მხარე ცდილობდა ერთმანეთის მოსყიდვასა და ანჯარის გადაბირვასა თავისკენ. თუმცა უკმაყოფილება კი აღიძვროდა, მაგრამ მუხანათობა იშვიათად იყო. თუ რომელიმე ქუჩა არ დარჩებოდა კმაყოფილი ფულის დარიგებაზე, ან გადუღებოდა ყენისა და ან როცა კრივი გაიმართებოდა, მომღურავი ქუჩა საქმეში არ გაეწიროდა. კვირა საღამოს ორივე ყენი დიდის ამბით გავიდოდნენ ქალაქს გარეთ, ორივე უნდა გამოსულიყო ალაყათის კარებიდან. მე რომ მოგითხრობთ, იმ დღეს კრივი სოლოლაკში იყო დანიშნული, — ამბობს ბებუთოვი, — ჯარის წყობებს თავში მიუძღვოდათ დაფაზურნა და საყვირებით აძახებდნენ ლოროტოტოსა. მომღერლები საღამურზე ამღერებდნენ საომრო ლექსებსა. მოშაირები თარზე ამღერებდნენ უწინტელის გმირების ამბებსა. ყველაზე წინ მიდიოდნენ მოთამაშეები და მასხრები. ყენს მიჰყვებოდა იმისა ჯარი და თან სასმელ-საჭმელი მიჰქონდათ. რაკი ქალაქს გარეთ გავიდოდნენ, მოწინააღმდეგენი ამოიჩივდნენ მარჯვე ალაგებსა, საიდგანაც ბრძოლა უნდა გაემართათ. მტრები ერთმანეთის პირდაპირ დასცემდნენ ბანაკს, მთელი დღე და საღამო ლხინს ეწვეოდნენ, თუმცა დროსა და დროს შერჩევით ჰქონდათ მოლაპარაკება იმის შესახებ, აჩვენებდნენ კარგს საფარ ადგილებს; აგრეთვე გზირებიც ჰყავდათ, რომ შეეტყუათ მტრის ვითარება, რადგან სახელგანთქმულს მოკრივეებს იცნობდნენ, ამისთვის უსათუოთ უნდა შეეტყუათ, ვინ საით უნდა გაეგზავნათ და რამდენი ჯარითა. ორშაბათს 11-ს საათამდე კიდევ გაიმართებოდა ერთმანეთში მოლაპარაკება მოციქულობის შემწეობითა, უფრო იმ აზრით, რომ მაყურებლებისთვის მიეცათ დრო ქალაქს გარეთ გამოსულიყვნენ და საჭკრეტი ალაგები დაეკავებინათ, ძალიან კარგი საყურებელნი იყ-

ნენ თეთრ ჩადრიხნი ქალები, რომლებიც ბაწრებად გაბმულნი მთების სერებიდგან გადმოჰყურებდნენ მოკრივეებსა. იმათი დანახვა მოკრივეებსაც ძალიან ამხნევებდა და ყოველი ვაჟაკიც ცდილობდა რომ კრივში თავი გამოეჩინა და მამაცათ ჩვენებოდა თავის საყვარელსა, რომელიც სერიდგან თვალს ადევნებდა.

თერთმეტ საათზე მოვიდა თვითონ ციციანოვი თავისი მწლებლებით და დადგა სოლოლაკის თავზე. ყველამ იცოდა, რომ ბრძოლა იქნებოდა ძალიან გაცხარებული და ეგონათ, რომ ზემო მხარე მოიგებდა. ციციანოვსაც ის მხარე ეჭირა. მოუთმენლად ელოდნენ ნიშნის მიცემას, რომელსაც ბრძოლა უნდა დაეწყო. ბოლოს შესწყდა მოლაპარაკება; ზურნამ დაუკრა ძველებული სიმღერა ძველებულს გმირზე ქორაოლლზე; ააზრიალეს ერთის ხვით ღოროტოტო, და ბრძოლა დაიწყო.

ჯერ შევიბენით პატარები. სხვებში მეც გამოვხტი, დავიწყე ჭურდულით ქვის სროლა, წელში ხის რხმალი მებნია და გვერდზე ნაბადი ვიგდე დასაცველად. ამ ქვის სროლაში თანდათან უახლოვდებოდი და რხმალში ვითხოვდი ერთმანეთსა. ერთი ბიჭი მომვარდა, იქით და აქეთ ხტოდა ჩემ წინა, რომ ქვა არ მიმერტყა, ბოლოს ვეცით, დაუწყეთ ცემა ხის რხმლით ერთმანეთს. ჩემი მოწინააღმდეგე დავჭერი და მეც ტუჩი გამიხეთქა: ამ დროს მომვარდა მამაჩემი, რომელიც იყო საჭკრეტად მოსული, წამიყვანა და უნდოდა შინ გავევზავნე. ახალი შკოლის მოსწავლეებს აკრძალული გვექონდა კრივში სიარული. დიდი ხვეწნით და ტირილით ისევ დამარჩინა, ტუჩი წყლით მომბანა, შემსვა ხლებულის ცხენზე და გვერდით ამომიყენა. თუშკა ტუჩის ტკივილი ძალიან მაწუხებდა, მაგრამ მინამ ბრძოლა არ გათავდა, შინ არ წავსულვარ.

დიდხანს გაგრძელდა ქვის სროლა და ხელდახელ შეტაკება, მაგრამ არც ერთსკი არ დაუძლევია. როგორც სჩანდა რალასაც ელოდნენ. უეცრად ნაშუადღევს მტერი აირია—ზოგი აქეთ წამოვიდა, ზოგი იქითა და მთის ფერდობზე დამდგარი მაყურებლები მთის გაღმა გადავიდნენ. ჩვენები ემზადებოდნენ ერთბაშად თავს დასხმასა და დაიჭირეს ყველა გასავალები და ბილიკები სოლოლაკზე ასასვლელად, ამის მიზეზი აი რა იყო: ჩვენმა ყვენმა ჩუმათ შუალამეს გაგზავნა ერთი წყობა ჯარისა სოლოლაკის შემოსავლელათ ტაბახმელას, რომელიც იყო ტფილისიდან ექვსს ვერსზე. ეს ჯარი ორშაბათს დილით უნდა წამოსულიყო და შუადღეზე სოლოლაკის მთით უნდა ჩამოსულიყო მტრის პირდაპირ. ამასთანავე მთებზე ოქროყანიდგან უნდა გაემწყრივათ მარჯვე მეშურდულეები, რომ მტრისთვის ხურგში ესროლათ ქვები.

როგორც კი იმ ჯარის მოწინავე წყობა გამოჩნდა, ჩაერივნენ დიდები და მიიწეოდნენ სოლოლაკის მალლობისკენ. მემურდულეებიდან, როგორც სეტყვა, ისე მოსცვივოდა ქვები: დაჭრილები ბრძოლას თავს ანებებდნენ და იმათ მაგივრად სულ უფრო და უფრო დიდები შედიოდნენ. ყოველგნით შეიქნა ცემა ჟღერა; მთიდგან აგდებდნენ რუში ერთმანეთსა, ქვემო მხარემ მთის ნახევარი დაიჭირა. ამ დროს, რომელსაც თავი უნდა მოეცლო, ის ჯარი ჩამოვიდა მთიდგან და დაუწყო ქვის ცემა გარეთ უბნელებს. ამით უკეთესი მოკრივეები იმ ჯარს გაუყენეს, ამის გამო ქვემოთ უბნის ჯარმა დიდი ყვირილით შეუტია გარეთ უბნელებსა. წარჩინებული მოკრივეების სახელი ყოველგან ისმოდა და მებრძოლებს ამხნეებდა, ზურნა და სიყვირები თავის ხმით იქაურობას იკლებდნენ. გაიმართა სასტიკი ბრძოლა. რხლმებს ლაწანი გაჰქონდათ. ქვა აღარ იყო ხმარებაში. კრივის ადათია, რაკი რხლმით გადავლენ, მაშინ მურდულის ხმარება სიმუხდლეს ნიშნავს. გარეთ უბნელებს ილაჯი გაუწყდათ და უკან დაიწიეს ქვემოთ-უბნელებმა მთა დაიჭირეს და გარეთ უბნის ჯარი გაიქცა და დაეშო ძირს სოლოლაკის ფერდზე.

ქვები თანდათან უფრო სქლად მოსცვივოდა, ასე რომ თვითონ ციციანოვიც უკან უნდა დაწეულიყო; გაქცეულს ჯარს დიდი და პატარა გამოუდგა სოლოლაკის სივიწროვეში და თვითონ მთავარმართებლის სახლამდის მოერეკებოდნენ კვილ-ჟღივილითა. ალაყაფის კარები დაჰკეტეს, რომ გამოქცეულები ქალაქში არ შეცვივებულყვენენ. ციციანოვმა და ქართველთ თავადობამ მთავარ-მმართველის სახლისკენ გაქუსლეს, თვითონ მთავარ მმართველი ჩამოხდა ცხენიდგან, გამოვიდა თავის სასახლის ბალკონზე და იქიდგან დაიწყო ცქერა, უნდოდა შეეტყო თუ ეს ამბავი რითი გათავდებოდა, ციციანოვს მოახსენეს, რომ გარეთ-უბნელების დამარცხება თვით იმათი ყვენის ბრალი იყო, რადგან სახელგანთქმული მოკრივე საათო გაიორგულაო, იმისთვის, რომ რამდენსაც ითხოვდა იმდენი ფული არ მისცაო. გამწყრალმა საათომ ერთი ორმოცდა ათი საუკეთესო ვაჟკაცი დაარჩია, გადგა გვერდზე და ბრძოლაში არ გარეულა.

აი ბატონო, — უთხრეს ციციანოვს — საათო მთაწმინდის ძირში ჰზის და იქიდგან დასცინის დამარცხებულს ყვენსაო.

ციციანოვმა დაიბარა საათო. როცა საათო მოვიდა, მთავარ-მმართველმა ჰკითხა, შეგიძლიან, რომ ეს დამარცხებული ჯარი ისევ შეება და დამარჯვებული მტერი გარეკოვო. საათომ გულზე ხელი დაიდო, მადლი გადაუხადა და მოახსენა: „ბატონო, ღმერთმა დღეგრძელობა ნუ მოგიშალოს. მართალია ყვენმა გამაჯავრა, მაგრამ ახ-

ლა იმის მაგიერი თქვენა ბრძანდებით და თქვენს ბრძანებას ვემორ-
ჩილები. ქვემოთ უბნელეზს ჰყავთ შერმაზანი, რომელიც ჩემი ტოლია
და რომელსაც მე პატივსა ვცემ, მაგრამ როგორც მითხრეს ის და
სხვებიც კარგი მოკრივეები ყველანი დაუჭრიათ და წაუყვანიათ. ჩვენ,
ორმოცდა ათს კაცს, ჯერ არ გვიკრივინია. იმედია რომ თუ კი ერ-
თად დავკრავთ, მტერს გავაქცევთ. მხოლოდ ცოტაოდენი უნდა მო-
მითმინოთ, რომ თქვენი ბრძანება ჩემს ამხანაგებს შევატყობინო“.
საათომ მიიღო თუ არა ერთი ქისა ოქრო ციციანოვისაგან, მაშინვე
ძირს ჩამოვიდა, უთხრა თავის ამხანაგებს ბრძანება მთავარ-მმართვე-
ლისა, ისინი იქით და აქეთ გვერდით ამოიყენა და დაარიგა, რომ
მეშურდულებს ქვა არ მოახვედრებინოთ რ ჩემთვის. წინა მეომრებს
მეც გაუმკლავდებიო. დაჰკრა ზურნამ გამარჯვების სიმღერა ქორ-ოლ-
ლუ. გასძახეს „ლოროტოტო“ და ბრძოლა დაიწყო. ხალხმა დაიძახა,
საათო მოდისო და საათო შართლაც ვეფხვსავით მტერს ჩაერია და
თაჯის რზმლით სულ ლაწანი აუყენა. ქვემოთ უბნელეები უძახოდნენ
შერმაზანს, რომ გაეჩერებინა საათო, მაგრამ ის არსად იყო; ქვემოთ
უბნელეები გაიქცნენ; საათო თავის ამხანაგებით უკან გამოეკიდა, შე-
ვიდა მთის წვერზე და იქიდგან აპირებდა რუში მტრების გადაგდე-
ბას... ამ დროს მეშურდულემ მოარტყა საათოს მარჯვენა თვალში...
ის დაეცა. აქ გაცხარებულნი შეიბნენ. მტრებს უნდოდათ დაჭრილი
გმირი წაეყვანათ; ამხანაგები არ ანებებდნენ.

ციციანოვი მივიდა ცხენით, სადაც გახურებული ბრძოლა იყო
და მაშინვე გაგზავნა თავის ხლებულები და ქართველების თავადობა,
რომ მებრძოლი ხალხი გაეშველებინათ და მოეძებნათ ის კაცი, რო-
მელმაც საათოს ქვით თვალი გამოსთხარა. ბრძოლა დაწყნარდა; სა-
ათო თუმცა გადარჩა, მაგრამ მარჯვენა თვალი კი დაემსო. იმ დღეს
არავინ მოუკლავთ, ამისთვის, რომ წესიერათ კრივობდნენ. მხოლოდ
ეს იყო, საათოს თვალი გამოსთხარეს, თავ-პირ დამტვრეული; ცხვირ
გატეხილი და თვალ წამოთხრილი მაინც ბევრი იყო.

ნაშოვრობაც კარგი ჰქონდათ.

II

ქ ა ხ ე თ შ ი ა რ ე უ ლ ო ზ ა .

(1811—1812)

1811 წელს, 3 ივნისს, პოლკში ჩამრიცხეს. მაშინ ეს პოლკი იდ-
გა სპარსეთის საზღვარზე და ბინაობდა ცეხს; მეც აქ მომიყვანეს.
ლაგერში ყოფნა არ მომეწონა, ვერც იუნკრის ტანსაცმელს შევეჩვიე;

თავისუფალსა და კარგათ გაწყობილს ქართულს ტანბსამოსს შემდეგ ეს მძიმე იუნკრის მუნდირი მეჩოთირებოდა. გონება არ მაძლევდა მოსვენებას, რაღაც კარგს მოველოდი და ამისგამო ძალიან მსურდა ჩუმათ გავქვეუდულიყავ ბატონის შვილს ალექსანდრესთან. ერთ ღამეს გავიძვრე სამხედრო მუნდირი, ჩავიცვი ჩოხა და ლაგერს გარეთ მივიპარებოდი, მაგრამ ცეპში ვერ გავძვერი. ჩემზე რომ სალდათი იყო მოჩენილი, ფხიზლათ თვალს მადევნებდა, გამიდარაჯდა, მსტაცა ხელი და მომიყვანა ძმასთან ისევ ლაგერში. მაშინ ჩემი ძმა პასილი ხერსონის გრენადერის პოლკში აღუტანტათ იყო. იმან კარგა ლახათიანათ ყურები დამისრისა. ცოტა არ იყოს, ამ შემთხვევამ დამაჰკუთიანა და ისე გულდადებით დავიწყე სამხედრო სამსახური, რომ ზამთარში, როცა ხალხმა დაიწყო მღელვარება, ლენერალს პორტნიაგინს ბევრი კარგი საქმე ვუყავი. მთელს პოლკში მხოლოდ ნევიცოლდი ქართული და ქართველებთან მოლაპარაკებაში მთავრობას ძალიან გამოვადექი. ვეცდები მოკლეთ გიამბოთ სამწუხარო ამბავი იმ არეულობისა, რომელიც 1811 წელს ზამთარში ატყდა.

მაშინ მთავარ-მმართველი პაულუჩი სპარსეთის საზღვარზე იყო მოსალაპარაკებლათ. ჩვენი შეფი გენერალი პორტნიაგინი კახეთის მაზრის უფროსათ იყო. იმ დროს საქართველო პურით იხდიდა სახელმწიფო ხარჯსა. იმ წელს ვერ იყო კარგი მოსავალი. კახეთში მხოლოდ ლეინის მოსავალია კარგი, პური იმდენათ არ მოდის. რადგან სპარსეთს ომის გამოცხადებას ვუპირებდით, ამისთვის გენერალს პორტნიაგინს ნაბძანები ჰქონდა, რომ სახელმწიფო ხარჯი მალე მოეკრიფა და რაც წინა-წლებში დარჩენოდა აუღებელი, ისიც უნდა სრულად აეღო. ხალხს უჭირდა და უარზე იდგა; მაგრამ ვალდებულს ხარჯს მაინც ძალდატანებით ათხოვდნენ. რომ აღარა გაეწყოთრა, ეგზეკუცია გაუსიეს. უნდა ვთქვათ, რომ ეგზეკუცია ჯერ არ გამოცადნათ ქართველებსა. ყოვლის მხრით მოისმა ჩივილი, რომ სალდათები ოჯახს გვიუპატივებენო, ცოლებს და ქალებს შეურაცხებას აყენებენო. იმ დროს ალექსანდრე ბატონის შვილის მოჩენილი კაცები აგონებდნენ ხალხსა. თავად-აზნაურობა იმისკენ იყო და დღე ნიადავ მოელოდნენ იმის მოსვლასა. ჩვენი ჯარი კი საეგზეკუციოთ იყო გაბნეული მთელს კახეთში. მცხოვრებლებს ძალიან დაუმძიმდათ ამისთანა მდგომარეობა და ეკკლესიებზე იკრიბებოდნენ მოსალაპარაკებლათა, რომ მალე მოეკრიფათ პური და ამ ძალდატანებიდგან განთავისუფლებულიყვნენ.

ერთხელ თიონეთს ხალხმა ეკკლესიაზე თავი მოიყარა. ამდროს მოვარდება ერთი გაცოფებული დედა-კაცი, მოჰგლეჯს ქუდს თავის

ქმარსა და თვითონ დაიხურავს, მოიხსნის ჩადრს მოასხამს იმას და უუბნება: „შენ ახლა ცოლი ხარ და მე ქმარი! რუსმა გამაუპატიურა და შენ მაგიერთა მე უნდა გავსცე პასუხი!“ გამოჰვლევს ხანჯალს თავის ქმარსა და შირბის შინისკენ. მთელი ხალხი უკან გამოუდგა... აფიცერი მოჰკლენს, კამანდა დახანჯლეს, ხალხი ადგა. ბუნტის თჳეებმა აიღეს ხელში ბაირალი, რომ მთელი კახეთი აეყენებინათ და ამით უნდოდათ, თიონელებს მთელი ხალხიც რომ მიჰყოლოდა. მოთავენი ერთი სოფლიდგან გადადიოდნენ მეორე სოფელში და მოეგზეკუციე კამანდები მუქარით ამოაწყვეტინეს. ორის დღის განმავლობაში მთელი კახეთი ადგა. თელავი და სიგნახი შემოზღუდეს. ამ ქალაქებში მხოლოდ მცირე გარნიზონები იდგნენ. თელავის მახლობლად ჩვენი შტაბ-კვარტირა იდგა და, თუმცა დიდო ზარალი მიეცა, მაგრამ ჯარი ამ ქალაქის ციხეში მაინც გამაგრდა. სიგნახში კი ყველა ჩინოვნიკები და გარნიზონი გასწყვიტეს. ჩვენის პოლკის მეხუთე ესკადრონს და იმის კამანდირს მარტინოვსაც იგივე უბედურება ეწია. ეს ესკადრონი იდგა სოფელს კაბახეთს. მარტინოვმა იმდენი მოახერხა, რომ წინა-ლამეს შტანდარტი მაინც გამოგზავნა შტაბ-კვარტირაში. პორტნიაგინმა მთელი ესკადრონიდგან მხოლოდ ას-ორმოცდა-ათი კაცი შეაგროვა და ძალიან გაჭირებაში ჩავარდა. შემწეობას მხოლოდ ტფილისიდან მოელოდა; მაგრამ ტფილისი ოთხმოც-და-ათ ვერსზე იყო მოშორებული და, უკანასკნელი რომა ვსთქვათ, ჯარს სამი დღე მაინც დააყონდებოდა გზაზე. თუმცა საგარეჯლები ჩვენკენ იყვნენ, მაგრამ არ ეძინათ კი. ისინი თავიდგან ფეხებამდის შეიარაღდნენ და ელოდნენ განდგომილების მოსვლასა, აბუნტებულს ხალხში ბევრი კახეთის თავადი ერია. მეორე დღეს საგარეჯონს ქეხამ პორტნიაგინს წიგნი მოუტანა. იქ იწერებოდა ქობულოვი, რომა მთელი კახელები თქვენზე მოვდივართო და თუ საგარეჯლები არ შემოგვიერთდით, სოფელს დავსწავთო და ყველას ამოგწყვეტთო. ქეხამ უთხრა პორტნიაგინსა, ან სიტყვა მოგვეცით, რომ დაგვიფარავთო, ან გადით ჩვენი სოფლიდგან. სოფლელებს უნდოდათ, რომ ისინი დაგვეცვა და საგარეჯო გადაგვერჩინა დაქცივისაგან. თუმცა ლენერალი დაჰპირდა, დაგიფარავთო, მაგრამ, როგორც შემდეგ გაიმბობთ, თავისი სიტყვა არ გამართლა.

ტფილისიდან ჯარი არ მოდიოდა, ამდგარი ხალხი კი წამის-წამს გვიპირობდა თავს დასხმასა. სოფელში ოდნავ სიმაგრეც არ იყო, რომ ცხენები და ბარგი შეგვენახა. დრაგუნები, 150 კაცის მეტი არა გვყარია და აი, როგორ დავაწყვეთ საქმე: პორტნიაგინის სადგომის წინ კარგი დიდი მოედანი იყო. ამ მოედანზე ირგვლივ შემოვიწყვეთ

ფქვილიანი ტომრები და ამ ნაირათ გავამაგრეთ. თუმცა მახლობელ ვენ ხებიდგან და ტყიდგან გვესროდნენ, მაგრამ, მინამ ჯარი მოგვეშველებოდა, თავი აქ შევიფარეთ. ამ ჯებირს გარეთ ცხენები, ბარგი და ლაზარეთი იყო. იმ საღამოს ტფილისიდან მოიჭრა ორი თავადი. იმათ უნდა შეეგონებინათ სიგნახის უეზდი, რომ განდგომილებს არ მიდგომოდნენ. ერთი იმათგანი ანდრონიკაშვილი იყო, რომელსაც ძალიან უჯერებდნენ კახელები და მეორე ქიზიყის პრისტავი ჯანდიერი. არც ჩვენ და არც ამ თავადებს არა გვეცოდნია სიგნახის გარნიზონის ამოწყვეტა. ლენერალმა შეიტყო ამ თავადებისგან, რომ ტფილისიდან მოდისო მაიორი ბუხვორსტოვი ორი როტით და ორი ზარბაზნით. თვითონ ესენი კი სიგნახს მიეშურებოდნენ ხალხის დასამშვიდებლათ. ლენერალმა უთხრა თავადებს, კარგს სახელმწიფო ცხენებზე შემუდარიყვენ. თვითონ ჯანდიერისშვილს სთხოვა, რომ ჯარის მოშველებამდის იმასთან დარჩენილიყო. ეს ორი კაცი იმ ღამეს ქევხასთან დადგნენ, მეც იქ მიმიწვიეს. მთელმა სოფელმა სათითოვოთ ძღვენი მოართვეს ამათა. ქათამი, კვერცხი, ყველი, შემწვარი ბატკნები, გოჭები, პური, ღვინო და ხილი აუარებლათ მოიტანეს. გზირი კარებზე იდგა და იძახდა ხოლმე შემძღვენეს სახელსა. ანდრონიკაშვილი და ჯანდიერი ეტყოდნენ: „აგაშენოს ღმერთმა, დაჯექ!“ გლეხი დაჯდებოდა და რაც მოეტანა, სუფრაზე აწყობდა. ამ სახით ძახლი მალე გაივსო სტუმრებითა, რომელნიც თავიდან ფეხებამდის შეაარალებულნი იყვნენ. სტუმრები ირგვლივ შემოუსხდნენ კერასა და დაიწყეს ლაპარაკი მაშინდელს ამბავზე. თიონელებს სულ ყველანი არ ამართლებდნენ. ბევრნი იმ აზრისა იყვნენ, რომ რომელმაც დედა-კაცს შეურაცხება მიაყენა, ის რუსისულ ნაკუწ-ნაკუწათ უნდა ექციათო. მაგრამ მთელი კამანდა რა დანაშაული იყო, რას ერჩოდნენო! ზოგი ამბობდა, იქნება რუსები მოუდგნენ თავის აფიცერს და კაცები დაჰხოცესო. მართალი არავინ იცოდა; ყველა ისე ლაპარაკობდა, როგორც თვითონ ეგონა. ვახშამს შეექცნენ. ბატონები და გლეხები პურს ერთად სჭამდნენ. მერიქიფე უვლიდა გარს სუფრასა და აზარფემა ხელიდგან ხელში გადადიოდა. ნავაზშმევს გაიმართა ხმამალლა ლაპარაკი, კარს ხშირად აღებდნენ ხოლმე. სტუმრები თანდათან გვემატებოდა; სახეზე ეტყობოდათ, რომ არ იყვნენ მოსვენებულნი. აი მოვიდა ორი ქართველი. ქუდები მოიხადეს, ბურსეულით ოფლი მოიწმინდეს და მოართვეს ქევხას წერილი. ქევხამ წაიკითხა და საიდუმლოთ გადასცა ჯანდიერს. ეს ბარათი იყო ქრებულოვისაგან მოწერილი. ჯანდიერმა ქევხას დაუბრუნა წერილი და უთხრა, ქრებულოვს ჩემ მაგიერათ წიგნი მისწერეო. შეუთვალე, რომ ხვალამ-

დისნუ მოვა, ამიტომ რომ პორტნიაგინი ხეალ აპირებს სოფლიდგან გასვლას. სჯობიან ასე მოიქცე, თორემ დიდი ზარალი მოგეცემათ, რადგან პორტნიაგინი თავგანწირულათ დაიწყებს თავის დაცვას. შერეჯანდიერისშვილმა ყურში წამიჩურჩულა: „წადი ახლავე ღენერალს. უთხარი ფრთხილათ იყვეს. ქობულოვს მე ვიცნობო, იქნება არ დამიჯეროს და ამავე ღამეს დაგვეცესო. აქაურს მცხოვრებლების იმედი ტყუილა ნუ აქვს, ისინი უფრო იმათ მხარეს დაიჭერენ და არ დაუწყებენ წინააღმდეგობას. ლაზარეთიდგან ავათ-მყოფები ახლავ გამოიყვანე, რომ ცოტა მეტი ჯარი იყოს“. ჯანდიერმა ორი კაცი გამატანა და რაც დამაბარა, ყველა პორტნიაგინს მოვახსენე. როგორც კი ავათმყოფები გამოასხეს, მაშინვე ლაზარეთს ცეცხლი მისცეს, შეიქმნა თოფის სროლა. განდგომილები მოგვადგნენ, ვენახებში და გარემო ტყეში ჩაესაფრენ და დაგვიწყეს სროლა იქიდგან; მაგრამ ღამე იყო და ვერა გვავენეს რა. ინათლა თუ არა, თოფის სროლაც გაქშირდა. საგარეჯლებს ხელი არ გამოუღიათ, მაგრამ ელოდნენ კი, რომ ჩვენ სოფლიდგან გავსულეიყავით. ჩვენ ვიყავით ტომრების ძირში მიმალულნი და ვინც კი შეიდანზე გადირბენდა, მაშინვე თოფს მღარტყამდნენ. დილას ჯანდიერი მივიდა ღენერალთან; ანდრონიკაშვილმა კი გასწია სიგნახს და ხლებულები თან წაიტანა.

ღენერლის თხოვნით ჯანდიერი რაშოდენიმეჯერ გამოვიდა განდგომილებთან და აკონებდა ხალხს, რომ თოფის სროლა შეეწყვიტათ. იმას არავინ უჯერებდა. ყველამ იცოდა, რომ ქობულოვი იქ იყო, მაგრამ არავის ენახებოდა. მზე გიდიხარა და შემწეობა კი არსაითა ჩნდა. ბევრი ცხენები და მასთანა 25 კაცი დაგვიჭრეს. მესამე საათი იყო, რომ ზარბაზნის სროლა და ბარაბანის ხმა მოგვესმა. ყველა გამხიარულდა. მაიორმა ბუხვოსტოვმა გვაცნობა, აი მეც მოვდავარო. როგორც კი ჯარი მოახლოვდა, განდგომილებმა დასტოვეს ბალები და ტყე; სროლა დაწყნარდა.

როცა ბუხვოსტოვი პატარძელს მოვიდა, იქ სამხედრო რჩევაში დასდეს, რომ სოფელი დაგვეტოვებინა და ტფილისს წავსულიყავით. ამის მშზეხი ის იყო, რომ მაიორი ესიკოვრ, რომელიც გაეგზავნათ ორასი კაცითა თელავის ციხის მისაშველებლათ, ძლივს შესულიყო ციხეში, ძალიან დაეზარალებინათ და თვითონაც მოეკლათ. იცოდნენ, რომ თელავის გარნიზონი ორ თვეს გაუმაგრდებოდა ხალხსა. იმავე შიკრიკმა მოვეიტანა ამბავი, რომ 15 ათასი განდგომილი ხვალვე თავს დაგვეცემიანო, უნდათ გავესრისონ და ტფილისს მიჰმართონო.

მაშინვე სამგზავროთ მოვემზადეთ, რაც მძიმე ბარგი იყო, სულ დავეწყვიტო და წავედით ტყე-ტყე, გავედით იორს და მივმართეთ

აზამბურს; დიდი გზით წასვლა ვერ შეგვეძლო, გადგან იქ განდგომილები გვიდარაჯებდნენ. თუმცა ძალიან ჩუმად მივდიოდით, მაგრამ მაინც გაგვიგეს, გამოგვიდგენ და მთელი ღამე სულ გვესროდნენ. საგარეჯლები იმათ შეუერთდნენ. ჯანდიერი ღამით გაიჭრა სიგნახს თავის ცოლშვილს მისაშველებლათ.

ღრაგუნები ქვეითათ მიდიოდნენ და ცხენები საღავით მიჰყავდათ; რამდენიც კაცი ვიყავით, ოთხი იმდენი ცხენი გვეყავდა, რადგან კაცები ზოგი მოგვიკვდა, ზოგი გაგზავნილ-გამოგზავნილი იყო; ჩვენ გზას მივყვებოდით. ქვეითი ჯარი წინა-მხარს და უკანა-მხარს გვიცავდა; მაგრამ კაცები მაინც თან-და-თან გვაკლდებოდა; მთელი ღამე წინ მივისწრაფოდით. ცისკრის ამოსვლისას, როცა აზამბურის მთას შევეუდექით, არ ვიცი რათა, ჩვენი კოლონა შეჩერდა; ორი ღამე არ მეძინა, ოცი ვერსი ქვეითათ წამოველ. ხელში შტანდარტი მეჭირა და ამან ასე დამლალა, რომ ილაჯი გამიწყდა, კალონა შეჩერდა თუ არა, მაშინვე მივწექ ხევში და მკვდარსავით მიმეძინა. დიდხანს ვიწექ თუ არა, ის კი არ ვიცი, მაგრამ მახლობლად ზარბაზნის სროლამ გამომალღვიძა. თვალები რომ გამოვახილე, ძალიან შემეშინდა ჩემი თავისა და შტანდარტისა. რამდენიმე მინუტი რომ კიდევ მძინებოდა, უკანა ჯარი ისე გამოივლიდა, რომ ვერ შემინაწინავდნენ. შევექვით, განდგომილები ან მომკლავდნენ, ან შტანდარტიანათ დამიჭერდნენ. სიკვდილის არ მეშინოდა, მაგრამ გულში ეს მქონდა, ვაი თუ იქვი აიღონ ჩემს ორგულობაზე. მაშინვე ვეცი შტანდარტსა და მოვქუსლე, როცა რხლმების რაჩხა-რუჩხი მომესმა, უფრო გავმხნევი და ფეხს ვუმატე იმ აზრით, რომ სიკვდილს თავი დავახწიე. ცისკარი ამოვიდა, რომ აზანაგებს მივეწიე. პოლკის დეჟურთან, პარუჩიკ რუდნევეთან მოვედი და ვუთხარი, თუ მე არ მოგაგონდით შტანდარტი მაინც რატომ არ გაგახსენდათ მეთქი. რუდნევემა შემეხვეწა, არავის უთხრაო, მაგრამ საწყალს ამის თქმაც აღარ დასცალდა; თოფი მოარტყეს და იქვე უსულოთ დაეცა. გამოვიარეთ და სოფელს სართაქალას მივედი. განდგომილებმა თავი დაგვანებეს და ჩვენ მეორე დღეს საღამოს უშიშრათ წამოველით ტფილისში. მამა ჩემი დისტანციის თათრების უფროსათ იყო და მორჩილების ქვეშ ჰყავდა. ჩემი ძმა ბასილი მთავარ მართებელთან პაულოუჩთან იყო სპარსეთის საზღვარზე.

ამ დროს ტფილისში გამოაწყვეს ერთი ატრიადი პოლკოვნიკის ზაგრაიუსკის წინამძღოლობის ქვეშ და გამოუყენეს განდგომილებსა, რომელნიც ჩვენ მოგვდევდნენ და აპირებდნენ ტფილისს შემოსვლას. მეორეს მხრით ღენერალს ორბელიანს ნაბძანები ჰქონდა ქვეითის

ჯარით და დრაგუნის პოლკით წასულიყო მეფეს წყაროდგან სიგნახს, დაემშვიდებინა ეს ქალაქი და მისულყო თელავამდის.

დედა ჩემი ვნახე თუ არა მაშინვე მოვიდა ორდინარეცი, პორტინიაგინი გიხმობსო. ლენერალთან დამიხვდა პოლკოვნიკი ზაგრიაჟსკი და იქვე ატრიადიც იყო სალაშქროთ მომზადებული. ახლაც მახსოვს ლენერლის სიტყვები: „მთავრობა დარწმუნებულია შენის ოჯახის ერთგულობაზე, შენი ძმა მთავარმართებლის ადუტანტია, შენც ჩემთანა ხარ და მამაშენიც ჩემი მეგობარია. ჩვენ გვინდა სანდო კაცი. შენ ქართული იცი და კახეთს მიმავალი გზები: გახდი ზაგრიაჟსკის ატრიადის გზის მაჩვენებელი და ამასთანავე პოლკოვნიკის თარგმნელი. მიდი მაიორ კოტირევთან, რომ კარგი ცხენი მოგცეს, მეორე ცხენიც ბარგისთვის, გამოართვი და ახლავე მიდი პოლკოვნიკთან“. ლენერალმა ნება მომცა დედას გამოეთხოვებოდი, მაგრამ დამარიგა, ატრიადი სად მიდის, არავის უთხრაო. მაშინ მიეუბრუნდი ზაგრიაჟსკის და ვუთხარი, თუ დამაგვიანდეს, ავლაბრის ალაყაფის კარებში რომ გახვიდეთ, არამც და არამც დიდს გზას არ დაადგეთ, ძალიან შორს მოვლა დაგვჭირდება; წადით გზაწვრილზე, საცა დაბრკოლება არა შეგხვდებათ რა. ერთს საათსაც არ გაუვლია, რომ ატრიადს გამოეუდექი. ალაყაფის კარებთან რომ მივედი, დარაჯს ვკითხე, საით წავიდა ატრიადი? იმან იქითკენ მიმასწავლა, საითაც არ ვურჩევდი წასვლასა. მაშინვე ვკარი ცხენს ქუსლი, ხუთს ვერსზე მივეწვი პოლკოვნიკს და ვუთხარი ამ გზით ხვალ ათ საათამდის რომ მივიდეთ სოტელს ლილოს, ისიც კარგია. ზაგრიაჟსკიმ მიბრძანა მოკლე გზაზე გამომეყვანა ატრიადი. თუმცა ბნელი ღამე იყო, მაგრამ ატრიადი გაევაოლე ერთს გამშრალს ხევის პირს, რომელიც კარგათ მემხრობოდა და გამოველით მოკლე გზაზე. ამასობაში ორი საათი დავკარგეთ, ასე რო ლილოს მთასთან გათენებისას მივედით. მთის წვერიდგან შეგვნიშნეს და დაიწიეს მარტყოფისკენ. ტყეში კარგს ადგილებზე გამაგრდნენ.

აქ ერთს საათს შევისვენეთ და მერე მივედქით ტყიდგან განდგომილების გამორეკასა. დიდხანს არ გამაგრებულან, გავიდნენ იორის წყალზე და ჩაესაფრენ ხაშმს, ყარაბულაღს, პატარძეულს და დაიჭირეს მთის სერები. ჩვენი ატრიადი მივიდა სართაჭალას და მთის მარჯვენა გვერდი დაიჭირა. განდგომილებს მოთავეთ კახელი თავადები იყვნენ; იმათ რიცხვში იყო ოთარ ქობულოვი და ბარძიმ ჩოქეზიშვილი.

მეორე დღეს დილით ზაგრიაჟსკიმ განდგომილებს გაუგზავნა ერთი მღვდელი და თავადი ვაჩნაძე შესავაგონებლათ, რომ ხალხი დაშ-

ლილიყო და თავთავიანთს სახლში წასულიყო, ამასთანავე დაჰპირდა მიტევენას. თუ არ შეისმენდნენ დასჯას ემუქრებოდა. განდგომილებმა უთხრეს, სანამ ცოცხალი ვართ, იორის წყალს აქეთ ერთს რუსსაც არ გამოვუშვებთო. იმდროს მდინარე იყო პატარა და ფონზე კარგი გადასასვლელი იყო ქვეითა ჯარისთვის.

მდინარეზე გადასვლა მოვიწოდეთ და ამისთვის დავუწყეთ სროლა მდინარის პირებს. მერე გავიყვანეთ ჯარი მდინარეზე; ამით დავუმტკიცეთ, რომ ისინი ვერ დაგვაკავებდნენ. გავედით თუ არა იორში, განდგომილებს ჯარი ორათ გაიყო. ერთი მარჯვენით წავიდა, მეორე მარცხნით ყარაბულალისა და ხაშმისაკენ. ეს სოფელი მაგარი აღვილია. ვენახებით გარემოცულია და მთის სივიწროეშია ჩადგმული. აქედგან მთის ბილიკი გომბორით თელავს მიდის.

ს. ხაშმსა გამწარებულათ იცავდნენ, მაგრამ ეერიშით მაინც ავიღეთ. ატრიადი დაებარგა, ვენახებში, აგრეთვე დაიჭირა მალღობი და მთის სივიწროე.

ეერიშით მისვლის დროს მონასტრიდგან გამოვიდა არხიმანდრიტი ჯვრით და სახარებით, სხოვდა, მონასტრის და სოფლის შეწყნარებასა. ზაგრაიუსკი ძალიან გაჯავრებით შეხვდა არხიმანდრიტსა და დაუწყო ასეთ-ასეთების ლაპარაკი, რომ მე ველარ შევკადრე სულიერს მამას ამ სიტყვების გადათარგმნა. არხიმანდრიტმა რომ დაინახა ზაგრაიუსკის გაჯავრებული სახე, მკითხა, გული რაზე მოსდისო. ამის მეტი ვერა უთხარი რა: პოლკოვნიკი სხვა რჯულის არი-მეთქი და არ შეუძლიან, ჯვარი და სახარება თვალთ დაინახოს. ამ დღეს ხუთი განდგომილი შეიპყრეს და გადასწყვიტეს იმათი დასჯა სიკვდილით. ისინი მეორე დღეს დილით ჩამოახრჩვეს.

გუთნებისას მოვიდა მთავარ-მართებელი მარკოზ პაულუჩი, და თან მოჰყვენ ბევრი გამოჩენილი თავადები, რომლების რიცხვში იყვნენ: ქართველთ მეფის სიძე ვახტანგ ორბელიანი, მოურავ-ორბელიანი, რომელსაც ეძახდნენ პოტემკინსა, კახეთის პირველი მებატონე ალექსანდრე კავკავაძე და სხვანი. მარკოზს ჩემი ძმა ბასილი მოჰყვა.

მთავარ-მართებელი რომ მოვიდა, მაშინვე გამოეცხადა არხიმანდრიტიცა და გამოითხოვა დამნაშავეების მიტევენა. ამ უბედურებს ბაწრის თვლები კიდევ ჰქონდათ ყელზე ჩამოცმული. ერთი მინუტიც რომ დაყოვნებოდათ, უეჭველათ ჩამოჰკიდებდნენ. ამ დროს მოიჭრა ჩემი ძმა ბასილ და გამოუტყდა პატივება. დამნაშავეებს არა სჯეროდათ და იხვეწებოდნენ, ნუღა გვაწვალებთო. როცა თვალები აუხილეს, შებორკილი ხელ-ფეხი აუხსნეს და სახრჩობელადგან ჩამოიყვა--

ნეს, საწყლებმა სიხარულით აღარ იცოდნენ, რა ექნათ. სხვა და სხვა მხედებაში ერთი დღე გავიდა. დაჭრილები და ავთ-მყოფები ჩაფრებით ტფალისს გაგზავნეს. რადგან საჭირო აღარ ვიყავი, ამისთვის მიბრძანეს ტრანსპორტს გავყოლოდი და პოლკში დავრჩენილვიყავ. ეს მე სიამოვნებით ავასრულე.

ატრიადის წინამძღოლობა თვითონ მთავარ-მართველმა იკისრა. პირველს ნოემბერს კახეთი მთლად დამორჩილდა. განდგომილები ძალიან გამაგრდნენ ველის-ციხეში. აქ მოჰკლეს ვახტანგ ორბელიანი და დასკრეს ალექსანდრე ჭავჭავაძე.

ბევრი თავადები დაიჭირეს და რუსეთს გაგზავნეს, იმათ შორის იყო ოთარ ქობულოვი და ბარძიმ ჩერქეზიშვილი.

ამ დროს ბატონიშვილი გიორგი კოკლი ფშაყ-ხევსურებში იყო. იმას უხეიროთ რაცხავდნენ და მთავრობას არც კი ახსოვდა. ახლა იმაზედაც ეჭვი აიღეს, დაიჭირეს და პეტერბურგს გაგზავნეს. იმას გააყოლეს ბასილ ბებუთოვი.

1868

ორიონ სიტყვა კამედიასზე „ვანი ჭკუისაგან“ და რუსულს ტრუჰკაზე

ეს ნახევარ წელიწადზე მეტია, რაც ტფილისში რუსული სცენა გაიმართა. რუსის ტრუჰკა (წარმომადგენელთ გროვა) დიდს საქმეშია. ის ზედი-ზედ აღგენს სხვა-და-სხვა კამედიებსა და დრამების ნაწყვეტებსა, რომ ამით ჩვენ თვალწინ გააცოცხლოს მრავალ-ნაირი სურათი რუსის ცხოვრებისა. — ესე ყოველი იმ განზრახვით არისო — ამბობს „კავკაზი“, რომ უფრო განათლებულის ცხოვრების სურათითა შეათვისოს ჩვენს საზოგადოებას უკეთესი წესი შინაცხოვრებისა. თუ ეს ასეა, ჩვენი თანაგრძნობაც დაერთვის ამისთანა მოსაწონს განზრახვასა. ამაკ გარდა რუსული სცენა ჩვენს საზოგადოებას ენას გაუსწორებსო, კარგს რუსულს კილოზე მიაჩვევსო ლაპარაკს. ჩვენ ამ კეთილს განზრახვასაც შევხარით. ახლა ეს დაგვრჩა გამოსაკვლევად: რასში მდგომარეობს უფრო განათლებული ცხოვრება და ან რუსული ტრუჰკა რამდენად ასრულებს თავის საქმეარს განზრახვასა? — პასუხის მისაცემათ საჭიროა მოკლეთ ავხსნათ, რა არის უფრო განათლებული ცხოვრება, ან როგორია ის საშუალება, რომლითაც უფრო გონება ხსნილი ცხოვრება ზედ-მოქმედებს ნაკლებათ გახსნილს ცხოვრებაზე?

წარმოვიდგინოთ ორი სხვა-და-სხვა საზოგადოება: ერთი ველური, მეორე ძალიან განათლებული. შევათანასწოროთ ჩერქეზთ ცხოვრება ამერიკის ხალხის ცხოვრებასთან. ჩერქეზს რომ ამაყი სიტყვა უთხრა, მაშინვე დაშინებულს გესვრის. აქ ყოველი კაცი რამდენათაც თავისმოყვარეა, მდენათ სხვისი მტერია. ოღონა წყენისთვის მზათ არის უმსხვერპლოს თავის თავს სხვისი სიცოცხლე. ამის გამო აქ ყველანი თავიდან ფეხამდის შეიარაღებულან, შორს განდგომიან ერთმანეთსა და ლმერთმან დაგიფაროს, იმათთან ახლოს მისელა. შენ იმას მტერი ჰგონიხარ, რომელიც ცდილობ იმის მოკვლას, თუ თვითონ არ დაგასწრო შენს თბილ სისხლში ხანჯლის გასვრა. აქ ერთობით ცხოვრება არ მოხერხდება, ამიტომ რომ ყველა ცდილობს სხვის დაჩაგვრასა. ამის გამო საზოგადოების კავშირი სუსტია. ერთი მეორესთან ვერ თავს-

დება, ყოველი კაცი სხვის შემწეობას მოკლებულია; როგორც ნადირი განცალკევებულა და ნადირსავეით გაჭირვებითაც ცხოვრებს. მტაცებლობა, მუდამ შიმშილ-წყურვილი, თავშესაფერის უქონელობა და ბოლოს ნადირსავეით სიკვდილი,—აი ერთგვარი ცხოვრება ყოველად გაჭირვებული და დამდაბლებული.

ახლა წარმოვიდგინოთ ისეთი ცხოვრება, საცა ყოველი კაცი სხვის სიმართლეს იმდენათ პატივსა სცემს, რამდენადაც თავისას, საცა ყოველი გვამი იმას ცდილობს, ისე შემოსაზღვროს თავისი ნება, რომ შეტის მოთხოვნალებით სხვისი ნება არ დაჩაგროს, სხვისი ღირსება არ დაამციროს. ამ აზრზე ამერიკის საზოგადო ცხოვრება უფრო დაახლოვებულია. აქ კაცების ერთმანეთთან დაკავშირებაც უფრო მოხერხებულია. ამისთანა კავშირი გვამებისა დაჰბადებს საზოგადოებას, რომლის ღონეც მით უფრო ვრცელი და დიდია, რამდენადაც თითო გვამები უფრო შეკავშირებულნი არიან ერთმანეთთან, ესე იგი, რამდენათაც უფრო გაძლიერებულია ერთი-მეორეს პატივის ცემა. მაშასადამე, ცხოვრების ღონისძიებაც მით უფრო დიდია და ცხოვრება გაუმჯობინებულია, რამდენადაც საზოგადოების ძალა მომეტებულია. აქ თითოული გვამი შრომობს, შეძლებისამებრ სწირავს თავის ღვაწლს საზოგადოებას და ამის მაგივრათ თავის ცხოვრების გასაწათლებლათაც ხმარობს იმ დიდს საზოგადოების ძალასა. აქედგან უნდა გამოვიყვანოთ ესა, რომ რამდენათაც სჯული და საზოგადო ჩვეულება უფრო პატივს სცემს თითოულის კაცის სიმართლეს, იმდენად უფრო გადიდდება საზოგადოების ძალა და ეს ძალა იმდენათ უფრო კეთილს მდგომარეობაში შეიყვანს ცხოვრებასა.

ამას შეესაბამება ცხოვრება ამერიკელთ საზოგადოებისა, ცხოვრება დიდებული და კეთილ მდგომარეობით სავსე

ჩვენ წარმოვიდგინეთორ-ნაირი ცხოვრება: ერთი ჩერქეზისა, რომელიც არის ველური და მეტად გაჭირვებული, მეორე ამერიკელი, რომელიც არის განათლებული და რაც შეიძლება კეთილ-მდგომარეობით სავსე. ყოველი საშუალება, რომელიც ეცდება გაჭირვებულის ჩერქეზის ცხოვრების დაახლოებას განათლებულს ამერიკის ცხოვრებასთან, მეტად სამადლო საქმეა. რაც რომ გონება გაუხსნელს ჩერქეზს შეუთვისებს სხვის სიმართლეს პატივისცემასა, ის საშუალება კაცთმოყვარული და მოსაწონია: მაგრამ ჩერქეზს რომ ამერიკის ცხოვრების სურათი წარმოუდგინო და გრწამდეს, რომ იმას კარგი გავლენა ექნება ჩერქეზის ველურ ცხოვრებაზე, ეს ძალიან შემცდარი აზრი იქნება. ამიტომ რომ ჩერქეზი თავის უმეცრების გამო ვერ მიხვდება სცენაზე წარმოდგენილის ცხოვრების აზრსა და დარჩება სრულებით იმის უგრძობელი. ამერიკელის ცხოვრების გასაგებათ,

ჩერქებს ჯერ სწავლით უნდა გაეხსნას გონება, რომ შემდეგ ამისა გაიგოს ხოლმე იმ ცხოვრების სურათი და სასარგებლოთ გამოიყენოს. ამერიკული ცხოვრება და ჩერქეზისა ორი უკიდურესი წერტილია, რომლებს შორის სცენით შუამდგომლობა არ მოხერხდება. ჩვენი და რუსის ცხოვრება კი სულ სხვა არის. ეს ორი ცხოვრება ერთმანეთზე ძალიან დაახლოვებულია, თუმცა იმას კი არ ვიტყვი, რომ ჩვენი იმათსას უდრიდეს, ან იმათი ჩვენსას არა სჯობდეს. ამ შემთხვევაში სცენა შეიქმნება ერთი საუკეთესო საშუალებათ, რომლითაც უფრო გონება-გახსნილი ცხოვრება კეთილად იზედ-მოქმედებს ნაკლებათ განათლებულზე. სცენა არის ისეთი ასპარეზი, სადაც მაყურებლის თვალ წინ გადმოიშლება სხვა-და-სხვა სურათი გამოცდილის ცხოვრებისა. იქ წარმოგვიდგება კაცის შეუფერებელი ნაკლულევენება, რომელიც ჩვენს უმზგავსო მოქმედებას გვამხილებს, და გვკიცხავს. სცენაზე ჩვენ ვხედავთ კაცის ბრძოლას თავის მაგნებელს გულის თქმასთან. თუ მოქმედი პირი სცენაზე სძლევს თავის მაგნებელს გულისთქმას და გონივრულის ყოფაქცევით აშორდება ცხოვრების ბიწიერებას, მაშინ მაყურებელი თანაუგრძნობს ამისთანა ქველ-მოქმედებას და იმყოფება კარგს გავლენის ქვეშ. ამ შემთხვევაში ის იკრებს ბევრს ზნეობითს ძალას და ზნეობით ახლდება. თუ სცენაზე წარმოსდგება ისეთი ცხოვრების სურათი, რომელიც სულ-მდაბალი მოქმედებით და ქუჩყიანი ცხოვრებით აშფოთებს გულსა, მაშინ მაყურებელი სწუხს, სინილისი ჰკიცხავს, მით უფრო რომ ეს უწესო მოქმედება თვით მაყურებელს მოაგონებს უწინდელს თავის ჩირქიანს ყოფა-ქცევასა. რამდენადაც უფრო ღრმად შეირყევა მაყურებელი სცენაზე წარმოდგენილის უმზგავსო მოქმედებითა, იმდენათ უფრო შესძაგდება იმას თავისი ჩირქიანი ყოფა-ქცევა, და ეცდება თავის ზნის გაკეთებასა. აქედგან სჩანს, რომ სცენას დიდი მნიშვნელობა აქვს ხალხის აღზრდაში. ეჭვი არ არის, რუსული სცენა ამ აზრით არის გამართული ტფილისში და ყველანიც უნდა ვიყრთ ამ კეთილი საქმის მოზარულნი. მაგრამ ამისთანა კეთილის აზრის ასასრულებლათ ასეთი წარმომადგენელთ გროვა, ანუ ტრუჰპა უნდა ჰყავდეს რუსულს სცენასა, რომ შეეძლოს იმ ცხოვრების სურათების გაცოცხლება, რომელნიც იმისგან წარმოდგენილს ღრამებში და კამედიებში არიან გამოყვანილნი. საქმე ის არის, ვრცლათ ასრულებს თუ არა ჩვენი ახლანდელი რუსული ტრუჰპა თავის სცენის განზრახვასა? ამის პასუხს მაშინ მოვახსენებთ, როდესაც განვარკვევთ რუსის აკტორები-

საგან წარმოდგენილს რომელსამე კამედიასა და შვეტიცობთ, თუ რამდენათ განაცოცხლა ყოველმა აქტორმა იმისგან, წარმოდგენილი ყოველი ხასიათი გვამისა. ამისთვის ავიღოთ კამედია „ვაი ჭკუისაგან“, რადგანაც ეს კამედია ჩვენზე უფრო დაახლოებული და გაცნობილია იმ მწერლის გამო, რომელსაც შეუთხზავს ეს კამედია.

სწორეთ რომ ვთქვათ, „ვაი ჭკუისაგან“ არ არის კამედია. ეს არის სატირა იმ დროის რუსის საზოგადოებაზე. ყოველს დრამატიკულს ქმნილებას (კამედიას, დრამას, ტრაგედიას და სხვ.) გამოჰყავს სცენაზე ერთი უმთავრესი მოქმედი პირი, რომლის ხასიათი და ზნე შესაფერს გარემოებაში ნათლად იხატება ხოლმე. ამ უმთავრესს გვინის მოქმედებაზე სხვა გვამების მოქმედება მკიდროდ არის დამოკიდებული. იმის მოქმედება უფრო იქცევეს მაყურებელის ყურადღებასა, იმისი შეუფერებელი მოქმედება და ბრძოლა უფრო გვიშფოთებს გულსა.

აი ამაში მდგომარეობს ერთ-არსება მოქმედებისა, რომელიც არის განუშორებელი თვისება ყოველის დრამისა და კამედიისა. თხზულებას „ვაი ჭკუისაგან“ ეს თვისება არა აქვს. აქ არც ერთი მოქმედი პირი განსაკუთრებით არ მოიპყრობს მაყურებელის გონებასა. ყოველი გვამი ამ თხზულებისა თავის განსაკუთრებულის ქცევით და ხასიათით თითქმის თანასწორად იზიდავს ყველას ყურადღებასა. ერთს რომელსამე გვამზე არ არის დაკავშირებული მთელი მოქმედება. მაშასადამე ამ თხზულებას აკლია შინაგანი ერთ-არსება მოქმედებისა; მაგრამ მეორეს მხრით იმითი აქვს დიდი ღირსება, რომ ის წარმოდგენს ცხოველს სურათს საზოგადოებისას, სადაც ყოველი გვამი იმ საზოგადოების შესაფერად მოქმედებს. თუმცა უმთავრესი მოქმედი გვამი არ ჩნდება სცენაზე, მაგრამ იმის მაგიერ მთელი საზოგადოებაა გამოსული მოქმედების ასპარეზზე. ყოველის გვამის უგუნურის ყოფაქცევით შემდგარი საზოგადოების სურათი თან გვაცინებს და თან გვაწუხებს. აქ ერთის გვამის მაგიერად მთელი საზოგადოება გვაძლევს ერთ-არსს შთაბეჭდილებასა. მასში კაცი ჰპოვებს მოქმედების ერთ-არსებობასა და ამის გამო შეიძლება, ეს თხზულება იწოდოს კამედიათ.

თხზულება „ვაი ჭკუისაგან“ წარმოდგენს ერთის მოსკოველ მებატონის სახლობასა, სადაც ცხოვრება ამ ორს უმთავრესს საფუძველზეა დამყარებული: შინ—ჭამა და შექცევა; გარეთ—თაყვანისცემა და მასთან ჯილდოების ღება. მოსკოველს მებატონეს ფამუსოვს სამსახური მამულისადმი და სახელმწიფოსადმი თავისებურათ ესმის. ის იმდენათ გონება-ვახსნილი არ არის, რომ ამგვარი სამსახური

ყოველის საზოგადოების წევრის ქეშმარიტ მოვალეობათ გახადოს. იმას არ ესმის, რომ ყოველი გვამი საზოგადოების შესაწევნელად უნდა ცხოვრებდეს და საზოგადოებზე თითოულის გვამის საკეთილდღეოთ. ფამუსოვის აზრით საზოგადოება თუნდა წყალსაც წაუღია, ოღონდ თვითონ იმას კი ჯილდოები ბლომათ ჰქონდეს და კარგი შემოსავლიანი ადგილი სამსახურში, აგრეთვე ბრწყინვალე ცხოვრება რომ შეეძლოს ყოველდღე ბალი და ვეჩერები აკეთოს. იყოს ქებული ჭამა-სმითა და ყველა ლაპარაკობდეს, რომ „აი ფამუსოვი რა დიდი ვინმეა და რა დიდებულათ ცხოვრობსო“. იმას ჰყავს ერთი ქედ-მოხრილი კანცელარიის ჩინოვნიკი, რომელიც ფამუსოვის გულს იმით იგებს, რომ არაოდეს იმასთან თავისით ხმას არ ამოიღებს, არაოდეს ზევით არ აიხედავს და არ დაჯდება. ეს გახლავთ მოლჩალინი. ამისთანა პირუტყვი მონა ფამუსოვის გულს ძალიან ახარებს, ამისთვის რომ ნათლად გრძნობს თავის კერპობას, რომელსაც მუდამ თავდახრილი მოლჩალინი ღმერთსავით თაყვანსა სცემს. ეს ყოფა-ქცევა ამაგებს გულსა ამპარტავნისასა და მუდამ ყურში ჩასძახის: „აი, ფამუსოვ, როგორი დიდი ვინმე ხარ, დახე როგორის მოწიწებით თაყვანსა გცემენო!“ ამის მაგივრათ ფამუსოვიც, რასაკვირველია, მოლჩალინს ჩინებით აჯილდოვებს, სამსახურში მუდამ წინ მიჰყავს და ამ რიგად მოლჩალინისგან ამზადებს შემდეგს ფამუსოვსა. ახლა ესეც ვიკითხოთ, ნუ თუ ფამუსოვი მართლაც ისეთი დიდი კერპია, რომ იმას ყველანი მოლჩალინით თაყვანსა სცემენ?—არა. თვითონ ფამუსოვსაც თავისი კერპი ჰყავს, რომლის წინაშე ის მოლჩალინათ ჰხდება. როგორც სჩანს, ფამუსოვის საზოგადოებაში ყოველი უფროსი კერპათ ჰხდება, ყოველი უმცროსი კი მოლჩალინათ, თაყვანისმცემელ პირუტყვათ. უნდა წარმოიდგინოთ, რამდენად არის აქ გაფუჭებული ყოველის გვამის ზნე. აი მაგალითად: მოლჩალინი შეყვარებია ფამუსოვის ქალს სოფიოსა. ის უარს არ ამბობს ამ სიყვარულზე, მაგრამ, როცა სოფიოსთან ალერსობს, მუდამ კურდღელივით ყურებ-აცქვეტილი იქით-აქეთ იცქირება, ღრავინ შემომესწროსო და ყოველს ფეხის ფაჩუნზე ვრთს საყენზე გაბტება და გარბის. როცა ჩაცკი თავის თვალით ნახავს ამისთანა სულ-მოკლე ყოფა-ქცევასა, გულმოწყვეტილი წამოიძახებს: „განა ეს სიყვარულია, რომ გიყვარდეს და მუდამ მზად იყვე უარჰყო შენი სიყვარული! არა. ეს არ არის სიყვარული, ეს სიმრუშეა“. მატლაც მუხდალს მოლჩალინს ქეშმარიტი სიყვარული ზრ შეუძლიან. იმ კაცში ქეშმარიტი გრძნობა გამქრალია, რომელიც ასე ამბობს: „მამა ჩემმა მიანდერძა: ვინც უნდა იყოს, ყველას მორჩილი იყავიო. ემორჩილებოდე მასპინძელს, რომელთანაც დგომა შეგვხვდე-

ბა, მის მოსამსახურეს, რომელიც ტანსაცმელს გიწმენდავს, მეკარეს, ეზოს-მგველსა, რომ ცუდი რამ არ შეგამთხვიოს, ეზოს-მხვეტლის ძალსაც. რომ არ გიღრინოს“. ამის გამო, თუმცა, მოლჩალინს სიფიო უყვარს, მაგრამ, ხელში თუ მოიგდო, არც გოგოს ზოგავს და იმასთან ალერსობაში, სულაც ივიწყებს თავის საყვარელს. ცხადია, რომ აქ კარგი ზნე ჩამქრალია, კარგი თვისება დაბნელებულია. ახლა ავიღოთ მესამე გვამი ზაგორეცკი. მთელმა საზოგადოებამ იცის, რომ ეს კაცი საშინელი ცრუა. ერთი სნეული და სამხედრო სამსახურისგან გატეხილი კაცი, პლატონ მიხაილიჩი, რომელსაც ცოტაოდნად გულის სიმარტივე კიდევ შერჩენია, მოურიდებლად ეუბნება ზაგორეცკის:— „გასწი, თვალიდგან დაშეკარვე! წადი ქალებთან, ატყუე, პირში ელაქუცე. მე შენზე ასეთი მართალი უნდა ვთქვა, რომ ყოველს შენს სიცრუეზე უსაძაგლესი იყოს. აი, ძმობილო (ჩაცკის)! გაგაცნობ გვამსა, რომელსაც ეძახიან დარბაისელს და გაზრდილს კაცსა. ეგ გახლავთ ანტონ ანტონიჩ ზაგორეცკი, საშინელი ცრუ, პლუტი და გაიძვერა!“ თქვენა გგონიათ რომ ამ სიტყვებზე ზაგორეცკის სინდისი შეაწუხებს და გააწითლებს? სრულებით არა, ლანძღვისთვის აი, როგორს პირმოთნე სიტყვებს ეუბნება პლატონ მიხაილიჩსა: „საკვირველი კაცია პლატონ მიხაილიჩი! თუმცა პირმწყურალად არის, მაგრამ გულკეთილი კაცია“.

ამისთანა პირფერი სიტყვით ის ალბოზს ყოველს კაცს და ყველას მეგობრად იხდის. იმან ძალიან კარგად იცის, რომ ჩაცკი ჭკუიერი და განათლებული კაცია, იმას ქლესაობით ვერ მოატყუებ; ამის გამო სიკვდილსავით ეშინია იმის მართლმეტყველობისა და თავს არიდებს. მაგრამ რაკი შენიშნავს, რომ საზოგადოება კარგი თვალით ვერ უყურებს ჩაცკისა და რაკი უგნურის სოფიოს სიტყვებით ხმა გავარდნება ჩაცკის შემლაზე, ზაგორეცკი მაშინვე სარგებლობს ამ სიტყვებითა, ტყუილებით გატენილს პარკსა მოხსნის თავს და ჰყვირის: „ვიცი, მახსოვს, გამიგონია, როგორ არ ვიცი? სამაგალითო შემთხვევა იყო: პლუტმა ბიძამ გამოუგონა ჭკუა-შეშლილი არისო, ეგ საწყალი დაიჭირეს და გიჟების სახლში დააბეს“.—ერთი, შენც, რას ამბობ!—ეუბნება მეორე კაცი,—ის ეხლა აქ იყო, ჩვენთან.—მაშ ჯაკვი გაუწყვეტია და გამოქცეულაო—დაატანს ზაგორეცკი, რომ თავისი სიცრუვე გაასწოროს. უნდა წარმოიდგინოთ ამ კაცის უსინდისობა! ერთს სიცრუვეში რომ დაიჭერენ, ვითომ შერცხვეს და დაიბნეს თუ! არა. ის მაშინვე მეორე სიცრუვეს მოიგონებს და ამით თავს იძვრენს! ზაგორეცკისა ადრე შეუტყუა, რომ თუ კაცმა თავისი ენა უსინდისოთ იხმარა, ძალიან ბევრს ისარგებლებს თავის ცხოვრებაში. ამის

გამო მის დღეში სწორს არ იტყვის, ყველას აქებს და ეპირფერება; მტერმა რომ გალანძლოს, ის ასე ეუბნება: შენისთანა მეგობარი ქვეყანაზე არ გამჩენია. ამ სახით თუმცა არავინ არ ერწმუნება და საზოგადოებას კიდევ სძულს, მაგრამ თავის პირმოთენობით ისე მოყიდული ჰყავს მთელი საზოგადოება, რომ ყველგან პატივცემული და მიღებულია. თვითონ რეპეტილოვი რაღა შეილია? ისიც იმ ყალიბისა ვახლავთ. ვისაც შეეყრება ყველას თავის მეგობარს და ძმას არქმევს; იძახის, მე ანგლის კლუბის წევრი ვარო, ჩემი სიმამრი მინისტრი იყოო, მეც ასეთი დიდება მქონდაო, რომ ვეება სასახლე უზარმაზარი სვეტებით ავაგეო და სხვ. იმის სიტყვით მწერალიც არის, დიპლომატიცა, სახელმწიფო კაციც და დიდებულიცა. რეპეტილოვს არა ჰგონია, თუ ქვეყნიერება ურეპეტილოვით იცოცხლებს. ერთი ჰკითხოს კაცმა, რა სარგებლობას ელის ამ უსინიდისო ტრაბახობითა? იმასა, რომ სულ-მოკლე თავმოყვარეობა მოსვენებას არ აღძვეს: უნდა, რომ გამოჩენილი და პატივცემული იყოს საზოგადოებისაგან. ამისთვისაც ცრუობს ასე საშინლად; მაგრამ მოკლე-ჭკუის პატრონი ყოველს ნაბიჯზე აჩენს თავის გონების უძლურებასა, ყველას კისერზე ეხვევა, მაგრამ ყველასაგან განდევნილია.

ესლა, როდესაც გადავაგლებთ თვალს იმ საზოგადოებას, სადაც ზემოხსენებული გვამები მოქმედებენ, ნათლად ვსცნობთ, რომ აქ ერთი გულახდილი მოქმედებაც არ იპოვება. სიმართლით აქ ერთი ნაბიჯიც წინ არ წაიდგმება. პირით ერთს ამბობენ და გულში სხვა აქვთ. ერთის სიტყვით ყველას პირბადე აქვს ჩამოფარებული. მთელი საზოგადოება მასკარადია, საცა ნამდვილს კაცის სახეს ვეღარ ხედავ. ამისთანა საზოგადოებაში ჩავარდება ერთი გონება გახსნილი ახალგაზრდა კაცი, რომელსაც ნამდვილი სწავლით გული განათლებია. ის ხედავს, რომ საზოგადოებაში არც ერთი გონიერი აზრი არ მუშაობს. კეთილი ნაყოფის გამომღები შრომა არსად არის. თითოეულის გვამის ცბიერს მოქმედებას მიზნათ ისა აქვს, რომ მკერდი ჯილდოებით ჩარიხული ჰქონდეს, მუდამ შექცევაში იყოს ჯართული და მსხვილდებოდეს. არც ერთის გულს ქვეყნის სასარგებლო აზრი არ აღძრავს, ყველას თვალი მხოლოდ ტანსაცმელზე და სმა-ჭამაზეა მიჩერებული, გონება კი დაბნელებულია. ფამუსოვი აყვედრებს თავის ქალს: „ყველა იქით იყოს და შენ კი ვერ იტყვი, რომ კარგად არ გამეზარდო. როცა დედა მოგიკვდა, მაღამ როზე გიშოვნე, რომელიც დედის მაგიერი შეიქმნაო“. ვილაც ერთი ბებერი გუვერნანტკის ხელში ჩაუკლდა და ამით გაუთავებია მისი აღზრდა. ფამუსოვსა ჰგონია, ბებერი გუვერნანტკის შოვნით ფილოსოფური აღზრდა მივეციო ჩემს ქალსა.

მართლაც ამ აღზრდის კარგი ნაყოფი ცხადია სჩანს. მშვენიერი სოფიო შექმნილა მოყვარული ახალის მოდის შლაპებისა, ტანსაცმლისა და მუზიკისა; უსწავლია ხენეშა და სიყვარული. ამისთანა ფილოსოფოსი ქალი, რასაკვირველია, მოლჩალინზე შორს აღარ წავიდოდა. მართლაც იმას გაუნაყოფიერებია თავისი სწავლა მოლჩალინის შეყვარებითა. აი, სურათი საზოგადოებისა, სადაც სოფიო ხენეშით და მოლჩალინის სიყვარულით ვარჯიშობს, ფამუსოვი მუცლისთვის ფიქრობს და სკალოზუბს სულ მუნდირი და დისტანცია ელანდება. როდესაც ჩაცვი ნათლად დაინახავს ამ საზოგადოების სიყალბესა, მწარე სიტყვებით დაუწყებს კიცხვასა და ამის გამო მთელს საზოგადოებას მტრად გაიხდის. ჩაცვის იმიტომ უფრო ეწვის გული, რომ პატარაობიდანვე შეყვარებული სოფიო, უგუნურის აზრით წაუხდენია საზოგადოებასა. ვისაც შეხვდება, ჩაცვი ყველას დასცინის; როდესაც თავის საყვარლის გულცივობასა ჰხედავს, ვეღარ ითმენს და იმასაც ისეთი დაცინებით და უკუმეხათ ელაპარაკება, როგორც სხვებსა, თუმცა იმის ნორჩი გული კი ვერ მოშორებია ამ უგუნურს ქალსა. ამის გამო ბოლოს საქმე იმდენზე მივა, რომ გულ-ახდილი და გონება გახსნილი ჩაცვი უგუნურს და პირ-ბადე ჩამოფარებულს საზოგადოებას შემლილად გამოჰყავს და თავის წრიდგან განდევნის, არ შემოძლიან არ მოვიყვანო აქ ერთი ჩემი მეგობრის სიტყვები ჩაცვის მიმართ: „მოყვასო, ჩემო! ეს ქვეყანა ჯერ ისევ მასკარადია, რომელიც მიემგზავსება იტალიელს კარნავალსა (ყველიერსა), სადაც ერთად შეყრილი შესაქცევად, დამპალს ფორთოხლებს და ბურთებს ესვრიან თავში ერთმანეთსა და ფქვილს თავზე აყრიან. რამდენი ფქვილიც რომ შეაყარო მასკიანსა, მაინც არა უჭირს რა. მაგრამ როცა უმასკო მორთული და მოკაზმული კაცი მასკიანებში გაერევა და ფქვილს შეაყრიან და ბურთებს თავში ესვრიან, ქვეყანა იმაზე იცინის, თავიც რომ გაუტეხონ, არავის ენაღვლება. მაშასადამე, თუ გსურს ამისთანა საზოგადოებას რაიმე სარგებლობა მისცე, უეჭველად შენც ნახევარ სახეზე მაინც მასკად დაიდე“...

ცხადია, რომ ამ ჩვენგან გარკვეულის სურათის ცოცხლათ წარმოდგენა დიდს გავლენას იქონიებდა მაყურებელზე, მაგრამ საუბედუროთ ვერც ერთი ზემოთ გარკვეული ხასიათი ნამდვილათ ვერ ვიცვნეთ სცენაზე.

როცა ფარდა ახადეს და დაიწყო პირველი მოქმედება, სცენა წარმოგვიდგინა დილა; ღიზა (ასე ეძახდნენ ფამუსოვის გოგოსა) მიდგომია სოფიოს ოთახის კარებსა და არაკუნებს. ქალს მთელი ღამე მოლჩალინთან ალერსში გაუტარებია. გოგოს ეშინია, ბატონმა

არ შემოასწროს შეყვარებულებსა და უძახის ბატონის ქალს: კარგი-
 განშორდით, თორემ უბედურება შეგემთხვევათო. მივა და საათის
 სტრელკას გადასწევს, რომ დააკვრევენოს ცხრა და ამით ბატონის
 ქალს შეატყობინოს, თითქმის სადილობამ მოაწიაო. ამ დროს ფა-
 მუსოვა შემოვა ზალაში, უწყრება გოგოს, ჩემ ქალს ძილს რათ უფრო
 ხობო და ბოლოს წყრომას აღერსათ გადააქცევს გოგოსთან. სოფიას
 ხმას რომ გაგონებს, თითის წვერზე გავარდება ზალიდგან და კარ-
 რიდორში მოლჩაღინს შეეხლება. ამით აზრს აიღებს, ვინ თუ მოლ-
 ჩაღინი სოფიოსთან სააღერსოთ იყოვო, გაუჯავრდება. ქალსაც დაა-
 რიგებს და წავა თავისთვინ; მერე მოვა ჩაცკი; ის მხიარულია, სახ-
 ღვარ-გარეთიდგან ეს არის დაბრუნებულია. ჯერ შინ არ ყოფილა.
 რომ ფამუსოვის სახლში მირბის თავის შეყვარებულის სოფიოს სა-
 ნახავათ; ის კი გულცივად შეხვდება; ჩაცკი შეატყობს და მკვანეთ
 ელაპარაკება. მერე ფამუსოვი შეეყრება ჩაცკისა, გაიმართება საუბა-
 რი. ჩაცკი სიყვარულისაგან გაბნეულია და ფამუსოვის კითხვაზე სულ-
 სოფიო აგონდება. პირველი მოქმედებ ამით თავდება. ფარდა რომ
 ჩამოუშვებს, პარტერი დაიძრა. ჯეცობოდა, კარგი შთაბეჭდილება ვერ
 მიიღო. ნაცნობები ერთი ერთმანეთს უკმაყოფილოთ უცქეროდნენ:
 მართლაც რა იყო! ჩვენ ვხედავდით სცენაზე ფამუსოვის დროულ
 გვამებსა, იმათ ტან-საცმელსა; მაგრამ მოქმედი პირები კი ვერ გვი-
 სახავდნენ გრიბოედოვისაგან გამოყვანილს ხასიათებსა: ფამუსოვი
 ფამუსოვს არ გაედა, სოფიო სოფიოსა, მაგრამ ყველაზე უფრო სუს-
 ტი შეიქნა უფ. აგრამოვი ჩაცკის როლში. ის ემგზავსებოდა ცოცხა-
 ლის ჩაცკის მაგივრად, იმის სურათსა, რომლისთვისაც ჩაეცმიათ
 ჩაცკის ტან-საცმელი. ის პირიდგან ისვრიდა ჩაცკის სიტყვებსა,
 მაგრამ იმისი მიხვრა-მოხვრა და სახის უგრძნობელობა სრულებით
 არ შეესაბამებოდა იმის ლაპარაკსა. ერთი სიტყვით გრიბოედოვისა-
 გან გამოსახულს ხასიათებს ვერ ვცნობდით. სამწუხაროთ ამას ისიც
 უნდა დავუმატოთ, რომ აკტორები ხმა მალლა ვერ ლაპარაკობდნენ.
 ამის გამო მაყურებელთ ძალიან მოეწყინათ. შემდეგ მოქმედებაებში
 უფ. აგრამოვი ჩაცკის როლში სულ მისუსტდა. თამაშობა სულ წა-
 ერთო და უგრძნობლათ აღგენდა. მეორე მოქმედებაში გამოდიან
 იგივე პირები, და იმათ მიემატება პოლკოვნიკი სკალოზუბი, რომ
 ლის რილსაც თამაშობდა უფ. არკადიევი. ეს მოქმედება ცოტაოდ-
 ნათ გაცოცხლდა სკალოზუბის მხედრული რახარუხითა: იმის საუბა-
 რი მხოლოდ თავის პოლკების ამბავი, ჩინების მიღება და ომიანობა
 იყო. ამ მეორე მოქმედებაში ჩაცკი ექვს აიღებს სოფიოს სიყვარულ-
 ზე და უფრო გაჯავრებით ჰკიცხავს ამოცხედლობისთვის ამ საზოგა-

დობდასა. მესამე მოქმედებაში დაიწყო ვეჩერი. ამ ვეჩერში შეკრბა საზოგადოება. გაიმართა ტანცაობა და ამ ტანცაობამ მაყურებლებიც შეაქცია. სკალოზუბის და მეორე მხედრის ტანცაობამ ყველა გაამხიარულა, ამიტომ რომ ბევრს ფარსებს შვრებოდნენ. ამ ვეჩერში დაადებენ ხმას, რომ ჩაცკი შეიშალაო. აქ ერთი ძალიან დაბერებული ყრუ კნიაზი გამოვიდა სცენაზე და იმისმა კნავილმაც გაგვამხიარულა, მაგრამ ესეც ხომ ფარსების რიგში უნდა შეირატხოს. მეოთხე მოქმედება დაიწყო იმითი, რომ სტუმრები თავთავის სახლში მიდიან; ჩაცკი კიბეს უკან იმალება და მოლჩალინის მრუშობის მოწამე შეიქმნება. მოლჩალინი დაუწყებს ლიზას არშიყობას; ამ დროს სოფიო შემოესწრება და უნდა წარმოიდგინოთ იმისი შეწუხება, როდესაც თავის თვალთ ხედავს მოლჩალინის უპატიოსნებას. ყველაზე საუკეთესო უნდა ყოფილიყო უკანასკნელი სცენა, სადაც ჩაცკი ჰკიცხავს მოლჩალინის მრუშობას, სოფიოს უგნურებას და ამასთან საზოგადოების ნაკლულევანებას; მაგრამ რადგან აგრამოვი მიხვრა-მოხვრით და სახის გამომეტყველებით სრულებით ვერ ხატავდა ჩაცკის როლსა, ამის გამო ეს უკანასკნელი სცენაც ისე მკვახე შეიქმნა, როგორც პირველი მოქმედება.

ცხადია, რომ კამედია „ვაი ჭკუისაგან“, ერთობ სუსტად წარმოსდგა სცენაზე. რომელსამე აქტორს ან აქტრისას რომ სრულიად გაეცოცხლებინოს თავთავისი როლი, ამის თქმა არ შეგვიძლია. მხოლოდ ის სცენები იყვნენ გაცოცხლებულნი, სადაც მდაბიო ოხუნჯობა გამოდიოდა ხოლმე. ყველაზე უკეთ ადგენდა უ. მუზილი მოლჩალინის როლსა და სოკოლოვი რეპეტილოვის როლსა. კარპოვა ნიკიტრათ ჰბაძავს მოხუცებულს დედა-კაცს; მაგრამ იმის ნაკლულევანება ის არის, რომ ყველა მოხუცებულს ერთგვარათ ადგენს. ზოგიერთი ოხუნჯობა სკალოზუბისაც კარგი იყო. მაგრამ არც ერთი ხასიათი კი წამდვილათ არ წარმოდგენილა და ამისგამო, როგორც რიგი იყო, ისეთი გავლენა მაყურებლებზე არა ჰქონია ამ წარმოდგენას. საზოგადოთ რომა ვსთქვათ, ახლანდელს რუსულს ტრუპპას უფრო ეხერხება ის პიესები, რომელნიც მდაბიო ოხუნჯობით არიან სავსენი და სადაც ადვილათ გამოსახატავი ხასიათებია აწერილი, ესე იგი ვოდვეილები. რა პიესაშიაც კაცის უაღრესი თვისება და იმის გულისთქმა ნამდველათ მიკვლეულია, არც ერთი მისთანა პიესა კარგათ არ წარმოდგენილა სცენაზე. სასურველია, რომ ტრუპპამ უკეთესად შეასრულოს ხოლმე თავისი განზრახვა, ან თუ არა, თავი დაანებოს ზოგიერთს პიესებსა და მხოლოდ ისინი წარმოადგინოს, რომელნიც უფრო ეხერხება.

ბუნების გავლენა კაცზედ

როგორც ჩვენი წინა-პარი ადამი იყო, აგრეთვე ჩვენც ყველანი მიწის შვილები ვართ. ჩვენა ვართ მიწასთან განუყრელად შეკავშირებულნი; ის გვაძლევს ცხოვრების საზრდოსა თავის ნოყიერი ნაწილებით და ჩვენს ფილტვებს ჰაერს უმზადებს; შესახებ ნივთიერებითის ცხოვრებისა ის არის ჩვენი მაცხოვრებელიცა და მოძრაობის მომცემიც. ჩვენ, როგორც მიწის ზურგის მცხოვრებნი, მონაწილენი ვართ იმის ყოველგვარს მოძრაობაში და დამოკიდებულნი ვართ იმის კანონებზე. არა თუ ცალ-ცალკე აღებულნი პირნი ეკუთვნიან მიწასა, არამედ მთელი საზოგადოებისა და მთელი ხალხების ცხოვრებაც ისეა მოყვანილი და მოწყობილი, როგორც მოწყობილობასაც ითხოვს იმათი საცხოვრებელი ნიადაგი და როგორი ბუნებაც იმათ გარშემო ახვევია. მიწის ნიადაგი და გარემო მყოფი ბუნება ძალიან მოქმედებს კაცის მთელ აგებულებაზედ (ორგანიზმოზედ); ყველა გვარი ბუნებითი მოვლინება, ზღვისა და მდინარეებს მიდენ-მოდენა და ატმოსფერის *) თვისება—აძლევენ კაცს თავისებურს ხასიათს და ძალ-ლომეს,***) ამასთან ყველა ისტორიული შემთხვევა (ფაქტი), უმეტესობიხ, ქვეყნის გეოგრაფიულ მდებარეობაზედ არის დამოკიდებული, თითქმის შესაძლებელია ვსთქვათ, რომ კაცობრიობა წინ მი-

*) ატმოსფერა (ბერძნულათ), არის ჰაეროვანი ნივთიერება, რომელიც გარშემო ახვევია ჩვენს დედამიწას.

**) მეცნიერთაგან გამოკვლეულია, რომ რომელი ხალხიც, ზღვასა და დიდ მდინარეებს ახლოს სცხოვრებს, ის ვაჭრობის მოყვარეა, რადგან მისგლა-მოსვლას ადვილად შეუძლიან სხვა ქვეყნებში; ამ სხვა ქვეყნებში მისგლა-მოსვლით ისინი მოიპოვებენ გამოცდილებას და ამ გვარად ეხსნებათ კეჟუ და გონება. მაშასადამე დიდი წყლების ახლოს მცხოვრებნი მალე ნათლდებიან; ამასთან თავისუფლების მოყვარენიც არიან, მაგალითად: ბერძნები, ფინიკიელები, რომაელები, ანგლიელები, ამერიკელები, ჰოლლანდიელები და სხვ თბილს ალაგას მცხოვრებნი არიან უფრო ზარმაცნი და ამისგამო ცუდაობა და სინაზე უყვარსთ. მაგ. ოსმალები, ჩინელები, ინდოელები და სხვ. ვინც გრილ ალაგას სცხოვრობს, ისინი უფრო გამჭრიახნი და მშრომელნი არიან, სწავლასა და მეცნიერებასაც მისდევენ, მაგალთითქმის მთელი ევროპა და ჩრდილო-ამერიკის ხალხი. ცივს, ჭაყინულ ალაგას მცხოვრებნი, ტანითაც და გონებითაც დაჩაგრულნი არიან; მაგ. ესკიმოსები (ხალხია), ლაპლანდიელები, და სხვა ჩრდილო ქვეყნების მცხოვრებნი და სხვ.

დიოდა განათლებაში მხოლოდ იმ ქვეყნებში, რომელნიც მდებარებენ მაღლობზედ, ვაკე ალაგას და ზღვის პირებზე. ეს ჭეშმარიტებანი ჰუმბოლტის, რიტტერისა და გიუთოს გამოკვლევის შემდეგ შეიქმნენ გაცვეთილ ჭეშმარიტებად: თავი და თავი აზრი ჩინებული „ქვეყნის მეცნიერების“ მწერლისა ჰუმბოლტისა ის იყო, რომ „დედა-მიწა—კაცობრიობის სხეულია და კაცი კი დედამიწის სულია“.

ხალხში რამდენათაც განათლება ვრცელდებოდა და რამდენათაც ცოდნა ემატებოდა, იმდენათ ბუნებაზედ ზევითა დგებოდა, ესე იგი იმდენათ უფრო გამოდიოდა ბუნების გავლენიდან და თვითონ იწყებდა იმაზედ გავლენას; უწინდელს გაუნათლებლობის დროს კაცი უდრტვინველად და გაუგებრად ემორჩილებოდა ბუნებას. რამდენათაც ცოდნა და გამოცდილება მოემატა კაცსა, განათლდა, იმდენი უფრო თავის სურვილის გვარად მოეპყრო ბუნებას: ბევრგან შესცვალა იმან ხმელეთის პირი, ერთის მხრით მიმავალს წყლებს მისცა სხვა მხრით მიმდინარეობა და თითქმის ჰავაც გამოსცვალა. ერთის სიტყვით, რამდენიც დრო გადის და მეცნიერება ემატება კაცს, იმდენი იმის მოქმედება სულ სხვა სახეს აძლევს დედა-მიწის ზურგს: რაც დასანგრეველია—ანგრევს და რაც გასაკეთებელია—აუმჯობესებს თუ ხალხი განათლებით წინ არის წასული, მაშინ იმისი მოქმედება ბუნების გაუმჯობესობაზედ არის მიმართული და თუ განათლებით დაბლა სდგას—მაშინ ის ან სულ არ ეხება ბუნებას და ან თუ ეხება—აფუჭებს იმას. ბარბაროსი ჰმუსრავს მიწის მოსავალს და დაუდევნელად სტაცებს იმას თავის საუნჯეს, ასე რომ უწინ ნაყოფიერი და შემუშავებული მიწა, იმისი მოქმედებისაგან ჰხდება აოხრებული და ვერანი. ჭეშმარიტი განათლების პატრონი კაცი კი სულ სხვანაირად ექცევა მიწის ნიადაგს, რადგან ცხადად ესმის, რომ იმისი სარგებლობა მტკიცედ არის შეკავშირებული იმის გარემოების სარგებლობაზედ და თვით ბუნების სიმდიდრეზედაც. ამის გამო თავის წინა მოადგილესაგან მიცემულს ზარალს ის უკანვე უბრუნებს მიწას და მოუქნელის აოხრების ნაცვლად ჰმველის იმის ნაყოფიერებას, გაუმჯობესობას და გაშვენიერებასაც. როგორც ეს შეუძლიან კაცს, რომ აილოს მიწიდგან უფრო და უფრო მომეტებული სარგებლობა, ისე ისიც შეუძლიან, რომ ნაყოფიერებით გაამდიდროს იგი და მისცეს მისი მიმხიდველი და მშვენიერი სახე.

დედა-მიწის ზურგზედ მრავალი ისეთი ალაგი არის, რომელიც მხოლოდ აოხრების სურათს წარმოუდგენს მხილველს. კაცს მრავალ ალაგას თავისი სამშობლო-საცხოვრებელი უნაყოფო-უდაბურ ალაგად გარდუქტევიან: „სადაც იმას ფეხი მიუკარებია, იქ ბალახიც აღარ

ამოდის“. სპარსეთის, მესოპოტამიისა, და იდუმეს უმეტესი ნაწილი, მცირე აზიისა და არაბეთის მრავალი ალაგები, რომელნიც ერთს დროს ნაყოფიერებისაგან „დუღლნენ და გადმოდიოდნენ“ და მრავალ ხალხს ჰკვებავდნენ, ახლა უნაყოფო და უხალხო ალაგებათ შეიქმნენ. ახლა იქ თითქმის აღარავინა მოსახლეობს და თუ კიდევ დარჩომილან ვინმე, ისინიც ცარცვა-ტაციობითა და ადამიდამ აქამდის ხენა-თესვითა სცხოვრებენ. როდესაც რომის შემძლებელობა დაემხო ბარბაროსთაგან, მაშინ იტალიამ და იმისმა მახლობელმა თემებმა თავიანთ მიწიდგან უზომოდ ნაყოფის გამოტანა დაიწყეს და ამით მთელი თემები უდაბურებად გარდააქციეს; ის ალაგები ახლაც, ორი ათასი წლის დასვენების შემდეგ, მხოლოდ უნაყოფო მინდვრებს და მომწამლავ გარეშებს (ქაობი ადგილები იტალიაში) წარმოგვიდგენენ. ამათ გარდა ამერიკის შეერთებულ შტატებშიაც ბევრი ისეთი ალაგებია, რომელნიც უწინ ყოფილან ძალიან ნაყოფიერი და ეხლა კი მხოლოდ ველური მხეცების საცხოვრებლად დავარგანან. ამ ალაგების გავერანებას ყველას და ყველგან თითქმის ერთი და იგივე მიზეზი აქვს; ეს მიზეზიც ის არის, რომ კაცი თავის სიხარბით და უფიქრულობით რაც მიწას ნაყოფიერება აქვს—გამოაცლის და სანაცვლოს მობრუნებაზედ კი აღარ იფიქრებს. სადაც მიწას ესე დაუზოგავად ეპყრობიან, იქ უეჭველად ამავე ხვედრს უნდა მოელოდნენ.

წარმოვიდგინოთ კიდევ ერთი მიწის აოხრების მაგალითი. არა ალაგს არ მოსვლია ისეთი სწრაფი და დაუყოვნებელი აოხრება, როგორი აოხრებაც ფრანციის ალპებს *) მოსდით. ამ მხარეში წვიმასა და თოვლს მთების კალთებიდგან თანდათან ნაყოფიერი მიწა ჩამოაქვს და ზღვაში მიაქვს; ამის ნაცვლად შემუშავებული ფერდობების კლდეები, ნანგრევების გროვები და ყორედ ნაქცევი ველები დარჩება; ამასთან თანდათან ფერდობებზედ ხევები ჩნდებიან და ერთიან მთის ზურგს რამდენიმე გაცალკეებულ მთებათა ჰყოფენ; შემდეგში ეს მთები ჩამოწვებიან ხოლმე და თავიანთ ნაქცევებით მთელს არემარეს მოჰფენენ ხოლმე. ზოგიერთ ალაგზედ, ამ მხარეში, რამდენიმე ვერსტის სავრცეზედ კაცი ვერც ერთ ამწევანებულს ბუჩქს ვერა ნახავს. აქ მხოლოდ აქა-იქ გახუნებული საძოვრები და დაქცეული სახლები და სჩანს; ეს სახლებიც იმისგან დაქცეულა, რომ იმათი ახლოს მდებარე მთის ნანგრევები იმათ კედლებსა სცემიან. ამ მხარის მფლო-

*) ალპები იმ მთების ზურგს ჰქვიან, რომელნიც მდებარებს ევროპაში და შეადგენს ევროპის უდიდესს მთის ზურგს... ფრანცუზების ალპები იმ ალპების ნაწილს ჰქვიან, რომელიც ფრანციასთან მდებარებს და ფრანცუზებს ეკუთვნის.

ბელებს თავიანთის უმეცრებით მთის ფერდებზედ ტყე გაუჟაფავეთ და ამის გამო წყალი, უწინ (ტყის დროს) ნიადაგის მაპოხიერებელი და მაპატიებელი, ეხლა გამარხრებელ სახსრად შექმნილა.

ტყის გაწყვეტითაი, ისეთი მავნებული ცვლილება მოხდება ხოლმე დედამიწის ზურგზედ და უმეტესად მთიან ალაგას. უტყეო ვაკე ალაგები უფრო ნაკლებად არიან ზარალში და უფრო წყნარად და გვიან მოხდება ხოლმე იმათი ნაყოფიერების დაკარგვა; მაგრამ მაინც იმათთვისაც აუცილებელია ეს ხვედრი. ყველა გეოგრაფები*) ერთხმით ამტკიცებენ, რომ წვიმა იქა კლებულობს, სადაც ტყე შეშის მჭრელებისაგან არის აკლებული, და იქ მეტობს, სადაც ახლად ნერგვენ ტყეს; ტყის გაწყვეტას ბუნებაში სხვა და სხვა ცვლილება მოაქვს და წვიმებიც უთანასწოროდ მოჰყავს. ამას გარდა წვიმები ტყიან ალაგებს სარგებელს აძლევენ და უტყეოს კი აზარალებენ. წვიმის წვეთები როდესაც ტყეს ეცემიან, ხის ფოთლები იმათ მაშინვე ძირს არ უშვებს, არამედ ნელ-ნელა ხმელი ფოთლებით მოფენილს ალაგზედ აწვეთებს; ამის გამო როცა ტყიან ალაგას წვიმა მოდის—ძირს ეთბაშად არ ეცემა, არამედ ნელ-ნელა ეცემა და ამიტომ მიწის ნიადაგს უჯდება შიგ; უტყეო ალაგას კი წვიმა ერთბაშად ეცემა და ველარ ასწრობს ნიადაგში ვაჯდომას, ხდება ნიაღვრად, ხევებში გროვდება და მდინარეებში მიდის. ამ გვარს ნიაღვრებს ხასიათად ისიცა სჭირს, რომ ზევითა პირს ნაყოფიერს მიწას გლეჯს და ჰლეკავს მდინარეებში. ამას გარდა ამგვარ ალაგებში მდინარეების ადიდებაც ხშირად მოხდება ხოლმე და ბევრჯელ ისე ადიდება, რომ ჰრდენის და აოხრებს თავის ნაყოფიერს ნაპირებს. ამ უბედურს შემთხვევებში დამნაშავე თვით კაცი არის და დაჯერებით უნდა ვსთქვეთ, რომ ამ გვარი უბედურების აცილება ძალიან შესაძლებელია, და თუ სრულებით აცილება არა—შემცირება კი უეჭველად ადვილია: ამისთვის საჭიროა მხოლოდ ძველი ტყეების გაფთხილება და ახალის დაშენება*).

*) გეოგრაფია ბერძნული სიტყვაა; ქართულად იქნება: მიწის აღწერა. გეოგრაფია ის მეცნიერებაა, რომელიც იპყრობს დედა-მიწის ზურგის აღწერას თავის ქვეყნებით, წყლებით და ხალხებით; ის შეიცავს, თუ რა დამოკიდებულება აქვს დედა-მიწას სხვა ცის მნათობებთან და პლანეტებთან, და ან მრავალს გვარს იმის პირს რა გავლენა აქვს ცხოველებზე და მცენარეებზე. ხოლო გეოგრაფია იწოდება ამ მეცნიერების მკოდნეს და გამოძველებულს.

**) ქუთაისის კორრესპონდენტი, წარსული წლის (1867 წ.) რიონის ადიდებას („დროება“ 1867 წ. №29) ძალიან საბუთიანად აბრალებს ტყის გაწყვეტას იმ ალაგებში, სადაც რიონსა და იმის პატარა მდინარესა აქვს სათავე. ამ ტყის გაწყვეტისავე ბრალია ისიც, რომ იგივე კორრესპონდენტი (№11 და 13) იმერეთის

ამ გვარად კაცის ხელით არის წყლის მოკლებაც და მომატებაც რომელსამე ალაგში. ამასთან, რადგან ჰავის სიკარგეც და სიცუდეც დამოკიდებულია სისველისაგან და სიხმელისაგან, ამიტომ კაცს ისიც შეუძლიან, რომ მხარესმისცეს კარგი ან ცუდი ჰავა. სადაც ქალაქებია დაშენებული, იმ ადგილებში ყოველთვის მომატებული სითბოა, ვიდრე გარშემო დაუშენებელს ალაგებში.. მაგრამ ამას თავა დაეანებოთ.. სადაც კარგა დიდი ტყე გაუწყვეტიათ და სახნავ მიწებად გადაუქცევიათ, იქ სხვა და სხვა წლის დროებზედ მოხდება ხოლმე დიახ საგრძნობელი ჰავის ცვლილება.. ჰავასა სცვლის აგრეთვე მემადნეებისაგან ხელუხლებელი ნიადაგის თხრა. შეეციის მრავალ ალაგებში, სადაც ამ საუკუნეს წინ ტყე იყო და ეხლა კი გატიტვლებული ალაგია—გაზაფხული უწინდელზედ ორი კვირით უწინა დგება ხოლმე: საზოგადოდ უნდა ვსთქვათ, რომ ტყეებიც არბილებენ

ჰავის დაუდგრომელობაზედ ამბობს, რომ ღამე დაღამდება ზაფხულად და გათენდება ზამთრად და ან ღამდება ზამთრად და თენდება ზაფხულად. ეს ჰავის დაუდგრომელობაც, როგორც ქვევით ვიტყვით ტყის გაწყვეტისავე ბრალია, რადგან ტყეს ისეთი თვისება აქვს, რომ ჰავას არბილებს და ამიტომ უეცარი ცვლილება ტყიან ალაგას არ მოხდება ხოლმე. ამ გვარს ჰავის დაუდგრომელობას, რასაკვირველია, თან მოსდევს ყველა გვარი საქონლისა და კაცის ავთიმყოფობა (მაგ. ჭირი, თურქული, ციებ-ცხელება და სხვ.), მცენარეების მაზარალებელი უძროო ქარები და ნაყოფიერი ნიადაგის მრღენელი ნიაღვრები, რომელნიც ახრიოკებენ ნიადაგს და ნაყოფიერი ნიწა მიაქვთ მდინარეებში. უნდა ვიფიქროთ, რომ ჩვენს საქართველოში ბევრჯერ და ბევრჯან მოხდება მდინარეებისაგან რღვნაც, საქონლის ავადმყოფობაც და ყველა გვარი ციებ-ცხელებაც, რომელნიც საქონელსაც და პატრონსაც საკმაოდ აზარალებენ, რადგან ჩვენში მზა დაშენებულს ტყეს თითქმის არსად არ უფროთხილებიან და ახლის დაშენება ხომ ჯერ ფიქრადაც არავის მოსვლია. ქართველმა კაცმა იცის: მიჰყვება ტყეს თავიდან და ბოლომდის გაჰკაფავს განურჩევლად დიდისა და პატარასაც, და მხოლოდ იმასა ფიქრობს, რომ თითონ ისარგებლოს ესე იგი, ცეცხლი დაინთოს, სახლი აიშენოს და ფული აილოს და ამ გვარი დაუდევნელობის შედეგებზედ, ან მომავალი ხაობის სარგებლობაზედ დარდი სრულებითაც არა აქვს. ჩვენში იქნება არც გვალვა ყოფილიყო როდისმე, არც მცენარეების მაზარალებელი ქარი, არც მდინარეების ადიდება და წალექვა იმათგან მთელი წლის ჭირნახულისა და არც მრავალგვარი კაცისა და საქონლის ავთიმყოფობა და ზოცვა. — რომ ტყეებს რიგიანად ეპყრობოდნენ, განურჩევლად ორ სჭირდნენ დიდსა და პატარა ხეს და ან მოკრილის სანაცვლოდ ჰნერგავდნენ სხვას. თუ კვლავაც ესე მოიქცნენ და ძველებურად არ დაზოგეს ტყე — ჩვენი მამულის მეპატრონე ბევრჯერ იჩივლებს გვალვაზედაც, ნიაღვრებზედაც, წყალდიდობაზედაც, უძრო სიცივეზე და სიცხეზედაც, საქონლის ჭირზედაც, ციებ-ცხელებაზედაც, ზენა და ქვენა ქარზედაც და კიდევ, ვინ იცის, რამდენ სხვა უბედურებაზედ!.. ღმერთმა კმნას, რომ ყველა ჩვენმა მემამულემ მიუგდოს ყური ამ მეცნიერთაგან გამოკვლავულს ქეშმარიტებაებს და აღარ ააოხრონ დაუზოგავად მრავალი სიკეთის მომცემი ტყე...

ჰავას, როგოსც ზღვები, ესე იგი, ზნმთარს ათბობენ და ზაფხულს აგრილებენ. ზოგიერთი მწერალი ამტკიცებს რომ ჩრთილო-დასავლეთის სუსხიანი ქარი, რომელიც სევენის *) მთებიდან ჰბერავს და პროვანს **) საშინლად აზარალებს, თვით კაცის ხელით არის გაჩენილი, რადგან იმ ქარმა მას აქეთ დაიწყო ბერვა, რაც იმ მოხსენებულ მთებზე ტყე გააწყვიტეს.

ქაობების ციება და სხვა-და-სხვა ავადმყოფობა, რომელსაც ჩვენში დაცდას ეძახიან, იმ ალაგს ჩნდება ხოლმე, სადაც ტყეს შეუჩნდება შემმუსვრელი ცული.

კაცის გავლენა აგრეთვე დედა-მიწის მცენარეებზედაც დიან საგრძნობელია. უზარ-მაზარი ხეები ბევრ ტყეებში შემციოდნენ, რადგან კაცის გაუმაძღრობა მხოლოდ იმათ შემუსვრას ფიქრობს და მაგიერის დანერგვას კი არაოდეს. მაგალითად უნდა მოვიყვანოთ ამერიკის შეერთებული შტატები და კანადა ***)- იქ გადასახლებულთ ევროპიელთ დაჰხვდათ იქაურს ტყეებში საშინელი ტანის ხეები. რომელნიც სიმაღლით აუწევდნენ სამოცს და სამოცდა ათს საყენამდის. ეს ხეები იმათ თითქმის სრულებით გააწყეს და სანაცვლოზედ კი არ უფიქრიათ. ან კი რა ადვილია იმოდენა ხეების აღრზდა? იმათი აღზრდისანგის საჭიროა ასა და ათასი წელიწადები, და რასაც ესე დიდხანს უნდა ლოდინი, იმას გაუნათლებელი კაცი ადვილად ვერ აკეთებს, რადგან არც ძალიან შორს დამნახველია და მომავალზედაც, უმეტესად იმისთანა გვიან მომავალზედ, არა ფიქრობს; ამასთან იმას თავის საჭიროების დაკმაყოფილება თუ ახსოვს, თორემ მომავალი ჩამომავლობისათვის ზრუნვა ეზარება. ამის გამო ტყეებსაც მოსდისთესეთი შემმუსვრელი ხვედრი, რომელსაც თვით კაცისათვისვე მრავალი უხერხობა და უბედურება მოაქვს.

სახნავი ალაგების მოთხოვნილებას, გემების საჭიროებას და სხვა-და-სხვა ვაჭრობას მოაქვს საშუალო ტანის ხეების მუსვრა. ეხლანდელ დროში ყოველ წელიწადს იჭრება რამდენიმე მილიონი ხე, ****)

*) სევენის მთები ეწოდება მთის ზურგს, რომელიც მდებარებს ფრანციის სამხრეთ-დასავლეთის მხარეზედ.

**) პროვანსი არის ფრანციის სამხრეთით მდებარე მაზრა, საშუალო ქვეყნის ზღვის პირზედ.

***) კანადა—ანგლიის დიდი კოლონიაა, ჩრდილო ამერიკაში.

****) თავი დავანებოთ ამ ტყის მუსვრას, რომელსაც მოახდენენ ხოლმე დურგლები, გემების მკეთებლები და რკინის გზის ინჟინერი. ამას გარდა კიდევ რამდენ ვეროლმან საკმეზე მიდის ხე, რამდენი ათასი დღეურები არიან მრტიტვლებულნი სპიჩების მკეთებლებისთვის, რენტცების სიტყვით, ერთი პატარა ქალაქი, ზონნებერგი ფიქვის ხისგან ყოველს წელიწადს სამიათას ტონას (ტონნი სამოცი ფუთია) სათამაშოს აკეთებს. ამერიკის ომის პირველ ორ წელიწადში, ერთმა ევროპიელმა ზავოდმა თოქის კონდახებისთვის ოცდა რვა ათასი კაკლის ხე შემუსრა.

ამათ ნაცვლად ბალახეული მცენარე მრავლდება და უფრო-და-უფრო გრძელ ადგილებს იჭერს. თითქოს შეუძლებელია ვიფიქროთ, რომ კაცს შეჭურვია ბუნების ძლიერება და ცდილობს შეამციროს ყველა მიწის ნაწარმოები (მოსავალი), რომ ისინი იმაზედ ზევით არ იდგნენ.

კაცობრიობას პირუტყვებსა და ცხოველებზედაც ამგვარი გავლენა აქვს. ეჭვი არ არის, რომ სიბერის მამონტი, ირლანდიის დიდი ირე-ში და კიდევ სხვა დიდი ტანის ნადირები იმისთვის გასწყდნენ, რომ მონადირეები სდევნიდნენ მათ. ახლანდელ დროში ლომი, მარტორქა და სხილო უფრო-და-უფრო ჰმორდებიან კაცს და ადრე იქნება თუ გვიან—სრულებით გაწყდებათ დედა-მიწაზედ. უზარ-მაზარი სტელერია (steleria) წარსულ საუკუნეში ბერინგის სრუტზედ (ზღვის გარდასადინარი*) ძალიან ბევრი იყო და ეხლა ერთიც აღარსად წაწალბეს. გრენლანდიის***) ვეშაპსაც ყველა ზღვებში ემტერებიან. ზღვის ღორიც ყოველ წლივ ათასობით წყდება კაცისაგან; ნათელ თევზსაც ბევრს იჭერენ და მსინიც თანდათან ცოტავდებიან. მრავალ გვარ ფრინველსაც ამ გვარადვე ჰმუსრავს კაცა.

მაგრამ ფრინველის უფიქრელ გაწყვეტას მრავალი მავნებელი შედეგი მოაქვს. მავნებელი და მაზარალებელი მწერები უფრო და უფრო მრავლდებიან (მაგ. კიანჭველა, კალია და სხვა.), რადგან მტერი ფრინველები კაცისაგან მოშორებული ჰყავთ. აგრეთვე ვეშაპებისა და იმის გვარი თევზების გაწყვეტამ ის მოიტანა, რომ ზღვაში მელუხები და ინფუზორიები***) მრავლდებიან.

ეხლანდელ დროში კაცობრიობა თავისი მრავალგვაროვანი მეცნიერების შემწეობით მიხვდა, აუ რამდენი უბედურება დაიხწივა თავს; ამიტომ ის ეხლა იწყებს ბუნებასთან ბრძოლას, იწყებს და ბევრს თავის უწინდელ შეცდომილებებს ეხლა ისწორებს. ამას გარდა ეხლა მრავალი საზოგადოებაები და თითქმის მთელი ხალხიც არა სჯერდებიან ბუნების უწინდელს დონეზედ დაყენებას, არამედ ცდილობენ კიდევ, რომ უსაჭირო და უმაქნის ალაგები შეიმუშაონ და გამოიყენონ და დაუდგრომელი შრომით ბევრგან ასრულებენ ამ თავის წადილს.

*) ზღვის სრუტი, ანუ გარდასადინარი ჰქვიან იმ წყალს, რომელიც ორ ზღვას აერთებს. ბერინგის სრუტი აერთებს ჩრდილოეთისა და აღმოსავლეთის ოკეანებს.

**) გრენლანდია არის ჩრდილოეთის ოკეანის კუნძული, მანლობლად ჩრდილოეთის ამერიკისა, ძალიან ცივი ქვეყანაა.

***) ინფუზორია არის ერთი კატარა ცხოველი ბუშტის მსგავსი, რომელსაც არც პირი და არც ვასავალი აქვს. ცხოვრებს წყალში და ტანით შეისვამს წყალში გამდნარ ნივთიერებას.

ამ უკანასკნელ საუკუნეებში მრავალი, სასარგებლო ცვლილებები მოხდა ამ ჩვენ დედა-მიწაზე, ისეთი ცვლილებები, რომელნიც ცხადად გვიმტკიცებენ, რომ კაცის მტკიცე ნების და დაუხებრომელ შრომის ბევრი კარგი საქმე შეუძლიან. ამის დასამტკიცებლად მოვიხსენოთ ჰოლლანდიელების დაუდგრომელი შრომა, რომლის შექმნით იმათ თავიანთი ნიადაგი ზღვისა და მდინარეების რღენისაგან გაამაგრეს. საშუალო საუკუნეებში ჩრდილო ზღვის კიდეებზედ მცხოვრებნი ყოველ წელიწადს ზღვის ტალღებს უნდა მორიდებოდნენ და ამისგამო სულ უკან-და-უკან იწევდნენ. ამასთან, თითქოს თავის მტერი არიანო, ჰკაფავდნენ იმ ტყეებს, რომელიც ჰტარავდა იმათ ქვიშა მომბერავი კარისაგან და ტორფიან ალაგს გაუბრთხილებლობისაგან გადააქცევდნენ ხოლმე ქაობებად და გუბებად. ასე რომ დიდი ღელვის დროს მრავალი ათასი დღიური მიწა ნახნავ-ნათესით და დაშენებული სოფლებით წყლისაგან ინთქე ბოდა ხოლმე.

უკანასკნელ საუკუნეში ნიდერლანდის მეურნეობა წარმოგვიდგენს ჩვენ ოკეანესთან გამუდმებულ ბრძოლას; ამ ბრძოლაში გამარჯვებული რჩება ნიდერლანდიელი მეურნე. ის მუდამ თვალ-ყურს ადევნებდა ტალღებს, რომ შეეცყო, თუ საითა ჰქონდათ იმათ ძალა და ის მხარე იმან ათას გვარი ოსტატობით გაამაგრა; ამასთან მიწის დაყრით და კიდობნების ჩაყრით ისე მოაგვარა საქმე, რომ ოკეანეს უკანვე წაართო მრავალი მიწა, რომელიც უწინ დაენტქო იმას თავის ტალღების ძალით. უფრო გამოსაჩენი საქმე იმათი ის რყო, რომ მთელი პარლების ტბის წყალი ზღვაში გადაასხა, და ახლა აპირებს ზუღერზეს სრუტის გამშრალებას, იმ სრუტისა, რომლის გაქრახედ ჩრდილოეთის ზღვის ღელვას მოუხმარებია ათასი წელიწადი!

ყველა განათლებულს ქვეყნებში ამ გვარად სასარგებლოდ შრომობს კაცი და მრავალს მავნებელს და უსარგებლო ალაგებს სასარგებლო ალაგებად გარდააქცევს ყველგან, თითქმის უდაბურ, უწყლო მინდვრების განაკოფიერებასაც ცდილობენ არტეზის *) ტბების მოთხრით და ამ საქმეს კიდევ ასრულებენ.

ესეთი სასარგებლო შრომა კაცისა დედამიწის ზურგის საჩეს ძალიან სცვლის, და ამ ცვლილებას, რასაკვირველია, ჰავის ცვლი-

*) არტეზის ტბებს იმ გვარ ტბება ეძახიან, რომელთაც დიდი მიწის ბურაოთი მოთხრიან. ამ გვარი ტბის გასაკეთებლად იკამდის სთხრბან მიწას, ვიდრე წყალს არ მიხანწვენ; თუ წყლამდის გაზვრიტეს დედა-მიწა, მაშინ წყალი დედა-მიწაზე მაღლა მოხბუტეს ხოლმე. ამგვარი ტბები მოიგონეს არტუაში (ფრანციის თემია) და იმის გამო ეძახიან არტეზის ტბას.

ლებაც მოსდევს. ერთი სიტყვით კაცს თავის შრომითა და ძალით დედა-მიწის ზურგზედ ბევრი ცვლილება მოუხდენია. ის ადგილები, რომელზედაც უწინ თვით მერცხალიც ვერ გაჰბედავდა ყოფნას, ახლა მშვენიერ და სასიამოვნო ალაგებად არის ნაქცევი; სადაც უწინ ქაობები, წუმპოები და მომწამლავეი ჰაეა ყოფილა, ახლა იქ გამშრალიც არის და ჰაეაც ძალიან სასიამოვნო და მარგებელია. მაშასადამე გაუჰაძლის და დამცდელს ალაგებსაცა აქვსთ შველა. ცუდი ჰაეაც შესაძლებელია კარგ ჰაეად გახადოს. თუ ჰაეის გამოცვლა შეუძლიან კაცს, შეჭველია, ისიც შეეძლება, რომ ოდესმე წვიმებიც გაახშიროს, ამის მაგალითიც კი არის. ლომბარდიაში ეხლა უფრო ბევრი წვიმა მოდის, ვიდრე უწინდელ დროში; ამის მიზეზი ის უნდა იყოს, რომ იქ ახლა ბევრი წყლის არხები გაიყვანეს მინდვრების მოსარწყავად, და ეს არხის წყლის სიუხვე წვიმის წყალსაც ამრავლებს, რადგან სველი მინდვრებიდამ და წყლით სავსე არხებიდგან ორთქლად არეული წყალი ღრუბლებად გროვდება და უკანვე ჩამოდის წვიმად.

ყველა ამგვარ ახირებულს შრომასთან რომ ბუნების გამშვენიერებაზედაც ფიქრობდენ, მაშინ უფრო უკეთესი იქნებოდა კაცისთვის. ზოგჯერ მთელი ხალხი ისე უანგარიშოდ ექცევა თავისგან დასახლებულს ალაგს, რომ თითქოს იმისი წადილი ბუნების დამახინჯება იყოს, სადაც აქა-იქ გადარჩენია ხეცულს იმასაც კი სკრიან და ნაცვლად ავლებენ გახრეკილს ქუჩებს და მეიდნებს. განა არ შეიძლება, რომ ქუჩებიცა და მეიდნებიც გააკეთონ და სახლებიც ააშენონ ისე, რომ ბუნებას თავისი სიმშვენიერე და ჰაერის გამწმენდელი ხეები არ წაართონ?!.. თუმცა ხალხი ანგლიაში შეფარდებით... შედარებით მიწა ცოტაა, მაგრამ იქაურ მხვენელ-მთესველს დიდი ნაყოფიც გამოაქვს მიწიდგან და ბუნებაც მშვენიერად აქვს შემკული; იქაურ მინდვრებზედ ჰნახავს კაცი აქა-იქ მდგარს ათას წლოვანს მუხის ხეებს, რომელთაც თავიანთი მდიდროვანი შეფოთლილი ბორჯღლები ნახნავებზედ აქვთ გადაფენილი; იქ ყველა სოფელს, ყველა ციხე-დარბაზებს მშვენიერად ამწვანებული ტყეები ახვევია. ირლანდიაში და შოტლანდიაში, სადაც უწინ გაუკაფავთ ტყე და მოუტიტვლებიათ მთები და ბორცვები, ახლა კვალად არიან ხშირი ტყით მოფენილი. რომელიც უმისოთაც მშვენიერს ბუნებას უფრო მშვენიერს სახეს აძლევს. ამ გვარად კაცის ხელოვნებას და ძალას შეუძლიან გააკეთოს და გამშვენიეროს ბუნება თავის სასარგებლოდ.

მაგრამ უნდა აღვიაროდ, რომ ახლანდელს დროში მოწინავე ხალხი ბუნების სიმშვენიერეს ბევრს აღარ დასდევენ; ისინი მშვენი-

ერებასა და პოეზიას ზევით ძალასა და გამორჩენას აყენებენ. ახლანდელს დროში კაცის წადილი ის არის, რომ თავის მოთხოვნილებების გვარად შეიმუშაოს მიწა და სრულებითაც დაიმორჩილოს იგი, რომ მისს აუარებელს კაცის ღიმდიდრეს, უფრო აღვიღათ ჰხვეტდეს. დედამიწის ყველა მხარეზედ რკინის გზებსა ჰფენს, ტელეგრაფის მათულს აბამს, ცდილობს უდაბური ხრიაკა აღგბლები ნაყოფიერად აქციოს, წყლების ადიდების და მინდვრების წალექქვას ბოლოს უღებს; ამას გარდა მთებსა და ბორცვებს ასწორებს, მთებში გასავალს ხვრელებს (ტუნელი) აკეთებს, წითელსა და საშუალ ქვეყნის ზღვას აერთებს, და ამასთან აპირობს კიდევცა, რომ წყნარი ოკეანეს წყალი ატლანტიის ზღვის წყალთან შეაერთოს. მაშასადამე, კაცი ეხლანდელს დროში მხოლოდ იმასღა ფიქრობს, რომ მთელი დედამიწის ზურგი თავისებურად გადააკეთოს და სრულ იმის ბატონად შეიქმნეს, რომ იმის ნაყოფით უფრო უკეთ ისარგებლოს. თუ ამ დროში გამორჩენის წადილმა ასეთი სასწაულები მოახდინა, მაშინ რაღა უნდა შეიძლოს კაცის კეუამ და ძალამ, როდესაც მეცნიერება კიდევ სხვა სახსრებსა და ხერხებს მისცემს იმას? როდესაც კაცი გაიგებს ბუნების ზოგიერთს ძალას და მიზნებს და თავის მოქმედების სახსრად მოიხმარებს იმათ, მაშინ ის ყველა საქმის აღსრულებას შეიძლებს, რაც უნდა დიდი იყოს ეს საქმე; მაშინ იმას იქნება ისიც არ გაუჭირდეს, რომ რაც მთებია, თუ კი საჭირო იქნება, სულ ზღვაში უძახოს და ამ გვარად ამალღებული ალაგები—დაზღაბლოს და ჩაღრმავებულები—ამოაგსოს და საშინელი სივრცის მექონე უსარგებლო ალაგები ნაყოფიერად და კაცისათვის სახმარა ალაგებად გახადოს!.

ჩვენი ცხოვრების ქრონიკა

ჰავის დაუდგრომლობა ტფილისში.—საზოგადოთ ჰავის გამოცვლა.—იმერეთში ტყის შეჭურვა, ქარისა და ნიაღვრის მოვარდნა.—რა უნდა ქმნას იმერელმა, რომ ახალს ჰავას ცხოვრება შეათვისოს?—ტფილისში ქართველობის არარაობა.—პედაგოგიური ყრილობები და იმათი მოქმედების მოკლეთ განხილვა შარშან და წლეულს.—პედაგოგის მნიშვნელობა. კლასიკური და რეალური განათლება. კატეხიტეკური მეთოდა.

ამ უამად ტფილისის ჰავა მიემგზავსება ცუდი ზნის ყმაწვილსა, რომელიც ამ წამს კასკასებს და იმ წამს ტირის. დილას რომ მზეა, შუადღის ჟვან ცას დაეხვევა შავი ღრუბელი და გამოუშვებს წვიმა-თოვლსა. საღამო რომ მყუდროა, დილას ასეთი საშინელი ცივი ქარი უბერავს, რომ კაცს თავიდგან ფეხებამდის ხუთავს: მაინც, ბატონო, საშინლათ შეგვეცვალა ამინდი. ჩვენ მოხუცებულებს რომ ნეტარი დრო გვექონდა, ის აღარ არის. ჰავა საძაგლათ გაფუქდა და ამან მოგვშალა ყველანი, სულ იმ ცივი ქარის ბრალია, ბატონო! კარგა ხანია რაც ეს ქარი მოტყდა და მას აქეთ ჩვენს ნიადაგზე ზრას გაუხარია; ხეხილი და სხვა მცენარეობა დასძრა, ნაყოფი გაუფუჭა: მე რომ უწინ გემოვანი ნაყოფი მახსოვს, იმისთანა აღარსად არის; ხილი დამჟავდა, ზოგი სულაც გამწარდა; რაც მცენარეს დაემართა, სულიერსაც რომ ის უბედურება ეწია! სოფლად პირუტყვს ვეღარ გაუხარნია. თავის დღეში არ მოსწრებია კაცი ამდენს საქონლის ჭირსა! შრთელს არსებას ვეღარ იპოვით: სულიერი გინდათ თუ უსულო გინდათ ყველა დაზიანდა.

კარგა ხნის კაცი ვახლავარ, და ძალიან კარგათაც მახსოვს, მაგალითად, იმერეთში რომ ქარი არ იყო, არც თოვლი მოდიოდა. ზაფხულში პაპანაქება სიცხე იდგა და ზამთარში ველი ჰყვავოდა. რა-

*) ცენოზრის მიერ არის ამოღებული.
რედ.

საკვირველია, რომ ამისთანა ჰავაში კაცს თბილი ტანსაცმელი არ დასკირდებოდა; რაც ჰქონდა ტანზე, ისიც უნდა გაეძრო სიგრილისთვის. დამთბარი სახლი რომ კიდევ ჰქონოდა, რას გამოადგებოდა იმ დროსა; ჭუჭრუტანებიანი ხის სახლი ყველას ემჯობინებოდა, რადგან ყოვლის მხრით მომბერავი სიო კაცს გრილათ ყოფნას შეაჩვევდა. ახლა, ბატონო, ხალხი გამრავლდა, მავნებელმა ცივმა ქარმა მოჰბერა. ის კი არა თუ, მაშინვე მოეფიქრებინათ ჩვენებურებს ტფილის ქვეთკირის ბუხრიანი სახლების კეთება. არა, შენც არ მომიკვდეთ! სიცივემ რომ კანი აუწყვა, იფიქრა ამის გამთბობი ცეცხლიაო და დაუწყო ტყეს კაფვა: დაუგდო ცული, ბატონო, და სულ ერთიანათ მოატიტვლა მთელი იმერეთი, ტყე რომ აღარ იყო ბარში, ჰაერსაც სინოტოვე დაეკარგა, სიცხემ გაახურვა და ეს გახურებული ჰაერი თოვლიან მთების ცივს ჰაერს შეერია და ამან დაჰბადა ასეთი საშინელი ხმელი ქარი, რომ მთელი ნაყოფიერება გააშრო და მოსწყლა. ეს კიდევ არაფერი: ბარში რომ ტყე გასწყდა, მერე მთაში დაუწყეს ხეებს ქრა და თითქმის მთებიც გაახრიაკეს. ახლა წვიმის დაშტერი ტყე აღარსად არის; ამისგამო წვიმის წყლები ერთბაშათ ჩარბის მდინარეებში. ისინი უეცრად აღიდდებიან, ქალებზე გადივლიან ხოლმე და ნამუშევარი ზოგი ღვარს მიაქვს და ზოგს ქვიშა მარხავს. ამის შემხედვარე იმერელი უწინდულათვე ფეხშიშველა გაფარდლებული ჭუჭრუტანებიანს ქოხში ჰზის და სწუხს მართო ამ სიტყვებით: „ვაი რავა დევიფსეთ და დევიშპით.“ ცივი ქარი კი თავისას არ იშლის უბერავს კანქებში, სძენს იმერულს ავათმყოფობას და ჰკლავს იმერლებს ბუზებსავით: არ ამოწყდები აბა რა დაგემართება! ჩემო ძმაო, მაგას მწუხარება ვერას უშველის. ჟამი იცვალა, სხვა ჰავა დადგა. ამ დროს გაჩერება არ ვარგა. როგორც დრო მოითხოვს, უნდა ეცადო, იმახ შეათვისო შენი ცხოვრება, თორემ ჟამისათ შენც ხელი უნდა აიღო სიცოცხლეზე. ტყეს გაუფრთხილდი. მოტიტვლებულს მინდვრებზე ისევ ხეები გააშენე, ფიცრულს სახლს თავი დაანებე. ცივს ამინდში ფიცრული სახლი ვერ გაათბობს. ქვა ბევრი გაქვს, თიხა ბევრი. მოზილე თიხა, იმით ქვეთკირის ფეჩიანი სახლები გაიჩინე. ჭუჭრუტანებში სიცივე აღარ შემოგეპარება. ამისთანა სახლში ყოველდღე თითო ჯერ მეტათ არ დაგკირდება ფეჩის გახურება. აღარ გაგიცივდება. შეშაც ძალიან ცოტა გეყოფა. სახლის ასაშენებლათ და ნიადაგ საწვავად ხეებს აღარ დაუწყებ ქრასა; მთებში ტყე ისევ გასქელდება, ნიაღვრები აღარ შეგაწუხებენ და ნამუშევარიც აღარ წაგიხდება. ფეხ-შიშველა და ფარდალალათ სიარულს თავი დაანებე. თბილათ ჩაიცვი და ამტს

გამო აღარც სატკივრები აგიტყდება. აი ამით შეათვისებ ახალს ჰავას შენს ცხოვრებას და სიცოცხლის დღეც მოგემატება. მაგრამ რას ვამბობ? ვინ მისცა ქართველს ამისთანა თადარიგის თავი! ფუმცა ვიცი ქართველის ამბავი, რომ იმას ეს ჩემი სიტყვები არაფრათ იამება. რადგან ბუნებით ძალიან ამაყი კაცია, მაგრამ სიამაყე კიდევ არაფერი, ეს ცოტაოდნად თავის დაუასებას მაინც ამტკიცებს, უბედურება ეს არის, რომ სიამაყესთან ტრახახიც ძალიან იცის. ხშირად მანახავს ხოლმე პატარა ქართველი ბიჭი, რომელიც ქვეშ მოქცევაა მეორე ბიჭსა და არის გადაგრული. ჰხედავ, რომ აღარაფერი არ შეუძლიან, ცემით თავბირს ამტვრევს მეორე; მაგრამ არა, თავისას მაინც არ იშლის, იძახის: „ამიშვი, თორემ მოგკლავო“; საიდგან მოჰკლავ, რომ თვითონ შენ გკლავენ. ამ ყმაწვილისა არ იყოს, ახლა ყოველი ქართველი, რომელიც ტფილისში ჩამოსულა, დაუყვინია: „ტფილისი ჩვენი დედა ქალაქი არისო.“ ეს იმას ჰავას რომ ბუზმა, სოროში დაიზამთრა, გაზაფხულს იქიდან თავი გამოჰყო და ჰყვირის: „ეს სორო ჩემი მონაღვაწი ადგილ-სადგომიაო“. ერთი ჰკითხოს კაცმა, ჯერ თვითონ რა არის, რომ იმისი მონაღვაწი იყოს რამე. ქართველობა სხვა ტფილისის მცხოვრებლებში ისე ერევა, როგორც ორიოდ ბუზი ფუთკრების დასში; იმათს ცხოვრებაში ავიცა და კარგიც შეუნიშნავია. ამისთვის ტფილისის მექრონიკე ისევე სხვა მცხოვრებლების ცხოვრებას უნდა აქცევდეს ყურადღებას, და არა ქართველებისას, რომელიც ოდნათა არ ჩნდება.

ამ წინასიტყვაობის შემდეგ ვიწყებ ჩემ ქრონიკას. ტფილისი ამ ზამთარში ძალიან გაცოცხლებულია, ბალი, მასკარადები და ქორწილები ზედის-ზედ იმართება. თეატრში წარმოდგენაც თითქმის დღე-ღიადავ არის; მაგრამ ის კი ნუ ჰგონიათ, რომ ქართული წარმოდგენა სამჯერ მაინც ამ ზამთარში ყოფილიყოს: ჯერ ქართული ცხოვრება რა შვილია, რომ იმის სურათი რამე იყოს. ღვთის მადლით, არც მწერლები გვეყავს ამის წარმომდგენი. ამასაც თავისი მიზეზი აქვს. მწერალი მაშინ იბადება, როდესაც თვითონ ცხოვრება შეინძრევა, როდესაც ატყდება კარგისა და ცუდის ბრძოლა ერთმანეთში და ამით თვითონ ცხოვრებაც გაუმჯობესდება. რადგან ამისთანა ცხოვრებას მოკლებულია ტფილისის ქართველობა, ამისთვის არც იმის ახალი სურათი ბრწყინავს სცენაზე. ტფილისის თეატრის სცენა გაცოცხლებულია რუსული წარმოდგენით და ოპერებით. ყველაზე შესანიშნავი ამბავია მასწავლებელთ კამიტეტის მოქმედება ტფილისში: ამისთვის ახლანდელ ქრონიკაში ჩვენ გვინდა განსაკუთრებით ამ საგანს მივაქციოთ ყურადღება. კავკასიის აქეთამხარის უმთავრესმა

ინსპექტორმა ისურვა, რომ ზოგიერთ საგნებზე მასწავლებლებს შეედ-
 ჳინათ კარგი პროგრამები გინაზიებში სასწავლებლათ. ამისთვის
 იმან მოიწვია ამ ზამთარს ტფილისში სხვა გუბერნიებიდან ზოგე-
 ერთი ოსტატები კამიტეტის შესადგენათ, რომ შემდეგ ამ კამიტეტს
 შეემუშაებინა პროგრამები ბუნებითი საგნებისა; მერე ის პროგრამ-
 ეები უნდა განხილულიყო საზოგადო კრებაში, სადაც მოუწოდებ-
 ლნენ ტფილისის საზოგადოებას, რომ იმასაც მონაწილეობა მიეღო
 ამ საქმეში, გამოეცხადებინა რა და რაშია თანახმა და ამასთან თავისი
 აზრი წარმოეთქვა ამ პროგრამებზე. ამ საზოგადო კრებებში ბევრი
 კარგი აზრი წარმოეთქვა და რადგან ჩვენს მკითხველებს ამ საგანზე
 არა უკითხავთ რა „დროებაში“, ამისთვის მე მსურს რომ ორიოდ
 სიტყვა წარმოვსთქვა განსაკუთრებით ამის თაობაზე.

ვერობაში დიდი ხანია დარწმუნდნენ იმ აზრზე, რომ მინამ სა-
 ზოგადოთ თვითონ ხალხი არ განათლდება სწავლით, რაც უნდა კარ-
 გი გამგეობა და სამართალი მისცე, მაინც არა გამოვა რა; ხალხის
 უგუნურობით კარგი სამართალიც უკუღმართათ მიდის და კარგს
 გამგეობასაც ეკარგება თავისი ძალა. კარგი სამართალი და გამგეო-
 ბა მაშინ მოუტანს ხალხს სარგებლობას, როცა თვითონ ხალხს შეუ-
 ძლია იმის მოხმარება. ამისთვის საჭიროა ხალხის, აზრდა, იმის
 ჭკუა-გონების გამდიდრება სწავლითა. ახლა საქმე ეს არის, რა სა-
 შუალება უნდა იხმაროს კაცმა ამისთვის. უნდა დააფუძნოს შკოლები
 და მიუჩინოს ხალხს მასწავლებელნი, მაგრამ საქმე ამითაც არ გა-
 კეთდა. მასწავლებელნი ვერ ასრულებდნენ თავიანთს მოვალეობას.
 ისინი ასწავლიდნენ ყმაწვილებს, მაგრამ ჭკუა-გონების გახსნის მა-
 გავრათ, ჭკუა-გონებას უხშავდნენ შეუფერებელი სწავლებითა; განათ-
 ლების მაგივრათ მეხსიერებას უკარგავდნენ; მაშასადამე მარტო
 შკოლების დაფუძნება და მასწავლებლების მიჩენა არ ყოფილა საკ-
 მია ხალხის განათლებისთვის. უფრო საჭირო ისა ყოფილა, რომ
 მასწავლებლებს სცნოდნათ, თუ რა რიგათ ესწავლებინათ. მასწავ-
 ლებლებს უნდა შეეტყოთ ყმაწვილის ბუნება და იმ რიგათ უნდა მო-
 ჰყრობოდნენ, რომ იმისი ჭკუა-გონება თანდათან ევარჯისებინათ, თან-
 და-თან მეხსიერება აეხილებინათ. ამისგამო საჭირო იყო შესდგომო-
 დნენ სწავლების კანონების გამოკვლევისა. მრავალი სწავლული შეუდ-
 ვა ამ საქმეს და აქედან წარმოსდგა ახალი სწავლა, რომელიც შეი-
 ცავს კანონებს, თუ რა რიგათ უნდა ასწავლოს მასწავლებელმა მო-
 წაფეს. აი ამ სწავლას ჰქვიათ „პედაგოგია“. რამდენათაც ხალხის
 განათლება მიუცილებელი საჭიროებაა იმის კეთილ მდგომარეო-

ბისათვის, იმდენათ პედაგოგიას დიდი მნიშვნელობა ეძლევა ამ ჟამათ.

როცა ძველი რომაელები და ბერძნები მოისპო, იმათი ალაგი დაიჭირეს ევროპის ხალხებმა, რომელნიც მაშინ ბარბაროსებათ ირიცხებოდნენ. თვითონ ეს ველური ხალხი იყო ბერძნების და რომაელებს გაწყვეტის მიზეზი. ამ ხალხებთან დაიმარხა იმათი განათლებაც. სახსოვრები, წიგნები ბევრი დარჩათ, მაგრამ ტყის კაცი წიგნის კითხვას არ დაეძებდა; მაშინ იმისი ხელობა რხმალი იყო და მკლავი ღონიერი. ამ ორი საშუალებით, როგორც იყო, თავს ირჩენდა და მეტი არც იმას უნდოდა. ევროპის ხალხები დიდს ხანს დარჩნენ ამ პირუტყულს მდგომარეობაში. ქრისტე შობის შემდეგ თუთხმეტ საუკუნემდის იმათ თითქმის არა შევლებიათ რაჟ ამ ხნის განმავლობაში ევროპის სახელმწიფოებს იმდენათ გაეხსნათ გონება, რომ დაწინაურებულმა კაცებმა იცვნეს ბერძნების და რომაელების დანარჩენი ისტორიული სახსოვრები, შეიტყეს იმათი დანატოვარი წიგნების აზრი; ერთის სიტყვით, გაიგეს იმათი განათლება, და მოსძებნეს იმათი სწავლა. მაშინ ვისაც კი ჰსურდა განათლებულიყო, უტყვევლათ ბერძნული და რომაული ანუ ლათინური ენა უნდა ესწავლა. ამიტომ რომ იმ დროს განათლება მხოლოდ ამ ენებზე იყო. აქედგან შეუდგნენ ევროპის ხალხები ამ ენების სწავლას და ამ ენების სწავლებაც თავიანთ შკოლებში უტყვევლათ უნდა შეეტანათ. ახლა ევროპის ხალხებმა იმათ განათლებას ბევრათ გადაამეტეს; მაგრამ ძველიდგანვე დარჩენილი ჩვეულება—ბერძნულის და ლათინურის ენების სწავლისა სრულებით მაინც არ მოუშლიათ. თითქმის ყველა გრძნობს, რომ ამ მკვდარის ენების სწავლა სრულებით გამოუდგარიო, მაგრამ როგორც გაგიგონიათ, ჩვეულება სჯულთ უმტკიცესიაო. აქაც ისე მოხდა. ჯერ-ჯერობით ზემოხსენებულის ენების სწავლას არ დახსნიან. ამ ჟამათ ამის თაობაზე დიდი ბაასია ევროპაში. ერთი მხარე ამტკიცებს, რომ ბერძნულის და ლათინურის ენების უსწავლელობა არ შეიძლებაო, ამიტომ რომ ეს ენები გრამატიკულათ ძალიან შემუშავებული არიანო და ამათი ლექსთა-თხზვის კანონების გამოკვლევა ძალიან ავარჯისებსო ყმაწვილის გონებას; მეორე მხარე ამბობს, რომ რადგან ჩვენს დროში ბუნების მეცნიერება ძალიან შემუშავებულია და სწავლით გამდიდრებულაო, იმისი სწავლება უფროც გაუხსნისო ყმაწვილს გონებას და ბევრს იმისთანა სასარგებლო სწავლას შესძენსო, რომელიც ცხოვრებაში უფრო გამოადგებაო. განათლებას, რომელსაც სხვათა შორის ბერძნულის და ლათინურის სწავლება აქვს აზრში, იმ განათლებას კლასიკურს განათლებას ეძახიან. რომელი განათლებაც

უფრო ბუნების მეცნიერებას ასწავლის და არ უნდა ლათინურისა და ბერძნულის სწავლება, იმას ეძახიან რეალურს განათლებას. რომელი მხარეც კლასიკურს განათლებას იცავს, იმას ეძახიან კლასიკებს და რომელი—რეალურს განათლებასა, იმას რეალისტებს. ახლა ჩვენ განვსაჯოთ რომელია იმათში მართალი და რომელი მტყუანი. უნდა ვსთქვათ, რომ თითქმის არც ერთი წიგნიც არ დარჩენილა ბერძნებისგან და რომაელებისგან დანატოვარი, რომ რომელსაღმევროპიულს ენაზე არ იყოს გადმოთარგმნილი, არც ერთი იმისთანა სწავლა აღარ იპოება კლასიკურს ენებზე, რომ ევროპიულს ენებზე არ იყოს აღსნილი და გაშოკვლეული; მაშ ჩემის აზრით რაღასაჭიროა ამ ენების სწავლა. არავინ იმ ენებზე აღარ ლაპარაკობს და არც ცხოვრებაშია გამოსადეგი; მაშასადამე იმათი სწავლა ყმაწვილს ტყუილად დროს წაართმევს. ის სჯობია, რომ ეს დრო ყმაწვილს მოახპარონ ბუნების მეცნიერების სწავლებაში და ბუნების კანონების შეგონებაში. ამასთანავე ასწავლონ ახლანდელი ევროპიული ენები, რადგან ეს ენები ყოვლის მხრით ძალიან საჭიროა ამ ქამად. მე და შენ რომ გვეკითხონ, მკითხველო, ამ რეალურს განათლებას ვამჯობინებთ, მაგრამ სხვანი კიდევ სხვა რიგათ ფიქრობენ. ამ საგანზე რუსეთშიაც ატყდა დიდი ბრძოლა და ბოლოს ასე გადასწყვეტეს, რომ გაეხსნათ-კლასიკური განათლების შკოლებიც და რეალური განათლების შკოლებიც: აი ამის გამო მოხდა, რომ ჩვენს მხარეში ორ გვარად გიმნაზიები გახსნეს: რეალური და კლასიკური. დღემდის მასწავლებელთ კრებაში, ტფილისს, დიდი ბაასი აქვთ ამ საგანზე. ერთი მხარე უფრო რეალურს განათლებას უდგება, მეორე—კლასიკურსა; მაგრამ ორთავე მხარეს კი მხედველობაში ესა აქვთ: ღიმნაზიამ ყმაწვილის გონება უნდა ავარჯისოსო. გიმნაზიურს სწავლებას უფრო ის უნდა ჰქონდესო აზრში, რომ ყმაწვილს გონება აუხილოსო, და არა ისაო რომ რაც შეიძლება ბევრი სწავლა ჩაუდოს გოგრაში და ამითში კი არც ერთი საფუძვლიანად არ გყეგებოდესო. ღიმნაზიამ უნდა შეამუშაოსო ყმაწვილის ჰკუა-გონება და იმისი ნიჭი აღზარდოსო; ერთი-ხიტყვით იმან უნდა დაუმზადოსო ყმაწვილს ჰკუითი ძალა.

ეს ორი წელია რაც მასწავლებლებმა უმთავრესის ინსპექტორის მოწოდებით, იწყეს მოგროვება ქ. ტფილისში ზამთრობით, რომ სხვა-და-სხვა შესამეცნებელი საგნების პროგრამები შეედგინათ. წარსულს წელს შეადგინეს რუსული ენისა და ისტორიის პროგრამა. განსაკუთრებით შესანიშნავი იყო საზოგადო ბაასი რუსული ენის პროგრამაზე. პროგრამის შემდგენელთ აზრი ის იყო, იხმარონ საუკეთესო მეთოდა (სწავლების წესი) ყმაწვილების სავარჯისებლათ

რუსულს ენაში. რადგან მცირე წლოვანი ყმაწვილი ნაკლებათ აზრობსო და იმისი გონების ძალა უფრო გარეშე საგნების გამოხატვაშია გართულიო, ამისთვის საჭიროა ენის მასწავლებელმა ეს სხვა-დასხვა ნახული საგნები და იმათ შორის ურთიერთობრივი დამოკიდებულება გონების თან-და-თან მომეტებული ვარჯისობით ვრცლათ შეასმინოსო. მასწავლებელმა უნდა ყურადღება მიაქციოს ყმაწვილის ჭკუა-გონებას და რის წარმოდგენა და შეგნება არ შეუძლიან, იმას კითხვას ყმაწვილი მოარიდოსო. მაგალითად, ბევრია იმისთანა ზენარი საგანი, რომელიც არც თვალთ დაინახება, არც ყნოსვით, არც სმენით, არც ხელის შეხებით არ იცნობა; ვთქვათ ამ გვარი სიტყვები: სიკეთე, ბოროტება, ჭეშმარიტება, სული და სხვა. ამ საგნების წარმოდგენა და შესმენა ნორჩი გონებისაგან შეუძლებელია. მაშ მასწავლებელი არც უნდა ელაპარაკოს მოწაფეს ამისთანა საგნებზე. ყოველი სიტყვა, რომელიც უნდა იყოს ნივთიერი საგნის სახელი, წარმოადგენს ყმაწვილის თავში გაცნობილს საგანსა, რომლის სწავლის დროს კიდევ უნდა უჩვენოსო მასწავლებელმა; ამის შემდეგ ყმაწვილიც ჯეროვანათ შეიგნებსო. მაშასადამე ყმაწვილის სიტყვიერებაც და მასთან გონებაც ჯერ, რა საგნებიც შინ და შკოლაში იპოვებაო, იმათი წარმოდგენით და ურთ-ერთი დამოკიდებულების შეგონებით უნდა ავარჯისონო. ამისთვის საჭიროა ჯერ აღვილი მსჯელობით (суждение) ავარჯისოს ამისი სიტყვიერება და ამასთან აზრიც, მერმე კი თან-და-თან გაადლოსო სწავლება. მაგრამ ისე რომ რაც წინათ დაუსწავლია მოწაფეს, იმითი ახალ საგნებზეც მიახვედროსო; მასწავლებელი ასეთ ნაირათ უნდა ჰკითხავდესო, რომ მოწაფე მახვდეს ხოლმე ჯერეთ შეუმეცნებელს აზრსაო. როდესაც ამ გვარი კითხვა-მიგებით მოწაფე თავისთავათ გაიკეთეს ხოლმე ახალს აზრს წინათ დასწავლილის აზრის საშუალებით, მაშინ ამისთანა სწავლების წესს უწოდებენ კატეხტიკურს მეთოდს,*) კატეხტიკური მეთოდა საუკეთესო საშუალება არი-

*) ვთქვათ, მასწავლებელმა მისცა მოწაფეს ექვსი ვაშლი საანგარიშებლათ: მასწავლებელი—გაჰყავი ორად ექვსი ვაშლი.

მოწაფე გაჰყოფს.

მასწავლებელი.—თითო ნაწილში რამდენი ვაშლია?

მოწაფე.—სამი.

მასწ.—თითო ნაწილს რა ჰქვია?

მოწაფე.—ნახევარი.

მასწავლ.—კიდევ ჰქვია მეორედი. ახლა ეს მითხარე, ექვსის მეორედში რამდენი ვაშლია?

მოწაფე მიხვდება და იტყვის „სამიო“ თუმცა მასწავლებელს არც კი უსწავლებია ესა. აი, როცა ამისთანა კითხვებით მასწავლებელი მიახვედნს ხოლმე მოწაფეს ახალს აზრსა, მაშინ ამ სწავლის წესს ჰქვია კატეხტიკური მეთოდა.

ხო მოწაფის გონების გასახსნელათ, სთქვეს პროგრამის შემდგენელთა. როდესაც ერთმა პროგრამის შემდგენელთაგანმა გაათავა ლაპარაკი, წამოდგა ერთი პირი საზოგადოებიდგან და დაიწყო, რომ ჩვენს მხარეში უმეტესი ნაწილი მოწაფეთა - სულ ადგილობრივი მცხოვრებნი არიანო, რომელთაც შკოლაში შესვლის დროს რუსული არ იციანო; ამისთვის საჭიროა, რომ დაბალს კლასებში რუსული ენის მასწავლებლებმა ქართულიც იცოდნენო და ახალი აზრის გაკვეთის დროს, რუსული სიტყვები ადგილობრივს ენებზე გადაუთარგმნონო მოწაფეებს და ამით გაუადვილონო რუსული ენის სწავლა. ამის შემდეგ კამიტეტის თავს-მჯდომარემ სთქვა, რომ ძალიან ძვირათ მოიძებნებიან შკოლებში იმისთანა მოწაფენი, რომელთაც რუსული კარგათ არ იცოდნენო, მაშასადამე არც საჭიროაო; რომ რუსული ენის მასწავლებელმა ქართული იცოდესო... წარსულს წელს, როგორც ზევითა ვსთქვით, რუსული ენისა და ისტორიის პროგრამების შედგენით გათავდა პედაგოგიური ყრილობანი; ამ წელს კი ბუნების საგნების პროგრამები იყო განსჯილი.

უცხო უკუყენის ამბები

ანგლიის კაროლევის „დღიური“. — ლონდონში შიმშილობა. — პარიზის ცხოვრებიდგან. პრინცი ნაპოლეონის გაბუტება თავის ბიძასთან. — პარიზის თეატრები. — მოლიერის დღეობა. — პრუდონის მოხსენება. — მმართველობის დევნა გაზეთებისა. — ფრანციაში უკმაყოფილება მთავრობაზე. — პეტერბურგში ბუნების მადიებელთ ყრილობა.

დიდი ხანი არ არის, რაც ანგლიის კაროლევამ ვიკტორიამ გამოსცა დავისი „დღიური“, რომელშიაც თვითონ კაროლევა ასწერს ძალიან დაწვრილებით თავის შინაურს ცხოვრებას. ეს წიგნი მომავალ ისტორიკოსისთვის ძალიან შესანიშნავია, რადგან იმაში ბევრი იმისთანა რამ ამბავია. ანგლიის კაროლევის ცხოვრებიდგან, რომელსაც ძნელათ იპოვნებინ სხვა სწინსტორიულ წყაროებში. ანგლიის ერთი გაზეთის სიტყვით კაროლევის „დღიური“ ჯერ 150 ათას ეგზემპლარამდის გაიყიდა. მარტო შემოსავალი ათი ათასი გირვანქა სტერლინგი შეიქმნა. (გირვანქა სტერლინგი — 6 მან. 50 კაპა) ეჭვი არ არის რომ კაროლევა ამ შემოსავალს ლონდონის გაჭირვებულებს დაურიგებს. ამ შემთხვევაში „ტაიმსი“ ამბობს, რომ შარშან სახელგანთქმული ფარედვი სილარიბეში მოკვდა და ძალიან კარგდ იქნებოდა, რომ მთავრობას მიეცა პენსიათ ღარიბის სწავლულის ქვრივისთვის რეასი გირვანქა სტერლინგი, რომელიც უკანასკნელს ჟამს თვითონ ფარადვის ეძლეოდა. როდესაც კაროლევა ასწერს თავის მგზავრობას ირლანდიაში, იქ ერთი ღირს-საცნობი შენიშვნაა. კაროლევა სწერს: „კორკში, ირლანდიის სამხრეთით, თითქმის ერთი მესამედი ქალები სახით სულ მშვენიერები არიან. ჩრდილოეთისკენ მშვენიერს ქალს ვეღარ იპოვნი“. ამ ადგილს ბელფასტი ჰქვია. ბელფასტში მცხოვრებლები ძალიან ერთგული ყმები არიან მისი დიდებულების კაროლევისა და ერთობ არ იამებოდათ ამისთანა გაკიცხვა იმათ სახისა.

— ლონდონში ძალიან საძაწყულე და სიმშვილობა გაჩნდა. ამას ამტკიცებს მრავალი მოხსენება პოლიციისა მთავრობასთან. ეს მოხსენება ძალიან გულშესატკევიარი რამ არის, ამიტომ რომ მუდამ იმას ამბობენ, ამა და ამ ალაგას მკვდარი კაცი ვნახეო; უეჭველათ უნდა ვიფიქროთ, რომ შიმშილით კვდებიან. ეს გახშირებული კაცების სიკ-

ვდილი ნათლად გვაჩვენებს, თუ როგორი გაჭირვება უნდა იყოს ლონდონის დაბალს ხალხში. 22 იანვარს რომ პოლიციამ მოხსენება წარადგინა, იქ ნათქვამია, რომ ამ უკანასკნელს სამს დღეს მარტო აღდგომენს ორმოც და ათი კაცი დაუჭერია და ციხეში ჩაუჯდენია. იმ აზრით, რომ სიმშვილით შეწუხებულებს ამ საწყლებს პურს მაინც აქმევენო საპყრობილეში. ამ 50 კაცში მხოლოდ ერთს ბრმა მოხუცებულს უნახეს ჯიბეში ერთი ანგლიური მანეთი, სხვანი კი ისე შეწუხებულნი იყვნენ სიმშვილით, რომ მუშაობა ვეღარ შესძლეს და მაშინვე ავით გახდნენ. ამ დამშეთულებში გარდა შინა მოსამსახურებისა, რომელნიც სახლიდგან დაუთხოვნიათ, კიდევ იპოვება დედები ძუძუმწოვარი ყმაწვილებით, რომელნიც ითხოვენ სამოწყალოს, რადგან იმათ ქმრებს მუშაობა არ შეუძლიათ. ამ გლახაკებში ბევრი მაკლერიც იპოვება, რომელნიც უწინ ბირჟაზე კარგი შეძლებულნი ყოფილან.

— პარიჟის ცხოვრები დგან. აქამდის პრინცი ნაპოლეონი, იმპერატორის ძმისწული იმპერატორზე უკმაყოფილოთ იყო, რადგან ფრანციის ჯარი გაგზავნეს რომს და იტალიელების განზრახვა სულ ტყუილ-უბრალოთ ჩაიშალა. პრინცს ნაპოლეონს თავის სიმამრის ვიკტორ-ემანუელის მხარე უჭირავს და იმისი წყენისთვის ბიძას გაებუტა. აქამდის თითქო განდევნილი იყო, მაგრამ ახლა როგორც აპობენ, იმპერატორს შერიგებია და ურჩევს თავის ბიძას, რომ პრუსიასთან მეგობრობა დაიჭიროს და რუსეთს ომი გამოუცხადოს.

— სენ-მარტენის თეატრში ძალიან ამბავია. ამ თეატრის დირექტორს შეატყობინეს, რომ ვერაგობას აპირებენო იმის წინააღმდეგ. თეატრის სარდაფში, სადაც გაზს აგროვებენ, იქ ერთი ვინღაც კაცი ნახეს, რომელსაც ვითომც სდომოდეს თეატრის აფეთქება. პარიჟის თეატრში აქამდის მოდათ იყო, რომ სცენაზე ხშირათ ტიტველს ქალებს აჩვენებდნენ ხოლმე. მაგრამ პარიჟელებს ესეც მოსწყინდათ. ერთმა თეატრმა რომ ვეღარა გააწყო რა, მაყურებლები რომ ძალიან დააკლდა, მერე დააბეჭდინა გაზეთებში, რომ ამა და ამ თეატრში საყმაწვილო პიესებს წარმოადგენენო, რომელსაც კარგი ზნეობითი გავლენა ექნება ნორჩ ბუნებაზე; მექრონიკეებმა და რეცენზენტებმა არც იქით სთქვეს—არც აქეთ, იმიტომ რომ გულმა ვეღარ მოუთმინათ თავიდგან ბოლომდას უსინდისოთ მოქცეულიყვნენ: იცოდნენ, რომ საყმაწვილო პიესების წარმოადგენა თულის მოსაგროვებლათ არის მოგონებულიო. ფრანციაში საზოგადო აიტყვას დიდი მნიშვნელობა აქვს, ამისგამო თეატრის დირექტორები ვალათ რაცხვენ მექრონიკები და რეცენზენტები უფასოთ მიიწვიონ ხოლმე თეატრში,

რომ ზემდეგ გახეთქებში იყვირონ ამ თეატრის სასარგებლოთ. დღესასწაულებზე მრავალი ახალგაზრდა დადიოდა თეატრში, რომელსაც სახელად შატელე ჰქვია. ეს თეატრი კარგი ზნის შემავაზებელს წარმოადგენებზე არც კი ფიქრობდა. სცენაზე დასეირნობდნენ თავიდან ფეხებამდის გატიტვლებული. პარიჟელი კორრესპონდენტი რუსის „ინვალიდისა“, აი რას ამბობს: ერთხელ დავესწრე ამ თეატრში, როცა წარმოდგენა იყო. მთელი ანგლიური პანსიონი: ათიოდე ახალგაზრდა ქალი ცხრის და თექვსმეტის წლისა იქ ისხდა. იმათ ახლდათ ორი მოხუცებული ანგლიელი დედა-კაცი. პატარა ხანს უკან სცენაზე გამოცვინდნენ თორმეტზე, მეტი სულ გატიტვლებული სურათები: ახალ-გაზრდა ქალებმა გაცეებით ერთი ერთმანეთს შეხედეს და მერე დაუწყეს ცქერა ამ ტიტველს ტანებსა. ახალგაზრდა ქალების უფროსებმა არ იცოდნენ რა ექნათ, ან თვალები საით წავლათ. აქ მოხუცებულს ქალებს ეგონათ, რომ როგორც ანგლიაში, აქაც იმისთანა წარმოდგენები იქნებაო. ანგლიაში დღესასწაულებზე იმისთანა პიესებს ადგენენ ხოლმე, რომლებსაც ზღაპრული ხასიათი აქვს და კარგი დარიგებით არიან გავსებულნი. რადგან შატელეს თეატრში ერთის წარჩინებულის ანგლიელის მწერლის თხზულებიდან შედგენილს პიესას ადგენდნენ, პანსიონის მყოფმა დედა-კაცებმა იფიქრეს, ყველას ეს ემჯობინება, რომ ჩვენი შევირდი ქალები იქ წავიყვანოთო, სადაც ანგლიური პიესის წარმოდგენა იქნებაო. როდესაც სცენაზე ტიტველი ქალი და კაცი დაინახეს, თავი იწყევლეს, აქ რათ წამოვიყვანეთ მოწაფენიო; შაგრამ რალას გააწყობდნენ. ამ თეატრის დირექტორს იმედი უნდა ჰქონდეს, რომ მიუცილებლათ მოწაფე ქალები ბევრს რასმე გამოსადეგარს ისწავლიდნენ ამ წარმოდგენაში.

— პარიჟში დიდის ხნიდან სჩვევიათ ყოველ წელს გადაიხადონ ხოლმე მოლიერის დღეობა. ეს წარჩინებული ფრანკუზული მწერალი ჩვენს მკითხველებს ეცოდინებათ, რადგან ამ მწერლის ზოგიერთი კამედია ქართულს ენაზედაც არის ნათარგმნი დ. ყიფიანისაგან. ძველმა ორმა სახელ-განთქმულმა თეატრმა ჩვეულებრივ გადაიხადა ამ წელს მოლიერის დღეობა. ამ თეატრებში, სახელათ „ფრანკუზული კამედია“ და „ოდეონი“, ლექსთა ქება წაიკითხეს მოლიერზე და ამასთანავე მოლიერის სურათს გვირგვინი დაადგეს. მოლიერის დღეობას გარდა ორი სხვა გვარი დღეობა კიდევ გადაიხადეს. კვირას მეგობრებმა და გულითადი პატივისმცემლებმა მოიხსენეს ჩვენი დროების გამოჩენილი მწერალი პრუდონი. სულ ორი წელიწადი არ არის რაც ის მოკვდა. მკითხველების მომეტებულმა ნაწილმა იცის პრუდონი.

ნის ვინაობა. ეს იყო დაბალი წოდებიდგან გამოვარდნილი, გლეხის შვილი, რომელსაც არავითარი ღონისძიება არა ჰქონია. დიდის გაჭირვებით. შიმშილ-წყურვილის გამოცდით, შეიძინა პირველ-დაწყებითი სწავლა და მერმეთ თავის თავათ შეიქმნა სახელ განთქმული ფილოსოფოსი და დიდი ნიჭის მწერალი. ერთმა რესპუბლიკურმა გაზეთმა დაბეჭდა გრძლათ აწერილი იმის ცხოვრება. პრუდონი იყო სვეტი დაბალის და გაჭირვებული ხალხისა. პრუდონმა მთელი თავისი ღონე სულ იმას მოახმარა, რომ როგორმე დაჩაგრული ხალხის ცხოვრება წარმატებაში შეეყვანა. ფრანციის მთავრობამ გამოაწყო დიდი ძალი ჯარი პოლიციის მოსამსახურეთა; პარიჟი შემოხლულა, რომ არეულობა არ მომხდარიყო. 22 იანვარს სენ-ჟერმის გარეთ უბანში ფრანციის კაროლი უბედური ლუდოვიკ XVI მოიხსენეს. ზოგს მკითხველს კარგათ ეცოდინება, რომ წარსულის საუკუნის გასულს ფრანციის ხალხმა დასაჯა ეს მეფე სიკვდილით და დააწესა რესპუბლიკური მმართველობა..

— ახლა პარიჟში საცა არ უნდა გაიხედო, ზულვარზე, ხიდებზე ქუჩებზე, ყველგან ბიჭ-ბუჭების ყვირილი ისმის „La question Romaine 15 centimes“ (რომის საქმე ხუთმეტ გროშათ ღირსო). მთელს პარიჟს უბარია ამ სათამაშოს მოგონება. როგორც სჩანს მთელი პარიჟი დასცინის მთავრობის მოქმედებას რომის საქმის შესახებ. უნდა მოგახსენოთ, რომ ის სათამაშო, რომელსაც ბიჭ-ბუჭები ჰყიდიან არის ორი რგოლი ერთმანეთში გაყრილი. გახსნით გაიხსნება, მაგრამ ისეთ ოსტატურათ არის გაკეთებული, რომ ვინც არ იცის, რაც უნდა ეწვალოს, ვერ გახსნის. რომის საქმე მართლაც ამ ორის რგოლის მგზავსია. რამდენი ხანია ევროპა წვალობს და აქამდის ვერასფრით ვერ გაუთავებია ეს საქმე. ზემოხსენებულის სათამაშოს მომგონებელმა ორს სამს დღეში სამოცი ათასი ფრანკი იშროვნა. ერთი კიდევ ჩასვეს საპყრობილეში, იმიტომ რომ ჰყვიროდა: „მექსიკის საქმე ხუთმეტ გროშათ ღირსო“. მთავრობა ძალიან ავიწროვებს ხალხსა და სტამბას, ბევრის თქმის ნებას არავის აძლევს, მაგრამ პარიჟი მაინც თანდათან ცოცხლდება. ათის წლის წინათ ვინ გაბედავდა იმის თქმის, რასაც ახლა სწერენ და ლაპარაკობენ. ყურალებს და გაზეთებს ძალიან ემტერება მთავრობა, მაგრამ ისინი მაინც დღითი-დღე უფრო თავისუფლათ უბნობენ და შეუპოვრათ ჰკიცხვენ მთავრობის მოქმედებას.

ამ დევნაში გამოიკა ერთი დიდი გაზეთი, რომელიც სრულებით წინააღმდეგია ახლანდელი მთავრობისა. პოლიცია სასტიკათ ეპყრობა გაზეთებს, მაგრამ მაინც ყოველ დღე ბეჭდავენ იმის გასაკი-

ცხავს წერილებსა, საქვეყნოთ გამოაქვთ ურიგო მოქმედება პოლიცი-
 ესა. ათის წლის წინათ ამას ვერც ერთი ბურჟუა ვერ გაბედავდა;
 თუმცა იმ დროსაც ისე ექცეოდა პოლიცია ხალხსა, როგორც ამ ჟა-
 მად. შიგა-და-შიგ მხარეში უკმაყოფილება ბეჯითათ ცხადდება. მთავ-
 რობისაგან გამოყვანილს კანდიდატებს დეპუტატებათ აღარ ირჩე-
 ვენ. რეკრუტის მოსაკრეფს სჯულს ეწინააღმდეგებიან და სთხოვენ
 მთავრობას, რომ ეს სჯული გააუქმოს. მთავრობამ თავის გარეგანი
 დიდება დაჰკარგა და ყველას სამძიმოდ შეექმნა. ყველა გრძნობს,
 რომ უეჭველად რამე უნდა მოხდესო. 1868 წელს, 8 აპრილს, იმპე-
 რატორი გახდება 60 წლისა. რადგან მთავრობა შინაურს გამგეობა-
 ში თავისუფლების მომატებას არ აპირობს, ამისთვის ერთილა სა-
 შუალება დარჩენია, რომ ხალხი გაართოს: ეს საშუალება გახლავთ
 ომიანობის დაწყება.

ახლა პარიჟის ცხოვრებიდან მივსწვდეთ პეტერბურგს და მი-
 ვაქციოთ განსაკუთრებითი ყურადღება იმის გონიერს ცხოვრებას,
 რომელიც თან-და-თან ვრცელდება არა თუ მარტო დედა-ქალაქში,
 არამედ რუსეთის ხალხშიაც. თუ კაცი სიმხნით მიჰყვება თავის გონე-
 ბის ვარჯისობასა, ეჭვ არ არის, ის მალე მოიძკის თავის ჭკუა-გო-
 ნების ნაყოფსა. ამ შემთხვევაში მთელი ხალხიც ერთი კაცის მგზავ-
 სია. უნდა ვსთქვათ, რომ ამ უკანასკნელს ჟამს რუსეთის ხალხის გა-
 ნათლებულმა ნაწილმა დიდი სიმხნით მიჰყო ხელი თავის გონების
 ზრდას და განათლების გავრცელებას. არც სიმრავლე, არც თოფ-
 იარაღი ერთობ არ ამტკიცებს ხალხის ძლიერებას; ამის დამამტკი-
 ცებელი უფრო განათლებაა. მაშ ჩვენ შეგვიძლიან ვთქვათ, რომ რუ-
 სეთის ხალხმა გაიღვიძა და დაიწყო თანდათან გაძლიერება. ერთს
 ამის დამამტკიცებელს მაგალითს მეც მოგიხსრობთ. იანვრის დამდევს
 პეტერბურგში მოხდა ბუნების-მეძიებელთ უკანასკნელი ყრილობა.
 ამ ყრილობაშიაც ისე ბევრი საზოგადოება იყო, როგორც ორს წი-
 ნანდელს ყრილობაში. საზოგადოება დიდს ყურადღებას აქცევდა
 სწავლულების ლაპარაკსა. კათედრაზე პირველათ უ. იუნგე ავიდა.
 იმან დაიწყო ლაპარაკი, თუ სწავლას რამდენი ახალი ჭეშმარიტი
 ცნობა მოუშკია. განსაკუთრებით ბუნების მეცნიერებაზედ და საენო
 მეცნიერებაზე (Языкovedение) უზნობდა. იმან განიხილა სხვა და სხვა
 სწავლულების აზრი, თუ რამდენათ სასარგებლოაო ახალ-მოსწავლე-
 თათვის კლასიკური ენების სწავლება. იუნგე შეეხო ამ საგანზე და-
 წერილს ჯონ სტუარტ მილლის სტატიასა, მკითხველებმა იციან, რომ
 სტუარტ მილლისთანა ბეჯითი სწავლული ჩვენ დროში თითქმის არა-
 ვინ არის. ეს კაცია ანგლიელი და ამტკიცებს, რომ კლასიკური ენე-

ბის სწავლება იმითი შესანიშნავიაო, რომ ნორჩს გონებას ავითარებს და ზრდისო. მილლი ამბობს, რომ ბერძნულს და ლათინურს ენებს ასეთი სრული და ბეჯითად შემუშავებული ლექსთა-თხზვა აქვსო, რომ იმისი განხილვა ყმაწვილის გონებას ავარჯისებს და შეათვისებს ბეჯითათ აზრობასა. უ. იუნგე ეწინააღმდეგა მილლის აზრსა და იმის მიზეზიც გამოაცხადა, თუ ევროპელებს ასე რათა ჰგონიათო. მიზეზის არისო, რომ ყველა ევროპული ენები მრავალგვარი ლექსთა-თხზვით ძალიან ლარიბნი არიან. იმათი ლექსთა-თხზვა სულ ერთგვარია. ამ შემთხვევაში ჩვენ რუსებო უფრო ბედნიერი ვართო. სლოვენო-რუსული ენა თვისის ლექსთა-თხზვის სიმდიდრითა, მრავალ-გვაროვნებით და სრული დალაგებით ბევრათ სჯობია ევროპულს ენებს და უფრო უახლოვდება ბერძნულს და ლათინურს ენებსაო. თუ მართლა ენის ღირსება ამაში მდგომარეობს, მაშ ჩვენი ქართული ენა ყველას სჯობნებია. ლექსთა-თხზვის მრავალ-გვაროვნობით რუსული ენა ქართულს არ შეედრება: სხმით გარდასვლითი და მრჩობილ-სხმით გარდასვლითი სახე მხოლოდ ჩვენს ენაშია. არც ერთს ენაზე არ იტყმის ერთი ზნით მთელი აზრი. ჩვენ ვამბობთ, „ვაწერინებ“, რუსულათ ამის თქმას მთელი წინადადება უნდა, სხვა დასავლეთის ენებშიაც ასეა.

იმის დასამტკიცებლათ, რომ რუსული ენა უფრო დაახლოვებულია კლასიკურს ენებზე, იუნგეს მოჰყავს ორი თარგმანი ჰომერის პოემისა: ერთი ნემეცურათ ფოსსისა, მეორე რუსულათ გნედიჩისა. თუმცა ფოსს ძალიან ბეჯითად და სინიდიისიანათ უთარგმნიაო, მაგრამ, რაც თვითონ ნამდვილ თხზულებას სიმშვენიერე აქვს, იმის შესამედიც ვერ გადაუღიაო ნემეცურს მთარგმნელსა; რუსული თარგმანი გნედიჩისა კი უფრო უახლოვდება ნამდვილს თხზულებასა და თითქმის სრულებით აღმოჩატავსო იმასა. ამისთანა სიმდიდრე და სისრულე სამშობლო ენისა გვაიმედებსო, რომ როცა ახლად გახსნილი ფილოლოგიური ინსტიტუტი, რომელსაც აზრათ სალინგვისტო შეცნიერების გავრცელება აქვს, და ჩვენი სწავლულები და რუსის საზოგადოების სიყვარული თავის ენისადმი კიდევ უფრო შეამუშავებს რუსულს ენას, მაშინ ეს ჩვენი ენა შკოლებიდგან თან და თან განდევნისო მკვდარს რომაულს და ბერძნულს ენას. რუსის ჭაბუკობა თავის აზრს გააკეთებს ამ ენის მდიდარის და მრავალ-გვარის ლექსთა-თხზვის განხილვითა. აქამდის ჩვენს ენას არაფრათ დავსდევდითო და მაღალი წოდება ჩვენი საზოგადოებისა იმითი იცნობოდა, რომ მშვენიერი პარიჟელი გამოთქმა ჰქონდაო და ცუდათ ლაპარაკობდა თავის სამშობლო ენაზე. მაგრამ ის დრო თანდათან გადის,

როცა ჩვენში თვისი სამშობლო ენა სძულდნო და არც ის დროა შორს, როცა დიდის თვითარსებობით და სიყვარულით მივყოფთ ხელს იმას, რითაც მართლად უფრო მდიდარი და ძლიერი ვართო ევროპიის ხალხზე.

უფ. იუნგეს შემდეგ ილაპარაკა სოვეტოვმა იმაზე, თუ რამდენათ ძლიერი მოქმედება აქვს ბუნების მეცნიერების გავრცელებას მეურნეობის გაუმჯობესებაზე. ხალხი ყველაზე უფრო დაახლოებულია ბუნებასთან და ის მეცნიერება, რომელიც ჰხსნის ბუნების მრავალს გვარს. მოვლინებათა, ძალიან სასარგებლოა იმის ზნეობითის და ნივთიერის ცხოვრებისთვის. ბევრს ძალიან სასარგებლო განკარგულებას მოახდენს ხოლმე მთავრობა ხალხის საკეთილდღეოთ, მაგრამ ხალხს სრულებითაც არ გაეგება ამ განკარგულების მნიშვნელობა. როდესაც ხალხი გაიცნობს ბუნების მეცნიერების უმთავრესს ქეშმარიტებას, შემდეგ გონებაც უფრო გაეხსნება და უფრო გულდანდობითაც მიიღებს ამ ზოგიერთს კარგს განკარგულებებს, რომელთაც ამ ჟამდელის თვალთ უცქერის. სიმაჟკომ სთქვა, მართო სახალხო წიგნების გავრცელებით კი არ უნდა გავაცნოთ ხალხი ბუნების მეცნიერებასა, არამედ ეს მეცნიერება უნდა შევიტანოთ სახალხო შკოლებში და, ახალგაზრდა შთამომავლობას უნდა ვასწავლოთ. კითხვის უჩვევი ხალხი სახალხო წიგნებს არაფრათ დაეძებს. ამისგამო დიდი მეცადინეობით შეუდგეთ სახალხო შკოლებში ბუნების მეცნიერების სწავლებასა.

სიმაჟკოს შემდეგ ზდეკაუტრა მოკლე და ქეშმარიტებით სახვე სიტყვით წარმოსთქვა, თუ რა დიდი მნიშვნელობა აქვს ხალხის საზოგადო და სახელმწიფო ცხოვრებაში ბუნების მეცნიერებას და სხვათა შორის პირაგოვის ქველმოქმედებაც მოიხსენა: პირაგოვის სახელის ხსენებაზე მთელმა საზოგადოებამ ტაში დაჰკრა. ეს ამტკიცებს იმას, რომ რუსის საზოგადოება არ ივიწყებს იმისთანა პირებს, რომელთაც რაიმე სარგებლობა მოუტანიათ რუსეთისთვის.

შემდეგ უ. ბეკეტოვი წამოდგა და წაიკითხა წინადადებანი, რომელნიცა შემოიტანეს ამ ყრილობის სხვა-და-სხვა განყოფილებათა, რომ მინისტრს ნება სთხოვონ, ყველა რუსის უნივერსიტეტებში დაადგინონ ბუნების მეცნიერთ საზოგადოება იმავე გვარათ, როგორც მოსკოვის უნივერსიტეტშია დაწესებული. აგრეთვე წაიკითხეს უფ. ვინოგრადოვის აზრი, რომ გამოსცენ საბუნებო-ისტორიული ჟურნალი რუსეთის ბუნების მეცნიერთ ორგანოთ. ამ წინადადებებს ყველანი თანახმა გაუხდნენ.

ბოლოს ამ ყრილობის თავს-მჯდომარემ უფ. კესლერმა ურჩია წევრებს, მინისტრთან იშუამდგომლონ, რომ ბუნების მეცნიერების

მეორე შემოკრება მოხდეს 1869 წელსა, 1-ლს აგვისტოს, მოსკოვში. იმან მადლობა შესწირა საზოგადოებას და რუსის სწავლულებს, რომელთაც ამ ყრილობას თანაგრძნობა გამოუცხადეს და გაათავა იმითი, რომ ისურვა ბუნებითი სწავლის წინწასვლა რუსეთში, რუსეთის ხალხის სადიდებლათ და სასარგებლოთ. საზოგადოება ცხარი ტაშისკვრით მიეგება პატივცემულის პროფესორის სიტყვებსა.

ეს საზოგადო ყრილობა ბუნების მეცნიერთა იყო უკანასკნელი. მეორე დღეს განყოფილებებში მოხდა ყრილობა და შემდეგ სწავლულთ შეკრებილება დაიშალა. ბევრი კარგი აზრი წარმოითქვა ამ შეკრებილებაში და ამან ნათლად დაამტკიცა, რომ ახლა რუსეთში ბუნების მეცნიერება ძალიან წარმატებაშია. როდესაც ამ გონიერებით სავსე ცხოვრებას შეადარებ ჩვენს ჩამქრალ ცხოვრებასთან, სწორეთ ეს მწარე სიტყვები მოგაგონდება: ნუ თუ ესე უნდა ჩაჰკრეს ჩვენი ცხოვრება, რომ კაცობრიობის განათლებაში იმანაც ნათელდკვალი არ დააჩინოს?..

II

ფლორენციაში დღესასწაულობა პრინცის ჰუმბერტის დაქორწინებაზე.—ფფეიერვერკი.

პრინცის ჰუმბერტის დაქორწინებაზე მრავალი ხალხი მოატყდა ფლორენციაში. სულ რომ ცოტა ვსთქვათ, ასი ათის კაცი მაინც იყო ქალაქის მცხოვრებლებს გარდა, რომელთა რიცხვი სხვა დროს, ას ოცდა ათი ათასზე მეტი არ არის. რაც ქალაქის მცხოვრებლები იყო, ერთი იმდენი მომატება, რასაკვირველია, ძალიან გაჭედდა ქალაქს ხალხითა. მართლაც ტევა აღარ იყო! უნდა წარმოიდგინო, ამ დღესასწაულებზე როგორი არეულობა და რუზრუზი იყო ფლორენციაში! სასტუმროებში თითო დღეს ოც-ოც ლირს აძლევდნენ ერთს ოთახში; სხვა დროს ორ ლირს როგორ გადასცილდება ოთახის ფასი. საყავოები და რესტორანები დიდიდგან საღამომდის ისე იყო ხალხით გავსილი, რომ მოსამსახურეები თავს რომ ვეღარ ართმევდნენ, მეტის მეტი დაღალულობით მისუსტებულნი ძირს ვარდებოდნენ და თუ ვისმე ხელცარიელი უსმელ-უქმელი არ გაუშვებდნენ, ღმერთისთვის მადლობა უნდა შეეწირა. ზოგი ერთი-ორათ უმატებდა ფასს საჭამადებში; მაგრამ ბევრი ისე წავიდოდა, რომ არა ეღირსებოდარა. არ იქნასტუმრებს ვეღარ გაუვიდნენ. ანგლიელები მაინც ერთობ ბევრი მოატყდნენ; როგორ შეიძლება, რომ უიმათოთ საღმე შესანიშნავი ამბავი მოხდეს! ძალიან კარგათ სთქვა ლუი-ბლანმა: „ანგლია განა მარტო ანგლიაშია, ის ცოტ-ცოტათი ყველგან არისო“. რუსებიც იყვნენ,

მაგრამ ყველაზე უფრო ბევრი ისევ იტალიელები მოვიდნენ სტუმრათ.

როცა ახალ დაქორწინებული პრინცები მივიდნენ ფლორენციაში, დღესასწაულობაც მაშინ გაიმართა. სამს მაისს, კვირა დღით, პრინცი ჰუმბერტი თავის მეუღლით სასეირნოთ გამოვიდნენ. წინათვე იყო დანიშნული ის ქუჩები, რომლებზედაც ახალს მეფე-დედოფალს უნდა ევლო; იმ ქუჩებზე იმდენმა ხალხმა მოიყარა თავი, რომ ეკიპაჟებს ნაბიჯითაც ვერ გაევიდოთ. მეფე-დედოფალი დასეირნობდნენ იმ ეკიპაჟში, რომლითაც ტურინიდან მოვიდნენ. უკან ორი შტალმეისტერი მისდევდათ და იმათ უკან ორი სადღესასწაულოთ მორთული კარეტები, რომლებშიაც ისხდა იმათი სვიტა. ხალხი რაღაც არ მიეგება დიდი სიხარულითა. იმ დღილაზე ჯარმა პრინც ჰუმბერტს ხმალი მიართვა საჩუქრათ. ამ საჩუქარის წასაღებათ ჯარმა გააგზავნა პრინცთან დეპუტაცია, რომელშიაც ერივნენ ყველა ხარისხის მხედრობანი. თავ კაცად იყო სამხედრო მინისტრი ბერტოლე-შიალე, ლენერალი ლამარ მორა და ფლორენციის სამხედრო მაზრის უფროსი ლენერალი კადორნა. საღამოს ფეიერვერკი იყო დანიშნული. ამისთვის მდინარე არნოზე გააკეთეს ხის ხიდი და შუაგულ ხიდზე იყო ერთი ფარი ამართული. ყველაზე პირველ განათლდა ფარი, რომელსაც ჰქონდა ძველებური ციხის სახე, იქით და აქიბ იმას ჰქონდა მიდგმული ორი კოშკი, კოშკებზე იყო დადგმული ცხენოსანი ძველები, ერთი სახავედა ვიკტორ-ემმანუელსა და მეორე ემმანუელ-ფილიბერტსა. ეს მთელი აგებულობა ერთ წამს განათლდა, მხოლოდ ვიკტორ-ემმანუელის ძველი დარჩა დაჩრდილული; რაღაც დაემართა, გვიანობამდის ვერ გაანათლეს. ფეიერვერკი გაგრძელდა ერთს საათს; შემდეგ პერგოლის თეატრში ბალ-მასკარადი იყო დანიშნული. იტალიური მასკარადი არც რუსულს ჰგავს და არც ფრანცუზულს. რაღაც შუათანაა ამათ შორის. ლოჟებიდგახ მდიდრულათ მორთული ბალის ტანთსაცმლით იცქირებიან შეძლებული ოჯახის ქალები; პარტერი კი მთლათ მასკებით (აჩხაპირებით) არიან ავსებულნი. ისინი სულ კაცურად არიან მორთულნი, ზოგს 'ფიგაროს ტანსაცმელი აცვია, ზოგს ჟოკებისა, ზოგი მატროსები გონია. მასკები სულ დაბალი წოდების კაცები არიან ხოლმე. იტალიური მასკარადი მშვენიერი სანახავია. აჭრელებული ტანთ-საცმელი აჩხაპირებისა (მასკებისა), ლოჟები მდიდრათ მორთული საზოგადოებით გავსებული და თვითონ თეატრი მზესავით გაბრწყინებული განზის შუქითა, სულ ესეები ძალიან კარგს შთაბეჭდილებას აძლევს კაცსა. მაგრამ ამას გარდა სხვა შესანიშნავი ამბავი კი არ მოხდება

ხოლმე იქა. იტალიელმა ქალმა ინტრიგობისა არა იცისრა. პარტერში მყოფი მანდილოსნები არ ტანციობენ, და მასკარადის დაშლამდის ორკესტრი პოლკისა და ვალსის მეტს არას უკრავს. პერიგოლის ბალ-მასკარადი განსხვავებული არა ყოფილარა. ძალიან ცხელოდა და სიფიწროვეც დიდი იყო; კაროლის სახლობას გულ-ცივად მიეგებნენ; პრუსიის პრინცს კი ყველგან დიდის პატივის ცემით იღებდნენ და იმის დანახვაზე გაცხარებულს ტაშს სცემდნენ. მაღალმა საზოგადოებამ ლოჟებში სჭამა ვახშამი. ეს მოდა დიდი ხანია რაც იტალიაში შემოიღეს; ლოჟებში გაშალეს სტოლები, მელხიორის ავეჯულობას რაჩხა-რუჩხი გაჰქონდა და ზედ ტკბილი საჭმელები ბრჭყინავდნენ; ორშაბათს მინდორზე ჯარები ათამაშეს. ეს იყო ოთხ მაისს. ხუთს მაისს ნაგების დოღი (მარულა) გაიმართა არნოზე. შეიბნენ ექვსი ნავი სამ-სამი ერთად. ბოლოს იმ ექვსს ნავში ორმა ნავმა გაასწრო, ისინი დააყენეს და გააქციეს. იმ დღეს დილით ცხენების დოღი მოხდა. აქ ყველაზე უფრო შესანიშნავი ის იყო, რომ პრუსიის პრინცს აღტაცებით მიეგებნენ. იმ საღამოს კაროლის სასახლეში ბალი დაიწყო და ორი ათასი კაცი იყო ამ ბალზე მიწვეული. ბოლოს ექვს მაისს, დანიშნეს ტურნირი. ამ ტურნირზე უნდა გამოსულიყვნენ მეთხუთმეტე საუკუნის დროის მორთულობითა; იქ უნდა წარმომდგარიყო ძველებური ბრწყინვალე ცხოვრება იტალიის სატახტო ქალაქებისა: ტურინისა, მილანისა, ვენეციისა და ნეაპოლისა. კაშინში დროებით აღაგეს ამ ტურნირისთვის ამფითეატრი, სადაც უნდა დატეულიყო ორმოცი ათასი კაცი. ასე ამბობენ, თუმცა დიდს ამბავს მოელოდნენ, მაგრამ ბევრი არა ყოფილარა შესანიშნავიო. სატურნირო ასპარეზი ძალიან ფართო იყო და ზედ ორმოც ათასი რაინდი კრელს ტანს საცმელში ირეოდა: სხვა და სხვა; ფერის ღერებები, ბაირაღები და ემბლემები აკრელებულ ხალივით მოფენილი იყო. როცა ვარჯიშობა დაიწყო, ღმერთმა შეინახოს! ასეთს ცხენებზე ისხდნენ ძველებურათ მორთული რაინდები, რომ წუმპოში ნათრევს კატებსა ჰგვანდნენ. ერთი ბალი კიდევ გააკეთა ქალაქმა და იმით გაათავა პრინცის ქორწილის ვადახდა...

ხალხის აღზრდაში თავისუფლება დიდი საქმეა. თუნდ ახლა ფლორენციის დღესასწაულობაზე რომა ვსთქვათ, ძალიან დიდი ხალხი იყო ქალაქში შეგროვებული. ზოგჯერ მაინდებზე თუ რამე შესანიშნავი ამბავი მოხდებოდა, ისეთ-ნაირათ გასქელდებოდა მაყურებელთ გროვა, რომ კაცს განძრევა არ შეეძლო; თითონ ეკიპაჟები თითონ ნაბიჯს რომ წინ-წაადგამდნენ, შემდეგ ერთი საათით იქვე უნდა მდგარიყვნენ, განძრევა არ შეიძლებოდა. ეს ხალხი იდგა ისე, რომ

არავინ არ შეიწროვებულა და არ გაუპატიურებულა. ერთხელაც არ უნახავთ, რომ ვინმე ერთი მეორეს შედავებოდეს და მუშტი ეჩვენებოთ. იმდენი ეკიპაჟები იყო და არავის იმათგანს არა ვნებოდა. მართალია, პოლიცია ყველგან იყო, მაგრამ ის მარტო თვალს ადევნებდა; პოლიციელს არავინ არ შეუნიშვავს.

ამ დღესასწაულობაში ორი შესანიშნავი ამბავი მოხდა, ამ ამბებს რაიმე მნიშვნელობა რომ არა ჰქონდეს, არ შეიძლება; კაროლის სახლობას ხალხი გულ-ცივად შეხვდა, ია პრუსიელს პრინცი კი დიდის აღტაცებით.

პრუსიელი პრინცი საცა მივიდა, ყველგან დიდის აღტაცებით მიეგებნენ. ამით ტრანციის იმპერატორისთვის უნდოდათ ეგრძნობებინათ, რომ სადოვის გმირი იტალიელ ხალხისთვის უფრო საყვარელია, ვიდრე ნაპოლეონი, რომელიც დღემდე არ ანებებს რომს და ბრჭყალებში ჰყავს იტალიის დედა-ქალაქი; პრუსიამ კი 1866 წელს მომხდარის ომით იტალიის ერთობას ხელი შეუწყოვო.

ლუდოვიკი-ნაპოლეონი ამ ამბავმა ძლიერ დააფიქრა, ვილჰელმის შემკვიდრისადმი გამოცხადებულმა სიყვარულმა იქნება უფრო მოეხმაროს იტალიის ერთობას და რომიდგან თავისი ჯარი მალე გამოაყვანიოს ნაპოლეონსა. შენაბრეამ მისწერა გარიბალდის, რომ რომის საქმე, როგორც ჰგონიათ, ისე დიდხანს აღარ გასტანსო: თავისი უკმაყოფილება ფრანციამ გამოაცხადა და ის იყოვო. პრინცი ნაპოლეონი რომ შეეცარიაში მიდიოდა, გზაზე ბრძანება მიიღო, უკან დაბრუნდი, ფლორენციაში უნდა წახვიდეო. მილანში მიიღო მეორე ბრძანება და ახლა პარიჟში არის.

პრუსიელმა პრინცმა ისურვა იტალიური პალატის ნახვა, პრეზიდენტმა ლანცამ მაშინვე გადასცა თავის თანამდებობა ვიცე პრეზიდენტსა და მიეგება პრინცსა. ლაშარმორა არსად არ გამოჩენილა არც ტურიში, არც აქ დღესასწაულებზე, რომ სადოვის გმირს არ ჩვენებოდა. კუსტოცკაზე დამარცხებულს ლენერალს რცხვენია იტალიის მოკავშირისა, რომელმანაც იმ ხანებში, როცა იტალია ავსტრიას შეება და ლამარმორის წყალობით კუსტოცკის ბრძოლა წაგო, სადოვთან პრუსიის ჯარს დიდი ბრძოლა მოაგებინა და იტალიის ერთობა დაამკვიდრა. არც რიკაზოლი გამოცხადებია პრუსიის პრინცსა. ფრანკუზული გაზეთები რიკაზოლისაც აბრალებენ კუსტოცკაზე დამარცხებას; მაგრამ „საიდან სადაო, წმინდა საბაო“ — ჩვენმა იტყვიან. რიკაზოლის რა ბრალია? საკუთრად სამხედრო საქმეში რიკაზოლი არ რევიო. ის ყოველთვის წინააღმდეგი იყო ფრანციის მორჩილებისა; კიდევ ამიტომ არ დაენახვება ისა ვიკტორ-ემა-

წუელს და ნაპოლეონს. ამ ორივეს ძალიან უყვართ ლამარმორა, რომელიც მუდამ ცდილობს ფრანციასთან კავშირის შეკვრას. კუსტოცის ბრძოლა უგუნურობით მოხდა, თუ ნაპოლეონის ბრძანებით, ეს სულ ერთია, მაგრამ საქმე ის არის, რომ რიკაზოლის მაგ საქმეში მონაწილეობა არა ჰქონია.

მეფე-დედოფალი მოპავალს კვირას აპირებს ჯერ გენუაში წასვლას და მერმე ნეაპოლში.

როდესაც პრინცი ჰუმბერტის და პრინცესის მარგარიტის ჯვარის წერა იყო, ლენერალი მენაბრეა კარის ნოტარიუსობას ასრულებდა და ამისთვის სამოცი ათასი ლირი მიიღო საჩუქრათ. პაპს პიოსაც IX ამდენი ფული დაუნიშნეს, მაგრამ იმან უარი სთქვა. ჟურნალები ამბობდნენ, ვითომც ეს საჩუქარი ნებართვისთვის იყავო დანიშნული, რადგან მარგარიტა და პრინცი ჰუმბერტი ბიძაშვილები იყვნენო. კათოლიკეების წესით ბიძაშვილების ჯვარის წერას ერთმანეთზე არავითარი ნებართვა არ უნდა, ამიტომ რომ ბიძაშვილების შეუღლება კათოლიკეებში ადამია.

ეს საჩუქარი უფრო იმისთვის იყო დანიშნული, რომ პაპს განეთავისუფლებინა პრინცი ჰუმბერტი თავის წყევისგან.

იტალიური პოლიცია ძალიან ზრდილობიანია და რიგიანი მოქმედებაში, მაგრამ, საუბედუროთ, იმასაც ფრანციის პოლიციის ნაკლულევანება სჭირს: ხან-და-ხან ტყუილ-უბრალოთ იცის გამოცხადება, მე დიდს შეთქმულებას თავს წავატყდიო.

სტუმრები გავიდნენ ფლორენციიდან. ეს იმის დაცარიელებულს ქუჩებს მაშინვე შეეტყობა.

III

პარიზის ამბები.—დეპუტატების ამორჩევა.—სენატში თავისუფლათ სწავლების შესახებ ბაასი. — გაზაფხულის შექცევა. — ჰაეროსტრატი.

—პარიჟში მეტათ გაღვიძებულია ამ უამად საზოგადო ცხოვრება. მეტად საინტერესოა თვალ-ყურის დევნება, თუ როგორ გადასწყდება ის საზოგადო საქმეები, რომელთაც თავი წამოუყვიათ და იმათ გამო ახლანდელი ფრანცია ორ პარტიათ გაყოფილა. ერთი მხარე ცდილობს ეს საპოლიტიკო და საზოგადო საქმეები, რომელთაც თავი წამოუყვიათ ისევ უწინდელს გზაზე დააყენოს და იმათ წარმატებითს მსვლელობას კრიკა გაუკრას. ამ პარტიას ეძახიან ძველის მიმდევრებს ანუ კონსერვატორებს. მეორე პარტიას სურს იმავე საქმეებს მისცეს ისეთი მსვლელობა, როგორიც ამ დროს შეეფერება,

დაბოლოვოს ეს საქმეები ისე, როგორც მოითხოვს ახლანდელი საზოგადოების კეთილ-მდგომარეობა და იმის წარმატება. ამ პარტიის მომხრეებს ეძახიან პროგრესისტებსა. რაც აქამდის ეგროპას ართობდა და აწუხებდა, ის საქმეები ყველა ერთბაშად გამოტყვერენ, საზოგადოება მკვირცხლად არჩევს ამ საქმეებსა, ესმის იმათი მდგომარეობა და ჟრჟოლით ესწრება ამ სხვა და სხვა პარტიების შედეგებაზე ერთმანეთთან. იმათ ისევ დიდის მხნეობით გაიღვიძეს. ფეხზე წამოდგნენ და ჟრჟოლით მიესწრაფიან, რომ საზოგადო საქმეების გადაწყვეტაში მონაწილეობა ღიილონ. ისინი ხმა-მალლა ჰყვირიან, ჩვენც გავვრიეთ იმ საქმეში, რომელთაზედაც დამოკიდებულია ხალხის და სახელმწიფოს წარმატებაო. უცხო ქვეყნის მოგზაურნი და რუსები, რომელნიც წყლებზე მიდიან მოსარჩენათ და ზაფხულის დროს გასატარებლათ, სრულებითაც ვერ ნიშნავენ, თუ რამდენათ გაღიღებულია ამ ჟამათ კუთიერი ცხოვრება ფრანციაში.

მრავალს დიდსა და პატარა საქმეებს შორის სამი უატრესი საქმე ავითარებს და ართობს ამ ჟამად მთელსა პარიუსა: დეპუტატების ამორჩევა, საპოლიტიკო ეკონომიური დავა კანონის მდებელს კრებაში და სენატში დავა სამღვდლოების თხოვნაზედ, რომელსაც ჰსურს, რომ უმაღლესს სწავლებას თავისუფლება მისცეს. — ერთს ვისმე მთავრობის კანდიდატს გორჟოს ირჩევდენ დეპუტატათ. მთავრობის მომხრე გაზეთებს და კერძო პირებს ცაში აპყავდათ ეს კაცი, ამისთანა და ამისთანა კარგი თვისების კაციო. ამასთანავე უმატებდნენ, რომ გორჟო მთავრობის კანდიდატიაო და უეჭველათ ის უნდა ამოირჩესო; როდესაც ამომრჩევლებმა გააშავეს, არ უნდოდათ მთავრობის კანდიდატი ამოერჩიათ, მაშინ თვითონ მთავრობის მომხრენი გადაუდგნენ და, უწინ რომ ქებით ცაში აპყავდათ, იმ კაცს ახლა ლანძღვა დაუწყეს და იძახოდნენ, არა ეგ სადაური მთავრობის კანდიდატიაო. მეორე კანდიდატს ისეთივე საქმე მოუვიდა. ერთი სიტყვით მთავრობის მომხრეების მოქმედება სასაცილოა. რომ დაინახეს ხალხი იმათ აღარ უჯერის, ცრუპანტელაობას მიჰყვეს ხელი. — ფრანციის ეკონომიურ მდგომარეობაზე ბაასი კანონის მდებელს კრებაში ძალიან საინტერესო რამ არის, მაგრამ ამაზე ბევრის ლაპარაკი არ არის საჭირო, რადგან ამ საგანზე პოლიტიკურს განყოფილებაშია მოხსენებული. ახლა ორიოდვე სიტყვა უნდა ვსთქვა სენატში დაწყებულს დავაზე უმაღლესი სწავლების თავისუფლების შესახებ. ამ საგანზე გამოიცა ორი მომცრო თხზულება ანუ ბროშურა: ერთია ფლავიუსისა და მეორე არხიეპისკოპოსის დუპანლუსი.

დოქტორი ფლავიუსი არის მოგონებული სახელი, ნამდვილათ იმას დოქტორი უწოდებენი ჰქვია. თავის თხზულებებზე ფლავიუსს აწერს. ის მოურიდებლად ჰკიცხავს კლერიკალებს (სამღვდელოებს). აი რას აწვდის ის თავის ბროშურაში: „ერთ მშვენიერს დილას თქვენ არ იყავით, რომ თავს დაეცით მედიცინის ფაკულტეტსა, კლერიკალებს ეუბნება. ეს იყო 1823 წელსა, მინისტრი კორბერი წმინდა კონგრეგაციის მოსამსახურე ბრძანდებოდა. განა არ გახსოვთ, თქვენდა სასირცხოთ როგორის ბოროტებით მოიქეცით გამარჯვების დროს. მედიცინის ფაკულტეტს რაც დიდება ჰქონდა, თქვენსულ ერთიანათ წაართვით. ვინ და ვინ ჰყავდა დიდებულ კაცებათაგანი იმას? ვოკელენი, უუსიე, პინელი, მოსური, პელტანი, დუბუა, დეჟენეტი და ბევრი კიდევ სხვა. თქვენმა უგნურებამ იმდენათ გაგაბრაზაჲ, რომ ეს დიდებული გვამები უკოლიდან გამოჰყარეთ, იმ აზრით რომ ისინი ვითომც გულ-მხურვალე კათოლიკები არ ყოფილან. თქვენ იმათ მაგიერად იმისთანა კაცები დააყენეთ, რომელნიც უგნურები იყვნენ, მაგრამ კარგი კათოლიკები: ბუგონი, გიბერტი, კლავიზონი, ლანდრ-ბოვე და სხვანი; რომელნიც მეცნიერებათაგან ერთობ მცხოვანნი იყვნენ“. როგორც კი ფლავიუსის ბროშურა გამოვიდა, უფ. დუპანლუმ თავის მხრით გამოსცა წინააღმდეგი პასუხი, რომელშიაც ეს ასჯერ არის რომ განუმეორებია ყველასგან ცნობილი აზრი. დუპანლუ მარტო უშვერს სიტყვებს არ სჯერდება თავის ბროშურაში, ის კიდევ იგინება და ლანძღავს თავის წინააღმდეგებს, არამც თუ წინანდელს ბროშურებში, არამედ ამ უკანასკნელს წიგნშიაც, რომელიც კათოლიკების ხელსამძღვანელოთ გამხდარა სენატში თავის დროს.

როგორც სჩანს პარტიები არ მჯდარან ხელგულ-დაკრეფილნი. თითოეული იმათგანი ცდილა, რომ საზოგადოება თავის აზრის მიმყოლათ გაეხადნა. უურნალები და გაზეთებაც ორ ბანაკათ გაიყვნენ, ატეხეს ისეთი დავა და ვაი-ვაგლახი, რომ გეგონებოდათ, სწორეთ ეს არის ერთმანეთს მივარდებიან და გაწეწავენო: ცილის წამება, დაციწვა და მუჭების ტრიალი ბევრი იყო.... ბოლოს დადგა შვიდი მაისი, იმათებურათ 19 მაისი იყო. სენატის კარები გააღეს და დაიწყეს ბაასი თავისუფალ სწავლების შესახებ შეტანილს თხოვნაზე. პროვინციებიდან მოვიდნენ არხი-ეპისკოპოსები, სენატორები და შეიტაკნენ. ეს უნდა ყოფილიყო პირველი და უკანასკნელი შებმა. — საქმე ამ შებმით უნდა გადაწყვეტილიყო. სიტყვიერი ბრძოლა კლერიკალების (სამღვდელოების) მხრით ასტეხა სენატორმა დუპენმა. თუმცა იმისი სიტყვა ძალიან გაგრძელდა, მაგრამ გულის წმინდით

რომა ვთქვით უხეირო რამ იყო. დუპენი თავის სიტყვაში სდევნის სენ-სიმონს, ფურისს, კონტს, პრუდონს, აზროვან-კაცებს, მეცნიერებს და ფილოსოფოსებს. იმას უნდა, რომ ყველა იმ ფიქრზე და გზაზე დააყენოს, რომელზედაც თვითონ სდგას, მაგრამ ახლანდელს დროში ვინც კი გონებითს და ზნეობითს წარმატებას ითხოვს, ყველანი წინააღმდეგნი არიან იმის მსცოვანი აზრისა, რომელსაც შეუძლიან მხოლოდ ბნელი მოჰფინოს და არა ნათელი ხალხის ცხოვრებაში.

დუპენს შემდეგ დაიწყო სენტ-ბევმა ლაპარაკი.... მაგრამ ვიდრე იმის სიტყვაზე რასმე ვიტყოდეთ, საჭიროა ორიოდე სიტყვა ვსთქვათ იმ სასაცილო დაწამებაზე, რომელიც მოუგონა სამღვდელოებამ. დიდს კრიტიკოსს, სახელ განთქმულს ავტორს „პორ-როიალისას“ და ერთს ფრანკუზულს ლიტერატურის მნათობთაგანს უფ. სენტ-ბევს ამ ცოტას ხანში ერთი ახირებული საქმე შეემთხვა. სენტ-ბევი ყოველს პარასკევს ჰპატიჟებს ხოლმე სადილზე თავის მეგობრებს და მოკეთებებს. აი ვინ არიან მისი მეგობრები: პრინცი ნაპოლეონი, ტენი, ფლობერი, აბუ, რომლებიც კლერიკალებს (სამღვდელოებას) არა სწამთ რა. ერთ პარასკევს სტუმრებმა კარგი მადიანი სადილი მიირთვეს სენტ-ბევთან. საუბედუროთ ეს იყო წითელს-პარასკევს. გულმავიწყობით მოუვიდათ, თუ ვერ მოისაზრა სენტ-ბევმა არავინ იცის; მაგრამ, როგორცა ვთქვი, ისე კი შეემთხვა. ერთმა კლერიკალთაგანმა სუნიტ გაიგო, რომ იმ დღეს სენტ-ბევს სადილი აქვს გამართულიო და მაშინვე ველაოს მოახსენა. ეს ხომ დიდი ჰუმბლიცისტია კლერიკალებისა. ველიომ დასწერა სასტიკი სტატია სენტ-ბევისა და იმის შეგობრების მიერ ღვთის-გმობაზე; ის სწერდა, თუ როგორ უსირცხვილოა, შეექცეოდნენო სტუმრები როსტბივსა და სვამდნენ შამპანსკებსაო. პრინცი ნაპოლეონი რომ კარგით მოვიდა სენტ-ბევთან, ვიდრე გამოხტებოდა, იქით აქეთ იცქირებოდა, ხომ არავის დაუნახავარო. უნდა წარმოიდგინოთ, როგორი გულს-მოდგინებით ეცენ ამ საგანს ჟურნალისტები და ვინ იცის, რამდენი ფული იშოვნეს მექრონიკებმა სენტ-ბევის სადილის წყალობით. ორა სამი კვირა სულ ამ საგანზე ლაპარაკობდნენ, მთელმა ევროპამ შეიტყო სენტ-ბევის სადილი. ბოლოს ენა დააცხრეს. ასე ეგონათ ყველას დაავიწყდათ ეს ამბავიო. მაგრამ ამ ცოტა ხანში ხელმეორეთ გააღვიძეს ეს ძველი ისტორია. წინათ სენატში მოხდა ბაასი და სხვათა შორის სენტ-ბევსაც უნდა ეთქვა სიტყვა. როგორც კი ფეხზე წამოდგა ეს პატივცემული კაცი, მაშინვე შეუქმნეს რუზ-რუზი სენატორებმა და არხი-ეპისკოპოსებმა და სიტყვაც არ ამოაღებინეს.

ყველას ეგონა რომ სენატში წარმოთქმული ახალი სიტყვა სენტ-ბევისა იმ გვარსავე რუზ-რუზს და ხმაურობას ასტენსო, მაგრამ არა. ახლა რომ საქმე წყდება სენატში, იმას კლერიკალებისათვის ძალიან დიდი მნიშვნელობა აქვს შემდეგისათვის, ამას ყველა გრძნობს და ამის გამო სენტ-ბევის ლაპარაკს ისეთი ყურდაგდებით ისმენდნენ და ისეთი სიჩუმე დადგა, რომ ბუზის ბზუილიც არავის გამოეპარებოდა იმდროსა.

მართალია, კარდინალმა დონნემ რამდენჯერმე გააწყვეტინა ლაპარაკი, მაგრამ სენტ-ბევის პასუხი არ უღირსებია იმისთვის. ლაპარაკში ერთხელ ორატორმა გაჰკიცხა პირმოთენები და ამ დროს სენატორებმა შფოთვა და ხმა-მალლა ლაპარაკი დაიწყეს, მაგრამ რულანმა წამოიძახა: „უფ. სენტ-ბეგო, განაგრძეთ ლაპარაკი, სენატი დიდის გულმოდგინებით ყურს გიგდებთ“. ორატორი იცავდა სიტყვის თქმის და აზრის თავისუფლებას ისეთი ფილოსოფიურად და აზრიანათ, რომ მოსისხლე მტრებიც ცუდს ვერას იტყვიან იმის სიტყვაზე. რალა თქმა უნდა, რომ რაც აქამდის სიტყვები წარმოუთქვამს სენტ-ბევსა, ეს უკანასკნელი იმის სიტყვა საუკეთესოა. კლერიკალების შეურაცხებისაგან ის სახალხოთ იცავდა თავისუფალს აზრობასა, უგზურება იქნებაო, რომ სამღვდელოებას თავისუფლათ სწავლების ნება მივსცეთ, ამიტომ რომ ის მაშინვე იმ გვართ წაიყვანს საქმეს, რომ მეცნიერებას დააგდებს და მხოლოდ იმას ეცდება, რომ თავის გავლენა დაამკვიდროსო. ახალი თავისუფლების მიცემა უპირატესობის მინიჭება იქნებაო სამღვდელოებისათვის და ეს ძალიან საშიშრო და მავნებელი რამ არისო... იმან ძალიან ბევრი ილაპარაკა საზოგადოების პირმოთენობაზე; შორიდგან ვითომც ჭეშმარიტი მორწმუნენი არიან, მაგრამ გული კი გარყვნილი და ზნეწამხთარი აქეთო. ეს სამწუხარო ზნეობითი მდგომარეობა ნიშნავს ხალხის ჭკუაგონების უძლურებაში ჩავარდნასაო. სიტყვით ყველა მორწმუნე გგონია და ამ მასკასაც ყველა იმ აზრით ხმარობს, რომ რიგიან კაცად იცნობდნენ; თითოეული წევრი საზოგადოებისა საქვეყნოდ აღიარებს კეთილს ცხოვრებას, მაგრამ ჩუმათ კი გარყვნილებაშია ჩაფლული... სენტ-ბევი ამბობს: „მე მსურს რომ ახალგაზდობას ასწავლონ სრული ბეჯითი სწავლა გონიერებაზე დამყარებული“.

გუშინდელს ყრილობაში ილაპარაკა კანტენ-ბროშარმა და კარდინალმა ბონ-შოზმა. კანტენ-ბროშარმა ძალიან ჭკუიანათ და მოხერხებულათ დაამტკიცა, რომ სამკურნალო შკოლის წინააღმდეგ გამოყვანილი მაგალითები ზოგი ბევრში მართალი არ არისო და ზოგი სულ ტყუილიაო. სახალხო განათლების მინისტრს დურუის უნდა

ელაპარაკნა მმართველობის მაგიერად და ზედვე ეტყობოდა, რომ თანაუგრძნობდა ორატორის აზრებსა. შემდეგ კარდინალმა ბონ-შოზმა დაიწყო ლაპარაკი. ის ეცა „სამკურნალო მეცნიერების ლექსიკონსა“, რომელიც შეადგინა რობენმა და ლიტრემ. ეს ლექსიკონი ყოველს სტუდენტს ხელში უჭირავს და კითხულობს კარდინალმა მოიყვანა რაჰდენიმე ალაგი ამ ლექსიკონიდან, სადაც განმარტებენ, თუ რა არის სიტყვა: აზრი, სული, სინიდიისი და კაცი. ამისთანა განმარტებას ძალიან აძაგებს კარდინალი და ამბობს სულ ტყუილიაო. შემდეგ ის ეცა პროფესორის ვულპიანის ნერვულს (ტენის ძაფების) სისტემის სწავლასა და ეს წიგნიც გალანძლა. ჯერ ბასიამით გათავდა.

მაგრამ სულ ამისთანა გონიერი ამბები ხომ არ ართობს პარიჟის მცხოვრებლებსა, პარიჟში მხიარულებაც ბევრია. გაზაფხული მშვენიერი დადგა. ხალხი გუნდ-გუნდით მიისწრაფის ბაღებში ქალაქის გარეთ უბნებში და ბულონის ტყეში, სადაც საღამ-საღამოთ პარიჟელები ისმენენ ბულბულების გალობას და წყალ-ვარდნილის (водопад) ჩხრიალს

ელისეის მინდვრებიც არ არის გავერანებულნი. ეს მინდვრები ხალხით სავსეა ხოლმე და საღამ-საღამოს ბაღში ყოველთვის კონცერტებია. ყმაწვილები კი ტულერის და ლუქსამბურგის ბაღებში ნეტარებით ატარებენ დროებას. მზემ ალი-მული ააყენა; პაპარაქება სიციხეები დადგა. გრძნობენ, თვითონ პარიჟში დგომა ერთობ სასიამოვნო აღარ არისო და მიისწრაფიან ქალაქს გარეთ აგარებზე და წყლებზე; ზაფხულის გასატარებლათ. თუმცა ძალიან ცხელა, მაგრამ პუბლიკამაინც არ იშლის პალე-როიალის და ვარიეტეს თეატრებში ოფფენბახის ოპერეტების მოსმენას. ამას გარდა საზოგადოება გიპპოდრომში მიდის, სადაც ჰაეროსტატია დაბმული ჰაერში ასაშვებათ; ათ ფრანკათ ყველას შეუძლიან ჰაერში ერთ ვერს ნახევარზე ავიდეს იმითი და იქიდან დაჰყურებდეს მთელ პარიჟს. ამბობენ, ვითომც ორთქლის ომნიბუსების გაკეთება უნდოდესთ. ამ დღეებში უნდა ეცადნათ ამ ორთქლის ომნიბუსებით ფრენა ბასტილიის მიიდანხე; თუ ეს მართალი გამოდგა, იმედიან, რომ შალე დაიწყებენ პარიჟის ქუჩებზე ჰაერში მატარებელ ომნიბუსებით სიარულს. ცოტა ხანს შემდეგ იქნებ ფაეტონებით სიარულიც აღარ დაეკვირდეს!

უჩინ-მაჩინის ქუდოსანი და იმის საუბარი მაკითხველთან

1

დიდი ხანია, ჩემო კეთილო, რაც შენთან არ მილაპარაკნია და სწორეთ მოგახსენოთ, იმისთანა სენიც გადამეკიდა, რომ თითქმის აღარც კი მეხერხება ლაპარაკი. მას აქეთ რაც ღმერთს ცაში დემონი *) შეურისხავს, ის გადამტერებია კაცთა ნათესავობას და ყველაფრით ცდილობს, რომ შეაწუხოს. ერთი ამ გრძნეულ სულთაგანი მეც გადამეკიდა და საშველს არ მაძლევს. თუ დავიწყე ავდრიანობაზე ლაპარაკი და მოვყევი ცა მოიღრუბლა-მეთქი, ხალხსაც უწინდელი ჭრძნობა თან და თან ეკარგება მეთქი, მაშინვე უხილავი დემონი პირში მეჩრება: „ახლა რა არისო, ენაზე სულ ეგ სიტყვები გაკრავსო: „ცული“ და „ცულიო“ ერთ ჯერ მაინცა სთქვი სიტყვა „კარგიო“; ეგ სიტყვა კონტრახტით ხომ არ შეგკვრია სულ მე მიძახეო“. თუ ვთქვი ცულმა დრომ ცული ზნე მოიტანა მეთქი, რატომ ასრე არ იტყვიო, კარგმა დრომ კარგი ზნე მოიტანაო. ახლა ეგეც ახირებულაია... თუ ღმერთს ენა მოუცია სალაპარაკოთ, რასაც ჩემი გონება და ჩემი აზრი მიმაგნებინებს, ის უნდა გამოვთქვა, თორემ ან საკუთარი ენა და საკუთარი გონება რალათ მინდოდა. თუ ღმერთს ჰსურვებოდა, ჩემო უხილავო დემონო, შენებურათ ჩემი ლაპარაკი, ბარემც შენს გონებას და შენს ენასაც მომცემდა, რომ სულ კარგი და კარგი მეძახნა; მაგრამ სჩანს, რომ ეგ უფრო არა ყოფილა სამართლიანი, და რადგან შენ, ჩემო დემონო, თავის დღეშიაც არ გჩვევია სამართლიანობა, მაშ უნდა ვიფიქრო, რომ არც ამაში ბრძანდები მართალი, რომ მულამ მეუბნები, ჩემებურათ ვასძახვიდე... ვახსენებ ღმერთს და კიდევ სიტყვით „ცულით“ დავიწყებ ლაპარაკს...

— „სსუ, სსუ, სსუო“!

— ღმერთმა შემარცხვინოს, თუ ეგ კაცობა ეყოს. სიტყვის თქმა არ მაცალე და როგორ იქნება! მოდი და ამას შემდეგ გულდამშვიდებით ილაპარაკე!....

„წყეულიმც იყოს დღე იგი, როს შენთ აღთქმათა

*) დემონი არის გრძნეული ეშმაკი.

ბრმაღ ვუმსხვერპლიდი, მივანდობდი ჩემთ გულის თქმათა...
კიდეგ იმიტომაც ამდენი ხანი არ მილაპარაკნია შექთან, ჩემო
მკითხველო.

კიდეგ ამიტომაც „დროებაში“ მალმალ არ გამოვდივარ, მკით-
ხველო, ჩემი უჩინ-მაჩინის ქუდიოთა, რომ ხან შეგაქციო ჩვენი საზო-
გადოების სასაცილო მოქმედებითა, ხან გული აგიშუოთო იმის უმ-
გზავსო ყოფა-ქცევითა. რაც დემონმა თავის ბრჭყალებში ჩამიდლო, მას
აქეთ ხალისი არა მაქვს, თან დემონს ვებრძოლო და თან შენთან
ვილაზლანდარაო. რა გაეწყობა! ხომ გაგიგონიათ დრონი მეფობენო.
ამავე გვარათ ჩემზედაც დემონი მეფობს. აბა რაღა გამივა!...

ეგ არის, ჩემო მკითხველო, ვაი თუ ჩემმა დემონმა ჩემზედ დიდ-
ხანს იმეფოს!... აი, მე რისა მეშინია! მაშინ ხომ ველარ ნახავ შენს
უჩინ-მაჩინის ქულოსანს მისებურათ მოლაპარაკეს!...

„ღმერთო სახიერო, ნუ დამიკარგავ მე სასოებას!...“

იცი რა გითხრა, მკითხველო! ახლა ჩემი სვე ჰგავს ერთს უპატ-
რონო გემსა, რომელიც შუაგულს ზღვაში ტივტივებს. ზღვა ღელავს
და თვით გემიც ხან მარჯვნივ გადადის, ხან მარცხნიოთ... პა, პა,
პა!... რომ ზღვის ზვირთი ზედ შევარდეს, ხომ სულ დასძირავს და
შთანთქავს უფსკრულში; მაგრამ მე კი არ მჯერა ესა... ღმერთო
მართალია!...—თვითონაც არ ესმის, რასაც როტავსო—ამბობს მკით-
ხველი.—მართალი ბრძანება გახლავთ; მაგრამ ამისთანა ბუნდი შეუგ-
ნებელი ლაპარაკი ხან და ხან უნდა მომიტევეო, ჩემო მკითხველო,
რადგან ხშირად „ენა მიყვილებს ხოლომე“, როგორც ჩვენში იტყვიან.

ამას წინეთ ერთს ჩემს მეგობართან ვიჯექ ბულვარზე ჩვეულებ-
რივ დაღვრებით. თუმცა ცა ვარსკვლავებით იყო მოქედილი, მაგრამ
ტფილისს მკმუნვარე ღამეში მოწყენით ჩასძინებოდა. იმის ქუჩები
არ იყვნენ დაფა-ზურნით გამხიარულებულნი და არც ქუჩის ბიჭების
უდარდელი სიმღერა და სალამჯრის კვრა აღვიძებდა ტფილისის არე-
შარეს.—„საკვირველიაო—მითხრა ჩემ გვერდით მჯდომმა მეგობარმა,
რომ ამ ტფილისს ამისთანა მყუდრო სახე დაედგაო, სიცოცხლე და
სიციხოვლე სულ დაეკარგაო.“—უწინდელი უდარდელი ცხოვრება და
შექცევა აღარ მობრუნდება, ვთქვი ჩემ გუნებაში. როცა კაცს ზრუნ-
ვა თავს დააწვება, იმას ცეკვა-თამაშისა აღარა სცხელა. ჰხედავ პა-
ტარა ბიჭი როგორ თავდახრილი მიისწრაფის სომხის ბაზრისკენ!
აღბად გასაყიდი რამ დარჩენია, ან თავის აღასთან ეშურება, რომ
დაუდევრობა არ შეამცნიოს და კაპეიკი არ დააკლოს. იმანაც ისწავ-
ლა კაპეიკის ფასი! დრო შეიცვალა; უკაპეიკოთ ველარავის უცხოვ-
რია.

ტფილისის დარდიანობა მთელ საქართველოს დარდიანობას და ზრუნვას აცხადებს. სწორეთ ასე დაღვრემით იცქირება ამ უამათ მთელი საქართველოცა. ამ ცოტა ხანში იმან ბევრი რამ გამოსცადა. ათასის წლის მომკილს ცხოვრების წესს სამუდამოთ გამოეთხოვა. ამ უამამდე ყმა ბატონის იმედით ცხოვრებდა, ბატონი ყმის იმედითა; დიდი რა პატარა ისე იყენენ გადაბმულნი ერთი ერთმანეთზე, რომ ყოველი კაცი სხვისი იმედით ცხოვრებდა და თავის ღონეს ან სულ არ დასდევდა და ან ზომანზე მეტს ძალას ატანდა და წელში იყო გაწყვეტილი. ამის გამო ზოგი მულამ შექცევაში იყო და იძახოდა: „ნუ ზრუნავთ ხვალისთვისაო“, ზოგი ცას შესჩივოდა თავის გაჩენას. არც ერთს იმათგანს თავისა არ ეიჩედებოდა. ეს ოთხი ხუთი წელიწადია, რაც დრო გადატყდა. ცხოვრების წესი განახლდა. დიდსა და პატარას უწინდელი იმედი მოაკლდა. აქ ხალხი შედგა და გაოცებით თავის თავს ჰკითხა: რა უნდა ვქმნათ, ან აწ რის იმედით ვიცხოვროთ! — ეს იყო მიუცილებელი და მძიმე კითხვა. ამ კითხვაზე პასუხი ყველას მზათ ჰქონდა; აი პასუხი: „უნდა ვიშრომოთ და საკუთარის თავის იმედით უნდა ვიცხოვროთ“... მაგრამ სიტყვა ადვილათ ითქმის და იმის ასრულება კი ყოველთვის ძნელია. განსაკუთრებით ძნელი და შეუჩვეველი იყო ახალი წესისამებრ ჩვენი თავად-აზნაურობის ცხოვრება; ასი და ათასი წელი გასულა მას აქეთ, რაც ჩვენს კეთილშობილს საზოგადოებას დაუწყია კეთილშობილურათ ცხოვრება: ხელფეხი შრომაში არ უწყურთენია; მუშის გაქირება თავის ღლეში არ უნახავს. რომ ჰკუა-გონება ევარჯისებინოს თავის ცხოვრების გასამჯობინებლათ. ის იყო სხვის იმედით და თავის დროს ბატონურის მოსვენებით და დიდკაცურს შექცევაში ატარებდა. თავიც დასვენებული ჰქონდა და ხელფეხიცა. ამ უზრუნველს გარემოებაში გაზდილი საზოგადოება, რასაკვირველია, უნდა შემკრთალ იყო, როცა გარემოება დაადგებდა იმას თავის ამარათ: მის ღლეში თოხისთვის ხელი არ მოუკიდნია და ახალი დრო კი ამას ეუბნება, თუ არ მოჰკიდე, შიმშილი მრგელისო; გავლილი დრო ეუბნებოდა: „ნუ ზრუნავთ ხვალისათვისაო“, ახალმა დრომ კი ასე უთხრა: „იზრუნეთ ხვალისთვისაო“: ერთი სიტყვით ჩვენი საზოგადოება ჩადგა იმ გარემოებაში, საცა პირის პარ შეხვდა ცხოვრების მოთხოვნილებას და უნდა დაეკმაყოფილებინა ისა საკუთარის შრომითა.

როცა საზოგადოება მარტო თავის იმედით დარჩება, იმისთანა კარგი არა არის რა, ამიტომ რომ ადრე იქნება თუ გვიან, ის მიჰყოფს ხელს შრომასა, რომელიც დაჰბადებს სულიერს და ხორციელს ძალასა. მაგრამ უჩვეეს კაცს შრომის შეჩვევამდის კარგა ძალი დრო

უნდება. ამ დროს განმავლობაში, ის მუდამ ყოყმანში და დარღშია. ის ჩუმათ ებრძვის თავის თავს: წინ წავიდე, ვაი თუ უარესი დამემართოსო და უკან დაჩინა, ესე იგი უწინდულათ ცხოვრება, ხომ შეუძლებელიაო. ამ გვარი მდგომარეობა ყველაზე უმძიმესია, ამიტომ რომ კაცს ვერ გადაუწყვეტია ვერაფერი: ძველს ჩვეულებასაც ვერ განშორებია და ახალ დროს მოთხოვნილებისამებრ კი ვერ ეხერხება მოქმედება. ის ძველს დროს გამოთხოვებია სამუდამოთ და ახლისა არა იცის რა. სწორეთ ამ გვარს მდგომარეობაშია ჩენი საზოგადოებაც. ხელის განძრევა ეთაკილება, მაგრამ უიმისოთაც რომ ვერ უცხოვრია! არის ასე რრ წყალს შუა გაჩერებული. გაჭირების ხალთა ზურგზე აპკიდებია, და თვითონ კი ამას გულ-გრილად უყურებს. არა, ამისთანა მდგომარეობაში გულ-გრილობა არ ვარგა. რადგან ძველის დროს მობრუნება შეუძლებელია. ბარემაც გამოვეთხოვოთ სამუდამოთ ყველა იმ ჩვეულებებსა, რაც ძველს დროს შეჰშვენოდა. ვსცნოთ, რომ თავისუფალი შრომა ბევრათ უფრო კეთილმოაბილურია ხელის გაუნძრევლობაზე: ის გამოსცდის კაცს, ზნეობით აღამაღლებს და ცხოვრებასაც გაგვიკეთებს. მადლობა ღმერთს რომ ამ გვარი შრომის დასაწყისიც სჩანს: ამ ცოტას ხანში, ტფილისში გაიხსნა სამი ქართული ღვინის სარდაფი უფ. სულბანოვის და კამპ., კახელ მებატონეებისა, და თ. დავით ჭავჭავაძისა. მაგრამ რაც საქართველოს ხალხს შრომაში სიმხნე შეუძლიან აღმოაჩინოს, იმას რომ ზიზით მოხსენებულ ნაწარმოები შეუფარდოთ, სრულებით აღარასდერი არ ჩნდება: სამი და ოთხი სარდაფის გახსნა შრომა კი არა შრომის აჩრდილიც არ არის... დრო არის ჩვენმა საზოგადოებამ მიჰყოს ხელი არამც თუ მარტო ღვინის სარდაფის გახსნას, არამედ ყოველს გვარს ხელობას, ვაჭრობას და მეურნეობას. დროა დიდმა და პატარამ მოჰკიდოს ხელი იმას, რასაც გარემოება წილად ახვედრებს. მაგრამ ამ აზრის გასაპარტებლად მინდა ორიოდე სატყვა ვთქვა ჩვენის საზოგადო ცხოვრების ვითარებაზე.

არამც თუ ჩვენში, ყველგან საცა კი კაცთა საზოგადოება არსებობს, ხალხი იყოფა ორ ნაწილათ: ზოგი შრომობს და თავის შრომის ნაყოფს ჰყიდის სხვაზე, რომ მაგიერში რაც აკლია, ის იყიდოს; სხვანი კი არც შრომობენ, არც არას თავის ნაშრომს ჰყიდიან; მაგრამ ესენი უფრო ხერხიანები არიან. თუმცა არას აკეთებენ, მაგრამ მშრომელების ნაწარმოები სულ იმათ ხელში გადადის. ვთქვათ, მაგალითად, მთელს გორის უეზდში მარტო პური მოჰყავთ და იმის მეტს სხვას არას აკეთებენ. მაგრამ გორის უეზდის მცხოვრებლებს, გარდა პურისა, საქონელიც სჭირათ ტანთ ჩასაცემლათ; ამისათვის მომეტე

ბული პური უნდა მიჰყიდონ იმათ, ვინც მარტო საქონელს: ზამბე-
ულს, აბრეშუმეულს და სხვ. აკეთებენ. ვთქვათ ამ საქმეს ტფილ-
ისს უეზდის ხალხი ასრულებს. რასაკვირველია, გორის უეზდის მცხოვ-
რებლებისთვისა და ტფილისის უეზდის მცხოვრებლებისთვისაც
ჟუფრო სასარგებლო იქნებოდა, რომ თავთავიანთი საქონელი ერთ-
მანეთში მიეყიდათ, ან გაეცვალათ; ამიტომ რომ უფრო იეფად დაუჯ-
დებოდათ და თავისი შრომა ოდნაც არ დაეკარგებოდათ; მაგრამ
წარმოვიდგინოთ რომ ტფილისელებს და გორელებს იმისთანა შუა-
კაცები გამოუჩნდნენ, რომ შრომა არ უყვართ და გორში მიდიან,
გორელებს ეუბნებიან, მე საქონელი მაქვს, მოიტა პური მომყიდე სა-
ქონელი მოგყიდოვო. რაც შეიძლება იეფ ფასად სტყუებს პურს ალაგ-
ზე და იქიდგან რომ მოვლენ ტფილისელებთან, იმათაც ეუბნებიან,
მოიტა საქონელი მოგყიდე, პური გვაქვს, პურს მოგყიდიოთ. ეს შუა-
კაცები ტფილელებისაგანაც იეფად ყიდულობენ და გორელებისა-
განაც: ერთსაც და მეორესაც აზარალებენ ხოლმე; თვითონ კი ორ-
თავეს წანაგლეჯით ჯებეს ივსებენ და ორივე მშრომელებზე უფრო
კარგს ცხოვრებაში არიან, თუმცა თვითონ კი თავის შენაძენზე (მო-
ნაგარზე) იმდენს ოფლს არ ღვრიან. როგორც მკითხველი ჰხედავს,
ეს შუამავალი კაცები თავისი ხერხიანობიფ ორთავე მშრომელების
ბატონებათ ჰხდებიან. ტყუილა კი არ არის ნათქვამი:

„ხერხი სჯობია ღონესა,

თუ კაცი მოიგონებსა.“

თუმცა ბატონობა ძველიდგანვე ძალდატანებით იყო დადგენილი
ჩვენს ქვეყანაში, მაგრამ თუ ხერხი აქვს კაცს ძალაც არ უნდა, უი-
მისოთაც უფრო კარგი ბატონი შეიქნება ხოლმე ქვეყნისა. ახლა ამ
გვარი ჩვენი ბატონები გახლავან მოვაჭრეები. ისინი თავის 'შუაკა-
ცობით დიდი ხნიდგანვე გვაცლიან ხელიდგან ჩვენს ნაშრომს და ამ
ბოლოს დროს ჰხდებიან ცოტ-ცოტათ ჩვენი ადგილ-მამულების შება-
ტონეები და ჩვენ კი ძალა უნებურათ იმათი მოსამსახურეები. აი,
როგორ შუამავლობენ ჩვენში ვაჭრები. პურს, ღვინოს, ხორცს, შე-
შას და სხვა გასაკვებ მასალას ჩვენგან ჰყიდულობენ და ჰყიდულო-
ბენ ძალიან იეფად; ამიტომ რომ ხერხი იციან. აი მაგალითად, წავა
სირაჯი კახეთში, და იყიდის ერთ მებატონესაგან სულ ყველა
იმის ღვინოებს. იქვე დაბეჭდავს და აგდებს მებატონის ქვევრებში.
ჯიბეში კი ასი მანეთის მეტი არა მოეძევა რა: მაგრამ მებატონეს ასე
ეუბნება:—აი, ძმობილო, ამ ას მანეთს გაძღვე და ასი მანე-
თის ღვინოს ახლავ წავიღებ ტფილისში, შემდეგ რასაც წავიღებ იმის
ფულსაც თან-და-თან გაძღვე; ბატონიც ყაბულს არის, იმიტომ რომ

ფული ხელათ სჭირდება. სირაჯი გაჰყიდის რასაკვირველია ას მანეთ მეტად კახეთიდან მოტანილს ღვინოსა, ას მანეთს კახეთის მებატონეს გაუგზავნის, სხვას ჯიბეში იღებს; იმ მეორე ასი მანეთის ღვინოც ჩამოაქვს ტფილისში: იმ ღვინოში ას მანეთზე მეტს აიღებს, ასს მანეთს ღვინის პატრონს უბრუნებს, დანარჩენს თვითონ იღებს ჯიბეში; იმ ასი მანეთის ღვინოც ხელ-ახლავ ტფილისში მოაქვს გასაყიდავათ. ამ რიგათ სირაჯი იმ თავის ას მანეთს ატრიალებს და ერთბაშათ ორი ათასი მანეთის ვაჭრობა აქვს. რასაკვირველია, რომ ასი მანეთი წელიწადში ათასი ჰხდება და ეს სულ სირაჯის ჯიბეში მიდის; მებატონე კი პირლია რჩება. ვთქვათ ახლა იგივე სირაჯი მეორე წელიწადს მაკარიას წავიდა, იყიდა საქონელი, მოიტანა და ისევ იმ მებატონეს ჰყიდის და როგორ ჰყიდის? ორი იმდენათ!—მეტი რა გზა აქვს, რომ მებატონემ არ იყიდოს? თვითონ ხომ ვაჭრობა არ იცის და არც ფულის ყაირათი აქვს, რომ მაკარიაში წავიდეს და საქონელი მოიტანოს; მაშ ტიტველა ხომ ვერ ივლის: ორი იმდენი უნდა მისცეს, აბა რა ქმნას?

ამ რიგათ ვაჭარი მაშინაც გვცარცვავს, როცა ჩვენგან ღვინოს და სხვა ნამუშევარს ყიდულობს და მაშინაც გვცარცვავს, როცა ჩვენივე ფულით ნასყიდს საქონელს ჩვენივე ჰყიდის.

აქედგან ცხადათ სჩანს, რომ კაცი თუ თავის ქკუას და ღონეს მოიხმარს დიდი შრომაც რომ არ გასწიოს, ხერხიანობით მაინც მოიგებს საქმეს და კარგათ იცხოვრებს. ამ გვარათიკვეციან ჩვენი ვაჭრებიცა. ამისთვის თავდაპირველად იმას ეცადოს ჩვენი საზოგადოება, რომ ამ შუამავალ კაცებს ღონე დაუკარგოს, ხელიდამ გამოაცალოს ვაჭრობა. საჭიროება მოითხოვს, რომ თვითონვე მიჰყონ ხელი ალებ-მაკემობას და ყოველგვარ ხელსნობას. მაგრამ რამდენათაც უფრო გონებით გახსნილია კაცი, იმდენათ იმის შრომას მომეტებული ნაყოფი მოაქვს. ამისთვის პირველი და უკანასკნელი ყურადღება ჩვენს ახალგაზრდობის ზრდაზე უნდა იყოს მიქცეული, რომ შემდეგს დროს მოუმზადოთ გონიერებით დახელოვნებულნი მშრომელი შთამომავლობა. აქ ჩვენ უნდა მოუწოდოთ საქართველოს დედათა, ამიტომ რომ თავდაპირველი წრე ჩვენი ახალგაზრდობისა იმათ ხელშია. იმათ უნდა მისცენ ბეჯითი საფუძველი საქართველოს მომავალს ყმაწვილს კაცობას. ამის ასასრულებლათ რა საშუალება გვაქვს ხელში, ან რას უნდა მივაქციოთ განსაკუთრებით ყურადღება? ამის პასუხს შეძლების გვარად შემდეგ მოგახსენებთ.

II

წარსულს ნომერში განვიხილეთ ის აზრი, რომ ჩვენი საზოგადოება დიდს ყოყმანშია: იმან იცის, რომ გარემოებამ მარტო თავის იმედათ დააგდო, ჰსურს ხელი მიჰყოს ყოველს გვარს საქმეს, მაგრამ არც ცოდნა და არც გამოცდილება მოსდევს. კიდევ ამიტომ უფრო სამძიმოა ჩვენი ახლანდელი მდგომარეობა, რომ გააჩლებულის ცხოვრების შესათვისებლათ არა ვართ მომზადებული. შეძლებით და ჭკუით სიღარიბეს ავგრძნობთ. ლამის სიმშლით არ დავიხოცნეთ, ყველას ერთილა საშუალება დაგვრჩენია თავის გასაკვებათ: ეს არის მოჯამაგირეობა. ბატონის ოჯახში სიზარმაცით გააზატებულს შინაყმას თავის ყანაში მუშაობის თავი არა აქვს, შინ ვერ დამდგარა და იმერეთიდგან მირბის ტფილისს და კახეთს: რა არის, ეგებ ვინმემ მიმსახუროსო და ორი გროში მომცესო; ბატონიც ჭკუით და გამოცდილებით იმდენათ დახელოვნებული არ არის, რომ აღირჩიოს თავისუფალი ხელობა და სრულებით დამოუკიდებლათ იცხოვროს. როგორც შინაყმა, ისიც ისე დარბის გაფოცებული: რა არის, იქნება სადმე სამსახურში თავი შევეყოვო, რომ სახელმწიფო საქმე მაკეთებიონ და იმის და გვართ ჯამაგირიც მაძლიონო. ამ სახით დიდი და პატარა ყველანი მოჯამაგირეებათ გამხდარვართ და თუ არ მოჯამაგირობა, სხვა საქმის კეთება კი არაფრის შეგვიძლიან. შეძლებით და ჭკუით ღარიბობა გვაგდებს სხვის დამოკიდებულებაში; მოჯამაგირობაში მულამ სხვისი შემჩერენი ვართ, და ამიტომ, როგორც მოჯამაგირესა, ჩვენც ისე თავისუფალი ცხოვრება არა გვაქვს. ჭკუაგონების გაუხსნელობამ და შრომის უცოდინარობამ აი, ამ უძღურებაში ჩავგავდო. ამისთანაა ჩვენი ახლანდელი მდგომარეობა; ამ სენს ჩვენ ველარას გუშველით; ამისათვის უნდა ვიფიქროთ მომავლისათვის და ამ შემთხვევაში რას უნდა მივაქციოთ ყურადღება? ახალ-გაზრდობის აღზრდას ისე, რომ იმან შეიძლოს თავის დროში თავისი ღონით ცხოვრება და მოჯამაგირობა სანატრელათ არა ჰქონდეს. ამისთვის ის უნდა გაუნათლოთ, გონება გაუფხსნათ. მაგრამ ამის ასასრულებლათ რა საშუალება გვაქვს ხელში?—თავდაპირველი საშუალება განათლებისა არის ენა: სოფლის დასაბამიდგან რაც აზრი ჭკუას მოუშკია, ენა არის იმის წარმომთქმელი და იმის გადამცემი ერთი შთამომავლობიდგან მეორე შთამომავლობამდე. მაგრამ რამდენიც სხვადასხვა გვარი ხალხი ასხია დედა-მიწის ზურგსა, იმდენი სხვა და სხვაგვარი ენაა აზრის წარმოსათქმელათ. ყოველ ხალხს თავის თვისების და გვართათ თავისი ენა შეუდგენია. ეს ენა არის იმის მიუცილებელი

საკუთრება, ისე როგორც იმის საკუთრებაა სულთ და ჭკუა-გონება; ენა არის ხალხის სულიერი ნაყოფი. ვთქვათ ადამიანის შთამომავლობა ისტორიული გარემოებით დაბინავებულია ერთს რომელსამე მხარეში; ოთხი ხუთი ათასი წელიწადი ყოფილა ერთსა და იმავე ბუნების გავლენის ქვეშ; იმ მხარის ადგილს, წყალს და საჭმელს ათასი წლობით ჰქონია ზედმოქმედება ამ ადამიანის შთამომავლობაზე; ამისგამო დაარსებულა ერთგვარი ტომი და ამ ტომს თავის ბუნების შესაფერი ენაც შეუთხზავს. ეს ენა იმის ჭკუა-გონების გამომხატველაა და, ვიდრე ეს ხალხი ცხოვრებს, როგორც ჭკუა-გონების წართმევა არ შეიძლება, ისე არც ენის წართმევა შეიძლება. წარჩინებული გერმანიის ფიზიოლოგი ფოხტი აი რას ამბობს ამაზე: „თითოეული ხალხის ენა მჭიდროთ არის დაკავშირებული იმის აზრზე.—ის ხალხი მის ღღეში დასჯილია უნაყოფიერობით, რომელსაც მიუღია სხვა ხალხის ენა, იმისთანა ენა, რომელიც ხასიათით და შემუსვავებით სრულებით არ შეჭფერის მეორე ხალხსა: ელზასის მაზრაში ფრანკუზული ენა და ნემენცური ნიადაგ ებრძვიან ერთმანეთსა; მაღალი წოდება ფრანკუზულს ენაზე ლაპარაკობს და დაბალი წოდება ნემეცურს ენაზე; აქ ხეირიანი არა დაიბადებარა, ამიტომ რომ ერთი ენა სრულებით სჩაგრავს მეორესა. ამისთანა გარემოებას დიდხანს ჰყავს ხოლმე ხალხის გონება დაჩაგრული:—ვატლანდის კანტონის მცხოვრებლები ლაპარაკობენ ფრანკუზულათ, და განათლებას ფრანკუზულს ენაზე ლებულობენ,—ერთი სიტყვით ფრანკუზობა ჰსურთ; მაგრამ აზრობენ კი ნემეცურად. ჭკუის გამოჩეტყველება და აზრის მუშაობა სულ ნემეცური, აქვთ; ამისთვის ამისთანა ხალხი თავის-ღღეში საკუთარს კარგს რასმე ვერც შეთხზავს და ვერც მოიგონებს, რადგან ის ენა, რომელზედაც თვითონ ლაპარაკობს, იმის სულიერს მოთხოვნილებას სრულებით არ შეჭფერის. ამიტომ ყველა ნათლათ მიხვდება, თუ რამდენათ უგუნურნა არიან ისინი, რომელნიც ჰფიქრობენ, ვითომც შესაძლებელი იყოს ერთი საზოგადო ენის მიღება მთელი კაცობრიობისთვის; ამისთანა ენა ვერავას ვერ დააკმაყოფილებდა და ცოტა ხანს შემდეგ ყოველი ხალხი მაინც თავისებურათ გადააკეთებდა ამ საზოგადო ენასა.“

რომ კიდევ შესაძლებელი იყოს კაცობრიობისთვის ოდესმე ერთი ენის მიღება, ამ ჟამად მაინც ყოველს ხალხს თავისი ენა აქვს და ყოველი ხალხი აქამომდე საკუთარი ენის საშუალებით ნათლდება. ყოველს ხალხს თავის ენაზე გადააქვს შეძენილი მეცნიერება და იმითი იმდიდრებს თავის ჭკუა-გონებას, ამიტომ რომ სხვა ენა არ ესმის.

ახლა საქართველო იმისთანა მდგომარეობაშია, რომ დიდი და პატარა ყველა გრძნობს სწავლის საჭიროებას, ამ მოთხოვნილებას, რომ ცოტაოდენიც არის, მაინც ხელი შეუწყოთ, უეჭველათ უნდა ვისარგებლოთ ჩვენი სამშობლო ენითა; იმის საშუალებით უნდა, გადავცეთ ხალხსა სასარგებლო სწავლა და მეცნიერება.

ამ აზრით უფ. წერეთელი შეუდგა ამ წლის თებერვლიდგან „სასოფლო გაზეთის“ გამოცემასა. როგორც „დროების“ მკითხველებმა იციან „სასოფლო გაზეთში“ საექიმო (სამკურნალო) და სამეურნეო ცნობებს გარდა სამეცნიერო განყოფილებაც არის. ამ განყოფილებაში იბეჭდება ბუნების მეცნიერებიდგან, მათემატიკიდან (საანგარიშო ცოდნიდგან) და სხვა სწავლიდგან იმ გვარი სტატიები, რომ შემდეგ შეიძლება დგეს ამ სტატიების გამოკრეფა და სამეცნიერო წიგნების შედგენა სახალხო შკოლებისათვის. ეს სამეცნიერო წიგნები დიდს შემწეობას აღმოუჩინენ ჩვენს საქართველოს დედათა, თავიანთ ყმაწვილების შინ სასწავლებლათ, ვიდრე შკოლებში მისცემდნენ. „სასოფლო გაზეთი“ განსაკუთრებით სასარგებლოა იმ ქართველ შლედლებისთვის, რომელთაც შკოლები აქვთ, ამიტომ რომ ყოველ სასარგებლო სწავლას ყმაწვილების გადასაცემათ ამ „სასოფლო გაზეთში“ იპოვნიან. ამის გამო ჩვენს საქართველოს დედათა და შკოლების მქონებთა მღვდელთა ფურჩვეთ მოიპოვრნ ეს სასარგებლო გაზეთი. ამ გაზეთის გავრცელება ორგვარათ არის გამოსადეგი: ერთი იმით რომ თვითონ გაზეთი ბევრს სასარგებლო ცოდნას და დარიგებას აძლევს მკითხველსა და მეორე იმითი, რომ იმის გავრცელებით სამეცნიერო წიგნები დაიბეჭდება და სწავლა დაინერგება ქართულს ენაზე.

ახლა ვსთქვათ ორიოდ სიტყვა „საყმაწვილო ბაღზე“, რომლის დაარსებაც უნდათ ტფილისში. ჩვენი იმედი ახალგაზრდობაა. რამდენათაც უფრო კარგი საფუძველი მიეცემა ჩვენს ახალგაზრდობას, იმდენათ უფრო ნაყოფიერი და განათლებული ცხოვრება მოგველის მომავალს დროსა. დიდი ხანია რაც, ევროპაში იგრძნეს, რომ ცხოვრების სიკეთე და განათლების წარმატება დამოკიდებულია აღზრდაზე: არც კარგი წესდებულება, არც სწავლა, არც სიმდიდრე მთელი სახელმწიფოსა არ დაამყარებს ხალხში კეთილ მდგომარეობას, თუ რომ ხალხია გონებით გაუხსნელი და მდაბალის ზნისა. ხოლო თითოეული კაცის სიკეთეზე დამოკიდებულია მთელი სახელმწიფოს კეთილმდგომარეობაც და ბედნიერებაც. თუ სახელმწიფოში ყოველი კაცი ცოდნით მდიდარია და ზნეობით ამაღლებულია, მაშინ მთელს ხალხშიაც გაჩნდება სიყვარული და კარგი საზოგადო წესიც

დამყარდება. თითოეული კაცის შრომით და შენწეობით სახელმწიფოც მდიდრდება და საზოგადო მმართველობაც მეტად კეთდება, ამიტომაც რომ ყოველი გამგებელი გონიერი და განათლებული კაცი იქნება. ერთი სიტყვით ხალხის ბედი და უბედურობა, წარმატებით ცხოვრება და გაუნათლებელი მდგომარეობა თითოეულის კაცების ღირსებაზეა დამოკიდებული. ამისთვის დიდი ხანია მას უკან, რაც ევროპამ დიდი ყურადღება მიაქცია შთამომავლობის აღზრდაზე. აღმოჩნდნენ დიდი ჭკუის კაცები, რომელთაც მთელი თავისი ცხოვრება შესწირეს ახალგაზრდობის აღზრდას და იმის საზოგადო კანონების გამოკვლევასა.

ამისთანა სწავლულებში პირველი ადგილი უჭირავს შვეიცარიელს პესტალოცის.

პროფესორი ნეაკი, რომელმაც ასწერა პესტალოცის ცხოვრება, აი, რას ამბობს იმაზე: „კაცობრიობის საკეთილდღეოთ მუდამ მოუსვენარისა და უსასყიდლო შრომისთვის თუ შეიძლება კაცს გმირი დავარქვათ, მაშინ პესტალოცს გმირობაში ტოლიც არ ეყოლება. ამ საქმეში ის ბეჯითად გმირია, როგორც მწერალი, როგორც კაცობრიობის გამნათლებელი და როგორც ხალხის ამზრდელი. პესტალოცი იყო გასაცვიფრებელი მომთმენი, თავგანწირულებით მოყვარული მახლობელისა და მშვიდობიანი. მას ბეჯითად სწამდა კაცობრიობის გამჯობინება, ამ კეთილშობილური განზრახვის ასასრულებლათ იმას ვერაფერი დააყენებდა ხოლმე. ამიტომაც შეუძლებელია, რომ პესტალოცის გმირი არ დავარქვათ. იმისმა აზრებმა და მოქმედებამ, იმისმა სიყვარულმა და ტანჯვამ, იმისმა სიტყვამ და მწერლობამ განუსაზღვრელი კეთილი შიანიკა სახლობას, შკოლას და ხალხს“.

პესტალოციმ შენიშნა, რომ ხალხს დიდი იმედი მოეცა შკოლებისა; იმას ეგონა, რომ თავიანთ შვილების აღსაზრდელათ შკოლა და სხვა სასწავლებლები სრულებით საკმარისი არიანო და ამის გამო დედებმა, თავიანთ შვილების აღზრდაზე სრულებით ხელი აიღეს. აი ამის გამო პესტალოციმ ნათლად დაუმტკიცა საზოგადოებას, რომ დედები ბევრს ნურას მოეღიან შკოლებისაგან, თუ თვითონვე არ იზრუნებენ თავიანთ შვილებზეო. პესტალოცმა კაცობრიობას დაუმტკიცა, რომ თავი და თავი ხასიათი დედ-მამისაგან ეძლევა ყმაწვილსო... როგელი ყმაწვილიც პატარაობიდანვე დედ-მამის უყურადღებოთ გაზრდილა, იმაზე უბედურ ცხოვრებაში არავინ არისო.

ყაჩაღების, თულების, ქურდების, ლოთების, ვერაგების და სხვა დიდ ბოროტ-მოქმედი კაცების ცხოვრება რომ განვიხილოთ, უეჭველად დავრწმუნდებით, რომ უფრო ბევრი იმათგანი ყმაწვილობაში

ცუდათ აღზრდილან დედ-მამისაგან. არც ეს შეიძლება ითქვას, რომ პატარაობიდანვე ყველანი დედ-მამის უყურადღებოთ აღზრდილნი ცუდის თვისებისანი გამოსულიყვნენ, მაგრამ ამის მიზეზი სულ სხვა გარემოებაა. ყმაწვილი თავის ცხოვრებაში მარტო დედ-მ.მის გავლენის ქვეშ არ იმყოფება, ის ბევრს სხვანაირს გარემოებასაც გამოსცდის ხოლმე თავის ყმაწვილობაში; მაგრამ ყმაწვილი თუ თავიდანვე დედ-მამისაგან ცუდათ არის გაზრდილი, მერმე თუნდ ათ ნაირ შკოლაშიაც რომ გაზარდო, მაინც ცუდი კაცი გამოვა. ამნაირი ყმაწვილი რომ კარგს შკოლაშიაც გაიზარდოს და შემდეგ კარგს უნივერსიტეტშიაც რომ სწავლა დაასრულოს, იმის ზნეს მაინც არა ეშველება; ვთქვათ, რომ ის კარგათაც ილაპარაკებს, ყველგან კარგს აზრებს წარმოსთქვამს, მაგრამ გრძნობა მაინც სხვა მხრით წარჩტაცებს ხოლმე; ამისთანა კაცისთვის ცოტა რამ განსაცდელიც საკმაოა, რომ ცუდმა გულის თქმამ დასძლიოს იმისი გონება და თან-და-თან ზნეობით გაირყვნეს. ამ კაცს თუ ნათელი აზრი თავში უბრუნავს, მაშინ ის მიეცემა შინაგანს ბრძოლას; ამ კაცში გრძნობა შეებმება ხოლმე გონიერებას; ერთის სიტყვით ეს კაცი ზნეობით ორათ განიყოფება: იმასში დაჩვიდრდება ცალმხრით ბიწიერება და ცალმხრით გონიერება. მაგრამ, რადგან გრძნობა ყოველთვის გონებას სძლევს, ამისთვის ამ გვარი კაცი ბოლოს მაინც უეჭველათ თავის გრძნობას დაემორჩილებაო, — ამბობს პესტალოცი. იმის აზრით კარგი დედ-მამის გავლენას არა შეედრება რა. დედ-მამის სწავლებით ყმაწვილს აენერგება იმისთანა თვისება, რომელიც გადაეჭყვევა უმთავრესს ხასიათად. შკოლა კი გარეგანს თვისებას თუ მისცემს ყმაწვილს, მეტს ვერას. ყმაწვილი მიემგზავსება კვერცხს, რომელიც გულისა და ქერქისაგან არის შემდგარი. დედ-მამის გავლენა აკეთებს გულს და შკოლა კი მარტო გარეგანს ქერქს აკრავსო. ამ სახით, თუ დედ-მამის გავლენა კარგი იქნება, მაშინ გულიც კარგი გაკეთდებაო, და თუ გული გალაყებულია, რაც უნდა კარგი ქერქი შემოაქრა, ამისთანა კვერცხისაგან ხეირიანი ნაყოფი არ წარმოსდგებაო; თუ ხეს ფესვი დამპალი აქვს, მაშინ მთელი ხეც ლპება და ნაყოფიც დამპალი მოაქვსო. ამ განზრახვით იმან გამოხატა თავის თხზულებაში იმისთანა სახლობა, რომელსაც შესძლებოდა კარგი ზნის დანერგვა ყმაწვილში. იმან წარმოგვიდგინა იმისთანა სახლობა, რომელიც მისცემს ყმაწვილს გონიერს საფუძველს. მაგრამ ამასთანავე პესტალოცი კარგათ ხედავდა, რომ თავის დროში ევროპაში თითქმის არ იყო ამისთანა სახლობა. ამიტომაც იმას აზრათ ჰქონდა გაკეთება იმისთანა „საყმაწვილო ბაღისა“, სადაც შესაძლებელი ყოფილიყო თავის აზრებისამებრ

პატარა ყმაწვილების სწავლება. მაგრამ სხვა და სხვა გარემოების გამო იმას არ დასცალდა ამისთანა ბალის გამართვა. რაც იმან ვერ აასრულა, იმისი შესრულება წილად ხვდა ფრებელსა, რომელიც იყო პესტალოცის მოწაფე და იმის მემკვიდრე კაცობრიობას აღზრდის ასპარეზზე.

ფრებელი ბეჯითად დარწმუნდა, რომ თუ ყმაწვილის თავდაპირველი აღზრდა შინაურობაში არ გამშვენდებოდა, უმისოდ საზოგადოების აღზრდასაც არა ეშველებოდა; და ამას შემდეგ შეუდგა იმის ფიქრსა, რომ როგორმე საუკეთესოთ შეეცვალა შინაური აღზრდა. იმას უნდა ეპოვნა გონიერი საშუალება და ეცნობებინა დედებისთვის, რომ თავიანთ შვილების გასაზრდელათ მოეხმარათ ეს საშუალებანი. ამ ღონისძიების მოსაპოებლად ფრებელს უნდა გამოეყვლია ყმაწვილის ბუნება. ამის გამო ფრებელი ათის წლის განმავლობაში ატარებდა თავის დროს პატარა ყმაწვილებს შორის, რომ შეეტყო იმათი ბუნება, ეპოვნა იმათი აღმზრდელი საშუალება და როგორც რიგია, ისე მოეხმარა. ის დადიოდა სხვა და სხვა სახლობებში, აკვირდებოდა ყმაწვილების ბუნებას და ბოლოს გამოცა მთელი სწავლა, რომელშიაც გამოხატა სრული სისტემა ყმაწვილების აღზრდისა იმ კანონისამებრ, როგორათაც უნდა აღიზარდოს კაცი ბუნებითად.

დიდს გამოცდილების შემდეგ იმან ისურვა, რაც თავის გონებით და დაკვირვებით მოეპოებინა, იმისი ცდა პატარების აღზრდაში. ამ აზრით იმან გახსნა საყმაწვილო ბალები გერმანიის სხვა და სხვა ქალაქებში. აი, როგორია ფრებელის საყმაწვილო ბაღი. იმას აზრით ბაღი უნდა იყოს გაყოფილი ორ უმთავრესს ნაწილათ, გარეგანი ნაწილი და შინაგანი ანუ ბალის გული. ბალის გარეგანი ნაპირი ყველა ყმაწვილებისა უნდა იყოს. ყმაწვილები ამაზე თესვენ სხვა და სხვა ნაირს ბოსტნეულს და ყვავილებს. ბალის გული კვლებათ არის დაყოფილი და თითო კვალი თითო ყმაწვილისა არის. ყმაწვილს აძლევენ თესლსა და თავის კვალი თვითონვე უნდა აჩიქნოს, დაოშოს და დათესოს; მუშაობას კი ბალის გარეგან ნაწილზე სწავლობენ, სადაც ყველა შრომობს და ნაშრომიც საერთოა. ამას გარდა ყმაწვილებსა აქვს სხვა და სხვა სათამაშოები, რომელნიც ხმარებაში ყმაწვილს უხსნიან გონებას. ისინი ხან მუშაობენ და ხან თამაშობენ; ამასთანავე კიდევ მღერიან.

როგორც პესტალოცი, აგრეთვე ფრებელიც კარგათ გრძნობდა, რომ ბუნებითი კანონისამებრ ყმაწვილის ზრდა შინაურობაში უნდა მოხდებოდეს ხოლმე და დედ-მამის ხელში უნდა იყოს ჩავარდნილი;

მაგრამ რადგან უფრო ბევრმა დედ-მამებმა ყმაწვილის ზრდისა არა-
 იციან რა და თუ იციან, ყმაწვილი მაინც არ არის გაშორებული
 ცუდს მაგალითსა შინაურობაში, სადაც დედ-მამებს გარდა არიან
 უზრდელნი მოსამსახურენი და გარეშე პირები. აი ამ გარემოებამ
 აფიქრებინა ფრებელს საყმაწვილო ბალის გაკეთება, სადაც ყმაწვილი
 სრულებით მოშორებულია ამ ურიგო გარემოებასა. აქედგან სჩანს,
 როდესაც კაცობრიობა ზნეობით გაკეთდება და თითოეული გვამის
 კეთილ-მდგომარეობა დამყარდება და გონიერი ურთიერთობა გან-
 ბტკიცდება კაცებს შორის, მაშინ რასაკვირველია საყმაწვილო ბალიც
 აღარ იქნება საჭირო და ყმაწვილი თავის სახლობაშიაც მიიღებს
 იმისთანა აღზრდას, რომელიც შეესაბამება იმის ბუნებას. მანამდის
 კი განსაკუთრებით ჩვენს ქვეყანაში უფრო საჭიროა ამისთანა ბაღე-
 ბი ჩვენი ნორჩი ყმაწვილების აღსაზრდელათ.

დმერთმან წარუშარათოს ხელი იმ პირებსა, რომელთაც ჰსურთ
 ტფილისში გახსნან საყმაწვილო ბაღი ჩვენის ახალგაზრდობის საკე-
 თილდღეოთ. მაგრამ არცერთი ამისთანა საქმე საზოგადოების შეუ-
 წვენელათ არ მოხერხდება; ამისთვის, რამდენათაც ძვირფასია საზო-
 გადოებისთვის იმისი შთამომავლობის სიკეთე, იმდენათ უნდა შეე-
 წიოს ამ კეთილს საქმესა. განსაკუთრებით ჩვენმა დედებმა უნდა მი-
 აქციონ იმას ყურადღება, ატარონ ამ ბაღში თავიანთი შვილები და
 იქ ნახული და გამოცდილი საშუალება თვითონაც მოიხმარონ შინა-
 ურს აღზრდაში.

ოსკალეთის ქვეშევრდომი საქრისტიანო ქვეყნების აგზავი

ჩერნოგორიის უკანასკნელი რეფორმები (ცვლილებანი).—შიმშილი ჩერნოგორიაში და გერცოგოვინაში.—გერცოგოვინაში ოსმალეთის მოხელეების კაცთ მოყვარეობა.—დაღმაცემელი პატრის ლაპარაკი სლოვენების ხალხის შეერთებაზედ.

ამ უკანასკნელ დროში რომ სახელმწიფო წყობილების ცვლილება მოხდა ჩერნოგორიაში, აქამდის სულ ისა აქვსთ სალაპარაკოდ. ეს ახალი ცვლილება ჩერნოგორიის სახელმწიფო წყობილების ორსაგანს შეეხება: შინა მმართველობას და სახელმწიფო ხაზინას. აქამდის მთავარი იყო ხაზინის სრული ბატონი და ფულის შესახებ განკარგულება მხოლოდ იმას ეკუთვნოდა. ამას გარდა ყველა სხვა უფლებაც იმას ეჭირა ხელში, ესე იგი, ის იყო უზენაესი მმართველიც, მსაჯულიც, სასულიერო მმართველობის ხელმძღვანელიც, ყველა თავის სამთავროს სასწავლებლების მეთვალყურეც და სხვ. ერთის სიტყვით ის იყო თავის ქვეყნის სრული და შემოუსაზღვრელი მეუფე. ახლა კი, ახალი წყობილების ძალით ფულის საქმე მთავრისაგან სენატის ხელში გადავიდა. მთავარმა სახელმწიფო ხაზინა სენატს ჩააბარა—და ამასთანავე წარუდგინა ანგარიში, თუ აქამდის რაც იმის ხელში იყო, როგორ გამგებლობდა სახელმწიფო ფულებს. ამასთან რაც აქამდის ქონება ეკუთვნოდა მთავარს, სამ ნაწილად გაიყო: 1) სახელმწიფო, 2) საეკლესიო და 3) სამთავრო ნაწილად. სახელმწიფო ქონება მიანდეს სენატის უწყებას, რომელმაც თავისგან სამი კაცის კამისია შეადგინა და სახელმწიფო ხაზინაც და ქონებაც იმის გამგებლობას ჩააბარა. ეს კამისია შესდგა: თავჯდომარისაგან, ხაზინადრისაგან და მდივნისაგან. ამ კამისიის თავჯდომარედ მთავარის ძმისწული დანიშნეს—ბოჟო პეტროვიჩი.

საეკლესიო ქონება ჩერნოგორიის ეპისკოპოსის გამგებლობას ჩააბარეს; აგრეთვე სამთავროს ყველა სასწავლებლების ზედამხედველობაც იმას მიანდეს.

სამოსამართლო უფლებაც სენატს გადაეცა, სენატის ხელში აგრეთვე სამთავროს შინა მმართველობაც უნდა იყოს, გარნა უზენა-

ესი უფლება კი მთავარს უნდა ეკუთვნოდეს; ამის გამო სენატი კომიტეტებად გაიყო; ეს კომიტეტები შემდეგნი არიან: სამხედრო საქმეთა, ადმინისტრაციული (სახელმწიფო სამმართველო), საფინანსო (ფულისა) და სამოსამართლო. მთავარმა რა აიყარა დამოუკიდებელი თავის ნებითი უფლება, სთხოვა სენატს, რომ დაენიშნა იმისთვის, იმის სახლობისთვისა და სასახლისთვის საცხოვრებელი ჯამაგირი. სენატმა დაუნიშნა 10,000 ავსტრიის ოქრო, მაგრამ მთავარმა იბევრა და ითხოვა შეემცირებინათ; ბოლოს მრავალი თხოვნის შემდეგ 6,000 ოქრო აიღო წელიწადში, თორემ ამაზედაც ნაკლები უნდოდა. ეს ექვსი ათასი ოქრო ჩვენ ფულად 170 ათასი მანეთი იქნება, 17000 თუმანი.

ამ გვარად მთავარმა, სრულებით მოულოდნელად, ახალი ცვლილება შემოიღო თავის სამთავროში. ამ მთავრის განკარგულებამ სასახარულო შთაბეჭდილება მოახდინა სლოვენებში. ყველამ სასახარულოდ მიიღო ეს სასიქადულო ბიჯი; — ის ბიჯი, რომელმაც ჩერნოგორიის მმართველობა სახალხო განათლებისა და წარმატებისაკენ მიმართა, მაგრამ ეს კი იყო რომ ყველა გაოცდა და არ იცოდა, აუ რომელი მიზეზებისთვის დაებრალებინა მთავრის ბედნიერი ნაფიქრი. რასაკვირველია, მრავალი მრავალ ნაირ მაზეხს აბრალევენ ზოგი მთავრის ამირ-სპასალარს ვუკოტიჩს აბრალედა ამ ცვლილებას, ზოგი სერბიის ელჩს რისტიჩს და ზოგი კიდევ სხვას; სხვები კი ამასა ფიქრობენ, რომ შემოუსაზღვრელი უფლების აყრაზედ მთავარი ნიკოლოზი ჩერნოგორიის შიმშილმა და სისაწყლემ აიძულაო. რადგან მშვიერი ჩერნოგორიელი წამდა-უწყუმ მიდიოდნენ მთავართან, როგორც სახელმწიფო ხაზინადართან, და პურსა და ფულს სთხოვდნენ, ამის გამო, რომ თავი დაეხწივა იმათი მოუწყვეტელი თხოვნისაგან, მთავარმა სახელმწიფო ხაზინა თავიდან მოიშორა, და სენატს გადასცაო. მაგრამ მომეტებულნი სერბიის მმართველობის რჩევას აბრალევენ ამ ცვლილებას, და ჩერნოგორიის ხალხიც ამ აზრისა არის; ამის გამო დიდი აღტაცებით არის მადლობელი იმისი, რომ მათ კეთილ დღეობასა ცდილობს. . . რა მიზეზისაგანაც უნდა იყოს ჩერნოგორიის სახელმწიფო წყობილების ახლანდელი ცვლილება, მაინც დბდს პატივსა სდებს ჩერნოგორიის მთავარს, მით უფრო დიდ პატივს, რომ ამით იმან თავისი უფლება შემოისაზღვრა, და თავის ნებად აღარ განაგებს მთელი სამთავროს ბედსა და უბედურებასა. როგორც ზევითა ვსთქვით ამ ცვლილებამ ხალხი განათლებისა და წარმატებისაკენ მიმართა.

ზევითა ვსთქვით ჩერნოგორიისა და გერცოგოვინას სიმშოლზედ. მართლა რომ გასაოცარი სიმშოლია ამ სამთავროებში. თუ კაცმა

თავისი თვალით არ ნახა, ვერ შეუძლიან წარმოიდგინოს იქაური მცხოვრებლების უბედურება და სიგლახაკე. სიმშლიისაგან ხალხი სწორედ რომ იმუსრება. ჩერნოგორიაში კიდევ სხვის მოწყალების იმედი აქვს, მაგრამ რა ქნან საწყალმა გერცოგოვინის მცხოვრებლებმა, რომელთაც ოსმალეთის მთავრობა სხვისგან მოწყალების მიღებას უშლის. მართლა, რომ კაცმა თუ თავის თვალებით არა ნახა, იმ უბედურების წარმოდგენა არ შეიძლება, რასაც ახლა ქრისტიანი მოსახლენი ითმენენ ოსმალეთის მთავრობისაგან. შემდეგი ნამდვილი ამბავი შეგატყობინებს, თუ რა უბედურ მდგომარეობაში არიან ოსმალეთის ქვეშევრდომი ქრისტიანები.

ტრიესტში მოვაჭრე გერცოგოვინელმა ვაჭრებმა რომ შეიტყეს თავიანთ ქვეყნის სიმშლილი, მოაგროვეს ერთმანეთში პური, დაუდეს გემებზე და გაგზავნეს გერცოგოვინას, რომ იქ ყველა ძალიან გაჭირებულისათვის (ესე იგი ქრისტიანებისთვისაც და მაჰმადიანებისთვისაც) დაერიგებინა უფასოდ. ამ პურის დარიგება მიანდეს ორ ძმას ბოშკოვიჩებს, (რომელნიც ძალიან მდიდრები არიან და ხალხის გაჭირებისთვისაც თავ გადადებულნი). საქმე ჩინებულად დაიწყო. ბოშკოვიჩებმა ყველაფერი ისე მოაგვარეს, როგორც სამჯობინო იყო და ამისთვის იმათ არც ცდა და არც ფული დაუშურებიათ, ამასთან ისე ურიგებდნენ პურს, რომ არც შთამომავლობას და არც სარწმუნოებას არჩევდნენ — ყველას ერთნაირად უძღვებოდნენ. მაგრამ, როგორც სჩანს, ოსმალეთის მმართველობას ჰსურს, რომ იმისი ქვეშევრდომნი სულ სიმშლილით ამოწყდნენ. ტრებიანის ყაიმაქმა (გუბერნატორმა) თავის სამოხელოს მშიერ მცხოვრებლებს სასტიკად აღუკრძალა ბოშკოვიჩებისაგან პურის გამოართმევა. ეს კიდევ არაფერი, იმან გამოაცხადა რომ, ვინც ბოშკოვიჩებს პურს გამოართმევს, იმას სახელმწიფო მოღალატედ ჩაეთვლიო. აქ ისიც უნდა ვსთქვათ, რომ ყველაზე უფრო ტრებიანის მაზრა არის დამშეული. აბა ახლა როგორ მოგწონთ სულთანის მამობრივი მზრუნველობა და იმის მოხელეების ქცევა უბედური ქრისტიანებისადმი?... ამ ამბის შემდეგ, რასაკვირველია, რომ დასავლეთის სახელმწიფოებმა უნდა იამაყონ და თავი მოხწონონ, რომ სულთანის მმართველობა ახირებულად აბიჯებს დასავლეთ ევროპის განათლებისაკენ და სულ წარმატებაშია!!.

ამას გარდა სხვა საქმეშიაც სჩანს ოსმალეთის მმართველობის წინ წასვლაში წარმატება. რაღამაც აფიქრებინა სულთანს. გერცოგოვინის საზღვარზედ სიმაგრეების აშენება და სამხედრო გზების გაყვანა. რასაც სულთანი იფიქრებს, ის, რაღა ჩიჩინი უნდა, რომ უნდა აღსრულდეს. ამ ფიქრის ასრულებისთვის ოსმალეთს მუშა

ხალხი დასკირდა. მაგრამ ამისთანა საქმეზედ ოსმალეთის მმართველობა ბევრს აღარ ფიქრობს ხოლმე, ან კი რაღა ფიქრი უნდა? რაიები იქ არა ჰყავს? (ოსმალეთის მმართველობა რაიებს ეძახის) ყველა თავის ქვეშევრდომს, ვინც კი მაჰმადიანი არ არის). მაინც ეს რაიები არიან იმის ხარ-კამეჩი, და მუშათ ხომ-რა უშვავსთ. ახლა სიმაგრეებისა და გზების საკეთებლადაც გაირეკეს საწყალი ქრისტიანები და იმათში ორიოდე მაჰმადიანიც გაურიეს, უფრო საჩვენებლად, ვიდრე საქმისთვის, რასაკვირველია. ამ უბედურ ქრისტიანებს არა ჰკითხეს: აქვსთ თუ არა იმათა და იმათ ცოლ-შვილს საზრდო, რომ რჩენა შეეძლოსთ. ოსმალეთი თავის მუშას საზრდოს არაოდეს არ აძლევს. მმართველობამ ამ მუშებს დღეში თითოს თითო პიასტრი (შაური და ორი გროში) დაჰპირდა დღიურ ფასად, მაგრამ ამბობენ, იმასაც არ აძლევსო. ნამდვილი წყაროებიდგან გვარწმუნებენ, რომ მომეტებული ნაწილი ამ მუშებისა ისე შეწუსებულნი და დამწეულნი არიან, რომ თვით ძაღლებსაც შურით უყურებენო, როდესაც იმათ პატრონი თავის ნასუფრალს უყრისო! ეს ყოველი ფერი ევროპაში ხდება, რომელიც ყველას არწმუნებს, რომ რაკი ოსმალეთი ევროპის სახელმწიფოდ შეირაცხა, მას აქეთ განათლებაშია და კაცთ მოყვარეობითს მზრუნველობაში არც ერთ წარჩინებულ სახელმწიფოს არ დაუვარდებაო! ესეც განათლება და კაცთ მოყვარეობითი მზრუნველობა!

ოსმალეთის ქვეშევრდომ ქრისტიანებს ერთმანეთში უთანხმოება აქვსთ, რადგან ზოგი მათგანი კათოლიკია, ზოგი მართლ-მადიდებელი. ამ უთანხმოებისა გამო იმათ ვერაფერი საქმე ვერ მოუგვარებიათ საერთოდ; ამ გაცალკე-ცალკეებისაგან და ერთმანეთის მტრობისაგან ოსმალეთი უფრო დაურიდებლათ იქცევა იმათ შესახებ. ზოგიერთებმა იგრძნეს ამ უთანხმოების შედეგი, მაგრამ ზოგიერთმა, და არა ყველამ. ერთ დაღმაცვიელ პატრს ჩინებული აზრი უთქვამს ამ სარწმუნოებისა გამო გაცალკე-ცალკეებაზე: „სარწმუნოებას რა ხელი აქვს ხალხის შეერთებასთან. ჯერ პირველად ჩვენ უნდა ვეცადოთ რომ სახალხო დამოუკიდებლობა მოვიპოვოთ; ამ მიზნადის კი მაშინ მივახწევთ, როდესაც ყველა სლოვენები, სარწმუნოების გაურჩევლად ძმურად შევერთდებით ერთად. სარწმუნოებამ არ უნდა დაგვიშალოს ჩვენ ხალხობრივი შეერთება და ან კი როგორ შეუძლიან დაგვიშალოს.“ თუ ყველა სლოვენები ამ აზრისანი შეიქნებიან, მაშინ უფრო მოსალოდნი იქნება, რომ ოსმალეთის ქვეშევრდომი ქრისტიანები, თავიანთ მმართველობისაგან ცოტათი დაიჩაგრებიან; და თუ არა, შინაური უთანხმოებისაგან გამოლეულ ძალას ოსმალეთის მმართვე-

ლობა სრულებით გამოუღვეს, რიგორც გვაჩვენებს იმის ეხლანდელი ქცევა ქრისტიანების შესახებ.

II.

— ოსმალების უფროსები რა შემწეობას აძლევენ შიმშილისაგან სასოწარკვეთილებამდის მიყვანილ გერცოგოვინელებს.—ჯამაგირის მიცემისთვის ოსმალების შემოდებული ახალი წესწესება.—გერცოგოვინელების სურვილი განათლების გავრცელებისა.—რუსების შესაწირავი და იმათ მოხმარება.—სალაშქრო მზადება ოსმალეთში და ავსტრიაში.

„დროების“ 23 №-ში მკითხველები წაიკითხავდნენ ჩერნოგორიისა და გერცოგოვინის საშინელი სიმშინლის ამბავს და ამასთან იმასაც შეიტყობდნენ, რომ გერცოგოვინელმა მოვაჭრეებმა ტრიესტიდგან თავიანთ მიწაწყლის დამშეულ ხალხს ორი გემი პური გაუზზავნეს რალუზაში—დასარიგებლად.

მოხსენებულ „დროების“ ნომერში ისიც იყო, რომ ტრებინის ყაიმაქამს (გუბერნატორს) აუკრძალავს მცხოვრებლებისთვის ბოშკოვიჩებისაგან (რომლებსაც ჰქონდათ ჩაბარებული პური დასარიგებლად) პურის მიღება. ახლა იმას ვაცნობებ მკითხველებს, თუ ამ პურის მიღების აკრძალვა რა საბუთით მოუხდენია ყაიმაქამს (გუბერნატორს).

ბოშკოვიჩებმა რომ პური მიიღეს (როგორც ჩუსული „ინვალიდის“ კორესპონდენტი იწერება), ტრებინის ყაიმაქამს ნების დართვა სთხოვეს, რომ იმის ხელქვეითი მაზრის თავი კაცები მისულიყვნენ რალუზაში (სადაც პური იყო მიღებული) და მიეღოთ პური. ამ თხოვნის შემდეგ ათი დღე გავიდა, მაგრამ პასუხი არსად იყო. მერე იფიქრეს, რომ ყაიმაქამი ამისთანა კაცთ-მოყვარეობით საქმეს, რასაკვირველია, არ ეწინააღმდეგებო, და იმის პასუხს აღარ მოუცადეს;—გაუზზავნეს გერცოგოვინის ყველა თავ-კაცებს და სასულიერო პირებს თხოვნა, რომ იმათ წარმოედგინათ გაჭირებული სახლობების სია (სარწმუნოების გაურჩევლად—ქრისტიანებისაც და მაჰმადიანებისაც) და ამასთან ისიც უნდა აღენიშნათ სიაში, თუ რომელ სახლობაში რამდენი სულია. ეს სია რომ შიილეს ბოშკოვიჩებმა, —ამ სიის მიხედვით გაყვეს პური და ვისაც რამდენი შეხვდებოდა—ურჩებდნენ კიდევ.

ეს რომ ტრებინის ყაიმაქამმა შეიტყო, მაშინვე აუკრძალა თავის ხელქვეითი მაზრის მცხოვრებლებს რალუზაში ბოშკოვიჩებისაგან პურის მიღება, და მასთანვე ერთი გაკეთებული კაცის, გვარად კოვაჩევიჩის, ციხეში ჩასმაც ბძანა. როგორც ამბობენ ამ კოვაჩევიჩის დატუსაღება იმ განზრახვით უნდოდა ყაიმაქამს, რომ, რადგან

ის მდიდარი და დიდი ვაჭრობის მექონე იყო, არ მოინდომებდა ციხეში ჩაჯდომას, და თავის დასახსნელად ყაიმაქამს იმდენ ფულს მისცემდა, რამდენსაც კი გუბერნატორი მოინდომებდა. მაგრამ ყაიმაქამის ფიქრი არ აღსრულდა, რადგან კოვაჩევიჩი გაიქცა და იმის დაჭერა ვერ მოასწრეს. მაშინ კოვაჩევიჩის სოფლიდგან რამდენიმე გაკეთებული კაცები მიიყვანეს იმასთან იმისმა დესეტნიკებმა. ყაიმაქამი ძალიან გაურისხდა ამათ და კოვაჩევიჩის გაქცევასაც იმათ აბრალებდა; ბოლოს გამოუცხადა, რომ ვინც რალუზაში წავა პურისთვის ბოშკოვიჩებთან, ის ფადიშაჰის მოლაღატედ ჩაითვლება და დიდს სასჯელს მიიღებსო. უბედური სოფლელები ხმის ამოუღებლად გამოვიდნენ ყაიმაქამის საბძანებელიდგან და, რასაკვირველია, კურთხევას უთვლიდნენ ბრძნულ და კეთილ-გონივრულ ოსმალეთის მმართველობას და იმის ქრისტიან მზრუნველებს—ევროპის მმართველობაებსაც.

თვით რალუზიდგან მწერენ,—ამბობს „ინვალიდის“ კორესპონდენტი, რომ გერცოგოვინელები უკანასკნელ მდგომარეობაში არიანო და შიმშილისაგან სწორედ ბუხებივით იხოცებიანო. იქაური მცხოვრებლების სასოწარკვეთილებას ზომა არა აქვსო და ამის გამო ოსმალები ყოველ წაშს არეულობას მოელოდებიანო.—ან კი რასაკვირველია, რომ მართლა არეულობა მოხდეს. იქაური კორესპონდენტი იწერება, რომ რალუზაში ყოველდღე მოდიან ტრებინიდგან დამშეული დედაკაცები და დილიდგან საღამომდის დგანან ჩვენ (რუსის) საელჩოსთან და ბოშკოვიჩების კანტორასთან, და შემწეობას ითხოვენ. კარგია კიდევ, რომ ბოშკოვიჩები იმათ ცოტა შემწეობას მაინც აძლევენ, თორემ სულ დაიხოცებოდნენ ქალაქში, სადაც კაცი სიმშილის ნიშანს სულ ვერა მხახავს.

ოსმალეთის წარმომადგენელი რალუზაში არის ერთი სლოვენო-კათოლიკი—ფერსილა, რალუზიდგანვე, რომელიც სულით და გულით ოსმალებსა და მაჰმადიანებს ეკუთვნის. ეს ყაიმაქამის განკარგულებას ამართლებს ამითი, რომ ბოშკოვიჩებმა არ შეატყობინეს იმას პურის დარიგება. იმის სიტყვიდგან გამოდის, რომ ტრებინის ქრისტიანები თითონვე არიან დამნაშავენი, რომ უპუროთ რჩებიან. ის გასამართლებლად მალაზიებზედ უჩვენებს ყველას. ტრებინში და სხვა გერცოგოვინის ქალაქებშიაც არის პურის შესანახავი მალაზიები და იმის უფროსები ყოველთვის მიჰყიდნიან იმათ პურს ნახევარ ფასათაო. ეს იმის გამართლება სულ ტყვილია. ბოშკოვიჩებს ყაიმაქამის შეუტყობინებლად არავინ მიუწვევიათ პურის წასაღებათ. თავიანთი თხოვნის პასუხს ათი დღეც უცადეს. პურის მაგაზინებისა კი

რა მოგახსენოთ,—იმათ არც ამითი შეუძლიანთ დაკეცხნა. ამ მალაზიების ამბავსაც ვიამბობთ.

ოსმალეთმა რაკი იგრძნო, რომ თავის მუდამი კოტრობისა გამო, ჯამაგირს თავის დროზედ ვერ დაურიგებდა ჯარებს და სამოქალაქო მოხელეებს, ამ გვარი საშუალება მოიგონა. ყველა მაზრაში, სადაც კი ოსმალეთის ჯარი დგას, რამდენიმე საცავს მალაზია გააკეთა, რომლებშიაც ინახება სხვა და სხვა გვარი ცხოვრებაში სახმარი ნივთი: სასმელი, საჭმელი, ტილო, ძაუდი და სხვ. ყველა სამხედრო და სამოქალაქო მოხელეთ შეუძლიანთ ამ მაგაზინიდგან გამოიტანონ, თამასუქის მიცემით, ყოველი ფერი, რაც საჭიროა იმათთვის. ამ წაღებულ ნივთებში იმათ ურიცხვავენ შემდეგ ჯამაგირიდგან, რამდენსაც გუბერნატორი დაჰნიშნავს. ამასთან ისიც უნდა ესთქვათ, რომ, ოსმალურის სიხარბისაგან, გუბერნატორი იმდენს ურიცხავს ჯამაგირიდგან, რამდენსაც კი მოისურვებს, ასე რომ საწყალი მოხელე, თუ მეტადრე დიდებსაც არ იცნობს, არა თუ თავის ჯამაგირსა ჰკარგავს, არამედ გუბერნატორი პირიქით ვალსაც დაადებს ხოლმე იმას. თუ ოსმალეთი ამ გვარ ანგარებასა და ჩარჩობას სჩადის თავის მოხელეებთან, მაშ იმის ქვეშევრდომი ქრისტიანები რალა კეთილს უნდა მოელოდნენ იმისგან? მაგრამ ესთქვათ, რომ უ. ფერსილი მართალს ამბობს და ყველას შეუძლიან ამ მალაზიებში პური ნახევარ ფასად იყიდოს; მაინც განა შეიძლება მოითხოვონ საწყალი დამშეულისაგან, რომ იმას ნახევარ ფასად ნაშოვნი პური ერჩინოს მუქთად ნაშოვნ პურს? მე ეს ყოველიფერი იმისთვის მოვიყვანე, რომ მკითხველმა ნამდვილი გაიგოს და ოსმალეთის მოყვარე გაზეთებს არ დაუჯეროსრა.

თუმც ეს უბედურება ადგიათ გერცოგოვინელებს, მაგრამ მაინც განათლებაზედა ფიქრობენ. ახლა აპირობენ ერთი სასწავლებლის გახსნას, ვაჟებისთვის, მაგრამ შეძლება არა აქვსთ იმდენი, რადგან, შიმშილის გარდა, ახირებული ხარჯისა და ბეგარისაგანაც არიან სრულებით გასაწყლებულნი. სახლს ერთი მონასტერი აძლევს ამ სასწავლებლისთვის, მაგრამ, განა სახლის მეტი აღარა არის საჭირო? მაინც თავიანთ აზრის აღსრულება ძალიანა ჰსურთ და ამისთვის ისინი თავის ერთ-მორწმუნე რუსებისაგან ითხოვენ შემწეობას.

რუსებს ბევრჯერ გაუგზავნია შემწეობა იქაური მონასტრებისთვისა და სასწავლებლებისთვის, მაგრამ ამ შესაწევარ ფულებს თავის დანიშნულება თითქმის არც ერთხელ არ აღუსრულებია. შესაწევარი ფულება მიუზღვიათ იმ პირებისთვის, რომელთაც ოსმალეთისაგან

ჰქონიათ მინიჭებული უფლება; იმათ არცკი უფიქრიათ ამ ფულების დანიშნულ გზაზე გატარება. საქმე ის არის, რომ იქაურობის დიდი კაცების ნდობა ძნელიაო, ამბობს „ინვალიდის“ კორრესპონდენტი, რადგან იმათ დიდ ალაგაძის მიუხევედ პატიოსნებითა და ღვაწლით კი არა, არამედ სხვა და სხვა ვერაგული ქცევითა და ხალხის წინააღმდეგი საქმეებითაო. ოსმალეთში იმისთანა პირნი, რომელნიც პატიოსნები და ხალხის ერთგულნი არიან, ვერაოდეს ვერ მიაღწევენ დიდ ალაგებს. ამისთანა პირნი ან საპრობილეებში ილუპებიან და ან თავიანთ ქვეყნიდგან შორს სადმე გაძევებულნი არიან. ამის მაგალითად შეიძლება მოვიყვანოთ ღირს პატივსაცემი არხიმანდრიტი დუდიჩი, რომელიც იძულებული იყო გერცოგოვინიდგან გაქცეულიყო.

ამ ოთხი წლის წინად რუსეთში წასულა ერთი გერცოგოვინელი არხიმანდრიტი ფულების მოსაგროვებლად, როზელიც ვითომც აკადემიის გასახსნელად ჰნდომებია. რასაკვირველია, ამისთანა კარგი განზრახვით მოსული არხიმანდრიტისთვის კარგა უმასპინძლიათ რუსებს და ბევრი შესაწევარიც მიუციათ ნათქვამი აკადემიისთვის. მაგრამ საქმე ის არის, რომ იმას აკადემიის მაგიერად ერთი დიდი სახლი უყიდნია და ზოგი სარგებლით გაუცია (ახირებული სარგებლით), აგრეთვე ეკიპაჟიც უყიდნია ვენაში (გავლით) და თავის სახლიდგან მონასტრამდის შოსსე გაუკეთებია თავის ეკიპაჟში სასეირნოდ.

ამაზე წინ კიდევ სხვა ყოფილა რუსეთში ფულების მოსაგროვებლად გერცოგოვინის ეკლესიებისა და მონასტრების სასარგებლოდ. მაგრამ იმანაც თურმე დაიწყო ერთი ვეება ეკლესიის შენება და ნახევარზე თავი დაანება, ვითომ იმ მიზეზით, რომ ფული შემოაკლდა.

ამის გამო „ინვალიდის“ კორრესპონდენტი ამბობს, რომ ვისაც ოსმალეთისგან უფლება რამე აქვს მინიჭებული, იმას არ შეიძლება სრულებით მიენდოს კაციო, და ურჩევს ყველას, ვისაც შეეწყენა უნდა გერცოგოვინელებისთვის, რომ იმან შესაწევარი რუსეთის ელჩს წარუდგინოს, რომელაც დანიშნულ ალაგას გადასცემსო.

ზევითა ვსთქვით, რომ ოსმალებს ეშინიანთ არეულობა არ მოხდეს შიმშილისაგან შეწუხებულ გერცოგოვინის მაზრებში ამის გამო ისინი აშენებენ და ჰმართვენ სიმაგრეება იმ ალაგებში, რომელთაც უფრო მნიშვნელობა აქვს რამე. ამასთან ისიც ეფიქრებათ ოსმალებს, რომ სერბიაც არ მიუდგეს გერცოგოვანელებს, თუ ვინიცოება ისინი ადგნენ. ამის გამო ოსმალები ძალიან ბეჯით თკალყურს

ადევნებენ იმ სოფლებს, რომელნიც სერბიის ახლოს მდებარებენ და ამასთან ნიშიდგან მოყოლებული სერბიისა და გერცოგოვანის საზღვრებზე სიმაგრეებს აშენებენ.

ოსმალების მეგობარ ავსტრიელებსაც არა სძინათ, როგორც ამბობენ სარწმუნო პირნი, ავსტრიის მმართველობა ადრიატიკის ზღვის კიდეზედ აპირობს ორი გამაგრებული ბანაკის გაკეთებას. ამასთან ნამდვილად ვიცი (ამბობს კორესპონდენტი), რომ რალუზის გუბერნატორის კანცელარიიდან რალუზისა და კატტარის (ესენი ავსტრიას ეკუთვნის) მაზრის უუროსებს მაწერილობა აქვსთ გაგზავნილი, რომლის ძალით იმათ სასწრაფოდ უნდა აცნობონ, თუ რამდენი ჯარი დაეტევა აღნიშნული მაზრის სოფლებში. ესეც უნდა უსთქვათ, რომ რალუზასა და ბოკა-დიკატტაროში დიდძალი სამხედრო იარაღია გაგზავნილი. აგრეთვე ამ ცოტა ხანში, ამბობენ რალუზაში წასულან ინჟინერები-ტოპოგრაფები იქაური მდებარეობის დასათვალისწინებლად და ოსმალეთის საზღვრის გასაშინჯავად.

ტანსაცმლის უზომოთ ხმარება

კულტურა არის კაცობრიობის სურვილი, რომ გაწყობილი ცხოვრება მოიპოვოს, ყოველივე ზაჭიროება დაიკმაყოფილოს, კომფორტი ჰქონდეს. კომფორტი ესმის მხოლოდ ნაწილობრივ განათლებულ ადამიანსა. ველური, ტყის კაცი სიამოვნებაშია ზიზილ პიპილებითა და ბრწყინვალე მორთულობითა; მცირედ გახსნილ, გაუნათლებელ კაცს სადღესასწაულო სიმდიდრე ურჩევნია და სამუდამდღეო ბინძურება, უწინდურობა და ქუჩუკი, ვინემც სწორი საყოველღეო ზომიერი კმაყოფილება. სიმდიდრეს, ფუფუნებას, უზომობას ეწინააღმდეგებოდნენ კანონისწდებელნი, მწერალნი და სარწმუნოების მოქადაგენი, მაგრამ ვერაფერმა ვერ უშველა, ამიტომ რომ ამისი წინააღმდეგობა შეუძლიან მხოლოდ საზოგადო განათლებას. მოვიტანთ ყურნალს „ვეროპისგან“ მცირე სიტყვას ტანსაცმლის უზომოთ ხმარებაზე.

„ჩვენ უნდა ზომიერათ ვილაპარაკოთ, ან სრულებით მოვსპოთ ლაპარაკი კრინოლინების (ჩვენებურათ ხაბარდის) წინააღმდეგ; აქედან არა გამოდის რა. ეს მიზეზი მხედველობაში უნდა გვგქონდეს და ღირსია შეწყნარებისა. მოდის საქმეში ქალები ძალიან შეურყეველნი არიან, ქალები იმას ჩადიან რაც უნდათ და არ ჩადიან იმას რაც საჭიროა ვისაც ამის დამტკიცება სურს, ამისთვის ისტორიულ დამტკიცებას მოვიტანთ. მეთოთხმეტე საუკუნიდგან მოყოლებული მღვდელობა და მართებლობაები ლაპარაკობდნენ ქალების მოდის წინააღმდეგ, და მეჩვიდმეტე საუკუნეში ისევ ამ ლაპარაკს ვხედავთ, მაშასადამე იმათი შრომა ამათ დარჩა. ქალის მორთულობის კრინოლინის წინააღმდეგ ჰამბურგის ქალაქის ფასტორმა ლუკა ოლიანდერმა დაბეჭდა გაკიცხვის ქადაგება. სხვათა შორის იმაში სწერია: „უცხო ქვეყნებიდგან შემოვტანეთ სულელური ტანისამოსის უზომობა, სახელდობრ ქალების კაბების ქვეშეთი რკალები. ამ მორთულობის სიმშვენიერე და სარგებლობა ეს არის: როდესაც ქალი სტოლთან ახლო მივა დაჯდება, ამ რკალებისაგან ისე ხემოთ ნახევარ არშინზე აიწევს და ქვეშედამ გამოჩნდება ქვედა ტანისამოსის კუთვნილება“. ეს დოქტორი ლუკა ოლიანდერი მოკვდა, კრინოლინი კი ისევ ცოცხალია. მრთელის ასო-

ბით მმართველოსთაგან დაწერილ კანონებისაგან ტანისამოსის შესახებ არა დარჩა რა ერთის ოხუნჯურ ანდაზის გარდა: ეს წინააღმდეგია ტანისამოსის დებულებისა. გონიერი კაცები მაშინათვე ხედავდნენ ამ დებულებათ ურგებობასა. ერთმა მწერალმა ლექსები დასწერა: „საქებელ დებულებაებს ტანისამოსის შესახებ არც სრულად არც ნაკლებათ არ ასრულებენ: მაღალის უფლების ბრძანებას ქუჩის ყოველ კუთხეში დასცინიან.“

ტანსაცმლის უზომოების წინააღმდეგ დებულებანი მრავალნი არიან და ბევრს ვაჯობობინებენ ძველ დროების ჩაცმა დახურვის გარემოებასა. ამითი ჩვენ ვხედავთ იმ დროებას, როდესაც ისეთი ადამი იყო, რომ ტანისამოსით უნდა გაერჩიათ კაცს რა ადგილი ეჭირა საზოგადო ცხოვრებაში. პირველათ ქალაქებში დაიწყეს ტანისამოსზედ დებულება. მას უკან დაიწყეს თავად-აზნაურობამ, სხვა და სხვა განკერძოებულს ადგილებს მთავრებმა; ბოლოს იმათა შრომა რომ ცუდათ დარჩა, სახელმწიფოს მმართველობა გაერია საქმეში. მეთხუთმეტე და მეთექვსმეტე საუკუნეებში (1493-დან 1577-წლამდის) ნემეცის სახელმწიფო კრებავები (სეიმები) ტანისამოსის კანონდებულებაზედა შრომობდნენ და ამასთან ხელმძღვანელებთ მიღებული ჰქონდათ, რომ ტანისამოსი უბრალო უნდა იყოსო, მართველი და იაფიო, რომ ყველა კაცი, რაც უნდა ჩამომავლობის და ღირსების იყოსო, ტანისამოსი ჩააცვას თავის წოდების და შექლებისდაგვარათ, რომ ზედ ეტყობოდეს რომელ წოდებას ეკუთვნის. რადგანაც ტანსაცმლის უზომოება მთავრებისა, რაინდებისა, თავად-აზნაურობისა, მოქალაქეთა და გლეხთა იქამდის მივიდა, რომ არათუ თათოგულათ, არამედ მფელი თემობა და ადგილობა გაღარბდა და საზრდომოაკლდა, რადგანაც ფარჩა, ხავერდი, ატლასი, უცხო ქვეყნის ხელსახოცი, მარგალიტი და ოქრო საშინლათ აღარიბებს, აცარიელებს ხაზინასა, და შურიანობამ, შეჯიბრებამ და შეცილებამ ჩაცმა დახურვაში შეამცარა, შეამსუბუქა ქრისტიანული საყვარული, და ჩაცმა დახურვის უზომოება ისე გაურჩეველია და ზომიდან გასულია, რომ განსხვავება არ არის ერთმანეთში, და ამისთვის მორიგებით ჩვენ კურჟურსტებთან, თავადებთან და სხვა მოხელეებთან ერთათ დავაწყეთ გამოცეო ტანსაცმლის შესახებ დებულება. საქსონიაში, 1596 წ. გამოვიდა ბრძანება, რომლითაც აღეკრძალებოდა ყოველგვარი კეკლუცობა, თვალმარგალიტით მორთულობა, საზოგადოთ ხმარება ხავერდისა, ფარჩისა, ოქრომკედის ნაკერისა, ოქრომკედის არშიებისა, ძვირის კრუჟევისა, ძვირფასი ლენტებისა და ბეწვისა.—მეთოთხმეტე საუკუნეში ბრაუნშვეიგში აკრძალულ იყო ოქროსი, ვერცხლისა და მარ-

გალიტის სამკაულის ხმარება, მხოლოდ რვა წლამდის ყმაწვილებს შეეძლოთ ამავებით მორთულობა. შემდეგ ბრძანება გამოვიდა რომ ქმრიან ქალს ქორწილში და ნათლობაში კანონით დანიშნულზე მეტი ოქროსა და ვერცხლის სამკაული არ ეხმარა.

ზოგიერთმა მთავრებმა მაგალითიც მისცეს თავიანთ გამოცემულ კანონების ასრულებისათვის. უკანასკნელმა მთავარმა ბრაუნშვეიგისამ, როდესაც თავისი ჯარი გადასცა, მოითხოვა ერთი ტანისამოსი საჯაფხულო და მეორე საჯამთრო. სხვა მთავარმა ბძანა, რომ თავის უმცროსს შვილს წამოსასხამათ უფროსი შვილის ძველი წამოსასხამი გადაუკეთონ, დანარჩენი შარვალზე მოახმარონ.

აქ უნდა დაუმატოთ, რომ ჩვენშიაც ყოფილა ადრე მშვეარი აკრძალვა. გაგვიგონია, რომ მეფე ერეკლის დროს ტფილისში აკრძალული იყო მოქალაქობაში ოქროს სამკაული ეხმარათ, ატლასბათის ახალუხი და კაბა, შეიდიში. ამავების ხმარება მაინც ყოფილა ქორწილებში და წვეულობაში. მხოლოდ რა კი დაინახავდნენ, რომ დარბაზის სანათურიდგან მზვერავები იხედებიან, მაშინვე ოქროს ძეწკვს ქალს ზედ ყელზედ ჩამოაწყვეტდნენ დედები. თუ თვალს შეასწრებდნენ მზვერავები, მეორე დღესვე მეფისაგან კაცი მიუვიდოდა იმ ოჯახში და ან ხარჯი მოემატებოდა ან ის მორთულობა უნდა გამორთმეოდათ. ორი ყალამქრის ახალუხი რომ ჰქონოდა ვისმე ან ორი ქათიბა, ერთი წაერთმეოდაო.

ამ დროების ფრანციის მწერალნი და იმათი თხზულებანი

I

იმპერატორმა ნაპოლეონმა, როცა ზალცბურგს ნახა იმისგან დამარცხებული ავსტრიის იმპერატორი და იქიდგან ფრანციაში დაბრუნდა, იმან შენიშნა ფრანციის კამარაზე შავი წერტილი, რომელიც ამ ჟამად საშიშო შავ ღრუბლათ გადაიქცა და ნაპოლეონისთანა გამსჭვერი თვალი კი არა, უბრალო თვალიც კი ნიშნავს ამ შავბედითს ღრუბელსა. დიდი გრგვინვის წინ რომ მძიმე ჰაერი დადგება და ყველას სულს უხუთავს, ანლანდელი ფრანციის ხალხი სწორეთ იმ გვარს მდგომარეობაშია ჩაფარდნილჲ. იმან იცის, რომ საშინელს კეჟა-ქუხილს ვერ ასცილდება და გულ-აღელვებით იცქირება იქით და აქეთ, მაგრამ არ იცის სად შეიფაროს თავი ამ საშინელის მოსალოდნელის შემთხვევისაგან.

გიზო სწერს, მე ჩემი კალმით შევხებივარ ყველა დიდს საქმეს, რომელიც აღელვებს ხოლმე საზოგადოებას, შევხებივარ ხალხთა ურთიერთ მიმართ სიმაართლის საქმეთა, საპოლიტიკო დაწყობილების საქმეთა, საზოგადოების ურთიერთ მიმართობის საქმეთა, სარწმუნოების საქმეთა, — და ყველგან ორგვარი საგანი შემინიშნავს: დიდი არეულ-დარეულობა და დიდი ყოყმანობა თავის განზრახვის ასრულებაში. არაფერი არ გახდა მარტივი და ადვილი საკეთებელი; ვერსად ვერ ვიპოვე გამბედავობა. ყოველნი ასახსნელნი საქმენი და იქვენჯულობანი ერთად დასწოლიან კაცის აზრსა და იმის ნებას. სურვილნი უსაზომონი არიან, შემოუხსაზღვრელნი და მრავალ გვარნი; ყველა იძახის, როგორ მოვიქცეო და ვერაფრისთვის გადაწყვეტით ხელი ვერ შეუხია. ასე გგონია, თქვენ წინ სდგანან არაქათ წართმეულნი მგზავრნი, მაგრამ გზა უკვლევს ალაგას, ჯერ კიდევ თვალ-დახუჭულნი აზრით იკვლევენ გზასა, ამისთანა მდგომარეობაში დარჩენა ხალხისთვის შეუძლებელია და ამისგამო სწავლით და გონებით სავსენი მეცნიერნი და მწერალნი ცდილობენ ახსნან, თუ როგორ და რა საშუალებით გამოვა ხალხი ამ მდგომარეობისაგან. ისინი

თავის თხზულებით ცდილობენ გზა გაანათონ და ხალხსაც გაძმოსასვლელი გზა დაანახონ. მაგრამ, როგორც ჟირარდენი ამბობს, ფრანციაში აზრი მოქმედებას და საზოგადო განსჯას ვერ მიეცემა, იგი მხოლოდ წიგნებში უნდა იმალებოდესო. მართლაც ფრანციის მოწინავე პირნი ამ უკანასკნელს ჟამს გვაძლევენ და გვაძლევენ საზოგადოების დაბანდულთა საქმეთა ასახსნელს წიგნებსა.

მომავალ დროისთვის საკვლევ გზის მისაგნებათ საჭიროა ახლანდელი გზა დაწვრილებით. განიხილოს კაცმა. ამ მოთხოვნილებას გორნმა გასცა პასუხი. გორნი არის ერთი უპირველესი პირთაგანი, რომელიც პატიოსანის თავგანწირულებით მსახურებს ფრანციაში თავისუფლების დამკვიდრებასა. დიდი ხანი არ არის მას აქეთ, რა იმან საქმით დაამტკიცა, რომ ის გულმხურვალედ და უსასყიდლოთ იბრძვის ამ საქმისთვის. ამ წარსულს ზამთარს პეშტიდგან მისწერეს და სთხოვეს ლლოიდის დირექტორათ გამხდარიყოს; თუმცა ეს ადგილი შემოსავლით ძალიან სასარგებლოა და ფრანციის მწერლობამ კიდევ დაიწყო მწუხარება ამის თანა ძვირფასის თანამშრომელის დაკარგვისათვის მაგრამ გორნმა ლლოიდს მისწერა, რადგან ჩემს თავს ეთვლი იმათს რიცხვში, რომელნიც იბრძვიან ფრანციის თავისუფლებისათვის, ამისთვის მე ჩემს წმინდა მოვალეობათ ვრაცხავ აქ დავრჩე, ვიდრე ეს მცირე რიცხვი ჩემის ამხანაგებისა არ გაძლიერდება. გორნის თხზულებას ეწოდება „ბილან-დე-ლამპირი“ (Bilan de l'empire), რომელშიაც განიკიცება ცუდი მდგომარეობა ფრანციის იმპერიისა ეკონომიურის მხრით. ნაპოლენონ მესამის დროს 31 მილიარდი დახარჯულა თხუთმეტის წლის განმავლობაში, მაშასადამე 12 მილიარდით მეტი, ვიდრე იმის მოადგილეს კაროლს ლუდოვიკ ფილიპეს მეფობაში. ამისთანა ცუდის ოჯახობისაგან, გორნის აზრით, ფრანციას მიელის ორი შემთხვევა: ან ცვლილება და ან ბანკროტობა. ეს დასკვნა იმითია მართალი, რომ ახლანდელი ოჯახობა იმპერიისა, თუ კიდევ უწინდულათ გაგრძელდა, ბანკროტობას შეესწრება უეჭველათ. მაგრამ მიზეზი მარტო უთაური ოჯახობა სახელმწიფოისა კი არ არის, ამის მიზეზი მთელი საპოლიტიკო და საზოგადო დაწყობილობა იმპერიისა არის. როდესაც წარმოვიდგენ ფრანციის ხალხის სიმკვირცხლეს, უნდა დავრწმუნდეთ, ამისთანა მდგომარეობა დიდხანს ვერ გასტანს. რითიმე უნდა გათავდეს ეს ცუდი მდგომარეობა, მაგრამ ახლანდელი დაწყობილება რომ მოსპოს, იმის მაგიერ რა უნდა დაწესდეს? ან რა ღონისძიებით უნდა მოისპოს? ნუ თუ კიდევ რევოლუციითა? აი ამ კითხვებზე შეჩერდა დიდებული მწერალი რენანი, ამისთვის არ იქნება ურიგო, რამ მკითხველები გავაცნოთ იმის აზრებსა, იმისივე სიტყვებით.

„ფრანციის რევოლიუცია განცდასა ნიშნავს ხალხისას, რომელმანც გაჰბედა იმის მოხდენა. მაგრამ ეს განცდა სახეირო არ იყო, ფრანციის რევოლიუციამ დაჰბადა ხალხი, რომლის მომავალი ექვექვემ არის, — ხალხი, სადაც მარტო სზმდიდრეს ჰძევს ფასი და სადაც კეთილშობილურს გრძნობას ალაგი არა აქვს. კანონის კრება ისეთ რიგათ არის შედგენილი, რომ ყოველი კაცი იბადება გამოსაზრდელს სახლში და ჰკვდება უცოლოთ. აქ ზეილი მამის აუტანელ ტვირთათ ზდება; რასაც საზოგადო და საუკუნო მნიშვნელობა აქვს, არც ერთი არა სწამთ: ვინც სწავლულია, თავის მოყვარეა და ცდილობს რაც შეიძლება ცოტა საზოგადო მოვალეობა იკისროს, საკუთრება ზნეობითად კი არ ესმისთ, არამედ მიაჩნიათ სიტკბოებათ, რომელიც ფულის სიდიდით განიზომება; ვისაც ბევრი ფული აქვს, იმას მომეტებული კმაყოფილება და მიმეტებული გრძნობიერი კეთილ მდგომარეობა — ხელში უჭირავს. ამისთანა ცხოვრების წესი შთააგდებს ხალხს უძლურებაში და დააძაბლებს უადრესს ყოველისა. რენანი ამბობს, რომ რევოლიუციამ ყოველივე გააცალკევა: კაცი კაცისგან, საზოგადოება საზოგადოებისაგან; არაფერი არ დარჩა ერთად შეკავშირებული, გარდა ეკლესიისა. იმას არ შეხებია რევოლიუცია და მართლაც სასულიერო წოდებაში რომ ერთობა არის, იმისთანა არც ერთს ფრანციის საზოგადოებაში არ არისო. 1848 წელს მომხდარი რევოლიუცია ყველაზე უფრო შეუვიწებელი, პატიოსანი იყო, მაგრამ თავისი წინდაუხედაობით და სიმჩატისა გამო ერთი წელიწადიც არ გასულა, რომ მთელი სახელმწიფო ჩაუგდო ხელში იმ ნაწილს ხალხისას, რომელიც ყველაზე უფრო მძიმე, უმაქნისი და ცუდი ძველი წესის დამცველიაო.

ამ სახით დაარსდა სულის მომხუთავი დაწყობილება. მხოლოდ 1859 წელს, ნაპოლეონ III წყალობით, ამ სულის მომხუთაველს გარემოებაში მოჰბერა სასიამოვნო ცვლილებამა. ცუდი ძველი წყობილების დამცველთა, ანუ სხვა რიგათ ვთქვათ, კონსერვატორთ ეგონათ რომ პრინცი ლუდოვიკ ნაპოლეონი იმათს აზრებს გაჰყვებოდა, მაგრამ ისინი ვერ იყენენ შორს გამჰყრეტნი და ამის გამო კიდევ შესცდნენ. გამოჩნდა რომ ნაპოლეონი, რომელიც ამოიჩიეს იმ განზრახვით რომ ყოველი აზრი ანუ იდეა მოსპოს სახელმწიფოში, თვითონ იყო აზრიანი კაცი, ჰქონდა თავისი განზრახვა, პლანები, თუმცა ბევრი არ იყო ჩვენგან მოსაწონარი, მაგრამ იმისი აზრები და პლანები მაინც ბეურათ სჯობდნენ კონსერვატორებისას. ჯერ ნაპოლეონი ისე მოიქცა, როგორ კონსერვატორებს იამებოდა, მაგრამ შემდეგ დაემორჩილა ისევ თავის აზრსა და განზრახვას. იმას უნდოდა ქვეყანა დაერ-

წმუნებანა, რომ რუსეთი ისე ძლიერი სახელმწიფო არ არის, როგორც ჰკონიათო, ჰსურდა ხელი გაეწვდნა იტალიისათვის, რომელმაც დაჩაგვრისაგან თავი წამოპყო. ხელი წაეწყო გონიერ მოძრაობისთვის, რომელმაც პრუსიის სახელით დააფუძნა თავისუფალი გერმანია; უნდოდა თანდათან გაემზადებინა პაპის საერო უფლებას შეცვლა, შეესაღავათებინა მკაცრი კანონი 1850 წლისა ხალხის განათლებაზე; გამოეცადა მოხელობაში და ვაქრობაში იმისთანა წესი, რომელსაც იქნება ბევრი საქები მხარე აქვს: მიეცა გზა მუშა ხალხთა ამხანაგობისათვის (ასსოციაციისათვის), რომელთაც დიდებული მომავალი უმზადდებათ. ძალიან ცოტას მოვიტვლით იმისთანა მმართველობას, რომელსაც შესძლებოდა ამდენი საქმის გაკეთება. უმთავრესად შეცდომილება ახლანდელი მმართველობისა ის არის, რომ თავის მიწით მარტო არ დაკმაყოფილდა (ფრანციასთანა მხარე თვითონ კი არ უნდა ცდილობდეს სხვა ქვეყნების შოვნას, არამედ სხვები უნდა ზხვეწებოდნენ, შეგვიერთეთო)....

გერმანიის უეცრად გამოსვლამ შეომრად დიდ ბრძოლის ველზე აფიქრებინა მთავრობას, რომ წაჰბაძოს იმას იარაღით და სამხედრო დაწყობილებით, რომელმაც შექმნა გერმანია მძლეველად. შეიარაღებით მიბაძვა არ არის ძნელი! მაგრამ სამხედრო დაწესებულებაში წაბაძვა კი უფრო ძნელია. პრუსიის წყობა არის თვითონ ხალხის ხასიათიდან წარმოშდგარი; წყობას რომ მიჰბაძო და თვითონ ხასიათი არ გადმონერგო, რომელმაც დაჰბადა ამისთანა წყობა—უფუნურება იქნება. მაშ რას უნდა მივბაძოთ?—ნემეცურს შკოლებს, ნემეცურს უნივერსტეტებს, ზნეობითს აღზრდას გერმანიისას, გერმანიის დამოკიდებულებას სარწმუნოებაზე. როდესაც ბარონ შტეინი 1808 წელს შეუდგა პრუსიის აღგენას, დაიწყო იმითი, რომ ბერლინი გაჰბადა ჭკუის სატახტო ქალაქად ჩრდილოეთს გერმანიაში. იმან დანიშნა ფიხტე უნივერსტეტის რექტორათ; უნივერსტეტში მიიპატიჟა პროფესორათ კოლფი და შლეიერმახერისთანა კაცები, შემდეგ ნიბური და სავინი. საზოგადოების ძალა ორია: ერთი ხალხის ქველ-მოქმედებაა, რომელიც არის საუნჯე თავგანწირულებისა, მაღალი ზნისა, რომელიც კეთილ-შობილს ხალხს ძველიდგან აქვს მამა-პაპისაგან გამოცემული; მეორე—განათლება და წმინდა აზრი მაღალის წოდებისა. ჩვენ დროს ომი კარგი გამოსაცდელი ღონისძიებაა ხალხისა; რომელიც სჯობდა, უეჭველად ის დასძლევს. უფრო მეცნიერი ხალხი ის არის, რომელსაც ეყოლება საუკეთესო მეხანიკოსები, საუკეთესო ქიმიკოსები, რომელიც ყველაზე უფრო ცოტა პატივს სცემს დაძველებულს წესს და რომელიც საუკეთესოთ გამოწყობილია საომრად.

ბარბაროსობა, ესე იგი, მხოლოდ ერთი ღონე, ქკუის უხმარებლათ, სამუდამოთ დაეცა. ბოლოს ძლევა იმ ხალხს დაჩეხა, რომელიც უფრო განათლებულია და უფრო კარგი ზნისა არის, ესე იგი რომელიც უფრო მზად არის სამსხვერპლოთ და უფრო კარგათ ასრულებს თავის ვალს. რომელი ქვეყანაც უფრო მსწრაფლათ გამოიყვანს ბრძოლაში მომეტებულს ხალხს საზოგადო საქმის დასაცავათ; ქვეყანა, რომელიც უფრო ბევრს ხოჯს გამოიღებს გაჭირვების დროს; ქვეყანა, რომელიც უფრო ბევრს ნაყოფს შოვობს ცოტა საშუალებით, ის ქვეყანა ყველაზე განათლებულია, კეთილმოქმედი და იქნება კიდევ ყველაზე უფრო თავისუფალი.—მხოლოდ მეცნიერება და კეთილმოქმედება დაჰბადებს ხოლმე დიდებულს საქმესა. მერწმუნეთ, რომ კეთილი მამულის მოყვარე ის არის, რომელიც გიჟადაგებს წინდახედვით მოქმედებასა, ზნეობის თანხმობას გონიერებასთან და არა ისა, რომელსაც სამშობლოს სვე არად მიაჩნია, ოღონდ კი თავისი მკვერ—მეტყველება და მოხერხებულობა გამოიჩინოს.

ყოველ შეგნებევაში უნდა აღძრას კაცმა ხალხში სიყვარული კეთილ-მოქმედებისა; არასფერი არ უნდა ითაკილოს, რომ განათლება და გონება ხალხში დაამკვიდროს, დააწესოს მამაცური და გონივრული აღზრდა, რომელიც უნდა იყვეს დაფუძნებული ბეჯითს და ღრმა სწავლაზე, შთაუღვას გულში ხალხს კეთილ-მოქმედება, რწმუნება და პატივისცემა მცოდნე და განსწავლულ კაცებისა; რევოლიუცია შეაძლოს; საქვეყნოდ პატივს სცემდეს რელიგიურს გრძნობას, მაგრამ სარწმუნოების გარეგანი სახით კი არ უნდა შებორკოს ხალხი, ამიტომ რომ ის არის წარმავალი; კეშმარიტი სარწმუნოება კი არა ოდეს არ დაშრტება; ყველაზე უფრო თაყვანს სცემდეს თავისუფლებას;—აი ეს იქმნებოდა კარგი პოლიტიკა.—ჩვენი ქვეყანა მძიმე ავადმყოფია; თვითონ იმისი ბუნება ძირიანათ უნდა გადაკეთდეს.

ფრანციის ღონე გარეშეუსაზღვრელია, მაგრამ ის ჩაგრება ჰაერას უქონლობისა და ტუსალობისა გამო. უნდა გვეშინოდეს იმისთანა მოვლენებისა, რომლის დროსაც ჩვენი ხალხი თითქოს თვითონვე აპირებდეს თავის სახელის გატეხას და რაც ქველ-მოქმედი და სახელოვანი კაცები ჰყავს, ყველას გაგდებას. უნდა მოვიკლათ ის სახალხო თავისმოყვარება, რომლისაგამო ვცდილობთ ჩვენის მეზობლების გაცალკეებას და დასუსტებას. როდესაც ფრანციის ხალხმა ერთგზის უარჰყო ხელმწიფეების ღვთიური უფლება, იმას შემდეგ გარდა ხალხის უფლებისა, სხვა აღარა დარჩენილა რა მტკაცვე: ხოლო ხალხთა ცხოვრება მხოლოდ მაშინ განმტკიცდება საუკუნოდ, როდესაც მხოლოდ ისინი არიან შეერთებულნი ერთად, რომელნიც ერთი ჩამომავ-

ლობისანი არიან, ერთი ენა აქვთ, ერთი ისტორია და საერთო ზრუნვა. ერთი ერთმანეთთან წინაღმდეგობის მაგიერათ, ხალხებმა უნდა შეისწავლონ ერთი ერთმანეთისაგან და ისარგებლონ ერთმანეთის გამოცდილებით.

მე ბეჯითად დარწმუნებული ვარ, რომ ორი გარემოებისაგან მთელი ახლანდელი განათლებული ქვეყანა არ მოისპობა: ერთი იმისა გამო, რომ ევროპა რამდენსავე სახელმწიფოთ არის გაყოფილი, და ეს არის დედა-ბოძი თავისუფლებისა, მეორე, — რომ დიდი ძმობაა ხალხებს შორის, რომლისგანაც სხვა და სხვა შთამომავლობის ხალხთა კუთვანობებანი შეერთებულნი არიან მეცნიერებაში, ხელოვნებაში, პოეზიაში და სარწმუნოებაში და საზოგადო აზრისთვის შრომობენ. ჩვენთვის სამაგალითოდ უნდა იყვეს საბერძნეთი, რომელიც იყო შეერთებული გონების სიმკვირცხლით და ამასთანავე იყო დაყოფილი მრავალ სახელმწიფოდ და არა რომის იმპერიად, რომელმაც თავის საშინელი კავშირით დაღუპა ძველი ცივილიზაცია (განათლება)“...

ამისთანა გულახდით ლაპარაკისთვის და მამაცურის მსჯელობისათვის არ შეიძლება რომ რენანს პატივი არა ვცეთ. „ოჰ, რა მოდავენიქიაო!“ — აღტაცებით ამბობს გაზეთის Temps-ს კრიტიკოსი შერერი. ან იქნება რენანი არ კმარობდეს ეპისკოპოსების წყენას და კიდევ უნდა ახალს განსაცდელს მიეცეს! როგორც ვიცით ფრანცია ორ რელიგიათ არის გაყოფილი: კათოლიკისა და რევოლიუციისა. რენანმა პირველი შეაგინა და ახლა მეორესთვის ხელი შეუხია. შერერიც ბევრში თანაუგრძნობს რენანს და ისიც შეძრწუნებით სჭკრეტს რევოლიუციას. ის განსაკუთრებით იმაზე აქცევს ყურადღებას, რომ რევოლიუცია ჰკლავს და არ აძლევს თავისუფლებას. „თავისუფლება დაწესებულება რამ კი არ არისო, ის არის ზნეობითი გრძნობა, გონიერების მორჩილება, გულის თქმათა დაკავება და პარკელ შთაბეჭდილების დახშობა. იტყვიან, რომ მე ძალიან სასტიკად ვლაპარაკობ რევოლიუციაზე; და მე რომ ჯერ კიდევ არ დამიბოლოვებია ჩემი აზრი. მე შემეძლო მეთქვა რომ, თუ რაზე კარგი მოაქვს რევოლიუციას, იმასაც კარგათ ვერ უდგამს ძირსა. რა მაგისტანა პატარა ნაყოფი გამოიღოს სულ დარღვევას, ისევ რეფორმა (ცვლილება) სჯობია.

რევოლიუცია მაშინ არის მისატყვებელი, როდესაც ხალხს სხვა ღონისძიება აღარა დარჩენიარა, რომ ცუდი წესდებულებისაგან თავი იხსნას. ვაჲ, იმას ვინც ამგვარათ არ უყურებს რევოლიუციას. რცხვენოდეს იმას ვინც იმას სიხარულით მოელის; იმიტომ რომ უყვარს მოძრაობა და ხშიანობა. მაგრამ განსაკუთრებით წყეული იყოს ის უყ-

ლება რომელიც ჰხდის იმას მიუცილებელ საჭიროებათ, ან ის ძალი, რომელსაც ჰსურს იმის მოვლენა. მაშინ პასუხისმგებლად ქვეყანა კი არ ხდება, არამედ ის უგუნური უფლება; რომელიც ამის მეტს საშველს არ აძლევს ქვეყანას“.

ამისთანა სტატიების გამოსვლა ფრანციისათვის დიდი ნუგეშია. თუ ცისკამარაზე შავი ღრუბლები იკრიბებიან, არიან მაინც იმისთანა გონებანი, როგორც რენანისა და შერერისა, რომელნიცა წინათვე ხედვენ რა შედეგი ექმნება იმ საშიშო ქუჩილსა და ფიქრობენ როგორმე თავს გადააცილონ.

II

წინა ნუმერში იყო მოხსენებული ფრანციის ხალხის ვითარება ამ ჟამად: ყველანი ნიშნავენ შავს ღრუბლებს, რომელნიც მზად არიან ქექა-გრგვინვა მოახდინონ საზოგადო ცხოვრებაში და ახლანდელი საზოგადო დაწყობილება პირქვე დაამხონ; ამის გამო მოწინავე კაცები შეჟღედნენ ახლანდელის მდგომარეობის საფუძვლიანათ ვარკვევას და შესწავლებას: ზოგნი ცდილობენ შეიგნონ დაწვრილებით ახლანდელი ვითარება ხალხისა; სხვანი ცდილობენ ხალხს გული დაუშვიდონ, რადგან იციან, რომ ის მეტად აღელვებულია თავის შეუსაბამო ცხოვრებისათვის და ეშინიანთ, გულის თქმამ შორს არ გაიტაცოს ისა, — არ მიაღწევიდეს იმდენზე, რომ საზოგადო დაწყობილება და ახლანდელი მთავრობა ძირიან ამოთხვრას და დაღეწოს, — მესამე ჯურის სწავლულები აჩქარებენ უჩვენონ მთავრობას სხვადასხვა გვარნი ცვლილებანი, რომ იმათის მოხდენით გამოიყვანოს ხალხი ახლანდელის აუტანელის მდგომარეობისგან.

რადგან ამ ორი ჯურის კაცებზე წინა ნუმერში მოვილაპარაკეთ, ამისთვის ამ ნუმერში მხოლოდ რეფორმებზე ვილაპარაკებთ. აქ საჭიროა ერთ პატარა პარტიასზე ვთქვათ ორიოდენ სიტყვა, რომლის წარმომადგენელიც რომფორია, გაზეთის „ფანრის“ რედაქტორი: ეს პარტია აღვიძებს ხალხის გულის თქმას და სიძულეარეს მთავრობისადმი ზოგჯერ ძალიან მოხერხებულათ და ნიჭიანათ, როგორც მაგალითად თვითონ რომფორი. ეს კაცი ფიქრობს, რომ ხალხის ადგომას ვერა დააკავებს რაო, ცდილობს მონახოს იმისთანა ღონისძიება, რომ ამ აუცილებელმა ბოროტებამ, რაც შეიძლება მცირედი ვნება მისცეს საზოგადოებას. თუ ახლანდელი დაწყობილების დარღვევა მიუცილებლათ უნდა მოხდეს, მაშინ რაც რომ ერთსულობით და მსწრაფლათ მოხდება ისა, ზმდენათ უფრო ცოტა სავნები იქნებაო...*)

*) ცენზორის მიერ არის ამოღებული.
რედ.

ახლა რეფორმების პროექტებზე დავიწყოთ. ყულ-სიმონმა გამოსცა თავის სიტყვების კრება, რომელნიც წარსულს წელს სჯულის მდებელს კრებაში წარმოსთქვა. ამ სიტყვების კრებას წინასიტყვაობა დაუწერა და ეს წინასიტყვაობა უმთავრესი ნაწილია მთელის წიგნისა. ყულ-სიმონი ამტკიცებს, რომ ფრანციაში რადიკალური პარტია არისო და იმათთვის მოქმედების პროგრამა შეუდგენია. ჯერ რამდენსა-მე ფურცელზე ის უმთავრეს საკმეებს იხსენიებს, რომელნიცა ავითარებენ ევროპის საზოგადოებას ამ ჟამად. ის აქცევს ყურადღებას იმას თუ რამდენი სხვადასხვა აზრი და ერთი მეორის წინააღმდეგი ლაპარაკი აქვთ საზოგადოებათა ამ საკმეზე. ამ შემთხვევაში მხოლოდ რადიკალურს პარტიას შეუძლიან ცხადი პროგრამა წარმოადგინოსო. ენახოთ რა პროგრამაა? „სრული თავისუფლება და ამასთანავე რაც შეიძლება, შემცირებული უფლება მმართველობის მოქმედების დროს“. პარტია უნდა ითხოვდეს თავისუფალს სწავლებას შკოლებში, თავისუფლად ბეჭდვას, ასსოციაციას (ამხანაგობას), ეკლესიის გაკალკეებას სახელმწიფოსთან, სამუდამო ჯარის გაუქმებას, სახელმწიფო და საქალაქო დამოუყენების გაუქმებას, სახელმწიფო ხარჯის გაერთებას და ერობის (ОБЩИНЫ) თავისუფლებას, ყველა სახელმწიფო მოხელეების პასუხის მგელობას და მოსამართლეების ამორჩევას საზოგადო ხმის მიცემით.

უფრო მოფიქრებულათ და დამჯდარის აზრით შედგენილნი არიან პრევი-პარადოლისაგან წარმოდგენილი რეფორმები. იმან დასწერა თხზულება „ახალი ფრანცია“, რომელსაც მთელმა ევროპამ მიაქცია ყურადღება.—მას აქეთ რაც მე კალამი ხელში ავიღე ათის წლის განმავლობაში ბევრი კერძო ცვლილება წარვუდგინე საზოგადოებას და ისინი რომ მოეხდინათ ჩვენს დაწესებულებას და კანონებში, ჩემის აზრით ძალიან სასარგებლო იქნებოდაო, ამბობს პრევი-პარადოლი. ამ ჟამად მე დავხატე საზოგადო რეფორმის პლანი, რომელიც შეიცავს მთელს სახელმწიფოს საზოგადო ხმის მიცემის სიმართლიდგან მოკიდებულია, რომელიც არის წყარო ყოველთა უფლებათა უმაღლესი მმართველობის დაწყობილობამდე.

„თუმცა დრო მეტ-ნაკლებს ცვლილებას მოახდენს ხოლმე კაცში, მაგრამ მე კი ამ შემთხვევაში არ ვემორჩილები დროსა და იმედიც მაქვს ვეღარა სოდეს ვეღარ შევიძლებ ჩემის აზრის გამოცვლას. სიტყვა „მონარხია“ და „რესპუბლიკა“ სიმძულვარეს ვერ აღმიძრავს და აღტაცებასაც ვერ მომგვრის. როგორი მთავრობაც უნდა დაარსდეს, ის მე ვერც თავის მტრათ გამხდის და ვერც პირუტყვ მონათ.

ჩემს თვალში უაღრესი საკითხავი აზრი ის არის, რომ შევიტყოთ, შევიქმნებით თუ არა ოდესმე თავისუფალი ნაცია (ხალხი)?

ეს არის დიდი კითხვა ჩვენის არსებობის განგრძობაზე და ამ კითხვით ჩვენ შეგვიძლიან მივიქცეთ ფრანციისადმი: ის რომ იმ მდგომარეობაში დარჩეს, რომელშიაც ახლა არის, სწორედ დაემხოზა.

ღიახ თუმცა ეს ჭეშმარიტება მეტად სამძიმო რამ საგანია ჩვენის თავმოყვარეობისათვის, მაგრამ ლაპარაკი კი ჩვენის ნაციის არსებობაზე მოგვდის. თუ ძირითადის ცვლილებებით „ახალი ფრანცია“ არ გამოცხადდა ქვეყნის წინაშე, ტყვილათ ნუ ვფიქრობთ, რომ ჩვენ დაუმზობელი გადავრჩეთ. რაში მდგომარეობს ეს ცვლილება და საინაშდის უნდა მიაღწიოს იმან?

აჲ, ჩემმა წიგნმა ამ კითხვებს უნდა გასცეს პასუხი. წინათვე ვიტყვი, რომ ჩემი თხზულება არ მოეწონებათ არც ჩვენი წესის ბეჯითად მიმყოლთა, არც იმათ, რომელნიც ოცნებაში გაერთვიან და ისე ვერ წარმოუდგენიათ ცვლილება, თუ საზოგადოება და სახელმწიფო პირდაღმა არ გაღმოაბრუნეს. არც ერთს ამ პარტიებთაგანს ჩემი თხზულება არ მოეწონებათ და სწორე რომა ვთქვა, იმათთვისაც არ დამიწერია მე ჩემი წიგნი: ეს მიმართავს იმ აზრიანს და უსასყიდლო ნაწილს ჩვენის საზოგადოებისას, რომელიც საკმაოთ განათლებულია, რომ შეეძლოს განსჯა საქებითა და არ არის შებორკილი წინათ შეგონებული აზრითა, რომელიც უშლის კითხვის ახსნას გონიერებასა და ქვეყნის მოთხოვნილებისამებრ.

მე სხვაზე უფრო დამოუკიდებულს მდგომარეობაში ვარ ღა ამის გამო ყველაზე უფრო შეუპოვრათ შემიძლიან წარმოვსთქვა ჩემი აზრი.

გამოცდილებით უნდა ჩახვდინილიყვნენ გონებას ისინი, რომელნიცა ფიქრობენ, რომ პირმოთნეობის ბუდე სასახლეებია, და დემოკრატიულს საზოგადოებაში ის ვერ გაიხარებს. უნდა დარწმუნებულყვნენ, რომ მონარხიულის დაწყობილებით დემოკრატიულს საზოგადოებაში პირმოთნეობა ვრცელდება ორის მიხეზისა გამო. ზოგნი მისდევენ უწინდელს ჩვეულებას და ეპირფერებიან მონარხსა (მეფესა): სხვანი, რომელთაც ჰსუთ ძირი გაიდგან ხალხში მომეტებულის მეფის უფლების წინააღმდეგ, უსინიდისოთ ეპირფერებიან ხალხსა. თითოეული პირმოთნე, რომ ერთ საპირფერო საგანს არჩევდეს კიდევ კარგი! უფრო მოხერხებულნი ერთსა და იმავე დროს ხალხსაც ელაქუცებიან და ხელმწიფესაც, რომ ორივესაგან სარგებლობდენ. დაე, იმოქმედონ თავისებურათ იმათ, ვინც ამ სენით შეპყრობილნი არიან, მაგრამ ნუ გავამრავლებთ მაინც იმათს რიცხვსა.“

თუმცა პრევე--პარადოლი წინასიტყვაობაში ძალიან მაღალის ზნით ქადაგებს, მაგრამ მაინც ვერ აცდენია იმას, რომ დინასტიურისაქმე არ წამოეყენებინა. ის ჰკითხულობს, ვინ უნდა იყოს გადაკეთებულის ფრანციის თავათ, იმპერატორი, კაროლი თუ პრეზიდენტი? იმის აზრით ეს ძალიან საჭირო კითხვაა, რადგან „ფრანციის რევოლუციამ საზოგადოება დაარსა, მაგრამ მთავრობა ჯერ კიდევ ვერ მოუწახვას“.

ის მოხერხებულათ და მახვილ გონებიანათ ამტკიცებს ყველას, რაც რესპუბლიკისა, ბურბონებისა და ბონოპარტების წინააღმდეგ შეიძლება ითქვას. ის ამბობს, „უკანასკნელს დინასტიას ყველაზე უფრო გაუჭირდება დაუმტკიცოს ნაციის მომეტებულს ნაწილსა, რომ იმას გულგახსნით ჰსურს თავისუფლება, მშვიდობიანობა და პატიოსანი აღმორჩევითი დაწყობილება“ აქედგან სჩანს, რომ პრევე-პარადოლი აძლევს ისევ კაროლს უპირატესობას და იმის ღვაწლს აი, როგორ აგვიწერს: „ეს სახელმწიფოს უფროსი უნდა იყოს პარტიებს შორის მოსამართლეთ და არც ერთის მხარე კი არ უნდა ეჭიროს. არც ერთ სამინისტროს, არც ერთს პირთაგანს და, თუ შესაძლებელი იქნება, არც ერთს აზრს არ უნდა მიემხროს“. პარადოლი გამოტყუებით ამბობს, რომ ამისთანა კაროლის მოპოება ძალიან სამძიმოაო და ამის გამო რესპუბლიკაზედაც უარს არ არის. კარგია რომ ორლენანსტი (წინანდელი ფრანციის კაროლის ლუდოვიკ-ფილიპეს მომხრე) ჰგრძნობს თავის შკოლის ნაკლულეგანებასაც.

ის პირდაპირ აცხადებს, რომ ლუდოვიკ-ფილიპმა თავის თავი თვითონ დაღუპა იმითი, რომ ერევოდაო გამეგობაში და აღმორჩევითი სამართლე ძალიან შეავიწროაო. „კაროლი და მინისტრები დიდი კმაყოფილებით აძლევდნენ მხარს ერთმანეთსა ჩმდროს, როდესაც ხალხს, ისინი ისე სძულდა, რომ ვერ დაენახებოდნენ. ამპარტავან გვამებისათვის ძალიან სასიამოვნოა ამისთანა კმაყოფილების გრძნობა, მაგრამ ის უნდა იყოს შინაურობაში განკერძოებულათ აღმოჩენილი და ნება არ უნდა მიეცეს იმგვართ მოქმედებისა, მაშინ როდესაც გვამი უფლებით არის მოსილი“. ეს სიტყვები უფრო გიზოს მიეწერება, ამისთვის, რომ ყველაზე უფრო ამპარტავნათ ის იქცეოდა თავის მინისტრობის დროს, მაგრამ ახლა ისიც კი აღიარებს თავის შეცდომილებას. ეს ნათლათ სჩანს გიზოს უკანასკნელს თხზულებაში „Meditations religieuses“.

გიზო სწერს, „საზოგადოების მოთავეებისა და ხალხის მოქმედებით მონარხისა და რესპუბლიკას აქვს ბრძოლა ერთმანეთთან. ცხოვრებაში მონარხია სძლევს და გულში კი რესპუბლიკა უფრო მოსწონთ. ახლა ყველას კეშმარიტებათ მიაჩნიათ, რომ საზოგადოე-

ბას აქვს სიმართლე, არამც თუ ნათლად იცოდეს გასამგებო საქმეები არამედ იმდენათ უნდა ერეოდეს, რომ შეეძლოს კიდევ თქმა, თვითონ მე ვარ მმართველიო. კონსტიტუციური მონარხია და რესპუბლიკა გვპირდებიან ამ აზრის გამართლებას: ერთი სახალხო წარმომადგენლობით, კაროლის ხელ შეუხლებლათ და მინისტრების პასუხის-მგებლობით; მეორე—საზოგადო ხმის მიცემით და დროსა და დროს განმავლობაში საზოგადო უფლებათა აღრჩევით. მაგრამ ჩვენში არც კონსტიტუციურს მონარხიას და არც რესპუბლიკას მაგრად ფეხი არ გაუღვამს „... გიზოს პირდაპირ უჭირავს; თავისუფლების მხარე, ამბობს, რომ ის არის კეთილის მიმგები ძალაო. ის ამტკიცებს, რომ საზოგადოებათა უნდა ჰქონდეთ ნება თავისუფლათ ლაპარაკისა და აზრობისა, რომ შემდეგ გონიერმა აზრმა დასძლიოს და აღმოიჩინოს, რაც იმისათვისა სჯობს.

როგორც რენანი, შერრერი, გორნი, გიზოც ამ პირველ პირებსავე ამტკიცებს, რომ ფრანცია ამ უამად მოუძღურებულაო ზნეობითად. ის უჩვენებს, რომ მთავრობის დაწყობილების შეცვლასთან საპიროა, რომ საზოგადოებამაც თავის თავზე მიაქციოს ყურადღება, სახელდომ თავის ზნეობითი მხარის გაკეთებაზე, რომელიც არის ამ უამად ყველა უბედურების მიზეზი. რენანსავეთ, ისიც ისე ამტკიცებს, რომ მთავრობის ცვლილებასთან საზოგადოებამაც ერთ დროს უნდა მიჰყოს ხელი თავის გადაკეთებას. გიზო სწერს: „როდესაც მე ვაძრევ ამ სიტყვებს ძალიან დიდს მნიშვნელობას, ზნეობითი და რელიგიური სარწმუნოება რომ ჰქვიან, ის მართლად რელიგიური და ზნეობითი უნდა იყოს; ის უნდა აღიარებდეს რელიგიურს და ზნეობითს მხარეს კაცობას და ამტკიცებდეს, რომ კაცში არის ისეთი თვისება, რომლითაც განირჩევა იგი იმის გარემო მდებარე ბუნებასთან, ესე იგი, ის უნდა აღიარებდეს კაცში სულსა. მხოლოდ ამისთანა სარწმუნოებით გაცოცხლებულ ხალხებს თავისუფალის მმართველობითა— შეუძლიანთ იყენენ პასუხის მგებელნი თავის მოქმედებისათვის და როგორც რიგია ისე ეწეოდნენ პოლიტიკურს თავისუფლებას, ამიტომ რომ მხოლოდ ამისთანა ხალხებს სწამთ ზნეობითი თავისუფლება“. ეს მცნება ძალიან ახლოა რენანის აზრზე...

ახლა დავუბრუნდეთ ისევ პრევი-პარადოლის პროგრამას. რასში უნდა მდგომარეობდეს იმის „ახალი ფრანციის“ დაწყობილება? პარადოლი ამტკიცებს, რომ ხალხს უნდა ჰქონდეს საზოგადო ხმის მიცემის სიმართლე. ძალიან დიდი საქმე იქნება. რომ ამასთანავე აღმოაჩინოს კაცმა იმისთანა ღონისძიება, რომ ამგვარი დემოკრატიული დაწესებულება მართლაც ნაციის სასარგებლოთ წარიმართოს.

რა საშუალებით უნდა აღვიძონ ხალხი, რომ იმან მიიღოს გამგეობაში მონაწილეობა და გაუწყვეტლათ არსებობდეს ამისთანა მონაწილეობა? უმთავრეს საშუალებათ ის რაცხავს თავისუფალს ბეჭდვას და გარე შეუსაზღვრელს სიმართლეს ასსოციაციათა (ამხანაგობათა) და კრებათა; აგრეთვე სრულებით უნდა შეიცვალოს ახლანდელი აღმორჩევითი წესი, რომლის წყალობით უფრო გონებაგახსნილებს არ ირჩევენ. იმას უნდა რომ ზემოხსენებულის კაცების გვარნიც იყვნენ ამორჩეულნი და ამისთვის უნდა, რომ ფრანცია ძალიან დიდ აღმომრჩეველ მაზრებუთ იყოს დაყოფილი, სადაც ერთს დროს ირჩეოდეს რამდენიმე კანდიდატი. პარადოლს ისიც უნდა, რომ ადგილობრივს მთავრობებს მიეცეს უფრო დიდი უფლება, რომ იმათ შეისაზღვრონ მთავრობისა და პარიჟის სიძლიერე.

თუ ჟულ-სიმონის პროგრამას არა აქვს გამოცდილებით სავსე საფუძველი, პრევიპარადოლიც ვერ გეჩვენებს. იმისთანა ბეჯითს საფუძველს, რომელიც იყოს ხელსამძღვანელათ ახალი საზოგადოების დაარსებაში...*)

ვინ იცის ნაპოლეონ. III რამდენს სასარგებლო აზრს მიიღებს ამდენ რჩევისაგან, მაგრამ ეჭვი არ არის, რომ ისინი თვალის წინ წარმოუდგენენ იმას ხალხის ვითარებას და ამითაც არიან ეს რჩევანი დიდ-სასარგებლონი, რადგანაც მთავრობისათვის ძალიან საჭიროა იმ ხალხის ცოდნა, სადაც თვითონ მოქმედებს. ჟირარდენმა მართალი სთქვა, უფლებასა და ცოდნას ერთი და იგივე მნიშვნელობა უნდა ჰქონდეს.

*) ცენზორის მიერ არის ამოღებული.
რედ.

ერთი თვალის გადავლება

(მგზავრობა იმერეთისკენ)

დიდი ხანი იყო, რაც იმერეთი არ მენახა: სწორეთ გამოვიდოდა ოთხი წელიწადი; იმიტომაც უფრო აჩქარებით მიცემდა გული სინარჯლისაგან, როცა ჩემს სამშობლოს მივისწრაფებოდი, როცა ვემზადებოდი იმ ქვეყნის ნახვას, სადაც ზეერი სასიამოვნოდ მოსაგონარი ჟამი ყმაწვილობისა გამეტარებინა: მინდორი, გორაკი, ტყე, მთა, ღელე, მდინარე, ყველანი სანატრელს გასულს ყმაწვილობას მომაგონებდნენ; მეც გული მქონდა კმაყოფილებით სავსე, როდესაც ახალი მჩქეფარე ცხოვრება იმათ გარემოში დამეტოვებინა; შით უფრო სასიამოვნო მოსაგონარი შეიქმნენ მშვენიერი დღენი მოუბრუნებელად წასულის ნორჩი სიცოცხლისა, რომ ამ ჟამად აღარ იყო არც ის მჩქეფარე ფხოვრება, არც ის სინორჩე, არც ის სულის სიმარტივე. მძიმე გაჭირვებისაგან და უჟანასწორო ბრძოლისაგან თითქმის გაღეული სიცოცხლე, ზნე და ხასიათი ჩემი შესვრილი უწმინდური ცხოვრების ლექითა უფრო დამანანებდნენ, საცა დავიბადე, იქ მიტევებულს უკეთესს დროებას. კიდევ იმისთვის უფრო მიხაროდა იმ არე-მარეს ნახვა და იმ კამარაში მიტრიალ-მოტრიალება, სადაც დამემარხა ჩემი წინანდელი დრო საუკუნოთ გავლილი. ეს მშვენიერი მიწა წყალი, ეს ლურჯი ცის კამარა პატრონობს ახლა ჩემს მამა-პაპის ძვლებს; ჩემს დაუვიწყარს ყმაწვილობას. მოდი და თავყანს ნუ სცემ ამ მხარეს, მოდი და თავს ნუ დასდებ ამ მხარისათვის, როდესაც ჩემი ავლადიდება იქ მარნია. მოდი და საუკუნოთ თავს ნუ გასწირავ იმის კეთილმდგომარეობისათვის!...

ვიცი ამ ჩემს სიტყვებზე ყელამდის გონიერებით ავისილი ჩემი თანა-მემამულე დაცინვით გაიღიმებს და იტყვის: ვიპ, რა გონება-გაუხსნელი რამ ყოფილა ეს ვინღაც, თავის სამშობლო მხარეს ასე ყმაწვილური გრძნობით ახსენებსო! თითქოს პატარა შეგარდი იყოს, რომელსაც შკოლის ოთახები ცემა-ტყებისაგან შესძულებია და მოუთმენელათ მოელის დღესასწაულებსა, რომ თავ-შიშველა მოქუთსლოს სოფლისკენ, სადაც ტყეებში და ღრეებში წანწალით ეცდება გამოიბა

რუნოსო შკოლაში ტუსალათ გატარებული დრო. მაგნიირი ლაპარაკი შეჭვერას გონება-გაუსხნელს ყმაწვილს და არა დაბრძენებულს. ვაჟკაცს, რომელიც ასე უნდა იძახოდეს: *Ubi bene, ibi patria* ესე იგი:

სადაც ფულია,
იქაც ჩემი სულია.

— რა გაეწყობა, ჩემი ნაკლულევანება ის ზემოთ წარმოთქმული გრძნობაა, მაგრამ ამ ორის პატარა სტიხით რომ ჩემს გაბუტებულს ბრძენს ბუზობა დაუმტკიცდა, ეს როგორღაა!...

ბუზიც ხომ მაგ გვარს აზრებს მისდევს. სანამდის ტკბილი ხილი არ შემოვა, მანამდის ბუზს სძინავს სადმე კუთხეში და არავის აწუხებს. რაკი ვაშლი და ყურძენი დამწიფდება, ისიც მაშინვე, თავს წამოჰყოფს და მოფრინდება ამ სიტყვებით:

სადაც მწიფე ხილია,
იქაც ჩემი სულია.

ამ ცოტას ხანს მაინც ბევრმა ჩემმა მემამულეთაგანმა დაიმტკიცა ბუზის ხასიათი. ახალი თაფლი როგორც კი ნახეს, ყველანი მაშინვე იქით გაფრინდნენ!... მაგრამ ჩვენს დროში კაცს არაფერი არ უნდა გიკვირდეს. წარსულ მაისის დამდეგს, ერთი სპარსელი მოვიდა ტფილისში და ჩვენს თვალწინ კაცი ქალად გადააქცია. იმას შემდეგ რომ ჟამთა ვითარებამ კაცები ბუზებათ გადააქციოს, აბა რა გასაკვირველი იქნება! კაცობრიობის ცხოვრებაში ხშირად იმისთანა დრო დადგება ხოლმე, რომ კაცი ბუზათ ჰხდება და ბუზზე მომეტებული ზნეობითი ღონე აღარა აქვს. მაგრამ ერთმა ჩემმა მეგობარმა რომ გამაკვირვა, ისე კი არაფერს გაუკვირვებია. ის მულამ წარბ-შექმუზენილი ოხრავდა, რომ ბუზები თან-და-თან მრავლდებიანო ჩვენს ქვეყანაში; თუ მარჯვით არ ვიქნებით, ყველანი ბუზებათ გადავიქცევითო. ამას რომ ლაპარაკობდა, თურმე, გულში ბუზობა ენატრებოდა და მე აბა რას მივხვდებოდი! იმის ოხვრას და დაღვრემილს სახეს რომ ვუტყეროდი, ვფიქრობდი, ეს კაცი სწორეთ ლომათ დაბერდება მეთქი; მაგრამ!... მაგარიც ეს არის, რომ უჩვენეს თუ არა თაფლი, ეს ჩემი მოწონებული ლომ-კაცი ბუზათ გადაიქცეა და მაშინვე თაფლს მიახტა. ახლა რომ მახვიდე, ასე გეტყვის, რა დროს პატიონებაზედ და კაცურს მოქმედებაზე ლაპარაკია, შიმშილით კუჭი მიხმებაო. ზომიერებით რომ იტყევოდეს, კიდევ არაფერი, მაგრამ აქაც რომ არა აქვს საზღვარი იმის გაძღომას. რაც უნდა ბევრი აყარო, მაინც მშიერა ვარო იძახის.

ვაი, სოფელო, რასშიგან ხარ, რას გვაბრუნებ, და
რა ზნე გაქვს.
ფულით კაცსა ბუზათა ჰხდი, და ავიწყებ გონიერს
გზას.

ამ ჩვენი ბუზებისა არ იყოს, მეც ჩემს გზას გადავციდი, მანდოდა-
ორიოდე სიტყვა მეთქვა ჩემს მოგზაურობაზე და აქედგან ბუზებზე
გადავხტი. აბა, ბუზები რა სალაპარაკო საგანნი არიან, თქვენი ქი-
რიმე, რომ იმათ ვითარებას ამდენი სტრიქონი მოვანდომე!, მაგრამ
კიდევ ეგ არის ჩვენი უცხოვრების დამცირება, რომ ხშირად ბუზებ-
ზედ მოგვდის ლაპარაკი.

I

ქუთაისი ერთი პატარა ლამაზი ქალაქია, რომელიც მდებარე-
ობს რიონის დიდი ქალების ყელში. ამ სახით, იმას უჭირავს შუა
წერტილი იმერეთისა. რაჭა, ლეჩხუმი, ზემო იმერეთი, ქვემო იმერე-
თი, გურია და უმეტესი ნაწილად სამეგრელოსი, როგორც შუა-ალაგს,
ისე ეხვევიან ქუთაისს და რაოდენათაც გახსნილია ალებ-მიცემობა ამ
მხარეებში, ქუთაისიც ეგოდნათ იმათი სავაჭრო წერტილია.

მთელი ქუთაისი ბალშია ჩადგმული. შორიდგან რომ შეხედო,
ისე დაჩრდილულია დიდრონი ხეებითა, რომ სახლები ამ ამწვანე-
ბულს ბალში თეთრ წერტილებათ სჩანან:

ჩემს შემდეგ ქუთაისს ბევრი მოუმატნია. ხეები გაზრდილანდა
ჩრდილი ყველგან ძალიან გასქელებულია, შენობაც ბევრი მომატებია;
ამასთანავე უფროც დაშვენებულა: ახალი ჯაჭვის ხიდი აუგიათ, ბირ-
ეა გაუკეთებიათ. აქ განსაკუთრებით ერთმა საგანმა გამაკვირვა: ქუ-
თაისი ძალიან გასუფთავებულა! ყოველს ქუჩას თავისი სხელი დარ-
ქმევია. ყოველი სახლი ზედმიკრული და შეღებული ფიცრებით გე-
ლაპარაკება, მე ამა და ამ კნიაზის სახლი გახლავარ და ესა და ეს
ნომერი მაკრავსო. ერთი სიტყვით ქუთაისი გარეგანის სახით მეტად
გაბრწყინვებულა. აბა, ახლა ვნახოთ შინაარსიცა. იქნება ისიც თა-
ვისი სიმდიდრით უღრიდეს გარეგანს ბრწყინვალე სახესა. აი, თქვენ
თვალ-წინ თლილის ქვით აგებული ლამაზი დუქანი; ვნახოთ რა სა-
ქონლით ვაჭრობს შიგ მდგმური: ორიოდე ღერი ქონის სანთელი,
ორიოდე ღრაფინა წითლათ და მწვანეთ შეღებულ არაცი, ორიოდე
მძებვი (კუპატი), აი ესენი გახლავსთ იმ მშვენიერის დუქნის ვაჭრის
სიმდიდრე. თითქმის სულ ყველა დუქანი ქუთაისში იმისთანაა. ამ
სიღარიბესთან დუქნის ქირა რომ იკითხოთ, გაგიკვირდებათ: ოცა,

ოცდა ათი და ორმოცი თუმანი! სიღვან უნდა მოიგოს ამდენი ღუქანში მდგმურმა ლატაკ ვაჭარმა?—უეჭველია, რომ რაცა აქვს ერთი ორათ უნდა დაჰყიდოს და იმით როგორმე თავის თავიც და ღუქანის პატრონიც უნდა არჩინოს. აი რა არის ძვირობის მიზეზი ქუთაისში. არსად არ ნახულა ისე გაუხსნელი აღებ-მიცემობა, როგორც აქ. ამის გამო არც ერთს ქალაქს ისეთი ღარიბი ვაჭრები არ ასხია, როგორც ქუთაისს. ერთს ღუქანს, ერთს მალაზინს ვერა ნახავ იქ ისე გავსილს საქონლითა, როგორც ტფილისის უკანასკნელი ღუქანი და მაგაზინია გავსილი. ამ სახით ქუთაისი რამდენათაც კარგი სანახავია შორიდან თავისის გარეგანის ბრწყინვალეობითა და მშვენიერებითა, იმდენათ უფრო უნუგეშოა იმისი შინაგანი არსებობა, იმისი ზომიერ მომეტებული სიღარიბე და გაუხსნელი აღებ-მიცემობა.

ამ შემთხვევაში ქუთაისი სწორეთ ნამდვილი სურათია მთელი იმერეთისა, როგორც ისა, იმერეთიც აგრეთვე მშვენიერი და ბრწყინვალეა გარეგანის შეხედულობით, მაგრამ შესაბრალებელია სიღარიბით: ბუნება მოსაწონია მრავალგვარობით და მომცემობით; კაცს რომ შეხედო,—გინდ აზნაურს, გინდა გლეხს, ყველა ლამაზათ ჩაცმულია; უფრო ბევრს იმათგანს ბუზმენტებით გაწყობილი ტანსაცმელი აცვია. ქალი ხაბარდას და აბრეშუმის კაბას არ იცილებს. ერთის სიტყვით შორიდან რომ შეხედო გლეხი და აზნაური მდიდარი გეჩვენება, მაგრამ იმათი ოჯახი და შეძლება რომ ნახო, თვალზე ხელს დაიფარებ. სიღარიბისა და სისაწყლის მეტს ვერასფერს ნახავ. ბატონ-ყმობის განთავისუფლების შემდეგ ორიოდე გროში თუ ვისმე მებატონეთაგან რგებია, ყაირათის უცოდინარობით მაშინვე მიუფლანგავს და ეხლა ებრძვის ისე უწინდელს გლეხს, რომ როგორმე კიდევ იმას დასტყუოს თავისი გასაკვები; თვითონ კი ხელს არაფერს ჰკიდებს და ამისგამო კერა უფრო და უფრო უქრება და ვალში ვარდება. გლეხიც იმას ცდილობს, რომ ყმობითის დამოკიდებულების მოსპობის შემდეგ, როგორმე ბატონს გაუთანასწორდეს და მუშაობისათვის თავი დაუწებებია. რაო?—როგორც ჩემი ბატონი არ მუშაობს, ისე, არც მე ვიმუშავებ, რომ ჩემმა ნაბატონარმა ყაზახი (გლეხი) არ დამიძახოსო. ცდილობს თვითონაც ისე ჩაიცვას, როგორც უწინდელს მებატონეს აცვია და თავის ცოლ-შვილსაც ისე ჩააცვას, რაც უწინდელს ქალბატონს აცვია. რათაო?—უნდა დაუმტკიცოს თავის ნაბატონარს, რომ რაც შენ ხარ, მეც ისა ვარო. ამ სახით გლეხმა შრომას უკლო, ხარჯს უმატა და ამის გამო იმასაც თანდათან კერა უქრება და ყელამდინ ვალში ვარდება. იმისთანა სოფლები არიან, რომელთაც ათასი თუმანი ვალი აქვთ და ზოგან მანეთზე

ნახევარ მანეთს, ანუ მანეთს სარგებელს აძლევენ. ამით ვინ მდიდრდება, ან ვისგან იღებს იმერეთის ხალხი ამდენს ვალსა? ვისაც ორიოდ გროში მოეძევა, იმისგან. ამ ბოლოს დროს, ურიებს აღდგომა გაუთენდათ. ქუთაისში ძალიან გამაკვირვა ურიების ვაჭრობამ. არც ერთს იმათგანს ხეირიანი ვაჭრობა არა აქვს. ყოველს ურიას ღუქანი და ცალიერებული აქვს, ან ისეთი დაბალი საქონლითა ვაჭრობს. რომ გროშით არა ღირს. ხალხს რომ ჰკითხო, იმათთანა მდიდარი კი ქუთაისში არავინ არის. საიდგან შოულობენ ისინი ამდენს ფულს?

— ხალხს ავალებენ ხოლმე და იქიდგან. რასაც ისინი გასესხებით იგებენ, იმის მეთედსაც როგორ მოიგებენ ვაჭრობაში! მართლა, რომელი ურიაც შეძლებულია, იმას, თუმცა ღუქანი აქვს დაქირავებული, მაგრამ არაოდეს შიგ არ ვაჭრობს. ის დადის ბულვარის წინ, სადაც გროვდება თავად-აზნაურობა და ხან ერთს მიახტება და ხან მეორეს. რა აქვს სალაპარაკო? — „ბატონოო, ბატონოო, ჩემს ფულს როდის მომცემო?“ ეს არის ურიის სალაპარაკო. ვისაც სარგებლის მიცემა უძნელდება, ის ათი სარგებლისოდენს აძლევს ღვინით და პურით. მოდი და ამისთანა ცარცვა გლეჯით ნუ გაღარიბდება ხალხი! მიზეზი ამის მაინც თვითონ ხალხია, რომელსაც თავისი ახალი მდგომარეობა კარგათ ვერ შეუტყვია, ვალის აღება გაადვილებია და ბოლოს თავის დაგირავებასაც მოელის.

ერთი საჩხერელი მებატონე ვნახე. ის იყო შეძლებულთაგანი: პურიც ბევრი მოჰყავს, ღვინოცა და თივაცა; მაგრამ რომ მოინდომოს წელიწადში თუმნისას ვერას გაჰყიდის! სახლობით ქუთაისზედაც ახლოა და ზესთაფონზედაც (ყვირილხს სტანციანზე). იმის სახლიდგან ქუთაისამდის სამოცი ვერსი არ არის და ყვირილის სტანციამდე ორმოცი ვერსი თუ იქნება, მეტი არა, მაგრამ რა ჰქმნას, რომ იმ ალაგამდის ჭირნახული ვერ მიუტანია! მთელი საჩხერის მახრა ისე შემოხლულდულა მთებითა, რომ კარგი საურმე გზა არა აქვს. ცხენით რომ წაიღოს, კაცსა და ცხენს იმდენი ქირა და საგძალი მოუწდება გზაზე, რომ ჭირნახული გასყიდვათ, აღარა ღირს; ურემზე თუ დაუდე, ეს კიდევ უარესი. მინამ გასასყიდ ალაგამდის მიაღწევდეს, შესაძლებელია ურემიც დაიმტვრეს და ხარკამეჩიც ამოიხჩოს განუალს ლაფში. ამ სახით გზების უქონლობის გამო საჩხერელმა კაცმა რომ ბევრი ჭირნახულიც მოიყვანოს, ვერ გაჰყიდის და რათ უნდა. არის დამწყვედელი თავის მთებში და ფულს ვერ შოულობს, რომ ცოტაც არის, ოჯახს ხელი შეუწყოს; უფრო ნამდვილი მიზეზი მუშაობაზე ხელის აღებისა ეს უნდა იყოს. რა მდგომარეობაშია საჩხერეა, კიდევ უფრო ცუდს მდგომარეობაშია რაჭა, ლეჩხუმი და სვანეთი. ხალ-

ხია ღარიბი, იმიტომ რომ შრომას უკლო, შრომას უკლო უფრო იმიტომ რომ ნაშრომს ვერ ჰყიდის; და ვერ ჰყიდის, იმიტომ რომ გზების უქონლობით ჰირნახული სავაჭრო ალაგამდის ვერ მიუტანია. ამ სახით უმთავრესი მიზეზი ხალხის სიღარიბისა და ვაჭრობის გაუხსნელობისა არის გზების უქონელობა. სანამდის მთის ქედებით შემოზღუდული მაზრები ქუთაისთან და სხვა სავაჭრო ადგილებთან არ შეერთდება კარგათ გაკვერილ საურმე გზებითა, სანამდის სოფლიდგან სოფლამდე ამისთანავე გზები არ დაკეთდება, მანამდის იმერეთის ხალხი ტყვილათ ნუ ელის, რომ ხელი წაიწყოს შინაოჯახობაში; თუ კარგი გზები არ იქნა, გულდადებული მუშაობაც ბევრს ვერას გააჩივებს. ნაშრომს და ნაღვაწს თუ კი ვერსაით წაიღებ გასასყიდათ, მომეტებული შრომაც სულ უნაყოფოთ ჩაივლის. ამბობენ ამ ორ წელიწადს რკინის გზა გაიხსნებაო ფოთისა და ქუთაისს შუა. სამაზრო და სასოფლო გზების უქონლობაში რკინის გზა არას აჩვენებს ხალხის კეთილმდგომარეობას. ამიტომ რომ მაშინ ყირიმიდგან და ტრაპიზონიდგან უფრო იაფად დაჯდება ყოველგვარი ჰირნახულის შემოტანა ქუთაისში, ვიდრე ლეჩხუმიდგან და რაჭიდან. მაშასადამე ყოველგვარი ვაჭრობა და აღებ-მიცემობა უცხო ქვეყნელებს ჩაუფარდებათ ხელში და ჩვენი ხალხი თანდათან იწყებს გაღარიბებას. ამას ისიც უნდა მიუმატოთ, რომ მთელს იმერეთში ჰირნახულის მოსავალმა მეტათ უკლო. მთა-გორიანი სახნავ-სათესი მიწები მოუვლელობით და მუშაობის უცოდინარობით ძალიან გაღარიბდნენ. მიწის პატივი იმერეთში არ იციან და ეს სახნავი მიწები იმ დონაზე დამდგარან, რომ უპატივებლათ კარგს მოსავალს აღარ აძლევენ. მდინარის პირის ჭალები თუმცა კარგი ნაყოფიერი არიან, მაგრამ მთებში ტყეების გაწყვეტისა გამო ყოველ წლობით ჭალები ნიაღვრებით აივსებიან ხოლმე და ნამუშევარს სულ ერთიანათ წაღებენ და წაიღებენ ხოლმე. ესეები რომ კაცმა ყურადღებაში მიიღოს, დარწმუნდება, რომ იმერეთის ხალხის მომავალი ცხოვრება სწორეთ ბევრს სანუგეშოს არას წარმოადგენს. მხოლოდ ორი საშუალებაა, რომელთაც შეუძლიათ, რომ ცოტაც არის, ხალხის კეთილ-მდგომარეობას ხელი შეუწყოს: მაზრებისა და სოფლების შეერთება კარგათ გაკვერილის საურმე გზებითა და ბანკის დაფუძნება—იმისთანა ბანკისა, რომელშიაც მთელს იმერეთის მცხოვრებლებს ჰქონდეს მონაწილეობა. ბანკი უფულო მეოჯახეს ფულს მისცემს სამუშაოთ, ხოლო გზები მომეტებულს ჰირნახულს გააყიდვინებენ. ამ ორის ღონისძიებით შეიძლება ვაჭრობის გაღვიძება და ხალხში ფულის დატრიალება და ამ ორის ღონისძიების მოხმარება კი საზოგადოებაზე დაშოკიდებული. იმას შეუძლიან სასოფლო

უზნების გაკეთებაც ითავოს და საერო ბანკის დაარსებაცა. ვნახოთ ან ერთხედ და ან მეორეხედ როგორს მზრუნველობას გამოიჩენს იმერეთის საზოგადოება?...

II

ვისაც ხუთი-ექვსი წლის განმავლობაში ქუთაისი არ უნახავს, ის დიდ ცვლილებას ნახავს იქა ამ ქაზად. უწინდელი ნხიარულობა და უღარდებლობა აღარ არის. ქუთაისის ბულვარს უწინ იმისთანა მნიშვნელობა ჰქონდა ქალაქისათვის, როგორც პარიჟში ყაფახანებს და კლუბებს. ქუთაისლები სადილს უკან, მზის გადახრისას, მოგროვდებოდნენ ხოლმე ბულვარში და მთელი დღის ამბავი იქ განისჯებოდა და გადაწყდებოდა. მუდამ ერთი სიცილი და ხარხარი იყო. ხშირად გამოჩნდებოდა ხოლმე ვინმე მოლექსე, რომელსაც ვისიმე ჯავრი ექნებოდა, მთელ თაბახს ლანძღვის ლექსებით გაავსებდა და შეუვდებდა სახლში თავის „მტერს“, როგორც იმერეთში ეძახიან მოწინააღმდეგეს. მეორე დღეს ქუთაისის ბულვარში შეიქმნებოდა ამ ლანძღვის წიგნზე დიდი ამბავი: მოჰყვებოდნენ იმის გაჩხრეკას, თუ ახალმა მოზაირემ რა მიზეზით აიღო ხელში ლანძღვის კალამი; იძევდნენ, იძევდნენ იქამდის, სანამდის მოზაირისა და იმის მტრის შინაურობას, იმათს უკმაყოფილებას სულ ერთიანად არ გამოაშკარავებდნენ. ყოველი ჭორი ბულვარში უნდა დაბადებულყო და იქვე ბოლო უნდა მისცემოდა ახალ ჭორამდის.

უნდა ვთქვა, რომ ქუთაისის მცხოვრებნი და იმასთან მთელი იმერეთიც ძალიან გულსმოდგინენი იყვნენ ეკლესიის წესის ბეჯითად ასრულებაში: ოთხშაბათს-პარასკევს ხორცის ჭამას ვერავინ გაბედავდა და თუ ვინმე უცხო ქვეყნელი მოვიდოდა, რომელიც არ მისდევდა ეკლესიის დაწესებულებას მარხვის ჭამაში, იმას უყურებდნენ, როგორც არაწმინდას, და იტყოდნენ: „როგორც ძალღი არ ზოგავს, ისრე არც მაგი ზოგავს მარხვასაო“.

ამისთანა წმინდა ცხოვრებაში, რასაკვირველია, ქუთაისს გამოუჩნდებოდნენ განსაკუთრებით ბეჯითნი და წმინდანნი, რომელნიც არც წირვას, არც ლოცვას და არც მწუხრს არ დააკლდებოდნენ. თითქმის სულ საყდარში იყვნენ დაყოლებულეზავით და იმათს წმინდა ცხოვრებაზე, ლოცვის-მოყვარებაზე მთელი იმერეთი ლაპარაკობდა და ღაღადებდა იყო. მაგრამ იმისთანა ცოდვიანებიც კი გამოჩნდებოდნენ ხოლმე ქუთაისის ბულვარში, რომ ბედავდნენ ამ მლოცველ კაცებზე ჭორების მოგონებას.

მაგალითად, მე მახსოვს იქ ერთი ჭაღარა მოხუცებული, ორმოცდაათის წლისა, ძალიან მლოცველი და ქალწული, ესე იგი ცოლი თავის დღეში არ შეერთო და სათნოებით დამორჩილებოდა ამ სიტყვებსა: „რომელსაც ჰსურს ჩემთან ყოფნა უარ ჰყავ თავი თვისი და აიღე ჯვარი და შემომიდევინ მე“, მხოლოდ ეს იყო რომ სულ ხელი ვერ აეღო. მსოფლიო კმაყოფილებაზე; მაგალითათ თავის-საკუთრებას, მწა-წყალს ვერ ელეოდა, ფულიც უყვარდა და საზოგადოებაშიაც ცხოვრებდა. უდაბნოში წაუსვლელია ამ მლოცველს კაცს სასახელოთაც მიაჩნდა; რადგან უფრო ბევრი ზნეობითი ღონე უნდოდა, რომ სოფლიურის არაწმინდებისათვის თავი მოერიდებინა. იმის ფერმკრთალ სახეზე და ჩავარდნილ, ჩაღამებულს თვალებში შეგეხებინა, იფიქრებდი, ეს სათნო კაცი დიდს ჯაფას და შრომას უნდა ეწვეოდესო ღვთის სადიდებლად. საყდარში რომ იყო ხოლმე, მუდამ ტუჩებს აცმატუნებდა: ალბათ ლოცვილობდა; გულზე მუდამ ხელს იბრაგუნებდა და ამასთან იქით-აქეთ თვალებს ატრიალებდა: ალბათ უნდოდა შეენიშნა, ვინ ისმენს გულ-დაუდებლათ (გარეწრათ) წირვა-ლოცვას, რომ იმათი თავიც ღმერთს შევავედროვო. ერთი სიტყვით იმას ღვთის კაცს ეძახოდნენ; მაგრამ, როგორც ზემოთ ვთქვით, ქუთაისის ბულვარში იყვნენ იმისთანა ურწმუნოები, რომელნიც ამ სათნო კაცზედაც იგონებდნენ ჭორებსა. მაგალითად, იმ ღვთის კაცს უყვარდა „რუსული ბეკა ძაღლები“, ესე იგი ევროპიული მოდგმის მძებრები და კარგათაც უვლიდა, როცა კარში გამოვიდოდა ეს მლოცველი, რუსული ბეკა ძაღლი წინ მოუთამაშებდა და სალოცავად რომ წავიდოდა საყდარში, მაშინ კი ძაღლს თან არ წამოიყვანდა, რადგან იცოდა, რომ რაც უნდა იყოს, ძაღლი მაინც უწმიდური ცხოველიაო.

ბულვარის მეჭორეები, რომელთაც კაცის არა სწამდათ რა, იძახოდნენ: „რათ უყვარს მაგას მაგრე საშინლათ ბეკა-ძაღლებიო? რათ უყვარს, ჰა, მითხარით, შემატყობინეთ, ყოველთვის რომ შინ ძაღლებს ეთამაშება, რათ ეთამაშება, ჰა, შემატყობინეთ? თუ ეგ წმინდა კაცია, რათ ჰკიდებს ხელს უწმიდურს ძაღლებსაო?“ — იძახდნენ ბულვარის მეჭორეები და ვერ შეეტყოთ კი ამის მიზეზი... მოდი და ნუ გეწყინება ამისთანა უალაგო კითხვები: — „რათ უყვარს!“ განაკაცს არაფერო არ უნდა უყვარდეს! სიყვარული, წმინდა სიყვარული კაცის პირველი ღირსებაა. ყოველ კაცს თავისი გემო აქვს: ზოგს ყვავილები უყვარს, ზოგს ღიმონის ხეები, ზოგს ცხენები და ამ სათნო კაცს ძაღლები უყვარდა, ვითომ რაო, რა საკითხავი იყო?... მაგრამ ბულვარის მეჭორეები ხომ ვერაოდეს უქოროთ ვერ გასძლებდნენ და იყო ბულვარში ამ მლოცველ კაცზე მუდამ სიცილი და ხარხარი.

კარგა ხანია მას უკან, ათი, თუ ხუთმეტრი წელიწადი იქნება, რუსეთიდან ერთი ახალგაზრდა ყმაწვილი ჩამოვიდა. რასაკვირველია, იმას თავის ჩვეულება ჰქონდა, მარხვას არ ინახავდა და საყდარშიაც ძვირათ დადიოდა. ორი კვირა არ გამოსულა, რომ ბუღვარის მეჭორეებს ერთი ამბავი და დავი-დარაბა ჰქონდათ: რაო?... ვინაო?... რა უქნიაო?... კითხულობდა ერთი. — ქვეყანა დეიქცა, არა, წმინდება მოვიდა, აღარაფერს აღარ ზოგავენ ჩვენში!... კაცები კი არა, წმინდათ პირუტყვები შევიქვებით! — დიდის აღელვებით ლაპარაკობდა მეორე. გ. — ს ხორცი უქამია... გ... საყდარში არ დადის... გ. მღვდელს ხელზე არ ჰკოცნის, როცა შეხვდება!... დედა, დედა, დედა!!... ქვეყანა მალე დეიქცევა, მეორეთ მოსვლა მოვა, ბატონო!... მალე მოვა! — „მაგი კილო არაფელი! მე რომ ვიცი, იგი რომ შეიტყო, სუნთლათ წვერს გამოიგლეჯავ!“ — იტყოდა მესამე.

— რა იყო, რაო, რა ამბავია?...

— რა ამბავია და გ... დაქცევა და დამხობა!...

— გვითხარი, შე კაცო, რა არის, ქვეყანა ხომ არ დაქცეულა! შეჰყვირებდენ სხვა მეჭორეები.

— რა და, დიდ ხუჩაფათს გ... წვეიდა და ურიებთან სადხლი ქამა!...

— უჰ! უჰ! უჰ! დეიქცა, ბატონო, ქვეყანა, დეიქცა! — იყვირებდენ მეჭორეები და მეორე დღეს მთელს ქუთაისში ხალხი ერთმანეთს ჰკითხავდა: მართლა გაურიავდა?..

— კი, ხახამს მოუქცევია თავის რჯულზე — იტყოდა ერთი.

— ხახამს კი არა, თავისით წასულაო ხახამთან და უთქვამს. თქვენს რჯულზე მომნათლეთო. — იტყოდა მეორე.

— არა, ურიებს დოუჭერიათ ლამეში, შინ წოუყვანიათ, იქ გოუხდით და წინა-დაცვეთა გოუქეთებითათ.

სხვები იტყოდენ.

რომელიც უფრო ყმაწვილი იქნებოდა, ის იტყოდა, — წინადაცვეთა რა არისო? სხვანი შეჰყვირებდენ: — წინადაცვეთა არ იცი, შე უბედურო, რა არის! — რა არის და ურიის რჯულზე მოუნათლავსთ!.. ყველანი ერთ ხმით დაიწყებდენ ლაპარაკს. მერმე გავარდებოდა ხმა: „გაურიავდა, გაურიავდა, გაურიავდაო!“

ამისთანა ქორები ძალიან ბევრი დადიოდა უწინ ქუთაისში იმ ახალგაზრდა კაცზე.

მაგრამ ყველაზე უფრო მხიარულათ ერთ გვარი ხალხი ატარებდა დროებას. ამ ხალხს ეძახოდენ საზოგადოთ ლოთებსა და იყვნენ.

პარტიებათ დაყოფილნი: იყვნენ მწვანე ყვავილის ლოთები, ბალახოვანის ლოთები, სლამოტკელეებისა და რუას ღელის ლოთები. ისინი თითქმის მთელი დღე ქეიფში და ღვინის სმაში გაერთობოდნენ. ამათი მოქმედების და ბრძოლის ასპარეზი იყო სამი კუთხე: ერთი მწვანე-ყვავილა, მშვენიერი მთა გორიანი ადგილი ქუთაისისა, სადაც ჩინებული წყაროა და პალები. მწვანე-ყვავილას ამ ადგილს იმიტომ ეძახიან, რომ თებერვლიდგან მოკიდებული ზამთრამდის აქ ყველაფერი ამწვანებულია და ყვავის. ბალახოვანი არის მშვენიერი ქალაქრიონის პირზე, ქუთაისის საძხრით მდებარე. აქ ბევრი კაკლებია და ბალახოვანიც იმიტომ ჰქვია, რომ იქ მუდამ სქელი ბალახი მოდის. სლამოტკაც ცოლ-შვილიანი სალდათების ადგილ-სამყოფელია. ამ ადგილებში ბინადრობდნენ უწინ სხვა და სხვა პარტია ლოთებისა, რომელნიც ხშირად განილაშქრებდნენ ხოლმე ერთი ერთმანეთზე; ისიც რისთვის? — „მშვენიერებისათვის“. ასე ეძახდნენ ლოთები, თუ სადმე საიმათო ლამაზს ქალს შენიშნავდნენ.

ამ ლოთების პარტიებს ჰყავდათ თავის მოწინავე კაცები: ესენი ასრულებდნენ გზირების მოვალეობას: ისინი ცდილობდნენ ხოლმე შეეტყუათ, მოწინააღმდეგე პარტიაში რა ამბავია: უეცრად გავარდებოდა ხმა, რომ აი, ამა და ამ ლოთების პარტიას „მზეთ-უნახავი“ გასჩენიათო. მაშინვე მეორე პარტია განემზადებოდა თავზე დასაცემათ, რომ ის მზეთ-უნახავი მოეტაცნათ. დაარჩევდნენ ძალიან მარჯვე ბიჭებს თავის შორის, შეიარაღდებოდნენ კეტებით და განელაშქრებოდნენ ბალახოვანისკენ.

წარმოიდგინეთ მაისის საღამო. მშვენიერი ამწვანებული რიონის პირზე მდებარე ქალა. დიდს კაკლის ხეს ქვეშ ფარნებია დაკიდებული. წრე გაუკეთებიათ ლოთებსა, დამსხდარან და მღერიან: „ლოთებო, ნეტავი ჩვენა“ და სხვ. ერთგან ამაღლებული ადგილია. იქ ზის მზეთ-უნახავი, რომელსაც შეტრფის ამდენი ლოთი. თარი, სათარა და ზურნა თავიანთ ხმას შეაერთებენ რიონის ღრიალს და შორს გაისმის „აზარუმი: — აზანდარუმი“!..

დიდხანს არ გასტანს ეს მხიარულება. იმ არე-მარეზე ღრუბლები გროვდებიან. ქალის პირს სამკუთხით მოადგენ მეორე პარტიის ლოთები; ისინი დაიმუხლისთავებენ და ისე ეპარებიან იმ ალაგას, საცა ლხინია გამართული. ეს მანევრი იმ განძრახვით მოახდინა. ლოთების ჯარმა, რომ სწრაფათ დაეცეს თავზე და მალე გაიმარჯოს. მეოთხედს საათს შემდეგ კაკლის ხეს ქვეშ უეცრად დაბნელდება; შეიქმნება ცემა-ტყევა, კეტების ტრიალი და ბევრს თავს გადაფხრეწენ:

შეიქმნა მწარე, ძლიერი ომი,
 ვითა ნადირსა მშვიერი ლომი,
 ეკვეთა ლოთებს ლოთების ჯარი
 და რაონს ერთვის სისხლისა ღვარი.

ბოლოს მოგებულნი დარჩებიან მიმხდომნი. მზეთ-უნახავს წამო-
 იყვანენ და წამოვლენ. მერე ამ ლოთების პარტიას გამოუდგება მე-
 სასამე პარტია და ამ სახით იყო ხოლმე თან ცემა-ტყეპა თან მხიარუ-
 ლება, ეს იყო შვიდი რვა წლის წინათ. მაშინდელი ამბავი რომ თვალ-
 წინ წარმოიდგინო, ახლა ქუთაისს ვეღარ იცნობ. ის უდარდელი
 მხიარულება აღარ არის. ბულვარში მხოლოდ დაფიქრებულს სახეებს
 ჰხედავთ. ყველა თავის ფიქრშია გართული და არავის აღარ ექეფეფ-
 ბა. ყველა გრძნობს, რომ ცხოვრების მოვალეობა თვითონ უნდა
 იტვირთოს, მაგრამ როგორ, ან რა ღონისძიებით?—ეს სწორეთ და-
 ლიან დასაფიქრებელი კითხვაა და არც არის გასამტყუნარო იმერე-
 თის ხალხი, თუ ამჟამად ამისთანა ფიქრშია ჩაღრმავებული და თუ
 ბურთაობა, ლხინი, თამაში ძვირათ აგონდება. იქაური მოხუცებულნი
 ლაპარაკობენ: „სულ წახდა დრო; ხალხი აღარ იმღერის, აღარ ქეი-
 ფობს: ალბათ რაღაც აუტანელი გაჭირება დაადგა, რომ აღარ ემღე-
 რებათო“. ამაზე მე ვიტყვი, რომ მართალია დრო გამოიცვალა, მაგ-
 რამ საუკეთესოთ და არა საუარესოთ. ის უდარდელი მხიარულება
 აღარ არის, მაგრამ აღარც ხალხია ისე ყმაწვილი, რომ უწინდელათ
 იცეკვოს და იმხიარულოს. ეს მდგომარეობა მომაგონებს საზოგადოთ-
 კაცის ცხოვრებას. როდესაც კაცი ჯერ კიდევ ბავშვია, ის სულ თა-
 მაშობს და შექცევაშია. იმას დარდი არ აწუხებს, თუ ხვალ რა ვსჭა-
 მოვო. გათენდება თუ არა, გამდელი საუზმეს მოუშხადებს პაწაწინას,
 კარგა ლაზათთანათ გააძღობს და შემდეგ ისევ წავა მინდორში თავის
 ამხანაგებთან სათამაშოთ. როდესაც ეს ყმაწვილი დავაჟკაცდება და
 ოჯახის მზრუნველობა თავზედ დააწევბა, როდესაც შეიტყობს, რომ
 ყოველი იმისი ლუკმა საზრუნველი და სათავცემოა, მაშინ, რასაკვირ-
 ველია, სათამაშოთ ვეღარ დაიწყებს სიარულს თავის ტოლსა და
 ამხანაგებში იწყებს საზრდოს მოპოებას და, თუ კარგი გამრჯელი და
 ყაირათის კაცია, იქნება თავის დღეში ერთხელაც ვეღარ გამხიარ-
 ულდეს.

ამ შემთხვევაში იმერეთის ხალხის ცხოვრებაც ეგრეთია: უწინ,
 როდესაც უფრო ყმაწვილი იყო და ყველაფერი უზრუნველათ ჰქონ
 და, მომეტებულს ნაწილს თავის ცხოვრებისას სულ შექცევაში და
 ლხინში ატარებდა. ახლა ის გონებით გაიზარდა. ოჯახობა თავზე

დააწვა. წინათ რომ ორი კაპეიკი ყოფნიდა, ახლა ოთხიცალარ ყოფნის და ისიც თუ თავის ოფლით არ იშოვნა, სხვისგან ნუ მოელის. მოდი და, როცა ამისთანა მდგომარეობაში ხარ ჩავარდნილი, ნუ იქნები ჩაფიქრებული და მოწყენილი. მაგრამ ეს მოწყენა ცხოვრების წინ წაწევას ნიშნავს. რამდენათაც დიდი კაცი წინ არის თავის მოთხოვნილებათ და ცხოვრებით პატარაზე, ეგოდნათ ახლანდელი იმერეთის ხალხი წინ არის თავის ცხოვრებით და გონების გახსნით უწინდელზე.

განქრენ ღლენი შვეებისა,
როს მზად მქონდა სიამე,
ღლენი სიტკობებისა,
კეკლუცთ მქონდა სია მე.

თუმცა ეს შვეების ღლენები და კეკლუცთ სია გრძნობიერების მხრით სასიამოვნო იყო, მაგრამ ცხოვრებისთვის კი დამღუპველი იყო; ამ მდგომარეობაში ნივთიერებითაც და ზნეობითაც ბევრი ძალა ეკარგებოდა ხალხს. ის ორივე მხრით სიღარიბეში ვარდება. მადლობა ღმერთს, რომ ამ უღარდელ მდგომარეობიდან თანდათან გამოდის; მაგრამ სანამდის ახალი ცხოვრება თავის წრეში არ ჩადგება და თავის გზას არ გაიკვლევს, მოწყენის გუშაგი მაინც არ მოსცილდება იმერეთის ცის კამარას.

ერთს ჩემს მეგობარს შევხვდი ქუთაისს და იმან ბევრი საინტერესო ამბავი მითხრა ახლანდელს, ჯერ კიდევ დაუწყებულს ცხოვრებაზე. ყველაზე სასურველი ის არისო, რომ რაც შეიძლება მალე ჩასდგეს თავის კალაპოტში ახალი დამოკიდებულება ბატონებსა და მშრომელს ხალხს შორის. როგორც იმან მიაბზო, ჯერ კიდევ დიდი ცილობა აქვთ უწინდელს ყმებსა და ბატონებს ერთმანეთში. ძალიან ცოტაა იმისთანა მებატონე, რომ ერთ ალაგას ჰქონდეს მამული მოგროვებული; უფრო ხშირათ დაწყვეტილ-დაწყვეტილია: აქ რომ ორი ან სამი კომლი უსახლობს, სამ მთას გადაღმა სხვა გლეხები ასახლია. კიდევ იმავე მებატონესი. ჰირნახულის მოწვევის დროს, ვიდრე იმ ორს გლეხს გამოართმევდეს იმდენს, რამდენიც კანონით გადაჭრილი აქვს, სამ მთას გადაღმა გლეხებმა მოასწრეს კიდევ ჰირნახულის მოკრეფა და დამალეს. მებატონე მიდის და სთხოვს გლეხს თავის ნაწილს. ის ეუბნება: „რა ვქნა, შენი ჰირიმე, მარცვალი სიმინდი არ მომსვლიაო“.—წადი და ეძებ. მართლაც ვერას უნახავ. ამ სახით არის მუდამ დავიდარაბა და ჩხუბი უწინდელს ყმებსა და ბატონებს შუა. ამ ნაირი მდგომარეობა კიდევ უფრო აძნელებს ცხოვრებას და აგდებს დიდს შურს ორივე მხარეს შუა. ამისთანა გაუთავებელ დავი-

დარაბიდგან გამოსვლა მეტად საჭიროა იმერეთის ხალხის კეთილ-
მდგომარეობისათვის. უამისოთ იმის მოსვენება ძნელათ მოხდება. ამ
შემთხვევაში დიდი და პატარა ამას უნდა ცდილობდეს, რომ რო-
გორმე ბეჯით საფუძველზე დაამყარონ ურთი-ერთნი დამოკიდებუ-
ლებანი, ისე რომ სადავიდარაბოთ საქმე აღარ გახდეს. ბეჯითი სა-
ფუძველი კი ის იქნება, როდესაც მებატონეები ფულზე გადუქრიან
გლეხებს იმათ ვალდებულებას. ეს გლეხისთვისაც კარგი იქნება, იმი-
ტომ რომ ეცოდინება, რამდენი უნდა მისცეს მებატონეს თავის ვა-
დაზე. წელიწადში ერთხელ მისცემს, მორჩება და მოისვენებს. მება-
ტონეებისთვის ხომ ათასჯერ უფრო სასარგებლო იქნება, ფულით გა-
ურიგდეს გლეხსა, ამისთვის რომ იპას წინათვე ეცოდინება თავის შე-
მოსავალი და ამისდა გვარათ მოაწყობს თავის ცხოვრებასაც. ამას
გარდა, დავიდარაბითაც აღარ იქნება გატანჯული, როგორც ახლა
არის. ამ ჟამათ მებატონეს თითქმის მთელი თავისუფალი დრო გლეხ-
თან დავაში ეკარგება: სულ იმის ფიქრშია, როგორ უნდა მოვიქცე,
რომ ერთი მარცვალიც არ დამეკარგოს იქიდგან, რაც გლეხმა კანო-
ნით უნდა მომცესო. როდესაც ფულით გაურიგდება, მაშინ ამ ფიქ-
რისაგან სრულიად მოსვენებული იქმნება. მაშასადამე რაც მებატონეს
თავისუფალი დრო ექნება, ყველას სხვა რაიმე სასარგებლო საქმეს
მოანდომებს და ამრიგათ ოჯახობაში მალე წამოიწყობს ხელსა.

თამბაქოს მოქმედება კაცის სხეულზე

კაცმა რომ აილოს რამდენიმე ფოთოლი თამბაქოსა, დაფშენას და ჩაყლაპოს, ან არა, წყალში ჩაყაროს და იმის წვენი დალიოს, ცოტა ხანს შემდეგ იმას მოუვლის საშინელი სისუსტე და ფეხზე ვეღარ დადგება; ჯდომაც ვეღარ შეეძლება და მეტი ღონე არა აქვს, უნდა წამოწვეს, ამისთვის რომ თავბრუ დაესხმება, თვალები აერევა და მანჭვა-გრეხასაც მოჰყვება. ამ სახით მოწამლულს კაცს რომ დავაკვირდეთ შევნიშნავთ, რომ კანი გაცივებული აქვს, მაჯა დასუსტებული აქვს, შუბლზე და ტანზე ცივი ოფლი დაასხამს, მძიმეთ სუნთქავს, ახრიალებს, თვალის კაკლები გაუდიდდება, კუჭი ასტკივდება საშინლათ, დააწყებინებს საქმებას წინ და უკან. რასაკვირველია, ამ გვარი ავადმყოფი დიდხანს აღარ იცოცხლებს, სახსრები გაუშეშდება და მოკვდება.

ახლა ვთქვათ, ბევრი არა, მაგრამ ძალიან ცოტა თამბაქო ჩაყლაპა იმისთანა კაცმა, რომელსაც თავის დღეში თამბაქო არ მოუწევია. რასაკვირველია, იმასაც ეგრეთვე ნიშნები გამოაჩნდება, როგორც ზემოთ მოხსენებულს მოწამლულს გვამს, მაგრამ მოკვლით არ მოჰკლავს; მხოლოდ უწინ რომ ტანის სიმთელე ჰქონდა, იმისთანა აღარ ექმნება, იმისი ტანი მოიშლება. მორჩენის შემდეგ რომ კიდევ სცადოს იმდენისავე ჩაყლაპვა, რამდენისაც გამოსცადა, უწინდულათვე შეაქცევს და მორჩენის მერმეთ კიდევ უფრო მოიშლება ტანი. ბოლოს თუ ხშირ-ხშირათ იწყოს პატარ-პატარა ზომით თამბაქოს ყლაპვა, შესაძლებელია ტანი ისე მიეჩვიოს თამბაქოს მავნებელს თვისებას, რომ აღარც კი გამოაჩნდეს ზემოხსენებული ნიშნები, მაგრამ ტანი კი იაინდათან დასუსტდება, დამკვლევდება, ბოლოს დამბლა მოუვა და მოკვდება. ვთქვათ თამბაქო არ შეჭამა, მაგრამ იმის ფოთლები იარაზე დაიდვა, მაშინაც იმ გვართვე მოიწამლება კაცი, როგორც იმის შექმით, მაგრამ მოწამვლა მაშინვე კი არ გამოაჩნდება, ცოტა ხანს შემდეგ.

როცა კაცი პირველათ დაიწყებს თამბაქოს წვეას, მასაც ისეთი ნიშნები გამოაჩნდება, თითქოს მოწამლული იყოს; თავბრუ დაესხმება, ფეხებში სისუსტე მოუვლის, თვალის კაკლები გაუფართოვ-

დება, ზოგს კიდევ ასაქმებს და ნერწყვი უხვად დაუწყებს პირიდან დენას, მაგრამ მალე გაუვლის.

ვინც თამბაქოს სწევას ეჩვევა, თუ იმისთანა ნიშნებს-ყურადღებას არ მიაქცევს და დაუწყებს უფრო და უფრო სწევას, რასაკვირველია, სხეული მიეჩვევა და ის ზემოთ მოხსენებული ნიშნები აღარ გამოაჩნდება.

აქედამ სჩანს, რომ თამბაქო მოქმედობს კაცის სხეულზე, როგორც საშინელი საწამლაღვი. ამის მიზეზი ის არის, რომ თამბაქოში ურევია ერთი საწამლაღვი ნივთიერება, რომელსაც სწავლულები ეძახიან ნიკოტინსა. ეს სახელი წარმოსდგა ლათინურათ თამბაქოს სახელიდგან. ლათინურათ თამბაქოს დაერქვა ნიკოტინი ფრანკუზას ელჩის ნიკოს სახელისაგან, რომელიც იყო ელჩათ პორტუგალიაში, მეთექვსმეტეს საუკუნეში და იმან პირველად წარუდგინა ეს მცენარე ფრანციის კაროლევას ეკატერინე მედიჩის. ჟაკ-ნიკოს ეშოვნა ეს მცენარე პორტუგალიელ ვაჭრებისაგან, რომელთაც მოეტანათ ამერიკიდგან. ეკატერინე მედიჩიმ და იმისმა შვილმა კარლოს მეცხრემ დაიწყეს სწევა და ამას შემდეგ იმისი სწევა გავრცელდა ფრანციაში და მერე მთელს ევროპაში.

ამ სახით საწამლავსავით თამბაქოს მოქმედება დამოკიდებულია იმასში მყოფ ნიკოტინზე. შეიძლება კაცმა გამოაცალოს ეს საშინელი შხამი თამბაქოსა. წმინდა ნიკოტინისთანა მძლავრი საწამლაღვი აქამდის არა იციან რა ქვეყანაზე. ამ საწამლავის ერთი წვეთი რომ ჩაესხას პირში ძაღლს, კატას და ფრინველს რამოდენსამე წამის განმავლობაში მოჰკლავს. კაცზედაც ასე მძლავრათ მოქმედობს ნიკოტინი. კაცს ორი წვეთი მოჰკლავს.

ერთი სიტყვით საწამლავებს შორის ნიკოტინი უპირველესია თავისი სწრაფი მოქმედებითა. და დოქტორი ილინსკი ამბობს, რომ მე თვითონ ბევრჯელ მიცდია ცხოველებზე ნიკოტინის მოქმედებაო. ჯერ ცხოველი თითქოს ითრობოდაო; თუ ძალიან მოძრაობაში იყო, ხუთის წამის განმავლობაში მოძრაობა შეუსუსტდებოდა, დაიწყებდაო კვლახანს, პირიდგან ქაფი წამოუფიქროდა, სულთქმის დროს ახრიალებდაო, ზოგს თვალის კაკლები დაუდიდებოდაო, ზოგს დაუპატარავდებოდაო, განსაკუთრებით წინა და უკანა ფეხებს ანძრევდა ხოლმე და ბოლოს ოც ან ორმოცდაათს წამს შემდეგ გაშეშდებოდაო. ძალიან ღონიერი ცხოველი უნდა ყოფილიყო, რომ რამდენსამე მინუტს გასდებოდაო. მოწამლულს ცხოველებს ენა დაუსქდებოდათ, გვერდებზე გაუშავდებოდათ და შუაში

ნაცრის ფერათ გაუხთებოდათო. ბევრს სხვა სახელოვან დოქტორებსაც გამოუცდია და ისინიც ისე ამბობენ.

კაცხედაც შეუნიშნავთ ერთხელ ამისთანა სწრაფი მოწამლევა. ერთმა გრაფმა, სახელათ ბოგარმემ, დაიჭირა გუსტავ ფუნნი და ძალათ ჩაასხა პირში რამდენიმე წვეთი ნიკოტინი. საცოდავი მოწამლეული ხუთის მინუტის განმავლობაში მიიცვალა.

თამბაქოში მყოფი საწამლავე ნიკოტინი მოქმედებს ჰირდაპირ ტვინის ძაფებზე, რომელნიც არიან ტვინში გაბნეულნი; მაგრამ განსაკუთრებით მძლავრი მოქმედება აქვს იმ ტვინის ნაწილზე, რომელიც აერთებს ხირხიმლის ტვინს თავის ტვინთან; ამ ნაწილს ტვინისას ეძახიან ხიცოცხლის კავშირს, ამიტომ რომ ძალიან ცოტა რომ ეწვოს კაცს ამ ალაგას მაშინვე მოკვდება.

ნიკოტინი ზოგს თამბაქოში ცოტაა და ზოგში ბევრი, მაგრამ საზოგადოთ შეუნიშნავთ, რომ ამერიკელ თამბაქოში უფრო ბევრია, ვიდრე სხვა ქვეყნისაში.

თამბაქოს ხმარობენ სამ გვარათ: უფრო ბევრი სწევს ან პაპიროსებათ, ან სიგარათ და ან ჩიბუხით; მოხუცებულნი იყრიან ცხვირში ბურნუთად გაკეთებულსა და ზოგნი ღეჭვენ, როგორც კეკსა, იმ განზრახვით, რომ სურავანდისაგან თავი დაიცვან.

რომელნიც ჭკუით ბევრს შრომობენ, ისინი ამტკიცებენ, რომ თამბაქოს სწევა გონებას ამშვიდებს და აზრს აძლევს ბეჯითს მსვლელობასო. მაგრამ საქმე ეს არის, ვინც მთელი დღე არას აკეთებს და ტყუილა ყოფნით მოწყენილია, ისიც ამტკიცებს, რომ თამბაქო ჯავრსა ართმევს კაცსა და ქეიფს მოჰკვრისო. ვინც ბურნუთად ხმარობს თამბაქოს, ის იძახის რომ მხედველობას უმატებსო. ან ერთს ვერ დაუჯერებს კაცი ან მეორესა.

მოსაწევ თამბაქოსა ქარხნებში აკეთებენ; რასში მდგომარეობს თამბაქოს კეთება?—იმაშია, რომ კარგს სუნს მისცემენ, გააცლიან ბევრს ნიკოტინსა, რომელიც არის მავნებელი ნაწილი. თამბაქოში ზოგი იმისთანა ნივთიერებაა, რომ როცა იწვის, ცუდი სუნისანი კომლი აღის. ფაბრიკაში გარეცხით გააცლიან ამ ნივთიერებას და შემდეგ ფოთლებს ერთად დააგროვებენ, რომ ცოტათ მოლპეს და გახმეს. დანიშნულს დროს შემდეგ ფოთლები გადაირჩევა და მერე დაუწყებენ სხვა და სხვა ნივთიერებით შეკაზმას, რომელსაც ეტყვიან სოუსსა. აი, როგორ აკეთებენ ამ სოუსს. წყალში შეაზავებენ მარილს, ნიშადურს, ჩაის, ყავას, ფრანც-ვეინს, ვანილს, საბურს, ლიმონის წვეწვს მიხაკს და სხვ: ამისთანა სოუსში ან ამოავლებენ თამბაქოს ფოთლებსა, ან გარეცხენ იმითა; ამას შემდეგ თამბაქოს ჰყრიან ბოჭკებში,

სადაც ის დაიწყებს დუღილს; რამდენიმე ხნის შემდეგ თამბაქოს ამოიღებენ იქიდან და სკრიან წმინდათ, თუ რომ მოსასწევათ უნდათ, თუ არა და შეახვევენ და ციგართ აკეთებენ; სხვა და სხვა ქარხნებში სულ სხვა და სხვა რიგს სოუსს აკეთებენ, და ამის გამო სხვა და სხვა გემო და სუნი აქვს ხოლმე თამბაქოს.

ნიკოტინი გაეცლება პირველ დუღილზე ან ლპობაზე და მეორეთ დუღილზე, როცა სოუსში ამოავლებენ ხოლმე ძალიან ბევრი ნიკოტინი სოუსს აქვს და ამის გამო ის იჭერს თამბაქოს სუნსა. თამბაქოს მავნებელი მოქმედება ცხადათ შეინიშნება ხოლმე იმ მუშებზე, რომელნიცა თამბაქოს ქარხნებში მიდიან დასაქირავებლათ. როგორც კი დაიქირავებენ მუშას ქარხანაში, ის მაშინვე დაიწყებს უქეიფობას, აუტყდება თავბრუ, ხველა, გულის-რევა, პირიდან საქმება, ნაწლავების ტკივილი და ზოგჯერ ფალარათობაც. ამისთანა ნიშნები დიდხანს გასტანს და შემდეგ ან თან-და-თან იკლებს ან უმატებს. შესაძლებელია მუშას კუჭში ან ნაწლავებში და ან გულზე ანთება მოუვიდეს; ავთამყოფ სახეზედ მაშინვე შეატყობ თამბაქოს ქარხანაში ნამყოფს მუშასა. ამას გარდა ზოგს მუშას აუტყდება ხელფეხის თრთოლვა და მომეტებული თავის ტკივილი. ამისგამო საფიქრებელია, რომ მუშას ტვინის ძაფები მოეშლება. ტვინის ძაფების მოშლა უფრო სუსტის აგებულების მუშებს გამოაჩნდებათ ხოლმე და იმათ, რომელნიც უფრო მგრძობიერნი არიან, მაგალ. ქალებს და ყმაწვილებს.

ყველა ამ გვარი ავადმყოფობა იქიდან წარმოსდგება, რომ თამბაქოს მავნებელი ნაწილები სისხლში გადადიან. თამბაქოს მუშაობის დროს, როდესაც ერთი ალაგიდან მეორე ალაგზე გადააქვთ ხოლმე ფოთლები, ან როცა გაშლიან ხოლმე თამბაქოსა, მაშინ ადის ჰაერში ძალიან წმინდა ნაფხვენი თამბაქოსი, რომელიც სცვივა თვალში და ტანის კანზე მუშებსა და სულთქმის დროს ჩაჰდის ხოლმე ფილტვებში; ნაფხვენის გამო მუშებს ხშირად თვალები დაუსივდებათ ხოლმე, და უფრო იმათ გამოაჩნდებათ ამ გვარი ავადმყოფობა, რომლებიც სატკბურიანი აგებულებისანი არიან; სხვა მუშებს თვალებზე ნაფხვენისგან ცრემლი სდისთ, თვალს აკლდებათ და ხშირად თვალები ეწვისთ.

ბევრი სახელგანთქმული ექიმები ადევნებდნენ თვალს თამბაქოს ქარხნის მუშებსა და ყველანი ამ აზრისანი არიან, რომ თამბაქოს კეთება ვნებას აძლევს მუშებს და ზემოთ რომ ნიშნები მოეთვალეთ, ისინი ძალიან ხშირად აჩნდებათ იმათ.

სიძვირე და მოქმედება მისი კარგამყოფობაზედ

სიძვირე.—მიზეზი სიძვირისა.—საშუალება სიძვირის მოკვეთისა.

ჩვენ ველით განათლებასა, წარმატებასა; გვგონია დავცდით და სავლეთის ხალხსა; ვეჩქარებით, ვუმატებთ სიარულსა, რომ წამოვეწინეთ იმათა. გავკვირებთ ტელეგრაფები, რომელიც ერთ წუთში გვასმენს მთელი ქვეყნის ამბავსა; დავიწყეთ რკინის გზა. ხალხი და საქონელიც სწრაფათ მიმავლობენ სხვა და სხვა ქვეყნებში; ვაჭრობა ჩვენი გაიხსნა საქვეყნოდ; საზღვარს გარეთ საქონლის გატანა და იქიდან მოტანა გავრცელდა. ამ ორმოც-სამოცი წლის წინათ რა იცოდნენ ჩვენთა წინაპართა, რომ განათლების ნაყოფი ასე გავრცელდება ჩვენში და ცხოვრებაც გამოიცვლება.

ამ გვარი ცვლილებების გამო ცხოვრებაში შემოვიდა სხვადასხვა საჭიროებანი, რომელთაც უწინდელ ცხოვრებაში არა გრძნობდნენ. დასაკმაყოფილებლად ამ საჭიროებათა უნდა მომატებოდა იმ გვარნივთსა, რომელსაც შესძლებოდა ყოველივე სხვა ნივთის მოპოება, ის უნდა ყოფილიყო ისეთი თვალთმაქცი ნივთი, რომ გვეთქო დაბადე მარგალიტი! დაებადა,—დაბადე ბრილიანტი! დაებადა.

ამ გვარი ნივთი რასაკვირველია იყო ფული და ამის მომატებისათვის გაძარტეს სხვა და სხვა ბანკები, რკინის გზისა და გემის კამპანიები. ფული მოეფინა ზღვასავით მთელს ქვეყანაზედ. ეს ფულის სიმრავლე სხვა ნივთების შედარებით დაბადებს კიდევ სიძვირესა; ფასის აწევა, ანუ უწინდელ ფასებზედ დამატება არის ხალხის ხელში ფულის გამრავლების მიზეზით, თუ არა სხვა-ფერსაიდგან მოუმატებდით ფასსა? ფასი რომ მომატებოდა და ფული კი არა, მაშინ ვერ შევიძლებდით ცხოვრებასა. ახლა ყოველ ნივთსა ვყიდულობთ ერთი ოთხათა-ხუთადა, როგორც ამ ორმოც-სამოცი წლის წინათ ყიდულობდნენ; ამიტომ რომ ახლა რამდენჯერმე მომატებული ფული ტრიალებს ხალხის ხელში. ფულის სიმრავლე, თუ ასეთისავე წარმატებით იმუშავებს, მგონია ამ ორმოცი წლის შემდეგ ჩვენი შთამომავალთ ბედნიერად მივაჩნდეთ, რომ ჩვენ ახლა ერთ თუნგ კახურ ღვინოში ხუთს მანეთს ვაძლევთ და ბატკანში სამს მანეთსა.

ომების დროს სიძვირეს უფრო ემატება, რადგანაც მაშინ, საშუალოდ, მშრომელი ხალხიც მოცდენილია თავიანთის სასარგებლო საქმისაგან. ამ დროს რა ნივთებსაც ეს ხალხი გააკეთებდა, იმას სრულებით აკლდება: საერთოდ ცხოვრებისათვის საჭირო ნივთებსა ადვილათ ვეღარ შოულობენ და ჩნდება საშინელი სიძვირე. მაშინ თხოვნა ამ ნივთებისა ძალიან დიდია, და, რომ ვერა შოულობენ საკმაოთა, ვისაც შეუძლიან, მომატებულის მიცემით ისრულებს თავის საჭიროებასა და ვისაც არა—რჩება ისე. ეს სიძვირე, რასაკვირველია, აწვევა მხოლოდ დაბალს ხალხსა, რომელიც დღიურს მუშაობით გამოჯის და მეორე, რომელსაც გადაწყვეტილი ჯამაგირი აქვს; თორემ იმას, რომელიც, არამც თუ დიდის განცხრომითა სცხოვრობს, ათასსა და ათი ათას თუმნებს უკუ აგდებს, იმას რა ჯჭირს?

ამას გარდა სიძვირესა შველის განცხრომა, მდიდრათ ცხოვრება, ამიტომ რომ ჰბადებს იმისთანა ნივთებსა, რომელიც ცხოვრებისათვის საჭიროა არ არიან. მაგალითად: მდიდარს უყვარს ოქროს ნივთების მოპოება, უყვარს ძვირფასი თვლები: მარგალიტი, იაგუნდი, ზურმუხტი, ალმასი და მრავალი ამისთანა ძვირფასეულობა, რომელიც მხოლოდ მორთულობისათვის არის გამოსადეგი და სხვა არაფრისთვის. ეს ნივთები კუჭს ვერ გააძლობს და კაცსაც არაფერში არგია, მაშასადამე ვინც მარტო ამ ნივთებით ვაჭრობს, ის კუჭს გასაძლომ შრომას არ ეწევა და ტყულა მყოფობით უმატებს ხალხის სიღარიბეს; რამდენათაც უფრო გამრავლდებიან მდიდრები, რომელთაც უყვართ თვალ-მარგალიტი, იმდენათ აჰ გვარა ნივთების გამკეთებლებიც ძალიანა მრავლდებიან და ხდებიან საზოგადოებისთვის აგრეთვე გამოუდგარნი ისე, როგორც იმათი გაკეთებული ნივთები, რადგანაც განცხრომის ნივთები ადვილა სამუშაო არიან და ფასიც მომეტებული აქვსთ, ამიტომ ესენი ანებებენ თავს სასარგებლო ნივთების კეთებასა, რომელნიც ამის მიზეზით ხალხში საკმაოთ აღარ არიან და ფასიც ემატებათ. განცხრომას მოსდევს ვალიცა, რომელიც ფასებს უმატებს საშინლათ.

როდესაც ხალხში შემოდის განცხრომა და არა აქვსთ საკუთარი ღონე თავიანთის მიუცილებლის საჭიროების დაკმაყოფილებისა, მაშინ ვალს იღებენ და წადილს ისე ისრულებენ. ეს ვალბ ამდებს ხომ სრულებითა ღუპავს, მაგრამ სიძვირესაც კი ხელს უწყობს; ვალით ნასყიდი საქონელი ერთი ორად უჯდებათ და ამიტომ ბოლოს ვეღარც შეუძლიანთ მიცემა. როდესაც ვაჭარი ვალითა ჰყიდულობს საქონელსა, მაშინ გამკიდავი ფასს უმატებს, ზოგჯერ მანეთზეუ ათ შაურსა და ხუთ შაურზედ ნაკლებს კი აღარა, ამიტომ რომ სრულე.

ბით დარწმუნებული არ არის, რომ მიიღებს თავის ფულსა; და რადგანაც ვაჭარს ასე ძვირათა აქვს ნაყიდი, ხალხზედაც ძვირათ უნდა გააყიდოს.

ვალი გარდა ამისა აკეთებს ტყუილს ფულსა, რომელიც სრულებით ფული არ არის, მაგრამ ფულათ კი მიიღებენ და ამიტომ ხალხის ხელში ნამდვილს ფულს კიდევ ემატება ტყუილი ფული და ფულის სიმრავლე ჰბადებს მომატებულს სიძვირესა. ტყუილ ფულს ჩვენ ვეძახით ყოველ გვარ ქალაქდზედ ნაწერ პირობებსა: თამასუქსა, ვექსილსა, ასიგნაცსა და სხვ. ამ გვარი პირობაების წერილები არამც თუ სასარგებლონი არიან, ღუპავენ ხალხსა: დიდის სარგებლით ავიღე ასი თუმანი ვექსილითა და აქავე წავაგე ქალაქდში; რა ვქენი?—ასის თუმნის მაგიერად გავხადე ორასი თუმანი, რომლისაგანაც ორსავეს სარგებელი მიაქვს, ვექსილს ცალკე, და ფულს ცალკე, და ამითი ხალხის ხელში მიუმატე ფული, რომელიც ფასებს უმატებს.

ასიგნაცები თუმცა ცოტა სარგებელს ეწევიან, რადგანაც მოგალე მდიდარი და ნამდვილი არ არის, მაგრამ ესენიც კი ფასებს ძალიან უმატებენ: ასიგნაცების დასახურდავებლად თეთრსა სესხულობენ სხვა სახელმწიფოსაგან და ამის სარგებლის მისაცემათ საქონელზედ ბაჟის ფულს უმატებენ, რომლის გამო ფასებიც ემატებათ და ჩნდება სიძვირე.

ვალი ჩემის ფიქრით არის მემრისინდელი მოსავლისა წლეულსავე შექმა. ვისაც ფული არა აქვს და ჰყიდულობს ნივთებს ნისიათა, იმან, რასაკვირველია, ვალი უნდა მისცეს შემდეგის მოსავლიდგანა; ანუ ვინც რამდენიმე ხნის ჯამაგირს პირველათვე აიღებს, იმან შემდეგის სამსახურით უნდა გადაიხადოს ვალი.

ზოგი იტყვის: მაშ უვალობა როგორ იქმნებაო? უვალობა ხელის გაუმართაობა არისო, და თუ ერთმანეთს ხელი არ გაუმართოთ, როგორ ვიცხოვროთო? მეც ვიტყვი ხელის გაუმართაობა იქნება, მაგრამ იმ გვარი პირი უნდა გამართო, რომელსაც შეეძლოს ხელის გამართვის მაგიერობა. რა ხელის გამართვა არის ზოგისათვის, რომელიც მამულებს პრიკაზში აგარავენ და იქიდგან აღებულს ფულებს განცხრომის გზაზედა ჰვანტამს. ზოგი კიდევ რამდენიმე წლის გამოსავალს წინადლითვე ჰყიდის, ნეტავი ნახევარ ფასად მაინცა, მეათედათა და ვალს სიცოცხლეში რომ ვერ იხდის, უშვებს მომავალ პირზედ გადასახდელათა. ფული არა აქვს,—ნურც მიჰყვება დიდს ცხოვრებასა. რა მინდაო, რომ წამომიჭიმავენ დიდრონ მალაზიებსა ვალითა და ბოლოს კოტრდებიან, არა აქვს ფული,—წავიდეს იმსახუროს? არ არის სამსახური — იმუშაოს,—უშველოს სასარგებლო და საჭირო.

ნივთების გაკეთებასა; ეს არა სჯობია, ვიდრე ჯაბეში ხელები ჩაუწყვია და ბოლთასა სცემს განათლებულ მალაზიაში და ბოლოს ვალსაც აღარ აძლევს იმასა, რომელსაც თავისი ქონება სრულებით იმპსათვის მიუტია და ახლა ცოლითა და შვილით უბედურდება. მაშინ მალაზიას გახსნის იმისთანა კაცი, რომელსაც შეძლება ექნება და რომელიც უფულო კაცზედ იაფათაც იყიდის და იაფათაც გაჰყიდის. მაშინ არც ასეთი სიძვირე იქმნება.

ახლა ვნახოთ ოძსა, განცხრომასა და ვალს როგორი მოქმედება აქვს საზოგადო კარგა მყოფობაზედა.

ომის დროს საავადმყოფოები იმსება სასიკვდილე იარებიანის ხალხითა, რომელთაგანაც ზოგი ერთი თუმცა რჩება, მაგრამ დამახინჯებულია. გაკეთება ველარაფრისა შეუძლიან და ხდება საზოგადოების შესანახავი. ომში დახოცილებს შეეძლოთ ეკეთებინათ საქირო ნივთები და ამითი დაებადნათ სიაფე; მაგრამ ახლა ამის შვიერთაჲ ჩნდება საშინელი სიძვირე. რადგანაც ამოდენი ხალხი დიდს ხანს იყო მოცდენილი ამ გვარ უსარგებლო საქმეზედა და ზოგნი კიდევ სრულებით საკულოთაც მოაკლდნენ საზოგადოებასა უდროვო სიკვდილითა, რომლებზედაც საზოგადოებას ჰქონდა დიდი შრომა და ხარჯი, ვიდრე ამათ აღზრდიდა და მოაშხადებდა სასარგებლო შრომისათვის. ამას გარდა ყველამ იცის, როგორ დაუნანებლივ ყოველი ფერს მოუკიდებენ ხოლმე ომის დროს ცეცხლსა: პურსა, სახლებსა, საქონელსა და მთელ ქალაქებსა. ცხადია ამისგან საშინელი სიძვირე უნდა წარმოსდგეს. კაცი მხოლოდ მაშინ არის კარგათა, როდესაც იცვამს თბილათა და წმინდათა, კარგათა საზრდოობს, სცხოვრობს თბილსა და წმინდა სახლში. ომის დროს ეს ყოველი ნაკლებათა და ძვირათ არის, ასე რომ, თუ არ ღიდის ფასით, კაცი ვერ იშოვნის. დიდი ფასის მიცემა ყველას არ შეუძლიან და დიდი ნაწილი საზოგადოებისა სცხოვრობს ამ ყრველივე საქიროების ნაკლულევანებაში და ჰხდება ავათა. ავათ მყოფი სულ მზასა თხოულობს, რომელიც უფრო ძვირდება. ავათმყოფობა შველის სიძვირესა და სიძვირე ავათმყოფობასა, და ამ გვარათ კლავი კლავში გაყრილნი მიდიან ბოლომდინ.

არც განცხრომა არის ნაკლები ღირი საზოგადოებისთვის. ყველამ იცის, რომ ვინც განცხრომას მისდევს, ის არამც თუ ვარგა და საზოგადოების შრომისათვისა, თავის თავისათვისაც უვარგისია არის სნეული, გაქსუებული საქმისგანა და ნახევარ წილზედ წამლების ძალითა ახანხალებს სიცოცხლესა. ამას გარდა განცხრომას მოსდევს გადაუწყვეტელი ვალები, რომლისაგანაც იზადება ბოლო მოუღებელი

დავები. როდესაც კაცი განცხრომასა და უსაქმობას არის დაჩვეული, მაშინ იპარავს და ავაზაკობს და ისე ისრულებს წადილსა. დავებისა და ავაზაკობის გასარჩევლად არ ვეწევით ამოდენი სასამართლოების ხარჯსა?

ჩვენ გამოვიკვლიეთ სიძვირე და შვეტიცეთ, რომ ამ საშინელი საზოგადო სენის მიზეზი არის ომი, განცხრომა და ამათგან დაბადებული ვალი. მაშასადამე ეს უკანასკნელი მიზეზები რომ მოვსპოთ მაშინ აღარც სიძვირე იქმნება და ხალხიც კეთილათ იცხოვრებს.

მეტყვიან: რას ამბობ? ომსა და განცხრომას ყოველთვის წარმატება შემოუტანიათ საზოგადოებაში და ესენი რომ მოვსპოთ, წარმატებაც ხომ აღარ იქნებაო, სულაც არა! ომს თუმცა წარმატება შემოუტანია უწინდელს დროში, მაგრამ ახლა დაღუპვის მეტი არა შემოაქვს რა. უწინ, თუ არ ომით, სხვა მხარეში შესვლა არ შეიძლებოდა და თუმცა ამ ომში ბევრს ხალხსაც და ქონებასაც ჰკარგავდნენ, მაგრამ სარგებელი ეს იყო, რომ იმ მხრის განათლება მოჰქონდათ შინა და იქაცა ვრცელდებოდა. ახლა ყოველს მხარეში შესვლა ადვილია და დაუშლელი და ომის საშინელი ვნება რაღათ უნდა გავწიოთ? განცხრომას კი თავის დღეში ვნების მეტი სარგებლობა არა ჰქონია რა. განა საზოგადოებისთვის განცხრომის მიმყოლი, სუსტი და სნეული ხალხი არის საჭირო? არა! საზოგადოება უნდა შესდგებოდეს სულ ღონიერი, გონიერი და შრომის-მოყვარე ხალხთაგან. რაც ომებზედ, განცხრომაზედ, ვალის სარგებელზედ, დავებისა და ავაზაკობის განხილვაზედ ფული და შრომა მიდის, იმისი ნახევარი რომ საზოგადოთ სასარგებლო შრომაზედ მოვიხმაროთ, მაშინ იმდენს ცხოვრებისათვის საჭირო ნივთებს და სიმდიდრესა შევყრიდით, რომ ყოველი სიაფეში და სიკმაყოფილეში იცხოვრებდა. მაშინ აღარც დავები, აღარც ავაზაკობა, აღარც ქურდობა და კაცის კვლა იქნებოდა!

საკოლიტიკო და საზოგადო მდგომარეობა სერბიისა

I

ივნისის 10-ში, ბელგრადში ხმა იყო პრინცი ნაპოლეონის მოსვლისა სერბიის სატახტო ქალაქში. მიხეილი III, ორბენის ძე სერბიის მფლობელი, ემზადებოდა დიდებით მიგებებოდა სახელოვან სტუმარსა, რომლისაგანაც სურდა გაეგო რამ სასიამოვნო სერბიისათვის. 12 საათს შემდეგ შეიარა თავის ბიძის ქალთან ანნა კონსტანტინის ასულთან და იმის ქალთან, რომლებიც წამოიყვანა თანა და წავიდნენ ერთს პატარა ტყეში, რომელსაც ჰქვია ტოპჩიდერე. თან მხლებელი მაგთენი არავეინა ჰყვანდა: თითონ ეჭირა ხელში მხოლოდ წვეპლა და იმის აღუტანტს ეკრა ხმალი. ესენი ორად გაიყვნენ და რომ შევიდნენ ტყის შუაგულში, ამ დროს გამოჩნდნენ რალაც საიჭო ხალხნი. ორმა მოუარა მიხეილს მარცხნით და ერთმა მარჯვნივ; მეოთხე, რომელსაც იცნობდა თავადი, დაიმალა ტყეში. ამათ ჯერ პატივი სცეს მიხეილსა და თავი დაუკრეს, მაგრამ როდესაც ამან მიხედა მარჯვნივ, მარცხნივიდგან ესროლეს რევოლვერი და დასჭრეს ზურგში; შემდეგ გახშირდა სროლა და დაიწყეს ხოცვა. ანნა მივარდა ერთს მკვლელსა, მაგრამ დაეცა მკვდარი. იმისი ქალი დასჭრეს კისერში ორ ალაგას და ძუცელში; მაგრამ მაინც გამოიქცა და მიენდო ერთს გლენ კაცს მკლავზედ. მკვლელები მისცივიდნენ დახოცილებს გაცოფებულნი და ძალიან დაასახიჩრეს, ასე რომ ძვალიც კი მთელი არ დააგდეს.

მიხეილი მოჰკლეს ყარა-გიორგის ალექსანდრეს განზრახებულთა, რომელთაც სურდათ ორბენის შვილების ამოწყვეტა. პირობა ჰქონდათ შეკრული მიხეილის მოკვლაზედ ალექსანდრეს ცოლსა პერსიდასა, ძმებსა, სიძეებს და იმის მომხრეებს. მოკვლის ამბავი რომ შეიტყო ხალხმა და იმისი გარემოება, მაშინვე მოითხოვა, რომ ყარა-გიორგის გვაროვნობა გაჰყარონ იმ მხარიდგან და საყდრიდგან. მართლაც სამღვდელოებამ საუცხოვოდ აასრულა ეს თხოვნა და დაწყევლა ყარა-გიორგის ჩამომავლობა გროცკოში.

სამხედრო მინისტრმა, მილაგოი ბლაზნოვატმა რამდენიმე საათში დაიჭირა მკვლელების მოთავენი; ვინც უნდა ყოუილიყო, თუნდა

დიდი თანამდებობის პატრონი, მაშინვე აჭერინებდა და მხარეს მისცა სამხედრო მდგომარეობა; დანიშნა ხალხის ყრილობა ერთს თვეზედ, და ჯარს უთხრა ამოირჩიონ მიხეილის მემკვიდრე. აღმოჩნდნენ რამდენიმე მთხოვნელნი.

აქ იყო ყარა-გიორგის გვარისანი, რომელთაგანიც მიახწევდნენ თავიანთ წადილსა, ეს დრო რომ არა ყოფილიყო, ამიტომ რომ ამითი წინაპირი იყო პირველი დამწყები განთავისუფლებაზედ, ომის დამწყები და მხარეშიაც კარგი ნათესაობა ჰყვანდათ. მაგრამ ახლაკი ბელგრადაში რომ ხელში ჩაეგდოთ ესენი, სახრჩობელს უფრო მალე იშოვნდნენ ვიდრე ტახტსა. წამოაყენეს აგრეთვე ნიკიტა ჩერნოგორიის თავადი. ამ თავადების ქალი მიხეილმა მონათლა 1864-ში და ამ დროდგან სულ ფიქრობდა ხალხი სერბიისა და ჩერნოგორიის შეერთებასა.

მიხეილის ცოლი იულია ფიქრობდა რეგენტობაზედ, როგორც მზრუნველი ბიძაშვილისა, მაგრამ თითონ ქმართანაც ნაჩხუბი იყო, რადგანაც ეჭვი ჰქონდა ანნა კონსტანტინის ასულზედ, რომელსაც დიდი გავლენა ჰქონდა მიხეილზედაც და მმართველობაზედაც, და ხალხიც კარგის თვალთ არ უყურებდა, ამიტომ იულიამ ვერა გააწყო რა. რადგანაც რუმინიის პარტიამ წარმოადგინა გოგენცოლერის პრინცი კანდიდატათა, ამიტომ იულიას სწაღდა რუსეთთან შეერთება. მაგრამ ღონე მოძრაობის არის დამოკიდებული ხალხის წადილზედ, რომელიც ინსტინქტითა გრძნობს, რომ სრულებით უცხო ხალხთან მინდობა არის თავისი ხელით სიკვდილი. ხალხი გრძნობს, რომ სერბიამ თუ მოინდომა თავიზედ მომეტებული ხალხის ჩაყლაპვა თითონ უწინ ჩაიყლაპება, ამიტომ უფრო, რომ რუმინებსა და სერბებს შორის შუა არაფერი მსგავსება არა არის რა. რუმინები ეჯავრებათ სერბებსა და ეძახიან მშიშრებსა, ცბიერებსა და გაყვნილებსა.

ერთს პარტიას, რომელმაც თავისი მოწხრეები იშოვნა ოქლადინაში (ახალგაზრდებში), ჰსურდა გაეთავებინა ორბენისა და ყარა-გიორგის ძეთა ჩამომავლობასთან, რომელთაც ერთმანეთში ჰქონდათ შური; აგრეთვე ყოველ რუმინიისა, ჩერნაგორიისა და სხვა ყოველი უცხო ქვეყნების წარმომადგენლებთანა ამ პარტიას ჰსურდა ენახა სერბიის რესპუბლიკის თავსმჯდომლად გარეშე ქვეყნების მინისტერი გარაშანინი, რომელსაც ეს თანამდებობა ეჭირა მიხეილის დროსა. ეს იყო ძალიან გამოცდილი და ნიჭიანი კაცი მთელს მხარეში და დიდი გავლენაცა ჰქონდა სერბიაში რეფორმების დროსა.

მაგრამ ჩვენ ჯერ არა ვსთქვიფ, რა არის ომლადინა. რადგანაც სერბიაში არ არის უნივერსიტეტი, ამიტომ იქაური ახალგაზრდები იზრდებიან სახელმწიფო ხარჯით სხვა მხრის უნივერსიტეტებში, მომატებით ვენაში, გეიდელბერგში და პარიჟში. ამ ახალგაზრდებს დაუწესებიათ უნივერსიტეტებში თავიანთი კომიტეტები სხვა და სხვა სახელებითა. ამ კომიტეტებს აქვსთ განზრახვა გამართონ თავიანთი მწვერნი მეცნიერებაში და ლიტერატურაში. ესენი ყოველ წელსა ჰბეჭდვენ წიგნებსა, რომელნიც შეიცვენ პატრიოტულს მოთხრობაებსა და მკოდინარობის სტატიებსა, რომელნიც წაუკითხავთ კამიტეტში მთელი წლის განმავლობაში. როდესაც თავიანთ სამშობლოში ბრუნდებიან დათხოვნის დროსა, სერბნი აღგენენ შუაგულის სტუდენტების ასსოციაციასა, ომლადინასა, ახალგაზრდობასა. ეს არის კონგრესი, სადაც იშინჯება მთელი წლის შრომა სხვა და სხვა კამიტეტებისა; ამითი, რასაკვირველია, დაიცვება მოაზრობის და შედგენილობის სიმთელე.

ჩვენ არ უნდა ვიფიქროთ, რომ მომატებული ნაწილი ომლადინისა არიან რესპუბლიკელები. ომლადინა აღტაცებულია სერბიის ყრილობის იდეითა, და ამიტომ ბოლოს დროს გამოიჩინა უკმაყოფილება თავადს მიხეილზედ, რომელსაც ამტყუნებდა სიმძიმეზედ, სისუსტეზედ და გაუბედაობაზედ აღმოსავლეთის საქმეებში; ჯავრობდნენ იმაზედა, რომ იმან მოინდომა სერბიას მისცეს მკვიდრი წყობილობა და არ კი წაიყვანა, ჯერე ნორჩი სახელმწიფო, რაღაცა გმირულს საქმეებზედა.

ყველას აზრი მფლობელობაზედ წახდა; მხოლოდ მიხეილისძმის წულმა მილან ობრენოვიჩის ძემ მოიგო საქმე. მილანი მიხეილის სიკვდილის უმალსვე ამოირჩივა ჯარმა, რომელსაც ეწოდა ობრენოვიჩი IV. მილანი მიხეილს ჰყვანდა აყვანილი შვილადა და იყო უკანასკნელი წარმომდგენი ობრენოვიჩი ძეთ ჩამომავლობისა; ეს ჩამომავლობა სკუპტშინამ გახადა მეფეთა დინასტიად. მილანი იყო ექვსი კვირის წინ პარიჟის კოლეგიის შევირდი, როდესაც ამოირჩიეს მფლობელადა. არ ვიცით ახლა როგორია, თორემ ამის წინ ცამეტის წლის ყმაწვილს ჰქონდა გახსნილი პირისახე, სასიამოვნო ხმა და ბავში კეთილშობილი პატრიოტი იყო.

სკუპტშინამ ერთგულის თანახმობით ამოირჩია მილანი და მაშინვე გაუგზავნა დეპუტაცია. არ ვიცი ეშინოდათ თუ არა, მილანს პარიჟიდგანვე ორი ჟანდარმი მოსდევდა მცველად, რომელნიც ყოველ სახელმწიფოში იცვლებოდნენ, ვიდრე ბუხარესტამდინ მოვიდოდა. ახლა ის ნაკურთხიც არის მთავრობაზე. მილანმა დასდო პირო-

ბა გააბედნიეროს თავისი ხალხი, რომლის სიტყვებს დაჰყვა ხალხი-საგან დღეგრძელობა და ზარბაზნების სროლა; თავის ბავშურ თავზედ დაიდგა ჯარის წინამძღოლის კასკა და შემოიკრა ხმალი თავის პაპისა მილოშისა.

ყმაწვილი ჩავარდა აღმოსავლეთის საქმეებისა, პარტიებისა, სახლობისა და გვაროვნობის მტრობასა შუა, რომელთაც მიაშიზებენ ამოდენი დანაკლისი. სრულებით არიან ამოწყვეტილნი ყარა-გიორგისა და ნევადის ჩამომავლობა, თუ არა—ამას გამოაჩენს შემდეგი.

II

სერბია მდებარეობს ვენგრიის პირდაპირ, რომლიდგანაც განიყოფება დუნაითა. იმისი ტახტის ქალაქი ბელგრადი სდგას, სადაც ერთდებიან სამი დიდრონი მდინარენი: ტისა, სავა და დუნაია, ავსტრიისა და ოსმალს ზედ შუა გზაზედ. ზედ გადადის რკინის გზები, რომლებიც მოქმედებენ ადრიატისა და შავი ზღვის შუა. სერბია განიყოფება ორ ნაწილად: ზემო სერბია არის მთიანი, რომელზედაც სდგას ხშირი ტყე; ქვემო სერბიაში არიან მხოლოდ წვრილი გორები, რომელნიც სდის ვაზსა, სიმინდსა და ხორბალსა. შუა ამ ორის ნაწილისა გაჭიმულია მთა შუმიდია; აქ უფრო ძალიან ხშირი და სხვილი ტყე არის, რომელიც ძალიან გამოადგა სერბებს 1814-დგან 1817 თავისუფლებაზედ ომში. აქ „ყოველი ხე“, როგორც ხალხის სიმღერებში ითქმება, „გახდა მამორად“. ახლა კი ეს ტყე ჰკვებავს მრავალ ღორის ფარებსა, რომელნიც შეადგენს ამ მხრის სიმდიდრესა.

ამ მხარეში მცხოვრებნი არ არიან ხშირნი, ასე რომ რიცხვი მცხოვრებთა 1,200,000 მეტი არ არის. სატახტო ქალაქში, ბელგრადში, სცხოვრებენ 20,000 პირნი. სერბიის სხვა ქალაქები, რიცხვად 38, უფრო სოფელსა ჰკვანან, ვიდრე ქალაქებსა. ყველაზედ დიდს ქალაქში 5,000 მცხოვრები არის, და სხვა ქალაქებში ათასიც სრული არ არის. სერბიის მცხოვრებნი ხალვათად ცხოვრებენ თავიანთ მიწაზედ, რომლისა შემუშავებულია მხოლოდ მერვე ნაწილი.

ეს არის კარგი, რომ სერბიაში მცხოვრებთაგან 35 ნაწილი სულ ერთ ხალხსა და სარწმუნოებას ეკუთვნის. დანარჩენი 15 ნაწილი შესდგება მწყემსები ვალახებისაგან, ბოშებისა, ურიებისა და თათრებისაგანა.

სერბები არიან მართლმადიდებელი სარწმუნოებისა. მიტროპოლიტი და სამი ეპისკოპოზი შეადგენენ სინოდსა, რომელიც ნიშნავს მღვდლებსა, მფლობელის დაკითხვითა. კონსისტორია არჩევს ქორ-

წინებისა და გაშვების საქმეებსა. მიტროპოლიტს, სამს ეპისკოპოსს და 20 დეკანოსს ეძლევათ ჯამაგირი მმართველობისაგან; მხოლოდ 60 მღვდელი და 120 ბერი ცხოვრებენ საეკლესიო მამულებიდგანა და შემოსავლითა.

იქაურნი მღვდლები უცოდნელები არიან; ჭარდა ამისა ამო მორწმუნენი და სმის მიმყოლნი, თავიანთ მრევლსავით, რომელთაგანაც სისრულით არ ერჩევიან არც სწავლითა და არც ტანთ საცმელითა. სერბიაში მღვდლობა ძალიან ადვილია, ასე რომ ყველას შეუძლიან გახდეს მღვდელათა, თუ წერა და კითხვა იცის. მართლმადიდებლობის ეკლესია სერბიაში ძალიან მშვიდი არის, და არცა სდევნის სხვა სარწმუნოებასა. აქ მხოლოდ სდევნიან თათრის სარწმუნოებასა, ისიც პოლიტიკურის მიზეზებისა გამო.

სერბიის 100 მცხოვრებზედ 12 მოსწავლე მოდის, როდესაც ფრანციაში ათასში ასი მოსწავლე არის და კიდევ ხალხი არ არის მაგდენად განათლებული. მასწავლებელნიც ცოტანი არიან; მასწავლებელი ქალები ხომ სრულებით არცკი იციან რა არის. იქაურნი ახალგაზდები, როგორც ზევითა ვსთქვით მიდიან უცხო ქვეყნებში სასწავლებლად: ეს ამითი არის კარგი, რომ ახალგაზდები სწავლასთან უცხო ქვეყნის ხალხსა და წესებს ხედვენ თვალითა.

ხალხის განათლებისათვის სერბია ხარჯავს სამ მილიონამდინ, რომელიც შეადგენს ყოველი შემოსავლის მეათედს ნაწილსა.

რადგანაც ხალხის განათლებას გონებრიულს, ვაჭრობისა და ხელოვნობის წარმატებას კარგათ შევიტყობთ, როდესაც დავთვლით მინაწერსა და მიღებულს წიგნებსა, ამიტომ ვნახოთ ეს საქმე როგორ არის სერბიაში. 1856-ში, სერბიის კანტორებში გაიარა 100,000-მა წიგნმა, მხოლოდ 1863-ში 444,000-მა, მაგრამ მაინც თითო მცხოვრებზედ ნახევარ წიგნზედ მეტი არ მოდის, რომელიც თექვსმეტჯერ ნაკლებია, ვიდრე ფრანციაში. ფრანციაც ამ მხრივ უკანა სდგას, რომელსაც ძალიან სჯობნიან ანგლია და ამერიკა.

სასამართლოებში ირჩევა ყოველ წელს 2,000 უგოლოვნის, და 24,000 სამოქალაქო საქმე; ასე რომ ახლა 40% ხალხისა დავაში არიან.

რადგანაც სერბიაში ქორწინება არ აძლევთ მომატებულს ხარჯსა და არც მომატებული ეკლესიის ცერემონიები უნდა, ამიტომ იქ ნაბიჭვრები ხუთჯერ ნაკლებნი არიან, ვიდრე ფრანციაში. შვილების ხოცვა სრულებით არ იციან რა არის. თავის-მოკვლაც ცოტა არის, წელიწადში 200-მდინ, რომელიც აგრეთვე მოწმობს, რომ სერბიაში ჯერ ცივილიზაცია არ გავრცელებულა.

III

სუმმა საქონლისა, რომელიც გააქვსთ სამძღვარ გარეთა და იქი-
დამ შემოაქვთ, არის წელიწადში სამოც მილიონამდე. გასატანი საგ-
ნებისაგანნი არიან მხოლოდ ღორი, რქიანი საქონელი და პური. ხე-
ლოსნობა სრულებით არ არის გავრცელებული, ასე რომ თუმცა სერ-
ბიაში წყლები უხვათ არის, მაგრამ საფქვავეი სამძღვარ გარეთ გააქვთ
წისკვილებში; გარდა ამისა, თუმცა აქ ბევრი ტყეები არის და სახერ-
ხი ზაოდებიცა, მაგრამ მაინც ხე-ტყე ავსტრიიდგან მოაქვსთ. ავ-
სტრიიდგან აგრეთვე სხვა ზაოდის ნივთები და ხორაგიც მოდის სერ-
ბიაში. სერბიის ხელოსნობისა და ვაჭრობის შუაგული არის ვენაში
და ამიტომ სერბები არ უნდა ემდურებოდნენ ავსტრიის გავლენასა.
მათზედ, ვიდრე იქედამ მოაქვთ ფიცრები, ფქვილი, ქონი, ერბო, ძმა-
რი, ცელები დანები, ლურსმებიც კი.

დამოუხმებსა და სხვა აღმაცერა ხარჯებსა შემოაქვსთ ნახევარი
სახელმწიფოს შემოსავლისა და მეორე ნახევარი შემოდის პირ და
პირი ხარჯითა. უწინ ოსმალები ადებდნენ მრავალ წვრილ-წვრილ
ხარჯსა და ეს უთავბოლო წვრილი ხარჯი უფრო აწუხებდა ხალხსა,
ვიდრე ამათი მთელი სუმმის ერთად გადახდა. მერე მილოშამ ხარჯი
შეაერთა და დაადო თითო ქალაქსა და სოფელსა ერთად, რომელიც
მერე ჰყოფს თითო კომლზე და პირზედ, ვისაც რამდენი შეუძლია.
მილოშამ ამითი მოიპოვა სახალხოდ სახელი. ამასთან გადასწყვიტეს
უმეტესი ხარჯი, ასე რომ ქალაქ ადგილში 80 ფრანკზე მეტი, სო-
ფელში 40 ფრ., და ბელგრადში 160 ფრანკისა არავის არ უნდა შა-
მოეტანა.

საერთოდ რომ ვიანგარიშოთ სერბიაში სულზე მოდის 16 ფრან-
კი (ხუთ შაურიანს უღარის), საბერძნეთში ორი ამოდენი მოდის და
ფრანციაში 80 ფრ. ეს ამიტომ რომ ფრანციაში ცივილიზაცია (კე-
თილმდგომარეობა) ძალიან ძვირათა ჯდება, რადგანაც იმის ნაყოფი
ისყიდება, როგორც ნაპოლეონ III-ს ჰსურს.

თორმეტის მილლიონიდგან, რომელიც ადის სერბიის ხარჯათა,
540,000 ფრანკი ინიშნება საზოგადო შენობებისთვისა. ეს ძალიან ცო-
ტა არის იმ მხარისთვისა, სადაც ჯერ რიგიანი გზებიც არ არის და
ყოველი უნდა გაკეთდეს სულ ხელახლად.

სასახლის სახარჯოდ არის მიცემული თითქმის იმდენი, რამო-
დენსაც ხარჯვენ საზოგადო შენობებისთვისა, 500,000 ფრანკსა. ეს
ძალიან მეტია ასე პატარა სახელმწიფოსთვისა. ორბენოვიჩები ძა-
ლიან მდიდრები არიან; მიხეილის ქონება სერბიაში და რუმინიაში

დაფასდა ორმოცდა ათს მილიონად; მაშასადამე შეიძლებოდა კარგა შეემოკლებინათ სასახლის ხარჯი.

შემდეგ ოსმალეთს აძლევენ წელიწადში ხარჯად 500,000 ფრ. გარდა ამისა პოლიტიკურ აგენტებზე და დიპლომატებზედ ხარჯვენ აგრეთვე 500.000 ფრანკს, რომლებიც შეიძლებოდა კარგა შეემოკლებინათ.

ჯარის შენახვა ინდოებებს სამ მილიონსა. ფრანციის არმია ამოდენსა ხარჯავს ორ დღეში. რადგანაც დაჩვეულნი ვართ ევროპის ჯარების დიდრონ ხარჯვასა, ჩვენ ეს სერბიის ხარჯი-მცირედ მიგვაჩინია; მაგრამ ეს შეადგენს მეოთხედს, მთელს მეოთხედს სახელმწიფოს შემოსავლისა სერბიაში. ამითი ინახება კორპუსი, რომელიც შესდგება 3,400 სალდათისაგან. მაგრამ ამ რიცხვის გასინჯვით ჩვენ ვერ შევარდგენთ სრულს აზრს სერბიის ჯაროსნობისასა და ღონისასა. ას ორმოცდა ათი ათასი კაცი დაიარაღებულია მზრუნველი მმართველობისაგან და, თუ საჭირო იქნება, მეექვსედი მცხოვრებთა დადგება ბაირალ ქვეშ, რომლითაც შესდგება 200 ათასი კაცი. პირველს მხედრობის ძალას სერბიისას შეარდგენს სახალხო მილიცია, როგორც შვეიცარიის რესპუბლიკაში. ყოველი მოქალაქე დაიარაღებულია, ყოველი მოქალაქე მამოარია. ყოველი მოქალაქე ზრუნავს თავის სამშობლო ქვეყნის უშიშრობისთვის და თავისუფლებისათვის. ყოველი სერბი—ოცი წლიდგან ორმოცდა ათ წლამდე—ჩაწერილი არის მილიციაში, გარდა, რასაკვირველია, სამღვდელოსა და უძღურებისა პირველის ჯურით მოდის სამსახურში მეოთხედი ნაწილი ყველა მოქალაქისა, რომელნიც არიან შეტანილნი მილიციის სიებში.

ოსმალოს უზენაესი მთავრობა სთავის სერბიას მხოლოდ ხარჯსა. ამ გვარი კანონით მორჩილება ოსმალოსი არაფერია. საქმით კი სერბია თავის უფალია: ამიტომაც სერბიას მიუღია სახე კონსტიტუციური სახელმწიფოსა, როქელზედაც უზენაესი მთავრობა აქვს თავადის ჩამომავლობასა, რომელთაც აქვთ უფლება მეფობისა; მხოლოდ მართვა ხალხის არის პასუხის მგებელი მინისტრების შუამავლობითა.

უფლება მეფისა არის შემომიჯნული სკუპტშინის უფლებითა; სკუპტშინა შესდგება მხარის წარმომდგენთაგან და სენატისაგან, რომელსა აქვს მნიშვნელობა მმართველობის რჩევისა. სენატში წევრები არიან ჩვიდმეტნი, რომელთაც მეფე არჩევს მაღალი ხალხიდგანა და, თუ უნდა, გადააყენებს სამსახურიდგან პენციითა.

სკუპტშინისათვის არჩევენ ერთს დეპუტატს 2,000 ხარჯის მძლეველზედ. უწინ ამასა ჰქონდა მინდობილი განხილვა კანონებისა და ამისა პირველად წარმოთქმა. საჭირო იყო სკუპტშინის დამტკიცება.

ყოველს დიდი მნიშვნელობიან საზოგადო საქმეში. ამასთანავე არც მაგრე ძალიან აწუხებდა მეფესა, ამიტომ სკუპტშინის ყრილობა ყოველთვის მოხდებოდა ხოლმე სამ წელიწადში ერთხელ და ამიტომ, უნდოდათ თუ არა, უთუოთ უნდა დაემტკიცებინათ ისა, რასაც გაველო.

მაგრამ უკანასკნელმა შემთხვევამ სერბიის დაწყობილება ძირიანათ შესცვალა. რომ მოგროვდა სკუპტშინა უკანასკნელი მეფის აღმოსარჩევლად, პატარა მილანი ყველას ამჯობინა და მაშინვე დააწესა, რომ დღეის იქით სკუპტშინა უნდა მოგროვდეს ყოველ წელიწადსა. ამ გადაწყვეტილების აზრი ეს არის: „დღეის იქით მხარე უნდა იმართვოდეს თითონ“. თითქო სკუპტშინას ჰსურდაო, რომ უფროსიცხადე მისცეს ამ ცვლილებას, ამიტომ მოუმატა: „სერბიაში უნდა შეეიტანოთ კონსტიტუციის რიგით“. იქედამა სჩანს, რომ თუმცა ლაპარაკობდნენ, მაგრამ კონსტიტუციის რიგი იქ აქამდინ არ ყოფილა.

რადგანაც სერბიაში არ არის განყოფილება საზოგადოებისა რამდენიმე წოდებად, ამიტომ აქ არც ერთმანეთის მძულვარეობა და განყოფილება არის, როგორც გერმანიაში, ფრანციაში და ანგლიაში. ყოველ კვირაობით კმეტი მიდის და ჯდება სოფლის დიდი ხის ძირში; (ამას აქვს მნიშვნელობა შოკალაქების დეპუტაციისა და მიროვოი სუდისა.) კმეტი ჯდება სკუპის (სამოქალაქო კრების) შუაზე, რომლის გარეშემო იმართებიან მამასახლისები, ამათ შემდეგ ოჯახის თაფნი და მერე ახალგაზდები, რომლებიც ყრულობის ყურის გდებას რჩეულობენ, ვიდრე იმასა, რომ ცოტა მოშორებით ითამაშონ სოფლის გოგოებთანა. „ჩემნო ძმანო, ამბობს კმეტი, მეფემ გვიბძანა ჩვენ რომ გითხრათ თქვენ ესა და ესა; გსურთ თქვენ ესა, თუ არა?“ — „ჰო ანუ არა, ჩვენ, გვესურს რომ იყოს ასე ანუ ისე...“ ისმის კრებიდგანამ გვარადვე არის ხოლმე დეპუტატების ამორჩევა სკუპტშინაში. აი ოქროს საუკუნე პოლიტიკუოის ცხოვრებისა: უფლება და ხალხი ჯერისევე ერთმანეთში არიან არეულნი.

IV

ერთი სლავიანის ტომთაგანი, რომელიც სცხოვრობდა ელბის ნაპირებზედ და ჩრდილოეთის ზღვის პირებში, საბერძნეთის იმპერატორმა ერეკლემ მოიწვივა ამ აზრით, რომ დაასახლოს საბერძნეთის ჩრდილოით, რომელიც აკლებული იყო ავარებისაგან.

ყველაზე უფრო შესანიშნავი მეფე სერბიისა იყო დუშანი (1333 — 1356); ამ მაომარმა კაროლმა იომა გამარჯვებით თესალიაზედ, მაკედონიაზე, ფრანციაზე, ალბანიაზე და აკარნანიაზედ. ბოსნია მოეთვალა იმის მპყრობელობასა, ბოლგარია აძლევდა ხარჯსა. რაგუზამ მიიღო იმისი მფარველობა: იმის სახელმწიფოს სამხლვრები იყო

არხიპელაგი, შავი ზღვა, ღუნაი, სავა და აღრიატის ზღვა. აკლდა მხოლოდ ისა, რომ დაემარცხებინა კონსტანტინეპოლი, რომლის ჯარიც დაუმარცხებელიც არ გადურჩა. ღუშანი მიდიოდა კონსტანტინეპოლზე, მაგრამ, როგორც თორმეტ მილზე მიახწია, ამ დროს კიდევ გააცხელა საშინლად და გარდაიცვალა რამდენიმე დღის შემდეგ. იმისი ჯარი დაბრუნდა დაღონებული და წამოიღო თან თავისი ვაჟკაცი. ჯერ ღუშანს თვალეები არ დაეხუჭნა, რომ იმისმა წინამძღოლებმა შეხედეს ერთმანეთს და შესძახეს: ვინ უნდა გახდეს კოროლადაო?

ღუშანის დროს წარმოგვიდგენენ, როგორც საუკეთესო დროებას სერბიის ისტორიისას, მაგრამ ჩვენ არა ვართ თანამგრძობელი მამარი, დამმონავებელი, და მებატონე სერბიისა. ჩვენა გვგონია, რომ სერბია თვითონვე დაეცემოდა ცუდი შინაურის დაწესებულებისაგანა, რომელიც მოხდა ღუშანის დროსა. ეს ღუშანისგან დადგენილი მებატონეები შესჰამდნენ ერთმანეთს უკანასკნელს სახელმწიფოს დაცემამდე, ეს კეთილშობილნი გასჰყლდნენ გლეხებს და გაასწორებდნენ მიწასთან.

ლაპარაკობდნენ ღუშანის მემკვიდრეების სისუსტესა და უხერხობასა; მაგრამ დანაშაული კი უფრო მებატონე ბარონებისა არის. ოცდა ათი წლის შემდეგ იმისა, როდესაც დამმარცხებელი სერბიის ჯარი იდგა კონსტანტინეპოლის სიახლოვესა, ოცდა ათის წლის შემდეგ სერბიელებს დაეცნენ თავიანთ საკუთარს სამშობლოში და დაამარცხეს კოსსოვოს ომში, რომელსაც სერბიის პატრიოტები (მამულის მოყვარენი) აქამდის იგონებენ ყოველს წლივ შავებითა. ხუთი საუკუნის მონაობა იყო ნაცოფი კოსსოვის დამარცხებისა. ამ უბედურების წარმოდგენაზე ჩვენ უნდა მოვიგონოთ სივაჟაკე და გონების სიმახვილე მურად I, რომელიც იყო დამმარცხებელი ოცდა ცხრამეტს ომში. მაგრამ არც ის უნდა გაუშვათ აზრიდგან, რომ სერბია მაშინ იყო დაღლილი მაღალი წოდების შეწუხებისგან, იმათი დაუმორჩილებლობისაგან, რომლებიც არ ემორჩილებოდნენ კაროლსა და ფიქრობდნენ უფრო თავიანთი ქონებისთვისა, ვიდრე ოსმალებთან ომსა.

ჩვენი აზრით ღუშანის მეომრებამ და გამარჯვებამ პოლიტიკური სიმკვიდრე კი არ შეადგინა, იმან მოამზადა მხოლოდ კოსსოვის დამარცხება, რომლის გამო სერბები გახდნენ მდუმარენი თავიანთ გულში, და ეს გახდა წყაროდ პოეზიისა — გამირული სიმღერებისა და მოკლე ქების ლექსებისა მილოვაზე და მარკზე.

გარდა ამისა ესენი გულმოდგინებით შეუდგნენ მოსპობას იმ გვარი დაწესებულებისა, რომელიც აქამდინ აწუხებდათ და აშფოთებდათ: მიჰყვნენ მოსპობას წვრილი მტარვალებისას, რომელნიც სწოვ-

დნენ სისხლს გლეხებისასა, — ცხოვრების წვენს მხარისასა. საერთო უბედურებამ გაასწორა საზოგადოებათა მაღალ-მდაბლობა ისე, რომ აღარც კი იყო სახსენელად წოდებანი დამარცხებულებისა, რომელნიც შეიქმნენ რეიებად და მხენელ-მთესველებად. ოსმალოს უფლება სერბებზე იყო უფრო კაცობრიული, ვიდრე ისპანიისა ვესტ-ინდიაში და ანგლიის პოლიტიკა ირლანდიაში. ოსმალოს ისტორია მოგვითხრობს უფრო მცირედ შეცოდებასა და დანაშაულობასა, ვიდრე ისტორია ფრანცუზის საკოროლოსი. მაგრამ რაც კი შეეხება დანაშაულობას, ქრისტიანები და თათრები, ოსმალები და მავრები ერთმნეთს ვერაფერს დააყვედრებენ რას, და ბოროტ მოქმედება ოსმალებისა აგრეთვე მრავალი არის, როგორც აღმაშფოთებელი.

როდესაც იანიჩარების უწყალოება და ფაშებისაგან შეწუხება გადასცდა ყოველს ზომასა, მაშინ სერბები აბუნტდნენ. ბერძნების რევოლუციის (არევ დარევის) თვრამეტის წლის წინად; სერბების ბუნტი იყო პირველი დაწყობა ოსმალოს იმპერიის განცალკავებისა. ერთმა გლეხმა, რომელიც მაშინ იყო ინსურგენტების წინამძღოლად, მალე მიიპყრო გულის ხმა ხალხისა; ეს გლეხი იყო გიორგი, რომელსაც დაარქვეს შავი. როგორც მრავალმა სხვამ, აგრეთვე გიორგიმ გაანება თავი თავის დანგრეულს ქოხსა და გავარდა მთებში. ოსმალის გაცრცვნას რაცხდნენ ისე, როგორც ურჯულოსაგან წართმევას იმ ქონებისას, რომელიც წართმეულია ქრისტიანისაგან. იმათი ლაშქრობა მარჯვედ მიდიოდა. ამ ბუნტში მიიღეს მონაწილეობა ბევრმა ბერძენმა, კროატებმა, სლავონელებმა; ეს ხალხი იყო სულ თავგანწირული, რომელთაც ჰქონდათ მხოლოდ აზრი, რომ შეეწუხებინათ ფაშების ჯარი აბუნტებული ხალხითა. ერთს მშვენიერს დღეს ეს ავაზაკების ბელადი გახდა თავისუფლებაზედ ომის გმირად, მაგრამ რადგანაც გმირობა შავი, ანუ ყარა გიორგისა წარმოსდგებოდა სიმძულვარობისაგან, ამიტომ ამის ხასიათში არ გამოიღია ყარაღური მოქმედება. 1804-ში ამ ავაზაკობამ მიიღო ხასიათი პოლიტიკურის აბუნტებისა; როგორც შეიტყეს სერბებმა, რომ ოსმალების დამარცხება შეიძლებაო, მაშინვე შეუდგნენ ომსა მხეცურის გაშფოთებითა, ჯასაოცარის გამბედაობითა და გამძლეობითა. მიშარასთან სერბები 8—9 ათასამდინ შეხვდნენ ოსმალეთის კარგა მრავალს ჯარსა, რომელსაც წინ უძღვოდა სერასკირი; ამან შეუთვალა ყარა-გიორგის, რომ დადოს თოფ-იარაღი და გაუგზავნოს მას. „მოდი და წაიღეო!“ — შეუთვალა ყარა-გიორგიმ, რომელმაც არ იცოდა რომ ეს გამოჩენილი სიტყვები იყო ნათქვამი ლეონიდისაგან. ბოლოს ამან აიღო ბელგრადი და მიიყვანა პორტა იქამდინ, რომამათ დაუწყეს შორიგება.

ყარა-გიორგის მომხრეებმა აღმოარჩიეს ის სერბიის მეფედ. მაგრამ 1807 წ. ის დამარცხდა ვიდლინოსთან, რომლის შემდეგ ოსმალებს დაუთმო მხარის ნაწილი. მერე 1812, რაკი ოსმალო მორიგდა ბუხარესტის პირობაებითა რუსეთთან, ოსმალებს გაეხსნათ, ხელები და იმათი ჯარი ყველგან იმარჯვებდა. სერბებმა დაკარგეს იმედი თავიანთ საქმის კეთილად წარმატებისა; — ეს იმედი ყველაზედ უმეტესად დაეკარგა თითონ ყარა-გიორგისა. ის გაიქცა ავსტრიაში, მერე რუსეთში, სადაც ალექსანდრე იმპერატორმა მიიღო და გენერლობაც უბოძა. 1816-ში გიორგი კიდევ გავიდა სერბიაში, რომ აეშალა ბუნტი, მაგრამ მაშინ აქ პოლიტიკური მოძრაობის თავს მჯდომარე იყო მილოშ ობრენოვიჩი. მილოშა გიორგისავით უბრალო გლეხი მელორე იყო, რომელმაც მთელს თავის სიცოცხლეში არც წერა იცოდა და არც კითხვა. არავინ იცის რა იყო მიზეზი, რომ ასე სასტიკად სდევნიდა მილოშა უწინდელს დიქტატორსა: არ ვიცი მილოშას სურდა რომ პირველი ადგილი თითონ დარჩენოდა, თუ ეგონა, რომ ჯერ ოსმალებთან აშკარა ომის დრო არ იყო; იქნება ჰსურდა, რომ ჯავრი ამოეყარა თავისის ძმისა, რომელიც ყარა-გიორგიმ თავისის ხელით მოჰკლა. ჩვენ ვიცით მხოლოდ, რომ მილოშამ—ამ გიორგისავით გმირმა, ავაზაკობითა და კაცის მკვლელობით შეზავებულმა—თითონვე მიუტანა ამბავი ფაშასა, რომ მოსულაო მერევეოლუციე (ამრეგ-დამრეგვი); გარდა ამისა გაგზავნა კაცი მასპინძელთანა, რომელსაც დაეძალა გავარდნილი, რომ იმან მოიტანოს, „ან გიორგის თავი ან საკუთარი“. ამის გამო მასპინძელმა მოსჭრა ცულისთ თავი. წყნარად თავის მძინარე სტუმარსა.

ამის შემდეგ მილოშამ მალე აშალა პატრიოტული ომი, რომელიც რამოდენიმე ცვლილების შემდეგ გათავდა იმითა, რომ ოსმალები გაყარეს მთიანი ადგილებიდან, ტყეებიდან და სოფლებიდან; მაგრამ ციხეები ძნელი ასაღები იყო. შემდეგ ადრიატის პირობით, 1829-ში, ეს ციხეები შეიქმნენ ოსმალების საკუთრებად. ეს ციხეების მფლობელობა იყო ის საგანი, რომელიც შეიცავდა ამ მოალე დროის წინად მთელს სერბიის საქმესა. ამგვარი შეიარაღებული ჯარი, რასაკვირველია, ავნებდა სერბიის თავისუფლებასა და მიკხეილმა თავს იღვა ეს საქმე და გამოიტანა ნება სერბიის ციხეების დაცლისა; ამ საქმეს უშველა იმან, რომ 1862 ოსმალოს კამენდატმა ბელგრადის ციხიდან დაიწყო ქალაქში ზარბაზნების სროლა, რაღაცა პოლიციური საქმისა გამო.

მაგრამ მიუბრუნდეთ ისევ მილოშას: მილოშას ეჭირა სერბიარკინის ხელითა და მართვიდა ისეთის უფლებითა, რომლისაგანაც

შეეშინდებოდა უკეთეს ფაშასა. მაგრამ ხალხს მაინც უყვარდა ვაჟკაცობისა და ყოჩაღობის გამო, რომელიც დაამტკიცა ორს ომში თავისუფლებისათვის. გულკეთილ სერბებს მოსწონდათ ისიცა, რომ იმათი მეფე უწინ მელორეთ ყოფილიყო.

ბოლოს სერბიამ რომ ნახა ნებეზრობა მილოშასი გადავიდა წრესა, 1835-ში მოსთხოვა კონსტიტუცია. მილოშამ ამას ყური არ მიუგდო. უკმაყოფილება გავრცელდა, ასე რომ ერთს აღშფოთებაში გარდასვეს მილოშა თავისის ღირსებიდგან, სწორედ ისე, როგორც ერთი ფაშა. იმის ადგილს დასვეს შვილი იმისი მილანი, მაგრამ ის მალე მოკვდა, და მეორეთ დასვეს მიხეილი მეორე შვილი მილოშასი. მიხეილი ჯერ ძალიან პატარა იყო და მამას სრულებით ემორჩილებოდა. ბუნტი ასტყდა უფრო დიდის ძალითა და 1842-ში ობრენოვიჩები გაყარა ალექსანდრემა, შვილმა ყარა-გიორგისამა, რომელიც აქამდე სწავლობდა რუსეთში. ახალმა თავადმა არც არა შეცვალა რა და პორტასაც ძალიან ეფერებოდა, რომ ტახტი დაემტკიცებინა თა და ჩამომავლობისათვის; ამიტომ ხალხი ვადუდგა იმას კიდევცა. გარდა ამისა 1858 წ. ბებერმა მილოშამ გააგდო ალექსანდრე ყარა-გიორგის ძე; მაგრამ უფლება მილოშისა არ იყო ხანგრძლივი, რადგანაც მოკვდა 1860-ში, არავინ იცის რამდენის წლისა.

მილოშაც ცდილობდა, რომ სერბიის ტახტი დაემკვიდრებინა პორტას იმის გვარზე, მაგრამ იმან უარჰყო. შემდეგ სკუპტშინამ დაამტკიცა მიხეილი III და იმისი ჩამომავლობა ტახტზედ. მიხეილმა თორმეტის წლის განმავლობაში, როდესაც იყო გაგდებული ხელმწიფობიდან, ბევრი ჰკვა შოიპოვა; კონსტიტუცია სასარგებლოთ შერაცხა თვითონ მეფისათვისაცა და ხალხისათვისაცა. ის ხელს უმართავდა თავისუფალს მოძრაობასა სერბიაში; შესაძღვრა ორჭოფი უფლება ოსმალოსი. ცოტაც რომ დასცალეობდა, მიხეილი მოსპობდა სრულებით მხოლოდ სახელად მყოფს უფლებას ოსმალოსას სერბიაზე და აღარც მისცემდა ხარჯსა. მაგრამ ეს გონიერი თავადი მოჰკლეს უდროოთ.

ბუნების კარი

(საკითხავი წიგნი მღაბალს კლასებში სახმარებელი,

შედგენილი გოგებაშვილიდგან)

კარგი აზრი კარგი გონების ნაყოფია, კარგი გონება, კარგი კვებისა და კარგი კვება—განათლებისა. მაშასადამე, რამდენათაც ხალხი განათლებულია იმდენად უფრო კარგი აზრი მუშაობს იმის ცხოვრებაში. ახლა ყველამ იცის, რომ კარგი აზრი და საქმის დამყარება საზოგადოებაში იმაზეა დამოკიდებული, თუ რამდენი კაცი თანაუგრძნობს ამ საქმეს და ამ აზრს. ათასში ასმა კაცმა რომ სთქვას მუხას ვაშლი ასხიო, და ათმა:—არა ვაშლი კი არა რკო ასხიო, თუმცა ეს მეორე აზრი უფრო მართალი იქნება, მაგრამ საზოგადოება მაინც ასი კაცის მხარეს უფრო დაიჭერს, ვიდრე ათი კაცისას. ათასმა კაცმა რომ სთქვას: არა ელია ქვეყნის გამკეთებელიაო, ეს უკანასკნელი მართალიც რომ იყოს, მაინც ათასი მტყუანი კაცის ხმა გადაამეტებს ათის მართალი კაცის ხმასა და ელიას შექველია დაახრჩობენ. აქედგან სჩანს, რომ კარგს საქმეს რამდენათაც უფრო ბევრი მომხრე ეყოლება საზოგადოებაში, იმდენად უფრო მალე ასრულდება ისა. მაშასადამე, პირველი და უკანასკნელი ღონის ძეგა იმაზე უნდა იყოს მიპყრობილი, რომ კარგი საქმის მომხრენი საზოგადოებაში გაამრავლოს, ხოლო საუკეთესო საშუალება ამისთვის არის აღზრდა საზოგადოებისა. ამ შემთხვევაში მით უფრო მადლობელი უნდა ვიყოთ იმისა, ვინც ამ აღზრდას ხელს შეუწყობს. ამისთვის ჩვენი გულითადი მადლობა და პატივისცემა უნდა მიიქცეს უფ. გოგებაშვილისადმი, რომელმაც გვაჩუქა ყოვლად შესანიშნავი საკითხავი წიგნი, ქართველი ახალგაზრდობის დამყენებელი სწავლის გზაზე. მაგრამ ვიდრე დაბოლოვებით წარმოვთქვამდეთ ჩვენს აზრს ამ ძვირფასს წიგნზე, სჯობია, გამოვკრიფოთ ზოგიერთი ალაგი თვითონ ავტორის წინასიტყვაობიდან:

„ჩვენი საზოგადოება ერთგულათ ცდილობს, რომ, სხვათა შორის, ყმაწვილების უგუნური აღზრდით თავისი უცოდინარობა დაამტკიცოს. იმას აქამდის ღებრიანად ვერ შეუგნია, თუ რა მნიშვნელობა აქვს სამშობლო ენის სწავლებას ყმაწვილის გახსნაში. პედალო-

ღრის აკსიომაა (ცხადი კეშმარიტება), რომ ბავშმა პირველათ თავისი ენა უნდა ისწავლოს, თუ დედ-მამას ამის გონების სწორე გახსნა უნდა. ჩვენი საზოგადოება სრულიად ამის წინააღმდეგს ლაღადებს: ყმაწვილი ქართული ენის სწავლას მერმეც მოესწრებაო. ეს სწორეთი მას ჰგავს, რომ სახლის შენება ვინმემ ბანიდგან დაიწყოს და ამბობდეს, საძირკვლის ჩაგდება მერე შეიძლებაო. ეს კი უნდა ვსთქვათ, რომ ეს ჰაზრი კარგი განძახვიდგან იბადება: ჩვენ საზოგადოებას მოუთმენლათ უნდა, რომ ყმაწვილობამ მალე შეისწავლოს რუსული ენა. ამაზედ კანონიერი და მშვენიერი სურვილი ძნელათლა იქნება. მაგრამ ეს მოუთმენლობა საქმეს ბევრით აფუჭებს. უბრალო მაგალითით ავხსნით ამას. ჩილ ბავშვს ჯერ დედის რძით ზრდიან, რათა? ამიტომ, რომ იმის სუსტ და ნორჩ ბუნებას მძიმე საკმელის ატანა არ შეუძლიან. დედ-მამამ რომ ბავშვს მაშინვე მძიმე საკმელის ძლევა დაუწყოს, რა წარმოსდგება აქედან? ყმაწვილი დასწავლდება და იქნება თანაც გადაჰყვეს. ესავე უნდა ვსთქვათ ყმაწვილის სულიერ მხარეზედ. ბავშვის გონება კარგი ხანი ნორჩი და სუსტია; იმას შეუძლიან აიტანოს მხოლოდ მსუბუქი შრომა. როცა ამ გვარი შრომით გონება გაიღვიძებს და შემაგრდება, მაშინ მძიმე შრომის ატანასაც შეიძლება. ეს არის ბუნების კანონი და დაუსჯელად არ დარჩება ის ვინც ამას ეწინააღმდეგება. თავის ენა ყმაწვილისთვის ადვილი სასწავლებელია, ამით უნდა ისაზღოვოს და გაიხსნას გონება. შემდეგ ყველა უცხო ენას ადვილათ მიხვდება და ჩქარა შეისწავლის. თუ ყმაწვილს გონება თავის ენაზედ გახსნილი არა აქვს, უცხო ენის სწავლაში მეტათ ბევრს ეწვალება, როდესაც ბევრს დაკარგავს და გვარიანათაც ვერ შეისწავლის. მალ-მალ გვესმის მოზობელთაგან შკოლებზედ სამღურავი: მასწავლებლები ცუდი არიან და ჩვენი შეილები რუსულს გვარიანათ ვერა სწავლობენ და გაუხსნელნი გამოდიანო. მაგრამ ეს შკოლების ბრალი არ არის. თვითონ დედ-მამა დამნაშავე. ესენი თავის შეილებზედ შკოლაში მიცემამდის სრულიად არ ზრუნვენ, არა ცდილობენ, რომ შინ ყმაწვილს თავისი ენა კარგათ ასწავლონ, გონება გაუხსნან და შკოლაში მომზადებული მისცენ. სასწავლებელში შესვლის დროს რომ ყმაწვილმა თავისი ენა გვარიანათ იცოდეს, რუსულს ორჯერ უფრო ადრე შეითვისებს. საკვირველია, რომ ეს უბრალო კეშმარიტება ჩვენ საზოგადოებას აქამდინ ვერ შეუგნია.

თქვენა გსურთ, რომ ყმაწვილმა შკოლაში მშვენიერი რუსული კითხვა ისწავლოს? მეტად გონიერი სურვილია! მაგრამ თუ ამისი მოწვევ ა ზინდათ, ყმაწვილს ჯერ ქართული კითხვა კარგათ ასწავ-

ლეთ; ის უნდა კითხულობდეს თავისუფლათ, ხმას ამაღლებდეს იმ სიტყვებზედ, რომელთაც უფრო დიდი ძალი აქვთ წინადადებაში, და ადაბლებდეს იმათზედ, რომელთაც მცირე მნიშვნელობა აქვთ. უნდა კარგათ ესმოდეს, რასაც კითხულობს და თავის სიტყვით გაიმბობდეთ წიგნში წაკითხულსა,—ყოველ თავის ჰაზრს ცხადათ და თავისუფლათ უნდა ხატავდეს. რომელი ყმაწვილიც შინვე ისწავლის ამ გვართ ქართულ კითხვას, იმას ძალიან ადვილათ შეუძლიან რუსულ კანონიერ კითხვაში მალე დახელოვნდეს, ამიტომ რომ ის მიხვედრილია თავის ენაზედ, თუ რაში მდგომარეობს კარგი კითხვა.

თქვენ მონდომილნი ხართ, რომ თქვენმა ბავშვმა შკოლაში რუსული ენის გრამმატიკა წმინდათ შეისწავლოს? დიახ, მშვენიერი წადილია! მაგრამ ეს კეთილი სურვილიც მაშინ აგისრულდებათ, როცა ყმაწვილს შინვე კარგათ მიახვედრებთ თავისი ენის გრამმატიკასა. ესევე პედაგოგიის აკსიომაა: ბავშვს თუ თავისი ენის კანონების ცოდნა არა აქვს, უცხო ენის გრამმატიკა ჟოზრო საგნათ ეჩვენება და რამდენსამე წელიწადს ეწვალება, მინამ მიხვდებოდეს, თუ რა მეცნიერებაა გრამმატიკა. თუ შენ, მკითხველო, ქართული გრამმატიკა პატარაობისას არ გისწავლია და პირდაპირ რუსული გრამმატიკა აგილია ხელში, განა ეს არ გჩვენებია საწვალბებელ რათმე. რომელიც მასწავლებლებს მოუგონიათ ყმაწვილების სატანჯველად? ყოველი ყმაწვილი უნდა მოელოდეს ამასვე, რომელსაც დედ-მამა თავის ენის კანონებს და ფორმებს ადრევე არ გააცნობს. სულ რომ ცოტა ვსთქვათ, სამჯერ ჩქარა შეისწავლის რუსულ გრამმატიკას ის ყმაწვილი, რომელმაც ქართული გრამმატიკა იცის, მანამ ისა, რომელმაც არ იცის. ეს ისეთი უბრალო ჭეშმარიტებაა, რომ სულ მცირე ჰკუის ადამიანისთვისაც ცხადი უნდა იყვეს.

თქვენ, რაღა კითხვა უნდა, გსურთ, რომ სასწავლებელში თქვენმა შვილმა საზოგადო გეოგრაფია დაწვრილებით ისწავლოს. თუ ამ გულის წადილის სრული მოწეენა გინდათ, თქვენ ყმაწვილს თავისი სამშობლო ქვეყანა კარგად გააცანით. ეს მით უფრო ადვილია, რომ ეს ცოდნა ყმაწვილებს გაგიჟებთა სურთ. ვინ არ იცის, რომ მშობლებს მოსვენება არა აქვთ ამ გვარ ბავშვების კითხვებიდგანა: ჩვენს იქით რა ქვეყანაა, ვინ ცხოვრობს იქა, როგორი ადგილია? ვინ არ იცის ის ფაქტი, რომ ყმაწვილებს მგზავრი ბა გარეშემო სოფლებში და ქალაქებში საშინლათა ჰსურთ და მოგზაურობის ამბავს ერთგულათ ყურს უგდებენ ხოლმე. თუ დედ-მამა ყმაწვილს ამ სურვილს დაუკმაყოფილებს და თავის სამშობლო ქვეყანას გააცნობს, დარწმუნ-

ნებული უნდა იყვეს, რომ საზოგადო გეოგრაფიის შესწავლა იმისთვის მეტად ადვილი საქმე იქნება.

უეჭველია, მონდომილნი ხართ, რომ თქვენი შვილი კაცობრიობის საზოგადო ისტორიის ცოდნაში დახელოვნებული ადვილათ გახდეს და მცოდნე კაცი გამოვიდეს! ამისი ასრულებაც ბევრით დამოკიდებულია საქართველოს ისტორიის სწავლაზედ. ყმაწვილმა უნდა ჯერ თავისი ქვეყნის წარსული ცხოვრება გაიცნას და მერე ადვილად შეისწავლის კაცობრიობის უწინდელს თავგადასავალსა. ესეც ადვილი საქმეა, მხოლოდ წადილს მოითხოვს. ყმაწვილებს მოთხორობის სმენა მეტად უყვართ და მალეც იხსომებენ. დედ-მამამ უნდა ეს ბავშვის მიდრეკილება კარგათ მოიხმაროს და საინტერესო მოთხორობით გააცნოს თავისი სამშობლო ქვეყნის უწინდელი ბედი და უბედობა.

ერთი სიტყვით, ვისაც კი ჰსურს, რომ ყმაწვილი გონების გახსნაში და სწავლაში სწორე გზაზე დააყენოს და განათლების მიღება გაუადვილოს, ის უთუოთ უნდა ეცადოს—სწავლა იმ საგნებიდგან დააწყებინოს, რომლებიც ყმაწვილზედ უფრო ახლო არიან, მის გრძნობას იზიდვენ და ადვილათ შეითვისებიან. თვალ-ყურ მგდებელ მასწავლებლებს შეუნიშნავთ, რომ ყმაწვილები, რომლებიც გონიერ მშობლებს შინ კარგა მოუშხადებიან ქართულ ენაში, რუსულ ენას და საზოგადოთ საგნებს ადვილათ სწავლობენ და უკეთეს მოწაფეებათ ითვლებიან. ჩვენმა საზოგადოებამ ამ მაგალითებს უნდა მიბაძოს, თუ არა სურს, რომ ახალმა თაობამ ბოლოს ცუდათ მოიხსენოს.

„სხვა არა იყვეს რა, წიგნები არ არის ქართულ ენაზედ, რომ კაცი სწავლას შეუდგეს“, — იტყვის ზოგიერთი. ეს ტყუილია. ქართული ენა მართალია ლარიბია წიგნებით, მაგრამ ბევრით და მოსურნე ადამიანი თავის სამყოფს კიდევ იპოვნის ძველ და ახალ ენაზედ. თუნდაც ნათქვამი ჰაზრი მართალი იყვეს, მით ჩვენი საზოგადოება თავს ვერ გაიმართლებს. რატომ არ არის აქამდის ქართულ ენაზედ საკმაო წიგნები? ვინ არის ამაში დამნაშავე? თვითონვე ქართული საზოგადოება. ის არ ითხოვს წიგნებსა და იმიტომ ესენიც არ იბადებიან ქვეყანაზედ. ბევრს ყმაწვილ კაცს ჰსურს და ცოდნაც ნებას აძლევს, რომ სხვა და სხვა მეცნიერებაზედ წიგნები შეადგინოს, მაგრამ კითხვა: ვინ მოითხოვს და ვინ მოიგონებს? იმას ხელიდგან კალამს აგდებინებს სამუდამოთ. თქვენ წიგნების მოთხოვნილება გამოაჩინეთ და ისე გლაზებიც არ არიან ჩვენი ნასწავლი ყმაწვილები, რომ თქვენი სურვილი არ დააკმაყოფილონ. უიმისოთ წიგნების გამრავლება ქართულ ენაზედ შეუძლებელია.

რა არის მიზეზი, რომ ამ თქვენ წინ მდებარე წიგნმა ქვეყანა იხილა? მოთხოვნილება. ამ გვარ წიგნს ყმაწვილობა საჭიროებს და

მოპოვებაც სურთ. მაგრამ ეს მოთხოვნილება ძლიერი არ არის. ყმაწვილებს უფროსები ქართული ენის სიყვარულის მაგალითს არ უჩვენებენ და გარემოებაც მათ ამაზედ არ ახალისებს. მეტაფორულათ რომ ვსთქვათ, ჩვენ ყმაწვილებს სუსტი მადა აქვთ ქართული წიგნების კითხვისა. ამისთანა მადას თუ გემრიელი საჭმელი არ შეხვდა, უყურადღებო დარჩება. ამიტომ ჩვენი ყმაწვილებისათვის შედგენილი წიგნი რამდენათაც სასარგებლო უნდა იყვეს, იმდენათ სასიამოვნო. რომელი საგნები არიან უფრო სასიამოვნო და სასარგებლო ყმაწვილის გონებისათვის? — ბუნება საზოგადოთ და ყოველი, რაც ყმაწვილს გარეშემო არტყია. ყოველი ყმაწვილის კითხვა შეეხება ბუნებას და მის საგნებსა. რითი საზრდოებენ გარეულნი პირუტყვნი, როგორ ატარებენ ცხოვრებასა, სად არიან ის ფრინველნი ზამთარში, რომლებიც ზაფხულში ჩვენ ქვეყანაში სცხოვრებენ, საიდან წარმოსდგება ქარი, წვიმა, თოვლი, ქუხილი და ელვა, აი რა კითხვები ებადება ყველაზედ ხშირად ყმაწვილს გონებაში. ამიტომ ნამდვილათ საინტერესო წიგნი ჩვენი ყმაწვილებისათვის უნდა იყვეს ისა, რომელიც შესდგება ბუნების და იმის საგნების აწერიდგან, რომელიც მდაბიურათ ხსნის ბუნების მოვლენაებსა. ეს ჰაზრი გვექონდა ჩვენ სახეში, როცა შევეუდექით ამ წიგნის შედგენასა. უმთავრესი მიზანი ამ წიგნისა არის — გაუხსნას ყმაწვილს თანა-გრძნობა ბუნებისა, შეაყვაროს მისი გამოძიება და მისი განხილვა, ერთი სიტყვით უნდა გახდეს ბუნებისკართა.

ჩვენ კარგათ ვიცით, რომ ეს წიგნი თავის დანიშნულებას ყოველის მხრით ვერ აასრულებს, ამიტომ რომ ნაკლულევანება ბლომათ აქვს. ჩვენი პლანი ნახევრობითაც ვერ ავასრულეთ, ამიტომ რომ წიგნის შედგენაში მუყაითი შრომა ვერ გავწიეთ; ჩვენ იძულებული ვიყავით ნაწყვეტ-ნაწყვეტათ გვეშრომა და ჯეროვანი გულის ყური ვერ მოვახმარეთ. გარდა ამისა წიგნი თან იწერებოდა და თან იბეჭდებოდა. ამიტომ საზოგადოთ სტატიები ვერ არიან საკმაოდ შემუშავებულინი; ბევრი საჭირო სტატიებიც დააკლდა წიგნსა; აგრეთვე ზოგი სტატიები ნათარგმნია რუსულიდგან, თუმცა უმეტესი ნაწილი ჩვენგნივ არის შედგენილი. სულ უმთავრესი ნაკლულევანება ცხოველების სურათების უქონლობაა.

თავის გასამართლებლათ ჩვენ იმას ვიტყვით, რომ ეხლა სრულიათ შეუძლებელი იყო სურათებით გამოცემა. შემდგომისათვის კი თავდარიგს დავიჭერთ, რომ პეტერბურლიდგან გამოვიწეროთ. ზემოხსენებულმა ნაკლულევანებამ დაბადა მეორე ნაკლულევანებაც: გარეული ცხოველების აგებულება და სახე აღწერილი არ არის. ეს

იმიტომ მოხდა, რომ ამ გვარი აწერა რაც უნდა დაწვრილებით იყოს, რულიად უსარგებლოა, რადგანაც ყმაწვილი ვერ შეიძლებს პირუტყვის ნიშნები ისე შეაერთოს, რომ მთელი სურათი გამოვიდეს, შინაური პირუტყვების სახე კი ვრცლად არის ნაჩვენები.

ჩვენ ძველის მოყვარე პირებს ამ წიგნის ენა, რასაკვირველია, არ მოეწონებათ. ესენი სხვა ზომით აფასებენ ენის ღირსებასა: რამდენიც ენა ძველი და გაუგებარია, იმდენათ უფრო დიდის მოწიწებით უყურებენ. საცინელი ის არის, რომ ეს ახალი ენის მძულვარე პირები თვითონვე ცხოვრებაში ამ ენას გულარხეინათ ხმარობენ და ლაპარაკში მისი სმენა სრულიად არ ეჩითირებათ; მაგრამ ნახევნთუ არა ამ ცოცხალ ენას წიგნში, მაშინვე თავზედ ცეცხლს გადაიყრიან, „წახდა, მოითხარა და დაიღუპა ჩვენი ენა“, გაიძახიან ხშირათა. „უწინდელი კეთილშობილი ენის მაგივრათ, ახლა ტეტეური უბრალო ენა შემოიღეს, რომელიც მუშას და ფილოსოფოსს ერთი სიადვილით ესმის. მეტი ენის მოთხრა კიდევ გინდათ“. მაგრამ ვისიც გონება დახშული არ არის, იმას ამგვარი სჯა სიცილათაც არ ეყოფა; ის ენის ღირსებას იმის სიცხადით და სიადვილით ზომავს.

ადგილობრივ თვისებას ამ წიგნს აძლევს საქართველოს გეოგრაფია. დამფასებელმა უნდა სახეში იქონიოს, რომ ეს სტატიები ყმაწვილებისთვის არიან შედგენილნი და არა უფროსებისთვის. ჩვენ გვსურდა, რომ ყმაწვილს ამ სტატიების კითხვაში სიამოვნება ენახა და წახალისებულყო თავის სამშობლო ქვეყნის დაახლოვებით გაცნობაზედ, ამიტომ ჩვენ უფრო დიდი ყურადღება მივაქციეთ ხალხის ცხოვრებას, მის წარმოებას, ჩვეულებას, და ზნეობას, მანამ თვითონ ადგილის აღწერასა. მასალების უქონლობამ და სიჩქარემ შეძლება არ მოგვცა, რომ საქართველოს გეოგრაფია უფრო ვრცლად შეგვედგინა. შემდგომისათვის კი იმედი გვაქვს, რომ ვრცელი საქართველოს გეოგრაფია გამოვცეთ. კარტა ამაზედ ვრცელი შეუძლებელი იყო, რადგანაც მეტათ ძვირათ დაჯდებოდა და წიგნის ფასს გაადიდებდა. ეს მოკლე კარტაც ოცდა სამი თუმანი დაჯდა.

წიგნი თავდება ლექსებითა. ჩვენ სამწუხაროთ ამ ხანათ საყმაწვილო ლექსები მეტი ვერ ვიშოვნეთ. ამ გვარ წიგნში რამდენიც ბევრი ლექსი იქნება, იმდენათ უფრო მეტს სარგებლობას შესძინებს ყმაწვილსა. საზოგადოთ ჩვენი წიგნი მეორე გამოცემისთვის ბევრ ცვლილებას და გარდაკეთებას მოითხოვს. საჭიროა ერთი ორათ მაინც იმატოს, რომ დააკმაყოფილოს ჩვენი ყმაწვილობა. მაშინ წიგნი ორ ნაწილათ გამოვა: პირველს ნაწილს სავანათ ბუნება ექმნება, მეორეს ადამიანი“.

კაცის ხელით მომხდარი ცვლილება ბუნებაში

ხშირად მოხდება ხოლმე, რომ შვილი სრულებით არა ჰგავს დედ-მამას, არამედ სულ სხვა სახისა და თვისებისა არის. დაკვირვებით რომ თვალ-ყური ვადევნოთ ამ შემთხვევაში, დაერწმუნდებით, რომ ის პაპის პაპას დამგზავსებია და ზოგჯერ ამისთანა მგზავსება ძალიან შორს აღის ძველ წინაპარზე. ხშირად იმისთანა მგზავსება მაშინ აღმოჩნდება, როდესაც ძალიან განსხვავებულის ჯიშისას დართავენ ერთმანეთზედ. ძროხის რძიანობა მოშინაურების ბრალია. კარგი მეწველი ძროხა კაცისაგან არის გაკეთებული. კარგი მეწველი ძროხის წინაპარნი ცოტას იწველიდნენ. ხშირია იმისთანა მაგალითი, რომ კარგა მეწველი ძროხის კურო რომ კარგი ჯიშის ძროხას დართო, გამოუვათ ცუდი მეწველი შთამომავლობა. აი ეს ნაყოფი დაახლოვებია თვისებით ძველს წინაპარსა. აგრეთვე მამალი და დედალი შვიძლება იმისთანა ჯიშიდგან იყენენ წარმომდგარნი, რომელნიც კარგათ ვერ კრუხობენ, მაგრამ ამ დედალ-მამლის წიწილები კი კარგი კრუხები გამოდიან. ესეც წინაპართა დაახლოვებას ნიშნავს, ამისთვის რომ ქათმები ბუნებით კარგი კრუხები არიან და თუ ცუდათ კრუხობენ, ეს მოშინაურების ბრალია.

შორ ქვეყნებში გარგზავრებულნი ხშირად შეხედებიან ხოლმე ამისთანა მაგალითს. ორი სხვა და სხვა შთამომავლობისაგან წარმომდგარი ხალხი ზნეობით ხდება, გამოდის დაბალი ზნისა, ცუდი თვისებისა. ეს იმითი აიხსნება, რომ ხალხი დამგზავსებია თავის ძველველურს წინაპარს, ტყის ხალხსა.

ხიუტი ერთ შესანიშნავს მაგალითს მოგვითხრობს, სადაც შთამომავლობა საკვირლად დამგზავსებია ძველს წინაპარსა. იმასა ჰყავდა ბენტამის ჯიშის ქათამი. ეს ჯიში იმითია შესანიშნავი, რომ მამლები სახით ძალიან გვანან დედლებსა. მხოლოდ ბიბილოთი, დეხებით და მამლის თვისებით თუ გაარჩევს კაცი, თორემ სხვათ ვერაფრით გაარჩევ დედლისაგან ამ ჯიშის მამალსა. ხიუტის დედალი სიბერის დროს, როცა საკვირცხეები მოეშალა, თითქო თან-და-თან მამლათ გადაკეთდა. კაცი იფიქრებდა, რომ ეს დედალი ქათამი იმ თვისებებს იღიბს, რომელიც ამ ჯიშის მამალსა აქვს, მაგრამ ამას გარდა ამ დე-

დალს გაეზარდა მამლის გრძელი მოხრილი კუდი, ბარკლებზე ბუმბუ-
ლი ამოუფიდა და კისერზედაც მამლის გრძელი ფრთები ჩამოეზარ-
და, ერთი სიტყვით გარეგანი სახე სრულებით მამლისა მიიღო.

იუატი ამტკიცებს, რომ ზოგიერთს ურქო ჯიშის ხბოს შუბლზე,
რქის ძირები დაყვება და ამით ის უახლოვდება თავის ძველს წინა-
პარს, რომელსაც რქა ჰქონია, და შთამომავლობაში გაჰქრობია. არიან
იმისთანა ქალები, რომელთაც ორი ძუძუს მაგიერათ ოთხი და ხუთი,
ძუძუ დაჰყვებათ ხოლმე. როდესაც ოთხი ძუძუ დაჰყვება, მაშინ იქით
და აქეთ ორ ორი ძუძუ აქვს. ზემოთ მოხსენებულს ქალს მეხუთე
ძუძუ ზარდაყთან ება. დარვინი ამბობს, თუ წარმოვიდგენთ, რომ რამ-
დენათაც დაბალი გვარის ცხოველია, იმდენათ ბევრი ძუძუები ჰყვე-
ბაო, ასე რომ ზოგიერთ ცხოველს ბარდაყებზედაც კი აქვთ ძუძუები
გამობმულიო, მაშინ უნდა დავრწმუნდეთო, რომ ბევრ ძუძუებიანი ქა-
ლი დამგზავსებია ძველს თავის წინაპარსაო. ზოგიერთ კაცს ხერხე-
მალი ისე დაგძელებული დაჰყვება, რომ თითქოს კუდი ცხადად უჩან-
სო. ესეც თავდაპირველ აგებულობის მიმგზავსებას მოასწავებსო. ფრან-
ციელმა სწავლულმა დართო ტურები ძალღზე და შთამომავლობა უფ-
რო ტურებს დაემგზავსა, ვიდრე ძაღლებსა. ესეც, რასაკვირველია,
წინაპართან დაახლოვების ნიშანია. იქნება კელენიოს შენიშვნა, რომ
ჯორი ვირს უფრო ემგზავსება, ვიდრე ცხენსო, იმასვე მოასწავებდეს,
რაც წინეთ გამოვიყვანეთ, ესე იგი, გარეულ წინაპართან მგზავსებას.
ცხადია, რომ გარეული ცხოველი უფრო ღონიერია, ბევრსაც აიტანსა
ვიდრე შინაური ცხოველი. ვირი, რასაკვირველია, უფრო გამძლეა
ცხენზე; ჯორს კი ვირის ღონე და გამძლეობა უფრო დაჰყვება ხოლ-
მე, ვიდრე ცხენისა, ამის გამო ვირისა და ცხენის ნაყოფი უფრო გა-
რეულის წინაპარის მგზავსია.

ამ სახით უნდა ვიფიქროთ, თუ კაცისაგან შესაძლებელია და-
ამგზავსოს ჯიში ადრინდელს წინაპარსა, მაშ კაცს ისიც შეეძლება,
რომ ჯიში უფრო შემძლე და ამტანი გახადოს. რა უშავს, რომ ცხო-
ველი უფრო გაურავებული და ველური იყოს, სიველურე ცხოველში
ამტკიცებს ამის ღონეს და სიმავრესა.

დაცდითაც ასე გამოდის. როცა სხვა და სხვას დართავენ ერთ-
მანეთზე, მაშინ შთამომავლობა უფრო მაგარი და დიდი ტანის გამო-
დის. სპენსერი ურჩევს, თუ ცხვრის ჯიში დიდი ტანისა სურთ გახა-
დონ, დიდი ტანის ყოჩი დართონ დედალს ცხვარსა. ხობბის და ქათ-
მის შთამომავლობა ხობობზედაც და ქათამზედაც უფრო დიდი ტანის
გამოდის.

წინააღმდეგ ამის მოხდება, როდესაც შთამომავლობა მოდის ერთი და იგივე ჯიშისაგან, განსაკუთრებით თუ ჯიში შეიცავს ცოტა შთამომავლობას. მარტო ერთი და იგივე ჯიშის შთამომავლობაში ცხოველებს ღონე თან-და-თან უნდა აკლდებოდეს, მაგრამ ზნეობითაა. კი თან-და-თან უნდა გაკეთდეს, რადგან თავდაპირველს თავის წინაპარს უფრო და უფრო შორდებიან. მართლაც ასეა. როდესაც გვაროვნებაში თანდათან უფრო პატარა ტანის ცხოველი გამოდის და თანდათან ღონე აკლდება, ეს იმის ნიშანია, რომ ამ ჯიშს სხვა ჯიშის სისხლი არ გარევიდა, სულ ერთი და იგივე ჯიშის მოდგმაა. სებრაიტმა სცადა დართვა ერთი ჯიშის ძაღლებისა ერთმანეთზე, ასე რომ მუდამ ერთი დედაშვილის შთამომავლობას ზრდიდა და ბოლოს გამოდგა, რომ შთამომავლობა თანდათან დაპატარავდა და მოუძღურდა, ასე რომ დიდი ქოფაქების მოდგმისანი ფინიებათ გახდნენ. ამისთანა მრავლობა თუმცა ძალიან აკეთებს ჯიშსა, სწუმენდავს იმის სისხლსა, მაგრამ ამასთანავე ჯიშიც თან-და-თან გადაშენდება.

ნათესავობაში კორწინება შთამომავლობისათვის ისეთი მანებელია, რომ ველური ხალხიც ეწინააღმდეგება ამასა. სამხრეთ ამერიკელ ტყის კაცებს და ავსტრალიელებს ზნეობისა არა გაეგებათ რა, მაგრამ ისინიც კი არ სტეხენ ნათესაობას.

ქათმები რომ ერთ დედალ-მამლისაგან ამრავლონ მხოლოდ, შენიშნავენ, რომ მეორე და მესამე შთამომავლობას ფეხები უგძელდება, ტანი უპატარავდება და ამისთანა ქათამი კარგათაც ველარ კრუხობს. კლარკსა ჰყავდა ძალიან მარჯვე მაჩხუბარი მამლები. იმას უნდოდა თანდათან უფრო და უფრო ღონიერი მაჩხუბარი მამლები გამოსვლოდა და ამის გამო ამრავლებდა მხოლოდ ერთი და იგივე შთამომავლობისაგან, მაგრამ ამითი მამლებს თანდათან უფრო დაეკარგათ მაჩხუბარი ხასიათი და ბოლოს სრულებითაც ველარ ბედავდნენ ბრძოლას. ტანითაც ძალიან დაპატარავდნენ. ამის შემდეგ კლარკმა დარდო თავის მაჩხუბარი ჯიშის მამალი სხვა ჯიშის ქათამზე და შთამომავლობა ისევ გაუკეთდა, ესე იგი, ისევ ძალიან მაჩხუბარი მამლები დაეზარდა.

ქათმების შესახებ ესეც უნდა ითქვას, რომ თუ ერთი და იგივე შთამომავლობის ქათმები სხვა და სხვა ალაგას ცხოვრებენ, ისე რომ საჭმელიც და გარემოებაც სხვა და სხვა ჰქონდეთ, მაშინ ამ ერთი ჯიშის ქათმების შთამომავლობასაც არა უკირს რა, კარგათ მრავლდება, რადგან სხვადასხვა საჭმელი, გარემოება ასხვაფერებს ამათს. ერთ გვარს გარემოებას.

ახალი სასამართლოს შემოღების გამო

ცხრამეტი თებერვალი დიდი დღე შეიქნა ჩვენი ქვეყნისთვის. ამ დღეს ხელმწიფე იმპერატორი აღვიდა რუსეთის ტახტზე და აღნიშნა თავის სახელი იმითი, რომ შეუმსუბუქა თავის ხალხს გაჭირვებული მდგომარეობა.

ძველიდგანვე დაწესებულმა ბატონ-ყმობამ ხალხი შეაწუხა ამ წესმა შეავიწროვა გლეხის ცხოვრება. გლეხი იმდენს რას შეიძენდა, რომ თავის თავიც ერჩინა და ბატონიც. ამის გამო ორივე გაჭირვებულად ცხოვრობდნენ და არ იყვნენ ერთმანეთის კმაყოფილი, იმათში არ იყო იმისთანა სიყვარული, როგორც ამდღერთგან დამყარდება. იმ დროს არც კარგი ცხოვრება ჰქონდათ.

გლეხების კეთილ-მდგომარეობისთვის ხელმწიფე იმპერატორის სურვილი მებატონეთა აასრულეს: უწინდელი ბატონ-ყმობა გაუქმდა; ამის მაგიერად ინება ხელმწიფემ, რომ ახალი წესი შემოსულიყო. მებატონეს ჰხვდა იმდენი სარჩო, იპის უწინდელ გლეხისაგან, რამდენიც კანონით ერგებოდა თავის მიწაში, რომელიც გლეხს სამუშაოდ უჭირავს. გლეხსაც ძალიან შეუმსუბუქდა თავისი მდგომარეობა იმითი, რომ რაც კანონით არ ერგებოდა, მებატონეს მეტის თხოვნის ნება არ მისცა. ამითი გლეხის მდგომარეობაც გაამჯობინა და ბატონსაც მოაფიქრებინა სამართლიანად მოქმედება და შრომა თავის თავის გასამდიდრებლათ.

აი ამისთანა მდგომარეობის წინასწარ მეტყველი შეიქნა ჩვენთვის ცხრამეტი თებერვალი. ამ დღეს გაუქმდა რუსეთში უწინდელი ბანტონ-ყმობა და ჩვენც გვიწინასწარმეტყველა ცუდ წესის გადავარდნა. ცხრამეტს თებერვალს გამოცხადდა სამეგრელოში უწინდელი ბატონ-ყმობის გაუქმება.

ცხრამეტი თებერვალი კიდევ უფრო იმითი შეიქნა ჩვენთვის სადღესასწაულო, რომ ამ დღემ მოგვიტანა კარგი სამართალი. ერნო გამხიარულდით! ცხრამეტმა თებერვალმა შეგძინათ ასეთი სამართალი, რომელიც ძალიან მალე გადასწყვეტს სადაო საქმეებს, როგორც

უწინ იყო ისე აღარ გაცდევინებდნენ ამ სიტყვების თქმით: „დღეს, ხვალ!“ არც ხარჯს მოგცემს და ბევრს დროსაც აღარ დაგაკარგვინებს სადგომი საქმეების გადაწყვეტაში.

უწინ ასე იყო დაწყობილი, რომ სამართლის გამჩენი, დანაშაულობის გამომძიებელი მმართველი და საზოგადო კეთილ დღეობის შზრუნველი სულ ერთი და იგივე კაცები იყვნენ. გამგებლობა და მოსამართლეობა ერთი ერთმანეთში იყო შერეული.

ყოველს განათლებულს მხარეში პოლიციის მოვალეობა ის არის რომ ხალხს კეთილ დღეობაზე იზრუნოს, ყოველთვის თვალ-ყური ექიროს, რომ რამე უწყსობა, დანაშაულობა, ან ბრალეულობა არა მოხდეს რა ხალხში, და თუ მოხდება, მაშინვე სასამართლოებს შეატყობინოს, რომ სასამართლომ შესაფერი დასჯა განუწყვლეს და მნაშავესა. ამას გარდა პოლიციის მოვალეობაა, რომ ხალხის სიმართლისათვის იზრუნოს, ცუდს მოსავლიანს წელიწადში უმაღლეს მთავრობას შეატყობინოს და გაჭირვებულ მრგომარეობა შეუმსუბუქოს ხალხსა გზები უნდა აკეთებინოს, რომ ხალხში აღებ-მიცემობა გადიდდეს და აგრეთვე სახელმწიფო ხარჯიც უნდა ჰკრიფოს. ამდენი საქმის ასრულება, რასაკვირველია, პოლიციისათვის საკმაო უნდა ყოფილიყო და მეტს ვეღარც კი იკისრებდა; მაგრამ უწინდელის წესით ამდენს საქმესთან სხვა საქმეც ბევრი ჰქონდა მინდობილი პოლიციასა; მაგალითად: სასამართლო თვითონ არ მოახდენდა გამოძიებას, არც წვრილს სადავო საქმეებს სწყვეტდა და თუ დიდ სადავო საქმეებს გადასწყვეტდა, უსათუოდ ამ გადაწყვეტილებების ასრულებასაც პოლიციას მიანდობდა; ასე რომ დანაშაულობის გამოძიებაც პოლიციას უნდა მოეხდინა, წვრილი დავაც პოლიციის უნდა განესაჯა და სასამართლოს ყოველგვარი გადაწყვეტილობაც იმას უნდა აესრულებინა. ამდენი საქმის რიგიანად კეთება შეუძლებელი იყო პოლიციისათვის და მართლაც საქმეების წარმოება კარგათ ვერ მიდიოდა. პოლიცია თავის საკუთარ საქმეებშიაც იყო მომცდარი და მინდობილს საქმეებსაც ავეიანებდა და ღონეც არ ჰქონდა კარგათ აესრულებინა. მომჩივრებს დიდხანს არ ეძიებოდა სამართალი, ზოგი მოდავე თითქმის სულაც ვერ მიიღებდა თავის საჩივარზე პასუხსა, ასე რომ ძალა უნებურად საჩივრებისათვის თავი უნდა დაენებებინა. მთავრობამ შენიშნა, რომ ამ ნაირი დაწყობილებით ხალხს არ ეძლეოდა რიგიანი სამართალი და ამის გამო შეუღდა კარგი სამართლის მოცემასა.

საუკეთესო სამოსამართლო დაწესებულობა ის არის, რომელიც სამართლიანათ გადასწყვეტს ყოველგვარს დავას და რაც შეიძლება მალე გაასამართლებს მოდავეს და პასუხის მგებელს. ამ აზრით პო

ლიციას მოაშორა იმისთანა საქმეები, რომლის წარმოებაც იმის მოვალეობა არ უნდა ყოფილიყო და ყველა ამ გვარი საქმეები სამოსამართლო დაწესებულებას მიასაკუთრა. ამით პოლიციას გაუადვილა საკუთარი მოვალეობის ასრულება. დანაშაულობის გამოძიება, სადავო საქმეების გამოკვლევა, წვრილ საქმეების გადაწყვეტა და სასამართლოს გადაწყვეტილობის ასრულება, სულ ყველა ამ გვარი მოვალეობა გადაეცა სამოსამართლო დაწესებულებასა, გარდა იმ საქმეებისა, რომლების გადაწყვეტა სოფლის სასამართლოსა აქვს მინდობილი.

ახალი სამოსამართლო ნაწილის ღირსება ის არის, რომ აქ საქმის გაჩხრეკა და დავის გასამართლება უფრო სიტყვიერად მოხდება და სახალხოდ. ყოველგვარს სადავო საქმეს ღიღსა და პატარას, აგრეთვე ყოველგვარს დანაშაულობას, გარდა იმისა რაც სოფლის მოსამართლეებს (სოფლებს) აქვთ მინდობილი, განიხილვენ აი ეს სასამართლო დაწესებულებანი: მომრიგებელი მოსამართლე, ოლქის (სამაზრო) სასამართლო, სასამართლო პალატა. ჩვენში მომრიგებელს მოსამართლეს ჰყავს ერთი ან ორი თანაშემწე, აგრეთვე სეკრეტარი და თავის კანცელარია. ამას გარდა პრისტავები, ან ჩვენებურად ბოქოულები, რომლების მოვალეობაც ის იქნება, რომ ყოველგვარი განჩინება ასრულებაში მოიყვანონ. თანაშემწეებს მიენდობათ ყოველგვარი გამოძიება. მომრიგებელი მოსამართლე დაბოლოვებით გადასწყვეტს იმისთანა სადავო საქმეებს, რომლის ფასიც ასს მანეთზე მეტი არ არის. დაბოლოვებითი ჰქვია იმ გვარ გადაწყვეტილობას, რომელზედაც აპელაციის შეტანა არ შეიძლება. მომრიგებელი მოსამართლე იმ სადავო საქმეებსაც გაასამართლებს, რომელნიც ასს მანეთზე მეტად ღირს ორი ათას მანეთამდის. მაგრამ ამ სადავო საქმეების გადაწყვეტილობაზე შეიძლება აპელაციის შეტანა სამაზრო სასამართლოში, თუ რომ მოდავე არ გახდება კმაყოფილი ამ გადაწყვეტილებაზე. ყოველს უფედში იქნება თითო მომრიგებელი მოსამართლე და ყოველს გუბერნიაში თითო ოლქის (სამაზრო) სასამართლო.

ოლქის (სამაზრო) სასამართლო განიხილავს ყველა სადავო საქმეებს, რომელნიც ორი ათას მანეთზე მეტად ღირს, ყოველ გვარი დანაშაულობა, რომლისთვისაც კანონში დადებულია სასჯელად ახდა, ან შემცირება წოდების სიმართლეთა, განიხილება ოლქის სასამართლოში. სხვა უფრო მცირე დანაშაულობა განისჯება მომრიგებელს მოსამართლესგან. მომრიგებელი მოსამართლე დაიწყებს საქმის გაჩხრეკას, მაშინ როდესაც ვინმე იჩივლებს იმ ზარალისთვის, რომელიც სხვა ვაცს იმისთვის მიუყენებია, როდესაც პოლიცია, ან

სასოფლო-გაზეთი

მაჩეთის ფ. სი:

გაზეთი ტყლისა	ბაგაზეთის		
ბაგაზეთი	1	6	
მაჩეთის წილისა	7	3	50
მაჩეთის წილისა	4	3	50
მაჩეთის	2	6	50

პირველი წლიწალი

მაგილის სმშმაბითი.

ბელისმორევა მიიღება:

ტელისა, ასათლო გაზეთისა, ჩუბუკი
 ანბოსა, მელეზულისა და ვისი სმშმაბი, ხაზა
 ქაბუკი, ბაგაზეთი, საბუკი, ლივლისა ვივლია,
 ტელისა, გაზეთი, მელეზულისა, ტელისა, მა
 ტელისა, და ასათლო რევათა, CEALAKOH PALE
 TLI, სპი mორევისა მათობა ო. R.

სულ ვარი გატყობანი სსოფლო-გაზეთი ოცოფე გლეხთა დათხებდა ფეხით, და ენა გამოიხვის ანუთი ანბო.
 ანუ, არხული ირეხება ტელისში, მელეზულისა და სმშ. სმშმაბი.

№ 8. სმშმაბითი.

23 აპრილს 1868 წ.

შინაარსი.—აბაგუმის მოყვანება. —სა-
 ხალხი მდიდრისა (მურხანლობა). —ბაგა (ოპ-
 ბი თხილი). —ჩაკიანი საქონლის იედეშობა,
 რომელნიც არც ვადებდნენ არიან და არც
 შესაყარლად, — მიზიუდები იხვილი, ო. სა-
 ანგარიში კლანა, ანუ პირველ-დაწვეთი
 არითმეტა.

აბაგუმის მოყვანება

მან არ იცის, რამ აბაგუმში ეველა გვა
 ფარხზედ უფრო ღირს მატევის სემზა: ენ
 არ იცის რომ ეველა თებომრენ და შემ-
 დღებელი, თუ შედამ არა—დღესასწაულ
 დღეა და სტუმრებაში მინც უკველეთის
 აბაგუმს იცემს, და შედეგებელსაც სეგარო
 და სადღესასწაული საქელია არაჟ, წმინდა
 აბაგუმისთა თუ არა —აბაგუმე წარეი ფარხისა
 ხომ უფროა აქეს, ბაგაზეთი ეხვაც აბაგუმ-
 მის ტანსაძელი აცილა იმას უკველეთის უმე-
 ტისს მატეისა სემშენ, ვიდრე ჩოთის ან შალის
 სასმელთან, თუმცა მეტრეზ მობდებ ხოლ-
 მე, რომ ზოგიერთი ჩოთისა ან შალის საქე-
 ლიანი უფრო მეტი მატეისა ღირსია ვიდრე
 ზოგიერთი აბაგუმეშიანი, ამ გვერდ აბაგუმს
 დღი მატეის და ღირსება აქეს ხალხისგან.
 შეველა მღერა აბაგუმში იტანება, ყველა
 დღესასწაულში აბაგუმში იჩენს ხოლმე თავი:
 თავის შრამით და ცისა; თავის მონრენ-
 ბა ენდა—აბაგუმში ეყმანება ზოგი იფი-
 ჩანებს ეს იმიტომ არის, რომ ხალხი მო-
 ლებელთა თვის საყვარ, შინაგანს ღირსება-
 საო და ამხთან ისეთი თავის მოყვარებას;

აქვს, რომ მატეის უფოელ ეველა შეარსი-
 როს ის უფრადება მიპყროს და მატეი
 სესტო: ამის გამო გარეგანი მიუღული ღირ-
 სებით (თუ ეს შეუძლიან ტანსამოს ცაცის
 ღირსება შეადგინოს) იხდაეს სეგვის უფრად-
 ედნება და ამითი ატებობს თავის ცრუ-დი-
 დნებას, არ იცი, მეგრამ აბაგუმში მატე-
 საცემა და სასაგებლო, ჩადგან გამაძლეუ
 არის და სტუმკი სატარებელი: ჩამდნიც
 კაცს გამაძლე ტანსამოსი აცილა—იძენი ტა-
 ნისამოსზედ კოტა ხარჯი მოსადის და ჩამ-
 დნიც სტუმკი—იძენი იმის ტამკი კოტა
 ტეართისა სტანობს და მისერა მოსერაც უ-
 დილოდება; ამის გარდა ზაფხულში აბაგუმის
 ტანსაძელი ძალიან კარგია ტანისთვის, რა-
 ღვან გართო და ტანს აჩაუნებებს.

როგორც აბაგუმში, ისე აბაგუმის მო-
 ემელო (ვეფოებელი) ჯაჟ მატეისა ცემა, ჩა-
 დგან, დევნის, კარგი ქსოვილის შასაღის
 უმუხბებს კაცს და, მეორე, აბაგუმის მო-
 შეენს აბღღარებს, ამის გამო არ იტანება მო-
 დი, რომ აქ მოკლე ყოქცათ აბაგუმის
 კოის ეინაობა და ამბო.

აბაგუმის კიბს დღი იათი, გამოუთავი
 თავის საგებლობის მომბანი თავი, როგორც
 ბუენი ამობან, პირველად ჩინეთს გამო-
 ჩენილა, სადაჟამუ ჩაიძოდის, ჩაიფან თუთოს
 ბე ჩინეთში ისე ეველად (ტევეშუ) იბრუ-
 ბა, როგორც ჰეფეში მეზა და წოელია და
 ჩადგან სადაც თეთიანი—იქ ეველად აბა-
 გუმის ჯაჟ იტანება, მისათვის უნდა ვიფი-
 ჩოთი, რომ ჯი იმე თავითე უფილია ჩი-

ნეთში, თუმცა ეს იმე თავითე არა სკოდ-
 ნით ჩინელებს იმის საგებლობა და მოკ-
 მდებია.

ღირსებაგაშვალობით ჩინელებს დაეწვეო
 ტევეში, ხის თუთებზედ, კის პარკების მოკ-
 ჩაიება, ყეთება, ქაედება და აბაგუმის ფარ-
 ჩების ქსოვა და სმშება, შედგეში ეს წე-
 ელება უფრო და უფრო გასტარებულა იმთ-
 ში, და ზოლოს, შობიტეს შობამდე ითი თო-
 სი წლის წინად, ივერატორი ლანდის მე-
 ფობაში, ამის ცოლის სილინდრის, უნახე-
 ჩა, რომ აბაგუმის კიბს ისეთი სარგებლობა
 მოჰქცა ხალხისთვის, უბრძანებია სახლებ-
 ში შეტანა ჯიას და იქ მოკლია, ამ ღრად-
 გან აბაგუმის მოყვანა ძალიან წინ წასულა
 ჩინეთში და ახლა მთელი ჩინეთის ნახეგრ
 სმღღარეს აბაგუმე შეადგენს მამს გამო-
 ეხვალ სილინდრის ჩინელები ღირს პარკეისა
 სკემენ და მანაით აბაგუმის მოყვანის
 დემეათად (*).

ჩინეთის მსოფლიო ქვეყნებშია, ინდოე-
 თში და ინდონეზია იმ თავითე უკეთესა აბაგ-
 უმის კი, მეგრამ მეტობაში (**), ეს არა, აქ
 ვადლოუტანიათ ჩინეთიდან ათის-სამხარ წლო-

(*). ჩინეთის წამშობიბი არა და თავილი ცხე-
 რები სემრთი.

(**) მესამის ამბა მდელი ქვეყნის მფოთა ჩინი-
 და, ჩინულ ჯაჟს უნახე სხდამ-ფოთები: ჩინეთის
 სტარსყო, ინდოეთი, ნეპელო, იტალი, სატარს-
 თა ნახეგრ მათოთი და კლე მესე ტრეა სმ-
 ეობა.

თუ სხვა სამართველოს დაწესებულება აცნობებს იმას უწყისობის მოხდენას. მომრიგებელი მოსამართლე მაშინაც შეუდგება საქმის გაჩხრეკას, როდესაც თვითონ ნახავს რასმე დანაშაულობას ან უკანონო მოქმედებას.

მოჩივარს შეუძლიან იჩივლოს გინდ არზით, გინდა სიტყვიერათ. მომრიგებელი მოსამართლე მოუწოდებს დამნაშავეებს და ზოწმეებს უწყებით, თუ ისინი არ გამოცხადდნენ, შტრაფი გადახდებათ, თუ რომ შესაწყნარებელი მიზეზი არ წარმოადგინეს. როდესაც ვისმე მიუტანენ მოსამართლის უწყებასა, იმან უნდა დანიშნოს უწყებაზე დრო, როდესაც მიუღია ეს უწყება, მეორე ამისთანა უწყებაზე უნდა ხელი მოაწეროს მიმღებელმა და ზედაც უნდა იყოს დანიშნული ვის ან როდის მიეცა ისა. ამ მეორე უწყებას უკანვე მომრიგებელს მოსამართლეს მოუტანენ.

როდესაც პასუხის მგებელი და დასახელებული მოწმები მოვლენ მომრიგებელს მოსამართლესთან, მაშინ ის დააწყებს სიტყვიერად და სახალხოთ საქმის განხილვასა. მომრიგებელი მოსამართლე დაუწყებს მოჩივარს და პასუხის მგებელს კითხვას და იმათ პასუხისამებრ და მოწმების ჩვენებისამებრ იქვე გადასწყვეტს სადავო საქმეებსა, ანუ დანაშაულობისათვის სასჯელსა, ამისათვის ყოველი მოჩივარი და პასუხისმგებელი იმას უნდა ცდილობდეს, რომ რიგიანი და აზრიანი პასუხი მისცეს, რომ უბრალოდ გაუგებარი ლაპარაკით გასამართლება არ დაავიანოს.

ახალი სასამართლო დაწესებულება იმითია ძალიან კარგი, რომ გასამართლება, როგორც ზემოთ ვთქვით, სიტყვიერათ მოხდება: მიწერ-მოწერა ძალიან შემცირებულა და ამით ძალიან ჩქარა ელირსება სამართალი მოჩივარსა. ამის გარდა ყოველგვარი საქმე თითქმის მომრიგებელს სასამართლოში და ოლქის სასამართლოში გადაწყდება. ამ გვარი დაწყობილებით კიდევ უფრო დაჩქარდება ხოლმე სადავო საქმეების გათავება და დანაშაულობისათვის დასჯა.

ძველ დაწყობილებაში სიტყვიერად საქმის განხილვა არ იყო, ყოველი სადავო საქმე მიწერ-მოწერით დაიწყებოდა. ჯერ განიხილავდა მდივანბეგი, შემდეგ შეხილებოდა საქმე ვადატანილიყო უფლის სასამართლოში, იქიდან სამსჯავრო პალატაში, მერე სენატში მერე სახელმწიფო რჩევაში. იქიდგან წამოვიდოდა რაიმე გადაწყვეტილობა და ისევ იმ გზით უნდა ემგზავრა. ამისთანა დაწყობილებით ზოგჯერ სამართალი დიდხანს ვერ ელირსებოდა კაცსა და იყო დაყოვნებული.

ცხრამეტს თებერვლის შემდეგ ჩვენს მხარეს მიეცემა ისეთი სასამართლო დაწესებულებანი, სადაც საქმის განხილვა მოხდება სიტყვიერად, სახალხოდ და მალე გადაწყდება. ეს ჩქარი სამართალი მუშა კაცს მუშაობაზე არ მოაქცენს; უწინ რომ არზის მწერლებს ფულს აძლევდნენ, ამისთანა ხარჯი ამიერიდგან აღარ მოუვათ, კარგათ გადაწყდება, თუ ცუდათ, მალე ხომ მაინც გადაწყდება და ეს აღარ ჩააგდებს საწყალს მოჩივარს სასოწარკვეთილებათში, რომელშიაც უწინ ვარდებოდა და სანამ საქმე არ გადაწყდებოდა; თავის სახლობას აღარ არგებდა. მაშ, ერნო, მოგილოცავთ კარგს ახალს სასამართლო დაწესებულებას, რომელიც დაამყარა მთავრობამ ქვეყნის საკეთილდღეოდ!

სახალხო მედიცინა

(მკურნალობა)

— გლეხების დარიგება, რომ კარგათ იყონ და თავი მოიჩინონ იმისთანა ავთმყოფობისაგან, რომელიც უფრო ხშირათ ემართებათ ხოლმე.

საუბედუროთ ჩვენმა გლეხმა აქამდის არ იცის, როგორ უნდა იცხოვროს, რომ ყოველთვის კარგათ იყოს: არ იცის რა არგებს და რა აწყენს; აქამდის ვერ შეუტყვია, რომ იმისთვის როგორც პური და წყალი, ისე საჭიროა:

ა) წმინდა ჰაერი.

ბ) როცა დაღალულია და ოფლიანი, წყალი არ უნდა დალიოს ან თუ დალიოს, ძალიან გაფრთხილებით და ცოტა უნდა დალიოს; როცა ოფლი სდის, არც ტანსაცმელი უნდა გაიძროს.

გ) თუ სადმე წვიმამ მოასწრო და სისველემ ძვლებამდის გაატანა, ჩვენებური გლეხი მოვა თუ არა შინა, მაშინვე სველი ნიფხავ-პერანგი უნდა გამოიცვალოს.

— „აბა ღმერთი გადღეგრძელებს,—იტყვის გლეხი—ჩვენ სადა გვაქვს იმდენი შეძლება, რომ ორი ან სამი ხელი ნიფხავ-პერანგი ვიქონიოთ და ბატონებსავით გამოვიცვალოთ ხოლმე“. არა ძნაო, მაგისთანა ლაპარაკი არ გამოდგება. ბევრიც რომ იწვავო, წელიწადში სამი ხელი ნიფხავ-პერანგი მაინც გავიცვლება; მაგრამ ამ სამ ხელსა ისე იკერავ, რომ მინამ ერთი ხელი ტანზე არ შემოგაცვლება არ მოეშვები, როცა ის დაგეგლიჯება, მერე მეორეს შეიკერავ და მინამ ისიც არ შემოგაცვლება, შესამე ხელზე აღარ ზრუნავ; ცალ-ცალკე კერვისა, იმდენი მოახერხე, რომ სამივე ხელი ნიფხავ-პერანგი ერთად შეიკერო. საცვალი ყოველ კვირაში გექნება, წმინდათ ტანს შეინახავ, მკბენარი არ მოგეკარება და აღარც გაცივლები ხოლმე, ამიტომ რომ წვიმაში დასველებული ნიფხავ-პერანგსა ყოველთვის გამოიცვლი. ერთ წელიწადს ეს სამი ხელი გეყოფა, მაშ უწინდელზე მეტი არც ახლა

დაგეხარება, მაგრამ სიმთელით კი ძალიან მოიგებ: გაცივებით უფრო ალარ გახდები ავით და სისუფთაგითაც ბევრი შეგემატება ცხოვრებაში.

ერთი ძალიან საჭირო საქმე კიდევ დავგვჩა.

დ) გლახისთვის მიუცილებლათ საჭიროა, რომ ნადები ხორცს, დაობებული პური, ან სხვა ცუდი სუნიანი საქმელი არ ქამოს. რაც ქამოს ცოტაც იყოს და უბრალო საქმელიც, ეგ არაფერი, მაგრამ ახლად გაკეთებული და სუფთათ მომზადებული კი უნდა იყოს. ერთის სიტყვით აყროლებულს და დიდი ხნის საქმელს უნდა ერიდოს ძლიერ.

როგორ უნდა მოიქცეს გლახი, რომ წმინდა ჰაერი იქონიოს თავის სადგომში? მინამ ამის პასუხს ვიტყვოდე, მე გავიხსენებ, თუ როგორ სახლებში ცხოვრობენ ჩვენი გლახები. საქართველო დიდი ადგილია: ქართლი, კახეთი, იმერეთი, გურია, მთიულეთი, სვანეთი და სხვანი.

ამ ადგილებში სულ ქართველი გლახები ცხოვრობენ, კახეთში და იმერეთში ფიცრული სახლები იციან. ამ ფიცრულს სახლებში კერა არის გაჩაღებული და შინაურ ჰაერს კომლი ახდენს; კომლს გარდა ზოგან, საცა თვითონ გლახის სახლობა ცხოვრობს, იმ სახლშივე პირუტყვი უბიათ; სახლის წინ დიდი სანეხვეა. ამისთანა სახლში, მეტი გზა არ არის, კარები ხშირათ უნდა გააღონ ხოლმე, რომ კომლიანი და სუნიანი ჰაერი შიგნიდან გარეთ გამოვიდეს და გარედან წმინდა ჰაერი შემოვიდეს.

საქართველოში გლახები ქართლისთანა ბინძურათ არსად არ ცხოვრობენ. ქართლში ტყე არ არის; ამიტომაც ამოუთხრიათ მიწა და მიწურებში დგანან. ამ მიწის სახლში რომ შეხვიდე სწორედ მელისა ზერელი მოგაგონდება. უფრო ბევრს გლახსა ამ ერთს მიწის სახლში ხბორებიც უბიათ, ქათმებიც შიგ ჰყავს, აყროლებულ ნარეცხ წყალსაც იქ ღვრიან; სარეცხსაც იმავე სახლში აშრობენ, თვითონაც სახლობით შიგ ცხოვრობს და ყველა ავეჯეულობაც შიგ უწყვია. სახლის წინ დიდი სანეხვეა გაკეთებული. რასაკვირველია, ყველა ამაებისგან ჰაერი ფუქდება, ასე რომ სახლში გარედამ შესულს კაცსა წამბდარი ჰაერისაგან სული ვერ მოუბრუნებია, აქ არც ჰაერის გაწმენდა შეიძლება იმიტომ, რომ მიწის სახლს სარკმელები არა აქვს, რომ გაალო; ერთი კარია გასაღები და მარტო ამ კარიდგან არ შეიძლება წმინდა ჰაერის დაქერა სადგომში. ამდენი წელია ჩვენი გლახი ცხოვრობს ამისთანა სიმყარეში და სიბინძურეში. ის იძახის სივიწროვით არა დაშავდება რაო, ქართველს არა აწყენსრაო, მაგრამ როცა შე-

ადარებ, ჩვენი გლეხების ცხოვრებას და საქართველოში გადმოსახლებულს ნემსების ცხოვრებას, მაშინ მიხვდებით, რომ ჩვენი გლეხის ოჯახში სატიკვარი, სიხადი და სხვა სნეულება ყოველთვის გამოუღვლათ არის, ისინი უფრო იხოცებიან; ნემსებს კი არც სატიკვარი უდგათ სახლში და არც ისე იხოცებიან.

ეს იმიტომ, რომ ნემსები უფრო სუფთათა ცხოვრობენ და უკეთაც გაეგებათ, რა მოუხდებათ და რა აწყენსთ.

ვთქვათ, ახლა ჩვენი გლეხი მუშაობისაგან გაოფლიანდა და დაიღალა. ის კი არა თუ მაშინვე წყლის სმას მოერიდოს, რომ ნაწლავები და ყელი არ გაიცივოს, ან მინამ ოფლი არ შეაშრება ზედა ტანისამოსი არ გაიძროს. არა, ის ამისთანა საქმეს არ დასდევს, ამბობს: ეგ არაფერი, ჩვენ ხომ ბატონები არა ვართ, რომ წყლის სმამ და ჩოხის გახდამ ავით გაგვხადოსო (თითქოს ისიც კაცი არ იყოს). იმას რა დიდი საქმე უნდოდა, რომ როცა გლეხი სამუშაოდგან მოვა, წვიმიტ გაწყუმპლული, სველი ტან-საცმელი და ფეხ-საცმელი გაიძროს და გაშრეს; არა ამასაც არაფრად აგდებს ჩვენი გლეხი. სველი ტან-საცმელი მუდამ ტანზე აცვია, ზოგჯერ არც მაშინ იხდის, როცა დაწვება და სველში სძინავს. რომ ჰკითხო რათა შერები ამასო, გეტყვის, ერთხელ არ დამმართვია ეგ და ორჯერაო; მე მაგისთანაებს პატარაობითვე შეჩვეული ვარო. (მაგრამ ხშირად კი ამბობს ავით ვარ, წელი მტკივა; მუხლები მტკივა, თავი მტკივა. ამისთანა ტკივილი სულ გაცივებიდან წარმოსდგება). რა ძნელია რომ მოერიდოს მყრალ საქმელს; ყოველიფერი მყრალი ხომ საზიზღარიც არის; მაგრამ არა, გლეხს მყრალი რამე თითქოს გადასაგდებათ ენანებაო, თუ მეტადრე ის მყრალი საქმელი, თევზი, ან ხიზილალა და ან სხვა ქალაქური საქმელი რამე, — მას ის დიდი სიამოვნებითა სკამს და იმას კი აღარა ფიქრობს, რომ იმ გვარი საქმელი შერების მაგიერად შხამად გადაეკცევა ხოლმე.

ამგვარ გაფრთხილებაზე არა ფიქრობს ჩვენი გლეხი კაცი, ის სულ იმას იძახის: „როგორც მამა-პაპას უცხოვრიათ, ისე მე ვიცხოვრობო“ და ამას კი აღარა ფიქრობს, რომ იმ მამა-პაპურ ცხოვრებას იმისთვის მრავალი უბედურება და ზიანი მოაქვს!! მრავალი ავადმყოფობა და საქმისაგან მოცდენა; და ამასთან უხერხული და მოუწყობელი ცხოვრება აქვს!! ძალიან შესაბრალისია ის, რომ არ ესმის ეს თავისი ზარალი და არა ცდილობს თავის ცხოვრების გამჯობინებას! ახლა გავჩხრიკოთ და ვსთქვათ თუ რა გამოსდის გლეხ-კაცს თავის უფიქრელი ცხოვრებისაგან. ეს შემდეგისათვის იყოს.

შესანიშნავი ამავენი საქონლის ჰირზე

ერთს ნემეცის სახელმწიფოში, სახელდობრ პრუსიაში ცხრა წლის განმავლობაში თერთმეტჯერ გაჩნდა საქონლის ჰირი და ყოველთვის ლამობდა სულ ერთიანათ ამოეწყვიტა ამ ქვეყნის საქონელი, მაგრამ ხალხი და პოლიცია ძალიან გაფრთხილებული იყო: როგორც კი სადმე გამოჩნდებოდა ჰირით ავად-მყოფი საქონელი მაშინვე დაჰკლავდნენ. ამ სახით ჰირმა ვერ მოჰფინა ეს მხარე. ცხრა წლის განმავლობაში მოჰკლეს სამიათას ორას ოცდა სამი საქონელი. ამ მოკლულებში მხოლოდ ხუთას ოცდა-ცხრამეტი პირუტყვი გამოჩნდა ჰირიანი, დანარჩენი კი ჰირით არ იყო ავად, მაგრამ რადგან იჭვი აელოთ, იმიტომ გაეწყვიტათ.

მოკლულ პირუტყვში მთავრობა ფულს აძლევდა პატრონს და ამნაირათ დაიხარჯა რვა-ათას ექვსას ორმოცდა რვა მანეთი. სხვა განათლებულს ქვეყნებშიაც, მაგალითად, ანგლიაში და ჰოლანდიაშიაც იყო საქონლის ჰირი და რადგან პოლიციას იქ ისეთი თვალყური არ ჰქერია, ამის გამო ერთს ჰირიანობაზე იმდენი საქონელი გაწყდა, რომ თერთმეტი მილიონი იზარალეს.

ქართლში და კახეთშიაც ძალიან მოვლილია საქონლის ჰირი. რა კარგი იქნებოდა, რომ სოფლებში ჰირობას დასდებდნენ, ვისაც საქონელი ავად გაუხდეს, თუ კი რომ საეჭვოა, მაშინვე მოჰკლან. ამით დიდი ზარალი რომ არ მიეცეს პატრონსა, მთელმა სოფელმა გადაუხადოს, თუ მთელი ფასი არა, ნახევარი მაინცა; ამით მთელს სოფელს იმდენი არა დააკლდებოდა რა და ძალიანაც ისარგებლებდა იმითი, რომ ჰირი არ გავრცელდებოდა. ასეა, ჩემო ძმაო, როცა საზოგადო რამ სენი მოგვევლინოს, მაშინ ყველა ერთი-ერთმანეთს უნდა მოეხმაროს, რომ ერთად იხსნან თავი ჰირისაგან, თორემ თუ ყველა ფეხმოკეცილი დაჯდა სახლში საზოგადო გაჰივრების დროს, მაშინ სათითოვით ყველას გაუჰივრდება და თითოეულიც ზარალში ჩავარდება.

რა მნიშვნელობა აქვს წყალსა საზოგადოთ და საიღვან წარმოსდგება წვიმა?

წყალი რომ არ იყოს არც მცენარე (ბალახეული და ხეხილი) იქნება; თუ მცენარე არ იქნება—არც ცხოველი და ფრინველი რამე იქნება; თუ ცხოველი და ფრინველი არ იქნება, მაშინ არც კაცი იქნება.

ყოველიფერს, რაც კი ცოცხალია და ცხოვრებს, საზრდო უნდა: ესეთია ბუნების კანონი; რასაც კი საზრდო მოაკლდება, ის ბევრხანს ვეღარ იხეირებს—მოკვდება. როგორც ფრინველი, ისე ცხოველი საკმლის შესახებ ორგვარნი არიან; ერთგვარი ფრინველები იზრდებიან მარცვლებით და მეორე გვარი ხორციით; აგრეთვე ცხოველიც ზოგი ხმარობენ საზრდოთ ბალახს და ზოგნი კი ხორცს.

ახლა ავიღოთ რომელიმე უდაბური, უნაყოფო ალაგი, რომელიც წარმოვიდგენს ჩვენ გამხმარ ტიტველა მინდვრებსა და მთებს, რომელზედაც კაცი ვერა ნახავს ვერარა სიცოცხლის ნიშანს. შეიძლება იქ ფრინველმა, ან ცხოველმა იცხოვროს? რასაკვირველია, რომ არა. ზევითა ვსთქვით რომ უსაზრდოთ სიცოცხლე მოისპობა ხოლმე ისე, როგორც კრაქი დაშრტება ხოლმე უქონოდ: ბუნებაში უსაზრდო სიცოცხლე შეუძლებელია.

მაშ თუ კი ხრიაკ უნაყოფო ალაგებში ბალახი არ მოდის, იქ რამ უნდა აცხოვროს მარცვლის მკამელი ფრინველები და ბალახის მკამელი ცხოველი? თუ არც მარცვლის მკამელი ფრინველი იქნება და არც ბალახის მკამელი მაშ ხორცის მკამელი ფრინველი და ცხოველი რაღამ უნდა აცხოვროს იქ? და თუ კი არც რამე მცენარეა და არც არაფითარი ცხოველი—კაცი რაღამ ასაზრდოოს, რით იცხოვროს კაცმა? ცხოვრებაში ერთი დამოკიდებულებაა ერთი ერთმანეთისაგან: ერთი მეორეს ასაზრდოებს და ჰკვებავს, მეორე—მესამეს, მესამე—მეოთხეს და სხვა; თუ პირველი საზრდო მოისპო, მაშინ მეორეც მოისპობა, მეორისგან მესამეც, მესამისგან მეოთხე და სხვა.

უნაყოფო ალაგას სწორედ იმიტომ არ არის სიცოცხლე, რომ იქ ვერა ცხოველი ვერა ჰქოვს თავის საზრდოს: რადგან ბალახი და ხეხილი არ არის, არც პირუტყვია, რადგან პირუტყვი არ არის—არც კაცი; და ამიტომ ამ გვარ ალაგს ეძახიან უდაბურს. უდაბური წარმოსდგება სიტყვიდგან დაბა, სოფელი; უდაბური—უხალხო და უშენებელი ახლა წინააღმდეგი ავილოთ. სადაც ბევრი ბალახი და ხეხილია, იქ ყველა გვარი ცხოველიც და ყველა გვარი ფრინველიც ბევრია. ამისთანა სავსე ნაყოფიერ ქვეყანაში, რასაკვირველია, კაცი მრავალ საზრდოს ჰქოვებს თავისთვის, და ამის გამო ნაყოფიერი ქვეყნები მრავალი ხალხით არიან დაშენებულნი, მრავალი მოწყობილი ქალაქები და სოფლები იპოვებიან იქ. ახლა რომ ამისთანა ნაყოფიერ ქვეყანაში ცხოვრების რომელიმე საზრდო მოისპოს, ვსთქვათ, მაგალითად, მცენარე,—მაშინ უქქველია ცხოველები და ფრინველები. დაიხოცებიან შამშილით და აგრეთვე ხალხიც ველარ იხეირებს. ესეთი დაძოკიდებულება ბუნებაში: თუ მიზეზი უხვია—ამ მიზეზის შედეგიც უხვი იქნება, სწორედ ისე, როგორც თუ წყარო მიწიდგან უხვად გამოდის, ნაკადიც სავსე წყლიანია; თუ წყარო იკლებს—ნაკადიც დაპატარავდება და თუ წყარო დაშრა სრულებით, მაშინ ველარც ნაკადი იქნეს და დაშრება...

რა არის მიზეზი, რომ ზოგიერთი ალაგი აყვავებულია სხვადასხვა რიგი მცენარით და ცხოველით და ხალხითაც დაშენებულია, და ზოგი კი ისე გახრეკილი და მკვდარია, რომ ერთი უბრალო ბალახიც არ მოიძიება? ამის მიზეზი არის წყალი. როგორც ზევითა ვსთქვით, წყალი შეადგენს ყველა ნაყოფიერებისა და ცხოვრების მიზეზს. თუ ადგილი გახრეკილია—ამის მიზეზი სწორეთ უწყლობა იქნება; აბა უშონენ წყალი იმ გახრეკილ ალაგს, როგორ იქაც სხვადასხვა ფერად აყვავდება ბუნება! ნახე როგორ იქაც გაჩნდეს მცენარე და ცხოველები და კაცმაც დაიწყოს იქ ცხოვრება!

მაგრამ იქნება ვისმე ეგონოს, რომ ნაყოფიერება ჰქონია წყალს და არა დედა-მიწას? არა. ყველა მცენარის საზრდოს შეადგენს მიწაში მყოფი ნოყიერი ნაწილები, რომლებსაც მცენარე იწოვს თავის ფესვებით, ისე როგორც ჩვენა ვეჰამთ და ვსვამთ პირით, და ისე იზრდება, ყვავდება და მოაქვს ნაყოფი. მცენარის ფესვს მხოლოდ მაშინ შეუძლიან შეიწოვოს მიწიდგან თავის მასაზრდოვებელი ნივთიერება, როდესაც ის ნივთიერება წყალში იქნება გახსნილი. ყველა მცენარის ფესვი ჩვენ შეგვიძლიან შევადაროთ უკბილო ყმაწვილს, რომელიც თავის საზრდოს წოვნითა სჭამს; უკბილო ყმაწვილს რომ მშრალი საჭმელი მივსცეთ, უქქველია შიმშილით მოკვდება, რადგან მშრალ

საქმელებს ვერას დააკლებს თავის ჩვილი პირით. მცენარის ფესვსაც ამ გვარად უნდა შეეხედოთ: ხმელ მიწაში მცენარის ფესვი უკბილო ყმაწვილსავით ვერ იწოვს თავის საზრდოს მიწიდან და ამის გამო მცენარე უსაზრდოო რჩება.

სწორედ ეს არის მიზეზი, რომ გოლვის დროს ვენახებსა და მინდვრებს საზრდო აკლდებათ ხოლმე, რადგან ფესვები მცენარისა ველარ იწოვენ გამხმარი მიწიდან ნოყიერ ნაწილებს; სწორედ ამ მიზეზით მოხდება ხოლმე, რომ გოლვის დროს უფრო ცუდი მოსავალი მოდის, ვიდრე წვიმიან ამინდში; გოლვიანი ამინდი ყველა მცენარისთვის—პურისთვის, ლობიოსთვის და ყველა მიწაში დათესილი თესლისთვის—სიმშოლს მოახდენს ხოლმე ისე, როგორც უპურობა და უხორაგობა ჩვენთვის სიმშოლს შეადგენს. ამის გამო გვეშინიან ხოლმე ჩვენ უწყიმო ამინდისა, და გოლვის დროს, სადაც კი შესაძლებელია, ვრწყავთ, რომ ჩვენ პირნახულს მიწაში საზრდო არ მოაკლდეს და ჩვენმა ამაგმა ამაოდ არ ჩაიაროს.

მაშასადამე, გარდა საზოგადო მნიშვნელობისა, წყალს სოფლის მეურნეობისათვისაც დიდი მნიშვნელობა ჰქონია. სოფლის მეურნე მინდორს რომ მოჰხნავს და დასთესავს, თუ სარწყავია, წყალს შეუღდებს ხოლმე, და ურწყავისთვის კი ღმერთს ეხვეწება წვიმა მოიყვანეო. იმან კარგა იცის, რომ თუ წყალმა არ დააღბო იმის დათესილი მინდვრები—იმისი ამაგი სულ ფუტად ჩაივლის და მომავალი წლისთვის უსაზრდოო დარჩება. მაშასადამე ყველა მეურნეს კარგა ესმის წყლის საჭიროება მიწის მოსავლისთვის. ვინ არ იცის, რომ უწყლობისაგან სიმშოლი ხშირად მოხდება ხოლმე. როდესაც რამდენიმე წელიწადს ზედ და ზედ გვალვა არის რომელიმე მხარეში, მაშინ იქ უეტველია სიმშოლი ჩამოვარდება, როგორც პირუტყვისთვის, ისე ხალხისთვისაც. პირუტყვს ბალახი მოაკლდება და ამის გამო დაიხოცება; აგრეთვე ხალხსაც, როგორც პური და სხვა მცენარე საქმელი მოაკლდება, ისე ხორციც, და ამის გამო ხალხშიაც ვახშირდება სიმშოლისაგან ხოცვა.

ამის გარდა, რომელიმე ქვეყნის სიძვირე და სიიაფე ბევრჯერ წყლის სიუხვეზედ და ნაკლებობაზედ არის დამოკიდებული: როდესაც წყლიანი ამინდია, მაშინ უეტველად მოსავალი უხვად არის და რადგან საზრდო ბლომად არის საქონლისთვისაც და კაცისთვისაც, ამიტომ იმ საზრდოს დიდი ფასი არა სდევს, რადგან ადვილი საშოვნელია; წინააღმდეგ, როდესაც გოლვისა გამო მოსავალი ნაკლებად არის, მაშინ, რადგან ძნელი საშოვნელია საზრდო კაცისთვისაც და პირუტყვისთვისაც, სიძვირე ჩამოვარდება ხოლმე, როგორც საზ-

რდოსი, ისე სხვა საეკრო ნივთებისა, რადგან ყველა ვაჭრობა საზრდოზედ არის დამოკიდებული (ამაზედ ცალკე მოვილაპარაკებთ თავის დროს).

ერთ მაგალითს მოგახსენებთ, რომელშიაც გვალვას საშინელი უბედურება მოუხდენია ერთ ქვეყანაში. ხანგრძლივი გვალვისაგან სრულებით გაწყვეტილა მცენარე და მინდვრებიც გახრიაკებულია; ამის გამო პირუტყვი საქონელი სრულებით უსაქმლო დარჩენილა და სიმშვილისაგან ძალიან დაზარალებულა, ასე რომ ზოგიერთს ოცი ათასი სული დაჰხოცვია ერთად, და ათასობით და ასობით ხომ რამდენს!.. ამ გვარი მოსაელისა და საქონლის ზარალისგან ხალხსაც ძალიან გასკირებია ცხოვრება: რალა თქმა უნდა, რომ სადაც ოცი ათასობით საქონელი გასწყდება, იქ პურიც და სხვა ხორაგიც მისხლობით უნდა გაიყიდოს ოქროსავით... ნახეთ წყალს რამდენი სიკეთე შეუძლიან კაცისათვის და უწყლობა რამდენ უბედურებას დაჰპართებს კაცს!..

ამ გვარი მოსაზრება ცხადათ გვაჩვენებს, რომ წყალი, როგორც საზოგადოთ დედა-მიწისთვის არის სიცოცხლის სახსარი, ისე მარტივად აღებული კაცის სიცოცხლეს იმაზედ არის დამოკიდებული, და სოფლის მეურნე ხომ ისე შესცქერის ცას, როდესაც წვიმა დააკლდება ხოლმე, როგორც თავის იმედს, და მაშინ წვიმის მეტი იმას ალარა ანუგეშებსრა.

ამ გვარი დიდი მნიშვნელობა აქვს წყალს ცხოვრებაში და შრავალგვარ არსებათ ცხოვრების მიზეზს შეადგენს იგი. დედა-მიწის სიცოცხლისთვის წყალი ისევე საჭიროა, როგორც კაცის სიცოცხლისთვის სისხლი; უწყლოდ დედა-მიწა ისევე მკვდარია, როგორც უსისხლოდ კაცის ან რამე პირუტყვის სხეული და უწვენოთ მცენარე.

მართლაც, რომ წყალი არ იყოს, დედა-მიწა წარმოგვიდგენდა ჩვენ მკვდარს, სიცოცხლე მოკლებულს, გამხმარს სხეულს, და ის სიცოცხლე, რომელიც ეხლა სუფევს დედა-მიწაზედ, მაშინ სრულებით შეუძლებელი იქნებოდა. ამის გამო ნამდვილია რომ, თუ წყალი არ იქნება, არც მცენარის ყოფნა არ არის შესაძლებელი; და თუ მცენარე არ იქნება—ცხოველსა და ფრინველს რალა აცხოვრებს? აგრეთვე კაცის სიცოცხლეს შეუძლებელია მაშინ!..

ყველამ იცის გამოცდილობით, რომ წყალი ყოველთვის დაბლობდ ალაგას ეძებს თავისთვის და არაოდეს მალალ ალაგზედ არ დადგება. მაშასადამე, ბუნება რომ დრო გამოშვებით ზევიდამ არ გვაძლევდეს წყალს, დაბლობი ალაგებიდამ მალალ ალაგებში არაო-

დეს არ ავა და ამის გამო მაღალი ალაგები სრულებით გახრიაკებული იქნებოდნენ; ამასთან მაშინ ხმელეთი სველეთისაგან, ან დედა-მიწა წყლისაგან, სრულებით გაცალკეებული იქნებოდა. ამ გვარ გარემოებაში დედა-მიწის მეტი ნაწილი იქნებოდა უდაბური, გახრეკილი ალაგი. მაშ დიდი რამე ყოფილა დედა-მიწისთვის ზევადამოსული წყალი, რომელსაც ჩვენ ვეძახით წვიმას. ჩვენ წელანაც ვთქვით, რომ წყალი დაბლობ ალაგებში და ტბებში გროვდება ხოლმეო, — მაშ წვიმა საიდანღა ჩნდება თუ კი ზევით ასვლა არ შეეძლოს წყალს? როგორა მზადდება წვიმა?

ჩვენში ბევრსა ჰგონია, რომ ის ღრუბელი, რომელსაც ბაზარში ჰყიდიან და ჩვენი დალაქები ხშირადა ხმარობენ, ჩადის ხოლმე ზღვაში, შეიწოვს წყალს, იქიდგან ამოიტანს და რომელიმე ქვეყანაზედ დაუშვებს წვიმად. მართალია, მომეტებული ნაწილი წვიმისა ზღვის წყლიდგან მზადდება, მაგრამ ისე კი არა, როგორც ჩვენში ფიქრობენ ზოგნი. არ შეიძლება რომ ბაზრის ღრუბელს მოჰყვანდეს წვიმა ჯერ ერთი ამიტომ, რომ ის წყალი, რომელსაც ღრუბელი შეიწოვს, თუ ძალით არ გამოვსწურეთ, თავის თავად არ გამოვა ღრუბლიდგან; მაშ როგორღა აწვიმებს ჩვენ დედა-მიწაზედ? ჰაერში ვინ გააწურავს იმ ღრუბლებს?!. მეორე იმიტომ არ არის დასაჯერებელი ამ გვარი ფიქრი, რომ რაც უნდა პატარა ღრუბელი ავისროლოთ ზევით, მაშინვე უკან ჩამოვარდება; მაშ რამ უნდა დაიდგნოს იმოდენა ღრუბელი, რამოდენაც ხანდახან ნახევარ ცას მოეჭიდება ხოლმე? ჯერ მშრალიც რაღაც რომ იყოს იმოდენა უეჭველად დედა-მიწაზედ დაეცემა და წყლით ხომ უფრო მძიმე იქნება, და რაღა თქმა უნდა, რომ მაშინ ჰაერი იმ სიმძიმეს ვერას გზით ვერ დაიმაგრებს. მაშ გამოდის, რომ სრულებით ტყუილია ის აზრი, ვითომც ბაზრის ღრუბელია ის ღრუბელი, რომელიც აწვიმებს ხოლმე ჩვენ დედა-მიწაზედ. ეს უეჭველია იმიტომ ჰგონიათ, რომ ღრუბელი წყალს იწოვს ხოლმე და წყლის დაქერის თვისება აქვს და ამასთან, რადგან არ იციან საიდგან ჩნდება ღრუბელი და პოულობენ ზღვის პირას, ამიტომ ჰგონიათ, რომ ის ღრუბელი ჰაერში წყლის აზიდვის დროს მოჰგლეჯია დიდ ღრუბელს და ჩამოვარდნილა ზღვაში. ახლა მკითხავენ: ბაზრის ღრუბელს რომ არ აჰქონდეს ზღვიდან წყალი და არ აწვიმებდეს დედა-მიწაზედ, მაშ საიდან ჩნდება წვიმაო? ამასთან წელანაცა სთქვი და ჩვენც ვიცითო, რომ წყალი დაბლობ ალაგში ჩადგება ხოლმეო, მაშ ზევით როგორღა აღისო? ახლა ისიც რომ დაუმატოთ, რომ წყალი ჰაერზედ მძიმეა რვაას სამოცჯერ (საშვალლო სითბოს დროს), მაშინ სრულებით გასაკვირველი იქნება

წყლის ზევით ასვლა, რადგან ყოველი მძიმე ნივთიერება თავიზედ სუბუქს ძირს მოექცევა ხოლმე, თუ თავის ნებაზედ მიუშვიტ, და ყველა სუბუქი ნივთიერება თავიზედ მძიმეს ზევით მოექცევა ხოლმე. მაშ როგორ შეიძლება, რომ წყალი, რვაას სამოცჯერ ჰაერზედ მძიმე, თავიზედ სუბუქს ჰაერს ზევით მოექცეს? ეს როგორც ხდება ამაზე შემდეგ ვილაპარაკოთ.

II

ახლა ვსთქვათ: როგორ მზადდება წვიმა.

რასაკვირველია, ყველას შეუნიშნაეს, რომ წყლის დუდილის დროს, აღუღებულ წყალს ომხივარი აჰდის ზევით. ეს ომხივარი არის ორთქლად ნაქცევი წყალი, რომელიც ჰაერზედ სუბუქია და ამიტომ შეუძლიან ზევით ასვლა. მთელ ქვეყანას აჰსდის ორთქლი: ზღვებს, ტბებს, მდინარეებს, ტყეებს, ხეებს, მინდვრებს და საზოგადოთ მთელ დედა-მიწის ზურგს; ჩვენ ამას ადვილათ შევამჩნევთ სიციხეში და აგრეთვე, როდესაც სველი რამე შრება. თუმცა ზამთარში ვერ შევამჩნევთ ხოლმე ამას, მაგრამ მაინც არ უნდა გვეგონოს, რომ ზამთარში არ ასდის ორთქლი დედა-მიწას. ამის დასამტკიცებლად საკმაოა ფაქტითხით: ზამთარში რომ წვიმა, ან თოვლი მოვა ხოლმე და მერე რომ შრება მიწა—ის მოსული წვიმა ან თოვლი სად მიდის? რასაკვირველია ზოგი მიწაში უჯდება და რაც ზევით პირზე დარჩება—ის ისევ ჰაერში მიდის ორთქლად; სველ სარეცხს რომ გაჰფენენ ხოლმე ზამთარში, იმ სარეცხის სისველე რომ ორთქლად არ იქცეს და ჰაერში არ ავიდეს—სარეცხის გაშრობა შეუძლებელია. მაშ რადგან ზამთარშიაც შრება სველი სარეცხი, ან ტალახი,—სჩანს, რომ ზღვებსაც და ერთი სიტყვით მთელ დედა-მიწის ზურგს ზამთარშიაც ასდის ორთქლი. ეს კია, რომ სიციხის დროს, ზაფხულში, უფრო ბევრი ორთქლი ადის ჰაერში და სიციხეში კი, ზამთარში, უფრო ნაკლები.

ეს დედა-მიწიდან ასული ორთქლი, როცა ერთად შეჯგუფდება ხოლმე, მაშინ ჩვენ გვეჩვენება შავ-გროვებათ, რომელსაც ვეძახით ღრუბელს. (მაშ, ცაში რომ ღრუბელია ბაზრის ღრუბელი არ არის, არამედ შეჯგუფებული ორთქლია). როდესაც ეს შეჯგუფებული ორთქლი ცივს ჰაერს შეეხებო, მაშინ გაცივდება ხოლმე და ას გაცივების დროს ისეთი ხასიათი აქვს ორთქლსა, რომ ერთმანეთს მიეკვრება ხოლმე და წყლის წვეთებად იქცევა; ეს წყლის წვეთები

რადგან ჰაერზე მძიმენი არიან, ამის გამო ისევ დედა-მიწაზედ ეცემიან ხოლმე წვიმად.

ამის დამტკიცებაც აღვილია. აბანოში რომ შეხვალთ, უეჭველია, აღვილად შეამჩნევთ ბულს; ეს ბული არის ცხელი წყლის ორთქლი, რომელიც თავის სიმსუბუქის გამო ჰაერში ზევით-ზევით ცურავს. მერე რომ აიხედავთ აბანოს ქერში, იქ დაინახავთ წყლის წვეთებს. ეს წვეთები საიდან გაჩენილა? რაღა თქმა უნდა, რომ წყლის ორთქლიდან. რა ორთქლიც შეჰხებია ქერს, გაციებულა და ქცეულა. წყლის წვეთებათ და თავის სიმძიმისა გამო ან სწვეთავს და ან კედლებზე ცურვით ჩამოდის ისევ ძირს.

ზაფხულის დილაზე ხშირად მოედებათ ხოლმე სოჭლებსა და ტყეებს ნისლი. ეს ნისლი არის ქვევით დაწეული ორთქლის ღრუბელი. ამ ნისლიან დროს რომ შევხვით ბალახს, ან ხის ფოთლებს, — უთუოდ სველი იქნება. ეს სისველაც იმისგან წარმოსდგება, რომ, რა ორთქლიც შეჰხებია ხესა, ბალახს — გაციებულა და ისევ წყალათა ქცეულა.

ბოლოს უნდა განვიმეოროთ, რომ სიტბოს ერთი თვისება აქვს: როგორც წყალს, ისე სხვა ნივთიერებასაც აქცევს ორთქლად და ააქვს ზევით ჰაერში; შემდეგ ეს ორთქლად ნაქცევი ნივთიერება რომ ცივ ჰაერს, ქარს (თავის დროზედ იმასაც ვიტყვით, თუ ქარი საიდან წარმოსდგება) შეეხება — თითონაც ცივდება, ამის გამო ორთქლის წვრილი ნაწილები ერთდებიან, წვეთებად ჰხდებიან და თავის, სიმძიმისა გამო ისევ დედა-მიწაზედ ეცემიან. წვიმის წვეთებად. აი, როგორ წარმოსდგება წვიმა და რა არის ის ღრუბლები, რომელსაც ჩვენ ვხედავთ ხოლმე ცაში.

ახლა ისა ვსთქვათ, თუ რა დამოკიდებულება აქვს მხარის გარემოებას*) წვიმის სიცოტავებზე და სიბევრებზე, ესე იგი, რა რიგ ქვეყანაში უფრო ხშირად მოდის წვიმა და რა რიგში უფრო იშვიათად. ზევითა ვსთქვი, რომ დედა-მიწის ზურგზე არც ერთი ბევრი აღვილი არ არის, რომ ორთქლი არ აღიოდეს. რასაკვირველია, სადაც წყალი უხვად არის, იქ უფრო ბევრი ორთქლი უნდა აღიოდეს ჰაერში, სადაც მშრალი მიწა უფრო ბევრია, იქ ორთქლიც ნაკ-

*) მაგალითად: ტყე, წყლები, ტბები, ზღვები, მთები, მდებარეობა და სხვა — ეს სულ ყველა არის მხარის გარემოება. აგრეთვე უწყლობა, სიციფე, სიცხე, ქარები და სხვა სულ მხარის გარემოება არის. ჩვენი ქვეყნის გარემოება არის: მთები, ტყეები, წყლები, მშვენიერი ჰავა, სიგრილე და საზოგადოთ ყველაფერი, რაც ჩვენ ქვეყანაშია და მოქმედებს იმაზედ.

ლებად ავა და სადაც სულ გამხმარი დედა-მიწაა, უწყლო, როგორც ზოგიერთი უდაბური ადგილები, — იქ ძალიან მცირე ორთქლი ავა, ასე რომ სათქმელიც არ არის.

მაშ, უაქველია სველეთიდან (ზღვებიდგან) უფრო ბევრი ორთქლი ავა, ვიდრე ხმელეთიდან (მიწიდან). აგრეთვე უნდა ვიცოდეთ, რომ დედა-მიწისა და წყლის გარდა — მცენარეებს *) და ცხოველებსაც აჰსლით ორთქლი; მაშ, სადაც ბევრი ტყეები და ბალახები, — იქ უფრო ბევრი ორთქლი ავა, ვიდრე უტყეო და უმცენარო ალაგას, და აგრეთვე, სადაც უფრო მჭიდროთ არის დაშენებული ქვეყანა, იქ უფრო ბევრი ორთქლი იქნება, ვიდრე დაუშენებელ, უდაბურ ალაგას.

ამასთან ისიც არ უნდა დავივიწყოთ, რომ რომელ ქვეყნებსაც მზე პირდაპირ უცქერის და აცხობს (ათბობს), იქ უფრო ბევრი ორთქლი ავა დედამიწიდან, და რომელ ქვეყნებსაც კი გეზათა ჰხვდება მზის სხივება და იმიტომ ცივა, იქ უფრო ნაკლებად. აქედამ გამოდის, რომ იმ ქვეყნებში, რომელნიც ტყიანები არიან, წყალი ბევრი აქვს, და მზეც პირდაპირ დასცქერის და აცხობს, აქ წვიმაც ბევრი მოვა, რადგანაც იმისთანა გარემოებიან ქვეყნებიდგან ორთქლი ბევრი ავა ჰაერში; ხოლო რომელ ქვეყანაშიაც ტყე არ არის, ან გაკაფულია, უწყლოა, უდაბური მინდვრებია და ცივი, — იქ წვიმაც ცოტა მოვა და ზოგან ათასში ერთხელ (ამასთან ესეც არის, რამდენიც ზღვაზედ ახლოა ქვეყანა, იმდენი წვიმა უფრო უხვად მოდის, და რამდენიც ქვეყანა განშორებულია ზღვაზე, იმდენი წვიმაც ნაკლები მოვა).

ამ საზოგადო ბუნების (ქვეყნის) კანონებიდამ შეიძლება გამოვყვანოთ ეს გამოსადეგი დასკვნა (გამოყვანა). ტყეს არაოდეს არ უნდა მოუპყრას კაცი დაუდევნელადა და ისე დაუზოგველად არ უნდა გაჰკაფოს, რომ იმის სანაცვლო არ დანერგოს; ან გაკაფული უნდა დააყორულოს, რომ ხელახლად გაშენდეს.

თუ ტყე საკმაოდ აქვს მხარეს, იმ მხარეში გვალვა იშვიათად მოხდება, და თუ მოხდა — ცოტა ხანს გასწევს. ამის გარდა ტყე სხვაფრივაც ჰმველის მიწის ნაყოფიერებას. ტყიანი მხარე ყოველთვის ნოტიოა და ისე არ გახმება იქაური ნიადაგი, რომ გამოიფიტოს სრულებით და ვეღარ მისცეს საზრდო მცენარის ფესვებს. აგრეთვე ტყიან ადგილას წვიმისაგან რღვნა (ნიაღვრის) იშვიათად

*) მცენარე ჰქვია მიწიდან აღმოცენებულს, მიწიდან ამოსულს, ყველ ბალახსა და ხეზილს.

მოხდება ხოლმე. როდესაც ტყეზე მოდის წვიმა, იმის წვეთებს ხის ფოთლები მაშინვე ძირს არ უშვებენ, არამედ ნელ-ნელა აწვეთებენ; ამის გამო წვიმა ასწრობს ნიადაგში გაჯდომას. უტყეო ალაგას კი წვიმა ერთბაშად ეცემა დედა-მიწაზე, ველარ ასწრობს ნიადაგში გაჯდომას, ჰხდება ნიაღვრად და მდინარეებში მიდის; ამასთან ეს ნიაღვრები ზევით-პირ ნაყოფიერ მიწას ჰკლევინ და ჰკლექვენ მდინარეებში და ხეებში. აგრეთვე ამისთანა ტყიან ალაგებში მდინარეებიც ხშირად აღიღდებიან ხოლმე და თავის ნაყოფიერ დათესილ ნაპირებს სრულებით წაჰკლექვენ ხოლმე.

მარშან ზაფხულში, რომ იმერეთში მოხდა რიონის აღიღება და ბევრი დათესილი ყანები წაახდინა ნაპირებზედ,—ეს აღიღება სწორედ იმისგან იყო, რომ ახლო-მახლო მთებზე მოსულმა წვიმამ ბინა ველარ მოიკიდა, მოგროვდა ხეებში და შემოერთო რიონს; ბინაც იმიტომ ველარ მოიკიდა, რომ ახლო-მახლო მთებზე ტყეები გაკაფეს დაუნდობლად და ახლის დაშენებაზე აღარ იფიქრეს.

მეორე დასკვნა (გამოყვანა) ის იქნება, რომ სადაც წყალი ცოტაა, ესე იგი მდინარეები, ტბები, რუები ნაკლებად არის და ამის გამო ორთქლი ცოტა აღის ჰაერში და წვიმაც სულ იშვიათია,—იქ შეიძლება ისეთი ოსტატობა იხმაროს, რომ წყლები გააბევროს. ამისთვის ზოგიერთ უდაბურ, უწყლო მინდვრებში გაჰყავთ ხშირი (ახლო-ახლო) რუები და მიჟღებენ საიდგანზე შიგ წყალს. ამ გვარად სინმოსაგან გახრიაკებული მინდორი სველდება, მალე აღარა შრება და მაშინ ორთქლიც ბევრი აღის ჰაერში; მაშინ ამ მხარეზედაც მოვა წვიმა. ეს ოსტატობა ბევრ გახრეკილ ალაგებში მოუხდენიათ და ამით უნაყოფო და უწვიმო ალაგები გაუნაყოფიერებიან და დაუშენებიან. მაშინ ტყეც ადვილად გაუშენებიან და ერთი სიტყვით, უსარგებლო მიწები სასარგებლო მიწებად გადაუტყევიან.

ამ გვარად, როდესაც კაცმა იცის ბუნების (ქვეყნის) კანონები, ესე იგი ისა, როდის რა მოხდება, საიდგან რა წარმოსდგება,—მაშინ ყველა ნაკლულგანებას ადვილად შეისრულებს, ყველა გაჭირვებას ადვილად უშველს; მაშინ აღარც ტყეებს გასწყვეტავს დაუნდობლად, უწყლო ალაგებშიაც წყლებს გაიყვანს, ბევრ შრომასაც არ დაზოგავს, თუ კი გამოსავალი კარგი ექმნება იმ შრომას და საზოგადოდ უფიქრელად და უზრუნველად აღარ მოიქცევა.

ორიოდ სიტყვა ჩვენს უმთავრეს სარჩოზე

დიდი ხანია მას უკან, რაც კაცის სარჩოდ გამხდარა პური და პურის გვარი მცენარეები (იქნება მკითხველს დაავიწყდა ისა, რომ ყოველგვარ მიწის ნაყოფს, ხეს, ტყეს, ბალახს და ბალახეულს საზოგადოთ მცენარეს ეძახიან). რაკი კაცი დაბინავებულა, დაუდგამს ქობი და შიგ ცოლ-შვილი დაუყენებია, მას აქეთ კაცი ყოველწლივ სთესავს პურს, დიკას, ქერს, შვრიას, სიმინდს და სხვა პურის გვარ მცენარეებს.

სულ პირველად კაცს, რასაკვირველია, არ ეცოდინებოდა არც ხენა, არც თესვა, არც ხორბლის ფქვა, არც პურის გამოცობა. იმ დროს, უძველად, კაცს ტყე-ტყე უნდა ევლო, ხელში უნდა სჭეროდა ან ქვის კეტი, ან შვილდ-ისარი, რომ ოთხ-ფეხი და ფრინველი ეხოცა და იმითი თავი ერჩინა. ეს დრო კაცის ცხოვრებასთვის ძალიან გაჭირვებული დრო უნდა ყოფილიყო. მუდამ მგელსავით გავარდნილი უნდა ევლო, ამიტომ ცხოველსაც თავის კეჭა აქვს: მტერს რომ დაინახავს გაიქცევა. დიდი მოთმინება და ხეჩხი უნდა ჰქონოდა საწყალს კაცსა, რომ რომელსამე ველურს (გარეულს) ცხოველს მიჰპარებოდა და მოეკლა თავის უხერხო იარაღითა; ან თუ მოჰკლავდა, იმდენს სად მოჰკლავდა, რომ სამერმისრთაც (შემდგეაც) ჰყოფნოდა და კიდევაც ბევრი მოეკლა დიდხანს მაინც ვერ შეინახავდა. ამიტომ რომ ზორცი მალე ხდებდა, აუროლდებდა და კაცი ველარსკვამს ამის გამო თუმცა „ჯეირნის მწვადი შიშინით ცეცხლზედა დასტრიალებდეს“ საქეიფო და მადის გამღვიძებელი რამ უნდა ყოფილიყო იმ დროსა, მაგრამ უბედურობა ეს იყო, რომ ეს ქეიფი ერთი წამის, ან წუთის ქეიფი იყო. მწვადის შექმნის შემდეგ კაცი ისევ უნდა გასტგომოდა ახალს ჯეირანს, და ისევ ტყეში და ღრეში უნდა ეწანწალებინა.

ამ დროს კაცს ერთ წუთთან მოსვენება არ უნდა ჰქონოდა, ნიჟადაც ნადირისათვის დილიდგან სალამომდის უნდა ერბინა. იმ დროს ნადირი იქნებოდა მხეცათ და კაცი იმის ნადირათ. ამისთანა ცხოვ-

რებაში არც მოსვენების სიტკბოება ეცოდინებოდა კაცსა, არც თავის ცოლშვილში ტ.ბილად დროს გატარება. კაცს არ ჰქონდა ხვალისთვის სარჩო მომზადებული. ამ დროს კაცის გონებაც ისე უნდა ყოფილიყო გამოუცდელი და აუხილავი, როგორც სხვა ნადირისა.

ახლა რომ კაცს თავისი ჭკუა ბუნების მეფედ ჰხდის და ბუნებას იმის მონათ, მაშინ ეს ჭკუა მიძინებული იყო, სწავლით და გამოცდილებით არ იყო გამდიდრებული; ღამეში რომ ხის ფოთლების შრიალი გაეგონა, კაცი ფრთხებოდა, ამიტომ რომ არ იცოდა, თუ რა ანძრევდა იმ ფოთლებსა; იმას ეგონა, რომ ყოველ ფოთლის ქვეშ გრძნეული სული იმალებოდა იმის მოსაკლავად, ან დასაშავებლად. ქვეყნიერობისა არა გაეგებოდა რა, და უცოდინარობით ყველაფრისა ეშინოდა.

ყმაწვილს ღამისა ეშინია; მაგრამ, როგორც კი თან-და-თან გაიზრდება და ხშირად შეემთხვევა ხოლმე ღამ ღამე სიარული, მაშინ შიშიც თან-და-თან გაუქრება, იმიტომ რომ შეიტყობს, როგორც დღე არ არის რა საშიშო, ეგრეთვე ღამეცა. კაციც ასე იყო. ჯერ ყველაფრის ეშინოდა, ამიტომ რომ არც ერთის ქვეყნიერი ნივთის ანგარიში არ იცოდა. ამ მდგომარეობაში ერთი და იმედი კიდეც დარჩენოდა კაცსა, ეს იყო იმისი ჭკუა, რომელიც თან-და-თან ახელილიყო გამოცდილებით; იმას ადრე თუ გვიან უნდა შეეტყო ყოველი ნივთის დანიშნულობა და ამ შეკრებილ სწავლით თავისი ცხოვრება უნდა გაეკეთებინა. დიდი დრო და დაკვირვება უნდა დასჭირებოდა იმას, რომ შეეტყო სათესლე პურის ანგარიში. დაკვირვებით უნდა გამოეკვლია, რომ ყოველი მცენარე და მცენარეებში პურიცა თესლით მოდის, თესლი გაღებება მიწაში, ცოტა ხანს შემდეგ ამოვა მიწიდან ბალახათა, ეს ბალახი დროს განმავლობაში თავთავს იკეთებს, თავთავი მწიფდება, იმაში მარცვლებია, რომელსაც ჩვენ ხორბალს ჟეძახით; მერე ამ ხორბლის დაფქვას და საფქვავე წისქვილის მოგონებას, ფქვილის მოზელას და გამოცხობას; ამების შეტყობამდის ჯერეთ ყოველსფრის უცნობს კაცსა, რასაკვირველია, მკითხველო, ძალიან დიდი დროც დასჭირდებოდა და ბევრი კაცის ჩამომავლობაც დაიმარხებოდა უნუგეშოთ. მაგრამ, რაკი რომ პურის და სხვა სასარგებლო მცენარის შემუშავებას ისწავლიდა, ამის შემდეგ კაციც, რასაკვირველია, ერთს ადგილს უნდა დამდგარიყო და გაეჩაღებინა კერა თავის სახლობის გასათბობლად.

პურის მოყვანას რომ ისწავლიდა, შემდეგ კაცს იღარა გაუჭირდებოდა რა. ის დაბინადებოდა ერთს ალაგას. სარჩოს სამყოფზე მეტს მოიყვანდა, ამიტომ რომ სოფლის გაჩენიდან მოკიდებული

მიწას არავინ მუშაობდა და ამისთვისაც მიწა ძალიან ნოყიერი უნდა ყოფილიყო, ისე, როგორც ყოველი ნაფუზვარი, ამას იქით კაცს თავისუფალი დრო უფრო ბევრი მიეცემოდა სარჩოს ხაზხვის გამო, და ამ თავისუფალს დროსა ის მოიხმარდა ფიქრობაში და სხვა და სხვა თავის სასარგებლო ნივთების მოგონებაში,—ამ სახით კაცი თან-და-თან უნდა მისჩვევოდა ჭკუის ზრდას და შეძენილის სწავლით იმის გამდიდრებასა.

პურს დიდი საქმე უქმნია კაცის განვითარებისთვის. რაკი რომ პურის სარგებლობას მიმხედვარა კაცის ნათესაობა, და რაკი კაცს გარდა მოცდილებით უსწავლია პურის მოყვანა, შემდეგ კაცსა ტყე-ტყე რბენისთვისაც თავი დაუნებებია. ნადირობა არც პურის მოყვანის შემდეგ მოუშლია, მაგრამ გარეულის ცხოველის დევნაში სულ არ გადაიკარგებოდა: ერთი, ორი, ან სამი დღით რომ სანადიროთ წასულიყო, მერე მაინც ისევ შინ უნდა დაბრუნებულიყო; ამიტომ რომ შინ პურის მოსაყვალს ელოდა: თავის სახლობაც იმ დათესალ ყანასთან ეყენა და ყველანი აბიბინებულნი ყანის შემჩერენი იყვნენ; ყანას კი იმ ადგილიდგან ფეხის მოცვლა არ შეეძლო და უხვის მოსავლით ჰპირდებოდა პატრონის ოჯახს კარგს და ზომამზე მომეტებულს სარჩოსა. მაშ, კაცს რომ კიდევაც ჰყვარებოდა თრევა და მუდამ წაწყალი, პურის ყანა მაინც ადგილის გადაცვლის ნებას არ მისცემდა. ამ სახით პური ყოფილა იმის მიზეზი, რომ კაცს ფეხი გაუდგამს ერთს ალაგას და ოჯახობისთვის ხელი მოუკიდნია.

ოჯახობა ბევრი ნივთის საჭიროებას მოაფიქრებინებდა: კაცს გარემო ხე-ტყე ბევრი ჰქონდა; მხოლოდ ერთილა დარჩებოდა იმას, რომ ამ მასალებსაგან საოჯახო ნივთები მოეგონებინა: გაჭირვება მაჩვენე, გაქცევას მაჩვენებო,—კაცსაც ასე მოუვიდა. თუმცა იმისი გონება პირველათ გამოუცდელი და ყოვლისფრის მიუხდომელი იყო, მაგრამ, როცა გაჭირვება დაადგა, მაშინ ჭკუასაც ჯაფა დაატანა და ამ ჭკუამ თან-და-თან უფრო და უფრო კარგი აფეჯულობა მოაგონებინა კაცსა. იმან თავისი მოსაზრებით ურემი გააკეთა, წისქვილი ააბრუნა; მიჰხვდა, რომ რაც უფრო კარგათ მომზადებულს მიწაში ჩასთესავდა პურსა, ისე უფრო ბევრი პური მოუვიდოდა; ამ რიგათ მიწის ასაჩენი საჩენიც (იმერულათ კავი) მოიგონა, მერმე გუთანიც გაიმართა.

აი, ახლა მოვედით იმდენ განათლებაზე, რამდენზედაც ჩვენ საქართველოს ხალხს მიუღწევია. ამას აღარ გასცილებია ჩვენი განათლება, ამაზე მეტად, ცუდი გარემოების გამო, აღარ გახსნილა ჩვენი ჭკუა; მაგრამ ფეროპის ხალხები რომ ავიღოთ, იქ კი ბევრათ უკეთე-

სი ავეჯულობა არის მოგონებული და ბევრათ უფრო დიდ საზრდო-სა ჰკრეფავენ მიწისგან და ჩვენზე ბევრათ უკეთაც ცხოვრობენ.

ამ სახით, პირველადვე რომ გონებით-სუსტ კაცის ნათესაობას ვაქირვება დაადგა, იმან თანდათან მოახმარებინა თავისი კეჟა, რომ რაც დედ-ამიწის ზურგზე მასალა იყო: ხე, წყალი, მიწა მადნეული ყველა თავის ცხოვრების საკეთილდღეოთ მოეხმარებინა. ამ შემთხვევაში ყველაზე უფრო დიდი ამაგი კაცისათვის პურს უქნია. პურს დაუბინავებია კაცი ერთ ალაგას. პურს მიუცია კაცისთვის მომეტებული სარჩო, რომ იმას თავისუფალი დრო ჰქონოდა და ამ თავისუფალს დროში კაცს სხვადასხვა სასარგებლო ნივთები და სამკაულები მოეგონებინა. ამ სახით პური გამხდარა კაცთა ნათესავობის გამზრდელი და იმის გონების გამნათლებელი.

ახლა რომ გვკითხოს კაცმა: დაწვრილებით ვიცნობთ თუ არა ამ ჩვენს მოკეთე გამზრდელს მცენარესა?—ჩვენ უნდა ვუპასუხოთ, არა. არ ვიცით, თუ რა ნაირია იმისი შინაგანი აგებულობა, როგორ იზრდება, რა გვარს წვენს იღებს მიწისგან და რა ნაირათ გვიმზადებს იმ ძვირფასს თესლსა, ხორბალსა, რომელიც გვარჩენს და გვაცოცხლებს. ამისი ცნობა კიდევ იმითია ჩვენთვის საჭირო, რომ სანამდის იმისი აგებულობა დაწვრილებით არ გვეცოდინება, ვერც იმას შევიგნებთ, თუ რა ნაირი მიწა უფრო მოუხდება, ან როგორ უნდა იმისი მუშაობა. ამიტომაც ჩვენ გვსურს „სასოფლო გაზეთის“ შემდეგს ნუმერში ვილაპარაკოთ ამაზედ.

ახლა კი უნდა ვსთქვათ ორიოდე სიტყვა საზოგადოთ პურის მოყვანაზე.

ორმოც საუკუნეზე მეტს გაუვლია მას აქეთ, რაც კაცთა ნათესაობას პური მოჰყავს. პურისთვის ძალიან კარგიან წებოიანი, ნოტიო და პოხიერი (მსუქანი მიწა); ესეთია მიწა—თიხიანი (ყვითელი) და შაფი თიხანარევი მიწა. ქვიშიან მიწაზედ და იმისთანა ალაგებში, სადაც შავი რუსული პური კარგა მოდის, ხორბალი ვერ ამოვა, თუ ძალიან ნოტიო ალაგი არ არის, და თუ მიწასაც კარგათ არ უვლიან და თავის დროზედ სასუქითაც არ ასუქებენ ხოლმე.

ხორბალი არის ორგვარი: ერთს ეძახიან ძველ-თესლს და სთესენ შემოდგომამზე, ენკენისთვეში და ღვინობისთვეში; მეორეს კი ჰქვიან ახალ-თესლი; ამას გაზაფხულზე სთესენ—მარტში და აპრილში. ჩვენში კარგი პური მოჰყავთ ქართლში და სომხითში (სამხრეთ სომხითში) უფრო ხშირად თავთუხსა და თეთრ ხორბალს სთესენ; ქართლში კი უფრო მამობელი და დიკა მოჰყავთ. კახეთშიაც და ქუთაისშიაც სთესენ ხორბალს (ბევრნაირს), მაგრამ იქ ერთობ ვაჭ-

რობენ ამითი და ამიტომ იმდენი მოჰყავთ, რამდენიც თითონ ეყოფათ და გასაყიდათაც დარჩებათ.

ბევრგან ხორბლისთვის მიწას შეიმუშავებენ ხოლმე, სასუქსაც აყრიან, მაგრამ ჩვენში ამას თითქმის სრულებით არავინ დასდევს. ჩვენში იციან მიწის დასვენება, ესე იგი, ამ წელიწადს მოჰხვენენ, მეორე წელიწადს კი თავს დაანებებენ, დაასვენებენ ხოლმე. ამ გვარი თესვისაგან ბევრი მიწა არის ჩვენში მომცდარი. სხვა ქვეყნებში, საცა მიწა ნაკლებათა აქვსთ, ასუქებენ კიდევ სასუქით და ამასთან ყოველ წელიწადს ხორბალს არა სთესენ; პირველ წელიწადს რომ ხორბალი დათესონ, მეორე წელიწადს სხვა სასარგებლო თესლას სთესენ, ცერცვს, იონჯას, სიმინდს ან სხვა ამ გვარ თესლებს. ესენი მიწას ძალიან არ აცლიან ნოყიერებას და ამასთან ამათი მიწაში დარჩომილი ფესვები ისევ ღებება და ნოყიერებას უმატებს მიწას; მაშინ მეორე წელიწადს შეიძლება ხორბლის დათესა და მესამეზედ ზსევ სიმინდისა, ცერცვისა, ან სხვა ამ გვარი რამისა და სხვა.

ძველი თესლი ისეთ დროს უნდა დაითესოს, რომ დათესილს ყინვამ ერთ თვეზე ადრე არ მოასწროს; და საცა კი ცივი ჰავაა, იქ უფრო ადრე, ყინვებამდის ექვსი, ანუ შეიდი კვირით წინ.

ხორბალი არ უნდა დაითესოს ძალიან სქლად (ხშირად), რადგან ერთი მარცვლიდგან რამდენიმე ლერო ამოვა ხოლმე; მაგრამ ესეც კი უნდა იცოდეს დამთესავმა, რომ რამდენიც მსუქანი მიწაა, იმდენი უფრო ხშირად შეიძლება დათესვა, რადგან მსუქან მიწაში ბევრი საზრდო ექნება ხორბალს; მაინც ისე ხშირად კი არ უნდა დაითესოს, რომ ამოსულმა ლეროებმა ერთმანეთს დაუშალონ გაზრდა და ავნონ.

დასათესად ყოველთვის ძველი ხორბალი სჯობია, ამიტომ რომ ახალმა გალენილმა ზორბალმა ავადმყოფობა იცის. თავთავი უშავდება ხოლმე და მარცვლების მაგიერათ შავი ფეკილი აქვს შიგ. თუ კარგი ძველი ხორბალი დაითესა, თავის დროზედაც და კარგს და კარგათ მოხსულ მიწაზედ, მაშინ მეკირნახულეს ერთ ოცდა ათადა და ორმოცად დააჯილდოებს. დაფარცხვის დროსაც, ისე უნდა დაიფარცხოს, რომ ხორბალი არა ჩნდეს მიწაში; ცუდათ დაფარცხულ ნათესს ყინვების დროს ყოველთვის ფესვი დაუძრება და წახდება. უცხო ბალახებიც ძალიან აწყენს ყანის ამოსვლას. ჯერ ერთი, რომ მიწიდან საზრდოს აცლის და გაზრდის დროს სჩაგრავს; მეორეც იმათია ცუდი, რომ გალენის დროს ხორბალში ერევა უცხო თესვები და საძაგელი ღვარძლი, რომელნიც პურს აუგემურებენ და მაწყინარს ჰბდიან კაცისთვის. ამისათვის ძალიან საჭიროა, რომ ყანა გამარჯლონ და უცხო ბალახები გააცალონ ხოლმე, ამას თუმცა ხარ-

ჯი უნდა, მაგრამ მაშინ მოგება გამარგელის ხარჯზედ ერთი ორად იქნება; ამიტომ რომ ჰუროც ერთგვარად ბევრი მოუვა, წმინდა, გემრიელი და შემრგოც იქნება. ყანა მაშინ უნდა გამარგლონ, როდესაც ჯეჯილი ერთ გოჯზედ არის ამოსული და აქასთან გამარგელისათვის ყოველთვის მზიანი და მშრალი ამინდი უნდა ამოარჩიონ ხოლმე.

მანამ ჯეჯილი ღეროდ იქცევა, მარგებელია ყანისათვის თბილი ამინდი და დროგამოშვებით წვიმა; თავთავი როცა უქეთდება ხორბალს, თუ მაშინ წვიმიანი ამინდი დაუდგა ყანას, ავადმყოფობა გაუჩნდება, თავთავი უშავდება და მარცვალი უფუჭდება. ამ ავადმყოფობის გარდა ყანამ იცის, ღეროებზედ ყვითელი ლაქები დააჩნდება ხოლმე; ამ ავადმყოფობას ეძახიან ყანის უანგს. ყანას ეანგი მაშინ მოსდის, როდესაც დაუდგრომელი ამინდი დაუდგება, ესე იგი, როდესაც სიციხის შემდეგ ერთბაშად აციკდება და წვიმების შემდეგ ერთბაშად გახმება ხოლმე მიწა.

ხორბლის მომკა მაშინ უნდა, როცა ჯერ ძალიან შემოსული (დამწიფებული) არ არის, ამიტომ რომ გადამწიფებული (ძალიან შემოსული) ხორბლისა და სხვა მარცვლის ფქვილიც ნოყიერი არ არის. სათესლედ კი ყოველთვის კარგი შემოსული (დამწიფებული) უნდა იყოს. ხორბალი ყველა მარცვალს სჯობია ნოყიერებით—სიმინდსაც, ღომსაც, რუსულ ჰურსაც, ფეტვსაც და ქერსაც.

ახალთესლს (გაზაფხულის თესლს) ადრე უნდა დათესვა, მაგრამ წვიმიანი, ძალიან სველი ამინდი კი არ უნდა იყოს. ზოგ სხვა ქვეყნებში ახალთესლს შემოდგომაზედვე მოუმზადებენ ხოლმე ნახნავს. ენკენისთვეში მოხნავენ, დაჰყრიან სასუქს დღიურზედ ოცდაათ ურემს, კიდევ მოჰხნავენ და ისე გაუშვებენ გაზაფხულამდის; გაზაფხულზედ კიდევ მოჰხნავენ, დაჰსთესენ და დაფარცხავენ ხოლმე. ახალ თესლმა უფრო პატარა ბუჩქი იცის, ესე იგი, ერთ მარცვალს ბევრი ღერო არ მოაქვს, ამიტომ ახალთესლი უფრო ხშირად უნდა დათესონ. ახალთესლმა უფრო ხშირად იცის თავთავის გაშაგება; ამის გამო მცოდინარენი მთესველებს ურჩევენ, რომ თესლი კირიან ან შაბიამანიან წყალში დაალბონ და ისე დათესონ ხოლმე. ახალთესლი უფრო ჯვია უნდა მოიმკას ძველთესლზედ. მოსავალი ძველთესლისა სჯობია.

აჰარა (აჰარა ბრინჯი) უფრო აიტანს ხოლმე ყველანიერ ამინდსა და მიწას, ვიდრე ხორბალი; არც თავთავის გაშაგება იცის ხშირად. აჰარა არის ახალთესლიც და ძველი თესლიც. როგორც ხორბალს სთესენ, ისე აჰარას უნდა დათესვა და ისეთ მიწაში, როგორიც ხორბალს უხდება; ესეც კია, ბევრჯერ აჰარა გამხმარ, გამოფიტულ მიწაშიც მოდის ხოლმე. აჰარას მოჭლა ისეთივე უნდა, რო

გორც ხორბალს, რადგან აჭარას თავთავიდგან მარცვალი ადვილად სცვივა, ამიტომ ის მაშინ უნდა მომკან, როდესაც უერო თეთრი აქვს და მომკის უმაღვე წაილონ მინდვრიდან, თორემ ბევრ ხანს მინდორში ყოფნით თავთავი სულ დაეცლება; აგრეთვე წაღების დროს ურემს ქვეშ უნდა დაეგოს რამე. აჭარის მარცვალი ხორბალზედ ორჯერ მსხვილია, მაგრამ რადგანაც მცვივანა თავთავი იცის, ამის გამო ბევრი ცვივა და იკარგება უბრალოთ.

ხორბლის მოყვანა ბევრნაირად არის სასარგებლო; ერთი, რომ პური ყველა სხვა თესლის პურზე ნოყიერი იცის; მეორე, იმისგან აკეთებენ სახამებელს; იმის ბზეს საქონლის საკმელად ხმარობენ და აგრეთვე ნამჯა ძალიან სასარგებლოა გომემში საქონლის ქვეშ დასაგებად.

ჩვენი სოფლელი მკითხველთაგანისთვის დასასწავლი კალაპ-კალატაევი

I

ეს არის გაზაფხული დადგა. ერთი ორიოდ თბილი დღეებო რომ დიპიროს, რაც გარემო ხეხილი, ტყე და ბალახია, ყველა ერთ-ბაშათ იფეთქებს. ზამთრით მიძინებული სიცოცხლე ისევ გაიღვიძებს და ქვეყანა სადღესასწაულო ტანსაცმლით შეიმოსება. ჩვენ რომ დიდს დღეს სიხარულით მოველით, იმას ესე შეჰფერის. ყოველი ჩვენთაგანი რაც ბუნებას მოუცია, იმითი ვემზადებით აღდგომის მიგებებას; როგორც სჩანს ჩვენი დედა-მიწაც ემზადება სადღესასწაულოდ. სწორედ აღდგომის დღეებში გამოვა ყოველი ფერი, ტყე ფოთლით შეიმოსება, მინდვრები ამწვანდება, ყვავილები გამოვლენ, ერთის სიტყვით რაც რამ სასიცოცხლოა დედა-მიწის ზურგზე, ყველა ემზადება ბრწყინვალე დღესასწაულს, მხიარულებას. ეს კარგი ამბავია, რომ წრეულს ბუნებამ გაიზიარა კაცის მხიარულობა. როცა ამგვარათ ბუნება თანაუგრძნობს კაცსა, ეს ბედნიერების ნიშანია; ალბათ ის არ არის ჩვენზე გამწყრალი და დღეგრძელობასაც გვიჩადებს. ღმერთმაც აგრე ქმნას! დღეგრძელობა ყველას ეჭირვება, მაგრამ ჩვენ მაინც ყველაზე უფრო გვეჭირვება, ამიტომ რომ ჩვენი უბედურობის გამო ძველიდგან მოკიდებული თითქმის აქამდის კარგი ცხოვრების გემო არ გაგვივია.

ესეც ხომ ასე, მაგრამ დარწმუნებული ვარ ბევრი მკითხველი იმასაც მკითხავს, ეგ ბუნება რა არის, რომელიც წრეულს ჩვენთან მხიარულებას ემზადებო? ამის პასუხათ გთხოვთ დილ-დილობით აღრიანათ გამოხვიდე ხოლმე კარში, მკითხველო, და მიიხედ-მოიხედო... ეს შენთვისაც კარგია, იმიტომ რომ დილის ჰაერის შესუნთქვა კაცის გამაცოცხლებელია და სიმრთელის მომმატებელი; ამასთან ისიც უნდა ვთქვათ, რომ ვინც ადრე აღდგომას არის მიჩვეული, იმას სიზარმაცე თავიდგან მოშორებული აქვს და შრომაზე გულ დადებით არის. ვისაც შრომა არ ეზარება, იმას, მკითხველო, სიმდიდრეშიაც

ფეხი უდგას; მაგრამ რა ვთქვი!.. არა, სიმდიდრეში ფეხის შესად-
მკლ ათ საკიროა, შრომასთან ყაირათიც იცოდეს კაცმა: რაც ოფლით
შეუძენია, იმას ტყუილ-შებრალობა არ აზნევედეს.

დასწყევლოს ღმერთმა, რით დავიწყე და რით გავათავე! მინ-
დოდა ბუნება რა არის ის ამეხსნა და ამის მაგიერათ შრომაზე გა-
დავბტი. საკვირველია, რომ ყველაფერში ქართველობა გვეტყობა—
აზრობაშიაც, წერაშიაც და სხვა შრომაშიაც. ერთს საქმეზე დიდ-
ხანს გულს ვერ დაუდებთ, მალე მოგვებზრდება ხოლმე და მერე ან
სულ თავს მივანებებთ ყველაფერს საქმესა და ან სხვა საქმეზე გა-
დავბტებით. იქაც, რასაკვირველია, უმუყაითობისაგან ავიცრუებთ
ხოლმე გულსა. ამისთანა ხტუნვაში არაფერი ხეირიანი კი არ გამო-
დის. აზრობაშიაც ეგრე ვართ, იმიტომაც გვეძახიან, რომ ქართვე-
ლებს არაფერში ხეირი არა აქვთო. რა გაეწყობა! ვეცადოთ ყოველს
საქმეში მხნეთ ვიმოქმედოთ და სანამდის ბოლო არ მივსცეთ, მანამ
დის არც ერთს საქმეს თავი არ დაეანებოთ. აი მაშინ ჩვენი შრო-
მიდგანაც ხეირი გამოვა და უხეიროს მაგიერათ ხეირიანებს დაგვი-
ძახებენ. მაშ ახლა მეც ამ დარიგებას მივყვები.

თუმცა აქამდის ბევრი ვიხტუნე ისე, რომ რისაც ახსნა შინდო-
და, ვერ მოვახერხე, მაგრამ აი ეხლა ისევე ჩემს ასახსნელ საგანს (სა-
ხელს) ვუბრუნდები. მაშ დავიწყებ.

როდესაც კაცი დილით აღრიანათ გარეთ გამოვა, ის ჰხედავს
დედა-მიწას, იმაზე ამოსულს ხეხილს, ტყეს, ბალახს, ხედავს ლელეებს,
წყაროებს, უფრო დიდ წყლებს, რომლებსაც ჩვენ ვეძახით მდინა-
რეებს, ამიტომ რომ მიდიან ზღვისაკენ იქ შესართავად. ქართლსა
და კახეთში მტკვარი და ალაზანი დიდი მდინარე; იმერეთში—
რიონი, ცხენის-წყალი და ენგური.

მდინარეებს გარდა კაცი დედა-მიწაზე ჰხედავს ყოველნაირ
ცხოველსა, ქვებს, კლდეებს და ვინ იცის რამდენ რასა. როცა კაცი
ზევით აიხედავს, ჰხედავს ცასა, რომ თასივით თავზედ თითქოს ვარ-
სკვლავებია მიჰქედილი.

ეს ვარსკვლავები ჩვენზე ძალიან შორს არიან და ამიტომაც
პატარებათ გვეჩვენებიან, თორემ ცოტათ ახლოს რომ ენახოთ, დავ-
რწმუნდებით, რომ ისინი ჩვენს დედა-მიწაზედაც ბევრათ უფრო დი-
დები არიან.

ვარსკვლავებს გარდა კაცი ჰხედავს მზეს, რომელიც ათბობს
ჩვენს დედა-მიწას და ყველაფერს სიცოცხლეს აძლევს. ღამით ცაზე
ვხედავთ მთვარესა. სულ ამაებს: დედა-მიწასა და რაც დედა-მიწის
ზურგზე იპოვება, ვარსკვლავებსა, მზეს, მთვარეს, რომელსაც სულ

ციურ მნათობებს ეძახიან, სულ ყველას ერთიანათ ვეძახით ქართულათ ბუნებასა.

ამას გარდა კიდევ იტყვიან კაცის ბუნება, როცა უნდათ მოიხსენონ კაცის ტანი და იმის აგებულება სულ ერთიანად. მაშ დავიხსოვნოთ, რომ რასაც თვალით ვხედავთ ცაზე და დედა-მიწაზე ამას საზოგადოებო ბუნება ჰქვია. ესეც დავიხსოვნოთ, რომ როცა იტყვიან კაცის ბუნება, მაშინ უნდა წარმოვიდგინოთ მხოლოდ კაცის ტანი და იმისი აგებულება შთლად ერთიანად. აგრეთვე როცა იტყვიან, ზის ბუნება, ან ძროხის ბუნება, მაშინ უნდა წარმოვიდგინოთ მთელი ხე თავისი აგებულებით და ან ძროხა თავისი ცხოვრებით.

ახლა ცალ-ცალკე მოუყაროთ თავი იმ არსებებსა, რომლებიც ბუნებაში იპოვებიან, ყოველს არსებას, სულიერს და უსულოს, სხეულს ეძახიან; ქვა არის სხეული, ხე არის სხეული, ძროხა არის სხეული, კაცია სხეული, ერთი სიტყვით, რაც უნდა აიღო, ყველას საზოგადოებო სხეული ჰქვია.

მაშ რაც ბუნებაში ნივთებია, ყველა რომ შევაგროვოთ და თავ-თავის ადგილას დავაწყოთ, ისინი შეადგენენ სამნაირ გროვასა. აი, მაგალითად, ბალახი, ხე, ტყე, სოკო და სხვა ამათგვარი სხეული ერთად შევკრიბოთ. ამათ ერთგვარი ცხოვრება აქვთ. ისინი ჩნდებიან თესლისაგან, რომელიც მიწაში განაყოფიერდება და მიწიდან თავს ამოყოფს, და თუ სოკოს თესლია, სოკოთ გაიზრდება, თუ ბალახის თესლია — ბალახათ, თუ ვაშლისა, ან სხვა რაიმე ხის თესლია — ხეთ გაიზრდება.

ზემოთ მოხსენებული სხეულები მიწაში ფესვით არიან მიმაგრებულინი, მიწიდან სწოვენ წვენსა, იზრდებიან და ბოლოს თავ თავის შესაფერი ნაყოფიც მოაქვთ. ყველა ამგვარს სხეულებსა ჰქვია მცენარე, — მაშ ყველა ეს საგნები, რაც მიწაზე ამოდის, იმის წვენით იკვებება და მიწაზე ფესვით არის დამაგრებული, იმათ რქმევია მცენარე.

ახლა ავიღოთ იმისთანა საგნები, რომლებიც სულიერები არიან, შეუძლიანთ თავისი ნებით ადგილის გამოცვლა, სქამენ პირით, გრძნობენ ტკივილს და სიამოვნებას, მაგალითად: ლოკოკინა, გველი, ხარი, ცხენი და სხვა — ყველა ამეებს დაარქვენ ცხოველი.

ახლა შევკრიბოთ ერთად იმისთანა სხეულები, რომლებსაც არც ფესვი აქვთ, რომ მიწიდან წვენი სწუწნონ საზრდოთ, არც პირი აქვთ, რომ საზრდო სქამონ, არც არაფერი. ისინი მხოლოდ არიან დაბნეულნი დედა მიწაზე, არც ზრდა აქვთ არც გრძნობა. ამ საგნებს ყველას მადნეულობა ჰქვია, მაგალითად: ქვა, კირი,

რკინა, კლდე, შაბი, მარილი, ქვიშა, ოქრო, ვერცხლი და სხვა ამის-
თანაები.

რაც რამ ბუნებაშია, ახლა სამეფარ სამეფოთ გავყოთ: ერთ
სამეფოს შეადგენს ის სხეულები, რომლებსაც უძახიან მაღნეუ-
ლ რ ბ ა ს ა ნ უ მ ა წ ა თ გ ვ ა რ ს ა. მეორე სამეფოს შეადგენენ
ისინი, რომლებსაც ერთად უძახიან მცენარეთ გვარსა და
მესამეს შეადგენენ ის სხეულები, რომლებსაც უძახიან—ცხოველთ-
გვარსა.

მცენარეს აქვს თავისი იარაღი. რომლის შემწეობითაც ის
იღებს წვეს მიწიდან, იმზადებს ტანში საზრდოსა და ამგვარათ-
იზრდება. მაგალითად ხის იარაღი არის იმის ფესვი, რომელიც
სწოვს მიწის წვენსა და აძლევს მას ხესა; ფოთლებიც იარაღია, რო-
მელიც ამზადებს მიწიდან ამოღებულს წვენს საზრდოთა.

როგორც მცენარეს, ცხოველსაც აგრეთვე თავის იარაღები
აქვს, მაგალითად ძაღლის იარაღი არის პირი, რომლითაც ჭამს
პურსა, ფეხებიც იარაღია, რომლითაც დადის და სხვა.

მაშ, ბუნებაში არიან იმისთანა არსებანი, რომლებიც თავის საც-
ხოვრებლათ სხვადასხვა სახმარ იარაღებით არიან შემკულნი. ამ
არსებებს ეძახიან იარაღიანებს, ან ორღანოსნებს. ყოველი მცენარე
ორღანოსანი არსებაა. ხე არის ორღანოსანი ან იარაღიანი არსება.
ფესვია იმის ორღანო ან იარაღი, ფოთოლია იმის ორღანო, ან იარა-
ღი, ყვავილია მისი ორღანო ან იარაღი. აგრეთვე ცხოველსაც ორღა-
ნოსან არსებას ეძახიან; მაგალითად: კაცია ორღანოსანი არსება.
იმის ორღანო ან იარაღია: ხელი, ფეხი, თვალი, პირი და სხვა.

ამ სახით, ბუნებაში არიან ორგვარნი არსებანი: ორღანოსანი-
ანუ იარაღიანები და უორღანოსნო ანუ უიარაღონი არსებანი; მა-
გალითად ქვა არც იზრდება, არცა გრძნობს, ამის გამო არც საზარ-
დი და არც საგრძნობელი იარაღები, ან ორღანები აქვს, იმიტომაც,
ეძახიან უიარაღოს, ან უორღანოსნოს.

ამ სახით, ორღანოსანნი არსებანი არიან მცენარეთ გვარი და
ცხოველთ-გვარი, ხოლო უორღანოსნონი არიან მაღნეულნი.

რა მეცნიერებაც ამ სამგვარს არსებებს დაწვრილებით განიხი-
ლავს, იმას ჰქვია ბუნების მეცნიერება. არის ისეთი სწავ-
ლაც, რომ მარტო მცენარის აგებულებას და იმის ცხოვრებას ტყო-
ბულობს. ამ სწავლის ჰქვია ბოტანიკა. ბოტანი ბერძნულათ
მცენარეს ნიშნავს. ბოტანიკა მცენარის აწერაა, მცენარის განხილვა,
გაჩხრეკა და სხვ.

მოდი ახლა ჩვენც მცენარის განხილვა და გაცნობა დაიწყეთ. მაგალითად ავიღოთ ხე.

ხეს აქვს ფესვი, ღერი, ფოთოლი, ყვავილი, ნაყოფი და თესლი. ფესვია ხის ორღანო, რომელითაც მიწაშია ჩაფლული და ჩამაგრებული. ის იღებს მიწიდან წვენს და გაჰყავს ხეში იმის სარჩენათ და საზრდელათ. ფესვის ზეეთა ნაწილს ჰქვიან ყელი; შუათანა ნაწილს ტანი და ქვევითა ნაწილს ბოლო და ბოლოს შემდეგ ფოჩი. ფესვი ყელით ხეზეა მობმული (დაკავშირებული), ტანით მიწაშია ჩასული და ფოჩით კი წვენს იღებს მიწიდან. ფოჩს შეადგენს წვრილ-წვრილი და თეთრ-თეთრი ფესვის ძაფები, რომლებიც წურბელასავით მოჰკიდებიან მიწასა და სწოვენ. ამიტომაც ხის ან წვანილის გადარგვა რომ გინდოდეს, უნდა ეცადო მიწიდან ისე ამოიღო, რომ ფოჩი არ მოიგლიჯოს; თუ მოიგლიჯა, მაშინ გადარგული მცენარეც ვეღარ ამოიღებს მიწიდან საზრდოსა და გახმება. უფოჩოთ დარგული ხე ვერ გაიხარებს.

ღერია ხის ტანი. მაშ ტოტები რაღაა?—ტოტებიც იგივე ხის ღერია; მაგრამ აი რით განირჩევიან ერთმანეთში: რომელი ღერიც მიწიდან ტოტებამდეც არის ასული, იმას ჰქვიან დედა-ღერი. ლოტონი, ტოტები კი მომცრო ღერები არიან. მცენარის ღერი სხვადასხვანაირია: მაგალითად მუხის ან მსხლის ღერს ეტყვიან ლოტონსა, ლოტანარსა; ალვის ხის ღერს ეტყვიან საროსა, ყოველგვარ ბალახის ღერს ეტყვიან ჩალას ან კალამს. მაგალითად სიმინდის ღერი ჩალაა, ხორბლის ღერი ჩალაა და სხვ.

ზოგი მცენარე ერთი წლის მეტს არ ცოცხლობს; მაგალითად ყოველნაირი ბალახი, სიმინდი, ხორბალი და სხვ. ამიტომაც იმათ ღერს და ფესვს ეძახიან ერთ-წლოვანსა. ზოგი მცენარეა, რომ ორი წლის მეტს ვერ ცოცხლობს, მაგალითად სტაფილო, ჰარხალი, ამისთვის იმათ ღერსა და ფესვს ორწლოვანი ჰქვიან.

ზოგი მცენარეა, რომ დიდხანსა სძლებს; ამისთვისაც იმათ ღერსა და ფესვს მრავალწლოვანი ჰქვიან; მაგალითად ყოველნაირი ხე: ვაშლის ხე, მსხლის ხე, იფნა და სხვ.

რის მაქნისია ღერო?—ღერს გაჰყავს ფესვიდან აღენილი წვენი ფოთლელში; აქედან სჩანს, რომ ღერი არ უნდა იყოს ყამირი, ის მიღებიანი უნდა იყოს, უამისოთ წვენსაც არ შეუძლიან ფოთლებში ასვლა. მართლაც ღერი არის წვრილ-წვრილ მასრებისაგან შემდგარი. ყოველ-წლივ ხის ღერი მსხვილდება იმიტომ, რომ მასრები ქერქს შიგნით ღერის გარშემო მრავლდებიან და წინა წლისას სალტასავით ან რგოლსავით შეზოკრულნიან. ეს მასრების კრება გაზაფხულზე და-

ლიან წყლიანი და ეძახიან ხის ლორწოსა, ზაფხულში ყოველი მას-
რა სათითოვოთ გვერდებზე სქელდება, მაგრდება და შემოდგომაზედ
კეთდება ახალი სალტა, ან რგოლი, რომლითაც ხე გამსხვილდება
ხოლმე ერთი წლის განმავლობაში. ჩვენმა სოფლელებმა და უფრო
დურგლებმა კარგათ იციან ხის წლოვანების შეტყობა. როცა ხის
კუნძს ვადამორვენ, ან ვადახერხენ, მერმედ ხის გულიდგან მოჰყვებიან
ხოლმე და დაითვლიან რგოლებს ქერქამდის, რამდენი რგოლიც გა-
მოვა, ხეც იმდენი წლისაა. ამ რგოლებს ერთათ ჰქვიან ხის ცილი.
ხის ცილის რგოლები, რომელნიც გულთან ახლოს არიან შემორ-
ტყმულნი, უფრო ფართონი და სქელნი არიან და რომელი რგოლიც
ქერქთან ახლოს ძევს, ის უფრო ვიწრო და თხელია. აქედან სჩანს,
რომ ყოველი ხე ახალგაზრდობაზე უფრო იზრდება. როცა მობერდე-
ბა, მაშინ ყოველწლობით ზრდასაც აკლებს და თხელი ცილის რგო-
ლებსაც იკეთებს. ამის ცოდნა ტყის მეპატრონეებისთვისაც კარგია,
რადგან ეცოდინებათ, ხის კაფვა რა და რა დროს სჯობია. ვთქვათ
ზოგი ხე ოცდა-ხუთ წლამდეს კარგათ იზრდება, შემდეგ ზრდასაც
აკლებს და ფულუროვდება.

ტყის მეპატრონემ თუ ეს იცის, გაჰყოფს თავის ტყეს ოცდა-
ხუთ ნაწილად, ერთს წელიწადს რომ ერთს გაჰკაფავს, მეორე წელი-
წადს მეორე ნაწილს, მესამე წელიწადს—მესამესა, ასე რომ თითო
ნაწილს ოცდა-მეხუთე წელიწადზე შეხვდება მოჭრა, სწორედ იმ წე-
ლიწადს, როცა ტყე დასრულდება.

ფოთოლია ხის ორგანო, რომელიც ამზადებს წვეწვს და აქცევს
ხის საზრდოთ; როგორც ჩვენ პირით ვსუნთქავთ, ისე ხე თავის ფოთ-
ლებითა, ასე რომ ფოთოლი ხის კუჭიც არის და ფილტვებიცა. ამ
სახით ფესვი, ღერო და ფოთლები არიან ხის მასაზრდოებელნი ორ-
განონი. ფესვი წვეწვსა სწოვს, ღერს ეს წვეწვი ფოთლებში გაჰყავს და
ფოთლები კი ინელებენ.

II

როგორც წინეთ ვსთქვით, ფოთოლი არის ხის ორგანო, რომე-
ლიც ინელებს მიწიდან ასულს წვეწვს და ისუნთქავს ჰაერს მცენარის
სასიცოცხლოთ. ფოთოლი იყოფება ორ ნაწილად: ფოთოლი და ფოთ-
ლის ტარი. ფოთოლი ჰქვიან ფოთლის ბრტყელს ნაწილს და იმის
ფეხს—ტარი. თუ ფოთოლს ტარი არა აქვს, მაშინ ეძახიან უტარო
ფოთოლსა. სახით ფოთოლი ბევრნაირია: კვერცხ-ნაირი, როცა კვერ-
ცხსავით მოგჩნდა, თავში ვიწრო და ტართან ბოლო ფართო აქვს.
გულ-ნაირი, როცა ფოთოლი კაცის ან ცხოველის გულსა ჰგავს, ლახ-

ვარ-ნაირი, როცა ლახვარს ჰგავს, ნეშტარ-ნაირი, როცა ნეშტარს ჰგავს და სხვ.

ფოთოლს აქვს ძარღვები. მაგალითად გავსინჯოთ სიმინდის ფოთოლი. როცა ძარღვები ისეა დაწყობილი, როგორც სიმინდის ფოთოლში, მაშინ ამისთანა ფოთოლს კავ-ძარღვას ეტყვიან. ახლავნახოთ მსხლის, მუხის ან სხვა რომელიმე ფოთოლი. ამისთანა ძარღვებიან ფოთოლს ეტყვიან კუთხ-ძარღვას. ფოთლის ძარღვებს შუა ალაგები მწვანე ნივით არის გავსებული და იმის გამო მთელს ფოთოლს მწვანე ფერი სძევს. ამ ნივთს დავარქვათ ნაფქვი (აქ რომ სახელებს ვსწერთ, ესეები მკითხველებმა უნდა კარგათ დაიხსონონ, ამიტომ რომ მერე სამეცნიერო საგანზე რომ დავიწყებთ ლაპარაკს, ჩვენი აზრის გაგებაც აღარ გაუჭირდება).

ფოთოლს ორ მხრივ წმინდა კანი აქვს გადაკრული. ეს კანი რომ ავაფტკვნათ, ისეთი თხელია, რომ თითქმის მინასავეით სინათლე გადის. ამისთანა ნივთებს ვეტყვით გამსკვერს. მაშ, მინა გამსკვეერი ნივთი ყოფილა! აგრეთვე ფოთლის კანიც იმდენათ თხელია, რომ გამსკვერია. ხის ფოთოლს ერთი გვერდი ცისკენ აქვს მიშვერილი, მეორე მიწისკენ. ერთს დაუძახოთ ზედა გვერდი, მეორეს—ქვედა გვერდი. ფოთოლს ქვედა გვერდზე რომ კანი აფაძროთ ჩვენი თვალით ვერაფერს შევნიშნავთ; მაგრამ სწავლულებმა მოიგონეს გარდიდებელი შუშა. იქ რომ პატარა ბუსუსი ჩადვა ხის ოდენათ გამოაჩენს. რასაკვირველია, რომ რასაც ჩვენი თვალი ვერ შეამჩნევს, ის ამ გამდიდებელს შუშაში გამოჩნდება. ამ შუშას მიკროსკოპი ჰქვია. მკითხველმა ეს სახელიც უნდა დაისწავლოს. ამ მიკროსკოპში რომ ფოთლის ქვედა-გვერდზე აფტკვნილი კანი ჩასდვა და ჩაიხედო, შენიშნავ რომ იმ კანს პატარ-პატარა პირები ასხია, იმისთანა პირები, როგორიც ჩვენ გვაქვს. ამ პირებს ბაგეს ეძახიან. ფოთლის ბაგეები დღისით დამუწულია და ღამით დღებულნი. ეს ბაგეები ფოთლის ორგანოა, რომლითაც სუნთქავს მცენარე.

ჩვენ როცა ვსუნთქავთ ჰაერი ხდება, გამონასუნთქვი შესასუნთქვით ალარ ვარგა ჩვენთვის, მაგრამ მცენარისათვის ჩვენი გამონასუნთქვი ჰაერი ძალიან კარგია და მცენარის გამონასუნთქვი ჰაერი კი ჩვენ შესასუნთქვად არის კარგი. მცენარის შესასუნთქავს ჰაერს ჩვენი ფილტვები ამზადებს და ჩვენ შესასუნთქავს ჰაერს კი მცენარე გვიმზადებს. ამ სახით მცენარენი და ჩვენ ერთი-ერთმანეთის საკეთილდღეოთ ვართ გაჩენილი. კაცებიც რომ ამ სახით იქცეოდნენ კარგი არ იქნება, მკითხველო! მაშინ ხომ უსამართლობას კბილი მოსძვრებოდა და კაცებსაც დღეგრძელობა მოემატებოდა. ფოთოლი ხეს

აფხულიდან შემოდგომამდე მსახურებს, მაშინ ხეც იზრდება. შემოდგომ ის გახმება და ჩამოცვივა, მაშინ ხეც აღარ იზრდება და ზამთარში სიციცხლე მიძინებულია. ზოგი ხეა, რომ ყველა ფოთლები ერთბაშათ არ ჩამოსცივია. ერთი ფოთოლი რომ ჩამოვარდება, იმის მაგიერათ მეორე გაეზრდება. ამისთანა ხე ზუღამ ამწვანებულია. მაგალითად ფიჭვი, ნაძვი, დაფნა, ბზა და სხვ.

ფოთოლი ასხია ხის ღერს და ტოტებს. რაც ღერს და ფოთოლს შუა ალაგი რჩება, იმას ჰქვია ფოთლის უბე. ზაფხულს ფოთლის უბეში ხეს პატარა კვირტი (კოკორი, კუკური) გამოუთა. ეს კვირტი შემეპოდგომის განმავლობაში გაიზრდება, ისე რომ ზამთრის პირს კარგა მოზრდილია. ეს კვირტი მრავალ პატარა-პატარა გახმარ ფოთლებშია გახვეული და ფის-შემოკრული, იმ აზრით, რომ ზამთარში სიციცხემ არ დასძრას. ამ გამხმარს საბურველს—საფუთნავს ეტყვიან, ხის ქერტლსა.

კოკორი რომ გასკრპ შუაში პატარა ღერია და გარშემო ერთი ბეწო ფოთლები ასხია. ასე რომ კოკორი ანუ კვირტი ერთი ბეწო ხის ტოტია თავისი ფოთლებით. გაზაფხულს ეს პატარა ღერი დაგრძელდება, ფოთლები გაეზრდება და გადაიქცევა ახალ მოზარდ ხის ტოტათ.

კვირტია ორნაირი: ერთს საფოთლე კვირტს ეძახიან, მეორეს საყვავილე კვირტსა. საფოთლე კვირტი გაიზრდება პატარა ტოტათ, რომელსაც ფოთლები გაეშლება. საყვავილე კვირტი გაიზრდება ტარათ, რომელიც ისხამს ყვავილებს. ამ ტარს ჰქვია ყვავილის ფეხი.

კიდევ არის მესამე ნაირი კვირტი, რომელსაც ეტყვიან ფესვის კვირტსა. ეს კვირტი ამოდის ფესვზე და თავზე კანი აქვს ჩამოცმული, ამ კანს ეძახიან კვირტის ქუდს. ეს კვირტი არაოდეს ფოთლებს არ შოისხამს; ის იზრდება, არღვევს მიწას და გახდება ფესვის ფოჩათ, რომელიც სწოვს მიწის წვესა.

როგორც წინათ ვსთქვით, ღერი, ფესვი და ფოთოლი მცენარის მასაზრდობებელნი ორგანონი არიან. ახლა შეუდგეთ მცენარის საშენებელი და გასამრავლებელი ორგანოების აწერას. ისინი არიან ყვავილი, ნაყოფი და თესლი. ამაზე შემდეგ ვილაპარაკოთ.

III

აქას წინეთ ამავე სათაურით დავბეჭდეთ რამდენიმე სასარგებლო ცოდნა მცენარის *) შინაგებულებაზე; იქვე აფხსენით თუ, რა

*) მცენარე ჰქვია ყველა იმ გვარს არსებებს; რომელნიც მიწაზე ამოდიან შავალ. ხე, ხეხილი, ბალახი, ამაყბს სულ მცენარეს ეტყვიან.

დანიშნულება აქვს მცენარის ცხოვრებაში ფესვსა, ღერსა და ფოთოლს. ჩვენ ავხსენით, თუ რამდენათ ეწევა თითო ამ ორგანოთაგანი *) მთელს მცენარის ცხოვრებას და ნათლად გამოვიყვანეთ, რომ ეს ორგანოები, ანუ იარაღები არიან მცენარის მასაზრდოებელნი ასონი. ფესვი დამაგრებულია მიწაში, თავის პატარა ფესვის ძაფებით ანუ ფოჩებით, წურბლებსავეთ მოჰკიდებია მიწას, სწოვს წვეს და გაჰყავს მცენარის ღერში ანუ ტანში; მცენარის ღერსა ანუ ტანსა აჰყავს ეს წვენი ფოთლებში და ფოთლები ინელებენ ამ წვენსა ისე, როგორც ცხოველის კუჭი საზრდოსა. ამას გარდა ფოთლებითვე სუნთქავს მცენარე ისე, როგორც ფილტვებით სუნთქავს ცხოველი.

თუ მკითხველსა ჰსურს კიდევ წაიკითხოს დაწვრილებითი ცოდნა იმავე საგანზე, ვთხოვთ მოსძებნოს იმ საგანზე დაბეჭდილი სტატიები „სასოფლო გაზეთის“ მეოთხე და მეხუთე ნომრებში.

ზემოხსენებულს მასაზრდოებელ ორგანოებს გარდა მცენარეს აქვს საშენებელი ორგანოებიცა, რომლითაც მრავლდება მცენარე ისე, როგორც ცხოველი მშობიერ ორგანოებითა.

მცენარის სამრავლებელი ორგანოები არიან ორგვარნი: კუკური ანუ კვირტი, საკმელათ რომ კარტოფილი იხმარება, ისა, ხახვის ან პრასის თავი, სულ ყველა ესენი შეადგენენ ერთ გვარს მცენარის საშენებელს ორგანოებსა; მეორე გვარს საშენებელს, ან სამრავლებელს ორგანოს წარმოგვიდგენ მცენარის ყვავილი. კუკური რომ დამყნა სხვა მცენარეზე, გაიხარებს და გაიზრდება, აგრეთვე თუ კარტოფილის გაშენება უნდათ, იმას ჩაჰყრიან მიწაში; პრასა და ხახვის თავიც რომ ჩარგა მიწაში, ისიც გაიზრდება. კუკურს გარს შემოხვეული აქვს ქერტილი, რომელიც იმას იფარავს ზამთარში სიცივისაგან. კუკური რომ გასკრა გაზაფხულის პირზე, როცა ჯერ კიდევ არ გაშლილა, აი რას ნახავ: შუაგულს პატარა ღერი და გარშემო კიდევ უფრო პატარა ფოთლები ასხია.

ერთი სიტყვით ის იგივე მცენარეა, როგორც დიდი ხე, მხოლოდ სიპატარავით გაიჩრჩევა მეტით არაფრით, როგორც რომ ცხოველის გვამში მყოფი ნაყოფი მხოლოდ სიპატარავით განიჩრჩევა დედა ცხოველთან.

ამ პატარა მცენარის ნაყოფს, ისე როგორც ცხოველისას, ეწოდება შთანაჩენი. მაშ, კუკურში, საკმელს კარტოფილში და ხახვის თავში იმყოფება შთანაჩენი, რომელიც, მიწაში ან სხვა ხის ტანზე დანერგილი, გაიზრდება მცენარეთ.

*) ორგანო არის იარაღი ანუ აწო, რომელიც ეწევა ცხოველს, ანუ მცენარეს რაიმე გვარათ.

ყვავილი კი ისეთი ორგანოა, რომელიც ამზადებს მცენარის ნაყოფს, ესე იგი, შთანაჩენს ისე, როგორც დედალ-მამალი ცხოველის მშობიერნი ორგანონი თავიანთ მოქმედებით გააჩენენ ცხოველის. შთანაჩენს, ანუ ნაყოფს.

ყვავილში იმყოფებიან დედალ-მამალნი ორგანონი, წარმომშობნი შთანაჩენისა ანუ ნაყოფისა, და ამ დედალ მამალი ორგანოების მასაზრდოებელნი ფოთოლნი.

ავილოთ გაშლილი ვარდი და გავსინჯოთ: ვარდის ყვავილი ზის წვრილ ღერზე, რომელსაც ეძახიან ყვავილის ფეხს; ამ ფეხის თავზე განიერი სქელი და წვერგამწვეტებული ფოთლები აზის, რომელნიც გადაშლილნი არიან ყოშებსავით. ამ სქელ ფოთლებს მწვანე ფერი აქვს და ეძახიან სათასე ფოთლებსა ან ყოშებსა. ზემოხსენებულს თასს ამ ფოთლებიანათ თასუკას (Чашечка) ეძახიან. თასუკას ზემოთ ირგვლივ ასხია შრავალი ნაზი ფოთლები წითლათ ან ვარდისფერათ შეღებილნი, ყველას ერობაშათ ეძახიან გვირგვინს; თითო ან წითელს და ან ვარდისფერს ფოთოლს ფარფალს ეძახიან.

გვირგვინს ზევით, ვარდის ყვავილის შუა ადგილზე, ყვითელი გულია. ეს ყვითელი გული მრავალ პატარ-პატარა ყვითელი მარცვლებისაგან არის შემდგარი. თითო ყვითელი მარცვალი ფეხზეა დამაგრებული. ამ მარცვალს თავის ფეხიანა დაეარქვათ კვეეო (Тычинки) მაშ, კვეეო განიყოფება ორ ნაწილათ: თავი და ფეხი; თუ კარგათ დააკვირდი, ეს კვეეოს თავი ანუ ყვითელი მარცვალი ორ პატარა პარკისგან არის შემდგარი. ეს ორი პარკი გძლათ ერთმანეთზეა მიკერებული ასე, რომ ორივე პარკი ერთ მარცვალს ან კვეეოს თავს შეადგენს. როცა ვარდი გაიშლება, თითო პარკი წვრილ-წვრილ ბუსუსით არის გავსებული. თითონ ბუსუსი ისე პატარა არას, რომ სვალით ძლივს დაინახება. ამ ბუსუსს კვარკვალიტა დავარქვათ.

როდესაც ყვავილი გაიშლება, კვეეოს პარკები დასკდებიან და იქიდგან გამოსცივია მტვერსავით მრავალი კვარკვალიტა და ეცემა სათესლეს ტუჩზე. ზოგს ყვავილს, მაგალითად ვაშლის ყვავილს, ტყემლის ყვავილს და სხვ. თითო სათესლე აქვს, ვარდს კი ბევრი სათესლეები აქვს; ისინი ყვავილის შუაგულზე არიან დამაგრებულნი და გარშემო მრავალი კვეეოები აქვს შემოშუკრივებული.

თითო სათესლე სახით ბოთლსა ჰვავს; როგორც ბოთლსა აქვს ტუჩი, ყელი და მუცელი, აგრეთვე სათესლესაც აქვს ტუჩი ყელი და მუცელი.

სათესლეს ჰქვიან მდედრი ასო ანუ ორგანო, კვეეოს მამრი ზსო ანუ ორგანო. კვეეოდგან რომ კვარკვალიტა გამოსცივია, ერთი

ამ კვარკვალიტათაგანი მაინც უნდა დავარდეს სათესლეს ტუჩზე, იქი-
დგან კვარკვალიტა გაიზრდება ძაფად, ჩავა სათესლეს ყელში და შემ-
დეგ მუცელში. აქ სათესლეს მუცელში მყოფი კუკურა განაყოფიერდება
და ამას შემდეგ დამწიფდება შთანაჩენი, რომელსაც ჩვენ ვეძახით
თესლს ანუ მარცვალს.

განსაკუთრებით შესანიშნავი არის ისა, რომ თუ სათესლეზე
კვეყოს კვარკვალიტა არ დავარდა, ის თესლი არ განაყოფიერდება
და არ დამწიფდება.

ამ სახით, როგორც მდედრი ცხოვლის გვამში ნაყოფის გასაჩე-
ნად მამრი ცხოვლის თესლია საჭირო, აგრეთვე მცენარის სათესლე-
ში კუკურის გასანაყოფიერებლათ მცენარის მამრის ორგანოს თესლია
საჭირო.

როგორც წინათ მოვიხსენეთ, ყვავილი არის მცენარის სამრავლე-
ბელი ან საშენებელი ორგანო და აი ამ ნაწილებისაგან არის შემდ-
გარი: თასუკა, გვირგვინი, კვეყოები და სათესლე. თასუკას ფოთლებს
ყოშები ჰქვია. ყვავილის გვირგვინი ფერად-ფერადია; იმის ფოთ-
ლებს ფარფლები ჰქვია.

თასუკა და გვირგვინი არიან მამრისა და მდედრის ორგანების
მასაზრდოებელი.

ზოგჯერ, როდესაც მცენარე ძალიან ბევრს საზრდოს იღებს
მიწიდან, მაშინ კვეყოები და თვითონ სათესლეებიც ფარფლებათ
გადაიქცევიან და გვირგვინს ემატებიან. ამ შემთხვევაში თუ ყველა
კვეყოები და სათესლეები გაფოთლდნენ, მაშინ თესლსაც აღარ გა-
იკეთებს მცენარე; ამიტომ რომ მამრი და მდედრი ასოები აღარ
აქვთ.

ბოსტნის განყოფილება და კვლევის გარიგება

ჩვენში როგორც მომხდებდათ, ისე აკეთებენ ხოლმე ბოსტანს. არც იმას დასდევენ, თუ მიწა ბრადი-ბრუნდია, არც იმას, თუ ოლ-რო-ჩოლროა, არც გზები გაჰყავთ შიგ, და არც კვლებს აკეთებენ ანგარიშითა და მოსაზრებით; ხშირად ისიც არ იციან, თუ რომელ ბოსტნეულს, როგორი მიწა უყვარს და რა ხასიათისაა და როგორ მიწას როგორი ყურის გდება და კეთება უნდა. ბრადი-ბრუნდ ბოსტანში კვლებს ვერაოდეს ვერ გააწყობენ რიგზედ: კვლების რიგზე გაწყობა კი ძალიან საჭიროა ბოსტნის მოსავლისათვის; ოლრო-ჩოლრო ბოსტანი ვერ მოიწვევება თანასწორედ, რადგან ზოგან ბევრი წყალი ჩადება და ზოგან ცოტა; თუ არ იციან რა მიწას რა მოვლა უნდა—მაშინ ყველა გვარ მიწას, როგორც თიხა ნარევ შავ მიწას, ისე ქვიშიანსაც, ერთნაირად უვლიან და რადგან ბევრჯერ გზებსაც არ აკეთებენ ბოსტნებში, ამის გამო შიგ დათესილში დადიან ხოლმე და იმის მაგიერად, რომ ნაშლათა და რბილად შეინახონ მიწა—სტკეპნიან და აფუჭებენ.

ამისთანა დაუდევნელობისაგან ის გამოდის, რომ ჩვენში ბოსტანს ისეთი მოგება არა აქვს, როგორც სხვა წინწასულ ქვეყნებში; სადაც ზოგიერთი სახლობა თითქმის მარტო ერთი დღიური ბოსტნის შემოსავლითა სცხოვრობს და ისე კარგა, რომ ჩვენში ბევრჯერ ორასი დღიური მიწის პატრონიც ვერა სცხოვრობს.

ამის გამო კარგია, რომ მივბაძოთ იმათ ყველა გამოსავლიან საქმეში, და რადგან მამულის პატრონისთვის ბოსტნეულის მოყვანაც ძალიან სასარგებლოა, ამის გამო ბოსტნის მოყვანაშიაც რომ მივბაძოთ (არც ძნელია) და კარგიც იქნება. ამისათვის აქ ავწერ იმას, თუ დაწინავებულ ქვეყნებში ბოსტნებს როგორ აკეთებენ.

ბოსტნისათვის ყოველთვის ვაკესა და თანასწორ ალაგს არჩვენ ხოლმე. ამისთანა ალაგზედ გაკეთებული ბოსტანი უფრო ადვილია საკეთებელიც არის, კვლებიც რიგზედ შეიძლება გააკეთონ, ერთნაირათავე მოიწვევება და მოსავლელათაც უფრო ადვილი იქნება. ბოსტნისთვის ყველაზედ უფრო მოგრძო-ოთხკუთხა მიწა სჯობია.

მთელ ბოსტანს ჰყოფენ რამდენსაზე ნაწილად დიდი გზებით. ამ გზებს სიგანით ორ ადღნახევარს აკეთებენ ხოლმე, იმიტომ რომ ურმებსა და ჰოვოსკებს თავისუფლად შეეძლოს სიარული. თუ ბოსტანი ერთ დღიურზედ მეტი არ არის, მაშინ ამ დიდ გზას შუაში გაატარებენ ხოლმე, სიგრძეზედ, და თუ ორი დღიურია, ან მეტი—მაშინ მჯობია რომ ეს დიდი გზა გარე შემოუტარონ ბოსტანს.

გზებზედ ზევით-პირ ნაყოფიერ მიწას აიღებენ ხოლმე და ბოსტანში ჰვანტავენ, გზებზე კი ხვინკს ან მსხვილ ქვიშასა ჰყრიან, ისე კი, რომ გზის ზურგი ერთ მტკაველზე ამალღებული იყოს, და წვიმის დროს წყალი ადვილად დაიწრიტოს კვლებში. ბევრგან ამ გზებზედ იონჯასა და პრასა ბალახსა სთესენ, მაგრამ თვეში კი ერთხელა სთიბავენ, რომ თესლი არ შემოვიდეს და ნაპირის კვლებში არ ჩაიფანტოს.

ბოსტნის ორივე ნახევარს ჰყოფენ პატარა ნაწილებად—გარდი-გარდმო გზებით. ეს გზები სიგანით ადღნახევარია თითო. ამ პატარა ნაწილში არის თხუთმეტიდამ ოც კვლამდე. ამ ნაწილებშიაც კიდევ ორი ნახევარ ადღის სიგანეზე გზას გაატარებენ ხოლმე და მაშინ ეს ნაწილი გაიყოფა სამ დიდ კვალად. ამდენი გზები ზოგს ტყუილა ჯაფის დაკარგვად ეჩვენება, მაგრამ გამოცდილებით კი შეტყობილია, რომ ეს გზები ბოსტნის მოვლასა და მოკრეფას ძალიან აადვილებენ და ბოსტნეულსაც არ აფუჭებინებენ ფეხით, აგრეთვე ამისთანა დაყოფილ ბოსტანში თესლის გადანაცვლებაც ადვილია (თესლის გადანაცვლებას ამას ვეძახით: ერთ წელიწადს რომ ერთ კვალში დათესონ რამე, მეორე წელიწადს იმავე თესლს აღარ სთესენ—გადაუნაცვლებენ—სხვა კვალში სთესავენ). თუ ბოსტანი პატარაა, და ოცი ან ოცდაათი კვალი არის, მაშინ, რასაკვირველია, საჭირო არ იქნება ამდენი გზები; მაშინ დიდი გზის მაგიერად პატარა გზა საკმაო იქნება; კვლები კი მაინც რიგზედ უნდა გააკეთონ. ამ დიდ კვლებს ორი მტკაველის სიგანე თხრილებითა ჰყოფენ და გამოჰყავთ რამდენიმე პატარა კვლები.

დიდი გზის ახლო კვლებს აკეთებენ ერთი არშინი სიგანისას, გარშემო ბალახიან ბელტებს შემოუწყობენ ხოლმე და შიგ ორ შარათ იმისთანა მცენარესა სთესენ ან რგავენ, რომელსაც ყოველწლივ არ უნდა-თესვა, ესე იგი მრავალ წლოვან მცენარეს. ამასთან ერთ შარში დაბალ, უღერო მცენარეს სთესვენ, მაგალითად: მუაუნას ისპანახს, მარწყვს და სხვ. და მეორეში კი მაღალ ღეროვან მცენარეს—სალბს, პიტნას, ტარხუნას და სხვ.

ამ კვლებშივე შეიძლება დაირგას ნაყოფის მომტანი ბუჩქებიც: მოცხარი (სმაროდინა), კინკრუჟა (კუნკრუხელა, კრაიჟონიკი), ანუ ყვავილოვანი მცენარები. ამ ბუჩქების ჩრდილის ქვეშ მწვანელი თუმცა მცირე მოდის, მაგრამ ეს დანაკლისი იმ ბუჩქების მოსავლით ერთი ორად ჯილდოვდება.

ნაპირის კვლები, ესე იგი, ის კვლები, რომელნიც ღობის ახლოს არიან, ერთი ადლი უნდა იყოს. გარშემო ამ კვლებსაც ბალახიან ბელტებს შემოუწყობენ ხოლმე და თვეში ერთხელ გამოთიბვენ, რომ თესლი არ ჩაცვივდეს კვალში. ჩრდილოეთისა და დასავლეთის მხარეზედ, რომელი კვლებიც იქნება—იმ კვლებს უფრო ბევრი სითბო ექნება, რადგან მზე პირდაპირ დასცქერის; ამის გამო ამ კვლებში უფრო სათუთს მცენარეს დასთესენ ხოლმე, რომელთაც დილის სიცივისა ეშინიანთ, მაგალითად: სხვადასხვა გვარი ადრეული ცერცვი, ბაკლა და სხვ.

სამხრეთისა და აღმოსავლეთის ღობის პირის კვლებში, რომელთაც უფრო ბევრი ჩრდილი მიადგებათ ხოლმე, მელსა (მალინას) და სხვადასხვა ჯიშის თხილსა რგვენ, რადგან ამათ ჩრდილისა არ ეშინიანთ, არც მზის გულსა საჭიროებენ ძალიან და მოსავალს კი დიდს აძლევენ პატრონს.

ამასთან ყველა ბოსტანში გადასარგველი კვლებიცა აქვს: ეს კვლები სიგანით ერთ ადლზე ცოტა მეტია და ზოგი მცენარისთვის, მაგ.—ხაჭიკორასთვის, კვალს სიგანე ორი არშინი აქვს. ერთის სიტყვით ამ კვლებს ისეთი სიგანე აქვს, რომ ორივე მხრიდან შუა ალაგას ხელი მისწვდება და ადვილად შეიძლება დარგვა და გამარგვლა. თუ ყამირი და ნოტიო მიწაა, მაშინ კვლებს უფრო ვიწროს აკეთებენ, ერთ არშინიდან, ერთ ადლამდის. კვლებს შუაც სიგანით ნახევარ არშინიან თხრილს უკეთებენ. თუ მიწა ან მკლეა, ან ნოტიო, მაშინ თხრილებს ჩააღრმავებენ ხოლმე და კვლებს კი აამაღლებენ, რომ სისველე ადვილად გაშრეს; და თუ წინააღმდეგ, მიწა მსუქანია ან ხმელი, მაშინ თხრილებს თხელს უკეთებენ და კვლებს კი ჩააღრმავებულებს, რომ კვლებში სინოტივე შეინახოს და მალე არ გახმეს, მეტადრე გვალვის დროს.

თუ მიწა ხმელია, ან ქვიშაანი, ან თუ მალლობ ალაგზედ არის, მაშინ კვლებს მიწის ნიადაგის თანასწორედ არ აკეთებენ, არამედ ერთ ციდაზედ დაბლა, რომ ნოტიო უფრო დიდხანს შეინახოს. ამისთანა ჩაღრმავებულ ბოსტანებში კარგად მოდის კომპოსტო და კომპოსტოს გვარი მცენარეები.

თუ მიწა ნოტიო არ არის, მაშინ კვლების ზევით ჰირს სწორეს აკეთებენ, რომ სისველე უფრო დიდხანს შეინახოს. მაგრამ, თუ ადგილი ან დაბლობი და ან ნოტიოა, მაშინ კვლებს შუაგულში აამაღლებენ ხოლმე; ეს იმისთვის რომ ამაღლებულ კვლებში წყალი უფრო ადვილად დაიწრიტება და სინოტიე გამოეცლება. ადრეული მცენარის დასათესად დაქანებულ კვლებს აკეთებენ, ისე კი, რომ ამაღლებული მხარე ჩრდილოეთისკენა აქვს და დაქანებული სამხრეთისკენ. ესეთი კვლები უფრო ხურდებიან მზისაგან. ამისთანა კვლები უნდა გაკეთდეს კედლის ან ღობის ძირში, და მაშინ უფრო ბევრი სითბო დადგება. ამ კვლებში ადრეულ მცენარესა სთესენ და ძალიან კარგიც მოდის.

კვლები უნდა იყოს გარიგებული აღმოსავლეთიდან-დასავლეთისაკენ (საგძეზედ); მაშინ მზე ისე აღარ ახმობს კვლის თხრილებს და ჩრდილოეთის ქარიც ველარა ჰხვდება კვლებს, რადგან კვლის წაჰირს ამაღლებული მიწა ეფარება.

გადასარგავი ბოსტნეულის მოსაყვანი კვლებიც საჭიროა ბოსტანში. ამას ისეთ კვლებს ურჩევენ ხოლმე, რომელთაც ჩრდილოეთის მხრივ მოფარებული აქვს და აღმოსავლეთისა და სამხრეთის მხრივ კი ღია. ამ კვლების მიწა ძალიან მსუქანი უნდა იყოს. ზოგან გადასარგავი ბოსტნეულის მოსაყვანად ესრე ამზადებენ მიწას: აიღებენ ერთ წილ დამწვარ ბალახს ან ფოთოლს, ერთ წილს დამწვარ სასუქს და ერთ წილსაც ქვაშას, აურევენ ერთმანეთში და კვლებში ჰყრიან.

გადასარგავი ბოსტნეული ჩვენში მარტის ბოლოს ან აპრილის დასაწყისში უნდა დასთესონ. ერთი თვის უკან გადარგვაც შეიძლება. გადასარგავი ბოსტნეულის კვლები უნდა სველად შეინახონ და მალ-მალ გამარგლონ ხოლმე; ამასთან ხშირად თუ იყოს, უნდა გაათხელონ, რომ არ უჩრდილებდნენ ერთმანეთს და უფრო თამამად და ღონიერად ამოვიდნენ. ზოგიერთ გადასარგავ მცენარეს კი დაჩრდილება უხდება, მაგალითად კომბოსტოს გვარს; ეს იმიტომ, რომ ჭია აღარ გააფუჭებს, რადგან ჭიას მზის შუქი უყვარს, ჩრდილს კი ერიდება.

გადასარგავ კვლებში უფრო იმ მცენარესა სთესენ, რომელთა გაზრდასა და მოსვლას დიდი დრო უნდება, მაგალითად: ყველა კომბოსტოს გვარ მცენარეს.

ამგვარად ბოსტნის კეთებას ჯაფა უნდა, მაგრამ გამოსავალიც ძალიან დიდი ექნება, რადგან რასაც მოიყვანს კარგი და ფასიანი იქნება. რაც უნდა ბევრი ჯაფა და ხარჯი მოუვიდეს კაცს ამისთანა

ბოსტნის კეთებით, მაინც თუ რიგიანად მოიქცა—ერთი ათად დაჯილდოვდება. ამისთანა ბოსტნები ჩვენში დიდ სარგებლობას მოუტანენ პატრონს და უმეტესად იქ, სადაც ადვილია ბოსტნის მოსავლის გაყიდვა, ესე იგი ახლო არის ქალაქზედ და შარა გზაზედ.

ამისთანა ბოსტანს პირველ წელიწადს თუ უნდა ბევრი ჯაფა, თორემ მერე ბევრი აღარაფერი და მოგება კი ყოველთვის დიდი იქნება: ჯერ ერთი, რომ არც ერთი თესლი არ დაიკარგება უბრალოდ და პატრონი ყოველთვის დაიმედოვნებული იქნება მოგებაში. ჩვენებურ ბოსტნებში კი ერთი თესლი კი არა ათასიც გაფუჭდება, რადგან სრულებით არ შეიმუშავენ ხოლმე მიწას, და რაც ამოვა იმის მეოთხედსაც ფეხით გაჰქეღენ ხოლმე; ამას გარდა მეორე წელიწადსაც ისეთივე კეთება უნდა, როგორც პირველ წელიწადს.

ჩვენს ბოსტნებში მოჰყავთ მხოლოდ: კომბოსტო, ხახვი, კიტრი, ნესვი და საზამთრო,—სხვა თითქმის არაფერი; აგრეთვე ბევრი ალაგიც უბრალოთა რჩება, რადგან ჩვენმა მებოსტნეებმა არ იციან, თუ რა ალაგიდამ რა სარგებლობის გამოტანა შეიძლება.

აქ აწერილი დაწინავებული ქვეყნის ბოსტნის კეთება ასწავლის, თუ რა მცენარეებია კიდევ საბოსტნე და ამასთან ჩრდილში რა უნდა დაითესოს, რომ მიწა უქმად არ ეგდოს, ქვიშიანში კვლები როგორ გაკეთდეს და ნოტიოში როგორ, რომ დათესილი კარგა მოვიდეს და სხვ. კაი სწავლის მიზანძვა კარგიც არის და გამოსავალიცა აქვს. ესეც უნდა დაუმატოთ, რომ შემოუღობავი არა ვარგარა, და ბოსტანს ხომ სულ ბევრი დააკლდება ფარღალალობით.

აბრეშუმის მოყვანაზედ

ვინ არ იცის, რომ აბრეშუმი ყველა გვარ ფარჩაზედ უფრო დიდს პატივის ცემაშია; ვინ არ იცის, რომ ყველა თავმომწონე და შეძლებული, თუ მუდამ არა, დღესასწაულ დღესა და სტუმრობაში მაინც ყოველთვის აბრეშუმს იცვამს, და შეუძლებელსაც საგარეო და სადღესასწაულო საცმელი რამე, წმინდა აბრეშუმისა თუ არა—აბრეშუმნარევი ფარჩასა უთუოთა აქვს. აგრეთვე ვისაც აბრეშუმის ტანსაცმელი აცვია იმას ყოველთვის უმეტესს პატივსა სცემენ, ვიდრე ჩითისას ან შალის საცმელიანს, თუმცა ბევრჯერ მოხდება ხოლმე, რომ ზოგიერთი ჩითისა ან შალის საცმელიანი უფრო მეტი პატივის ღირსაა, ვიდრე ზოგიერთი აბრეშუმიანი. ამ გვარად აბრეშუმს დიდი პატივი და ღირსება აქვს ხალხისაგან. ყველა მდიდარი აბრეშუმს ეტანება, ყველა დღესასწაულში აბრეშუმი იჩენს ხოლმე თავს თავის შრიალით და ვისაც თავის მოწონება უნდა—აბრეშუმში იკმაზება.

ზოგი იფიქრებს: ეს იმიტომ არისო, რომ ხალხი მოკლებულია თავის საკუთარ, შინაგანს ღირსებასაო და ამასთან ისეთი თავის მოყვარეობაცა აქვსო, რომ ჰსურს ღთუოდ ყველამ შეამჩნიოსო ის, ყურადღება მიაპყროსო და პატივი სცესო; ამის გამო გარეგანი, შიკრული ღირსებით (თუ კი შეუძლიან ტანისამოსს კაცის ღირსება შეადგანოს) იზიდავს სხვების ყურადღებას და ამით ატკობს თავის ცრუღიღობასაო. არ ვიცი, მაგრამ აბრეშუმი პატივსაცემია და სასარგებლო, რადგან გამძლეც არის და სუბუქი სატარებელიც: რამდენიც კაცს გამძლე ტანისამოსი აცვია—იმდენი ტანისამოსზედ ცოტა ხარჯი მოსდის და რამდენიც სუბუქი—იმდენი იშის ტანიც ცოტა ტვირთსა ჰკრძნობს და მიხრა-მოხრა უადვილდება; ამის გარდა ზაფხულში აბრეშუმის ტანსაცმელი ძალიან კარგია ტანისთვის, რადგან გრილია და ტანსაც არ ჩაახურებს.

რუგორც აბრეშუმი, ისე ამ აბრეშუმის მოქმედი (მკეთებელი) კიაც პატივსაცემია, რადგან, ჯერ ერთი, კარგი ქსოვილის მასალას უმზადებს კაცს და, მეორე, აბრეშუმის მომყვანს ამდიდრებს. ამის

გამო არ იქნება ცუდი, რომ აქ მოკლედ ვსთქვათ აბრეშუმის ქიის ვინაობა და ამბავი.

აბრეშუმის ქიას დიდი ხანია გამოუჩენია თავის სარგებლობის მომტანი თავი. როგორც ბევრნი ამბობენ, პირველად ჩინეთში გამოჩენილა, საიდანაც ჩაი მოდის. რადგან თუთის ხე ჩინეთში ისე ველურად (ტყეებში) იზრდება, როგორც ჩვენში მუხა და წიფელი, და რადგან სადაც თუთაა—იქ უეჭველად აბრეშუმის ქიაც იქნება, ამისათვის უნდა ვიფიქროთ, რომ ქია იმავე თავითვე ყოფილა ჩინეთში თუმცა კი იმავე თავითვე არა სცოდნიათ ჩინელებს იმის სარგებლობა და მოქმედება.

დროს-განმავლობით ჩინელებს დაუწყიათ ტყეში თუთის ხეებზედ ქიის პარკების მოგროვება, კეთება, ქსელვა და ხმარება. შემდეგში ეს ჩვეულება უფრო გახშირებულია იმათში, და ბოლოს ქრისტეს შობამდე ორი ათასი წლის წინად, იმპერატორი ლიანდ-თის მეფობაში, ამის ცოლს სილინდ-შის, უნახავს რა, რომ აბრეშუმის ქიას ისეთი სარგებლობა მოაქვს ხალხისთვის, უბრძანებია სახლებში შეტანა ქიისა და იქ მოვლა. ამ დროდგან აბრეშუმის მოყვანა ძალიან წინ წასულა ჩინეთში და ეხლა მთელი ჩინეთის ნახევარ სიმდიდრეს აბრეშუმი შეადგენს. ამის გამო ეხლა სილინდ-შის ჩინელები დიდს პატივსა სცემენ და მიაჩნიათ აბრეშუმის მოყვანის ღმერთად.*)

ჩინეთის მახლობელ ქვეყნებშიაც, ინდოეთში და იაპონიაში იმ თავითვე ყოფილა აბრეშუმის ქია, მაგრამ ევროპაში***) კი არა. აქ გადმოუტანიათ ჩინეთიდან ათას სამასი წლის წინად.

ქრისტეს შობიდან ხუთასი წლის შემდეგ ორი ბერძნის ბერა წასულა ჩინეთში ქრისტეს სარწმუნოების საქადაგებლად და იქ დიდხანს ყოფილან. იქ ყოფნაში იმათ აბრეშუმის კეთება უსწავლიათ და, როცა წამოსულან უკან, თავიანთ სამშობლოში, ხუთას ორმოცდა ხუთმეტ წელში ქრისტეს შობის შემდეგ, თან მოუტანიათ მოპარული ქიის თესლი, რომელიც თავიანთ ყავარჯნის თავებში დაუშალავთ. ქურდულად იმისთვის წამოუღლიათ, რომ ისე ვერ შეიძლებდნენ, რადგან ჩინელებს ჯერ ეხლაც (და მაშინ ხომ უფრო) ისეთი ხასიათი სჭირთ, რომ თავიანთ ცოდნას არავის არ გაუნაწილებენ, როგორც ზოგიერთმა ცრუ ექიმებმა იციან ჩვენში, რომ თავიანთ აქიმობას არავის არ ასწავლიან და საფლავში ჩაიტანენ ხოლმე თავის ჯანა-

*) ჩინელები წარმართები არიან და მრავალი ღმერთები სწანთ.

**) ევროპას ეძახიან მთელი ქვეყნის მეხუთე ნაწილს, რომელშიაც არის შემდეგი ხანუღმწოდოები: რუსეთი, საფრანგეთი, ინგლისი, ნემეცეთი, იტალია, საბერძნეთი, ნახევარი ოსმალეთი და კიდევ სხვა პატარა სამეფოები.

ოზობას. ჩინელებსაც ესეთი ხასიათი სჭირთ, და რომ გაეგოთ ბერძნის ბერებისთვის ჭიის თესლის წამოღება, უთუოდ დაჰზოცდნენ იმათ და ვინ იცის სახრჩობელაზედაც ჩამოეხრჩოთ, როგორც ავაზაკები.

მას აქეთ ევროპაშიაც, სადაც კი ხეირობს თუთის ხე, უფრო სამხრეთისკენ, გაუჩნიათ აბრეშუმის ჭია და უკეთებიათ აბრეშუმი, ჩვენშიაც უეჭველია ძალიან დიდი ხანი უნდა იყოს, რაც ჭია მოჰყავთ და აბრეშუმს აკეთებენ, რადგან თუთა ჩვენშიაც ძალიან ხეირობს და ზოგან ტყეებშიაც არის. თუმცა შეიძლება ვაფიქროთ, რომ ჩვენში, საქართველოში, დიდი ხანია მოჰყავთ აბრეშუმი, მაგრამ აბრეშუმის მოყვანა ისეთ მცირე ხარისხზედა სდგას, როგორც ყველა სხვა მოსავლის მოყვანა.

სხვაგან, მაგალითად: საფრანგეთში (ფრანციაში), იტალიაში და ყველგან, სადაც კი თბილი ჰავაა და თუთა კარგათ ხეირობს, ჭიაც კარგა იზრდება და აბრეშუმიც ბევრი მოდის; და ზოგან აბრეშუმი იმდენი მოჰყავსთ, რომ მთელი მხარის სავაჭროსა და სიმდიდრეს მარტო ის შეადგენს.

თუ ჩვენშიაც მოჰყვენენ და იმათსავით მოიყვანენ აბრეშუმი, შეიძლება მოველოდოთ, რომ ჩვენი ქვეყნის სიმდიდრეც, ადრე იქნება თუ გვიან, აბრეშუმი იქნება. ჩვენშიაც აბრეშუმის სასარგებლო ჰავაა, და თუთის ხეც ძალიან ბლომად არის—მაშ იმის მეტი აღარა გვაკლია რა, რომ შრომა მოუახმაროთ, აკეთება ვისწავლოთ და ჭია მოვიყვანოთ. კახეთსა და იმერეთში ბევრს მოჰყავს, მაგრამ ისევ ძველებურად, მამაპაპურად, და ამის გამო გამოსავალი იმდენი არა აქვსთ, რამდენიც შეიძლება ჰქონდესთ. თუ ჩვენშიაც მიჰბადეს სხვა ქვეყნის კარგ მკეთებლებს, მაშინ უეჭველია იმავე შრომითა და ხარჯით, რასაც ახლა ანდომებენ, ერთი-ორად მეტ მოსავალს აიღებენ და ათჯერ უკეთეს ძაფსაც დაჰქსელენ. ამის გამო აქ ავწერთ, თუ აბრეშუმის ჭიას როგორ უვლიან სხვაგან და აბრეშუმშიაც როგორ აკეთებენ და ჰქსელენ.

აბრეშუმის თესლიდან ჭიის გამოქვანა

ყველამ იცის, რომ როდესაც ბუნებისაგან საჭმელი დაემზადება ჭიას, ესე იგი, როდესაც თუთის ხე შეიფოთლება, მაშინ თუთის ხეებზედ აბრეშუმის ჭიაც გამოვა ხოლმე თავის კვერცხიდან; ამის გამო ყველა აბრეშუმის მომყვანმა, შინაც მაშინ უნდა მოიყვანოს ჭია, როდესაც საჭმელი გაუჩნდება, ესე იგი, როდესაც თუთის ხეები შეიფოთლება. ჩვენში ეს დრო სწორედ მაისის დამდეგში არის. ამ დროს ჭიის თესლი უნდა ოთახში შეიტანონ და იქ სუფთა ქაღალდზედ გა

ფინონ; ოთახი უნდა გაათბონ, და ამასთან რამდენიც დღე გავიდეს, იმდენი უფრო და უფრო მოუმატონ სითბოს; მაშინ ხუთი ან ექვსი დღის შემდეგ თესლიდგან გამოვლენ წვნიკი, მუქი ფერისა და ბუსუსიანი კიები.

კიების თესლიდგან გამოსვლა სულ ერთად არ მოხდება ხოლმე, არამედ გაგრძელდება ოთხს ან ხუთს დღეს: ჯერ პირველ დღეს სულ ცოტა გამოვა, მეორე და მესამე დღეს თითქმის სულ და მეოთხე და მეხუთე დღეს კი დანარჩენი. აბრეშუმის კია გამოდის თესლიდგან ყოველთვის დილით ოთხი საათიდან—ათ საათამდის. რა წამს კიები დაიწყებენ კვერცხიდან გამოსვლას, მაშინვე ზედ თესლზედ უნდა გაუფინონ თუთის ნორჩი ფოთლები; კიები ამ ფოთლებზე დაიწყებენ ცოცვას და ჭამას. მაშინ ეს ფოთლები უნდა აიღონ კიებით და სხვა ფიცრებზედ გადიღონ (ფიცრები ქალაღ დაფენილი უნდა იყოს). ხანდახან ამ კიებს ხელით აიღებენ ხოლმე და ფოთლებზედ ისე სმენ—ეს ძალიან ცუდია, რადგან კია ჯერ ნორჩია და აყვანის დროს ხელში დაისრისება და გაფუჭდება (ავადმყოფობა დაემართება). მეორე, მესამე და მეოთხე დღეს რომელი კიებიც გამოვლენ—ისინი უნდა შეინახონ და რომელნიც პირველსა და მეხუთე დღეს—ისინი კი უნდა გადაყარონ, რადგან გაზრდის დროს ან ჩქარა იზრდებიან, ან გვიან და ამის გამო ამათი მოვლა სახერხო არ არის.

აბრეშუმის ზიის კანის გამოცვლა და ზრდა

ყველა ცხოველი წელიწადში ერთხელ გამოიცვლის ხოლმე ზე: ვით პირ კანს ან ბალანს, ბუმბულს, ქერქს და სხვ. მაგალითად გველი—ქერქს იცვლის, ცხენი ბალანს, ფრინველი ბუმბულს და სხვ. თუმცა აბრეშუმის კია სულ ერთ თვესა სცოცხლობს, მაგრამ ამ მცირე ხანში ისიც კი იცვლის თავის კანს, ამასთან ზოგი თავის სიცოცხლეში სამჯერ და ზოგი ოთხჯერ.

აბრეშუმის ზიის კანის გამოცვლა ამ გვარად მოხდება ხოლმე: კვერცხიდან გამოსვლის შემდეგ რომ ხუთი დღე გავა, კიებს მადან ეკარგებათ, აღარ იძვრებიან ადგილიდან და თავალებული არიან. თითქმის მთელ დღეს ან მეტსაც. ამ დროს კიას სძინავს და ამ ძილაში იმას ეცვლება კანი (ტყავი).

ეს ტყავის გამოცვლა იმისთვის მოხდება ხოლმე, რომ აბრეშუმის კია ძალიან ჩქარა იზრდება და რადგან ტყავი არ ეკიმება, ამიტომ პატარავდება, სქდება და ჰვარდება; ხოლო კანის ქვეშ იმას სხვა ახალი კანი უკეთდება, უფრო რბილი და სუფთა.

რადგან კანის გამოცვლის დროს ჭიასა სძინავს და სუსტდება კიდევ, ამის გამო არ უნდა გადაიღონ სხვა ადგილზედ, რომ არ შეწყუბუნდნენ. კარგია რომ ჭიის მომყვანებმა იცოდნენ თუ რომელი ჭიები იცვლიან კანს და რომელნი არა. ამის ცოდნისთვის ესე უნდა მოიქცნენ; რომელი ჭიებიც პირველ დღეს გამოვლენ, ისინი დააბინაონ ერთ ალაგას, რომლებიც მეორე დღეს—ისინი მეორე ალაგას, რომლებიც მესამე დღეს—მესამე ალაგას, მეოთხე დღისა—მეოთხე ალაგას და სხვ.

ერთი სიტყვით ყველა დღის გაჰონაჩეკი ჭია ცალ-ცალკე უნდა შეინახონ და ცალკე მოუარონ; მაშინ რომ ყური უგდონ—შეატყობენ, რომ ყველა ჭია თესლიდგან გამოსვლის შემდეგ მეზუთე დღეს გამოიცვლის კანს.

პირველი კანის გამოცვლის შემდეგაც რომ ექვსი დღე გაივლის, ჭია მეორედ იცვლის ხოლმე კანს; ამ მეორედ გამოცვლის შემდეგაც რომ ოთხი დღე გავა,—მაშინ მესამე კანს გამოიცვლის ჭია და მეოთხე კანსაც მესამე კანის გამოცვლის შემდეგ ექვსი დღის უკან გამოიცვლის, ოთხჯერ მეტად კი აღარ იცვლის. მეოთხე კანის გამოცვლის შემდეგ ცხრა ან ათი დღე რომ გავა, მაშინ ჭია ჩაჯდება პარკში და დაიწყებს აბრეშუმის ქსელვას.

აქედამ სჩანს, რომ აბრეშუმის ჭიის სიცოცხლე გრძელდება ოცდა-ათ ან ოცდა-თერთმეტ დღეს. თუ კარგა მოუარეს ამაზე ადრეც დაიწყებს აბრეშუმის ქსელვას: ოცდა-ოთხი დღის უკან და მაშინ ოცდა რვა დღეზე მეტს არა სცოცხლობს.

რამდენიც ჭია ჩქარა მოამზადებს პარკებს, იმდენი აბრეშუმის მომყვანისთვის ღიდი მოგებაა, რადგან მეტი ხარჯისაგან განთავისუფლდება და გამოსავალი კი ისევ ისა აქვს: ამიტომ ყველა ჭიის მომყვანმა არ უნდა დაივიწყოს, რომ ხარჯი მაშინ შეუმსუბუქდება იმას, როდესაც ჭიას კარგათ მოუვლის და საკმელსაც თავის დროს მისცემს.

როდესაც აბრეშუმის ჭია იზრდება, მაშინ როგორ უნდა მოექცეს იმას პატრონი

ვისაც აბრეშუმის ჭიის მოყვანა ჰსურს, იმას უთუოდ უნდა ჰქონდეს ცალკე ნათელი, სუფთა და ბუხრიანი ოთახი, რომ, თუ ვინიცობაა სიცივე იყოს, ოთახის გათბობა შეიძლებოდეს, რადგან სიცივე სწყენს ჭიას.

რომელ ოთახშიაც ჭიის მოყვანა ჰსურთ, იმ ოთახში უნდა გააკეთონ თაროები, ისეთი კი რომ ოთხივე მხრიდან ღვა იყოს და.

გარს სიარული შეიძლებოდა. ამისათვის ოთახის შუა ალაგას უნდა დაუბრუნო ოთხი მკლავის სიმსხო სწორე კეტები, ისე რომ ყუთის კუნჭულებისავით გამოდიოდეს. სიგრძეზე ეს კეტები ორ ადლზე უნდა იყვნენ დაშორებულნი და სიგანეზე ერთ ადლზე; ამ კეტებს გარშემო სამ პირად ჯოხები უნდა შემოაკრან ლურსმებით ისე, რომ ჯოხიდან ჯოხამდის ორი მტკაველი იყოს დარჩენილი. ამ ჯოხებზე უნდა გააწყონ წნელის ლასტები და ამგვარად გამოვა სამი ოთხივე მხრიდან ღია თარო. ამისთანა თაროებს ყველა ადვილად გააკეთებს. ამოდენა თარო მისხალ-ნახევარ თესლისთვის არის საკმაო, და ვისაც მეტის მოყვანა უნდა, იმან თაროც უფრო გრძელი უნდა გააკეთოს.

როდესაც ჭიის გამოყვანის დრო მოვა, ერთ თაროზე უნდა დაუგონ ქალაღი (თუნდ დაწერილი იყოს, გასვრილი კი არა) და თესლი დააყარონ. როგორც ზევითა ვსთქვით კარგი იქნება, რომ პირველსა და მეხუთე დღეს გამოსული ჭია გადაყარონ და რაც მეორე, მესამე და მეოთხე დღეს გამოვა ის შეინახონ.

კანის გამოცვლის, ანუ ძილის წინა დღეს და ერთი დღეც ამის შემდეგ ჭია არასა სჭამს, მაგრამ კანის გამოცვლის შემდეგ რომ ერთი დღე გაივლის, მაშინ ჭიას დიდი მადა აქვს, ამიტომ ჭმევაც კარგი უნდა, რომ ჩქარა გაიზარდნენ, ოთახში უნდა თბილოდეს, ამისთვის, თუ ცივა, უნდა უთუოდ ბუნარი გაახურონ; რამდენიც ეთბილებათ იმდენი საჭმელს უფრო კარგათ სჭამენ და მალეც გაიზარდებიან, და რამდენიც მალე გაიზარდებიან, იმდენი ჰარკებსაც მალე გააკეთებენ და ეს, როგორც წინა ფურცელში ვსთქვით; პატრონისთვის მოგება იქნება.

ჭიას სინათლე უყვარს, ამიტომ ნათელ ოთახში უნდა გამოიყვანონ, ეს კია რომ მზე პირდაპირ არ უნდა დასცქეროდეს, თორემ დაჰთუთქავს.

თესლიდან რომ გამოვა ჭია, ორი დღის შემდეგ უნდა დაუშვინდონ, ამისათვის ალაგი უნდა გადაუნაცვლონ. ჭიებზე უნდა დააწყონ ფურცლის (თუთის) შეფოთილი ნორჩი ტოტები, და როდესაც ჭიები აცოცდებიან ზედ, მაშინ ეს ტოტები სუფთა ალაგს უნდა გადააწყონ და ნაჭამი ფოთლები გადაყარონ, ისე კი რომ თან ჭია არ გაატანონ.

ბუდის დაწმენდა ჭიებისთვის ძალიან საჭიროა, რადგან ერთად დაგროვებული ფურცლის ნაჭამი ფოთლები ჰაერს აფუჭებენ და ეს გაფუჭებული ჰაერი ძალიან სწყენს ჭიას. ბუდეს რომ დაუწმენდენ მაშინ ჭია უნდა ცოტა ფართოდ გაფინონ და რამდენიც გაიზარდება უფრო და უფრო დიდი ალაგი უნდა დააჭერიან თაროზე, იმიტომ რომ

შეჯგუფებული ჰქონდა ერთმანეთს სწავრავს და ჰაერსაც ახდენს. წმინდა ჰაერი ძალიან საჭიროა კივისათვის, ამის გამო, როცა თბილი, უქარო მზიანი დღე იყოს, უნდა ფანჯრები გააღონ და ჰაერი დაუწმინდონ, მაგრამ ორი პირდაპირი მხრიდან კი არ უნდა იმუშაოს ქარმა, თორემ აწყენს. ბოლი ძალიან სწყენს კიას, მეტადრე თამბაქოს კომლი, ამის გამო უნდა მოარიდონ, და ბუხარიც ისეთი უნდა იყოს, რომ კომლი არ გამოდიოდეს; აგრეთვე კატები, ოაგვები, ლამურები, ფრინველები და ყოველგვარი სხვა ჰქონდა მავნებელია აბრეშუმის კივისათვის.

მანამ ხუთი დღისა გახდება ჰქონდა ორ საათში ერთხელ დაუყარონ ნორჩი ფურცელი (ზოგი კიის მომყვანი პირველ დღეს ფოთოლს უკუწავს და ისე აკმევს); ამასთან იმდენ-იმდენი უნდა დაუწყონ, რომ ოთხ დღეში ორი გირვანქა ფურცელი შექამონ. რადგან კანის გამოცვლის (ძილის) წინ და შემდეგ დღეს კიები ცოტასა სჭამენ, ამიტომ მაშინ საკმელიც ცოტა უნდა დაუყარონ და როცა კი მადა მოუვათ, მაშინ საკმელიც მეტი უნდა მისცენ.

თავის დროს რომ საკმელი არ მოაკლდეს ფურცელი ყოველთვის დამზადებული უნდა იქონიონ; საკმლის დამზადება არ არის ძნელი, რადგან ყმაწვილებსაც შეუძლიანთ ფურცლის ტოტების მომტვრევა. დამზადებული ფურცელი წმინდა ალაგზე ან კილოზზე უნდა გაფინონ და ისე შეინახონ, ამასთან ისეთ ალაგას, რომ არ დასკვნეს; გროვად შენახული შეხურდება და გაფუტდება და კიასაც ძალიან აწყენს. სველი ფურცელიც აწყენს კიას, ამის გამო, როდესაც წვიმიან ამინდში მოკრიფონ, უნდა ჯერ გაფინონ კილოზზედ, რომ გაშრეს და მერე აჭამონ. კიას თეთრი თუთა უფრო უყვარს, ამიტომ იმის ფურცელი რომ აჭამონ უფრო ემჯობინება. როცა ფოთოლს უყრიდნენ ისე უნდა დაუყარონ, რომ თანასწორად იყოს მოფენილი და რამდენიმე ფოთოლი ერთ ალაგას არ იყოს შეჯგუფებული.

კანის გამოცვლის ანუ ძილის შემდეგ მესამე დღეს კიას კიდევ უნდა დაუწმინდონ და მაშინ თაროს ნახევარი ალაგი დააჭერინონ. ამ დროს საკმელი ისე უნდა აძლიონ და იმდენი, რომ სამ დღეში ექვსი გირვანქა ფურცლის ფოთოლი უნდა შექამონ.

მეორე ძილის ანუ კანის გამოცვლის შემდეგ მესამე ძილამდის კიას ორჯერ უნდა დაუწმინდონ ალაგი: ერთი მესამე დღეს და მეორე იმის შემდეგ მეორე დღეს. მაშინ ადგილის დაწმენდა ანუ ბუდეების გამოცვლა კარგი იქნება, რომ ბადის შემწობით მოახდინონ; ამისათვის უნდა აიღონ მეთევზის ბადე და იმოდენა მოსჭრან, რამოდენაეც თაროა, ესე იგი, სიგანით ერთი ადლი და სიგრძით ორი

ადლი, მერე უნდა შუაზე გაყონ და მიწის საცეროვით ოთხკუთხ ჩარჩოზე გადაჭიმონ (ჩარჩოს სიგრძე და სიგანე უნდა ერთი ადლი), როდესაც ქვისათვის ბუდის გამოცვლა უნდოდესთ, მაშინ ამ ბადეზედ ფურცელი უნდა დაუყარონ და ქვის თაროზე დადონ. ქიები რომ აცოცდებიან ზედ, მაშინ სხვა ალაგას უნდა გადაიტანონ და ბუდეს რომ დაუწმენდენ, უნდა ისევ თავის ალაგას გადმოიტანონ. ამ ბადეების შემწეობით შეიძლება ბუდე ყოველთვის სუფთად შეუნახონ ქიებს. ამისათვის, როდესაც ბუდეებს გაუწმენდავენ და ქიებს ისევ თავის ალაგას გადაიტანენ ბადე ისე უნდა გაუშვან და საჭმელი ზედ დაუყარონ ხოლმე. როცა შეატყონ, რომ გაწმენდა უჭირდეს, ბადე უნდა აიღონ, დაუწმინდონ ქვეშ და მერე ისევ დადონ. ეს ბადეები ძალიან აადვილებენ ქიების ბუდის გასუფთავებას, მაგრამ ეს კია რომ მხოლოდ მეორე ძილის შემდეგ შეიძლება. ახმარონ, ადრე კი არა, რადგან ამაზედ ადრე ქიები ძალიან წვრილები არიან და ბადისაგან ადვილად დაიჭყლიტებიან. მეორე ძილის შემდეგ ქიებს უფრო დიდი ალაგი უნდათ; მაშინ უნდა მთელი თარო დააჭერინონ. ამისათვის როცა დასაწმენდათ ბადეს დაუგებენ, უნდა ყური უგდონ, და ნახევარი რომ აცოცდება ბადეზე, მაშინ უნდა ააცალონ და ახლა მეორე ბადე დაუგონ, რომ ნახევარიც ამაზე აცოცდეს; გაწმენდის შემდეგ ორივე ბადე თაროზე ერთმანეთის გვერდზე უნდა დადონ. მეორე კანის გამოცვლის შემდეგ კიას იმდენი უნდა აკამონ, რომ მესამე დაძინებამდის (ოთხ ხუთ დღეს) თვრამეტი გირვანქა ფურცელი მოუნდეს.

მესამე კანს რომ გამოიცვლის, მაშინ კიას ორი თარო მოუნდება, და დაწმენდაც ორჯერ უნდა. ერთი—ძილის მესამე დღეს,— და მეორე—მეხუთე დღეს,—სწორედ ისე, როგორც მეორე ძილის შემდეგ დაუწმენდენ ხოლმე, აგრეთვე ბადეების შემწეობით. მესამე კანის გამოცვლიდგან მეოთხე კანის (ოთხ ხუთ დღეში) გამოცვლამდე კიამ უნდა შეჭამოს ორმოცდაათოთხმეტი გირვანქა, ან ექვსი ლიტრა ფურცელი.

მეოთხე კანის გამოცვლის შემდეგ კიებს სამივე თარო უნდა დაახაფრინონ და ბუდეც ორჯერ უნდა დაუწმინდონ: ერთი მეოთხე ძილის მეოთხე დღეს და ერთიც მეშვიდე დღეს. მეოთხე ძილის შემდეგ ქიები ძალიან ბევრსა სჭამენ და პარკების გაკეთებამდის უნდებათ შვიდ ფუთ ნახევარი ფურცელი. როგორც სჩანს ანგარიშიდგან, მისხალ ნახევარი თესლიდგან გამოსულ კიას მთელ თავის სიცოცხლეში უნდება. საჭმელად ცხრა ფუთ ნახევარი ან ათი ფუთის თუთის ფურცელი.

ჩვენში აბრეშუმის მკეთებლები არც იმას დასდევენ, თუ როდის უფრო ბევრი საქმელი უნდა ჰქონდეს და როდის ნაკლები და არც იმას, თუ რა ზომით. ჩვენმა ჰიის მომყვანებმა იციან, როცა მოხვდებათ მაშინ აკმევენ; და ზოგნი კი იპდენს გააჩენენ, რომ საქმელს ველარ მოულობენ და კმევის მაგიერათ—ამარხულებენ ხოლმე საწყლებს.

ესეთი მოუფიქრებლობა და დაუდევნელობა, რასაკვირველია, კარგ მოსავალს არ მისცემს აბრეშუმის მომყვანს და უფრო მეტჯერ სწორედ ეს დაუდევნელობაა მიზეზი, რომ ჩვენი მეაბრეშუმე მანდილოსნები ერთმანეთს შესჩივიან ხოლმე: „ჩემი ჰია სულ წახდაო“, „ჩემმა კი, რაღაცა ღმერთი გაუწყრა, ცუდი პარკები გააკეთაო“.

ყველა აბრეშუმის მომყვანმა უნდა იცოდეს, რომ როგორც მეტი საქმელი, ისე ნაკლებიც მანებელია იმის მოგებისათვის, და ამასთან რამდენისთვისაც საქმელი ეგულებათ იმაზე მეტი არ უნდა გააჩინონ; სწორედ იმ ზომაზედ რომ აკამოს და იმ დროს, როგორც ზევითა ვსთქვით—მაშინ უეჭველია ცოტანილა იჩივლებენ ჰიის გაფუჭებაზედ და ცუდი პარკების გაკეთებაზედ.

ცოცხების დაწყობა

მეოთხე ძილის შემდეგ მეცხრე დღეს აბრეშუმის ჰია პარკში ჩაჯდება და აბრეშუმს დაუწყებს ქსელვას. ყველა გვარმა ჰიამ (მატლმა) იცის, რომ თავის აბლაბუდებს ხეზე ან ხის ტოტებზე გააკეთებს ხოლმე, აბრეშუმის ჰიასაც ასეთი ხასიათი სჭირს და ამის გამო ამათაც ასეთი რამე უნდა გაუკეთონ, რომ ზედ თავიანთ პარკების მიკვრა შეეძლოს. ამისათვის აკეთებენ ცოცხებს ანუ საპარკებს. სხვაგან ცოცხებს ნამჯისას აკეთებენ: უნდა აიღონ მაჯის სიმსხო ნამჯის კონა, თავი და ბოლო თანასწორად დააჭრან, ასე რომ სიგრძით ორ მტკაველზე ცოტა მეტი იყოს. მერე შუა ალაგას უნდა თავი მოუჭირონ და ბოლოები გაუფარჩხონ ცოცხისავით; ცოცხები წვრილი წნელებისაც შეიძლება გაკეთდეს. თავის დროზეც ცოცხები უნდა დასხან ისე, რომ ერთი გაფარჩხული ბოლო ზევით ჰქონდეს და ერთი ქვევით და ყველა თაროებზე ოთხ რიგათ, ისე რომ სიგრძეზედ თორმეტი ცოცხი მოვიდეს. თაროებზე ცოცხები მაგრა უნდა იდგნენ, და ბოლოებიც კარგა უნდა ჰქონდეს გაფარჩხული, რომ შუაში ცარიელი ადგილები ჰქონდეს დარჩენილი და ჰიებმა ადვილად გააკეთონ შიგ პარკები.

მეოთხე კანის გამოცვლის შემდეგ რომ შვიდი დღე გავა, ცოცხები მაშინ უნდა დასხან თაროებზედ, რადგან მეცხრე ან მერვე დღეზე ჰიები მადას ჰკარგავენ, თავის ტყავი ეკმუჭნებათ, მოუსვენრად და-

ცოცავენ და აბლაბუდეს მსგავსი წმინდა ქსელი გამოსდის ტყავიდგან; მაშინ რომ ცოცხს იპოვნის ჭია, ზევით წვერზე აცოცდება ხოლმე (მანამ აცოცდება ერთი დღე და ღამე გადის), იმ გაფარჩხულში აირჩევს ალაგას და დაიწყებს პარკის ქსელვას.

აბრეშუმის პარკები სახით და სიდიდით მტრედის კვერცხსა ჰგვინან, ზოგი პარკი ყვითელი ფერისაა, ზოგი—თეთრისა და ზოგიც—ღია მწვანე ფერისა—სხვა ფერ პარკებს კი არა ქსელავენ აბრეშუმის ჭიები. ზოგიერთი ჭიები ვერ აცოცდებიან ხოლმე ცოცხზედ, თავიანთ აბრეშუმს უბრალო ცოცვაში ჰკარგავენ და მერე უსარგებლოდ კვდებიან. ამისთანა ჭიები უნდა ქალაქებში ჩასხან და ისე დააწყონ; მაშინ ისინი ველარსად იცოცებენ და პარკებსაც გააკეთებენ. ცოცხის მაგიერათ შეიძლება ბურბუშელა და წვრილი ნაფოტი იხმარონ: მაშინ ეს თაროებზე უნდა გაფინონ და ჭიები ზედ თავიანთ პარკებს გააკეთებენ.

აბრეშუმის ჭიის ბოჟი და პეპელა; თესლის დაჟრა და ზინახვა

აბრეშუმის ჭია რომ პარკში ჩაჯდება, სამი დღიდგან ხუთ დღემდის მოუნდება ხოლმე პარკის ქსელვას; როდესაც სულ გამოელევა აბრეშუმში და პარკის კეთებასაც დაასრულებს, მაშინ ჭია ნელნელა გადიქცევა ბოჟად და ბოლოს ბოჟიდგან პეპელა გამოდის. პეპელა პარკიდგან თორმეტს, ან თხუთმეტს დღეს შემდეგ გამოვა ხოლმე (იმ დღიდგან რომ ვიანგარიშოთ, რა დღესაც ჭია პარკის კეთებას დაიწყებს); თითქმის ყველა პეპელა გამოდის პარკიდგან დილის ოთხ საათსა და ათ საათს შუა.

რადგან აბრეშუმის პარკები მგრათ არიან მოქსელილნი, ამის გამო როდესაც გამოსვლის დრო მოუვა პეპელას, მაშინ ის პარკის ერთ ბოლოს თავისგან გამოდენილი სითხეთი დააღბობს ხოლმე და მერე თავითა და ფეხებით თავის აბრეშუმის საცხოვრებლიდგან გამოსავალ ხვრელს იკეთებს. რადგან აბრეშუმის პარკი პეპელის გამოსვლას შემდეგ აღარ ივარგებს, ამის გამო სათესლედ მხოლოდ იმდენი პარკი უნდა შეინახონ, რამდენიც თესლი უნდათ და დანარჩენში კი პეპლის გამოსვლამდის უნდა ამოახრჩონ ბოჟი.

დედალი-მამალი პეპლები ადვილად შეიძლება გაარჩიოს კაცმა: დედალი პეპელა უფრო დიდია მამალზე და უფრო მსხვილიც არი რადგან მუცელი კვერცხებით ანუ თესლითა აქვს საფეხ; ფერით თეთრია და რომელი პარკიდგანაც გამოსულა, ყოველთვის იმ პარკს ახლოსა ჰზის; მამალი პეპელა დედალზე უფრო პატარაც არის და უფრო წვრილიც, ფერიც ნაცრის ფერია და თავის პარკთან არა.

ოდეს არ დადგება—სულ დაცოცავს და ფრთებს აფრთხილებს: ეს იმიტომ რომ ის დედალ პეპელას ეძებს და როცა კი იპოვის — შეერთდება ხოლმე იმასთან და იმის თესლს გაანაყოფიერებს; დედალი პეპელა ყოველთვის მიიღებს ხოლმე მამალს და ორნივენი იქამდის დარჩებიან შეერთებულნი, ვიდრე თითონ მამალი არ დაეხსენება.

დედალ-მამალი პეპელა ხან-და-ხან ერთ დღე და ღამეს არიან ხოლმე შეერთებულნი; მაგრამ ეს არ არის კარგი, რადგან დედალი პეპელა ღონესა ჰკარგავს და ამიტომ თესლსაც ცოტასა ჰყრის. ამის გამო შეერთების შემდეგ ექვსი საათი რომ გავიდეს შეერთებულ პეპელებს უნდა ფრთები დაუჭირონ და ერთმანეთს მოაცილონ. იმას შემდეგ დედალი პეპელები მსხვილი ქალაქის ფართო ყუთში ჩისხან ცალკე და მამლები კი დაპურვილ ყუთში შეინახონ, რომ ვინცობაა თუ სათესლე პარკებიდან სულ დედალი პეპელები გამოვიდნენ, იმათა განაყოფიერებისთვის იხმარონ და, თუ არ იყოს საჭირო—უნდა გადაყარონ.

დედალი პეპელა თესლის დაყრას ორს ან სამს დღეს ანჯომებს და როცა სულ დაჰყრას, ორ ან სამ დღეს უკან კვდება; ყველა დედალი პეპელა ხუთასიდან შეიდას თესლამდის დაჰყრის ხოლმე; დედალ პეპელას შეუძლიან უმამლოთაც დაჰყაროს თესლი, მაგრამ იმისთანა თესლებს ლაყს ეძახიან, რადგან იქიდგან ჰია არ გამოვა.

ახლად დაყრილი თესლი ყვითელი ფერისა არის და, რამდენიც დღე გავა იმდენი უფრო და უფრო მუქ ფერს იკერს და რამდენსავე დღეს შემდეგ ნაცრის ფერისა შეიქნება ხოლმე; ლაყ თესლს კი ყოველთვის ყვითელი ფერი აქვს;—ამ ნიშნით შეიძლება იმის გადარჩევა და გადაყრა; კიის თესლი სიდიდითა და სახით ლაყლაყის (ხაშბაშის) თესლს მიემსგავსება.

რადგან ყველა დედალი პეპელა საშუალო რიცხვით ხუთას თესლსა ჰყრის და მისხალ ნახევრის წონას კი უნდება შვიდი ათას ხუთასი თესლი, ამის გამო მისხალ-ნახევარი თესლის ასაღებად (მოპაგალი წლისათვის) საჭიროა საათსლედ თვრამეტი წყვილი დედალ-მამალი პეპელა შეინახონ (ვისაც სამი მისხალი თესლის აღება უნდა—იმან ორჯერ ამდენი პეპელა უნდა გადაანარჩუნოს): საპეპლეზე უნდა აარჩიონ მომსხო, მაგარი, ულაქაო პარკები, მერე ერთ თაბახ ქალაქდზე ხის წებოთი მიაკრან და მერე ისეთ ალაგს უნდა დადონ, რომ მზემ არ დასწოს, რადგან სიცხისაგან პარკებში ადვილად ხმებიან ბოყები და ამიტომ პეპელებიც ველარ გამოდიან.

თესლს რომ მოაგროვებენ, გაზაფხულამდის მშრალ, გრილ ალამას უნდა შეინახონ (ცხელსა და ნოტიო ალაგას შენახული აღარ გამოდგება); თავსაც უნდა დაუმალონ, თორემ იმათ ძალიან უყვარსთ ჭიის თესლი.

აბრეშუმის პარკეზი ბოჟების ამოხარჩობა

სათესლე პარკებს რომ გადაარჩევენ, მერე უნდა აიღონ ცოცხებიდან სხვა პარკიც, მოაცალონ გარეშემო რაც აწეწილი აბრეშუმი ექნება, ლაქიანი პარკებიც უნდა ცალკე გადაარჩიონ, პარკები ცოცხებიდგან უნდა მეცხრე დღეს აჰკრიფონ: (იმ დღიდგან უნდა დათვალონ, რა დღესაც აბრეშუმის ჭია პარკის კეთებას დაიწყებს). რადგან, როგორც ზევითა ვსთქვით, პეპელა-გამოსული პარკები ამოსახვევად აღარ ივარგებს, ამის გამო სათესლედ მხოლოდ იმდენი პარკი უნდა გადაარჩიონ, რამდენი თესლიც უნდათ (რამდენი თესლისთვის რამდენი წყვილი პეპელა უნდა, ისიცა ვთქვით ზემოთ); სხვა პარკებში კი ბოჟები უნდა ამოახრიონ.

ბოჟების ამოხარჩობა სხვა-და-სხვა ნაირად იციან: სადაც გრილა და მზეს დიდი სიციხოვლე არა აქვს, იმისთანა ადგილებში კალათაში ჰყრიან აბრეშუმის პარკებს და ცოტახანს ნელად გახურებულ ფეჩში ან თონეშია სდებენ; სიმხურვალისაგან ბოჟები პარკებში სულ დახმებიან და პეპლებიც ვეღარ გამოვლენ; სადაც კი ცხელა, მაგალითად: ჩვენში, საჭირო არ არის არც თონე და არც ფეჩი; აქ შეიძლება კილოზზედ ან ტილოზედ გაფინონ თხლად პარკები და ცხელ მზეზე გამოიტანონ; მზის სიმხურვალესაც შეუძლიან ბოჟების გახმობა პარკში. მაგრამ ბოჟების ამოსახარჩობად ყველაზე უკეთესი საშუალება ეს არის: ორ ჩაფიანი ქვაბით წყალი უნდა შედგან ცეცხლზედ და როცა დუღილს დაიწყებს მაშინ უნდა ორი ჯოხი გადონ ქვაბზე და ზედ საცრით პარკები უნდა დიდგან; ამ საცერში პარკები ოთხი თითის სისქეზე უნდა ეყაროს; საცერს რომ დასდგმენ ქვაბზედ, ზედ (საცერსაც და ქვაბსაც) უნდა რამე გადაახურონ, რომ საცერში ორთქლი დატრიალდეს; ნახევარ საათს შემდეგ საცერი უნდა აიღონ.

ამ გვარად ორთქლისაგან ბოჟები სულ ამოიხარჩობიან პარკებში. საცერი რომ გადმოიღონ ქვაბიდგან, ორი ან სამი პარკი უნდა გასჭრან და დარწმუნდნენ, გამოიხარჩვალან თუ არა ბოჟები; თუ გამოიხარჩვალან, პარკები უნდა მზეზე გაფინონ გასაშრობად, რომ სინოტიე არ შეჰყვეს, თორემ აბრეშუმი ცუდი გამოვა.

როდესაც პარკებში ბოჟები ამოიხარჩობიან, მაშინ ყველა პარკები მთლად დარჩება, რადგან პეპლები აღარ გამოვლენ პარკებიდგან.

მთელი პარკებიდან შეიძლება აბრეშუმი ამოიხვიოს და პარკებთანაც შენახვა ადვილია, ოღონდ კი ისეთ ალაგას შეინახონ, რომ თავგმა არ გააფუჭოს.

ერთ გირვანქა აბრეშუმს უნდება ორასი ახალი (გაუშრობი) პარკი და მშრალი პარკისა კი უფრო ბევრი — ოთხას ოცი; აქედან გამომდის, რომ მისხალ-ნახევარი თესლიდგან ავა ორი ლიტრა, ან ოც გირვანქამდის გამშრალი პარკი. თითო პარკიდგან ამოიხვევა წმინდა ძაფი სიგძით ოთხასი საყენიდგან შეიღას საყენამდის (რვაასი აღლიდგან ათას ოთხას აღლამდის).

აბრეშუმის ზიის ავადმყოფობა

როდესაც ცუდად უვლიან აბრეშუმის ჭიას, მაშინ იმას სხვა და სხვა ავადმყოფობა გამოაჩნდება ხოლმე, და უფრო ხშირად შემდეგი:

ა) სიწითლე, რომლისაგანაც ჭია მოეშვება და უძრავად არის ერთ ალაგას; სიწითლისაგან ფერიც ეცვლება ხოლმე; მუქი (ნაცრის) ფერის მაგიერად, წითელ ლაქებიან ფერს დაიჭერს. ეს ავადმყოფობა ჭიას პირველ ხუთ დღეში გამოაჩნდება ხოლმე და ხშირად ამ ავადმყოფობითაც იბადება. ორი მიზეზი აქვს სიწითლეს: ერთი, რომ თესლს ძალიან თბილ ალაგას შეინახავენ და მეორე, მაშინ გამოაჩნდება, როდესაც წვრილ ჭიებს თბილი ალაგიდან ცივ ალაგში გადაიტანენ, ან ცივი ალაგიდან თბილში.

ბ) სიყვითლე, რომლისაგანაც ჭია ჭუჭყიან ყვითელ ელვარე ფერს იჭერს, და როცა კვდება ყვითელი ჩირქი გამოჰდის ტანიდგან. ეს ავადმყოფობა გადამდებია და თუ სიყვითლიან ჭიას კარგა მყოფი მიეკარა, ისიც სიყვითლით გახდება ავად. სიყვითლე აჩნდება ჭიას მეოთხე ძილს შემდეგ (ოცდა ორი დღისა რომ შეიკმნება), თუ მჭიდროთ არიან თაროზე და ან თუ ნორჩს, შემოუსვლელ ფოთლებს აკმევენ. სიყვითლით ავად რომ არ გახდეს ჭია, თაროებზედ უნდა ხალვათად (ფართოდ) გაჰფინონ და ფოთოლიც შემოსული აკამონ; ოთახშიაც წმინდა ჰაერი უნდა შეუშვათ (ორი პირდაპირი მხრიდან კი არ უნდა გაუღონ ფანჯრები და არც ცივ, ნოტიო დღეში). რა წამს ჭიებს სიყვითლე შეატყონ მაშინვე უნდა გადაყარონ შორს, რომ კარგა მყოფებსაც არ გადაეღოს.

გ) თეთრი სიკვდილი, რომლისაგანაც ჭია მადსა ჰკარგავს და გაჭიმული გდია ერთ ალაგას; ამ ავადმყოფობიან ჭიას ისეთი ფერი აქვს, როგორიც კარგა მყოფს; ეს სენიც მეოთხე ძილს შემდეგ დაემართება ხოლმე, თუ ოთახში ძალიან ნოტიო და მომხრჩვალ ჰაერი დგას; ამის გამო ჰაერი უნდა ყოველთვის დაწმინდონ ოთახში,

როდესაც მშრალი და თბილი დღე იქნება. ამ ავადმყოფობიან კიებს ეძახიან თეთრ მკვდრებს.

დ) სიშავე, რომლისაგანაც ჭია ნელ-ნელა შავდება, მერე ტყავი უსქდება და იქიდგან სქელი, შავი ჩირქი გამოჰდის. ეს ავადმყოფობა გამოაჩნდება ხოლმე ჭიას მაშინ, როდესაც ცოცხხედ აცოცდება პარკის გასაკეთებლად; ხანდახან ისიც მოხდება ხოლმე, რომ ჭია დაიწყებს პარკის კეთებას და მაშინ დაემართება ხოლმე სიშავე.

ე) გაქვავება, რომელიც ემართება ხოლმე ჭიას სიკვდილის წინ; მაშინ ჭია მაგრდება (ქვავდება) და კანიც უწითლდება. ეს ავადმყოფობა მოსდის ჭიას ყველა ხანში.

რასაკვირველია, უკეთესი იქნება ჭიის მომყვანი ეცადოს, რომ ჭიას ავადმყოფობა რამე არ გაუჩნდეს. ამისათვის ყველაზედ დიდი სიფრთხილე თესლის ყიდვაში ჰმართებთ. თესლი არაოდეს არ უნდა იყიდონ ისეთი, რომელიც არის მოგროვებული იმ აპრეშუმის ქარხნებში, სადაც ჭიის ავადმყოფობა რამე ყოფილა. მერე თვითონ ჭიასაც ძალიან უნდა უვლიდნენ და უფრთხილდებოდნენ: ყოველთვის ახალი საჭმელი უნდა აჭამონ, თაროებზედ სქლად არ უნდა იყვნენ გაფენილნი. ბუდე თავის დროს უნდა გამოუტყვალონ ხოლმე. საკმაო სითბო უნდა აყოს ოთახში, პაერიც რიგზე დაუწყინდონ ხოლმე და სხვ.

თუ ამ სიფრთხილებმაც არ უშველა რა, და ჭიას ავადმყოფობა რამე გაუჩნდა, ავადმყოფები მაშინვე უნდა აარჩეს და მიწაში ჩაიფლას (გარეთ), და კარგაშყოფებს კი კარგად მოუარონ; ამასთან ესეც უნდა ესთქვათ, რომ ავადმყოფობა ბევრჯერ ერთი ქარხნადგან მეორე ქარხანაში გადაჰდევს ხალხს; ამისთვის არ უნდა მიუშონ აბრეშუმის ქარხნებში ის კაცები, რომელნიც იმ ქარხნებიდამ არიან, სადაც ჭიის ავადმყოფობა გაჩენილა.

ამასთან ერთი გამოჩენილი რუსეთის მეაბრეშუმე იმასაც ამბობს რომ თუ ჭიაში ავადმყოფობა გაჩნდაო, მეორე წელიწადს ყველა იარაღი: თაროები, ბადეები, ცოცხები და სხვ., რასაც კი ავადმყოფ ჭიას ახმარებდნენ, ახალ ჭიას არ უნდა ახმარონ, თორემ ამ იარაღებისგან ამათაც გაუჩნდება ავადმყოფობა; და თუ სულ არ გამოსცვლიან ამ იარაღებს,—ეს მაინც უნდა ჰქნან, რომ სულ დაწყმინდონ და დარეცხონ საპნითა და წყლით; სარეცხ წყალშიაც უნდა ცოტაოდენი შაბიამანის ზეთი გაურიონ; ოთახი გოგირდით გამოახრჩოლონ და რამე საღებავით შეღებონ. მაშინ იმ ოთახში შეიძლება მეორედ მოიყვანონ ჭია.

**თუთის ხე (ფურცელი), იმის გაზენება და აბრეშუმის მოყვანის-
საგან საკვებლოება**

თუთის ხე (ფურცელი) სამ ნაირია: თეთრი, წითელი და შავი. ნაცადია რომ თეთრისა და წითელი თუთის ფოთოლს უფრო კარგა სკამს ჭია, თუ ეს თუთა თესლით არის მოყვანილი;—ეს კია, რომ დაბლობ, ჭაობიან ალაგში გაშენებული თუთის ფოთოლი (რა ჯიშისაც უნდა იყოს) აწყენს აბრეშუმის ჭიას.

ჩვენში თუთას ისე მოვლა არა სჭირდება, რომ ძნელი იყოს იმის მოყვანა. ყველა მიწის პატრონს შეუძლიან იმდენი თუთის ხე იქონიოს თავის მიწაში, რომ, სულ ცოტა, მისხალ ნახევარი თესლიდგან გამოსულ ჭიას მაინც ეყოს.

თუთის მოყვანა ყველგან შეიძლება: ეზოში, ბოსტნებში, ვენახში და სხვ.; ეს კია რომ ვენახში ისეთ ალაგს მოიყვანონ რომ ვახუბსა და ბოსტნეულს არ უჩრდილებდეს. ჩვენებურ ვენახებში და ეზოებში კაცი მრავალ ნაირ უსარგებლო ხეებსა და ჯაგებსა ჰნახავს, მაგალითად: მაყვალს, კუნელს, ტირიფს და რამდენ სხვას, რომელთაც მოგება არა მოაქვსთ რა პატრონისთვის, რასაკვირველია, ბევრად უკეთესი და მოსაგები იქნება მამულის პატრონისათვის, რომ ეს მოხსენებული უსარგებლო ხეები და ჯაგები ამოაგდოს და იმათ მაგიერ თუთის ხე მოიყვანოს, რადგან სარგებლობასაც ბევრს გამოიტანს და მოსაყვანათაც ძნელი არ არის.

მით უფრო სასარგებლოა ჩვენი სოფლებისთვის აბრეშუმის მოყვანა, რომ ჯერ ერთი, რომ ის ხე ძალიან ადვილად ხარობს, მეორე—აბრეშუმის ჭიას დიდხანს არ შესცქერაან და ბევრ ხარჯსა და ჯათას არ ანდომებენ და მესამე—როდესაც აბრეშუმის ჭია იზრდება—იმ დროს ჩვენ სოფელს ქალებს მომეტებულებს თითქმის სრულებით არაფერი საქმე არა აქვსთ. რაღა თქმა უნდა რომ ამისთანა სახერხო გარემოებაში, ძალიან კარგი იქნება, რომ ჩვენმა სოფლის ქალებმა სხვათაშორის, აბრეშუმის ჭია მოიყვანონ და იმითი თავიანთ ოჯახს შეჰმატონ.

მისხალ ნახევარი თესლიდგან გამოსული ჭიის გამოსავალი ეს არის: თუ კარგა აქამეს ჭიას (იმდენი და იმ დროს, როგორც ზევით ავწერეთ) და კარგათაც მოუარეს, მაშინ იმათი გაყვებული პარკებიდგან წმინდა აბრეშუმი გამოვა ორგირვანქა ნიხევარი. ამ აბრეშუმის ფასი იქნება—სულ ცოტა—ორი თუმანი, ან ორ ათეუან ნახევარი აქ თუ ჩვენი ჩარჩების ოსტატობა მოვიგონეთ, აბრეშუმის ყელვაში, როგორც სხვა მოსავლის ყიდვაშიაც, მაშინ ჩვენი გამოანგარიშება ტყუილი ეგონებათ. მაგრამ საქმე ის არის, რომ რა ფასადაც ჩვენი

ჩარჩები ყიდულობენ სხვადასხვა სოფელში და სხვადასხვა მოსავალს, ის ფასი არას გზით არ ჩაითვლება წესიერ ფასად, და თითონ ჩარჩებიც წესიერებაზე ძალიან შორს არიან. ამის გამო კარგი იქნება, რომ ერთი სოფლის მეაბრეშუმეებმა აბრეშუმები ერთად შეაგროვონ (ყველამ თავის აბრეშუმის წონა დაიხსოვნოს), ერთ სანდო კაცს ჩააბარონ და იმის საშუალებით პირდაპირ იმას მიჰყიდონ, ვისაც თვითონ ჩარჩები მიჰყიდვენ ხოლმე. მაშინ აბრეშუმის მომყვანებს უფრო დიდი მოგება ექნებათ და ჩვენ ნათქვამშიაც ტყუილს არ შეგვწამებენ ან თუ ეს ჩვენი რჩევა არ მოეწონებათ, სხვა რამე მოაგვარონ, რომ ჩარჩებისაგან უფრო ცოტათი მოტყუდნენ ხოლმე აბრეშუმშიაც და სხვა გასაყიდ მოსავალშიაც,—ორ თუმან ნახევარს ექვს, ან შეიდკვირაში არა მოსავალი არ აძლევს, რომელზედაც დახარჯულია სულ მისხალ ნახევარი ჭიის თესლი და ცოტაოდენიც შრომა.

ვინც სამ მისხალ თესლს გამოიყვანს, ის ორ ამოდენა მოგებასაც მიიღებს და სხვ. ამის გამო ჩვენ ყველა ჩვენს სოფლის მემამულეებს ვურჩევთ უმაქნისი ჯაგებისა და ხეების მაგიერად, თავიანთ მიწებზედ და ცარიელ ადგილებში. თუთა გააშენონ.

სათესლედ ჩამოკვივნილი და დამწიფებული თუთა უნდა მოაგროვონ ერთ რამე ჭურჭელში, სამ დღეს დააცალონ რომ უფრო დამწიფდეს (დალბეს); მერე უნდა დაჰყლიტონ და ძალიან გაწურონ; ეს გაწურული თუთა უნდა საცერში ჩაყარონ დაასხან წყალი და ქვაბზედ დადგან, როცა წყალი გავა, თან თესლსაც გაიტანს (საცერი ისეთი უნდა იყოს რომ თუთის თესლს გასვლა ადვილად შეეძლოს); როდესაც საცერი დაიცილება—მაშინ კიდევ დაასხმენ წყალს, მანამ თესლი სულ გავა საცერში. მერე ქვაბიდგან წყალს გადასხამენ და ძირს წმინდა თუთის თესლი დარჩება. ეს თესლი უნდა თხლად გაფინონ ფარდაგზედა, ან ტილოზედ და ისეთ ალაგას გააშრონ, რომ არც ციოდეს და არც ცხელოდეს. გამშრალი თესლი შეიძლება დათესონ სადაც სურთ და ამოვა. თუთა.

თუთის მოყვანაზე შემდეგში უფრო ვრცლად მოვილაპარაკებთ.

ორიოდე სიტყვა სოფლის ახალ მოხელეების ამორჩევაზე

I

აი ეხლა დრო მოგვიახლოვდა სოფლის მამასახლისების, მოსამართლეების და სხვა მოხელეების ახლათ ამორჩევისა. ეხლა ჩვენი გლეხკაცობა კარგათ უნდა მოემხადოს მოხელეების ამორჩევაზე და ამისათვის გვინდა აქ მოვილაპარაკოთ.

ყმების განთავისუფლების შემდეგ სოფლის საქმეების მართვა შემოვიდა ახალი კანონით. სოფლის მოხელეები მთელმა სოფელმა უნდა ამოირჩიოს, ეს დაწყობილობა კანონისა კარგი დაწყობილობაა, ამიტომ რომ ვინ უფრო კარგა იცნობს სოფლის კაცსა, თუ არ ისევ სოფლის კაცივე, ამისათვის კანონის ძალით ნება მიეცათ გლეხებს რომ თავიანთ სოფლის მოხელეები თითონვე ამოერჩიათ, — მერე ამორჩევის შემდეგ ამტკიცებს მთავრობა.

პირველი ამორჩევა მოხელეებისა ამ სამის წლის წინათ მოხდა. ამ სამს წელიწადში სოფლის ხალხი, რასაკვირველია ავსა და კარგს გამოსცდიდა, ნახამდა საქმესა და ეხლანდელ წესს უწინდელსას შეადარებდა. თუ კარგი მამასახლისა, კარგი მოსამართლეები, კარგი ნაცვალნი იყო სოფელში, ამაზე რასაკვირველია გლეხი კაცები მაშინვე შეიტყობდნენ ახალი კანონის სიკეთესა. ამას გარდა სოფლისთვისაც სახელია, რომ კაი კაცების ამორჩევა სკოდნია, სიფრთხილით მოქცეულა და ილალ ბედათ არ მისდგომია: ვინც უნდა იყოს, სულ ერთიაო, ის ამოვარჩიოთო. ეს იმისთანა სოფელზედა ვთქვით რომ კარგათ მოქცეულან და კარგი კანონი კარგათ აუსრულებიათ. სოფლისთვისაც ხეირია, სარგებლობაა, რაღა თქმა უნდა.

მაგრამ ახლა იმ სოფელზე მოვილაპარაკოთ, რომ კარგი კანონი, ან შეცდომით, ან დაუდევრობით კარგათ არ აუსრულებიათ. კარგი და სასარგებლო კანონი ცოდვია რომ კარგათ არ სრულდებოდეს და ცუდო საქმეა კაცმა თავისი სარგებლობა არ იცოდეს. ამისაგან ის წარმოსდგება, რომ კარგს კანონს არას დასდევენ და იძახიან, სულ ერთია ჩვენთვისაო, გინდ ძველი კანონი იყოსო და გინდ ახა-

ლიო. არა ეს შეცდომაა, ტყუილია, სოფლის ახალი კანონი კარგი კანონია და ამაზე ექვი არ უნდა შევიტანოთ, ეს ექვიანობა უნდა დავარღვიოთ.

რისგან მოხდება ექვიანობა, იმისაგან, რომ კარგი მოხელეები არ ამოარჩიეს გლეხებმა ზოგიერთ სოფელში. ზოგ მამასიხლისზე, ზოგ მოსამართლეზე სოფელი უკმაყოფილო დარჩა; მაგრამ ვისი ბრალია? კანონმა ნება მისცა სოფელსა, რომ თავიანთი მოხელეები თითონვე ამოერჩიათ, რატო კარგი კაცები არ ამოირჩიეს. აი საქმე ეს არის რომ კაი ამორჩევა მოახდინონ.

რასაკვირველია, ის პირველი ამორჩევა იყო ამ სამი წლის წინათა, ახალი საქმე იყო, საფელი ჯერ არ შეჩვეულიყო ახალ კანონის წესებსა; ახლა კი საქმე კარგათ უნდა დააწყონ, კარგათ აიღონ. და დაიღონ, კარგა უნდა დააფასონ კაცი და ისე ამოარჩიონ. ეს საქმე დიდი საქმეა; ამიტომ რომ თუ კარგი მოხელე არ ამოარჩიეს, რაც მოხელესაგან ურიგო; უკანონო და უსამართლო საქმე გამოვა, იმისი ბრალი კი არ იქნება, სოფლის ბრალი იქნება; იმისთანა კაცს რათ ირჩევდნენ და ქვეყნის ცოდვის მიზეზნი რათა ხდებოდნენ.

დიდი ვალი აწევთ კისერზე, რომ კაი სიფრთხილით დაიჭირონ ეს საქმე; დაუდევრობა არ შეიძლება, ერთმანეთზე საქმის მიგდება არ შეიძლება. დღეს ხვალობაა, ადამიანობაა, ვინ იცის, რა საქმე იყოს, რა მოხდეს, დღეს არაცერი საქმე არა გვაქვს, ხვალ ვინ იცის რა საქმე დაგვიკირდა მოხელესთანა. ამიტომ კიდევ ყველამ ერთად, მთელმა სოფელმა ერთპირათ უნდა დაიჭიროს საქმე, როდესაც მოხელეებს ირჩევენ. როგორც ვთქვით, დაუდევრობა ცოდვაა, ერთმანეთზე საქმის მიგდება არ შეიძლება, ხურც ვიტყვით არა მცალიან აი ისინი მოილაპარაკებენ და ამოირჩევენ ვინც იქნებაო, — არა ეს ცუდი საქმეა და ახლა რომ ასე ვიძახოთ მე არა მცალიაო, ხვალ ვინ იცის, ხუთი იმოდენა დრო დავკარგოთ, მუშაობასაც მოვცდეთ დრომ ფუჭად ჩავგვიაროს; ან იქნება ისეთი უკანონო და უსამართლო საქმეები ვნახოთ, რომ ვიძახდეთ, ვაი, ვაი, ამისთანა კაცი როგორ ამოარჩიასოფელმაო. აბა მაშინ უნდა გკითხოს კაცმა, ეხლა შენ, შეილო, მაგრე ლაპარაკობ, როცა დრო იყო, სადა ბრძანდებოდით. აბა იფიქრეთ ყველა ესეები, ტყვილია თუ არა. კარგ კაცს ამოირჩევთ, თქვენთვის იქნება კარგი, ავს ამოირჩევთ თქვენთვის იქნება ავი: ორივე თქვენი საქმეა, კანონი თქვენ გენდობათ ამ საქმეში.

რადგანაც ამ ახლო ხანებში იქნება სოფლის მოხელეების ამორჩევა, სოფელი ეხლავე ამის ფიქრს უნდა შეუდგეს, თუ რომელი და

რომელი კაცი გამოირჩიოს და როგორ გამოირჩიოს. ამისათვის მოვიტან კანონებიდგან. რაც ამ ამორჩევისათვის არის საჭირო.

წესდებაში სოფლის საზოგადოებათა მოხსენებულთა: (მუხლი 52 და 53) სოფლის მოხელენი ზოგნი არჩევით დაინიშნებიან და ზოგსა ან ჯამაგირით იჭკრენ ან რჩევით დაინიშნენ. არჩევით დაინიშნებიან: სოფლის მამასახლისი, ნაცვალი, საცა დაწესებულნი არიან; და სოფლის მოსამართლეები (სუდიები). ესენი უთუოდ უნდა აირჩიონ. (54) სხვა მოხელეები: გზირები, მეველეები, მერუეები და სხვანი როგორც უნდა სოფელს ისე დააყენებს; თუ უნდა ჯამაგირითა, თუ უნდა ისე არჩევითა და ვინც უნდათ, ოღომც კაი ყოფა-ქცევისა იყოს. (მუხლი 55) მამასახლისათ, ნაცვლათ და სოფლის მოსამართლეთ ვერ დაინიშნებიან ოცდახუთ წლისაზე ახალგაზრდანი, ვერ დაინიშნებიან სამართლის გადაწყვეტილებით გალახულნი და ეჭვქვეშ დატოვებულნი და ცუდის ყოფა-ქცევით გათქმულნი; ამასთანავე მამასახლისი, ნაცვალი და მოსამართლეები უფრო სახლის უფროსები უნდა იყვნენ. (56) მამასახლისი და სოფლის მოსამართლეები სოფლის ყრილობამ, სოფლის თემმა, უნდა ამოირჩიოს. (57) ნაცვალი უნდა ამოირჩიოს იმ სოფლის თემისაგან, საცა ნაცვლათ უნდა იყოს. (58) ამორჩეული მოხელეები სამი წლით უნდა იყვნენ, ხარჯის მომკრეფი — მარტო ერთის წლით. ჯამაგირით დაჭერილი მეველეები, მერუეები და სხვანი რამდენი ხანიც უნდათ.

თუ შემდეგ სამ წელიწადს კიდევ ახლად მოინდომა სოფელმა ძველი მოხელეების ამორჩევა, შეუძლიათ ამოირჩიონ, თუ ძველი მოხელეები ამაზე უარს არ იტყვიან. (59) მამასახლისათ, სოფლის მოსამართლეებათ და ნაცვლათ თითო მოხელეობისათვის ორი უნდა ამოირჩიონ, რომ ვინცობაა მოხელის ადგილობრივ არ ყოფნის დროს, ან სიკვდილია, ან მძიმე ავადმყოფობა, მოხელის ადგილი დაიჭიროს. (60) სოფლის საზოგადოებისაგან ამორჩეულს არ შეუძლიან უარი სთქვას მოხელეობაზე, თუ შემდეგი მიზეზი არ აქვს: თუ საშოცი წლისა მეტია, თუ ადრე მოხელეობა გაუწევია სრულათა თავის ვადადის, თუ მეტათ დასწეულებულია და ნიადაგ ბინა სოფლის საზოგადოებაში არ აქვს თავის საქმეთა გამო. ამ შემთხვევებულს წესის წინააღმდეგ თუ ამოირჩიეს გლეხი, მას შეუძლია იჩივლოს მახლობელ მთავრობასთან. დროებით ვალდებულნი გლეხნი ამ გეარ საჩივარს შეიტანენ მირთვის პოსრედნიკთან. (61) მამასახლისი და სოფლის მოსამართლენი დამტკიცდებიან თავიანთ თანამდებობაში უფედის ან ოკრუგის ნაჩალნიკის წარდგინებით გუბერნატორისაგან. ნაცვლები დამტკიცდებიან უეზდის ან ოკრუგის ნაჩალნიკისაგან; დროე-

ბით ვალდებულ გლახებისაგან დამტკიცდებიან ან უეზდის ოკრუგის ნაჩალნიკისაგან მიროვის პოსრედნიკის თანხმობითა.

(63) თუ მოხელეთ უკანონოთ ამორჩევაზე ან უკანონო არჩევის მოხდენაზე ორ კვირის განმავლობაში სოფლის სახლის მეუფროსეთ მეხუთედ ნაწილისაგან საჩივარი შევიდა, უეზდის ან ოკრუგის ნაჩალნიკი განხილვაში შევა და თუ ჩივილი მართალია თავის დასწრებითვე მოახდენინებს აქალ ამორჩევასა.

აი ეს კანონი, აქ მოგვაქვს რომ მოვავროთ ჩვენს გლახებსა; რა რიგათ უნდა მოახდინონ მოხელეების ამორჩევა. ეხლა ეს უნდა მოვიხსენიოთ: რადგანაც ზემოთ მოვიხსენიეთ, რომ სოფლის მამასახლისი და მოსამართლეები სოფლის ყრილობისაგან უნდა აირჩივნენ, ახლა უნდა სწორედ წავიკითხოთ ყრილობაში რომელ გლახს შეუძლია იყოს და რომელს არ შეუძლია. (71) სოფლის ყრილობას შეადგენენ ყოველნი, რა სარწმუნოებისაც უნდა იყვნენ, სრულ ასაკოვანნი სახლის მეუფროსენი გლახნი (ოცდაერთის წლისანი), რომელნიც სოფლის საზოგადოებას ეკუთვნიან და კამერალის აღწერით ცალკე კომლათ ირიცხებიან. ამათ გარდა ამორჩეულნი სოფლის მოხელენი.

სახლის მეუფროსეს, თუ თითონ არ შეუძლიან ყრილობაში ყოფნა, ან ავად არის, ნება აქვს თავის მაგიერ თავისის სახლიდგან ვინმე გაგზავნოს ყრილობაში.—ყრილობაში არ შეიშვებიან გლახნი, რომელნიც არიან გამოძიების და სამართლის ქვეშ ისეთ დანაშაულობათა და შეცდომათა გამო, რომლისათვისაც დამნაშავენი მოკლებულ იქნებიან კანონით, ყოველ უფლებათა და პატივთა პირის პირ და წოდებით მათდა მითვისებულთა. ამას გარდა ყრილობაში არ მიიშვებიან ის გლახნი, რომელნიც სასამართლო ადგილების გადაწყვეტილებით პოლიციის მხედველობის ქვეშ არიან მიცემულნი.

(13) სოფლის ყრილობის გარდაწყვეტილება მაშინ არას კანონიერი, როდესაც ყრილობაში დამსწრე ყოფილა მამასახლისი ან მისი მოადგილე; ამას გარდა უქველათ უნდა იყოს სოფლის მეუფროსეთ ნახევარი ნაწილი.

ამ რიგათ უნდა მოხდეს სოფლის ყრილობა. ყრილობაში მოხელეების ამორჩევის საქმე გადაწყდება ან თანხმობითა საერთოდ ან მეტის ნაწილის ხმითა. გლახები ორათ უნდა გაიყონ და დასავალონ ორივე მხარე, ვინ უარზეა და ვინ თანახმაა, საითაც მეტი ხმა იმისი გარდაწყვეტილება აღსრულდება, თუნდა რომ ერთი ხმაც მეტი იყოს. ხმის მოგროვება კიდევ სხვა გვარათ შეიძლება, როგორც სოფელში ადათია.

როგორი კაცები ამოირჩიოს სოფელმა და რა სახით მოახდინონ ამორჩევა კანონიერათ, ამაზე კიდევ მოვილაპარაკებთ.

II

ამ გაზეთის წარსულ კვირის წინა ფურცელში მოვილაპარაკეთ, რომ ახალი კანონების კარგათ ასრულება თვითონ სოფელზედა ჰკი-
დია და კარგი მოხელეები არიან სოფელში თუ ცუდი ეს სოფლის
ბრალია. ამისათვის სოფელმა, კარგა ფრთხილათ უნდა ამოირჩიოს
მოხელეები, რომ მერე სავაგლახო აღარ გაუხდეთ მთელი სოფლის
საქმეცა და სათითაოდ ყველა გლეხის საქმეცა. ამასთანავე მოვიტანეთ
კანონის დებულებაცა თუ როგორ უნდა მოახდინონ აღმორჩევაცა.

ეხლა ჩვენ დაწვრილებით უნდა მოვიხსენოთ რა და რა მიზე-
ზისაგან მოხდება, რომ კარგ მოხელეებს ვერ არჩევენ ზოგიერთ ად-
გილასა.

აი ვსთქვათ სოფელში მოვიდა მოხელეების ამორჩევის დრო. გლე-
ხოზა, რასაკვირველია, კაცებს ეძებს. ხალხი ეძებს გამოცდილ, მკოდნე
კაცებსა. გამოცდილები ძველი მოხელეები არიან. ზოგნი ეჭვობენ
იმათ ამორჩევაზე, რადგან ადრე ის მოხელე უკანონოთ იქცეოდა და
ქრთამს იღებდა. ან უსამართლოთ ირჯებოდა. ამას, რასაკვირველია,
ყველა სოფელზე და ყველა მოხელეებზე არ ვამბობთ რომ ასე უკა-
ნონოთ ირჯებოდნენ, მაგრამ ზოგან ყოფილან: ამათ ამორჩევაზე ზო-
გი თუშკა თანახმა არ არის, მაგრამ იძახის ეპ რა ვქნათ გამოცდილა
კაციაო. ამასთანავე შეიძლება მოხდეს, რომ ამისთანა მოხელემ ზო-
გი გლეხიც მოიმხროს, რადგანაც ჯიბის გამსება უნდა უსამართლო-
თა და უკანონოთა.

აი ამას არ უნდა დაჰყვნენ სოფლის ჩვენი გლეხები. გამოც-
დილება საქმისაგან არის, სულ ახლად ამორჩეული მოხელე ჰკვიანი
და მართალი კაცი მალე გამოიცდება, ამას ფიქრი არ აქვს. თავის
საქმეს მალე შეიტყობს და თუ ჰკვიანი და სვინდისიანი კაცია, უფრო
კარგათ შეიტყობს, უფრო მალე გამოიცდება. ძველ გამოქნილ უკანო-
ნო, მოქრთამე და უსამართლო კაცებს დავეხსნათ, თავი დავანებოთ,
თორემ თავის დღეში ჩვენ ვავლახს ვერ გადავრჩებით.

ძველ ავ კაცებს რომ თავს ვანებებთ, ახალ კაცების ამორჩევა-
ზედაც ფრთხილათ უნდა ვიყოთ. ზოგს ახალ კაცებს იქნება თითონ
უნდოდეთ, რომ მოხელეთ ამოირჩიოს სოფელმა, იმ ფიქრით რომ
სოფლის საქმეები ხელში მექნებაო და ჯიბეს კარგა ავიმსებო. ამი-
სათვის იქნება შომხრე კაცებიც იშოვნოს გლეხებში, დააჯეროს, რომ
მე პატრონობით, სიმართლით, და უქრთამოთ გავაკეთებ საქმე-
საო, კანონიერად მოვიქცევიო. ამისთანა კაცებსა უნდა ერიდოს სო-

ფელი, იმიტომ რომ რაკი მოხელეობას დაიწყებს, იქნება ძველ უსამართლო მოხელეებს გადააჭარბოს. ამგვარათ ხალხი მოტყუვდება და ამისაგან არის კიდევცა, რომ ზოგ სოფელში იძახიან, ვინც უნდა დავაყენოთ მაინც თავისას არ იშლიანო, უსამართლოთ და უკანონოთ ირჯებიანო, აი იმიტომ კიდევც ამაზე სიფრთხილე უნდა ახალ კაცების ამორჩევაზე.

კაი კაცივით ლაპარაკი ყველას შეუძლია. ქურდსაც, კაცის მკვლელსაც, მოქრთამესაც, უსამართლოსაც, ქერივის და ობლის დამჩაგვრელსაც, ლარიბის თავში მცემელსაც, მაგრამ საქმე ის არის, რომ მანამ კარგა არ შევიტყოთ იმის კაი კაცობა, იმისთანა კაცს არ უნდა დავუჯეროთ, არ უნდა მოვტყუვდეთ.

სიფრთხილე და სიფრთხილე გემართებს. სათანადოთ უნდა ვეძებოთ და ვიპოვნოთ კაი მოხელეები.

მაშ რა ნაირი კაცები ამოვირჩიოთ, აქ უნდა მოვიხსენიოთ. ჩვენ გვინდა ჭკვიანი, მართალი, ადამიანისათვის თავგადადებული გამჭირახე კაცები.

ჭკვიანი კაცის საჭიროება ყველამ იცის. ქვეყანაზე ძვირფასი ჭკუისთანა არა არის რა. ჭკუა ბევრ გაჭირებიდგან გამოიყვანს კაცს. ჭკვიანი კაცი ქვეყანას სიკეთით აავსებს, ჭკვიანი სხვასაც გააჭკვიანებს და ბევრ უბედურებისაგან გამოიხსნის. მაგრამ ჭკუასთან თუ კაცს სიმართლევც არა აქვს, კეთილი ხასიათი არა აქვს, ქვეყანას დააქცევს, მართო თავის სიკეთეს და სიმდიდრეს ეძებს და სხვამ თუნდა თავი ქვასა ჰკრას არ ენადვლება. მართალი კაცი ლარიბისა, ქერივისა და ობლის მფარველია; ყელამდის რომ ოქროში ჩასვა, გროშს არ დააკლებს, უსამართლობა ეჯავრება და ყველასაგან ნდობა აქვს, ყველა ერწმუნება. აი ამისთანა კაცია საჭირო სოფლისათვის.

რა სოფელი იქნება, რა ხალხი იქნება რომ ამ გვარი მართალი კაცი არ იყოს. ამისთანა კაცი ლარიბებში უფრო ბევრია, მაგრამ ესენი გულით და სიკეთით მდიდარნი არიან. აი ამისთანა კაცებს უნდა ვერწმუნოთ. იმათ კი ნუ დავუჯერებთ, ვინც კარგი ლაპარაკი იცის სიმართლეზე, ავზე და კარგზე და ვინც სიტყვით ასეთ სიკეთესა გვპირდებიან, რომ ეს არის ჩვენი საქმე გაკეთდო და ესენი იქნებიან კარგი მოხელეებიო. საქმით კი, ვინ იცის, რამდენი ლარიბისა, ქერივისა და ობლის ქონება და მამული დაურბევიათ, რამდენი საწყალი დაუჩაგრავთ და რამდენი უცხო კაცი და ნათესავი შეუწუხებიანო. არა, ამისთანა მატყუარა მოლაპარაკე კაცები არ გვინდა.

ჩვენ ისინი მოვიწოდომით, ვისაც ალალ-მართალი ლუკმა პური უჭამიათ თავის ოფლითა, ვისაც თავისი სიცოცხლე სიმართლით გაუტარებია და ყელამდინ რომ ოქროში ჩასვა ერთს არ დააკლებდეს. მაგრამ ბევრჯერ მოხდება, რომ კაცი მართალი, სვინდისიანი იყოს, მაგრამ შორხედველი ჭკუისა არ იყოს. ამისთანა მართალი კაცი არ გამოვადგება იმითომ, რომ ჭკუის პატრონი ავი ხასიათის კაცი იმას მოატყუებს თავის სარგებლობის გულისათვის. გაჭირებაში ხერხის მოგონება გაუძნელდება და ამით საქმე წახდება. რასაკვირველია, ისევ უსვინდისო ჭკვიან კაცს მართალი კაცი უნდა ვირჩიოთ. მაგრამ ყველას ისა სჯობია, მოვებნოთ ისეთი კაცი, რომ ორივე ღირსება ჰქონდეს: ჭკვიანიც იყოს და მართალიცა. მოკლე ჭკვიანი და მართალი კაცი გვინდა.

ამ ორ კარგ თვისებას უნდა გამჭირახობაცა. საქმეში გამჭირახობა დიდი საქმეა. ბევრი ჭკვიანი კაციც ვიცით და მართალიცა: საქმე აქვს რამ გასაკეთებელი, დღეს ხვალობაზე აგდებს საქმესა, ჰაი დღეს გავაკეთებო, ჰაი ხვალაო; ამაობაში ერთიც ვნახოთ, საქმე დატრიალდა და გაფუჭდა, ან თუ საქმეს აკეთებს ისე არ იწყებს, როგორც საჭიროა, ან არა და ერთ საქმეს რომ აკეთებს მეორე ვეღარ გაუკეთებია, თუ ორივეს თავს უდებს ვერ მოუხერხებია; თუშტა ცდილობს, მაგრამ ხერხი არ იცის, ოსტატობა არა აქვს. ამიტომ კიდევცა გამჭირახე, ხერხიანი, ხელჩქარი და მომარჯვებული კაცია საჭირო.

დიდი ხანია რუსეთის სოფლებში პურის მალაზიებია გამართული, რომ ვინიცობაა შიმშილია, ან დაჭარბა, იმ პურის მალაზიებიდგან ხელი გაიმართოს და ბევრჯერ გაჭირვების დროს ძალიან შექწვობასაც აძლევს გლეხობას თუ სათესლეთი, თუ ისე პურათა. ამ გვარი პურის მალაზიები ჩვენს სოფლებშიაც ზოგან გამართეს ამ ახლო ხანებში და საჭიროც არის, რომ ყველგან დაწესდეს ამისთანა მალაზიები.

ამას გარდა ზოგიერთ სოფლებში გლეხობა ფულსა ჰკრავს სოფლის საზოგადოებაში თავისის ნება-ყოფლობითა და ბანკსა. მართავს. ამ ბანკიდგან ვისაც გაჭირება ადგია ფულს იღებს ცოტაოდენ სარგებლით და ხელს იმართავს. ესეც ძალიან საჭირო რამ არის ჩვენი გლეხობისათვის, რადგანაც ეხლა ძალიან ბევრნი ფულს დიდის სარგებლით იღებენ ვაჭრებისაგან და დიდ ვალში ვარდებიან. ბანკი ამ შემთხვევაში ძალიან უშველიდა სოფლის ხალხსა.

ამის გარდა ძალიან საჭირო რამ არის შკოლების გამართვა; ამას ლაპარაკი აღარ უნდა, ჩვენმა გლეხმა ძალიან კარგათ იცის,

რომ წიგნის ცოდნა ძალიან საჭიროა და თუ წელში გამაგრდა, შკოლის გამართვაზეც უარს არ იტყვის.

მაგრამ პურის მაღაზიის, ბანკის და შკოლის გამართვას კაი მოთავე კაცები უნდა. თუ არ ქვეყნის სიკეთის მოსურნე კაცი, ქვეყნისათვის თავგადადებული ამისთანებში არ გამოდგება. სოფლის სიკეთის ზრუნვა მოხელეების მოვალეობაა, და ზემოთ რომ მოვიხსენებთ მოხელეებიც იმისთანა საქმის მოთავეები უნდა გვყავდეს. მოხელეები სოფლისათვის თავგადადებულნი უნდა იყვნენ, სოფლის სიკეთეს და თავის საკუთარ სიკეთეს არ უნდა არჩევდნენ, როგორც თავისი თავისა და ცოლ-შვილის სიკეთე სურთ, სოფლის სიკეთეც ისე უნდა ჰსურდეთ. ღარიბისა და ობლის მფარველნი უნდა იყვნენ. არამც თუ ღარიბისა, მდიდრისაცა, რომ უსამართლობით გროში არვის არ დაეკარგოს, არავის არ წაერთვას, არავინ არ დაიჩაგროს.

ამასთანავე პატიოსნობა, რიგიანობა, წესი და სიფაქიზე უნდა ჩამოაგდონ სოფელში. სახელმწიფო ხარჯი წესით და სიმართლით მოაგროვონ და კანონი რიგიანათ აასრულონ. ამისთანა კაცი სოფლისათვის ზრუნველათ უნდა იყოს, სოფლის მოხელე ამისთანა კაცი უნდა მოვძებნოთ და ამოვარჩიოთ.

აი ეს ოთხი თვისებაა საჭირო, რომ კაცი ამოვარჩიოთ: მოხელე უნდა იყოს ჭკვიანი, მართალი, გამჭრიახე და სოფლისათვის მზრუნველი, თავგადადებული.

რისგან წარმოსდგება ქარი?

ბუნების კანონია, რომ თბილი ჰაერი განზედ იწევს, თხელდება და მსუბუქდება, აგრეთვე ბუნების კანონია, რომ ყველა მსუბუქი ზევით მიდის, და მძიმე კი თავისზე მსუბუქს ქვეით იწევს; ამ ბუნების კანონისგან წარმოსდგება ქარი.

როდესაც ჰაერს ყველა ალაგს ერთ ნაირი სითბო აქვს,—ერთ ნაირი წონაც ექნება. და მაშინ ჰაერი არც ზევით აღის და არც ქვეით ჩამოდის—წყნარად არის; მაგრამ თუ რომელიმე ალაგას ჰაერს გათბა, ან გაცივდა,—წონაც შეიცვლება და მაშინ ის დაიწყებს ზევით-ქვეით და გვერდებდაგან დენას,—ქროლას.

მაშ გამოდის, რომ როდესაც ჰაერს ყველგან ერთ-ნაირი წონა აქვს, მაშინ ისა დგას—წყნარად არის; და როდესაც სადმე წონა შეეცვლება სითბოსა და სიცივისაგან მაშინ რყევასა და დენას დაიწყებს. ვსთქვათ, ერთ რომელიმე ალაგას გათბა ჰაერი; ეს გამთბარი ჰაერი გათხელდება და გამსუბუქდება კიდევ; ამ სუბუქ ჰაერს გვერდებიდან ცივი, მძიმე ჰაერი მოაწვება და რადგან სუბუქია, ზევით აიტანს და იმის ალაგას თვითონ ჩადგება. ეს ერთი წამში არ მოხდება ხოლმე. არამედ ცივი ჰაერი თბილის ალაგს იმდენ ხანს იდენს, ვიდრე ორივე ალაგას ერთი სითბოსი და ერთი წონისა არ შეიქმნება. ამ ჰაერის დენას ეძახიან ქარს. ავიღოთ მაგალითად ერთი კუნძული, რომელიც დედა-მიწაზედ მოშორებით არის ზღვაში (კუნძული არის ხმელეთი, რომელსაც გარეშემო ზღვა ახვევია).

ჯერ უნდა ისა ვსთქვათ, რომ დედა-მიწა წყალზე მალე გათბება ხოლმე. კუნძულს რომ მზე დაადგება, მაშინ კუნძული უფრო ჩქარა თბება, ვიდრე გარეშემო მყოფი ზღვა; აგრეთვე დედა-მიწის ჰაერიც ზღვის ჰაერზედ მალე გათბება ხოლმე; ამისა გამო, როდესაც მზეა—კუნძულის თბილი ჰაერი ავა ზევით, და ზღვის გრილი ჰაერი კი კუნძულის ყველა ნაპირებიდან დაიწყებს იმის ალაგას დენას; ზღვის ჰაერის დენისაგან კუნძულის ნაპირებზედ მზიან დღეში ყოველთვის გრილი ნიავე უბერავს ხოლმე (ზღვის ნიავე). დამე ეს დენა უკუღმა შეიცვლება ხოლმე. კუნძული ზღვაზე უფრო მალე ცივდება;

აგრეთვე კუნძულის ჰაერიც ზღვის ჰაერზედ მალე ცივდება ხოლმე. გაცივებული კუნძულის ჰაერი ზღვის თბილი ჰაერის ალაგას დაიწყებს დენას და ნაპირებზედ ადგება ქარი. ეს ჰაერი იქამდის იდენს, მანამ კუნძულზედა და იმის ნაპირებზედ ჰაერი არ გაერთნაირდება და გაერთ-წონავდება.

მთელ დედა-მიწის ზურგზედაც სწორედ ესე მოხერხდება ხოლმე. დედა-მიწის სახე მიემსგავსება ერთ უზარ-მაზარ ბურთს, რომელსაც ზევითი პირი ოღრო-ჩოღრო აქვს მთებისაგანა და ხევებისაგან. დედა-მიწისთვის თავი და თავი სითბოს მიმცემი არის მზე. რადგან დედა მიწას ზევითი პირი მომრგვალებული აქვს, ამისათვის მზე ერთნაირად არ ათბობს მთელ იმის ზურგს: რომელი მხარეც მზისაკენ აქვს ამომჯდარი, იმას მზის შუქი პირდაპირ ეცემა და ის ალაგი უფრო ძალიან თბება; მაგრამ რომელი მხარეც პირდაპირ მზისაკენ არა აქვს მიქცეული, იმას მზის შუქი გეხათ ხვდება და ზოგან მხოლოდ გაეხახუნება და შორს მიდის, იკარგება; — ამის გამო, რომელ ალაგებსაც პირდაპირ არა ჰვდება მზის შუქი — ის ალაგები ან გრილი ან ცივი არიან (რამდენიც უფრო ცერად ჰხვდება, იქდენი უფრო ნაკლები სითბო აქვს), და ამ მიზეზისა გამო დედა მიწაზე სამ ნაირი ჰაერის ზოლია; ცხელი, გრილი და ცივი. ცხელი — დედა-მიწის შუა სარტყელია (ზოლი), გრილი — სარტყლის აქეთ იქითი ზოლებია და ცივი — დედა-მიწის ბურთის ბოლოებია (მაშ დედა-მიწის ბურთზედ ხუთი ჰაერის ზოლია: ორი ცივი, ორი გრილი და ერთი ცხელი. — ზოლები მკითხველმა ძალიან ბრტყელები უნდა წარმოიდგინოს).

ყველა ამ ზოლს თავისი შესაფერი ჰაერი აქვს, ესე იგი: ცხელს — ცხელი, ცივს — ცივი და გრილს — გრილი. მაშ გამოდის რომ დედა-მიწის ზურგზედ სამი გვარი ჰაერის ზოლია: ცივისა, გრილისა და ცხელისა. ამის გარდა, რადგან დედა-მიწა ტრიალობს მზის გარშემო, ალაგები ერთ დროს არა აქვს მზისკენ მიქცეული და ამისაგან წარმოსდგება, რომ სხვადასხვა ალაგას ზამთარი და ზაფხული სხვადასხვა დროს მოდის ხოლმე, ასე რომ, როდესაც სამხრეთ აფრიკაში ზაფხულია და ცხელა, მაშინ სამხრეთ აზიაში ზამთარია (აფრიკა და აზია მთელი ქვეყნის ორი ნაწილია, რომლებშიაც რამდენიმე სხვადასხვა სახელწოდებები არიან). რადგან სხვადასხვა სითბოსი და წონის ჰაერი ვერ იქნება წყნარად, ამის გამო მთელი დედა-მიწის ჰაერიც ყოველთვის დენაში და რყევაშია. ზაფხულის და ზამთრის სითბოს სხვადასხვაობა ჰბადებს ერთ გვარს, დროგამოშვებით ქარს (ამ ქარს ეძახიან მუსსონს); ხოლო დედა-მიწის ბურთის შუა და ნაპირის

ზოლების სითბოს სხვადასხვაობა ჰბადებს მეორე გვარს, გამუდმებულს ქარს (პასსატი ქვიან ამ ქარს).

თბილ ალაგებში ჰაერი სითბოსაგან თხელდება; ცივ ალაგებში კი სქელდება და მძიმდება. ცივი ჰაერი თავის სიმძიმით თბილ გათხელებულ ჰაერს აწევბა გვერდებიდგან, ააქვს ზევით და იმის ადგილას დენას იწყებს; თბილი ჰაერი რომ ზევით აღის იქ ცივდება და ჩამოდის იმ ალაგას, საიდანაც ცივი ჰაერი მოდის; ცივი ჰაერი რომ მოვა თბილი ჰაერის ალაგას, იქ ისიც თბება, მსუბუქდება; მერე ამას სხვა ცივი ჰაერი აწევბა და ახლა ეს ააქვს ზევით,—და ამ გვარად იქამდის მოდის და მოდის ეს ჰაერი, მანამ ორივე ალაგას ერთი სითბოსი და ერთი წონისა არ შეიქმნება.

დედა-მიწის ბურთის ნაპირი ზოლების ცივი ჰაერი თავის სიმძიმით აწევბა შუა ზოლის ცხელ, მსუბუქ ჰაერს და ააქვს ზევით; აქედგან წარმოსდგება ჩრდილოეთიდგან და სამხრეთიდგან ჰაერის დენა ან ჩრდილოეთის და სამხრეთის ქარი; ზევით ატანილი თბილი ჰაერი ცივდება, იყოფა ორად და ჩრდილოეთისა და სამხრეთისაკენ მიდის, იქილამ მოსული ჰაერის ალაგას, რომ კიდევ ხელმეორედ იდინოს დედა-მიწის შუა ზოლისაკენ. ასე მუდამ და დაუტყბრომლივ დენაშია სამხრეთისა და ჩრდილოეთის ცივი ჰაერი ცხელის ალაგას და ცხელი—გაცივების შემდეგ—ცავის ალაგას. ამ მიზეზისაგან წარმოსდგება ჩრდილოეთისა და სამხრეთის მუდამი ქარი.

დაუდგრომელი ქარები წარმოსდგებიან ქვეყნის მოყვანილობისაგან, ესე იგი მთებისა, ხევებისა, ზღვისა და სხვ. მიზეზებისაგან; აგრეთვე იმისაგანაც, რომ მუდამი ქარები ერთმანეთს შეხედებიან ხოლმე.

ცხოვრებაში ქარსაც სარგებლობა მოაქვს კაცისათვის. ქარი ცხელ ქვეყნებს აგრილებს, ჰაერსა სწმენდს და ამას გარდა ზღვის წყალი მიაქვს ორთქლად ხმელეთზედა და იქ აწვიმებს. ნაცადია, რომ ზღვის წვიმა უფრო რგებს მიწის მოსავალს, ვიდრე მდინარე წყლებისა და სხვა ორთქლის წვიმა. რომელი ქარიც ზღვის მხრიდგან მოდის, ის ქარი ყოველთვის მარგებელია ქვეყნისთვის, მაგრამ თუ ქარი უდაბური მინდვრებიდამა ჰქრის—მაშინ მიწისთვის მაწყინარია, რადგან თვითონ ხმელია და მიწიდგანა და მცენარეებიდგან აწოვს იმათ სისველეს და ამ გვარად ახმობს ყოველისფერს.

ჩვენი გლახების გადასახლება

ჩვენი გლახების გადასახლების ამბავი შევიტყუეთ, რომ ზოგიერთ ადგილებიდან სხვაგანა სახლებიან. რაჭიდან ორმოცი კომლი აპირობს ქართლში გადმოსვლასა და იმისთვის კაცები გამოუგზავნიან, რომ ადგილის თაობაზე მორიგდნენ. ამას გარჯა ქართლიდან რამდენსამე კომლს ყარაიაზის მინდორში უნდათ დაბინავებოდნენ და ამისთვისაც კაცები გაუგზავნიან ადგილის გასაშინჯავათ.

გლახი კაცის გადასახლება სახლკარით და ცოლშვილით, ერთი სიტყვით სხვაგან ბინის მოკიდება ისეთი ძნელი რამ არის, რომ კარგა სიფრთხილედ და კარგათ გასინჯვა უნდა საქმესა. გლახმა კაცმა უნდა შეიტყოს თუ ახალ ბინის ადგილი რა ადგილია, რა მიწაა, რა სიტხე და სიტყვე იცის, რა ავადმყოფობა იცის იმ ადგილმა, რა წვიმები და ნიაღვრები იცის, რა მომცემი მიწა არის, რომელი მოსავალი უფრო კარგათ მოდის, წყალი აქვს თუ არა, რა გზები აქვს, რა ტყეები აქვს, რა საბალახე და საძოვარი აქვს, ქალაქებთან ახლოა თუ შორსა, გარეშემო ხალხი ახვევია და რა ხალხი ახვევია. ამასთან ისიც უნდა იცოდეს, თუ სახლებს იმ ადგილს როგორ აშენებენ, და რა ნაირი ადათითა ცხოვრობენ იქაური გლახკაცები. სხვა კიდევ ბევრი რამ არის ჩამოსათვლელი, ყველას წვრილათ ვერ მოვიფიქრებთ და ეს თითონ გლახმა უნდა მოიაზროს, რადგანაც თითონ უფრო კარგათ გაშინჯავს.

ჩვენ აქ უფრო ისეთი რამ უნდა ვილაპარაკოთ, რაც პირველი და საჭირო რამ არის.

პირველი რამ არის მამულის შოვნა, თუ რა ადგილს იპოვება ცარიელი ადგილი. მამულები არის ან სახელმწიფო, ან საეკლესიო, ან საბატონო. რასაკვირველია, ამ მამულებში, საცა გლახკაცს ხელს მისცემს, იმ ადგილს აიღებს, ამას თქმა აღარ უნდა. ჩვენ გვსურს რომ შევიტყოთ, სად რა სახელმწიფო ან საეკლესიო მამულია, რომ ჩვენი გლახისთვის შეგვეტყობინებინა, მაგრამ ამჟამად ამ ჩვენ სურვილს ვერ ავასრულებთ, თუ ღონისძიება მოგვეცა ვეცდებით შევიტყოთ და შევატყობინოთ ჩვენ სოფლის გლახებს სად რა ადგილია

ცარიელი სახელმწიფო და საეკლესიო და რა პირობით აძლევენ. აგრეთვე კარგი იქნებოდა, რომ მებატონეებსაც გამოეგზავნათ განცხადება, ვის რა ადგილი აქვს მისაცემი, რა ადგილას და რა პირობით აქირავებენ. ამ გაზეთის გამომცემლისაგან სიტყვა გვაქვს, რომ ამისთანა განცხადებას უფულოთ დაბეჭდავს ამ გაზეთში. ეს მებატონისთვისაც კარგი იქნებოდა და გლეხისთვისაც.

ჩვენ შევიტყუეთ, რომ ქართლში ერთს ორ ადგილას მებატონეებს მამულები მიუციათ გლეხებისათვის იმ პირობითა, რომ ნახევარ მამულზე ბალი მოაშენონ და ნახევარი თითონ გლეხებმა იხმარონ და როცა მოაშენებენ, ის ბალი მებატონეს უნდა დაუბრუნონ და მეორე ნახევარი სამუდამოთ საკუთრებათ დარჩეთ გლეხებსა. ამ გვარათ მამულის აღება და მიცემა მებატონებისთვისაც კარგია და გლეხისათვისაცა. გლეხისთვის იმით არის კარგი, რომ რახან ფული არა აქვს, ნახევარ მამულის მოშენებით მეორე ნახევარსა ყიდულობს, ბატონისთვისაც აგრეთვე კარგია, რომ მამული მეტი აქვს და ფულიც უჭირს და ნახევარ მოუშენებელ მამულის სამაგიეროთ მოშენებულ მამულსა შოულობს გლეხის შემწეობით; იჯარით ან დროებით რომ აქირაოს მამული, დალაზე, ან კულუხზე, ამითი მამულიც არ გაკეთდება, თანდათან უფრო და უფრო წახდება, იხე მომცემი აღარ შეიქნება, როგორც პირველათ იყო, ამიტომ რომ მამული მაშინა კეთდება, როცა ნამდვილის პატრონის ხელშია. ამისთვის კიდევ ვინც მამულს სანახევროთ იძლევა, ძალიან ჭკუიანურათ ირჯება. მეზობლობაც კარგი გაიმართება და სოფლის ხალხისთვის კარგი მეზობლობა კარგი საქმეა.

ამბობენ კიდევ ზოგნი მამულებს ისე აძლევნო, რომ მოსავალი შუაზე გაიყონო: ნახევარი გლეხს, ნახევარი მამულის მებატონეს. ეს ძალიან ძნელი საქმეა და არა მგონია, რომ გლეხმა კაცმა ამ მძიმე პირობით მამული აიღოს; ეს თითონაც კარგა იცის და ამაზე რაღა ლაპარაკი უნდა.

ბინის გამოცვლის დროსა და სხვა ადგილზე გადასახლების დროს ერთი ძნელი რამ კიდევ ადგილის სიციხე და სიცივეა. ცხელ ადგილებიდან ცივ ადგილს ან ნამიან ადგილს და აგრეთვე გრილი ადგილიდან ცხელ ადგილს გადასახლება ძალიან ავნებს კაცსა, რადგანაც ჰაერს არ არის შეჩვეული და ავადმყოფობა მოსდევს. მასუკან სახლის მდგომარეობა, ხენა-თესვა სულ სხვაგვარათ უნდა მოახერხოს და მანამ ამაებს გაარიგებს—კაციც თან გად ება.

აი ეხლა გლეხები ქართლიდან ყარაიაზის მინდორზე აპირებენ გადასვლასაო. ქართლი უფრო გრილი ადგილია ყარაიაზის მინ-

დორზე და იმათთვის არ გამოდგება. ყარაიაზის მინდორმა საშინელი სიციხეები იცის თუმცა ერთ მხარეს ტყე აქვს და აგერ სამი წელიწადია შუა მინდორში წყალი მოუღის, მაგრამ ისეთი სიციხეებიო, რომ აპრილის თვეში იქ თათრები დგანან და ისინიც კი იყრებიან, და ენკენისთვემდინ იქ აღმინანის ჭაჭანება არ არისო. სიციხეს გარდა საძაგელი გველი, მორიელი და სხვა შხამიანი ჭიაჭუა მრავალიაო. აქ თუ კიდევ გასძლებენ თათრები, რადგანაც სიციხეს არიან შეჩვეულები, თორემ ჩვენი გლეხები ვერ აიტანენ იმ სიციხესა. ამ ორმოცისა თუ ორმოცდა ათი წლის წინათ იქ რუსები დაუსახლებიათ და ეხლა იმათი კვალიც აღარ დარჩენილა. ამიტომ კიდევ კარგათ ჩადიან ჩვენი სოფლელები რომ მამულების გასაშინჯათ კაცებსა გზავნიან, აი როგორც ეხლა ქართლიდგან ყარაიაზში გაუგზავნიათ და რაჭველებს ქართლში. ეს კი საჭიროა, რომ კარგათ გაშინჯონ ადგილები და ამას გარდა არ შესცდნენ, რომ იქნება ერთ-ერთ წელიწადს, ან როგრიოდეს ან ცხელოდეს ამით არ მოტყუდნენ და ეცადონ კარგა შეიტყონ, ყოველ წელს უფრო როგორი სიციხეა ან სიციხე.

ერთი სიტყვით კაცების გაგზავნა მამულის გასაშინჯავათ ძალიან საჭირო რამ არის და ძალიანაც სიფრთხილე უნდა, რომ უფრო გამოცდილი, ჭკვიანი და მარჯვე კაცები გაგზავნონ ახალი ბინის გასაშინჯავათ.

გადასახლებისათვის დიდათ საჭიროა, რომ ახლო-მახლო სოფლის გლეხკაცები ერთათ შეერთდნენ და ერთათ დაიჭირონ საქმე, ერთათ ჭირი, ერთათ ლხინიაო, ნათქვამია. ხარჯი ერთათ რო ექნებათ, უფრო ნაკლები იქნება, ერთმანეთს მოეხმარებიან, ერთმანეთს შეაძლებინებენ. ცალ-ცალკე გადასახლება ძვირათაც დაუჯდებათ და ძნელიც არის მართობა. ამასთან მამულიც ერთათ რომ აიღონ და მასუკან ერთმანერთში გაიყონ, ესეც ამითი იქნება კარგი, რომ ხარჯის მიცემაში, ღალის მიცემაში, უფრო ნაკლებათ მორიგდებიან მამულის პატრონთან. ამიტომ რომ მამულს ერთიანათ რომ აიღებენ, მეპატონისთვისაც კარგია; რამდენიც გლეხი მეტი იქნება, უფრო მეტი ნდობა აქვს, ვიდრე ერთსა და ორ კაცსა, ჩვენ ამებზე კიდევაც მოვილაპარაკებთ.

აქ ჩვენ იმაზე არ მოვილაპარაკეთ, რომ, რასაკვირველია, კანონის ასრულება საჭიროა, რაც კი გლეხის გადასახლებას შეეხება.

სოფლის მოხელეების ამორჩევა

როგორც გუბერნატორის მოწერილობა იყო, ამ ხანებში მოხელეების ამორჩევა უნდა მოხდეს და ვგონებ ამ ენკენისთვეშივე გათავდეს. წარსულ კვირას ტფილისის უეზდის ნაჩალნიკის ჩინოვნიკი გავიდა ამორჩევის მოხდენისათვის.

სოფლის მოხელეების ამორჩევაზე ჩვენ მოვილაპარაკით მაისის თვეში და ვთხოვეთ ჩვენს სოფლის კაცებსა, რომ კიდევაც გადიკთხონ „ორიოდე სიტყვა სოფლის ახალ მოხელეების ამორჩევაზე“. ეს იყო დაბეჭდილი გაზეთის სამ წინა ნომერში მაისის 14-სა, 21-სა და 28-სა. რაც მაშინ გვითქვამს იმას ველარაფერს ვერ მოუმატებთ: მხოლოდ ამას ვიტყვი, რომ კარგა მოფიქრება, კარგი სინდისიანათ ამორჩევა უნდა. ყოველმა გლებმა უნდა იცოდეს, რომ თუ იმის ამორჩეული კაცი ცუდი მოხელე გამოდგა, ეს იმისი ბრალია, რასაც უკანონობას, უსამართლობას და უსვინდისობას მოხელე იზამს, ამაში ყველაფერში ამ უსამართლობაშიაც და უსვინდისობაშიაც მოხელე კაცის ამომრჩეველსა აქვს წილდებულობა. ამიტომ რომ იმისი ამორჩევით დაუყენებიათ ისეთი კაცი. ბრალი სოფელს დაედება თუ მოხელე რიგიანი არ გამოვიდა.

მანამ ამორჩევამდონ რაც დროა, ყველამ სვინდისიანათ უნდა იფიქროს კარგათ ასწონოს ყველა, ვისაც კი მოხელეთ დაყენება უნდა. პირფერობა, მიმბრობა მალე გამოუსადეგი გახდება, საეაგოახოს საქმეს ნუ გავიხდით და თვალი გავახილოთ, რომ ღარიბის შემწე და კეთილი გულის კაცები ამოვირჩიოთ, თავი დავენებოთ ხარბ, თვალგაუმძღარ კაცებს. ოლომც ღარიბისა და ობლის შემწე იყოს ვინმე, ხარბი და აბეზარი არ იყოს, ჭკვიანი და გამჭრიახე იყოს და არა უშავს რა, თუ ღარიბი იქნება. სიტყვა კაი კაცობაა, კაი კაცობას სიმდიდრე ვერ დაედრება. ნურც წლოვანობას უყურებთ, რომ არ იქნება, თუ ბებერი არ იყოსო. სიბერე კარგია, მაგრამ ხშირად ყმაწვილი კაცი ჭკუითა და კაი კაცობით ბევრჯერა სჯობია ბერიკაცსა.

სიფრთხილე და სვინდისიანობაა საქარო მოხელეების ამორჩევაში. დაუდევრობა, ზანტობა, ერთმანეთზე საქმის მიგდება არ შეიძ-

ლება. არ უნდა ვთქვათ, რომ ეპ მე არა მცალიან, ვინც უნდა ამორჩიონო. მერე რომ საქმე გაგვიჩნდეს და სანანური გაგვიხდეს, ცხვირში ვიცეთ, რომ რატომ მეც არ გავერიეო ამ მოხელის ამორჩევაში. საქმე ის არის, რომ ყველა ხომ დღესვე არ იქნება, ხვალისთვისაც უნდა ვიფიქროთ.

კიდევ ვიტყვით სიფრთხილე, სვინდისიანობა და საქმის დადევნება, ამორჩევის საქმეზე მუყაითობა, თორემ სანანური და სავაგლახო გაგვიხდება საქმე. კარგად დაეხსოვით, რომ თუ სოფლის მოხელეებში უსამართლობა, მექრთამეობა და უსვინდისობა მოხდა რამე, ცოდვა სოფლის ხალხს დაედება კისერზე.

ზინაური ცნობები

სასოფლო სახლოსნობის შკოლის გამართვა საქართველოში აგრეთვე დიდი საჭირო არის ეხლა, რადგანაც მხარეში ძნელი საშოვნელი არიან კარგათ მცოდნენი მებაღობისა, ღვინის დაყენებისა, თამბაქოს მომყვანისა და სხვ.; ამიტომ სხვა მხრიდგან მოჰყავთ ესენი; მაგრამ ბევრმა არ იცის მხარის ხასიათი და ვერცა რჩება აქ დიდს ხანსა. ხანდისხან ჰალალ ბედზე იწერენ სხვა მხრიდგან ამათა და ბოლოსა ჩნდება, რომ არაფერი არ იციან.

მაგრამ როგორი შკოლა უნდა გაიმართოს სასოფლო სახლოსნობისა საქართველოში, და რა უნდა ასწავლონ იქ?

პროექტის ავტორის აზრით აქ უნდა გაიმართოს იმ გვარი შკოლა, რომელშიაც შეიძლებოდეს მოემზადნენ კარგი მოურავები წვრილი და შუათანა სახლოსნობისათვის; იმგვარი შკოლა, რომელშიაც ასწავლიდნენ სასოფლო სახლოსნობას საერთოდ და განსაკუთრებით იმ ნაწილებისა, რომელნიც უფრო გამოსადეგნი არიან ჩვენს მხარეში.

უფ. სიტოვსკი არაფერს ამბობს დიდრონი სახლოსნობის მოურავებზედა და პრიკაშჩიკებზედა. პირველნი უნდა იყვნენ საფუძვლად ნასწავლნი ხალხნი და ამასთან გამოცდილნი. ამ გვარ ხალხს აქაური მემამულენი არა თხოულობენ, რადგანაც აქ ცოტა არის კარგა მოწყობილი და დიდრონი სახლოსნობანი; და თუნდა ითხოვონ კიდეცა შეიძლება ამათი გამოწერა რუსეთის შუა გუბერნიიდგანა. კარგი პრიკაშჩიკები კი მალე გვეყოლებიან კრების სახლოსნობის სასწავლებელიდგანა, მეტადრე მაშინ თუ ამ სასწავლებელს მიეცემა უფრო მეტის სწავლის საშუალება.

პირველი მომზადება შესასვლელათ მაგდენი არ უნდაო, ამბობს პროექტი; საკმაოა, რომ ყმაწვილმა იცოდეს კითხვა და წერა რუსულისა და ოთხი დასაწყისი მოქმედება არითმეტიკისა. უფ. სიტოვსკი უფრო დიდს მნიშვნელობას აძლევს ყმაწვილის წლოვანობასა და იმათ ტანის სიმაგრესა; ყმაწვილი 15-ს წელიწადზედ ქვევით არ უნდა მი-

იღონ შკოლაშიო. გარდა ამისა უნდა იყვნენ ღონიერნი და არაფერი სტკიოდეთ, რომ სახლოსნობის მუშაობა კარგათ აასრულონ.

ვადა სწავლისა, როგორც თეორეტიკული, აგრეთვე პრაქტიკული, შკოლაში არის დანიშნული სამი წელიწადი.

რაც კი შეეხება ადგილს, სად უნდა გაიმართოს შკოლა: ტფილისში, თუ სოფელში,—ამაზედ ავტორის აზრი ორად იყოფა. პირველი აზრია, რომ შკოლის გამართვა სოფლებში სჯობს, რადგანაც იქ იქნება შეგირდი შემოფარგლული მხოლოდ თავის სწავლის საგნებითა და სწავლასაც საქმით გამოსცდის; მაგრამ მაშინ მასწავლებელნი საკუთარნი უნდა იყოლიოს შკოლაში და ამაზედ დიდი ხარჯი უნდება. მეორე—ტფილისში მასწავლებელნი საკუთარნი არ უნდათ, ამიტომ რომ მაშინ სხვა ადგილებში მასწავლებელთ მოიწვევენ და ამათ დაუნიშნავენ თითო უროკებზე რომელსამე ფასსა; ამასთან აქ კიდევ იმით ისარგებლებდნენ მოსწავლენი, რომ არიან გამართულნი ბიბლიოთეკა, მუზეუმები და სხვ. სასარგებლო სწავლისათვის საგნები.

მაგრამ ჩვენის აზრით მაინც სოფელში სჯობია, ამიტომ რომ იქ გამოცდილს სწავლას მოიპოვებენ, რომელიც განსაკუთრებით არის საჭირო ჩვენის შხრისათვის.

დაბატეზანი

ახირებული ფურცელი

ახალი მწერლის აშფოთება.—ჩრევა თუ ვის უნდა მიჰბაძოს.—გამოცანის ახსნა ფიქრებითურთ.—ბოდიში.—ლექსი კრეაქციებზედ.—გლუბივით საუბარი.—ყურდღღის ანდაზა.—ქართული შემთხვევა.—გლეჯის მუშური სიმღერა და მისი გამოსალმება.

ძინგ! ძინგ! ძინგ!—რა ამბავია? გული მიძკერს! პირველჯერ გამოვდივარ სალიტერატურო ასპარეზზედ და ვემსგავსები იმ ახალგაზრდა მონადირეებს, რომელთაც ხელათ არა აქვსთ დიდი ნადირების ხოცვა და პატარ-პატარა ნადირებს უსვრიან. მოგებსენებათ, რომ პირველად ყოველი ფერი მიბადვით იწყება და განსაკუთრებით ამგვარი საქმეები; მხოლოდ ერთი ცა და ქვეყანა გაჩენილა მიუბადავათ. მეც უნდა მივბაძო ვისმეს, და მიბადვით დავიწყო თავმა შესვალი. შეშინია კი, საკვირველი ხალხია ქართველი: პირველ სიტყვაშივე დაგიჭერს და დაგცინებს; არ ვიცი რა უნდა ვქნა? მივბაძო, მაგრამ ვის? თუ მივბაძე ძველს მწერლებს და დავიწყე ამ სიტყვებით: „ძალი მომეც და შეძლება და სხვა“... ახალი მწერლები გამიბრისხდებიან: „ჩვენ ვერ მოგვაგნო რომ ძველს მწერლებს მიხტომიაო“. სწორედ საშინელიც არის, იმათ უნდა მივბაძო. იმათ ისტორიით იციან სტატიის დაწყება და მეც ისე დავიწყო?—„ვინ მოჰლა იულისოს კეისარი? ვინ იყო ბრუტი?“ არა ახ, არ ივარგებს: ვაი თუ მეც ისე დამემართოს, ზოგიერთებს რომ დაემართა. იცით, ბატონებო, ზოგიერთ ჩვენს მწერლებს რა დაემართათ? ერთმანეთს უმტკიცებდენ მე ვარ ბრუტი და შენ იულისოს კეისარიო. შექნეს ბაასი და რით გათავდა მათი ბაასი? მითი, რომ კეისრობაზე სუყველამ ბოდიში მოიხადეს და ბრუტობა კი დაიმტკიცეს ჩვენს ლიტერატურაში. თუნდა რა დიდი ხანია აქიდგანა. სჩანს რომ ისტორიით დაწყება არ ვარგებულა. ვსინჯო ერთი და მივბაძო მეორე გვარ მწერლებს, ანდაზებით და გამოცანებით რომ იწყებენ ხოლმე სტატიებს? მართლა ახლა გამახსენდა. ბატონებო, ის ანდაზა ჯერ ხომ არავის გამოუცვნია, ერთმა ლიტერატორმა რომ იკითხა: „რა იყო მიზეზი რომლის დაქცევის და ვინ დააქცია რომიო? მე გამოვიცნობ უფ. ავტორო!

— აბა ვინ არი? გამოიცანი! (მკითხავს ავტორი).

— დამაცადეთ, ცოტა ვრფიქრო,
ვფიქრობ.

— ვერ გამოიცან?

— ვერა, ბატონო, სწორედ მიჭირს მიხდომა!

— მაშ რაღას ტრაბახობდი?

— მოითმინეთ, ბატონებო, ეგებ გამოვიცნო, თქვენც ერთი მი-
ბძანეთ: საკმელია?

— არა!

— სასმელია?

— არა!

— რა უნდა იყოს?

დიდხანს ვფიქრობ

— არიქა გამოვიცანი! გამოვიცანი! არხიმედევით ვყვირი.

— ჰო! რა გაყვირებს? რა იყო! თუ გამოიცანი სთქვი, ვინ იყო
რომის დამქცევი?

— ჩემი ზარხოშ ბახუსიჩი, ბატონო, იმან დააქციე რომი, საკვირ-
ველი ვინმე გახლავსთ, ბატონებო, ზარხოშ ბახუსიჩი: მაშინვე ხელებს
აუკანკალებს კაცს და მაგარი სასმელები რომ არ დააქცივინოს არ
შეიძლება და განსხვავებით რომის მტერია! ხომ გამოვიცანი? ბარა-
ქალა ჩემო მახვილ გონიერებავ! მაგრამ თქვენ კი უკაცრავათ, ბატო-
ნებო, მკითხველებო! მომიტევეთ, აი როგორ მეტყობა ყმაწვილ მონა-
ღირობა: რისთვის გამოვიღდი და საით გადავუხვიე?! და უკაცრავათ
თქვენი ჭირიმე! რას მოგახსენებდით? ჰო, ვის მივბაძოთო? ვხედავთ
რომ არ ვარგა არც ძველი მწერლების, არც ისტორიკოსების და
არც მევანდახეების მიბაძვა. თუ მივბაძე ზოგიერთებს და დავიწყე:
„ახ, რამდენი ხანი მძინებია, ძლივს არ გამოვიღვიძე და სხვ“. არც
ეს ივარგებს! აბა თქვენი ჭირიმე ახალ ნამძინარევეზე რა ახალი ამ-
ბავი დაიწერება სიზმრისა და ბოდვის მეტი. რა ცეცხლში ჩავარდი?
დავრჩი, დავრჩი ასე მიუბაძვათ, გულმაც მოუმატა აშფოთებას:
ძინგ! ძინგ! ძინგ!... კიდევ ძინგ!.. ძინგ!.. ეჰ! რაც იქნეს და იქნეს
ალარავის მივბაძავ, ამგვარ ლიტერატორთაგანს, ისევ ჩემით გამო-
ვალ ქართულათ და ქართულათაც დავიწყებ ქართულის მიბაძვით,
მაგრამ აქაც ერთი ჭირი; სად მოვანახო ნამდვილი ქართველი! ამ
თერგს გამოღმა ძველს ქართველებს მივბაძო, რომელნიც აღარ არიან
თუ ახალს კრელაძეებს? კრელაძეები ვინ არიან? გაკვირვებით მკი-
თხავთ. ვანა არ იციო?

ქართულზედ რომ ხელს იღებენ,
ველარც რუსულს ახერხებენ,
ულვაშებს ემტერებიან,
რუსულად ბაკებს უშვებენ.

სხვისას კარგსა შეტად ჰგმობენ.
თუმც თავის თავს სუსტად ჰსცნობენ—
ჯიბეებსა თავგი უჭრისთ,
მაგრამ ისევ დიდკაცობენ.

ქართულ ენას არად ხდიან,
შვილებს რუსულათა ჰზრდიან,
ტრეტიაკოვსკის აქებენ
და რუსთველს კი დასცინიან.

ეს გახლავან კრელაძენი,
საქართველოს ფუჭნი ძენი,
უსწავლელნი სწავლულები,
კოტრი-კრეზნი, სულელ ბრძენნი.

ყოვლადვე ნუ იყოფინ!!!

ამათ უნდა მივბადო? (ანდუყაფარივით დავიყვირებ)— არა! არა
ღმერთმა დამიფაროს!— არა ბატონებო, წარმოვსდგები თქვენს წინ!
როგორც გლეხი კაცი, სულით და გულით ქართველი, დავებჯინები
წითელ ბლის თასმიან ჯობზედ, ხმას გავისწორებ და მოგახსენებთ:

— ბატონებს გაუპარჯოს!

— გაგიპარჯოს! რა იცი ახალი ამბავი? (მიბძანებთ).

— აქა მშვიდობა, თქვენი ჭირიმე. (და მოვჰყვ ბი):

არა მძინებია ბატონებო, მაგრამ ხანდახან კი მომგვრიდა ხოლ-
მე ძილს „ცისკარი“ თქვენი ჭირიმე, რომელზედაც ახლა მსურს მო-
გახსენოთ ჩემი სოფლური უგუნური შენიშვნები: როგორც მოგეხსენ-
ებათ ეს ჩვენი ყმაწვილი „ცისკარი“ მეექვსეს წელიწადში ჩადგა,
მაგრამ დღემდი არ ვიცოდი სადაური ყმაწვილი იყო, რუსის თუ ქარ-
თელის, ღმერთთან სწორი სჯობს. ზოგიერთი თვისება კი ქართვე-
ლი ყმაწვილისა ჰქონდა. ყოველ თვეში თითო კაბას იცვლიდა, წი-
თელს იცვამდა, ხან ყვითელს და ლურჯს; ამით სწორედ ცელქი ქარ-
თელი ყმაწვილი მომაგონდებოდა ხოლმე. ამას გარდა ზამთარში
სუქდებოდა და ზაფხულში გახდებოდა ხოლმე, ესეც ქართველი ცელ-
ქი ყმაწვილის თვისება გახლავთ— თორემ სხვა ამ წლამდის ქართვე-
ლობა არ ეტყობოდა; დღეს, თქვენი ჭირიმე, ვილაცები კარგი მასწავ-

ლებლები გამოუჩნდნენ, განსაკუთრებით ერთი მოლაყბე გამოჩენილა და მართალია ლაყბობას კი ეძახის თავის სტატიებს, მაგრამ იმას უფრო სარგებლობა მოაქვს იმის ლაყბობით, როგორც თვითონ უწოდებს, ვიდრე იმ ფილოსოფოსებს, რომელნიც ხან-ინახით ჯდებიან გორს და ხან ათინა, რომი და ევროპა შეძრეს თავისის ფილოსოფიით, რომელიც დააფუძნა საქართველოში პლატონ ფილოსოფოსმა. ბერძნების პლატონზედ არ მოგახსენებთ, არა მე მოგახსენებთ ჩვენს პლატონ ფილოსოფოსსზედ.

მინდოდა ახალი მასწავლებლების გაცნობაც და ავიღე ხელში ფებერვლის ცისკარი, მაგრამ ჯერ აქ ერთი ანდაზის ნება მიბოძეთ, რომ მოგახსნოთ, რადგანცა აქ არ გახლავსთ თავში შესავალი, რომელშიდაც მე არ მინდოდა ამითი მზაძვა, მაგრამ გაგრძელდება.

ყურდელი მარტო სამ დღეს წოვს, აი აქ მიზეზით: თურმე, დედამ ჰკითხა, რომ დაებადა ბოცორი:

— შეილო სამს თვეს გაწოვო? (ჩქარა ჰკითხა) თუ საამ დღეებს (გაუგრძელა). საწყალს შეილს სამი დღე მეტი ეგონა და მიაძახა (იმანაც გაგრძელებით) რასაკვირველია საამს დღეებსო. იმისი არ იყოს, მეც ყურდლის ბაქიასავით მომივიდა ბატონო; ვნახე ცისკარში ერთს სტიტიას ქვეშ გრძლათ იყო ხელმოწერილი: ზემოური იმერელი გორისელი წერეთელი ეფთიმე. ვიფიქრე, აბა აქ არის სიბრძნე სოლომონისა თქო და დავიწყე კითხვა. თქვენმა ჩემ გამიკვირდა, ისეთი მშვენიერი ენით აყო დაწერილი და ეს შესანიშნავა! ძალიან გიეკირვება კარგი ენა ჩვენ. მაგრამ თუ არ განიწყრებით ერთს ანდაზას კიდევ მოგახსენებთ, სულ ანდაზაც არ გახლავსთ, ყოფილი გახლავთ, მართალი შემთხვევაჲ:

რა ვქნათ, ბატონებო, ჩვენი გლეხების ფილოსოფია და ისტორია ქართული ანდაზები და შემთხვევები გახლავსთ:—ჩემს მეზობელს ერთი შვილი ჰყავს, რომელიც კარგათ გამოზარდა, ბევრი ენებიც ასწავლა, მაგრამ ის ყმაწვილი, როგორდაც ქართველს არა ჰგავს, არც ბუნებით ჰკუა აქვს და არც ნიჭი ქართველისა. გუშინწინ ნათლია მისი ეწვია ჩემს მეზობელს და მეც იქ შეველოლდი. მამამ წაუდგინა შვილი მისი ნათლას და უთხრა: რა ბედნიერი კაცი ვარ, ამ შენმა ნათლულმა ხუთი სხვადასხვა ენა იცისო. ნათლიამ ამოიხვნეშა და დაიკრა მუხლებზედ ხელი. რა დაგემართა? ჰკითხა მამამ. როგორ რა დამემართაო. შე კაცო აქამდის ჩემი ნათლულის სიჩერჩეტე ერთმა ხალხმა იცოდა და ახლა ხუთ სხვადასხვა ხალხს შეუტყვიათ. მისი არ იყოს... ხე! ხე! ხე! ხე! ხე!.. გორისელსა ესე მოსვლია, იმ დალოცვილს ანტონ კათალიკოსსავით ღრმით რომ დაეწერა ბევრი

ვერ გაიგებდა და კარგი ეგონებოდა და ახლა კი ყველა შეატყობს, რომ ავტორს ცარიელი გუდა დაუბერტყავსო. მაგრამ რა მსჯის მე ამდენს გამბედაობას, პირველად პატივი დამიყრია მისის სტატიის და მისის მწერლობისათვის. რა ჩემი საქმეა გორისელი წერეთლის განხილვა, ერთი გულჩვილი კაცი გახლავარ. მაგრამ ეს კი შევატყვე, რომ უფალს ზემოურ იმერელს, წერეთელს ეფთიმეს, არ ესმის პოეზია. საღმრთო სიტყვა და პოეზია იმ დალოცვილს ერთი ჰგონია. ასე რომ ერთი ალილუია ერთი პოეზია ჰგონია, ორი ალილუია—ორი პოეზია, სამი—სამი და ამგვარათ. მაგრამ რა მსჯის მე ამის თქმას, კიდევ პატივი დავაყარე მის თხზულებას და მის მწერლობასა უკანასკნელათაც. ბლიაძეს წაეკითხა მისი ცალიერი თხზულება და აი რა სამღერალი მუშური ლექსი მოიგონა, რომელსაც ჩვენ სოფელში სუყველა იმღერის:

ზემოური იმერელი
 კახელს შემოწყურო,
 ჰეე-ჰოო, ჰეე-ჰოო!
 სამ დღეს უღეჰა სტატია
 და ძლიეს გამოხრაო.
 ცილს არ ესწამებთ, ბატონებო,
 თვითონ მოგვითხრაო.
 ჰეე-ჰოო, ჰეე-ჰოო!
 მერე დაჯდა და რედაქტორს
 წიგნი მისწერაო:
 ჰეე-ჰოო, ჰეე-ჰოო!
 თქვენი ცისკრის გამოწერა
 თუმც მომენატრაო
 ჰეე-ჰოო, ჰეე-ჰოო!
 მაგრამ კახელის სტატიამ
 გულს ისარი მკრაო.
 ჰეე-ჰოო, ჰეე-ჰოო!
 წიგნის კითხვისა სურვილი.
 შიგ სულ აღმოფხვრაო.
 ჰეე-ჰოო, ჰეე-ჰოო!
 მაგ თერგის წყალ დალეულმა
 ეგ რა შეგვკადრაო?
 ჰეე-ჰოო, ჰეე-ჰოო!
 ანტონსა და ჩახრუხაძეს
 რას ჩაემტერაო?

ჰეე-ჰოო, ჰეე-ჰოო!
 ეურნალი უნდა გამოსცეს
 სულ ქართლი შესძრაო.
 ჰეე-ჰოო, ჰეე-ჰოო!
 ჩემ მაგიერათ ურჩიე,
 თუ დაიჯერაო,
 ჰეე-ჰოო, ჰეე-ჰოო!
 ბევრი უნდა, რომ ეყოლოს
 ხელმომწერი ცხრაო.
 ჰეე-ჰოო, ჰეე-ჰოო!
 სხვებიც ბევრი რამ მინდოდა
 რომ მომეწერაო.
 ჰეე-ჰოო, ჰეე-ჰოო!
 რაც აზრები მოვაგროვე
 ჯავრით გამიქრაო.
 ჰეე-ჰოო, ჰეე-ჰოო!
 ეს ჩემი ბატის კალამიც
 ნოემ გამოსქრაო.
 ჰეე-ჰოო, ჰეე-ჰოო!
 ეს მისწერა და მართლისთვის
 აწ ჩვენც უთხრათ ბრავო!
 ჰეე-ჰოო, ჰეე-ჰოო!

ამასაც ამბობს ბლიაძე, თუ ეფთიმე გორისელმა ბოდიში არ მოიხადა, უთუოდ ყოველ თვეში შევამკობ ხოლმე სხვადასხვა რიგათაო.

ყოვლადვე ნუ იყოფინ! აწ ნება მიბოძეთ შინ გაიხლოთ! მშვიდობით ბრძანდებოდეთ, ბატონებო!..

— მოიცა კაცო! სად მიდიხარ? ლეინო დალიე!

— არა, თქვენი ჭირიმე! გმადლობთ! შინ მივეშურები და მშვიდობით ბრძანდებოდეთ ნახვამდის.

ბ ა ნ ც ხ ა ღ ე ბ ა

ქართულის საპოლიტიკო და სალიტერატურო გაზეთის
„დროების“ გამოცემაზედ.

განათლებულს ქვეყნებში თითქმის ყოველი კაცი საჭიროთ რაცხს, რომ დაწვრილებით შეიტყობდეს არა თუ თავისის მამულის გარემოებას, არამედ სხვა ქვეყნების მდგომარეობასაც. ამისთვის იჭიბეკდება შრავალი ჟურნალი და გაზეთი, რომელნიც ავრცელებენ საზოგადოებაში სხვადასხვა ცნობასა.—ჩვენი გარემოება, ნამეტნავათ ახლანდელი, მოითხოვს, რომ ჩვენც ვტყუობულობდეთ ჩვენის ქვეყნის ყოფა-ცხოვრებასა და აგრეთვე მმართველობის განკარგულებებსა. გარდა ამისა, რადგანაც ჩვენი წარმატება დამოკიდებულია განათლებულის ხალხებისაგან შეძინებულს სწავლაზედ და იმათ ცხოვრებაზედ, ამისათვის, თუ გვსურს საკუთარი კეთილ-დღეობა, უტყველად იმათ უნდა ვბაძვიდეთ და იმათ სწავლას ვითვისებდეთ. ამ საქმეში პირველი შუამავლობა ეკუთვნის გაზეთებს და ჟურნალებს. ეს იყო მიზეზი, რომ ჩვენ ვიკისრეთ საპოლიტიკო და სალიტერატურო გაზეთის გამოცემა ქართულს ენაზედ.

ამ გაზეთს ერქმევა სახელათ „დროება“ და ექნება შემდეგი ნაწილები:

1. მმართველობის განკარგულებანი და ცნობანი რუსეთზედ და განსაკუთრებით ჩვენს მხარეზედ. ამ ნაწილში შემოვა კორრესპონდენციები ანუ სხვა და სხვა ადგილებიდან გამოგზავნილი წერილები.
2. საპოლიტიკო ცნობები და ტელეგრამები.
3. მეცნიერება და ხელოვნება. ამ ნაწილში დაიბეკდება სტატიები, რომელნიც შეეხებიან ყოველ-გვარს სწავლას და შედგენილნი იქნებიან ადვილ-გასაგონის ენით, აგრეთვე წმინდა-სალიტერატურო თხზულებები
4. კრიტიკა და ბიბლიოგრაფია ანუ გარკვევა ქართულის წიგნებისა და შესანიშნავის თხზულებებისა უცხო ენებზედ.
5. სხვა და სხვა ამბავი, ანუ მოკლე ცნობები, რომელნიც შეეხებიან სწავლას, ხელოვნებას, აღებ-მიცემობას, სოფლურს მეურნეობას და ექიმობასა.—ფელეტონი.

6. სახაზინო და კერძობითი განცხადებები.

შეძლებისამებრ „დროების“ რედაქცია ეცდება თავისი პროგრამა აასრულოს. მაგრამ რადგანაც გაზეთი ქართულს ენაზედ ახალი საქმეა და თვით პროგრამაც ვრცელია, ამისათვის იმისი ასრულება საკუთარის ჩვენის ღონისძიებით ძალიან ძნელია, ამაში რედაქციას ისე თავის თავზედ არა აქვს იმედი, როგორათაც საზოგადოების შემწეობაზედ. ზოგიერთმა პირებმა კიდევ აუგვიტყვეს თანამშრომლობა, და ეჭვი არა გვაქვს, რომ იმათ გარდა სხვანიც ბევრი მიიღებენ მონაწილეობას თავიანთის შრომით ჩვენს გაზეთში.

„დროება“ გამოვა ამ 1866 წლის მარტის თვიდამ, კვირაში ერთხელ, პარასკევობით, ერთის თაბახიდამ ორ თაბახამდე. გარდა ამისა შეძლების და გვართ ხან და ხან გაზეთთან გამოვა დამატება. ამ დამატებაში იქნება დაბეჭდილი სტატიები, რომელთაც დაბეჭდვა სივრცისაგამო გაზეთში არ მოხერხდება.

ფასი მთელის წლის ნუმრებისა არის: გაუგზავნელათ ტფილისში 6 მანეთი, გაგზავნით ტფილისში და გარეშე ადგილებში 7 მანეთი. „დროების“ გამოცემას ვაპირებდით იანვრიდამ, მაგრამ ნებართვა ახლა მოგვეცა; ამისათვის ამ თვის მაგიერათ დავნიშნეთ მომავალი მარტი. ფასიც წლეუანდელის წლისა არის ნაკლები, ესე იგი: 1867 იანვრამდე გაუგზავნელათ ტფილისში 5 მანეთი, გაგზავნით ტფილისში და სხვა ადგილებში 6 მანეთი.

გაზეთზე ხელის-მოწერა მიიღება ტფილისში „დროების“ რედაქციაში, რომელიც იმყოფება მელიქიშვილის და კამპ. სტამბაში, გალავეინის პროსპექტზედ, ზუბალოვის სახლში.

ტფილისის გარეშე მცხოვრებთ ვთხოვთ უნორჩილესათ, რომ თავიანთი მოთხოვნილება გამოგზავნონ ხოლმე ამ ადრესით:

В Тифлис. В контору редакции грузинской газеты „Время“, при типографии Меликова и К-⁰.

რედაქტორი გიორგი წერეთელი.

გამომცემელი სტეფანე მელიქიშვილი.

ტფილისი. 10 იანვარს, 1866 წელსა.

გ ა ნ ც ხ ა დ ე ბ ა

საპოლიტიკო და სალიტერატურო გაზეთის „დროების“ გამოცემაზე
1867 წელს.

გაზეთი „დროება“ 1867 წელს გამოვა იმავე მიმართულებით და იმავე რიგით, როგორც გამოდის 1866 წელს.

თუმცა „დროებაში“ რამდენჯერმე წარმოვსთქვით ჩვენი აზრი, რა მნიშვნელობა და გავლენა უნდა ჰქონდეს ჩვენს ცხოვრებაზედ გაზეთს და ჟურნალს, მაგრამ ვალათა ვრაცხთ ვსთქვათ კიდევ რამდენიმე სიტყვა ამ საგანზედვე.

ცხადია ყველასთვის, რომ დრო იცვლება. ბევრი რამ, რაც ჩვენს მამა-პაპებისათვის იყო საჭირო, ახლა იმათის შთამომავლობისათვის გამოსადეგი აღარ არის. ჩვენ თვითონ დამსწრენი ვართ, რომ ზოგიერთი რამ, რაც საჭიროთ მიგვაჩნდა, ის ჩვენ დროს უვარგისათ მიაჩნიათ და ჩვენც თავი დავანებეთ. ეს არის ბუნებითი კანონი კაცობრიობის მოძრაობისა და ამ კანონს ვერ წაუფა ვერც ერთი ხალხი, რომელზედაც კი შეიძლება ითქვას, რომ ნამდვილად სცხოვრებს.

ჩვენ უნდა ვეცადოთ დავტოვოთ ყოველივე უვარგისი ჩვენს ცხოვრებაში, რაც კი გვიშლის, რომ ნამდვილს განათლების გზას დავადგეთ და დაუახლოვდეთ იმ ხალხს, რომელიც ჩვენზედ წინ არის და ვისგანაც გვმართებს მივიღოთ ბევრი სწავლა.

აი ჩვენის ფიქრით როგორი აზრი უნდა ჰქონდეს ყოველს გაზეთს და ჟურნალს, რომელიც კი დაიწყებს ამ დროს თავის შრომას. ამის გარდა ახლანდელს გაზეთს და ჟურნალს უნდა ჰქონდეთ ის მნიშვნელობა, რომ ნათელის გარკვევით გაადვილონ ყველა ნამდვილი და კანონიერი სურვილი და საჭიროება. აგრეთვე იმათ უნდა უჩვენონ საზოგადოებას უნდა, თუ არ არის საჭირო, ან როგორ და რა რიგით, მოიპოვონ და გამოიყენონ ეს საჭიროება, რომ საზოგადოება წავიდეს წინ, და მიიღოს ის, რაც მნიშვნელობა აქვს საზოგადოებას ბუნებით დანიშნული. გაზეთის პროგრამმა დარჩება ისევ ის, რომელიც იყო გამოცხადებული წლებულს.

გაზეთის პროგრამა:

1. მმართველობის განკარგულებანი და ცნობანი რუსეთზედ და განსაკუთრებით ჩვენს მხარეზედ. ამ ნაწილში შემოვა კორრესპონდენტციები ანუ სხვა და სხვა ადგილებიდან გამოგზავნილი წერილები.

2. საპოლიტიკო ცნობები და ტელეგრამები.

3. მეცნიერება და ხელოვნება. ამ ნაწილში დაიბეჭდება სტატიები, რომელნიც შეეხებიან ყოველ-გვარს სწავლას და შედგენილი იქნებიან ადვილ-გასაგონის ენით, აგრეთვე წმინდა-სალიტერატურო თხზულებები.

4. კრიტიკა და ბიბლიოგრაფია ანუ გარკვევა ქართულის წიგნებისა და შესანიშნავის თხზულებებისა უცხო ენებზედ.

5. სხვა და სხვა ამბავი, ანუ მოკლე ცნობები, რომელნიც შეეხებიან სწავლას, ხელოვნებას, აღებ-მიცემობას, სოფლიურს მეურნეობას, და ექიმობას. ფელეტონი.

სახაზინო და კერძობითი განცხადებები.

6. გარდა ამისა შეძლებისდა გვარად ხანდახან გაზეთთან გამოვა დამატება.

ამ დამატებაში იქნება დაბეჭდილი სტატიები, რომელთაც დაბეჭდვა სივრცისა გამო გაზეთში არ მოხერხდება.

ჩვენ თვითონვე ვაღვიარებთ, რომ იქნება ბევრი რამ არ ავასრულეთ, რაც დავპირდით მკითხველებს; მაგრამ იმითი ვიმართლებთ თავსა, რომ ამ წელიწადს ბევრი იმისთანა ცვლილებანი მოხდნენ, რომელთაც დაგვიშალეს ჩვენის პროგრამის სრულათ ასრულება...

ამასაც კი ვიტყვი, რომ ჩვენ, ჩვენის მხრით, მეცადინეობა არ მოგვიკლია; მაგრამ ამისი განსჯა თვითონ მკითხველებისათვის მიგვიჩნდია.

„დროება“ უწინდელათვე გამოვა კვირაში ერთხელ, პარასკევობით, ერთის თაბახიდან თაბახ ნახევრამდე.

ფასი მთელი წლის ნუმრებისა არის: გაუგზავნელათ ტფილისში 6 მანეთი, გავზავნით ტფილისში და გარეშე ადგილებში 7 მანეთი.

გაზეთზედ ხელის მოწერა მიიღება ტფილისში, „დროების“ რედაქციაში, რომელიც იმყოფება მელიქიშვილის და კამპ. სტამბაში, გალაშინის პროსპექტზედ, რეიტერის სახლში.

ტფილისის გარეშე მცხოვრებთ ვთხოვთ უმორჩილესათ, რომ თავიანთი მოთხოვნილება გამოგზავნონ ხოლმე ამ ადრესით:

В Тифлис. В контору редакции грузинской газеты „Время“, при типографии Меликова и К-о.

რედაქტორი გ ი ო რ გ ი წ ე რ ე თ ე ლ ი.

გამომცემელი ს ტ ე ფ ა ნ ე მ ე ლ ი ქ ი შ ვ ი ლ ი.

ტფილისი. 1 ოქტომბერს, 1867 წელსა.

გ ა ნ ც ხ ა დ ე ბ ა

-გაზეთის „დროების“ გამოცემაზე 1868 წელში

1868 წელს გაზეთი „დროება“ გამოიცემა იმავე პროგრამით, როგორითაც წარსულ წლებში იცემოდა.

ეს ორი წელია, რაც გაზეთი „დროება“ გამოდის. საზოგადოება თავის თანაგრძნობას არ აკლებს; მხოლოდ ის გზაზე ცოტაოდნათ დრტვინავდა; თუ გამოერეოდა იმერული ლექსთა-თხზვა, ეს ქართლელებს ეჩოთირებოდათ და თუ ქართლური ლექსთა-თხზვა იყო, ეს იმერლებს ეჩოთირებოდათ. ამისთანა მოვლენა ცხადათ ამტკიცებს იმას, რომ საზოგადო ახალი ქართული სალიტერატურო ენა ჯერ არ გამართულა. რაოდენიმე ათი წელი ნაყოფიერი შრომა მიუცილებლათ საჭიროა სალიტერატურო ასპარეზზე, რომ ენა დადგეს და თავისი შესაფერი ლიტერატურული ფორმა მიიღოს. ამ შენებევებაში საზოგადოების დრტვინვას მხოლოდ დრო განაქარვებს. „დროებას“ ნაკლულევანება ეს კი არა, უფრო სხვა იყო. ის ვერ აქცევდა ჯეროვანს ყურადღებას ცხოვრებისაგან მოტანილს მრავალს გვარს ცვლილებებსა და საქმეებს; და როგორც რიგია იმდენათ ვერ ჰხსნიდა, ვერ აფასებდა იმათს მნიშვნელობასა. ერთის სიტყვით იმას არა ჰქონდა დღიური ინტერესი. აი რა იყო უმთავრესი ნაკლულევანება „დროებისა“.

ჩვენმა ცხოვრებამ უფრო ქარი წინ მსვლელობა დაიწყო: ამ სამის წლის განმავლობაში ბატონ-ყმობითი დამოკიდებულება გაუქმდა, სასოფლო სასამართლოები დაარსდნენ, და სამსჯავრო ცვლილება, ეს არის, კარზე მოგვედგომა და კარგი სამართლის შემოტანით უნდა დაავიროვინოს ბატონ-ყმობის გაუქმება. ამას გარდა ამ უკანასკნელს წლებში მთავრობამ განსაკუთრებითი ყურადღება მიაქცია ხალხის განათლებას, დაარსა სასოფლო შკოლები, რომელიც სდებს საფუძველს ხალხის განათლებისას. ამ უმთავრეს ცვლილებებს ბევრი სხვა ახალი საქმეებაც თან მოსდევინ. ყოველს იმათგანს თავისი მნიშვნელობა აქვს ცხოვრებაში. ყველა ეს დიდი და მომცრო ცვლილებები აღრე თუ გვიან სრულად შესცვლიან ჩვენის ცხოვრების სახესა. მაშასადამე ყოველს ახლად მოვლენილს ამისთანა საქმეს უნდა ახსნა, გაჩხრეკა; იმისი კარგისა და ცუდის მხრის ჩვენება. გაზეთიც რასაკვირველია განსაკუთრებით მაშინ ჰხდება საინტერესო საზოგადოებისთვის, როდესაც ცხოვრების ყოველ-გვარის მოვლინების რიგიანათ გარკვევას შეუდგება თავ-თავის დროზე. ამ მოვალეობის ვრცლად

მსრულება ჩვენ გაზეთს ჯერ კიდევ არ შეუძლიან, მაგრამ რედაქცია მაინც შეძლებისამებრ ეცდება ამ გზით მოქმედებასა. ამასთანავე უნდა გამოვუცხადოთ „დროების“ მკითხველებს, რომ მოზავალს წელს „დროებაში“ შემოვა სამსჯავრო ნაწილი, სადაც ყოველი გვარი სამსაჯულო ცნობები იქნება დაბეჭდილი.

ხელმოსაწერი ფასი:

გაგზავნით ტფილისში და გარეშე ადგილებში:	—	გაუგზავნელათ:
ერთის წლისა	7 მანეთი—6 მანეთი	
ნახევარი წლისა	4 „ 3 „	50 კაპ.
სამის თვისა	2 მან. 50 კ. 2 „	

„დროება“ გამოდის კვირაშა ერთხელ პარასკეობით.

ხელი მოიწერება:

ტფილისში „დროების“ რედაქციის კანტორაში მელიქიშვილის და კამპ. სტამბაში, ხანის ქუჩაზე, ბებუთოვის სახლში.

ტფილისის გარეშე მცხოვრებთა შეუძლიანთ მოითხოვონ ამ აღრესით;

В Тифлис. В контору редакции грузинской газеты „Время“.

პ რ ო ბ რ ა მ მ ა

„სასოფლო გაზეთისა“

„სასოფლო გაზეთში“ იქნება შემდეგი ნაწილები:

I. ოფიციალური ნაწილი:

მთავრობის განკარგულება, რომელიც განსაკუთრებით შეეხება სასოფლო სამმართველოთა.

ა) განკარგულებანი, რომელნიცა სასულეირო სამმართველოთა უნდა მოიყვანონ ასრულებაში.

ბ) განკარგულებანი, რომელნიცა უნდა ეუწყოს სასოფლო სამმართველოთა, რომ ისინი გახდნენ იმათ ხელმძღვანელათ.

II. არა-ოფიციალური ნაწილი:

1. სამეურნეო ცნობანი: ამ ნაწილში დაიბეჭდება იმისთანა სტატიები, რომელნიც შეეხება სხვა-და-სხვა სამეურნეო ნაწილსა, მაგალითად: მიწის მუშაობას, ბოსტნის კეთებას, ღვინის მოყვანას, პირუტყვის შენებას და სხვა; სასოფლო ვაჭრობას, ალებ-მიცემობის და ოჯახობის მაჩვენებელი სტატიები.

2. სახალხო მედიცინა (მკურნალობა): აქ დაიბეჭდება ისეთი სტატიები, რომელშიც იქნება დარიგება, თუ როგორ უნდა იცხოვროს ხალხმა, რომ სიმრთელით იყოს, აგრეთვე იქნება ნაჩვენები ისეთი ექიმობა სხვა და სხვა ავთამყოფობაზე, რომ თვითონ ხალხსაც უმკურნალოთ შეეძლოს ზოგიერთ ავთამყოფობის მორჩენა.

3. ამბავი სასოფლო ხალხის ცხოვრებაზე. აქ დაიბეჭდება ამბები, თუ როგორ მიდის სასოფლო გამგეობა ჩვეს ქვეყანაში, სახალხო შკოლებზე, პურის მაღაზიებზე, ბანკებზე; აგრეთვე კორრესპონდენციები და მოთხრობა სოფლის ხალხის ცხოვრებიდან.

4. სხვა და სხვა ცნობა: წვირომანნი ხალხს გასაგებნი სწავლანი, რომელსაც ექნება მხოლოდ ის განზრახვა, რომ ხალხს ამაოდ-მორწმუნება და ცუდი ჩვეულება მოაშლევინოს.

5. სახაზინო და კერძობითი განცხადება.

„სასოფლო გაზეთი“ გამოცემა კვირაში ერთხელ და შეიცავს ერთს სტამბის თაბახს.

ოფიციალური ნაწილი იქნება რუსულად და ქართულად.

ფასი ერთი წლისა გაუგზავნელათ 6 მან. გაგზავნით 7 მანეთი.

რედაქტორი და გამომცემელი გ- წერეთელი.

რედაქტორის უნიუზენები

I. გიორგი წერეთლის ფსევდონიმები

გიორგი წერეთლის ნაწერების სრული კრებულის გამოცემისათვის ერთ-ერთ აუცილებელ პირობას წარმოადგენს მისი ფსევდონიმების გამორკვევა და სისწორით დადგენა. ჩვენთვის უკვე უდავო ფაქტია, რომ გ. წერეთელი ერთი ფსევდონიმით არ სწერდა: თავისი ლიტერატურული მოღვაწეობის ორმოცი წლის განმავლობაში, იგი სხვადასხვა ფსევდონიმით აქვეყნებდა თავის ნაწერებს. საგრძნობი ნაწილი მისი წერილებისა სრულიად ხელმოუწერილი იბეჭდებოდა გაზ. „დროებასა“, „სასოფლო გაზეთსა“, „ტფილისის უწყებასა“ და „კვალში“.

ამ ხელმოწერილ წერილების გამოკვლევასა და გ. წერეთლის ფსევდონიმების დადგენის საქმეში დიდ დახმარებას გაგვიწევს სამი საინტერესო დოკუმენტი:

1) „გიორგი წერეთლის ნაწერების სია“, რომელიც თვითონ გ. წერეთელს შეუდგენია და აღნიშნულია მისი ნაწერები 1880 წლამდე. როგორც მკითხველი ქვევით, ჩემს შენიშვნებში დაინახავს, ეს სია არ არის სრული: მას აკლია წერილები გაზ. „სასოფლო გაზეთიდან“ (1868—73 წ.), რამდენიმე წერილი „დროებიდან“, სრულიად არ არის მოხსენებული წერილები „ტფილისის უწყებიდან“. მიუხედავად ამისა, ეს ერთად-ერთი მთავარი დოკუმენტია, თვით ავტორის მიერ შედგენილი, რომელიც საშვალებას გვაძლევს სისწორით დავადგინოთ გ. წერეთლის ფსევდონიმები და მისი წერილები 1880 წლამდე¹⁾.

2) „კვალის“ რედაქციის მიერ შედგენილი სია²⁾. ეს სია ჯაგრძელებაა გ. წერეთლის სიისა და შეიცავს 1880—1900 წლების ნაწერებს. არც იგი არის სრული; მასში გ. წერეთლის მხოლოდ უმთავრესი ნაწერები არის დასახელებული. თვით რედაქცია შენიშნავს:

¹⁾ ეს სია გიორგი წერეთლის ხელნაწერიდან გადაუწერია კ. ლორთქიფანიძეს და თავის შენიშვნაც გაუკეთებია მისთვის. (იხ. კ. ლორთქიფანიძის არქივი, რომელიც მოთავსებულია ქუთაისის მუზეუმში). ამ შენიშვნას თავის ადგილზე შევვებით.

²⁾ იხ. „კვალი“ № 3, გვ. 48—51, 1900 წ. ან კრებული: „გიორგი წერეთელი“, გვ. 169—184, 1900 წ.

„ეს სია, რასაკვირველია, სრული არ არის. აქ მოხსენებული არ არის არც „სასოფლო გაზეთი“, და არც რუსულ გაზეთებში დაბეჭდილი წერილები. აქ არ არის აგრეთვე მისი არქეოლოგიური გამოკვლევანი და სხვა წერილმანი ქართული წერილები. ყველა ეს რომ შეგროვდეს ორი ამდენი იქნებოდა“ („კვალი № 3, გვ. 51, 1900 წ.).

მიუხედავად ამ ნაკლისა, „კვალი“ რედაქციის მიერ შედგენილ სიას საკმაოდ დახმარების გაწევა შეუძლია გ. წერეთლის 1880—1899 წლების ნაწერებისა და ფსევდონიმების დადგენის საქმეში.

3. მესამე დოკუმენტს წარმოადგენს ხელნაწერი: „ბიბლიოგრაფია გიორგი წერეთლის ბელეტრისტიკისა“—ამ „ბიბლიოგრაფიის“ ავტორი უნდა იყოს გ. წერეთლის მეუღლე ან. წერეთლისა, ბიბლიოგრაფია შედგენილია 1911—20 წლებში. ავტორი ამ ბიბლიოგრაფიაში ეხება გ. წერეთლის არა მარტო ბელეტრისტიკას, არამედ პოემებსაც, დრამებსაც, ზღაპრებსაც და მითებსაც. ამ „ბიბლიოგრაფიაშიაც“ არ არის მოხსენებული გ. წერეთლის რამოდენიმე ორიგინალური მოთხრობა და ლექსი, თარგმნილი მოთხრობები, ლექსები და სხვა. მიუხედავად ამისა—ამ „ბიბლიოგრაფიასაც“ შეუძლია თავისი შესაფერი დახმარება გაგვიწიოს გ. წერეთლის ნაწერებსა და ფსევდონიმების დადგენის საქმეში.

ამ დოკუმენტებისა და სხვა წყაროების მიხედვით ჩვენ გამოვარკვიეთ და დავადგინეთ გ. წერეთლის შემდეგი ფსევდონიმები:

მესამე თერგდალეული—ამ ფსევდონიმით გ. წერეთელმა ჟურ. „ციცკარში“ 1862 წ. თავისი პირველი წერილი მოათავსა (დაწვრილებით ამის შესახებ იხ. ქვევით).

გ.—**თელი**—ამ ფსევდონიმით მან ჟურ. „საქართველოს მოამბეში“ 1863 წ. დაბეჭდა თავისი მეორე წერილი. შემდეგ ში ის ხშირად ათავსებდა გ.—თელის ფსევდონიმით წერილებს გაზ. „დროებასა“, „კრებულსა“ და „კვალში“.

ვ.—**ელი**—უმთავრესად სწერდა კვალში.

გ.—**ლი**—იქვე.

თელი—„დროებასა“ და „სასოფლო გაზეთში“.

გ.—**გორისელი**—„დროებასა“, „კრებულში“ და „კვალში“. გორისი გ. წერეთლის სოფელი იყო.

„**კრებულის**“ მკითხველი—1871 წლის დროებაში.

XX—იქვე.

X—იქვე.

XX—ელი—„კვალში“.

კრაზანა—დაბეჭდილი აქვს რამოდენიმე ლექსი „დროებაში“.

დამსწრე— „კვალში“.

X-ელი— იქვე.

გ. წ.— „ივერიასა“ და „კვალში“.

მასაკვალი— „კვალში“.

გახული— ამ ფსევდონიმით გ. წერეთელმა 1895 წ. „კვალში“ (იხ. № 34, 35) დაბეჭდა 1875 წ. ფრანკფურტში დაწერილი პოემა „მწუხარე დედა“.

იმერელი— ამ ფსევდონიმით მან მოათავსა ერთი წერილი— „აღმოსავლეთის პოლიტიკის აზრი“— გაზ. „დროებაში“ (№ 6), 1879 წ.

გაზ. „ივერია“ 1900 წ. სწერდა— „გ. წერეთელმა ჯერ უნივერსიტეტიდგანვე 1862 წელს „ცისკარში“ დაბეჭდა რამდენიმე წერილი „ექვთიმისძის“ სახელით და მაშინვე, საუკეთესო ქართველთა ყურადღება დაიმსახურა“. ამასვე იმეორებს ჟურ. „ქოამბეც“ (იხ. № 1, 1900 წ.). უნდა ავლნიშნოთ, რომ ეს აშკარა შეცდომა არის: 1862 წლის „ცისკარში“ არც ერთი წერილი არ არის მოთავსებული ექვთიმისძის ფსევდონიმით. როგორც მკითხველი ქვევით დაინახავს კ. ლორთქიფანიძემ, აკაკი წერეთელმა და გიორგი წერეთელმა თერგდალეულის ფსევდონიმებით დაბეჭდეს წერილები 1862 წ. „ცისკარში“— გ. წერეთლის მამის ექვთიმე წერეთლის საწინააღმდეგოდ.

რასაკვირველია, ჩვენ აქ ავლნიშნეთ ის ფსევდონიმები, რომლის გამორკვევა და დადგენა ამჟამად შესაძლებელი გახდა ჩვენ ხელთ-არსებულ მასალების მიხედვით. თუ დამატებით აღმოჩნდა კიდევ ახალი ფსევდონიმი იგი გამოქვეყნებული იქნება შემდეგ ტომებში.

II. „სამნი ძმანი - სამნივ თერგდალეულთანი“

„თერგდალეულთა საკითხი“ ჩვენ განგებ გამოეყავით სხვა საკითხებიდან და ამ შენიშვნების ცალკე თავში ვიხილავთ. ამ საკითხის გამორკვევა მჭიდროთ არის დაკავშირებული 60-იანი წლების ახალი თაობის ინტელიგენციის მოძრაობასთან. ცნობილია, რომ თერგდალეულთა სახელწოდებით ძველმა თაობამ მონათლა ახალი თაობის ინტელიგენცია, რომელმაც სწავლა-განათლება რუსეთის უნივერსიტეტებში მიიღო. მაგრამ ჩვენ დღეს ეს საკითხი კი არ გვაინტერესებს, არამედ იმის გამორკვევა თუ ვინ სწერდა ან სწერდენ თერგდალეულთა ფსევდონიმით, 1862 წლის „ცისკარისა“ და 1863 წლის „საქართველოს მოამბის“ ნომრებში. რომ მკითხველთათვის ნათელი გახდეს საქმის ვითარება, მას გავახსენებთ შემდეგ მომენტებს: როდ-

საც ილია ჭავჭავაძემ 1860-61 წლებში იერიში მიიტანა ძველი თაობის წინააღმდეგ და ლიტერატურის საკითხებში სასტიკად დაგმო მათი მიმართულება, 1862 წლის თებერვლის „ცისკარში“ ი. ჭავჭავაძის წინააღმდეგ წერილი მოათავსა გიორგი წერეთელის მამამ-ეკვთიმემ, რომელსაც თავის სტატიის ქვეშ შემდეგი ხელმოწერა აქვს გაკეთებული: ზემოური იმერელი, გორისელი წერეთელი ეკვთიმე¹⁾. ამ წერილს დიდი აღშფოთება გამოუწვევია მაშინდელი პეტერბურგის ქართველ სტუდენტებში. საინტერესოა ამ მხრივ მოვისმინოთ კ. ლორთქიფანიძის კერძო წერილი „ცისკარს“ რედაქტორ ივ. კერესელიძესთან. 1862 წ. მარტის თარიღით იგი სწერდა:

„ასე სისხლიანი ნაღველი გადაეღება ხოლმე ჩვენს გულს, როცა იმისთანა უებრო ცუდ სტატეებს ვამჩნევთ, როგორიც იყო ამ ნომერშიდ უფ. ეფ. წერეთლის. მაგრამ რა გაეწყობა, როგორც სტატიებში ვუბნობ, თქვენი ბრალი არ არის ეს. განვიმეორებ, ისე გავცეცხლდი ამ სტატიის დანახვაზედ, რომ არ შეგვეძლო, რომ არ დაკვეწერა რამე; ვინ სწერს? სწერს კაცი რომელსაც, როგორც თვით ეფ. წერეთელი უბნობს, სიკვდილში უდგია ფეხი და რომელიც აქამდის არ უნახავს ხორციელ კაცს მწერლის ადგილზე. ვიცნობ იმ კაცს, რა კაცია. როგორ გაბედა ამგვარი სტატიის დაწერა, მერე ცხრა თვის გასვლის შემდეგ! მაგრამ ანდაზა იტყვის: „კუმ ფეხი გამოყო მეც ნახირი ვარო“. — როგორც გაუნათლებლობით და ფარისევლობით გაყინული აქვს თავი ეფ. წერეთელს, ისეთი გაყინული აზრები უთქვამს. იპოვის ნეტავი კაცი ზის სტატიის რამე აზრს? აი ასე შეწუხებულმა, დავსწერე თქვენი ყურნალისთვის ორიოდ სიტყვა და ამ წიგნთან გიგზავნით. თუ წინააღმდეგი არ იქნეს თქვენი ყურნალი, გთხოვთ დააბეჭდინოთ ან აპრილის ან მაისის წიგნში, რასაკვირველია, პირველი ემჯობინება. ჩემს სახელსა და გვარს ნუ გამოაცხადებთ, ჩვეულგბრივი ფსევდონიმი იყოს მათ მაგიერათ ის ფსევდონიმი, რომელიც მომიწერია სტატიის ქვეშით „თერგ-დალეული“²⁾.

მაგრამ „გორისელი წერეთლის“ წერილს არა მარტო კ. ლორთქიფანიძე აუშფოთებია, არამდე მთელი მაშინდელი ახალთაობის ინტელიგენცია. მის წინააღმდეგ „ცისკარის“ აპრილსა და მაისის ნომერებში სამი წერილი დაიბეჭდა სამივე თერგდალეულის სახელით მოწერილი.

„ჩვენ აქა ვართ სამნი ძმანი,
სამნივე თერგდალეულთგანი.
მე გახლავარ გორისელი,
ერთი ამ სამ ძმათაგანი...“

¹⁾ იხ. „ცისკარი“ № 2, 1862 წ. სტატია: „წიგნი მიწვილი რედაქტორთან“ 33-201—07.

²⁾ დედანი იწახება კ. ლორთქიფანიძის არქივში (ქუთაისის მუზეუმი).

³⁾ იხ. „ცისკარი“ № 4, გვ. 365, 1862 წ.

ასე სწერდა თერგდალეული—მეორე წერილის ავტორი, ეს იყო ერთი საინტერესო ეპიზოდი ძველსა და ახალ თაობათა შორის ატეხილი ბრძოლისა; ამ ლექსით მტკიცდება, რომ სამნოვე თერგდალეულს შეთანხმებით დაუწერიათ წერილები ე. წერეთლის წინააღმდეგ და ცალ-ცალკე გაუგზავნიათ „ცისკარში“ დასაბეჭდათ.

გამოსარკვევია: 1. ვინ იყვნენ ეს სამი თერგდალეული და 2. კერძოდ, თვითეული ცალკე წერილი რომელ ავტორს ეკუთნოდა

ჩვენს მწერლობაში გადმოცემით ცნობილი იყო მხოლოდ ორი ავტორი: კ. ლორთქიფანიძე და გ. წერეთელი. 1925 წ. ნიკოლაძის ჩვენებით, მათ მიემატა მესამეც: აკაკი წერეთელიც¹⁾, მაგრამ აქვე უნდა აღვნიშნოთ, რომ 1916 წ. კ. ლორთქიფანიძეს განუცხადებია სერ. გორგაძისათვის, რომ აკაკი თერგდალეულის ფსევდონიმით სწერდაო. უკანასკნელი აღნიშნავს, რომ „ცისკარში“ ამ ფსევდონიმით არც ერთი ლექსი არ აღმოჩნდა დაბეჭდილიო²⁾. აქ გაუგებრობასთან უნდა გვექონდეს საქმე: ალბად, კ. ლორთქიფანიძე მიუთითებდა საერთოდ აკაკის ფსევდონიმზე,— თერგდალეულზე, ხოლო მკვლევარს უნებლიეთ დაუწყია ამ ფსევდონიმით დაბეჭდილ ლექსების ძებნა.

ნ. ნიკოლაძის და კ. ლორთქიფანიძის ჩვენება და მოწმობა სრულიად საკმარისია იმისათვის, რომ აკაკის მონაწილეობა „სამ თერგდალეულთა“ წერილებში გამტკიცებულად იქნას მიჩნეული. მაგრამ ჩვენ ხელთ არის ერთი დოკუმენტი, რომელიც ასი პროცენტით ამტკიცებს ნ. ნიკოლაძისა და კირ. ლორთქიფანიძის ჩვენებებს: ეს არის აკაკის პირადი ბარათი კ. ლორთქიფანიძისადმი 1862 წლის, 12 სექტემბრის თარიღით. ტფილისიდან აკაკი სხავათა შორის სწერს ლორთქიფანიძეს შემდეგს:

„ბულვარზედ მოგზაურობა³⁾ დაბეჭდვამდი ჩემ ხელში იყო, მაგრამ იქ ჩვენზედ არაფერია, ვიხედავ არის ვიცი ყოველი პირი, მაგრამ გამოსარჩლება არ გვარგებს, ღირსნი არიან, ტროსტიჩებთ ეძებენ ტროტუარებზე კემშარიტების ნამსხვრევებს. არა იციან რაო არც იმას ამბობენ, მაგრამ ქართული არ იციანო. თორემ ჩვენზედ როგორ გაბედავდენ რამეს დაწერას, ეგ სტატია არდაზიანის⁴⁾ არის, იმან დასწერა. კი დაეწერათ ჩვენ-

1) ვ. კოტეტიშვილის „ქართული ლიტერატურის ისტორია“ წიგნი მე-II გვერ. 161.

2) იხ. სერ. გორგაძის ხელნაწერი: „აკაკის ბიბლიოგრაფია“ ყ. საისტორიო-საენოლოგრაფიო მუზეუმი, № 1466.

3) „მოგზაურობა ტფილისის ტროტუარზედ“ დაბეჭდილია 1862 წ. „ცისკარში“ № 7, გვ. 117—ძია თორნიკე ხელმოწერით. ეს წერილი „საქ. მოამბეში“ № 4, გარჩია თერგდალეულმა (კ. ლორთქიფანიძე).

4) ლაპარაკია ბელეტრისტ ლ. არდაზიანზე, რომელიც მაშინ პუბლიცისტურ წერალებსაც სწერდა და კამათი ჰქონდა თერგდალეულებთან.

ზედაც პასუხი ვილაკებებს, მაგრამ იქვე ეთქვათ, მოგდომიათ ტყავის გაძრობა და ეგ არისო და შიშით უკანვე წაეღოთ“¹⁾).

ამ რიგად, სავსებით დამტკიცებულად უნდა ჩაითვალოს აკაკი წერეთლის თანამონაწილეობა აღნიშნულ ლიტერატურულ ბრძოლაში, და აგრეთვე ისიც, რომ იგი თერგდალეულის ფსევდონიმით სწერდა პუბლიცისტურ სტატიებს იმ ხანებში.

კირილე ლორთქიფანიძის მონაწილეობაც ასი პროცენტით დამტკიცებულად უნდა ჩაითვალოს მას შემდეგ, რაც მის არქივში ჩვენ აღმოვაჩინეთ 1862-63 წლებში მის მიერ „ცისკარსა“ და „საქართველოს მოამბეში“ დაბეჭდილ ყველა წერილის ავტოგრაფები.

გ. წერეთლის ავტორობაზე, გარდა ნიკოლაძის დამაჯერებელი ჩვენებისა, მიგვიტოებენ მისი ბიოგრაფი²⁾ და პროფოფესორი ა. ხახანიშვილიც³⁾.

ახლა საინტერესოა გამოვარკვიოთ თვითელი ცალკე წირობების ავტორობის საკითხიც.

„ცისკარსა“ და „საქართველოს მოამბეში“ 1862-63 წლებში კირილე ლორთქიფანიძის მიერ მოთავსებული წერილები ასი პროცენტით შეიძლება გამორკვეული და დამტკიცებული იქმნას, რადგან მის არქივში აღმოჩნდა დაცული ყველა მისი წერილის ავტოგრაფები. ამ ავტოგრაფების აღმოჩენას ის დიდი მზნიშვნელობაც აქვს, რომ საშუალებას გვაძლევს გამოვარკვიოთ რა არის ამოშლილი ან შესწორებული თვით რედაქტორის მიერ⁴⁾ და რა—ცენზურის მიერ. ამ ავტოგრაფების მიხედვით ლორთქიფანიძეს ეკუთვნის 1. „წიგნი მიწერილი რედაქტორთან ევფ. წერეთლისა“ (იხ. „ცისკარი“ № 4, 1862), 2. „ორიოდე სიტყვა „ცისკარზედ“ და „ახალის ეურნალის სარგებლობაზედ“ (იხ. „ცისკარი“ № 9. გვ. 35—48, 1862); 3. „ბიძეა თორნიკეს სტატიისა გამო“ (იხ. „საქართველოს მოამბე“ № 4, გვ. 82-88, 1863 წ.); 4. „ამაო ამაოთა“ (იხ. „საქ. მოამბე“ № 6, გვ. 69—82, 1863 წ.); 5. „ჩრდილოეთის ამერიკის შეერთებული შტატები და იქაური ტყვეობა“ (იხ. „საქ. მოამბე“

1) დედანი ინახება კ. ლორთქიფანიძის არქივში.

2) იხ. კრებული: „გიორგი წერეთელი“—გვ. 4. 1900 წ.

3) А. Хаханов: „История груз. словесности“ ტ. 4. გვ. 400-01. 1906 წ.

4) ერთ წერილზე ლორთქიფანიძეს მიწერილი ექვს, რომ მან კერესელიძეს წერილი ამ სახით გაუგზავნა, ხოლო უკანასკნელს მისი წერილიდან ზოგი ადგილი ამოუშლია, ზოგიც თავისი ჩაუმატებიაო.

№ 11, გვ. 34-72, და № 12, გვ. 62-87, 1863 წ.) ყველა ეს წერილი ხელმოწერილია თერგდალეულის ფსევდონიმით.

რომელი წერილის ავტორი არის აკაკი წერეთელი? სამწუხაროთ ამ შემთხვევაში არავითარი ავტოგრაფი არ შენახულა; მაგრამ არის ნ. ნიკოლაძის მითითება, რომელსაც შეუძლია ძლიერ დიდი დახმარება გაგვიწიოს ამ საკითხის შესწავლის საქმეში.

ჩემს შიკითხვაზე ვ. კოტეტიშვილი მიპასუხებს:

— „თქვენ შკითხვით, თუ რა საფუძველს ვემყარები, როდესაც ჩემ „ქართულ ლიტ. ისტორიაში“ ვამბობ, რომ ლექსი: „ჩვენ აქა ვართ სამნი ძმანი, სამნი თერგდალეულთგანი“, აკაკი წერეთელს ეკუთვნის. ამ დასკვნამდე მიმიყვანა ლექსის სტილიურმა ანალიზმა, რაც შემდეგ დადასტურებულ იქმნა ნ. ნიკოლაძის მიერ, როდესაც ჩემი დასკვნის შესამოწმებლათ მას მივმართე“.

სამწუხაროთ აქ ლექსის შესახებ არის ლაპარაკი, ხოლო ამ ოთხი კვყარიანი ლექსით თავდება „ცისკარში“ ეფ. წერეთლის წინააღმდეგ მიმართული მეორე თერგდალეულის სტატია: „რამდენიმე სიტყვა ზემოური იმერლის გორისელის სტატიაზედ“ (იხ. „ცისკარი“ № 4, გვ. 347-65, 1862 წ.) მიუხედავად ამისა, ნიკოლაძის მითითება სახელმძღვანელო აზრად უნდა ჩაითვალოს მთელ ამ წერილის ავტორის დადგინებებს საქმეში. ამ წერილის აკაკის ავტორობას შემდეგი ფაქტიც ნათლად ამტკიცებს: აღნიშნული წერილი იმავე „ცისკარში“ გაურჩევია თომა შაქავარიანს ქუთაისიდან გამოგზავნილ წერილში: „პასუხი, მეორე თერგდალეულის პასუხისა“ (იხ. „ცისკარი“ № 8, გვ. 186-191, 1862 წ.) ავტორი ამ წერილში სხვათაშორის სწერს:

„არ ვიცი უფალო მეორე თერგდალეულო, რისთვის არ მოგწონს თქვენ კნენა ბარბარე ჯორჯაძის თხზულებათა ქება ეფთვიჲე წერეთლისა მიერ? მე ვფიქრობ თქვენ და ილია ჭავჭავაძეს რომ არ გიქვებს თხზულებას. (თქვენნი თხზულება სწორეთ საქებარი ყოფილა)“.

ჩემ მიერ ხაზგასმული სიტყვები ამტკიცებს იმას, რომ წერილის: „რამდენიმე სიტყვა ზემოური იმერლის გორისელის სტატიაზედ“—ავტორი მაშინაც უკვე ცნობილი ყოფილა თავისი თხზულებებით. შეუძლებელია ეს ყოფილიყო ან კირ. ლორთქიფანიძე, ან გიორგი წერეთელი, ან თუ გნებავთ ნიკო ნიკოლაძეც: ყველა ესენი მაშინ იწყებდნენ წერას და ილია ჭავჭავაძესთან მათი დატოლება შეუძლებელი იყო; კ. ლორთქიფანიძისა და გ. წერეთ-

თელის პირველი წერილი სწორედ გორისელის საპასუხოდ დაიბეჭდა 1862 წ. „ცისკარში“. აქედან ნათელია, თუ დამტკიცებულად არის მიჩნეული აკაკის მონაწილეობა „სამძმათა—თერგდალეულთაგანის“ ლიტერატურულ ბრძოლაში, მაშინ წარმოდგენილ მასალების მიხედვით, დამტკიცებულადვე უნდა ჩაითვალოს ზემოდ აღნიშნულ წერილის—„ორიოდე სიტყვა ზემოური იმერლის გორისელის სტატიაზე“—მისი ავტორობაც.

ყველა ზემოდ მოყვანილ ფაქტების შემდეგ ადვილია იმის გაგებაც, თუ რომელი წერილის ავტორი არის გ. წერეთელი. იგი არის მესამე წერილის ავტორი, რომელსაც ეწოდება „ახირებულნი ფურცელი“ (იხ. „ცისკარი“ № 5, გვ. 23—30, 1862 წ.) და რომელსაც ხელმოწერილი აქვს ფსევდონიმი მესამე თერგდალეული. წერილის დასაწყისშივე ავტორი აღნიშნავს:

„პირველად გამოვდივარ სალიტერატურო ასპარეზზედ და ვემზავსები იმ ახალგაზრდა მონადირეებს, რომელთაც ხელათ არა აქვსთ დიდი ნადირების ხოცა და პატარ-პატარა ნადირებს უსვრიან“. (გვ. 23).

ამ ცნობითაც მტკიცდება, რომ ამ წერილის ავტორი აკაკი არ უნდა ყოფილიყო: იგი უცილოდ გ. წერეთელს ეკუთვნის. საერთოდ უნდა ვსთქვათ, რომ გ. წერეთელის გალაშქრება თავისი მამის წინააღმდეგ მართლაც დამახასიათებელ ისტორიულ მოვლენად უნდა ჩაითვალოს იმდენად, რამდენადაც 60-იან წლებში ერთი მეორეს დაეტაკა ორი თაობა და გაჩაღდა მათ შორის გამწვავებული ბრძოლა. ეს ბრძოლა, როგორც სჩანს, ცხოვრების ყოველმნიშვნელოვან სფეროშიაც შეჭრილა და ოჯახის წევრებიც დაუტაკებია ერთი მეორესათვის.

მაშინდელი ლიტერატურული ბრძოლის დასახასიათებლად ძველ თაობასა და ახალ თაობას შორის, საჭიროდ მიმაჩნია აქ მოვიყვანო ვრცლად ერთი ადგილი ნ. ნიკოლაძის 1862 წლის კერძო წერილიდან კ. ლორთქიფანიძისადმი, რომელშიაც იგი ეხება სწორედ გორისელის წერილსა და მის გარშემო შექმნილ ამბავს. ნიკოლაძე სწერდა:

ძმაო კირილე!

დღეისწორ პარასკევს მოვედი ჩუთაისს. გზაზე ვიყაჭი თერამეტ აგვისტოდან ოცდა რვა სექტემბრამდე. აქაური საზოგადოების ამბავი ხომ შენც გეცოდინება, ქალები და კაცები არიან სწორეთ როგორც გინახავს უწინ. პატარა პროგრესი კი არის: ლაპარაკობენ ლიტერატურაზე. მართლა: გორისელმა შემეხვეწა თქვენთან ბოდიშის მოხდა. რათ არ დამიჯერე ნუ დაწერ სტატიასთქო ექვთიმეზე? ხომ მისი ბრალი არ ყოფილა. წარმოიდგინე

გორისელს დაუწერია სტატია რომელშიაც გაულანძლია რაფიელ ერისთავი მისი ლექსისათვის რომელშიაც სწერია რომ მე ზომ კატა არ ვარ და შენ თავიო, ერთი სიტყვით პოლონოვის ლექსის გარდათარგმნისათვის, მერმე მოუყვანია ჭავჭავაძის ლექსი „აყვავებულა ველი“ მაგალითად და ანტონის და ჩაბრუნხადის ლექსები: ვითომ აი ამისთანა ლექსები უნდა წერონო. ჩვენ ვირისთავს. (ესე იგი მიხედვები ვის, ანუ ესე იგი კჭრესელიძეს, ჩვენ პუშკინს და სხვა) ჭკუაში მოსვლია: ამ წიგნს მე გამოცვლიო; მაშინვე აუღია ხელში რედაქტორის, ცენზორის და არ ვიცი კიდევ ვისი კალამი, გორისელის სტატიიდან რაფიელის ლანძღვა გამოუშვია, ჭავჭავაძის გინება კი თავისი ჩაუმატებია, და ეს ყოველად უსახო უგვარო სტატია შეგვბნდა ჩვენ წასაკითხავად. გორისელმა ეხლა სტატია დაწერა, რომელშიაც სრულიად ბრალს ადებს კერესელიძეს. მე უთხარი: ჩვენ სრულიადაც არ მოგვიერთოდა ფიქრში თქვენი ლანძღვის დაწერა, რომ თქვენ ჭავჭავაძის ჟურნალ¹⁾ არ გეგინებიათო. ჩვენ იმ ჟურნალის დიდი იმედო გვაქვს, თქვენ კი ჯერ ჟურნალი არ ჩასახულებათო და კრედიტს უკარგავთო. გორისელმა ფიცი, მტკიცი, აი ღმერთი, აი ხატი, არც კი მცოდნია თუ ჭავჭავაძე ჟურნალის გამოცემას აპირებსო, მაგ სიტყვებო: „ვილაც ჭავჭავაძე ჟურნალის გამოცემას აპირებსო“ და სხვანი-კერესელიძის ჩამატებული არისო. გორისელმა მთხოვა დრო დამინიშნეო და იმ სტატიის შავს მოვიტანო წაგაკითხებო, თუ იმ სტატიაში რამე სწერილია მაგისთანაო, სულ მაგინეთო. მეც უთხარი თუ თქვენ არ დაგიწერიათ ჩვენ ბოდიშს მოვითხოვთო, მაგრამ არც ჩვენა ვართო მაგაში დანაშაულხი. აქაური პოლიც-მეისტერი კარგი კაცია, როგორც პატიოსნებით აგრეთვე სწავლით. ფილოსოფია, კრიტიკა, პოლიტიკური ეკონომია ბრველი ჩვენს კანტიდატებზე უფრო კარგათ ესმის. იმან შემხვდა გუშინ წინ მოწამეთას და მკითხა გორისელი მასე საშინელიათ რათ გალანძღეთო? მე უთხარი რომ კაცი რომ სხვის ბალებში შევა უკითხავათ, და იქ ყოველიფერს აურევს და ურევსთო, იმ კაცს ისე ეკადრებათო. მაშინ პოლიცმეისტერმა მითხრა თქვენ ზომ არ ერეოდით მის სლფდსტივებშიო? მაშ არც იმას უნდა გაელანძლა თავისი გასაყიდელი კალამით ლიტერატურაო. როგორ მოგწონს? აქ ყველანი ამბობენ გორისელზე: по делам вору мука.

ჭავჭავაძის ჟურნალმა აქ ფურორი მოახდინა ჯერ ჯერობით, გენაცვალე, კირილე, რამე სტატია გაგზავნე დასაბეჭდავად. უსათუოდ გააგზავნე“²⁾.

3. ბაზ. „დროება“ და გ. წერეთელი

როგორც მკითხველმა უკვე იცის, თითქმის მთელი ოთხი წლის (1866—1869 წ.) განმავლობაში გ. წერეთელი ითვლებოდა ბაზ. „დროების“ რედაქტორად, მის მთავარ თანამშრომელად და სულის ჩამდგმელად. მისი ღვაწლი და შრომა ამ მხრივ მეტის მეტად დიდი არის. 1876 წ. „დროების“ დაარსების სთი წლის თავზე (1866—76) მისი მაშინდელი რედაქტორი სერ. მესხი სწერდა:

1) ლაპარაკია ილია ჭავჭავაძის „საქართველოს მოამბეზე“.

2) დედანი ინახება კ. ლორთქიფანიძის არქივში.

„ეს შენიშვნა ისე არ უნდა გათავდეს, რომ ჩვენ არ მოვიხსენიოთ ერთი პირი, რომელსაც გაზეთის ბედში არა-მცირედი მონაწილეობა მიუძღვის, რომელსაც ამ ჩვენი „დროებისათვის“ ცოტა ოფლი არ დაუღვრია: ეს პირი არის „დროების“ პირველი რედაქტორი — გიორგი წერეთელი. გიორგი წერეთელის მეცადინეობასა, ნიჭსა და სამშობლო საქმის სიყვარულს უმადლოდეთ თუ დღეს ჩვენი გაზეთი ცოცხალია და თუ შემდეგში იმას დღეგრძელობა მოეღოს“¹⁾.

ამასვე აღნიშნავდა 1875 წ. ნ. ნიკოლაძე თავის რუსულ წერილშიაც „დროების“ შესახებ. 1869 წლიდან ნიკოლაძე ერთ-ერთი უახლოესი თანაშრომელი იყო გაზ. „დროებისა“ და აქტიური წევრი იმ „ახალი ახალგაზრდათა“ ჯგუფისა, რომელიც 1869 წელს შესდგა გ. წერეთლის, ნ. ნიკოლაძისა და სერ. მესხის მეთაურობით. ნიკოლაძე კარგად იცნობდა გ. წერეთელს, დიდი ხნის განმავლობაში ისინი ერთად ეწეოდნენ ლიტერატურულსა და პოლიტიკურ ბრძოლას მან კარგად იცოდა გაზ. „დროების“ დაარსებისა და ვითარების ამბები, კარგად ხედავდა გ. წერეთელის შრომასაც და ღვაწლს ამ გაზეთის წარმატების საქმეში. თავის წერილში ნიკოლაძემ სწორედ ეს აღნიშნა²⁾.

გაზ. „დროების“ დაარსება ერთ უშესანიშნავეს ეპოქის დასაწყისად უნდა ჩაითვალოს ჩვენი ყურნალისტიკის ისტორიაში. შეიძლება გადაჭრით ითქვას, რომ „დროება“ იყო პირველი ევროპიული ხასიათის გაზეთი ქართულ ენაზე, რომელსაც გარკვეული პოლიტიკური მსოფლმხედველობა ახასიათებდა და რომელიც ახალი თაობის დემოკრატიულ მისწრაფებებს ემსახურებოდა.

ჩვენი საზოგადოებრივი ცხოვრების ერთ-ერთ უშესანიშნავეს პერიოდში დაიწყო გაზ. „დროების“ გამოცემა და მისი მოღვაწეობა. საზოგადოებრივ-ეკონომიურის მხრივ ამ ეპოქას ახასიათებდა ჩვენი ცხოვრების საგრძნობი წინსვლა კაპიტალისტურ თიერთობისაკენ და ჩვენი სოციალური ძალების ამოძრავება; პოლიტიკურის მხრივ — ალექსანდრე მეორის რეაქცია და „თეთრი ტერორი“. ეს რეაქცია „რეფორმის“ მეორე დღესვე დაიწყო რუსეთში, — სწორედ მაშინ, როდესაც გლეხურმა მასებმა თავიანთი მოძრაობით უკმაყოფილება გამოაცხადეს „რეფორმის“ მიმართ და როდესაც რევოლუციონური ინტელიგენცია ნ. ჩერნიშევსკის იდეური ხელმძღვანელობით შეუდგა რევოლუციონური ორგანიზაციების ჩამოყალიბებასა

1) იხ. „დროება“ № 24, 1876 წ.

2) იხ. წერილი: „Местная литература“ — „Тифл. Вестник“ № 99, 1875 წ.

და რევოლუციისათვის მზადებას. ამ პოლიტიკურმა რეაქციამ თავის უმაღლეს წერტილს მიაღწია პოლონეთის აჯანყებისა (1863 წ.) და კარაკოზოვის ტერორისტული აქტის (1866 წ.) შეგავლენით: ალექსანდრე მეორეს მთავრობამ ისარგებლა აღნიშნული მომენტებით და ჯაამეფა რუსეთში „თეთრი ტერორი“ რევოლუციონური მოძრაობისა და კრამვოლის აღმოსაფხვრელად. რუსეთის პრესა სასტიკი ცენზურის ქვეშ მოექცა და ინტელიგენციას ყოველგვარი საშუალება მოესპო თავისი აზრის თავისუფლად გამოთქმისა. ამ პოლიტიკურმა რეაქციამ თავისი დალი დაასვა გაზ. „დროების“ მოღვაწეობას, რომელიც სწორედ სასტიკ „ტერორის“ პერიოდში გამოვიდა და რომელიც, როგორც ქვევით დავინახავთ, ცენზურის მაგარი არტახებით იყო შეკრული.

მაგრამ, ამ საშინელი რეაქციის პირობებშიაც, ჩვენი საზოგადოებრივ-ეკონომიური ცხოვრება თავისი გზით მიდიოდა წინ. ბატონ-ყმობის მოსპობამ ჩვენში, — რომელიც გამოწვეული იყო ჩვენი ძველი საზოგადოებრივი წყობილების კრახისათა და ეკონომიური აუცილებლობით, — მტკიცე საფუძველი შექმნა კაპიტალისტური ურთიერთობის განვითარებისათვის. „დროებას“ სწორედ ამ ახალი ეკონომიური ურთიერთობის კონსოლიდაციის პერიოდში მოუხდა მოღვაწეობა და იგიც თავისი პროგრამით, თავისი იდეოლოგიითა და მისწრაფებით ამ კაპიტალისტურ ტენდენციის გამოხატველი იყო. მეორე მხრივ, ჩვენი ახალი ცხოვრების დასაწყისის მაჩვენებელი იყო ჩვენი ახალი თაობის ინტელიგენციის გამოსვლა სამოღვაწეო ასპარეზზე და მისი ბრძოლა ცხოვრების ახალ პირობებისათვის. საილიუსტრაციოდ შეიძლება დავასახელოთ ჩვენი სტუდენტების (ნ. ნიკოლაძე, გ. წერეთელი, კ. ლორთქიფანიძე, ლოლობერიძეები, ი. ისარლი-შვილი და სხ.) მონაწილეობა 1861 წლის სტუდენტთა არეულობაში¹⁾ და 1868—69 წლების გაფიცვებში (ბ. ჯაფარიძე, ნ. ყიფიანი, და სხვები). ამავე ახალი, კაპიტალისტური ურთიერთობის დასაწყისის მქალაქ სიმპტომს წარმოადგენდა 1865 წლის ხელოსანთა აჯანყება ტფილისში. ამრიგად, მიუხედავად რეაქციის სუსხიანი დღეებისა, „დროებას“ მაინც ახალ საწარმოო ურთიერთობის განვითარებისა, ახალი საზოგადოებრივი ძალების ამოძრავების ხანაში მოუხდა ცხოვრება. ამას ნათლად გრძნობდნენ მისი ხელმძღვანელები. სერ. მესხი სწერდა:

1) ამის შესახებ გამოქვეყნდება ჩემი. ნარკვევი „სტუდენტთა არეულობა 1861 წ. პეტერბურგში და ქართველი სტუდენტობა“.

„დროებამ“ ისეთს დროს დაიწყო გამოსვლა, როდესაც, ხანგრძლივის-ძილისა და მყუდროების შემდეგ, საქართველომ თითქო გამოღვიძება დააპირა. ეს ის დრო იყო, როდესაც ჩვენმა ხალხმა ცოტ-ცოტათი დაიწყო თავის ძველი ცხოვრების წესისა და ხასიათის მიტოვება, და ახალს, თანამედროვე ცხოვრებას შეუდგა. ეს იყო ის დრო, როდესაც განათლებული ახალგაზრდა ქართველები გაჩნდნენ ჩვენში, რომელთაც ცოტა არ იყოს, შეანძრის-თითქო გაქვაგებული და დამყავებული ჩვენი ცხოვრება. ხალხი გრძობდა ახალ დროს, ახალ ცხოვრების მოახლოებას. თვალები და გონება რომ არ ჰქონოდა მაშინდელ ქართველს, მარტო ყნოსვითაც კი შეიტყობდა, რომ რა-ღაც სხვა დრო და სხვა მოთხოვნილება გაჩნდაო“¹⁾.

გაზეთი „დროება“ ამ ახალი დროების გამომხატველ ორგანოდ გადაიქცა. არ დარჩენილა არც ერთი ღირსშესანიშნავი საკითხი ჩვენი ცხოვრების მიერ წამოყენებული, რომ „დროებას“ იმაზე პასუხი არ გაეცა და არ გადაეჭრა იგი რადიკალური დემოკრატიის თვალსაზრისით. თავისი შინაარსითა და მიმართულებით „დროება“ პროგრესიული რადიკალური ბუჟუაზიული აზროვნების ორგანო იყო. იმდენად, რამდენადაც იმ ხანებში ძველი საზოგადოებრივი ურთიერთობის დაზღვევა და მისი ნაშთების აღმოფხვრა აუცილებელ პირობას წარმოადგენდა ახალი კაპიტალისტური დამოკიდებულების განვითარებისათვის, — ბუჟუაზიული მოძრაობა და აზროვნება ჯერ კიდევ განუყრელი იყო რადიკალურ-დემოკრატიულ მოძრაობასთან და აზროვნებასთან და ჩვენი ახალი ორგანოც და მისი იდეური ხელმძღვანელიც ასახავდენ ამ ობიექტურ-ისტორიულ გარემოებას.

გაზეთის დაარსებას დიდი ხნიდან აპირებდა ახალი თაობის ინტელიგენციის ერთი ჯგუფი. ჯერ კიდევ 1863 წ. ილ. ჭავჭავაძის რედაქტორობით გამოვიდა პროგრესიული ჟურნალი „საქართველოს მოამბე“. მაგრამ იგი ერთი წლის არსებობის შემდეგ დაიკეტა. ამ გარემოებამ აღუძრა სურვილი ინტელიგენციის ერთ ჯგუფს შესდგომოდენ ქართული გაზეთის გამოცემას²⁾; გაზეთის გამოცემის მიზნით წინასწარი მუშაობაც ჩაუტარებიათ და სტამბის შეძენასაც შესდგომიან. ამ საქმეების ინიციატორობა უკისრიათ ნ. ლოლობერიძეს,³⁾

1) იხ. „დროება“ № 24, 1876 წ. სერ. მესხის წერილი.

2) ს. მელიქიშვილი „დროების“ ათი წლის დღესასწაულზე ამბობდა: „პირველი აზრი იმ გაზეთის გამოცემისა, რომლის გამომცემელი მე გახლავართ და რომლის ათი წლის არსებობას ჩვენ დღეს ვდღესასწაულობთ, ეკუთვნის თ. ი. ჭავჭავაძეს, რომელმაც პირველად გამოსთქვა ეს ჰაზრი „საქართველოს მოამბის“ დახურვის შემდეგ“. (იხ. „დროება“ № 24, 1876 წ.).

3) ნიკოლოზ ბერიძე იყო 60-იანი წლების ქართველ სტუდენტთა ერთ-ერთი მეთაური, მონაწილე 1861 წლის სტუდენტთა არეულობისა ყოფ. პე-

ვახტანგ თულაშვილს, ¹⁾ დიმიტრი ბაქრაძეს, ²⁾ და ს. მელიქიშვილს³⁾. 1864 წ. მაისის 25-ის თარიღით ნიკო ლოლობერიძე სწერს კირილე ლორთქიფანიძეს:

„ამას კი გწერ, ვიცი გეამება: მე, ვახტანგ თულაშვილი, დიმიტრი ბაქრაძე და სტეფანე მელიქიშვილი სტამბის განხნას ვაპირებთ წელს შემოდგომას, გვინდა ახალი შრიფტი შევადგინოთ ქართული, ლამაზი, ადვილი საკითხავი ასო-მთავრულით, უსტამბოთ ჩვენ არაფრის გაკეთება არ შეგვიძლიან. თუ ღმერთმან ქმნა და გავაწყვეთ კარგათ, მაშინ იმედია თქვენის (სტუდენტების ს. ხ.) შეწყობით, რამეს მოვახერხებთ“ ⁴⁾.

ვახეთის გამოცემისათვის ნებართვის მიღება იმ ხანებში არც ისე ადვილი საქმე იყო. როგორც სჩანს, დიდი ცდების შემდეგ 1866 წლის დასაწყისში დიდ მთავარს მიხეილ ნიკოლოზისძეს, რომელიც მაშინ მეფას მოადგილედ ითვლებოდა კავკასიაში, ვახეთის გამოცემის ნებართვა მიუცია განსაკუთრებულს პირობებში და სასტიკი ცენზურის დაწესებით. ზემოდ დასახელებულმა ჯგუფმა უკვე 1865 წ. რედაქტორად მოიწვია გ. წერეთელი, რომელიც მაშინ ახლად დაბრუნებულ იყო რუსეთიდან და პედაგოგიურ პრაქტიკას ეწეოდა. თუ როგორ პირობებში უხდებოდა მუშაობა ახალგაზრდა რედაქტორსა და ვახეთის თანამშრომლებს, ინტერესს მოკლებული არ იქნება მოვიყვანოთ აქ რამოდენიმე ადგილი „დროების“ თანამშრომელთა კერძო მიწერ-მოწერებიდან და დოკუმენტი საცენზურო კომიტეტიდან.

ტერბურგში, „დროების“ ერთ-ერთი ხელმძღვანელი 1868 წლამდე, შემდეგ სახელმწიფო სამსახურში შევიდა, ერთხანს ქუთაისის სათავად-ახნაურო ბანკის თავმჯდომარედაც იყო, 80-იან წლებში ჭიათურის მრეწველობას მოკიდა ხელი. გარდ. 1911 წ. ნ. ლოლობერიძე გ. წერეთელს გამოყვანილი ყავს კიკელიკის სახით თავის „მგზავრის წერილებში“.

¹⁾ გ. თულაშვილი — „საქართველოს მოამბეში“ თანამშრომლობდა ვ. თ. უსეველიანი. ბატონყმობის მოსპობის შემდეგ „გასამიჯნავ დაწესებულებაში“ იშოვა კარგი ადგილი“ (გ. წერეთელი). მწერლობას იშვიათად უბრუნდებოდა, გარდა იცვალა 1911 წ.

²⁾ დიმიტრი ბაქრაძე — ისტორიკოსი და პუბლიცისტი. პირველ ხანებში უახლოესი თანამშრომელი იყო ვახ. „დროებისა“. შემდეგ ცენზორადაც იქნა დანიშნული. გარდ. 1890 წ.

³⁾ ს. მელიქიშვილი — ვახ. „დროების“ გამომცემელი და სტამბის მეპატრონე, — ძმა პროფ. პ. მელიქიშვილის და ცოლის-ძმა პუბლიცისტ სერ. მესხისა. გარდაიცვალა 1886 წელს.

⁴⁾ დედანი ინახება კ. ლორთქიფანიძის არქივში.

1866 წ. 16 იანვარს ნ. ლოლობერიძე კ. ლორთქიფანიძეს სწერდა:

„ახლა ჩვენი თხოვნა შენთან და საზოგადოთ სტუდენტებთან მდგომარეობს იმაში, რომ შემწეობა ამოუჩინოთ ამ გაზეთს, იკისროთ მისი თანამშრომლობა. ეჭვი არ გვაქვს, რომ ამ თხოვნას აგვისრულებთ, რომ თქვენს თანამშრომლობაზედ არა გექნოდნა იმედი, ჩვენ კიდევაც ვერ გაგზავნავდით გაზეთის გამოცემას.—ადვილათ მიხედვლობით, რა მიზეზებისა გამო ვითხოვეთ გაზეთის ნება და არა უურნალისა. ჩვენის აზრით გაზეთი უფრო სასარგებლო იქნება ჩვენი ხალხისათვის, მინამ უურნალი. უურნალის დიდს სტატიებს ვერ ვეროდენ ჩვენი წოუმზადებელი მკითხველები, გაზეთის მოკლე სტატიები, რა საკვირველია, უსწავლელს კაცს გაზეთის ახალ-ახალი ან ხშირათ ცხოვრების შესახებ ამბები უფრო გაართობს, მინამ გრძელი ტრაქტატი რომელიმე საგანზედ. გამოცემა გაზეთისა, უეჭველია, უფრო ადვილია, მინამ უურნალისა. სხვა რომ არა. ვთქვათ, გაზეთში ხან და ხან ორიგინალური სტატია რომ არ იყოს, არაფერია, უმისოთაც შეიძლება გასართობი და საინტერესო იყოს, მაშინ როდესაც უურნალში თუ ერთი ორი სტატია არ იქმნა ნამდვილი, რაღა უურნალი იქნება. ამასთანავე უურნალში საპოლიტიკო ნაწილის ნებას ხოც არადროს არ მოგვემდენ. ნუ დაივიწყებთ იმას, რომ ჩვენ გაზეთთან დამატება გამოვა წიგნებათ, რომელმაც უნდა აასრულოს უურნალის ვალი, რადგანაც ამ დამატებაში დაიბეჭდება გძელი სტატიები. რედაქციის შეძლებაზედ არის დამოკიდებული, რამდენსაც მოახერხებს, იმდენი წიგნი შეუძლია გამოუშვას წელიწადში ამ დამატებისა. კირილე, შენ კარგათ იცი რა არის ჩვენი ხალხისთვის საჭირო და ამისათვის ამაზე მოწერა საჭირო არ არის. თუ რამე გექვს დაწერილი, ძალიან მადლობელი ვიქმნებით, რომ გამოგვიგზავნიდეთ, ამასთანავე, რასაკვირველია, ამას იქით შეტის ხალხით მოკიდებთ კალამს ხელს. მანდდამ კორესპონდენციებს სხვა და სხვა შესანიშნავ ამბებზედ რომ გამოგვიგზავნიდეთ ხოლმე, მაგას რაღა ემკობინება. წერილის დროს აქაური ცენზურა კი უნდა იქონიოთ სახეში. ღონორარზე დათიყოსაც მოვსწერე, თუ რამე ღონისძიება გვექმნება, დაგვერწმუნეთ, პირველათ იმას ვეცდებით, სტუდენტები დავაკმაყოფილოთ“¹⁾.

როგორც ამ წერილიდან სჩანს, რედაქციის მთავარ ამოცანას შეადგენდა თანამშრომელთა მობილიზაცია მოეხდინა და რუსეთის ქალაქებში გაბნეული ქართველი ახალგაზრდა ინტელიგენტები ჩაება ლიტერატურულს მუშაობაში. თვით გ. წერეთელი იმავე კ. ლორთქიფანიძეს ახარებს რა ახალი გაზეთის გამოცემის ნებართვის მიღებას, სწერს: „თქვენ ახლა ძლიერ საჭირონი ხართ ჩვენთვისო“. მართლაც, რედაქციამ შესძლო ახალი თანამშრომლების შემოკრება თავის გარშემო და ღირსშესანიშნავი ლიტერატურულ-პუბლიცისტური მუშაობის გაჩაღება. 1866—69 წლებში, როდესაც გაზ. „დროება“ გ. წერეთლის

1) იხ. კ. ლორთქიფანიძის არქივი ქუთაისის მუზეუმში.

რედაქტორობით გამოდიოდა, ამ ორგანოს უახლოეს თანამშრომლებად ითვლებოდნენ: დიმ. ბაქრაძე, ვ. პეტრიაშვილი, ალ. ცაგარელი (შემდეგში პროფესორები), კ. ლორთქიფანიძე, ი. ქავჭავაძე, ან. ფურცელაძე, მ. ფაზელი (გურიელი), გრ. თარხან-მოურავი, პ. უშიკაშვილი, აკაკი, ნ. ინაშვილი, რ. ერისთავი, ი. ჯანაშვილი, ი. გოგებაშვილი, ნ. ლოღობერიძე, სტ. მელიქიშვილი, ვ. თულაშვილი და მრავალი სხვები. მაგრამ გაზეთის სული და გული, მისი ტონის მიმცემი თვით რედაქტორი გ. წერეთელი იყო. მიუხედავად იმისა, რომ გაზეთი კვირაში ერთხელ გამოდიოდა იგი მაინც მეტის-მეტად დიდ შრომას მოითხოვდა თვით რედაქტორისაგან. იმ ხანებში, როდესაც ჯერ კიდევ პირველად იკიდებდა ჩვენში ფეხს პერიოდული გამოცემის საქმე, გასაკვირი არ არის, თუ ამ პირველი საფუძვლების ჩაყრა მეტის-მეტად ძნელი იყო ახალგაზრდა ლიტერატორისათვის; მას უნდა ეხელმძღვანელა გაზეთის არა მარტო იდეური მხარისათვის, არამედ ტექნიკურ პირობებისათვისაც, დღე და ღამ სტანბაში ყოფილიყო და ეზრუნა მისი გავრცელებისათვისაც. ოთხი წლის განუწყვეტელმა მუშაობამ იგი მეტად დაჰქანცა და მოასუსტა. 1883 წელს სერ. მესხის დასაფლავებაზე გ. წერეთელი ამბობდა:

„ვგვრც ერთი თქვენთაგანი იმ საშინელ ჯაფას და თავგანწირულებით ბრძოლას ვერ წარმოიდგენს, რაც მე და ჩემ ამხანაგებს გვინაბავს და გამოგვიცდია მესხთან შრომით კვირის კვირამდე, თვისთეობაზღის, დღე და ღამ უძილობა, მუდამ რკინის მტვერში (სტამბაში) ყოფნა და მით სუნთქვა, იმ მძიმე ჰაერით ფილტვების ლპობა“¹⁾.

1883 წლის „დროების“ 31 ივლისის ნომერში ივ. მაჩაბელის წერილში „დროების“ მოღვაწეობის პირველი პერიოდი შემდეგი სიტყვებით არის აწერილი:

„4 მარტს 1866 წელს გამოვიდა პირველი ნომერი „დროებისა“ გ. წერეთლის რედაქტორობით. ეს ნომერი კარგა მოზრდილი იყო: ფელეტონს თავისი ალაღი ეჭირა, მოწინავე წერილს თავისი, დანარჩენი ნომერი დაეპყრო პოლიტიკას, დაგვიანებულ ტელეგრამებს და მთავრობის განკარგულებას. პირველ მოწინავე წერილში²⁾ რედაქცია უხსნიდა მკითხველებს გაზეთის მნიშვნელობას, უხსნიდა, რომ საზღვარ-გარეთ ყოველ ქუჩურსაც კი ჯიბეში გაზეთი უდევსო, თითქო არცხვენდა ამით, თუ ქუჩრები გაზეთებს ჰკითხულობენ, თქვენ უფრო არ შეგფერთო! მაგრამ საზოგადოება ყრუდ დარჩა და გაზეთს არამც თუ კუჩრები, იმისთანებიც კი არ ჰკითხულობდნენ, რომელ-

1) იხ. „დროება“ № 145, 1883 წ.

2) „დროების“ პირველი მოწინავე წერილი დაწერილი უნდა იყოს სტ. მელიქიშვილის მიერ.

თაც მოცილილი დრო (და ეს მოცილილი დრო ხშირად მთელი დღე იყო) კორეებისთვის ჰქონდათ გადადებული. მხოლოდ ორიოდ თავგამომეტებული ლიტერატორი შრომობდა მაშინ რედაქციაში და თითქმის გაზეთის ყოველი სტრიქონი რედაქციაშივე იყო დაწერილი. არსაიღამ კორეაპონდენციები, არსაიღამ ახალი ამბები, პოლიტიკის წყაროდ მხოლოდ გაზეთი „კავკაზი“ და, რაც უფრო საგრძნობელი იყო, არსაიღამ ხელისმომწერლები. მკითხველი საზოგადოება თუ იყო სადნე, გულცივად ეპყრობოდა გაზეთს. რა „დროება“, რის „დროება“, ქართული გაზეთი ვისთვის რა საჭიროა! ჰქადაგებდა არა ერთი და ორი, ჰქადაგებდნენ მრავალნი და ამ გულცივობით გულს უკლავდნენ იმათ, ვინც იტანდა ამ საზოგადო საქმისათვის სიმშინის, წყურვილს, უწყალო, განუწყვეტელ შრომას და თან ყოველს ამაზე კიდევ უარესს საზოგადოების გულგრილობას, უმადურობას!.. დროება გამოიცვალა და შეეცვალა სახე „დროებასაც“. პროვინციებში აქა-იქ გამოჩნდნენ ცხოვრების ნიჭიერ და მკვირვებელნი და თავიანთ ნაშრომით გაუნახევრეს წვალება რედაქტორსა და უმთავრეს თანამშრომლებს მართალია, ბევრ კორეაპონდენციას შესწორება, წაშლა-წამოშლა, როგორც ამბობდნენ, გაშალაშინება ეჭირვებოდა, მაგრამ სამაგიეროდ გაზეთს უფრო ჩვენებური სახე მიეცა, პოლიტიკათვის კალაპოტში ჩაჯდა და გაზეთს გაზეთობა დაეტყო.

ასეთს პირობებში უხდებოდა პირველ ხანებში მოღვაწეობა გ. წერეთელსა და მის რედაქტორობითა და უახლოესი თანამშრომლობით გამოსულ გაზ. „დროებას“. ნიჭიერმა რედაქტორმა დიდი ტანჯვა და ენერჯია დახარჯა, რომ გაზეთი ფეხზე დაეყენებია და ჯერ კიდევ მოუწახადებელი საზოგადოების ყურადღება დაემსახურებია.

„დროების“ მატერიალური მდგომარეობისა და გავრცელების შესახებ საინტერესო ცნობებს გადმოგვცემს გ. რ. თარხან-მოურავი ერთ თავის წერილში 1871 წ. ამ ცნობებიდან ჩვენ ვტყუობილობთ, რომ „დროებას“ 1866 წ. ყოლია 400 ხელისმომწერი; 1867 წ. 350; 1868 წელს—330; 1869 წ.—დაახლოებით 300; 1870 წ.—243 თარხან-მოურავი ხაზგასმით აღნიშნავს, რომ „დროების“ მატერიალური მდგომარეობა იმ მხრივაც იყო უმწეო და მეტის მეტად სამწუხარო, რომ ყველა ხელისმომწერს არ შემოქონდა თავისი ხვედრი თანხა; ასე მაგალითად „დროებას“ ოთხი წლის (1866—1870 წ.) განმავლობაში დაკარგვია ხელისმომწერლებისაგან 3,058 მანეთი. ამავე 1866.—1870 წლებში გაზეთს უნდა შემოსვლოდა ხელისმომწერლებისაგან დაახლოებით 11,361 მანეთი; ფაქტიურად კი შემოსვლია 8.309 მან. „სჩანს, რომ თითქმის მეოთხედი შემოსავალი აღარ იცის კაცმა რა იქნა, სად დაიკარგა“; უკეთ რომ ვსთქვათ, ეს „მეოთხედი ნაწილი“ ხელისმომწერლებს არ შემოუტანიათ. დღეს, როდესაც ქართულ გაზეთის ტირაჟმა 80.000-დე მიაღწია, რასაკვირველია, გაზეთის 300-400 ექვმპლიარის გამოცემა ვერავითარ შთაბეჭდილებას.

ვერ ახდენს: მაგრამ ეს მინიმალური რიცხვი იმ პერიოდს ეკუთვნის როდესაც ჩვენში პირველად იკიდებდა ფეხს გაზეთის გავრცელების საქმე. იგივე თარხან-მოურავი შემდეგ საინტერესო ცნობას იძლევა:

„ესლა კი ვნახოთ, როგორ ვრცელდება საზოგადოებაში „დროება“— 1868 წ. გამოდიოდა 330 ეგზემპლიარი. და მცხოვრებლების რიცხვი კი თფილისის გუბერნიაში ქართველენია 336,000.—ამ 330 ხელისმომწერლებიდან უნდა გამოვრიცხოთ ის რიცხვი, რამდენთაც მისდის ქუთაისის გუბერნიაში „დროება“; თბილისის გუბერნიაში გამოიწერება მხოლოდ 148 ეგზემპლიარი, ასე რომ თითქმის 2,269 სულზედ მოდის ანგარიშით 1 ნომერი „დროებისა“. აქედან სჩანს, რომ 2.269 კაცი აძლევს წელიწადში 7 მანეთს,—ესე იგი თითო კაცზე მოდის $\frac{1}{4}$ კაპ. მაშასადამე უნდა შეიკრიბნენ ოთხი კაცი და გამოიმეტონ მხოლოდ ერთი კაპ., რომ წლითი წლამდე ჰკითხულობდნენ ყოველ კვირას თითო ნომერს „დროებისას“.—უეჭველია, რომ საზოგადოების ამ გვარის თანაგრძნობით ჩვენი ლიტერატურა ვერ ნახავს წარმატებას. წინააღმდეგ ამისა, უნდა ვსთქვათ, რომ „დროება“ თავის მოვალეობას ასრულებს დიდის მეცადინეობით და თავის საქმის ერთგულებით... ესეც უნდა მივაწეროთ მის რედაქციის განსაკუთრებულ ენერჯიას“ 1).

მაგრამ მატერიალურ სივიწროვესთან ერთად გაზეთის წინააღმდეგ მიმართული იყო მაშინდელი სასტიკი ცენზურა და მემამულეების მხრივ დევნა. გაბატონებულმა წრეებმა სამართლიანად დაინახეს „დროებაში“ მათ საწინააღმდეგოდ მიმართული აზრები და დევნაც დაუწყეს მას; 1871 წლის ნომერში ვკითხულობთ:

„სამწუხაროა საზოგადოებისაგან ლიტერატურის მნიშვნელობაზე ამისთანა უსაფუძვლო შეხედულება. მაგრამ კიდევ უფრო მომეტებული სამწუხარო ისაა, რომ ზოგიერთები, თავის ცხოვრებისა და მოქმედების გაკიცხვა რომ არ გაიგონონ, მზათ არიან რითიმე ავნონ ამ ლიტერატურას, ან თუ შეიძლება სრულიად მოსპონ საზოგადო ნაკლულევანების მაჩვენებელი გაზეთი ან ჟურნალი. ამას ჩვენ უსაფუძვლოთ არ ვამბობთ: ამას წინეთ „დროებაში“ ერთი უეზლიდამ კორესპონდენცია იყო დაბეჭდილი, რომელშიაც ჩვენი კორესპონდენტი (ხვათაშორის ამბობდა, რომ აქაური ნაბატონები ავიწროებენ გლეხებსო, დაჭირების დროს ერთობ ძვირათ მიჰყიდეს იმათ პურიო და სხვ. ამ ამბის გამჟღავნებამ ისე ააღელვა თურმე ზოგიერთი ადგილობრივი მამულის პატრონები, რომ ერთს თუ ორს იმათგანს წინადადება მიეცა სხვებისათვის, რომ ყოველი ღონის-ძიება ვიხპაროთ, რომ გაზეთი მოისპოსო“... 2) (შემდეგ ცენზორის მიერ არის ამოღებული ს. ხ.).

ასეთს ატმოსფერაში უზღებოდათ „დროების“ რედაქტორებს გ. წერეთელსა და სერ, მესხს თავიანთი ლიტერატურულ-საზოგადო-

1) გრ. თარხან-მოურავი: „დროების“ და „მნათობის“ ღონის-ძიება და საზოგადოების თანაგრძნობა ლიტერატურისადმი“ „დროება“ № 2, 1871 წ.

2) იხ. „ჩვენი მკითხველი საზოგადოება და ლიტერატურა“—„დროება“ № 20, 1871 წ.

ებრივი მუშაობის წარმოება. მიუხედავად ამ მძიმე პირობებისა, მათ შესძლეს უდიდესი როლის თამაში ჩვენი ჟურნალისტიკის განვითარების საქმეში.

მაგრამ რედაქტორის საქმიანობასა და გაზეთის საქმის შესაფერისს სიმაღლეზე დაყენებას ხელს უშლიდა უმთავრესად მაშინდელი სასტიკი ცენზურული პირობები. მკვლევარმა თუ ამ გარემოებას არ მიაქცია არსებითი ყურადღება, მისთვის სრულიად გაუგებარი დარჩება „დროების“ პოლიტიკური პროგრამის არსებითი შინაარსი და ძლიერ დასცილდება ისტორიულ სინამდვილეს. როგორც ვწერდით. „დროების“ პირველ რედაქტორს სასტიკ რეაქციის პერიოდში მოუხდა მუშაობა და ამან თავის გავლენა მოახდინა გაზეთის შინაარსზე; გაზეთს პირდაპირ აკრძალული ჰქონდა პოლიტიკურ საკითხებზე წერა და მსჯელობა. რედაქტორი იძულებული ხდებოდა თანაშრომლებისათვის შესაფერისი დარიგებანი მიეცა. 1866 წ. იმავე კ. ლორთქიფანიძეს იგი სწერდა:

„მაგრამ ამას კი ძალიან გეხვეწები წერილებში აზრები დაფარო ისე, რომ ბეც კაითმაზოვის თვალებს არ შეეჩხიროს, თორემ უეჭველად ამოშლის და სტატიას ძალა დაეკარგება“. რომ მკითხველმა ნათელი წარმოდგენა იქონიოს მაშინდელ ცენზურულ პირობებზე, მოვიყვანთ აქ ცენზურულ კომიტეტის ერთ განკარგულებას მთლიანად. 1874 წ. ცენ. კომიტეტიდან სწერდენ გაზ. „დროების“ დროებით რედაქტორს კ. ლორთქიფანიძეს, შემდეგს:

„Государь великий князь наследник разрешил издание редактируемой вашим сиятельством газеты „Дроеба“, приказать изволил, чтобы обозрение текущих политических известий было перепечатывасмо только из официальных газет: „Русский Инвалид“, „Северная почта“, „Правительственный Вестник“ и „Кавказ“, о чем сообщено бывшим редакторам газеты „Дроеба“ г. г. Меликову и Церетели отношением цензурного комитета от 5 января 1866 года за № 5.—Между тем цензурою неоднократно замечено, что в политическом отделе газеты „Дроеба“ допускаются не только известия, заимствуемые из других неофициальных газет, но и самостоятельные сообщения политического характера в форме корреспонденции и даже нередко суждения по поводу того или другого политического явления. Хотя подобное нарушение программы, однажды преподанной редакции к руководству, не раз ставилось ей на вид, но в следствие продолжающегося и поныне такого нарушения, цензурный комитет считает необходимым подтвердить вашему сиятельству о точном исполнении разрешенной редакции программы, на основании которой политический отдел газеты „Дроеба“ должен заключать в себе одно только факти-

ческое изложение политических известий, без всяких суждений со стороны редакции по поводу их и известия эти должны быть заимствованы только из официальных газет. Для удостоверения же цензуры в этом отношении комитет просит ваше сиятельство в представляемых на цензуру корректурных листах под каждым сообщаемым известием указывать № газеты, из которой таковые будут заимствованы“ 1).

ამ დოკუმენტს კომენტარიები არ ესაჭიროება: იგი ნათლად გვიჩვენებს, თუ როგორი მაგარი არტახებით იყო შეკრული „დროების“ რედაქცია; მას არც უფლება არც საშვალება არ ჰქონდა გამოეთქვა თავისი პოლიტიკური მსოფლმხედველობა, შეეფასებია მიმდინარე საზოგადოებრივი ვითარება ისე, როგორც ამას მოითხოვდა მისი მწაშსი და მისწრაფებანი. მაგრამ თუ რაიმე პოლიტიკურ აზრებს აპარებდენ გაზეთში—ეს ხდებოდა დიდი ტაქტითა და სიფრთხილით—„აზრების გამოთქმით ისე, რომ ბეც ცენზორებს არ შეჩხირებოდა თვალეში“. მაგრამ ამ მძიმე პოლიტიკურ ატმოსფეროს საუცხოვო სურათს იძლევა გ. წერეთელი ერთ თავის კერძო წერილში კ. ლორთქიფანიძისადმი. ამ წერილში ავტორი მიგვითითებს იმ აგრესიულ-რუსიფიკატორულ პოლიტიკაზე, რომლის გატარებას შეუდგა მეფისნაცვალ მიხეილ ნიკოლაევიჩი ამიერ-კავკასიაში და რომელმაც შემდეგ, 80-იან წლებში დონდუკოვ-კორსაკოვის დროს უმაღლეს წერტილს მიაღწია. მოგვყავს ეს წერილი მთლიანად.

საყვარელო ძმაო კირილე!

მიკვირს ეს ორი წელიწადია, რომ შენგან წიგნი არ მომსვლია. იქნება მიწყრები; მაგრამ ჩვენ შორის წყრომას ადგილი არ ექნება; მაშ რას უნდა მივაწერო შენი აგრეთი გულ გრილობა?.. გაზეთზედ რატომ არას იწერები. იქნება ღირსად არა ხდი, რომ იმაზედ რაიმე ყურადღება მიაქციო; მაგრამ ამას კი გეტყვი. — თუ საზოგადოთ დაწინავებულის კაცის აზრში ჩვენს გაზეთს მართალია ბევრი ნაკლულეგანება აქვს, მაგრამ მით უფრო მოსწონს ის ჩვენს საზოგადოებას. ამ ბოლოს და ბოლოს განსაკუთრებით უფრო და უფრო მიიზიდა მკითხველები. კვირა არ გაივლის, რომ ხელის მომწერი არ მიემატოს. ახლა მე ვკონებ, 400-ზედ მეტი უნდა იყოს ხელის მოწერი, გეუბნები ვკონებ, იმისთვის რომ მართლად არ ვიცი, რადგანაც ეს საქმე უფრო გამომცემლებს შეეხება და მე ამ საქმეში კომპენტენტი არა ვარ. ახლა ორიოდ სიტყვა ჩვენს გარემოებაზედ უნდა გითხრა. ვიდრე ის დიდ-შემთხვევა 2) აღმობრწყინდებოდა პეტერბურგის არეზედ, ჩვენა ძღვაჰარე

1) დედანი ინახება კ. ლორთქიფანიძის არქივში.

2) ავტორის მხედველობაში აქვს კარაკოზოვის ტერორისტული თავდასხმა ალექსანდრე მეორეზე 1866 წ. 4 აპრილს.

ბაც იმდენად სულ შეხუთული არ იყო. თუმცა კი ხალხობას აშკარად სდევნიდენ მაშინაც და ნევეროვმა, რომელსაც ჩვენ აქ „ციკლოპსა“, ვეძახით და ნამესტნიკის ხელქვეით პირებმა შეადგინეს ერთი პროექტი, რომელსაც აზრში აქვს აღმოფხვრას ჩვენი სახსენებელი საქართველოს არეხედ, მაგრამ მაინც კიდევ როგორც იყო უფრო თავისუფლად ვიბამდით (?) სულსა; ეხლა კი სრულებით შევიბორკილენით გონიერებით. არავითარის ხეირიანის აზრის გამოთქმის ნებას არ გვაძლევენ, აგრეთვე მთავრობის განკარგულება-ებშიაც იმისთანა ბრძანებანი გაიცა, რომ სრულებით ლამის, ჩვენს ქვეყანაში, ან წყვედად სიბნელე მოჰფინოს და ან რუსეთის კამარა თავს გადმოგვახუროს. ჩვენებურს აფიცრებს უთხრეს ან რუსეთში წადით სამსახურში და ან სულ სამსახურიდგან გამოდით. ეტყობა, იმედი არა აქვთ იმათხედ. ქართულს ენას სდევნიან; ამტკიცებენ სტატიებით რომ მეგრელები სულ სხვა ტომისანი არიანო და უნდა სხვა გვარი ანბანი შევუდგინოთო. ზევით რომ პროექტი გითხარი იმის აზრი აი რას შეიცავს.—უნდათ მასწავლებლების სემინარია დაარსონ. ამ სემინარიაში მიიღებენ სასულიერო სემინარიის ყმაწვილებს, როდესაც ისინი იქ სწავლას შეასრულებენ. ზემოხსენებულს მასწავლებლების სემინარიას უნდა ეწოდოს „учительская семинария“ ამ სასწავლებელში ქართული ენა არ უნდა იყოს. როდესაც ამ სასწავლებელში შეასრულებენ სწავლას ყმაწვილები, შემდეგ იმათ გააგზავნიან მასწავლებლებათ „სასოფლო სკოლებში“, სადაც იმათ გლეხების ყმაწვილებს უნდა ასწავლონ რუსული წერა-კითხვა და ლაპარაკი: ქართული კი არას გზით არ უნდა ასწავლონ. ასე ამრიგად მთელი ხალხობა უნდათ გაარუსონ. თვით ჩვენი საზოგადოებაც ისე მიძინებული და შეშინებულია, რომ ან არას გრძნობს და ან თუ გრძნობს შიშისაგან ხმა ვერ ამოუღია, ამ გვარს მდგომარეო აში მითხარით რა უნდა ვქნათ? ნუთუ ყოველი ჩვენი ახალგაზრდა-თაგანი მადაურ ჰაერს უნდა შეაჩერდეს და სამშობლოსთვის არ უნდა იფიქროს? — ვერიდოთ ძმაო, რომ მყობადში დედ-მამის მკვლელი არ დაგვიძახონ. ახლა ღვთის მადლით ტფილისში შეუძლიან ყოველს ჩვენთაგანს, თუ მეტს არ გამოვეყიდებით, თავისის შრომით დარჩეს, კანდიტატის დიპლომიც რომ არ ქონდეს. თუ არ ჩამოდიოთ და არ მოგვეხმაროთ ძლიერ სასაშიშრო მდგომარეობაში არას ჩვენი საქმე; „ქართველი დაეცა მოსხლეტით და დლითი დღე ეპარება იმას სიცოცხლე“. აქ ამბავი მოგვივიდა რომ სვიმონ წერეთელი და ბევრი ჩვენი ყმაწვილებთაგანი დაიჭირესო. მართალია თუ არა?

შენი ძმა გიორგი წერეთელი.

ტფილისი, 3 ივლისს, (1867 წ.)

ასეთს პოლიტიკურ ატმოსფერაში გამოვიდა და მოღვაწეობდა „დროება“. რასაკვირველია, დრომ თავისი დალი დაასვა ამ გაზეთს და არ მისცა მას თავისუფალი გაშლის საშუალება. მიუხედავად ამისა გ. წერეთლის რედაქტორობის პერიოდში (1866—69 წ.) ამ გაზეთმა მეტად დიდი კულტურულ-პროგრესიული როლი ითამაშა. და შემოიკრიბა თავის გარშემო ახალი სასიცოცხლო ძალები 1869 წელს ახლად შემდგარმა ჯგუფმა (ნ. ნიკოლაძე, ს. მესხი, გ. წერეთელი და

სხვ.) რედაქტორობა სერ. მესხს გადასცა, ხოლო გ. წერეთელი დარჩა მისი უახლოესი თანამშრომელი. 1869—73 წლებში, 1858—73 წ. იგი რედაქტორობდა „სასოფლო გაზეთს“, 1871—73 წლებში „კრებულს“. 1873-77 წლებში გ. წერეთელი საზღვარგარეთ იმყოფებოდა და იშვიათად თანამშრომლობდა „დროებაში“. „დროებას“ იგი დაუბრუნდა 1879 წ., მაგრამ რამოდენიმე თვით თანამშრომლობის შემდეგ დასცილდა მის რედაქტორს და იმ ხანებში უმთავრესად რუსულ გაზეთებში დაიწყო თანამშრომლობა. სერგეი მესხი „დროებას“ რედაქტორობდა 1869—83 წლების განმავლობაში¹⁾. 1883 წელს, საშინლად დაქანცული და სასიკვდილოდ დაავადმყოფებული ს. მესხი (გარდაიცვალა იმავე წელს), შესცვალა ივ. მაჩაბელმა, რომელიც „დროებას“ რედაქტორობდა 1883—85 წლებში. 1885 წელს ადგილობრივი მთავრობის განკარგულებით გაზ. „დროება“ დახურეს.

გ. წერეთლის რედაქტორობის დროს გაზეთის გამომცემელი იყო სტ. მელიქიშვილი (1841-86) და იგი იბეჭდებოდა მელიქიშვილისავე სტამბაში. 1872-83 წლებში „დროების“ გამომცემელი იყვნენ თვით რედაქტორი სერ. მესხი (1844-83) და იგივე სტ. მელიქიშვილი; 1883-85 წლებში გ. ქართველიშვილი. (1830-1901 წ.).

გაზ. „დროება“ 1874 წლამდე კვირაში ერთხელ გამოდიოდა პარასკევობით; 1875—1877 წლებში კვირაში სამჯერ—ორშაბათობით, ოთხშაბათობით და პარასკევობით; 1877 წელს პირველ ივნისიდან—ყოველდღე.

4. გ. წერეთლის 1862—1868 წ. ნაწერები

როგორც მკითხველმა უკვე იცის, ამ პირველ ტომში ჩვენ მოვთავსეთ გ. წერეთლის 1862—68 წლის პუბლიცისტური ნაწერები; ძალიან მცირედის გამონაკლისით ყველა ეს წერილი მის ორიგინალურ შრომებს წარმოადგენს. მაგრამ ამ ტომში არ შესულა მისი ბელეტრისტული ნაწერები და ნათარგმნი წერილები. მკითხველს რომ სრული წარმოდგენა ჰქონდეს გ. წერეთლის 1862—68 წლების ლიტერატურული მუშაობის შესახებ, ჩვენ საჭიროთ დავინახეთ ამ ტომშივე გამოგვექვეყნებია სია აღნიშნულ პერიოდის მისი ბელეტრისტული და ნათარგმნი ნაწერებისაც.

¹⁾ აქვე უნდა შევნიშნოთ, რომ 1873 წლის ოქტომბრიდან 1874 წლის ოქტომბრამდე, როდესაც ს. მესხი საზღვარგარეთ იმყოფებოდა ცოდნის გასაფართოებლად და ევროპის ცხოვრების ჩასაცნობად. „დროების“ დროებით რედაქტორად კ. ლორთქიფანიძე (1839-1918) ითვლებოდა. 1880-81 წლებში გაზ. „დროება“ და უფრ. „ივერია“ გაერთიანდა და ამიტომ „დროების“ რედაქტორებათ ითვლებოდენ: სერ. მესხი და ი. ჭავჭავაძე.

I. მხატვრული ნაწარმები

1. მონადირის ნაამბობი—რამოდენიმე სიტყვა ტიგრ-ზედ.—(„დროება“ № 42, 1866 წ.)
 2. მგზავრის წიგნები—(„დროება“ № 12, 13, 15, 36, 37, 39, 1867 წ.)
 3. ფლიდეთელ მოხუცის ნაამბობი — ზღაპრული მოთხრობა—(„დროება“ № 19, 1867 წ.)
 4. კლოდ გო—თხზულ. ვიქტ. ჰიუგოსი—(„დროება“ № 15, 16, 17, 1868 წ.)
 5. * * * ლექსი რუსულით—(„დროება“ № 32, 1868 წ.)
 6. რამოდენიმე სურათი მოთხრობიდგან „გერტი“—(„დროება“ № 40, 41, 42, 43, 1868 წ.)
 7. ბაკურაძე და იმისი გლეხი პეტრიელა—(„სასოფლო გაზეთი“ № 34, 35, 1868 წ.)
 8. თათიას სიკვდილი და ბაკურაძის ყმების შეშინება—(„სასოფლო გაზეთი“ № 37, 1868 წ.)
 9. საპრელი მოქალი ქალი — მერკანტინისა—(„დროება“ № 46, 1868 წ.)
 10. ვილგელმ ტელიდან—შილერით—(„დროება“ № 52, 1868 წ.)
- აქ მოხსენებული თხზულებანი მოთავსებული იქნება მისი ნაწერების იმ ტომებში, რომელშიაც დაიბეჭდება მხატვრული ნაწარმები.

II. ნათარგმნი წერილები

1. პარიჟი ამერიკაში—(„დროება“ № 21, 22, 25, 27, 30, 31, 1866 წ.)
2. ახლგაზრდა დედებს და ყმაწვილ ქალებს:—
 - I. ალზრდაში შეცდომილება—(„დროება“ № 26, 1866 წ.)
 - II. ყმაწვილის სიცრუვე—(იქვე, № 31).
 - III. ყმაწვილის თვით-ნება—(იქვე № 32, 33).
 - IV. ყმაწვილის თავშეკავება—(იქვე № 40, 41).
3. სახელმწიფო და ალზრდა—(იქვე, № 26, 1866 წ.)
4. საშუალო აზიაში მოგზაურობა—(იქვე, № 31, 32 1867 წ.)
5. ენერგია და ახოვნება—(იქვე, № 44, 45, 1867 წ.)
6. გარდინერის პროცესი—(იქვე, № 11, 12, 13, 1868 წ.)

7. ბენუას საქმის წარმოება—(იქვე, № 24, 25, 26, 1868 წ.)

8. ვლადისლავ მიცკევიჩი და მისი მოქმედება პარიზში—(იქვე, № 30, 1868 წ.)

9. ბირგემ იუნგის ქადაგება—(იქვე, № 30, 1868 წ.)

10. სასამართლო და პოლიცია—(იქვე, № 49, 50, 51, 1868 წ.).

აქ მოყვანილი წერილების სია შედგენილია თანახმად გ. წერეთლის ხელნაწერისა, რომლის შესახებაც ზევით ვესაუბრეთ მკითხველს. რასაკვირველია, მისი ნათარგმნი ლიტერატურა 1866—68 წლებში ზემო დასახელებულით არ ამოიწურება. პირველი, — რაც უმთავრესია—აქ არ არის დასახელებული მთელი რიგი წერილებისა „სასოფლო გაზეთიდან“, რომელიც უცილოდ გ. წერეთელის ნათარგმნია. მეორე—თვით „დროება“-ში უცხოეთისა და რუსეთის ჟურნალ გაზეთებიდან თითქმის ყოველ ნომერში არის ნათარგმნი; ექვსი არ არის, ამ თარგმანების დიდი ნაწილი გ. წერეთელის უნდა იყოს, რადგან ის იყო მაშინ „დროების“ რედაქტორი, სულის ჩამდგმელი და ერთ-ერთი აქტიური თანამშრომელიც.

როგორც წინასიტყვაობაშიაც ვწერდით, თარგმნილი პუბლიცისტური წერილები გ. წერეთელის ნაწერების სრულ კრებულში არ იქნება შეტანილი.

5. 1863 წლის წერილი

„ცისკარს“ რა აკაკანებდა?“ დაბეჭდილია 1863 წლის ჟურნალ „საქართველოს მოამბე“-ში (იხ. № V, გვ. 39—61) გ.—თელის ფსევდონიმით. მეორე სათაურად ამ წერილს ჟურნალის გვერდებზე გაკეთებული აქვს: „რამდენიმე სიტყვა ცისკარზედ“. ეს წერილი გამოწვეული იყო იმ ცხარე კამათით, რომელიც 1861—63 წლებში ძველ თაობასა და ახალი თაობის ინტელიგენციის შორის სწარმოებდა, როგორც სიტყვიერად, ისე წერილობით.

როგორც აღნიშნული გვქონდა, ეს წერილი არ არის გ. წერეთლის პირველი პუბლიცისტური წერილი: 1862 წლის „ცისკარში“ გ. წერეთელმა კ. ლორთქიფანიძესთან და ა. წერეთელთან ერთად მოათავსა წერილი „ახირებული ფურცელი“ (იხ. № 5) თავისი მამის ექვ. წერეთლის წინააღმდეგ და ახალი თაობის დასაცავად; ეს წერილი ხელმოწერილი იყო მესამე ღერგდალელის ფსევდონიმით. სამწუხაროთ გ. წერეთლის ეს პირველი წერილი უფრო გვი-

ან დავადგინეთ, როცა ეს ტექსტი უკვე დაბეჭდილი იყო და ამიტომ პირველი წერილი დამატებაში მოვათავსეთ.

„საქართველოს მოამბე“ მხოლოდ ერთი წლის განმავლობაში გამოდიოდა ილია ჭავჭავაძის რედაქტორობით. იგი 60-ანი წლების ახალი თაობის ორგანო იყო. ამ ორგანომ თავის დროზე დიდი აღფრთოვანება გამოიწვია ახალთაობაში. თვით გ. წერეთელი 1897 წ. ამ ჟურნალის შესახებ სწერდა:

„კეტერბურგის სტუდენტობაც ალტაცებით შეხვდა ამ ჟურნალის გამოსვლას. იქიდან მესამე კურსის სტუდენტმა კ. ლორთქიფანიძემ¹⁾ და პირველი კურსის სტუდენტმა გ. წერეთელმა თავისი ჯერ კიდევ უცდელი კალმის ნაშრომიც მოაწვდინეს ახალ წრეს ღუმანიტარული მიზართულებისას. „საქართველოს მოამბე“-მ დაჰკმო ძველი ბატონყმური დამოკიდებულება, სანტიმეტალურათ შეხვდა მან თავის მწერლობაში გლეხის დაჩაგრულს ბედს და შემდეგ ესევე გრძნობა გადაიტანა სამშობლოზედაც. სამწუხაროთ ამ ცოცხალმა მოძრაობამ მხოლოდ ერთი წელიწადი გაატანა“²⁾.

ამ ორგანოს მნიშვნელობის შესახებ 1872 წ. ნიკო ნიკოლაძე სწერდა:

„დღეს ჩვენ ყველანი ვხედავთ, თუ რას ნიშნავდა „საქართველოს მოამბის“ საქმე, მაგრამ აზრ 1863 წ. იყო ეს დაფარული ვისმესთვის. ყველა გრძნობდა, ყველამ იცოდა, რომ „საქართველოს მოამბე“-ს უნდა ჩაედგა ჩვენი ახალგაზრდობისათვის ახალი დროების სული, ეჩვენებინა ახალი გზა, შეექმნა ახალი სასიყვარულო მიზანი, —მამულის, საზოგადოების სიკეთე და ღირსება. ის მწვავე სიტყვებით დაღვიდა და ჰკლავდა ძველი საზოგადოების უმეტრებას და გულგრილობას საზოგადო საქმისათვის და ქადაგებდა საზოგადო საქმისა და სიკეთისათვის შრომას, თავის დადებას. მაშინ, როგორც ენლა, ყოველ პატიოსან კაცს შიანდა, რომ მისი უპირველესი ვალი იყო იმ სიტყვის გავრცელება და მისი ძლიერების მომატება ახალგაზრდობაში“³⁾.

„საქართველოს მოამბე“ თავის სახელმძღვანელო წერილში სწერდა:

„ჩვენი საქმე საქართველოს ხალხის ცხოვრებაა; მისი გამჯობინება ჩვენი პირველი და უკანასკნელი სურვილია... ჟურნალმა ყოველ აზრის საკეთილო მოძრაობას გზა მისცეს, ყოველიფერი შენიშნოს და ყოველს ფერს

1) კ. ლორთქიფანიძის წერილებს „საქართველოს მოამბე“-ში ხელმოწერილი აქვს თერგ დაღეული.

2) იხ. „კვალი“ № 46, 1897 წ.

3) იხ. ნ. სკანდელი: „ჩვენი მწერლობა“ — „კრებული“ № 12, 1872 წ. იხ. აგრეთვე ნ. ინაშვილის წერილი: „საქართველთა თუ არა ქართული რიგიანი ჟურნალი?“ („მნათობი“ მარტის, 1869 წ.) ამ წერილში იგი ზედმიწევნით დადებითად ახასიათებს „საქართველოს მოამბის“ ღვაწლს.

პასუხი გასცეს,—ერთი სიტყვით, უშველოს ცხოვრების წინ ფეხის გადადგმასა და გასამჯობინებლად, გასაკეთებლად. ამ ძნელ საქმეში ყურნალმა უნდა წაიმძღვაროს წინ მეცნიერების სინათლე და ხელოვნების კალამი.. ჩვენ მეცნიერებსა და ხელოვნებას მოგვსთხოვთ არსებითსა პურსა ცხოვრებაში გამომცხვარსა და მშვიერთათვის მოსახმარსა და გამოსადეგსა. მეცნიერებამ უნდა გვიშველოს თუვის 'გამოცნობილ ჭეშმარიტებაებით ცხოვრების ახსნა და გაგებაში; მან უნდა მოგვცეს პირდაპირი პასუხი ყოველ საქირო. კითხვაზედა“¹⁾.

როგორც მკითხველიც შეამჩნევს, ეს იდეები ნასესხები იყო რუსეთისა 60-ან წლების გონებრივ მოძრაობის სალაროდან და თავისებურად შეფარდებული საქართველოს სინამდვილესთან.

ყურნალს ექვსი განყოფილება ჰქონდა: წმინდა სალიტერატურო, ისტორიული, საპოლიტიკო და სოფლიური ეკონომია, კრიტიკა და ბიბლიოგრაფია, სხვადასხვა ამბავი, დამატებანი. სარედაქციო განცხადებაში ვკითხულობთ:

„ისტორიული ნაწილის რედაქტორობა იკისრა უფ. ნიკოლოზ ლოლობერიძემ, სხვადასხვა ამბავისა უფ. დავით ყიფიანმა, საპოლიტიკო და სოფლიური ეკონომიისა უფ. ივანე სერებრიაკოვმა“²⁾.

ყურნალში მონაწილეობას ღებულობდნ: ძველი მწერლებიდან გრ. ორბელიანი, დიმ. ყიფიანი, გ. ერისთავი, იბუქდებოდა ლექსები ნ. ბარათაშვილისა და ალ. ჭავჭავაძის; ახალ მწერლებიდან—ილ. ჭავჭავაძე, კ. ლორთქიფანიძე (თერგდალეული), დავით ყიფიანი, ვ. თულაშვილი (ვ. თ.), გიორგი ჩიქოვანი, სპირ. ჩიტორელიძე (მბ. ყიფიანი). ისტორიკოსი სულ. ბარათაშვილი, ლევ. ჯანდიერი, ივ. ბერიძე, პეტრე ნაკაშიძე, გ. წერეთელი (გ—თელი), ბ. ვ. (ვერ გავიგეთ ვისი ფსევდონიმიცა), დ. ავ. . . ი., ი. ოქრომჭედლიშვილი, მაქსიმ ლოლონაძე, ს. აბაშიძე. კორექტორობას ეწეოდა პეტრე უმიკაშვილი.

გ. წერეთელმა თავისი წერილით მონაწილეობა მიიღო ახალი თაობის ამ პირველ ორგანოში და ხელი შეუწყო ახალი თაობის იდეების გავრცელებას საზოგადოებაში. 1866 წლიდან, როდესაც იგი გახდა გაზ. „დროების“ რედაქტორი, უფრო გააღრმავა მარცხნივ 1861 წლის ახალი წრის საქმე და მას გარკვეული რადიკალ-დემოკრატიული შინაარსი მისცა.

აქვე უნდა აღვნიშნოთ, რომ პირველ ხანებში ი. ჭავჭავაძესა და გ. წერეთელს შორის კარგი დამოკიდებულება არსებობდა. მაგ-

1) იხ. წერილი: „საქართველოს მოამბეზედა“—№ 1, გვ. 121—23, 1863 წ.

2) იხ. „ცისკარი“ № 10, გვ. 190, 1862 წ.

რამ შემდეგში—რადიკალურად შეიცვალა. 90-ან წლებში ი. ჭავჭავაძე და მისი „ივერია“ ცხარე კამათს აწარმოებდა გ. წერეთლის წინააღმდეგ; ეს კამათი ხშირად „უკადრისი ლანძღვა-გინების“ ხასიათსაც ლეზულობდა. არსებითი ხასიათი ამ ბრძოლისა იმ იდეურ წინააღმდეგობაში უნდა ვეძიოთ, რომელიც გ. წერეთლის რადიკალურ-დემოკრატიულ მიმართულებისა და ი. ჭავჭავაძის თავად-აზნაურულ ლიბერალიზმის დაპირისპირებიდან წარმოსდგებოდა. ერთ წერილში გ. წერეთელი სწერდა ალ. ჭავჭავაძეს:

„... ერთგან კი ვუმტყუნე ჩემ შეხედულებას იმითი, რომ მე გატაცებული ვიყავი თქვენი (ილია ჭავჭავაძის) მოღვაწეობით, სანამდის ბანკირათ გახდებოდით, მერე კი, უკაცრავათ, ჩამოგეცალეთ, იმიტომ რომ ბანკირობამ სულ სხვა არა-ლიბერალური ზნეები დაგაკერიათ“¹).

თავის ადგილას ამ ბრძოლის შინაარსიც გაშუქებული იქნებოდა არსებული დოკუმენტების მიხედვით.

შ ე ნ ი შ ვ ნ ე ბ ი

1. (გვ. 5.) უტრ. „ცისკარი“—პირველად გამოვიდა 1852 წ. გ. ერისთავის რედაქტორობით. უსახსრობის გამო მისი გამოცემა შესწყდა 1853 წელს. 1857—1875 წლებში იგი გამოდიოდა ივანე კერესელიძის რედაქტორობით. ივ. კერესელიძე (1827—1893 წ.) სწერდა, როგორც პუბლიცისტურ წერილებს, ისე ლექსებსაც, მოთხრობებსაც და დრამებსაც, მაგრამ მისი ნაწერები ღირები იყო როგორც შინაარსით, ისე გარეგანი ფორმითაც. იგი ლიბერალური აზრების მიმდევარიც ყოფილა, მაგრამ „ცისკარში“ ვერ ახერხებდა თავის აზრების აშკარად გამოთქმას, რადგან ეს ორგანო მსხვილი მემამულეთა სრული გავლენის ქვეშ იმყოფებოდა და უმთავრესად თავად-აზნაურული კონსერვატიზმის გამომსახველი იყო. „... ივანე კერესელიძე—როგორც აღნიშნავს ფ. მახარაძე—ბატონ-ყმობის წინააღმდეგი ყოფილა იმ დროს, თუმცა ამას აშკარათ ვერ აცხადებდა. ასე ითქმის „ცისკრის“ ერთ მაშინდელ თანამშრომელთაგანზე, სახელდობ მოლაყბებზე—მიხეალ თუმანიშვილზე“ (იხ. „კვალი“ № 47, 1901 წ.). ამ უტრნალმა მით გაუწია სამსახური ქართულ აზროვნების წინმსვლელობას, რომ დრო გამოშვებით მასში ახალი მიმართულების წერილები და მოთხრობებიც იბეჭდებოდა (დ. კონჭაძე, ანტ. ფურცელაძე, აკაკი

1) გ. წერეთელი: „ლია წერილი თ. ილია ჭავჭავაძეს“ — „კვალი“ № 17 გვ. 329, 1897 წ.

წერეთელი, ი. ჭავჭავაძე და სხვ.). ივ. კერესელიძის რედაქტორობის დროს ამ ჟურნალის თანამშრომლები იყვნენ: გრ. ორბელიანი, ლ. არდაზიანი (მისი ფსევდონიმი: ბიძია თონიკე, გ. ბარათაშვილი, ალექსი ელბაქიძე), ივ. კერესელიძე (ხშირად მოლაყბესაც აწერდა), მ. თუმანიშვილი (ლექსებს—თ აწერდა, ხოლო პუბლიცისტურ წერილებს—მოლაყბეს—ხშირად ამ ფსევდონიმით სხვებიც სწერდნენ), დიმ. ყიფიანი (ბაქარ ქართლელი), დ. ბერიევი, გრ. დადიანი (კოლხიდელი), ალ. ორბელიანი, ბარბ. ჯორჯაძისა, რაფ. ერისთავი, გ. დიდებულძე, ანტ. ფურცელაძე (ქერელი ბექა, ულოლიკო, თავხედი და სხვ.), აკ. წერეთელი, გაბრიელ ეპისკოპოზი, გრ. რჩეულოვი, დიმ. ბაქრაძე, შიხ. ჩავიანი, ალ. სავანელი, პ. ჩარექოვი, მ. გურიელი (ფაზელი) და მრავალი სხვანი. „ცისკრის“ გავლენა განსაკუთრებით დაეცა „დროების“ დაარსებით და ახალი თაობის ლიტერატურული მუშაობის გაჩაღებით. „ცისკარმა“ ვერ აართვა ალღო ახალ ეპოქას და მისი გავლენაც საგრძნობლად შემცირდა.

2. (გვ. 5) „ცისკარი“ იანვარს აქეთ რაღაც ერთობ დატკბა—ამ შემთხვევაში ავტორი მიუთითებს „ცისკრის“ განახლებაზე 1863 წლის 1 იანვრიდან. ამ წლიდან „ცისკრის“ უახლოესი თანამშრომლობა იკისრა ანტ. ფურცელაძემ (1839—1913), რომელიც 60-ანი წლების რადიკალური მიმდინარეობის მიმდევარი იყო, ჟურნალში საგრძნობლად შეიტანა ახალი იდეები. მან დაგმო ბატონყმობა, ძველი დახავსებული წყობილება, რეაქციონური მიმდინარეობა და ახალი ცხოვრებისაკენ მოუწოდა საზოგადოებას. ფურცელაძის წერილებში საგრძნობლად იყო გაპარებული რეპუბლიკანური იდეები. იგი აშკარად ჰქადაგებდა უტილიტარიზმის პრინციპს ესტეტიკისა და ხელოვნების საკითხში. მიუხედავად ამისა, ანტ. ფურცელაძე მაინც სასტიკ ბრძოლას აწარმოებდა „საქართველოს მოამბის“ წინააღმდეგ. (იხ. „ცისკარი“ № 3, 7, 1863 წ.). და ეს უკანასკნელიც პოლემიკას ეწეოდა მის წინააღმდეგაც. რასაკვირველია, „ცისკრის“ გარდაქმნას ანტ. ფურცელაძე ვერ შესძლებდა და იგი იძულებული შეიქმნა თავი დაენებებია მისთვის. გ. წერეთლის წერილი მიმართული იყო ანტ. ფურცელაძის წინააღმდეგაც. მარტის ნომერში ანტ. ფურცელაძემ უკვე მოათავსა მკაცრი წერილი „საქართველოს მოამბის“ ჯგუფის წინააღმდეგ.

3. (გვ. 5) იმ გაბასრებულ ჩხუბის შემდგომ—ავტორს მხედველობაში აქვს ის შეტაკება, რომელიც ახალთაობასა და „ცისკრის“ თანამშრომელთა შორის მოხდა 1861—62 წლებში. მწვავე კამათი და შეტაკება ორჯერ მოხდა: პირველად 1861 წ., როდესაც

„ცისკრის“ აპრილის ნომერში ი. ჭავჭავაძემ გამოაქვეყნა თავისი წერილი: „ორიოდე სიტყვა თავად რევაზ შალვას ძის ერისთავის კაზლოვიდგან „შეშლილის“ თარგმანზედ“ (იხ. № 4, 1861 წ.). ამ წერილში ი. ჭავჭავაძემ დაჰგმო „ცისკრის“ მწერლობის მიმართულება და „ახალ რითმების მორახუნეები“ უწოდა მათ. ჭავჭავაძის საწინააღმდეგოდ წერილები მოათავსეს ბ. ჯორჯაძისამ (იხ. № 5, 1861 წ.), გ. ბარათაშვილმა (იხ. № 6, 1861 წ.), რევ. ერისთავმა (იხ. № 5), სარდიონ ალექსიევი-მესხიევმა (იხ. № 6, 1861 წ.) და სხვებმა. ი. ჭავჭავაძემ „პასუხი“ გასცა (იხ. № 6, 1861 წ.), რომელსაც მოყვა ბარ. ჯორჯაძის „პასუხის პასუხი“ (იხ. № 9, 1861 წ.) და ამრიგად გაჩაღდა ბრძოლა ორ თაობას შორის. მეორედ— 1862 წ. ბრძოლისა და შეტაკების საბაზად გადაიქცა „ზემოური იმერელის, გორისელი წერეთლის“ წერილი (იხ. № 2, 1862 წ.), რომელიც არსებითად გაგრძელება იყო ი. ჭავჭავაძის წინააღმდეგ წარმოებული პოლემიკისა. „ზემოური იმერლის“ წერილს მოყვა ჩვენთვის უკვე ცნობილ სამი თერგდალეულის: კ. ლორთქიფანიძის, აკ. წერეთლისა და გ. წერეთლის მკაცრი წერილები. თერგდალეულებს ვრცლად უპასუხა მოლაყბემ (იხ. № 9, 10, 1862 წ.), რომლის ქვემოც თვით რედაქტორი ივ. კერესელიძე იყო ამოფარებული. ამ კამათში ი. ჭავჭავაძე არ ჩარეულა. კამათის შემდეგი გაგრძელება გადატანილი იქნა „საქართველოს მოამბეში“ 1863 წელს.

ამ შეტაკების მთავარი შინაარსი ენისა და ესთეტიურ-ლიტერატურული საკითხების გარშემო ტრიალებდა; ახალ თაობას, აღზრდილს ბელინსკისა და ჩერნიშევსკის ნაწერებზე და თეორიებზე, აღარ მოსწონდა ანტონ კათალიკოსის „კატეგორიებზე“ აღზრდილ მწერლების სქოლასტიური შეხედულებანი ხელოვნების საკითხში. აქ ორი დიამეტრალურად საწინააღმდეგო ესთეტიური თეორია დაუპირისპირდა ერთი მეორეს. ტყუილა არ სწერდა ჭავჭავაძის შესახებ გ. ბარათაშვილი:

„უფ. ჭავჭავაძე ნაცვლად მადლობისა, რომ იმის ლექსებს ყური არავინ ათხოვა, შეემზადა პეტერბურგში, როგორათაც დონიხოტი, მარცხენა ხელში ეპყრა ფარის მაგივრად ბელინსკის ტომები, მარჯვენაში ლექსიკონი უსწორო სიტყვებისა და ესრეთ დაიარაღებული, გამოილაშქრა საქართველოზე, რათა ძალ-და-ძალ აელო დაფნის გვირგვინი“ 1).

ი. ჭავჭავაძემ ახალი თაობის სახელით დაგმო და უარყო ძველი ცრუ-კლასიკური, სენტიმენტალური და სქოლასტიურ-რეაქციონური

1) იხ. „ცისკარი“ № 6, 1861 წ.

მიმდინარეობა ლიტერატურაში; მან აღნიშნა, რომ „თუ „ცისკარი“ უვარგისია კიდევ თქვენგან, ყვავებო ფარშევანგის ფრთებითა, ბულბულებო ყორნის ჩხავილით“. ჭავჭავაძე სწერდა:

„რა საჭიროა ეხლა ან ჩვენ ლიტერატურისათვის, ან ხალხისათვის სენტიმენტალურ სკოლის მწერლების გაცნობა?.. იქნება ფიქრობენ, რომ ჩვენი ლიტერატურა არ აღსდგება, რუ არ განიმეორა თავის განვითარებაში წარსულ დროთა სიცრუე და ცთომილება?! თუ ამას ფიქრობენ მაშ ისტორიას აღარა აქვს თავის დიდი მნიშვნელობა, ისტორია იმითია დიდი, რომ გვაჩვენებს ჩვენ წინაპართა ცთომილებას, მასთანვე გვასწავლის ჭკუასა, როგორ უნდა მოვიქცეთ. წინა-კაცსა უკანა მომდევარი იმისთვის უყურებს, რომ, ვინცობაა, წინამ ფეხი წამოკრას და ყირაზე გადაიაროს უკანამ ნახოს და იმ გზას შორს მოუაროს. მთელი კაცობრიობის უწინდელი ცხოვრება სულ უსარგებლო იქნება, თუ იმათ ცხოვრებიდამ ჩვენ სასარგებლოს არას გამოვიტანთ. რაც მამა-პაპს უქნია, ის ჩვენ უნდა ვქნათო - ეგ ჩინეთის ფილოსოფია არის; თუ მაგას მივყევით, ჩვენც ჩინებსავით შევსდგებით ერთ ადგილზედ და წინ ფეხს ვეღარ წავსდგამთ“ (იხ. „ცისკარი“ № 4, 1861 წ.).

ამით ახალი თაობის ინტელიგენციამ სასტიკად დაგმო რა ძველი ლიტერატურული მიმდინარეობანი, საინტერესო დებულება წამოაყენა იმის შესახებ, რომ ქართველმა ხალხმა გვერდი აუაროს წარსულ დროთა სიცრუესა და ცდომილებას და პირდაპირ გამოიყენოს დაწინაურებული ერების მაგალითები; ამით მან გამოაშკარავა მთელი რეაქციონერობა და შეუსაბამობა „ცისკრის“ მიმდინარეობისა. ჭავჭავაძე სწერდა:

„ნუ თუ მართლა რაც „ცისკარში“ იწერება საქართველოს ხალხის ფიქრია, ჭკუაა, გონებაა, ჩვეულებაა? ნუ თუ მართლა „ცისკარში“ ჩვენი განვითარებაა, ჩვენი განათლების ხარისხია გამოთქმული? ნუ თუ მართლა ეგრე დაეცა რუსთველის ხალხი, რომ ეგრე ფიქრობს, ეგრე ჰგონობს? მეც ძავასა ვჩივი და ვსტირი, რომ არა, ათასჯერ არა, მეც იმიტომ ეს პირდაპირ ვლაპარაკობ, რომ ვინც წინდაუხედავად ბლაჯნის, აღარ ბლაჯნოს, რადგან ც იგინი თავის ბლაჯნითა ამდაბლებენ ჩვენს ენას. მე იმისთვის ვლაპარაკობ აგრე სასტიკად, პირმოუფერებლად, რომ უნიჭონი და ამასთან უსწავლელნიც თავის ოთახიდან ფეხს ნუ გამოსდგამენ გარეთ, ლიტერატურაში. ამას გთხოვთ ხალხის სახელითა, ხალხისავე სახელის დაცვისათვის.“ (იხ. „ცისკარი“ № 6, 1861 წ.).

ასე სწერდა ილია ჭავჭავაძე „ცისკრის“ მწერლების შესახებ. ეს სასტიკი დაგმობა იყო არა მარტო უნიჭო მწერლებისა, არამედ მთელი მათი მიმართულებისაც. ახალი თაობის მწერლებისათვის მხატვრობა, ლიტერატურა, მუსიკა გამომხატველი უნდა ყოფილიყო რაიმე ახალი აზრისა, იდეისა, მისწრაფების. მწერალს უნდა აესახა

ცხოვრება და ეჩვენებია ხალხისათვის ახალი იდეები, კავკავადე სწერდა:

„...ეგ მექანიკური მიკერ-მოკერებაა ენაში, როგორც კნ. ბ. ჯორჯადის ლექსებ; ეგ ხელოსნობაა და არა ხელოვნება. ხელოვნება არის განხორციელება სახეში იდეისა, აზრისა; მუსიკა, მხატვრობა, პოეზია—ესენი სულ სახეში გამოსთქვამენ იდეიას, მხოლოდ იმით განიყოფიან რომ თავის იდეის გამოსათქმელად სხვადასხვა მასალასა ხმარობენ, როგორც მუსიკა—ხმასა, მხატვრობა—ხაზსა, პოეზია სიტყვასა“ (იხ. „ცისკარი“ № 6, 1861 წ.).

ასე დაეტაკა ხელოვნებისა და ესთეტიკის საკითხში 1861 წ. ძველი და ახალი თაობა ერთი მეორეს. მაგრამ ესთეტიკისა და ხელოვნება-ლიტერატურის საკითხი მხოლოდ ერთი მხარე იყო მათი ბრძოლისა, შემდეგში იგი გაღრმავდა და მთელი მათი მსოფლმხედველობა დაუპირდაპირდა ერთი მეორეს; მაგრამ ამ თაობათა ბრძოლაში, როგორც ვწერდით, ორი სოციალური აზროვნება ებრძოდა ერთი მეორეს: დრომოკმული, მიმავალი, ისტორიის მიერ განწირული—თავად-ახნაურული წოდების აზროვნება და მომავალი ახალი ცხოვრების მეთაური—ბურჟუაზიული აზროვნება.

როგორც აღვნიშნეთ, ი. კავკავადის მიერ დაწყებული ბრძოლა 1862 წელს განაგრძეს თერგდალეულებმა (კ. ლორთქიფანიძემ, აკ. წერეთელმა, გ. წერეთელმა) და შემდეგ იგი უფრო გაღრმავდა „საქართველოს მოამბეში“.

4 (გვ. 5) ექვსი წლის ნაღვაწი—იგულისხმება ჟურნ. „ცისკარის“ მოღვაწეობა 1857—63 წლებში, როდესაც იგი ი. კერესელის რედაქციით გამოდიოდა.

5. (გვ. 6)... ნამეტურ ორის წლის წინიდან დაწყებული იანვრამდინ მაინც. „ცისკარი“ თითქოს სამუდამოდ გამოეთხოვა მოსვენებას—ავტორს მხედველობაში აქვს ის ბრძოლა, რომელიც 1861 წლიდან დაიწყო ახალთაობის ინტელიგენციამ „ცისკარის“ წინააღმდეგ და ის არეგდარევა და შიში, რომელსაც განიცდიდა რედაქცია ამ შემოტევისაგან.

6. (გვ. 7) მოლაყბე—პირველად ამ ფსევდონიმით „ცისკარში“ სალაყბო ფურცლები მოათავსა პოეტმა და პუბლიცისტმა მიხეილ თუმანიშვილმა (1818—75.); მან მხოლოდ სამი წერილი მოათავსა ამ ფსევდონიმით „ცისკარში“ (იხ. № 11 და 12, 1857 წ.; და № 1, 1858 წ.) ამის შემდეგ იგი აღარ თანამშრომლობდა „ცისკარში.“ მაგრამ შემდეგში მოლაყბე—თუმანიშვილს

თავისი მიმდევრები გასჩენია და იმათაც მოლაყბის ფსევდონიმით დაუწყიათ წერა. ზოგიერთ მკვლევარს ჰგონია, რომ მოლაყბის ფსევდონიმით „ცისკარში“ მხოლოდ მ. თუმანიშვილი სწერდა (იხ. ჯორჯაძე ტ. V). ეს შეცდომაა და ამის საწინააღმდეგო საბუთებიც საკმაოდ არსებობს. 1863 წ. „ცისკრის“ რედაქტორის ივ. კერესელიძის საპასუხოთ გაბრიელ სულხანოვი სწერდა:

„თქვენ ძალიან კარგად იცით, რომ მოლაყბის სახელითა ბევრი სხვადასხვა კაცი სწერდა თქვენს ცისკარში; ისიც კარგად იცით რომ პიველი ორი სტატია, ერთი მათგანია 1857 დეკემბრის და მეორე 1858 იანვრის ცისკარში მოლაყბის სახელით რომ დაიბეჭდა, ასეთი კარგნი იყვნენ, რომ მრავალნი მბაძავნი გააჩინეს და იმ მიმბაძველებმა მოლაყბის სახელით დაიწყეს წერა. იმათში მგონი თითონ თქვენც (ივ. კერესელიძეც. ს. ხ.) ერიენით. მაგრამ ეს მიმბაძავნი განირჩევიან იმ პირველ მოლაყბესაგან (ავტორს მიხ. თუმანიშვილი ყავს მხედველობაში. ს. ხ.) რომელმაც იმ ორი სტატიის (უნდა იყოს სამი სტატიის, ს. ხ.) შემდეგ ერთი სტრიქონიც აღარ აღირსა თქვენს ცისკარსა“ (იხ. „შენიშვნა“ გაბრიელ სულხანოვის, „საქართველოს მოამბე“ № VII გვ. 105—06, 1863 წ.).

როგორც სჩანს ახალთაობის ინტელიგენციას ძლიერ მოსწონებია მოლაყბე-თუმანიშვილის წერილები, რომელიც მან 1857—58 წლებში გამოაქვეყნა (იხ. ამის შესახებ „ცისკარი“ № 9, გვ. 38 1862 წ. თერგდალეულის წერილი და № 7, გვ. 370—71, 1863 წ., სადაც გამოქვეყნებულია ი. ჭავჭავაძის 1858 წლის წერილი გ. სულხანოვისადმი).

ახლა კითხვა იბადება: ვინ სწერდენ მ. თუმანიშვილის შემდეგ მოლაყბის ფსევდონიმით. სამწუხაროთ თავის წერილში გ. სულხანიშვილი პირადათ მხოლოდ ივ. კერესელიძეზე მიგვითითებს და სხვებს არ ასახელებს. თავის „მოგონებაში“ აკაკი ამბობს, რომ „სალაყბოში, რომელსაც გაბო სულხანიშვილი სწერდა, ბევრ-ერია ხოლმე ლაფრენტე არაღანიანის ოხუნჯობაცო“ (ტ. 1, გვ. 85.). სულხანოვზე თავის ზემოდ დასახელებულ წერილში ი. ჭავჭავაძეც მიგვითითებს, მაგრამ თვით სულხანოვის წერილიდან ირკვევა, რომ მ. თუმანიშვილის წერილები ჰგონებია ილიას სულხანოვის წერილები. (იხ. „საქ. მოამბე“ № VIII, 1863 წ.). თვით სულხანოვი არ ამბობს, რომ იგი მოლაყბის ფსევდონიმით სწერდა. შეიძლება აკაკიმ ძველი შთაბეჭდილებით—იმ შთაბეჭდილებით, რომელმაც ილია შეიყვანა შეცდომაში,—მიაწერა მ. თუმანიშვილს მოლაყბის ფსევდონიმი—არის კიდევ ერთი ცნობა, რომელიც ამბობს, რომ მოლაყბის ფსევდონიმით გრ. რჩეულოვიც სწერდაო.

ყოველ შემთხვევაში, ერთი უდაოა, რომ მოლაყბის ფსევდონიმით ივ. კერესელიძეც სწერდა და მან გასცა პასუხი თერგდალეულს (კ. ლორთქიფანიძეს), რომელმაც 1862 წლის „ცისკარში“ (№ 9) მოათავსა წერილი: „ორიოდე სიტყვა „ცისკარზე“ და ახალის ჟურნალის სარგებლობაზე“. მოლაყბემ ე. ი. ივ. კერესელიძემ ეს წერილი გაარჩია „სალაყბო ფურცელში“ (იხ. № 9, 10, 1862 წ.). ამის შესახებ ნ. ნიკოლაძე კერძო წერილში 1872 წ. სწერს კ. ლორთქიფანიძეს:

„სალაყბო ფურცელზე მინდოდა დამეწერა რამე, მაგრამ შენ მანდ არა ხარ..... (ვერ გავარჩიეთ) этого мерзавца, გახსოვდეს რომ მოლაყბე თვითონ კერესელიძე არის“.

გ. წერეთლის წერილში დასახელებული მოლაყბე ი. კერესელიძე იყო.

7. (გვ. 7.) **თერგდალეული**—ეს თერგდალეული კ. ლორთქიფანიძე იყო, რომლის წერილი (იხ. „ცისკარი“ № 9, 1862 წ.) გაარჩია მოლაყბე—კერესელიძემ და, სხვათა შორის, აღნიშნა რომ „ცისკარს“ არ იწერენ არც სტუდენტები და არც სხვები და ამ სიღარიბის გამო არის ჟურნალი ჩამორჩენილი.

8. (გვ. 8) **„ცისკარის“ რედაქტორს**,—**როგორც პოეტს...** ივ. კერესელიძე ლექსებსაც სწერდა, რომელიც ხშირად იბეჭდებოდა „ცისკარში“. მისი ლექსების კრებული 1878 წელს გამოვიდა ცალკე წიგნად.

9. (გვ. 14) **სფფოკლი**—საბერძნეთის სახელგანთქმული დრამატურგი, რომელიც ცხოვრობდა V-ე საუკუნეში ქ. დ. (დაახ. 495—406) ავტორი პიესისა: **მეფე ედიპი**, **„ანტიგონე“** და სხვ.

10. (გვ. 14). **ესნილი**—საბერძნეთის უდიდესი დრამატურგი, ცხოვრობდა V—IV საუკ. ქ. დაბ. მისი ტრაგედიებიდან მხოლოდ რამდენიმემ მოაღწია ჩვენამდე—**„მიჯაჭვული პრომეთეოსი“**, **ტრილოგია**—**„ორესტეია“** და სხვა.

11. (გვ. 14). **არისტოფანი**—საბერძნეთის გამოჩენილი დრამატურგი—ცხოვრობდა V—საუკუნეში ქ. დ. მის კალამს ეკუთვნის თერთმეტამდე ჩვენამდე მოხვეული კომედია.

12. (გვ. 14) **ევრიპიდი**—საბერძნეთის გამოჩენილი დრამატურგი; ცხოვრობდა V—საუკ. ქ. დაბ. მას მოუხდა მოღვაწეობა დემოკრატის კრიზისის ეპოქაში. ავტორი: **„მედეასი“**, **„ალკესტასა“** და სხვა ტრაგედიებისა.

13. (გვ. 16) **გრ. რჩეულოვი (1820—77)** ერთ-ერთი უახლოესი თანამშრომელი იყო „ცისკარისა“, სადაც იგი ათავსებდა უმთავრესად

ისტორიული ხასიათის რომანებს, ლექსებს, სხვადასხვა ხასიათის წერილებსა და თარგმანებს. მისმა „ქვრივის ლიმონებმა“ სასტიკი კრიტიკა გამოიწვია ა. ორბელიანის მხრივ. „თამარი საქართველოს ბატონიშვილი“ დაიბეჭდა 1862 წ. „ცისკარში“ (№ 5 და შემდეგი). „შემოლილი“ დაბეჭდილია 1862 წ. № 4-ში. რჩეულოვის ზოგიერთი რომანი რომ გადმოკეთებულია, აქას პროფ. ა. ხახანაშვილიც აღნიშნავს (იხ. მისი წიგნი, ტ. IV გვ. 109). აკაკი თავის მოგონებაში სწერს, რომ გრ. რჩეულოვს დიდი ნიჭი ჰქონდა უცხოდან გადმოქართულებისაო (იხ. ტ. I გვ. 85.)

14. (გვ. 16) მამიხაგან შვილის დარგება—დაბეჭდილია „ცისკარში“ (№ 10, 1862 წ.) და ეკუთვნის ლენერალ ოტიანტერს (თ. გიორგი ერისთავს. ეს დარიგება აგებულია ღმერთისა და იმპერატორის მორჩილების საფუძვლებზე, გარკვევით გამოხატავს მისი ავტორის რეაქციონურ-კლერიკალურ სულისკვეთებას.

15. (გვ. 16) ვორონცოვი—კავკასიის მეფის მოადგილე. 1845—54 წლებში. რჩეულოვის რომანი მისი მოღვაწეობის ქებით იწყება.

16. (გვ. 17) ლესინგი (1729—1781)—გერმანელი მწერალი, რომელმაც დიდი გავლენა მოახდინა მაშინდელ ინტელიგენციაზე თავის „ლაოკოონით“ (1766 წ.). იგი იყო ტიპიური წარმომადგენელი გერმანელი განმანათლებელი ბურჟუაზიისა.

17. (გვ. 17) ჰეგელი—(1770—1831—გერმანიის გამოჩენილი ფილოსოფოსი, რომელიც ესთეტიკისა და ხელოვნების საკითხებს იდეალისტურ-მეტაფიზიკური თვალსაზრისით იხილავდა.

18. (გვ. 20) დანიელ ჰონქაძე (1830—60) ერთ-ერთი საუკეთესო წარმომადგენელი რაზნოჩინური ინტელიგენციისა. პირველად დასწერა ჩვენში სოციალური ხასიათის მოთხრობა და სასტიკად დაჰგმო ბატონყმობა. მისი „სურამის ციხე“ დაიბეჭდა „ცისკარში“ (იხ. № 12, 1859 და № 1, 1860 წ.) ამ რომანმა დიდი ალიაქოთი გამოიწვია ქართველ მებატონეთა შორის. ჰონქაძემ საფუძველი ჩაუყარა ჩვენში წვრილ-ბურჟუაზიულ რადიკალ-დემოკრატიულ მიმდინარეობას. თერგდალეულებმა ქებით მოიხსენიეს იგი. (იხ. „ცისკარი“ № 9, 1862 წ.) ამ მხრივ გიორგი წერეთლის აზრი სავსებით გამოხატავდა მთელი ახალთაობის შეხედულებას დ. ჰონქაძეზე.

19. (გვ. 20). დიმიტრი ყიფიანი (1814—87)—„ცისკარის“ უახლოესი თანამშრომელი, სადაც იგი ათავსებდა ბაქარ ქართლელის ფსევდონიმით ორიგინალ ნაწერებსა და ევროპიულ ენებიდან ნათარგმნ თხზულებებს. მის მიერ არის პირველად ქართულად თარ-

გმნილი შექსპირის დრამა „რომეო და ჟულიეტა“, რომელიც 1857 წ. „ცისკარში“ დაიბეჭდა. დ. ყიფიანი მონაწილე იყო 1832 წლის შეთქმულებისა. შემდეგში იგი ერთ-ერთი სახელგანთქმული ჩინოვნიკი გახდა ამიერ-კავკასიაში. 1864—70 წლებში ტფ. გუბერნიის თავად-აზნაურთა წინამძღოლი იყო. 80—იან წლებში თავგამოდებით ებრძოდა დონდუკოვ-კორსაკოვის რუსიფიკატორულ პოლიტიკას, რის მსხვერპლიც იგი გახდა 1887 წ. თავისი პოლიტიკური მისწრაფებით იგი კონსერვატორი იყო და გამოხატავდა მოხელე არისტოკრატის მისწრაფებებს.

20. (გვ. 20) გარდაქმნილი—ვინაობა ვერ გავიგეთ. იგი თანამშრომლობდა „ცისკარში“. 1879 წ. გამოცემული აქვს: „ხუმრობავოდევილი ორს კარტინაში“.

21. (გვ. 20) ზერიძე—თანამშრომელი იყო „ცისკარისა“, შემდეგ 1863 წ. „საქ. მოამბეში“ მოათავსა: უცნაური ნიშნობა ტფილისის საიდუმლოებისაგან (იბ. № VII, VIII, IX, 1863 წ.).

22. (გვ. 20) დიმ. ბაქრაძე—(1827—90) ისტორიკოსი, არქეოლოგი და პუბლიცისტი. უახლოესი თანამშრომელი „ცისკარისა“, სადაც ათავსებდა ისტორიული ხასიათის მონოგრაფიებს. საინტერესოა მისი „ქართველი ქალები“ (იბ. № 4, 1860 წ.) და სხვ. 1855—6 წლებში მონაწილეობა მიიღო „დროების“ დაარსებაში და იქაც ათავსებდა პუბლიცისტურ წერილებს, (იბ. „დროება“ № 5—20, 1866 წ.) და ისტორიულ ნარკვევებს.

23. (გვ. 20) ლავრენტი არდაზიანი (1818—70)—ცნობილი ბელეტრისტი. როდესაც 1857 წ. შესდგა „ცისკარის“ ახალი რედაქცია, არდაზიანი ერთ-ერთ უახლოეს თანამშრომლად იქნა მიწვეული ჟურნალში, სადაც იგი ათავსებდა თარგმანებს ბელეტრისტულ ნაწერებს („სოლომონ ისაკიძე მეჯღანუაშვილი“, და „მორჩილი“) და პუბლიცისტურ წერილებს. მისი ფსევდონიმი იყო: ბიძია თორნიკე, გ. ბარათაშვილი, ალექსი ელბაქიძე. უკანასკნელი ფსევდონიმით მან მოათავსა წერილი (იბ. „ცისკარი“ № 6, 1863 წ. „ორიოდე სიტყვა შესახებ თერგდალეულის სტატიისა“), რომელშიაც გააჩნია „საქ. მოამბეში“ (იბ. № 4, 1863 წ.) მოთავსებული წერილი თერგდალეულისა—თავისი მიმართულებით პროგრესისტი იყო.

24. (გვ. 21) რაფიელ ერისთავი (1824—1901.) ცნობილი პოეტი, რომელიც „გლეხთა მგოსანი თავადის“ სახელწოდებით იყო ცნობილი ჩვენში. იმ პერიოდში იგი თანამშრომლობდა „ცისკარში“ სადაც ათავსებდა უმთავრესად თავის ლექსებს. შემდგომში მისი ნაწერები იბეჭდებოდა, „დროებაში“, „კრებულში“, „ივერიისაში და სხვ.

„დროებაში“ აღსანიშნავია მისი ესკიზები: „რამდენიმე სურათები ჩვენი ხალხის ცხოვრებიდან“. თერგდალეულები სიმპატიით ეპყრობოდნენ რ. ერისთავს.

25. (გვ. 21) გრ. ორბელიანი (1800—83)—პოეტი—ფეოდალი, უკანასკნელი წარმომადგენელი მსხვილი ფეოდალური არისტოკრატისა. მონაწილეობას ღებულობდა 1832 წლის შეთქმულებაში; 60-იან წლების დასაწყისში მეფის მოადგილედ ითვლებოდა კავკასიაში. იგი ცხარე ბრძოლას აწარმოებდა ახალი თაობის წინააღმდეგ. მისი „პასუხი შვილთა“,—რომელზედაც ილ. ჭავჭავაძემ „პასუხის პასუხით“ უპასუხა—მიმართული იყო ახალი თაობის დასამცირებლად. უკანასკნელნი დიდათ აფასებდნენ გრ. ორბელიანის პოეტურ ნიჭსა, მაგრამ ებრძოდნენ მის მიმართულებას.

26. (გვ. 21) აკაკი წერეთელი (1840—1915)—ერთ-ერთი მთავარი თანამშრომელი იყო „ცისკრისა“, თავისი მიმართულებით იგი ახალთაობას ეკუთვნოდა და მათთან ერთად აწარმოებდა ბრძოლას ძველების წინააღმდეგ. მთელ რიგ ნაწერებში ეს ბრძოლა ორ თაობათა შორის აკაკის საუცხოვოდ აქვს გამოხატული; საკმაო ნაწილი მისი „ცისკარში“ დაბეჭდილ ლექსებისა გლეხების მდგომარეობასა და ბატონ-ყმობის საკითხს ეხებოდა. ეს ლექსები ნათლად გამოხატავენ მის დემოკრატიულ მისწრაფებებს. „მშვენიერო ალექსანდრა“ დაიბეჭდა „ცისკარის“ 1860 წლის დეკემბრის ნომერში. „რუსეთში“ პოემა ყოფილა, მაგრამ პოეტისათვის მოუპარავთ და შემდეგ აღარ აღუდგენია. რამდენიმე თავი ამ პოემიდან გამოქვეყნებულია „ცისკარში“ (იხ. № 6, 1861 წ. № 2, 1862, № 4, 1863 წ.) პოეტის გადმოცემით ეს პოემა ვრცელი ნაწარმოები ყოფილა და მასში დაუხატავს ძველი და ახალი თაობის ბრძოლა. „ახალი თაობის ტიპად ჩემი თავი მყავდა გამოხატული და ძველი თაობის ტიპად ჩემივე ოჯახი“, სწერს აკაკი (იხ. „ჩემი ნაწერები“ წ. I, გვ. 96.) ეს 1863 წლის „ცისკარში“ (№ 4,) დაბეჭდილ მეორე თავიდანაც მტკიცდება. აკაკის „საქ. შობებში“ მონაწილეობა არ მიუღია და დარჩა „ცისკრის“ თანამშრომლად. რატომ არ მიიღო მონაწილეობა აკაკიმ ახალ თაობის ორგანოში,—ჯერ-ჯერობით გამოურკვეველია. შეიძლება ამის გასახსნელი მოგვცეს მისმა კერძო წერილის ერთმა პატარა ადგილმა. 1862 წელს იგი სწერს პასუხად კ. ლორთქიფანიძეს:

„კერესელიძეს რაღათ მივსცემთ თუ კი შენი სურვილი იქნება. მაგრამ რა ვქნა რომ ილიკო (ჭავჭავაძე) ჩემი მაგინებელია! მას სტატიას რომ შემეხვეწოს არ დაუბეჭდაო, ასე ამბობს“.

შემდეგში, როდესაც 1869 წ. შესდგა ახალი ჯგუფი, აკაკი (მას მიემხრო და „დროების“ ერთ-ერთ თანამშრომლად ითვლებოდა.

27. (გვ. 21) ფურცელადის რეცენზია—აქ ლაპარაკია იმ წერილის შესახებ, რომელიც ანტ. ფურცელადემ ქერელი ბექას ფსევდონიმით მოათავსა 1863 წ. „ცისკრის“ ნომერში და რომელშიაც გააარჩია დანიელ ჭონქაძის „სურამის ციხე“. უნდა აღნიშნოთ, რომ მწერლობაში სეროზოზული ყურადღება დ. ჭონქაძესა და მის ნაწარმოებს პირველად ანტ. ფურცელადემ მიაქცია და უძღვნა მას ვრცელი წერილი (იხ. „ცისკარი“, № 1, გვ. 111—146, 1863 წ.), როდესაც გ. წერეთელი სწერს (გვ. 21):...„როდესაც თერგდალეულმა გაიხსენა იმაზედ („სურამის ციხეზედ“), როგორც ერთ კარგ თხზულებათაგანზედ“...—ამ შემთხვევაში ავტორს მხედველობაში ჰქონდა თერგდალეულის (კ. ლორთქიფანიძის) წერილი: „ორიოდე სიტყვა „ცისკარზედ“ და ახალის ჟურნალის სარგებლობაზე“ (იხ. № 9, 1862 წ.), რომელშიაც გაკვრით აქებს „სურამის ციხეს“ როგორც კარგ ნაწარმოებს და აღნიშნავს, რომ „ცისკრის“ მკითხველები არა თუ არ არიან თანახმანი მისი, არამედ „სურამის ციხეს“... ყურში არ შეუშვებენო“ (იხ. გვ. 38, 44.). ანტონ ფურცელადემ უფრო საფუძვლიანად გაარჩია „სურამის ციხე“ და აღნიშნა მისი დიდი მნიშვნელობა ჩვენს ლიტერატურაში. იგი სწერდა:

„სურამის ციხე“ დასცა ხარი, დაუბადა ტანში ჟრუანტელი სიძველისა და სიკრუსი მქადაგებლებსა, აუმღვრია სისხლი, დაასია ესენი დაწინაურებულ აზრების პატრონებზე. პატარა ხანს შეშინებული კონსერვატორები გამოვიდნენ ისევ ასპარეზზე და დასცეს თავის საყვირო, ამალას თავის თანამომხე და მომხრე ხალხს მიაგებეს დაფნის გვირგვინი... ქვემოელ ეფთიმე წერეთელს, ბერიძეს, რჩეულოვს და სხვა ამგვარ უნიჭოს და კონსერვატორს მწერლებს“ (გვ. 115—16.).

28. (გვ. 22) გარიბალდის ცხოვრება—ანტ. ფურცელადის ნარკვევი იყო და დაიბეჭდა „ცისკარში“ (იხ. № 1, 2, 3, 4, 1863 წ.). წერილი რადიკალურ-დემოკრატიული შინაარსისაა.

29. (გვ. 22) ქერელი ბექა—ანტ. ფურცელადის ფსევდონიმი იყო. ამ ფსევდონიმით მან მოათავსა რამოდენიმე წერილი „ცისკარში“ და გაარჩია „საქართველოს მოამბე“ და მისი მწერლები (იხ. „ცისკრის“ № 3, 7, 9, 1863 წ.).

6. 1866 წლის წერილები

I. „მათუსალას აღსარება“ (გვ. 25—32) ფელეტონებად დაბეჭდილია 1866 წ. „დროების“ № 1 და 2-ში. წერილი ხელმოუწერე-

ლია. იგი შეტანილია თვით გ. წერეთლის მიერ შედგენილ თავის ნაწერების სიაში და თანახმად ამ სიის იბეჭდება ჩვენს გამოცემაშიაც.

II. „დედაკაცის აზრი დედაკაცზედ“ (გვ. 33—36) დაბეჭდილია „დროების“ № 5-ში. წერილი ხელმოუწერელია. იბეჭდება თანახმად გ. წ. ლის სიისა.

III. „საკვირველი მოვლენა“ (გვ. 37-40) დაბეჭდილია „დროების“ № 7-ში, ხელმოუწერელია. იბეჭდება თანახმად გ. წერეთლის სიისა.

IV. „ბანკის დაარსების გამო ქუთაისში“ (გვ. 41—43). წერილი წარმოადგენს „დროების“ მერვე ნომრის მეთაურს, რომელსაც სათაურათ აქვს: „ტფილისი, 22 აპრილს“. ჩვენ მიერ გაკეთებული სათაური ამოღებულია „დროების“ წლიური საარჩევიდან. წერილი ხელმოუწერელია და არ არის შეტანილი გ. წ. ლის ნაწერების სიაში. მაგრამ თვით სტილი წერლისა და მისი შინაარსი მიგვითითებს იმაზე, რომ იგი გ. წერეთლის კალამს ეკუთვნის.

შენიშვნები

1. ბანკის დაარსების საკითხი (გვ. 41)—ბატონყმობა ქართლ-კახეთში გადავარდა 1864 წ. ხოლო იმერეთში—1865 წ. ქართველმა თავად-აზნაურობამ მთავრობისგან ყმების განთავისუფლებაში საკმაოდ დიდი თანხა მიიღო: ქართლ-კახეთის თავად-აზნაურობამ—1.654.350 მან., იმერეთის და გურიის—2.833.815 მან. ბატონ-ყმობის მოსპობის დასაწყისიდანვე, ტფილისის გუბერნიის თავად-აზნაურთა წინამძღოლმა ცნობილმა დი. მ. ყიფიანმა წინადადებით მიმართა თავად-აზნაურობას—და შემდეგ მათი სახელით მთავრობასაც მიმართა,—რომ მათ „ხელმწიფისაგან ყმების განთავისუფლებაში ნაბოძებ ფულისაგან“ გადაედვათ განსაზღვრული პროცენტი და დაეარსებიათ სათავად-აზნაურო ბანკი, რომელიც მიზნად დაისახავდა თავად-აზნაურობის დახმარებას და მათი შვილების გამოზრდას. დ. ყიფიანის, როგორც წერილი და საშუალო თავად-აზნაურთა იდეოლოგიის, მიზანი იყო გადაერჩინა ეს წოდება ეკონომიურ განადგურებისაგან და ამიტომ იგი ბანკში ეძებდა ამის ერთ-ერთ საშუალებას. დიდი ნაწილი წერილი და საშუალო თავად-აზნაურობისა აღფრთოვანებით გამოეხმაურა დ. ყიფიანის წინადადებას. შემდეგში—70-ან წლებში ბანკისა და მისი წესდების საკითხმა დიდი დავა გამოიწვია ქართველ თავად-აზნაურობასა და ინტელიგენციაში. გ. წერეთელი „დროების“ სხვა თანამშრომლებთან ერთად (ნ. ნიკოლაძე, ს. მესხი და სხვ.)

მხურვალე მონაწილეობას ღებულობდა ამ კამათში. მისი წერილები ბანკის საკითხის შესახებ თავ-თავის ადგილას იქნება დაბეჭდილი.

V. „ქართული თეატრი“ (გვ. 44—52) მოთავსებულია „დროების“ № 11 და 12-ში, წერილი ხელმოუწერელია. იბეჭდება გ. წლის ნაწერების სიის მიხედვით.

შ ე ნ ი შ ვ ნ ე ბ ი

1. (გვ. 44) ქართული თეატრი 60-იან წლებში. როგორც ცნობილია, ქართული თეატრის არსებობას მტკიცე საფუძველი ჩაეყარა 1850 წელს. მაგრამ გ. ერისთავის თეატრმა დიდხანს ვერ იარსება და იგი რამოდენიმე წლის შემდეგ დაიშალა. 60-იან წლებში მუდმივი დასი და თეატრი არ არსებობდა. მხოლოდ მოხალისენი ადგენდნენ ჯგუფებს და დროგამოშვებით თამაშობდნენ სცენაზე. 60-ანი წლების მეორე ნახევრიდან გ. წერეთელიც აქტიურ მონაწილეობას ღებულობდა ასეთ წრეებში. მართალია სცენის მოყვარეთა ასეთს მუშაობას დიდი მნიშვნელობა ჰქონდა იმ ხანებში, მაგრამ მათ დიდი დაბრკოლებანიც ელოებებოდა წინ. 1879 წელს «დროებაში» ვკითხულობთ:

„პირველ ხანებში მათს შრომას ვერაფერი სანუგეშო. შედეგი ჰქონდა და არც გასაკვირველი იყო ეს: მეტად მოუწყობელ გარემოებაში იყვნენ და ამის გამო ყოველ მხრივ უბრკოლდებოდათ საქმე. ძლივს გაი-ვაგლახით შოულობდნენ წარმოსადგენ ადგილს, ტანისამოსს და სხვა საჭირო ნივთეულობას და ყველა ამაში მეტად დიდ ქირას იხდიდნენ, საზოგადოებაც გულგრილად უტკებოდა ამ შექცევას, უეჭველია, იმიტომ, რომ თავიანთი მოთხოვნილება რიგიანად ვერ უკმაყოფილდებოდა. ამ მიზეზით მოყვარულებს ყოველთვის ზარალი მოდიოდა და ამ ზარალს თავის ჯიბიდან იხდიდნენ. ერთი ფრიად დაზარალებული მიზეზთაგანი ამ საქმისათვის ისიც იყო, რომ თვით დასში მოყვარულებს ქალები არ ჰყავდათ და მუდამ წარმოდგენისათვის იძულებულნი იყვნენ აქა-იქ ექირავებიანთ ვინც კი შეხვდებოდათ. ბევრჯერ დაუქირავებიანთ სომხის აკტრისები, რომელთაც ქართული კითხვაც სულ არ სცოდნიათ და ლაპარაკიც ძალიან ცუდად და როლი იმ აკტრისებს სომუხური ასოებით დაწერილი უსწავლიათ ხოლმე“. (იხ. „ქართული თეატრის საქმე“, — „დროება“ № 82, 1879 წ. იხ. აგრეთვე გ. თუშანიშვილი: „ქართული თეატრის საქმე“, 1879 წ.)

გ. წერეთელიც ადასტურებს ამ მოსაზრებებს ერთი თავისი მოგონებით. იგი სწერს:

„ახალგაზრდობა 1867 წელს ტფილისში გაიტაცა მსახიობითი თამაშობამ. ხან აქ, ხან იქ შეიკრიბებოდა მათი გუნდი. მომეტებული ნაწილი მათ შორის გემნაზიის კურს დასრულებულები იყვნენ; გონება განვითარებული ბუნების მეტყველებისა და ისტორიის წიგნებითა... ამის შემდეგ სა-

ზოგადობაში ძალიან აღიძრა სურვილი ქართული წარმოდგენებისა დრო-და დრო გამოშვებით... ჩინებულად თამაშობდენ იმ დროს ქალების როლს სომხის მსახიობნი: სატინიკი და სოჟიო. ქართველი ქალი კი იმ დროს სცენაზე მოთამაშე არავინ სჩანდა“ (იხ. „კვალი“ № 51, გვ. 2-3, 1893 წ.).

როგორც აღვნიშნეთ, 60-იანი წლების დასაწყისიდან სცენის მოყვარენი დროგამოშვებით მართავდენ წარმოდგენებს, როგორც ტფილისში, ისე ქუთაისშიაც. შემდეგ წლებში უფრო სისტემატიურ ხასიათს ღებულობს ქართული წარმოდგენები.

2. (გვ. 44) კომედია „ცოლის შერთვეინება“—მოლიერის ერთმოქმედებიანი კომედია არის, რომელიც 1861 წ. გადმოუთარგმნია ფრანგულიდან დიშ. ყიფიანს და დაბეჭდილია „ცისკარში“ (იხ. № 3 1862 წ.) როგორც ცისკრის ცნობებიდან სჩანს, იგი 1862 წელსვე წარმოუდგენიათ ქართულ სცენაზე. 1865 წ. ზაფხულის მიწურულეებში საქველმოქმედო მიზნით გაუმართავთ წარმოდგენა და დაუდგამთ იგივე „ცოლის შერთვეინება“ (იხ. კ. ყიფიანის მოგონება „ფასკუნჯში“).

3. (გვ. 44—50) ძალათ აქიმი—მოლიერის კომედიაა. დ. ერისთავის ცნობით იგი ივ. ერისთავს გადმოუკეთებია («დროება» № 409, 1874 წ.) ქართულად. „ქართულ რეპერტუარში“, რომელიც კ. დ. ყიფიანს შეუდგენია და რომელშიაც მოხსენებულია ყველა ორგინალი და ნათარგმნი პიესა (იხ. „დროება“ № 22, (29) 1876 წ.) ეს კომედია სრულიად არ არის მოხსენებული.

VI. ბუნების მეცნიერებიდან—წავი. (გვ. 53—58) დაბეჭდილია «დროების» № 26. წერილი ხელმოუწერელია. იბეჭდება გ. წ-ლის ნაწერების სიის თანახმად.

VII. მღეთის ხოფლის საზოგადოების სათემო განჩენის გამო. (გვ. 59—63). ეს წერილი მეთაური წერილია, დაბეჭდილი «დროების» № 25. სათაური აქვს: „ტფალისი, 19 აგვისტო“. ჩვენ მიერ გაკეთებული სათაური ამოღებულია „დროების“ წლიური სარჩევიდან. წერილი ხელმოუწერელია, გ. წ. „ნაწერების სიაში“ არ არის შეტანილი. სტილი და აზრები წერილისა ნათლად ამტკიცებენ, რომ ეს წერილი გ. წერეთელს ეკუთვნის.

შ ე ნ ი შ ვ ნ ე ბ ი

1. (გვ. 59) „დროების“ კორესპონდენციაში მღეთიდან ვკითხულობთ:

„მღეთის საზოგადოების სათემო განჩენება, რომელიც შესდგა ამა 1866 წელს 10 მაისს. სამთო ოკრუგის მღეთის

სახელმწიფო გლეხების სასოფლო საზოგადოების ყრილობამ სამთო ოკრუგის ნაჩაღნიკის გრიგორიანის წინადადებით 1866 წელს 10 მაისს განაწესა:

იმ ფულუბიდან, რომელიც მოგვცა ჩვენ ხარ-ურმის გამოყვანისთვის და შეშის მოტანისთვის იმ დროს, როდესაც ჩაჩნებმა გამოიარეს წარსულს 1864 წელს სამთო ოკრუგზედ. გარდა იმისა რაც საზოგადო საჭიროებისთვის მოგვიხმარნია და რაც ბილეთით სატყეო უწყებისთვის მიგვიცია, დანარჩენის ფულით ჩვენ ვაწესებთ სოფლის საზოგადო თავნსა. ეს თავნი ჩვენის საზოგადოებისაგან აღმორჩეულს ხაზინადას ებარება და ექნება ქვემოხსენებული დანიშნულება.

1. ჩვენგან განწესებულის თავნიდან, რომელიც შეეცავს ამდენსა და ამდენს უნდა მიეცეს ხოლმე კერძო პირს, რომელსაც ფული უჭირს, 10 მანეთი სარწმუნო გირათი ხუთის პროცენტით (სარგებლით) ნახევარის წლის განმავლობაში (10% წელიწადში), იმ პირობით, რომ თუ ეს ფული იმ-ს თავის დროზე არ შემოიტანა, გირათ საზოგადო დაფასებით გაისყიდება და შემოსულის ფულით თავნი შეივსება.

2. შემოსული პროცენტი ანუ სარგებელი თავნს მიემატება.

3. რადგანაც თავნი იქნება ხელუხლებლად, ამისათვის საზოგადოებას შეეძლება გაპოიტანოს იქიდან ფული საზოგადო საჭიროებისათვის იმ პირობით, რომ დანიშნულს დროს ისევ საზოგადოებამ შემოიტანოს გატანილი ფული თანასწორის შეწევრით თითო კაცზედ.

4. თავნი უნდა შემოწმდეს წელიწადში ორჯერ, ივნისში და დეკემბერში; ამისათვის რწმუნებულმა პირმა, რომელსაც ეს ფული ექნება მინდობილი, საზოგადო კრებას უნდა წარუდგინოს ამ თავნის ანგარიში.

5. თუ რწმუნებულმა პირმა დაფანტა საზოგადო თავნი, მაშინ იმან უნდა ზღოს ეს ფული თავისის ქონებითა. ამისათვის ის მოვალეა, რომ ხელწერილი მისცეს ამაში საზოგადოებას, როდესაც იმისგან მიიღებს ფულს შესანახავად.

შენიშვნა: საზოგადოებამ დანიშნა 10% (სარგებელი პროცენტი), იმისთვის რომ მთაში ხშირად კერძო პირი აძლევს ხოლმე ფულს 20% და 30%, გარდა იმისა რომ სარწმუნო გირათსაც იღებს. ამისათვის საზოგადოებისგან დანიშნული 10% (პროცენტი) ბევრი არ არის.

6. ამის შემდეგ რაც საერთო ფულს მივიღებთ. შეშაში და ხარ-ურმის გამოყვანაში, ყველას ჩვენ განვაწესებთ ხოლმე საზოგადო. თავნის გასადიდებლად. (იხ „დროება“ № 25, 1866 წ.).

ეს დოკუმენტი საინტერესოა მრავალის მხრივ; იგი ნათელ წარმოდგენას გვაძლევს იმის შესახებ, თუ ჩვენი სოფლის მცხოვრებლებში როგორ შეიქრა საამხანაგო ბანკებისა და კოოპერაციების დაარსების შეგნება და როგორ ფორმებში ყალიბდებოდა ეს ამხანაგობანი.

2. (გვ. 59) იმერეთის სააზნაურო ბანკის გამო — „დროების“ ეს შეთაფრო წერილი იბეჭდება ამ ტომში (იხ. გვ. 41 — 43).

3 ვრცელი ნარკვევა: „ისტორიული მოძრაობა განათლებრსა“ ეკუთვნის ცნობილ ისტორიკოსს დიმიტრი ბაქრაძეს და მო-

თავსებულა 1866 წ. „დროებაში“ (იხ. № 5—20). ამ წერილის უკანასკნელ თავებში ავტორი არკვევს კოოპერაციებისა და ასოციაციების მნიშვნელობას საზოგადოებრივ ცხოვრების განვითარებაში. ავტორი სწერს:

„იწევა კოოპერაციები, ანუ ასოციაციები, რომელნიც ჩვენს დროს ვრცელდებიან მთელს ევროპაში და რომელზედაც მომავალს დიდი იმედი აქვს. უკანასკნელს დრომდე ამხანაგობის პრინციპი არ უცდია საზოგადოთ იქ, სადაც უფრო საჭირო იყო, ესე იგი, დაბალ ხალხის შრომაში. ეს ნაკლულვანება უნდა შეავსოს კოოპერაციამ, მან უნდა აღადგინოს შრომის სიმაართლე, გაანთავისუფლოს იმ ჯლისაგან, რომელიც იმისთვის დაუდგია კაპიტალს; უნდა შესცვალოს ნივთიერებითი და ზნეობითი მდგომარეობა... ჩვენ დროს კაპიტალისტებს სრულებით ხელში უჭირავთ ყოველი ვე საქმე, ყოველივე შრომა. კაპიტალისტი მტერია მუშა ხალხისა. ეს არ უნდა იყოს, როდესაც მუშა ასოციაციის შუამავლობას მიმართავს, მაშინ კაპიტალი დაჰკარგავს თავის ძალას, შრომა მონობისაგან გამოვა, თავისუფალი გახდება და თვითონვე შეიძენს კაპიტალს... ამხანაგობას (ასოციაციას) დღეს თუ ხვალ ჩვენი ხალხიც უნდა შეუდგეს. უამისოდ ის ყოველთვის გაჰკირვებაში იქნება. დროს განმავლობაში იმისი მდგომარეობა უფრო ცუდათ წავა“ (იხ. „დროება“ № 17, 1866 წ.).

საერთოდ უნდა აღვნიშნოთ, რომ 60-იან წლების მეორე ნახევარში ჩვენი ინტელიგენცია, გ.ზ. „დროება“ და სხვა ორგანოები დიდ ყურადღებას აქცევდნენ ამხანაგობების, ასოციაციებისა და კოოპერაციების დაარსებას (ამის შესახებ იხ. ს. ხუნდაძის წიგნი: „სოციალიზმის ისტორიისათვის საქართველოში“ ტ. I, 1927 წ.). მაშინ დიდათ აზინებდათ „პროლეტარიატში ჩაცვენა“ და ამიტომ ცდილობდნენ გვერდი აეარათ ამისათვის; მაგრამ ეს გეგმა უტოპიური იყო და ისტორიამ იგი გაანადგურა. აღსანიშნავია, რომ მათი ასოციაციური გეგმები არსებითად არ სპობდა კაპიტალისტურ წყობილებას, იგი მხოლოდ მავნე მხარეებს უსპობდა მას; იმ პერიოდში კოოპერაცია ასოციაციების განვითარება ხელს შეუწყობდა ჩვენში კაპიტალიზმის სწრაფ განვითარებას.

გ. წერეთელიც დიდ ყურადღებას აქცევდა ამ ასოციაციებსა და საამხანაგო ბანკების დაარსების საქმეს.

VIII. ახალგაზრდა დედებსა და ყმაწვილ ქალებს (გვ. 64—67) დაბეჭდილია „დროების“ № 26, 31, 32, 33, 40, 41-ში. ამ წერილის დიდი ნაწილი პირდაპირ ნათარგმნი არის რუსულ პედაგოგიურ ჟურნალიდან. ჩვენ აქ მოგვყავს მხოლოდ ის შესავალი ნაწილი, რომელიც თვით გ. წერეთელს ეკუთვნის. წერილი ხელმოუწერელია: იბეჭდება თანახმად ნაწერების სიისა.

IX. კორესპონდენციები (გვ. 68—75) „დროების“ კორესპონდენციის სათაურით ცალკე განყოფილება იყო მოთავსებული გაზ. „დროების“ ფურცლებზე. 1866 წ. ნოემბერში მოთავსებულია გ. წერეთლის სამი კორესპონდენცია ქუთაისიდან. ჩვენ მათ ერთი საერთო სათაურით ვათავსებთ. პირველი კორესპონდენცია დაბეჭდილია № 32, მეორე — № 36, მესამე — № 44; კორესპონდენციები ხელმოუწერელია. იბეჭდება თანახმად „ნაწერების სიისა“,

შენიშვნები

1. (გვ. 70) „კავკასიის სოფლის მეურნეობის საზოგადოება“ დაარსდა ვორონცოვის დროს, 50-იანი წლების დასაწყისში. ამ საზოგადოების დაარსებით ვორონცოვი ცდილობდა სასოფლო-სამეურ. ნეო კულტურა გაეცრელებია ამიერ-კავკასიაში. ამ საზოგადოებამ თავის დროზე დიდათ შეუწყო ხელი ჩვენში ევროპიული მანქანების გავრცელებას. რასაკვირველია, ვორონცოვს მხედველობაში ყავდა უმთავრესად მემამულეები, და არა ღარიბი გლეხობა. ამ საზოგადოების საშუალებით შემოქონდათ ამ.-კავკასიაში სას.-სამეურნეო იარაღები, თესლეულობა, კულტურული მცენარეები, იბარებდნენ აგრონომებს და მცოდნე პირებს; იგი ხელს უწყობდა სას.-სამეურნეო პროდუქტების გავრცელების საქმესაც.

2. (გვ. 71) 1866 წ. აფხაზეთში აჯანყებას ჰქონდა ადგილი. არეულობა დაიწყო ბზიბის ოლქში. აჯანყებას მრავალი მიზეზი ედვა სარჩულად. გლეხთა განთავისუფლების რეფორმამ გაუგებრობა გამოიწვია აფხაზეთში; იქ გლეხობა ჯერ კიდევ მებატონეების დიდი გავლენის ქვეშ იყვნენ, ამ გარემოებით ისარგებლეს მემამულეებმა და გლეხობა გამოიყენეს თავიანთ მიზნებისათვის რუსეთის მართველობის წინააღმდეგ ბრძოლაში. ხალხში აგრეთვე დიდ უკმაყოფილებას ბადებდა რუსის მოხელეების უხეში მოპყრობა. აჯანყებულებმა დახოცეს აფხაზეთის მართველი პოლკ. კონიარი და სხვა რუსი მოხელეები, გარდაცვალებულ მთავრის მიხეილის შვილი გიორგი შერვაშიძე გამოაცხადეს მთავრად. აჯანყებულები დაამარცხა რუსის ჯარმა. მას ის შედეგი მოყვა, რომ წებელდის თითქმის მთელი მოსახლეობა გადასახლდა ოსმალეთში, ხოლო აფხაზეთში რუსის მართველობის განმტკიცებით ნიადაგი გამოაცალეს ფეოდალური არისტოკრატის უკმაყოფილებას (იხ. ესაძის წიგნი: „Историческая записка“... ტ. I, 1907 წ. არეულობა ვრცლად არის აწერილი 1866 წ. „კავკაზის“ ნომრებში).

X. განათლების გავრცელებაზე საქართველოში (გვ. 75—82) დაბეჭდილია „დროების“ № 35 და 36-ში. წერილი ხელმოუწერელია. თვით წერილის აზრისა და სტილის მიხედვით ეს სტატია გ. წერეთელს ეკუთვნის.

XI. ბუნების მეცნიერება და იმისი დიდი ღვაწლი ხალხის განათლებისათვის. (გვ. 83—88). დაბეჭდილია—თელის ფსევდონიმით „დროების“ № 38-ში. გ. წერეთელს შეტანილი აქვს თავის ნაწერების სიაში.

7. 1867 წლის ნაწერები

XII. ძველი წლის ნაყოფი და ახალი წლის კოკრები. (გვ. 91—106) წერილი მოთავსებულია 1867 წ. „დროების“ № 1 და 2 ნომერში ფელეტონებად. ხელის მოწერა არა აქვს. იბეჭდება თანახმად „ნაწერების სიისა“. „დროების“ შემდეგ ნომრებში ამ წერილის გავრცელება არ არის დაბეჭდილი. ადვილი საფიქრებელია, იგი ცენზურის პირობების გამო ვერ დაიბეჭდა.

XIII. მზის დაბნელება... (გვ. 107—110) დაბეჭდილია „დროების“ № 4-ში. წერილი ხელმოუწერელია. იბეჭდება თანახმად „ნაწერების სიისა“.

XIV. ბატონ-ყმობის გაუქმების გამო სამეგრელოში (გვ. 111—114). ეს წერილი წარმოადგენს „დროების“ 23 თებერვლის ნომრის (№ 8) მეთაურს. ჩვენს გამოცემაში დაბეჭდილი სათაური ამოღებულია „დროების“ 1857 წლის ნომრების სარჩევიდან. წერილი ხელმოუწერელია.

შ ე ნ ი შ ვ ნ ე ბ ი

1. (გვ. 111) ბატონ-ყმობა სამეგრელოში გაუქმეს 1867 წელს 19 თებერვალს. ადგილობრივი მთავრობა უკვე 1865 წლიდან შეუდგა იქ მზადებას ბატონ-ყმობის გაუქმებისათვის; ვინაიდან ურთიერთობა გლეხთა და მემამულეთა შორის ერთობ გამოურყვეველი იყო და იურიდიულად ჩამოუყალიბებელი, ამიტომ კომისიას დიდი ხნის განმავლობაში დასჭირდა მუშაობა. საგლეხო რეფორმას სამეგრელოში საფუძვლად დაედვა იგივე დებულებანი, როგორიც ტფილისისა და ქუთაისის გუბერნიებში. დაახლოებითი სტატისტიკის მიხედვით მაშინ სამეგრელოში ყოფილა: გლეხობა 22.970 კომლი ან 93.263 სული მამაკაცი. აქედან მებატონეებს ეკუთვნოდათ 19638 კომლი ან 80.284 სული მამაკაცი, დანარჩენი ეკუთვნოდნენ ეკლესიას; მემამულეები ეკლესიის მსახურიანად შეადგენდნენ 2.760 კომლს ან 9.625

სულს მამაკაცს. ამ ყმების განთავისუფლებაში სამეგრელოს მემამულეებმა მიიღეს მამაკაცზე 25 მანეთი, სულ 2,215.570 მანეთი. ოფიციალურ სტატისტიკის მიხედვით ეკლესიის მონობაში კვლავ დასტოვეს დაახლოებით 15.000-ზე მეტი გლეხობა. აღსანიშნავია ის ფაქტი, რომ „რეფორმის“ ნიადაგზე შექმნილმა პირობებმა 1876 წ. დროებით ვალდებულ გლეხთა არეულობა გამოიწვია სამეგრელოში. როგორც ცნობილია, სამეგრელოში 1857 წლის აჯანყების შემდგომაც გლეხობა არ დაწყნარებულა. „განთავისუფლების“ ხმებმა თავისებური გავლენა მოახდინა გლეხობაზე და ისინი დაჟინებით მოითხოვდნენ მონობის უღლის მოსპობას. ქუთაისის გენერალ-გუბერნატორი აუწყებდა მთავარ სამმართველოს, რომ სამეგრელოში.

„По случаю распространившихся слухов о предстоящем освобождении крестьян из крепостной зависимости, жалобы крестьян на помещиков, а последних на крестьян все более и более возрастают“.

გლეხთა უკმაყოფილება, როგორც დავინახეთ არც შემდეგ შეწყვეტილა სამეგრელოში. გ. წერეთლის წერილი დაწერილი იყო ლეგალურს, სასტიკ ცენზურულს პირობებში და მას მეტის თქმა არ შეეძლო აღნიშნული რეფორმის შესახებ.

2. (გვ. 114) **ადრინდელის მთავრის უფლების მოშლა.** — 1803 წ. სამეგრელო ავტონომიური უფლებებით შეუერთდა რუსეთს. 1857 წ., როდესაც სამეგრელოში გლეხთა გრანდიოზული აჯანყება მოხდა, ადგილობრივმა ხელისუფლებამ ისარგებლა მომენტით და ფაქტიურად გაამეფა რუსული სისტემა სამეგრელოშიაც. 1867 წ., როდესაც სამეგრელოს უკანასკნელი მთავრის შვილი ნიკო სრულწლოვანი გახდა, რუსეთის მთავრობამ აიძულა იგი უარი ეთქვა თავის სამთავროზე, სამაგიეროთ მან მიიღო რუსეთის მთავრობისაგან მილიონი მანეთი საჩუქრათ და ტიტული ბრწყინვალე თავადის მინგრელსკის სახელწოდებით.

XV. „პოლიტიკური უფლება დედაკაცისა“ (გვ. 115-19) დაბეჭდილია „დროების“ № 19 და 20-ში. წერილი ხელმოუწერელია. იბეჭდება თანახმად ნაწერების სიისა.

აქვე უნდა ავღნიშნოთ, რომ „დროება“ და მისი თანამშრომლები დიდ ყურადღებას აქცევდნენ ქალითა საკითხს და ქალის განთავისუფლებას მონურ მდგომარეობიდან. იმავე 1867 წლის „დროებაში“ მოთავსებულია წერილი ფ. დათეშიძისა: „მეუზა ხალხას ქალის და ოჯახის მდგომარეობა ევროპის წინა სახელმწიფოებში“ (იხ. № 28, 29 და 30); შემდეგში ნ. ნიკოლაძე და ს. მესხი.

არა ერთხელ შეხებიან ამ საკითხს. განსაკუთრებით აღსანიშნავი არის „დროების“ თანამშრომლის ნ. ინაშვილის წერილი ქალთა განთავისუფლებაზე, რომელიც 1869 წლის „მნათობში“ დაიბეჭდა. ს. მილის წერილის „ქალთა განთავისუფლების“ თარგმანის წინასიტყვაობად.

XVI. „რამოდენიმე აზრი ჩვენს ცხოვრებაზე“ (გვ. 120-130)— დაბეჭდილია „დროების“ № 25-ში, სალიტერატურო ნაწილში. წერილი ხელმოუწერელია და იბეჭდება თანახმად „ნაწერების სიისა“.

XVII. „ქუთაისიდან“ (გვ. 131-35)—ეს კორესპონდენცია „დროების“ № 29-ში; იგი ხელმოუწერელია და იბეჭდება თანახმად ნაწერების სიისა.

XVIII. „საშვალთ აზიაში მოგზაურობა“ (გვ. 136-38)—დაბეჭდილია „დროების“ № 31-32 ში. წერილი ხელმოუწერელია. იბეჭდება თანახმად ნაწერების სიისა. ჩვენს გამოცემაში გადმობეჭდილია მხოლოდ შესავალი.

XIX. „თვითმოქმედება“ (გვ. 139-58)—დაბეჭდილია „დროების“ № 21 და 22-ში. წერილი ხელმოუწერელია. იბეჭდება თანახმად ნაწერების სიისა.

ეს წერილი გ. წერეთელს გადმოუკეთებია სამუელ სმაილის თხზულებიდან.

XX. „ზოგიერთი ამბავი დავით ბებუთოვის ცხოვრებიდან“ (გვ. 159-74)—ამ წერილის პირველი თავი დაბეჭდილია 1867 წ. „დროების“ № 49-ში, ხოლო მეორე 1868 წლის № 2-ში. წერილებს არა აქვს ნელინმოწერა. იგი იბეჭდება თანახმად „ნაწერების სიისა“.

ეს წერილი გ. წერეთელს გამოუკრეფია და ზოგან გადმოუთარგმნია დავით ბებუთოვის ვრცელ შოგონებიდან, რომელიც დაწერილია 1861 წ. და დაბეჭდილია 1867 წ. „Военный Вестник“-ის ნომრებში; 1902 წ. ეს მოგონებანი საესებით გადმობეჭდეს „Кавказский сборник“-ში (იხ. ტ. XXIII, გვ. 1—130, 1902 წ.).

8. 1868 წლის წერილები

XXI. „ორიოდე სიტყვა კამედიაზე „ვაი კუისაგან“ და რუსულს ტრუპაზე“ (გვ. 177-86)—ეს წერილი მოთავსებულია ფელეტონად „დროების“ № 1-ში. ხელმოწერილი აქვს გ. — თელი. შეტანილია „ნაწერების სიაში“.

შ ე ნ ი შ ვ ნ ე ბ ი

1. (გვ. 180) ავტორი კომედიისა „ვაი ქუისაგან“—არის ა. გრიბოედოვი (1795—1828), რომელიც რამდენიმე ხნის განმავლობაში მსახურობდა საქართველოში და ბოლოს ელჩად იყო სპარსეთში, სადაც იგი მოჰკლეს. საქართველოში იგი მუშაობდა თავის შესანიშნავ კომედიაზე და ადგილობრივ პირობების ზეგავლენით დასწერა მან მეორე პოემა „საქართველოს ღამე“. გრიბოედოვმა 1828 წელს ცოლად შეირთო ცნობილი პოეტისა და გენერლის ალექსანდრე ჭავჭავაძის ქალი—ნინო (გარ. 1857 წ.). ამრიგად, როგორც სამსახურით, ისე ოჯახური დამოკიდებულებით გრიბოედოვი ახლოს იდგა მაშინდელ საქართველოს ცხოვრებასთან. „ვაი ქუისაგან“ პირველად ქართულად გადმოიარგმნა გ. ცისკაროვმა 1853 წ. და იმ წელსვე დაიბეჭდა ცალკე წიგნად. 1863 წ. „საქ. მოაზრებში“ (იხ. № XII) დაიბეჭდა პირველი მოქმედება გ. ერისთავის მიერ ნათარგმნი.

XXII. „ბუნების გავლენა კაცზედ“ (გვ. 187-96) დაბეჭდილია „დროების“ № 4-ში. წერილი ხელმოუწერელია. იბეჭდება თანახმად ნაწერების სიისა.

XXIII. „ჩვენი ცხოვრების ქრონიკა“ (გვ. 197-204) დაბეჭდილია „დროების“ № 6-ში ქ—ელის ფსევდონიმით. შეტანილია გ. წერეთლის ნაწერების სიაში.

XXIV. „უცხო ქვეყნის ამბავი“ (გვ. 205—21) დაბეჭდილია „დროების“ № 9 და 22-ში X ფსევდონიმით, იგი შეტანილია გ. წერეთლის ნაწერების სიაში.

შ ე ნ ი შ ვ ნ ე ბ ი

გ. წერეთლის მიმოხილვანი ევროპის მდგომარეობის შესახებ იმ პერიოდში იბეჭდებოდა, როდესაც ევროპაში მწვავე კრიზისი მზადდებოდა. ერთი მხრივ, გერმანიის საერთო ეკონომიური ზრდა და პოლიტიკური მოღვაწეების გაცხოველებული მოქმედება გერმანიის ერის გაერთიანების შესახებ, მეორე მხრით, საფრანგეთში დაწყებული შინაგანი კრიზისი აღმოცენებული სამრეწველო კაპიტალიზმის სწრაფი განვითარების ნიადაგზე, რომელმაც მკაცრად დაუპირისპირა ერთი მეორეს სოციალური კლასები და მათი პარტიები,—ნათლად გამოხატა ევროპის მაშინდელ მდგომარეობას. განსაკუთრებით საფრანგეთში მზადდება ნიადაგი დიდი მოძრაობისათვის. ნაპალეონ მესამის პოლიტიკამ საფრანგეთის შინაგანი წინააღმდეგობანი

უფრო გაამწვავა და რადიკალური ბურჟუაზიის წინაშე მკაცრად დასვა საკითხი საფრანგეთის ხელისუფლების შესახებ; მაგრამ კაპიტალიზმის ზრდამ არა მარტო ბურჟუაზია აამოძრავა, არამედ გაამწვავა კლასიური ურთიერთობა ბურჟუაზიასა და პროლეტარიატს შორის. 1867-69 წლებში მხოლოდ ნიადაგი მზადდებოდა იმ დიდი კრიზისისათვის, რომლის წინაშე საფრანგეთი და მთელი ევროპა დადგა 1870-71 წლებში.

როგორც მკითხველმა უკვე იცის, მაშინდელი „დროება“ სასტიკად შებორკილი იყო ცენზურის მიერ და მას არ ჰქონდა საშუალება თავისი შეხედულება გამოეთქვა საერთოდ პოლიტიკური ვითარების შესახებ. გ. წერეთელმა თავის მიმოხილვაში, და განსაკუთრებით „ამ დროების ფრანციის მწერალში“... (იხ. გვ. 247-58) გარკვეულ ხერხს მიჰმართა და ფაქტიური მასალის შერჩევით და შეფასებით ნათლად დაანახა მაშინდელ მკითხველ საზოგადოებას ევროპაში დაწყებულ პარტიათა ბრძოლის მთავარი აზრი.

1. (გვ. 207) **მოლიერი** (1622-1673)—საფრანგეთის გამოჩენილი დრამატურგი, რომელმაც სასტიკად ჭაპკიცხა საფრანგეთში კაპიტალიზმის განვითარების რიჟრაჟზე არისტოკრატიულ-ფეოდალური წოდება და წყობილება და ნათლად გამოსახა ამ წოდების დაცემა. უკვე 60-70-ან წლებში ქართულად მოლიერის რამოდენიმე კომედია იყო ნათარგმნი. მაშინ მოლიერის საუკეთესო მთარგმნელად ითვლებოდა დიმ. ყიფიანი. რამოდენიმე კომედია აკ. წერეთელმაც გადმოთარგმნა

2. (გვ. 207) **პრუდონი** (1806-1865) — საფრანგეთის გამოჩენილი ანარქისტი, წვრილ-ბურჟუაზიის იდეოლოგი. პრუდონი სასტიკად აკრიტიკებდა მსხვილ კაპიტალისტურსა და ფეოდალურ კერძო საკუთრებას, მაგრამ დიდი დამცველი იყო წვრილი კერძო საკუთრებისა. იგი სასტიკად ებრძოდა აგრეთვე კომუნისტურსა და ასოციაციურ მიმდინარებას; მომხრე იყო ურთიერთ დამხმარე ბანკების დაარსების. პრუდონს 60-ანი წლების ჩვენი ინტელიგენცია კარგად იცნობდა. მისი ერთ-ერთი ნაწარმოების თარგმანი დაბეჭდილი იყო „საქართველოს მოამბეში“. 1863 წ.

3. (გვ. 209) **ჯონ სტუარტ მილი** (1806-73)—ინგლისელი ეკონომისტი და ფილოსოფოსი. ფილოსოფიაში პოზიტივისტი იყო; ეკონომიკაში კლასიკური სკოლის ეპიგონად ითვლებოდა. მისი აზროვნება კაპიტალიზმის სწრაფი განვითარების პერიოდში ჩამოყალიბდა, როდესაც სავსებით გამომჟღავნდა კაპიტალიზმის წინააღმდეგობანი. მილი მხარს უჭერდა ასოციაციების თეორიას. მის ნაწერებს კარგად იცნობდა

ჩვენი მაშინდელი ინტელიგენცია; მისი ზოგიერთი ნაწერი ქართულად ითარგმნებოდა.

4. (გვ. 219) **სენ-სიმონი** (1760-1825) — გამოჩენილი ფრანგი უტოპისტი, რომელიც სასტიკად აკრიტიკებდა ფეოდალურ წყობილებას; იგი მომხრე იყო ასოციაციების დაარსებისა. სენსიმონისტებმა მისი მოძღვრება განავითარეს სოციალისტური მიმართულებით.

5. (გვ. 219) **ფურიე** (1772-1837) — გამოჩენილი ფრანგი უტოპისტი, დამაარსებელი ფურიერიზმისა, რომელიც სასტიკად აკრიტიკებდა კაპიტალისტურ წყობილებას და მოითხოვდა ფალანგების, პატარა თემების დაარსებას. ფურიე სასტიკი წინააღმდეგი იყო რევოლუციისა და კლასთა ბრძოლის.

6. (გვ. 219) **კონტი** (1798-1857) — ფრანგი სოციოლოგი და ფილოსოფოსი; პოზიტივეური მიმდინარეობის დამაარსებელი. მისი მოძღვრება საფრანგეთის ბურჟუაზიის თავისებურ იდეოლოგიას გამოხატავდა.

XXV. „უჩინ მაჩინის ქუდოსანი და იმის საუბარი მკითხველთან“ (გვ. 222-34) დაბეჭდილია „დროების“ № 19 და 20-ში ხელმოუწერლად. ამ გამოცემაში იბეჭდება თანახმად „ნაწერების სიისა“.

შ ე ნ ი შ ვ ნ ე ბ ი

1. (გვ. 225) **უფ. სულხანოვი და კამპ.** — 60-იანი წლების ჟურნალ-გაზეთებში ხშირად ხვდებით ცნობებს, რომ ქართველი მემამულენი წარმოებისა და აღებ-მიცემობის საქმეს ჰკიდებენ ხელს. სულხანოვები ცნობილი იყვენ თავიანთი მოღვაწეობით სოფლის მეურნეობის რაციონალურად მოწყობის საქმეში და ამიტომ ეგროპიდან 50-ან წლებიდანვე იწერდენ სასოფლო-სამეურნეო იარაღებსა და ახალ თესვებს. განსაკუთრებით ცნობილი იყო ივ. სულხანოვი, რომელიც ხშირად ათავსებდა წერილებს ამ საკითხების შესახებ „გუთნის დედაში“, „დროებაში“ და „სასოფლო გაზეთში“. იგი არა ერთხელ დასწრებია სასოფლო-სამეურნეო გამოფენებს მოსკოვში და საკითხის შესწავლის მიზნით ეგროპაშიაც კომოგზაურა. გ. წერეთლის მიერ გამოცემული ფაქტები მით არის შესანიშნავი, რომ ვტყობილობთ თუ როგორ ცდილობდნ ჩვენი არისტოკრატის ფენები შეთანხმებოდნ ახალ ეკონომიურ განვითარებასა და პირობებს.

2. (გვ. 225) **თ. დავით ჰავჭავაძე** — შვილი იყო პოეტ ალ. ჰავჭავაძისა; დიდი მემამულე და სამხედრო პირი.

3. (გვ. 230) **უფ. წერეთელი** და „სასოფლო გაზეთი“ — ლაპარაკია თვით ავტორის — გ. წერეთლისა და მის მიერ დაარსებულ:

,სასოფლო გაზეთის“ შესახებ; რომლის გამოცემაზე განცხადება იყო დაბეჭდილი „დროებაში“. (დაწვრილებით იხ. ქვევით გვ. 446—448).

4. (გვ. 231) **პეტალოცი** (1746-1827)—ცნობილი პედაგოგი და თეორეტიკოსი, რომელმაც წვრილ-ბურჟუაზიული დემოკრატიის თვალსაზრისით განიხილა პედაგოგიკის საკითხები. მან წამოაყენა იდეა საწარმოო შრომის სწავლის საქმესთან შეერთებისა.

5. (გვ. 233) **ფრეშელი** — (1782-1852)—წვრილ-ბურჟუაზიული პედაგოგიური იდეების მქადაგებელი, რომელიც ვერ განთავისუფლდა რომანტიულ შეხედულებებისაგან და მასთანვე ქადაგებდა შრომის საფუძვლებზე აღზრდის იდეას.

XXVI. „**ოხმალეთის ქვეშევრდომი ხაქრისტიანო ქვეყნების ამბავი**“ (გვ. 235-43) დაბეჭდილია „დროების“ № 23 და 27-ში ხელმოუწერლად. იბეჭდება თანახმად „ნაწერების სიისა“.

XXVII. „**ტანსაცმლის უზომო ხმარება**“ (გვ. 244-46) დაბეჭდილია „დროების“ № 27-ში ხელმოუწერლად. იბეჭდება თანახმად „ნაწერების სიისა“.

XXVIII. **ამ დროების ფრანციის მწერალნი და იმათი თხზულებანი** (გვ. 247-58)—დაბეჭდილია „დროების“ № 34 და 35-ში ხელმოუწერლად. აქ იბეჭდება თანახმად „ნაწერების სიისა“.

შ ე ნ ი შ ვ ნ ე ბ ი

1. (გვ. 247) **გიზო** (1787-1874)—საფრანგეთის ისტორიკოსი და პოლიტიკური მოღვაწე. ბურჟუაზიის იდეოლოგი, რომელიც ქანობდა ლიბერალიზმსა და კონსერვატიზმს შორის. იგი მხარს უჭერდა ბურჟუაზიის განთავისუფლებას ძველი რეჟიმის გავლენისაგან. როდესაც 1848 წ. რევოლუციამ დაამარცხა გიზო და მუშათა კლასი გამოვიდა სამოღვაწეოდ, იგი „სოციალური მშვიდობიანობის“ ქადაგებას შეუდგა. გიზოს ისტორიულმა შრომებმა ეპოქა შექმნეს ევროპის ისტორიოგრაფიაში.

2. (გვ. 248) **ჟირარდენი** — (1806-84)—ფრანგი ჟურნალისტი. 60-ან წლებში იგი ოპოზიციონურ ბრძოლას აწარმოებდა მთავრობის წინააღმდეგ. 1869-70 წლებში აღტაცებით მიეგება ლიბერალურ იმპერიას. გაზ. „ლიბერტე“ დაარსა 1866 წ.

3. (გვ. 248) **რენანი** (1823-92)—საფრანგეთის ცნობილი ისტორიკოსი და ფილოლოგი, პროფესორი ლიბერალი, რომელიც მხარს უჭერდა კონსტიტუციონალურ იმპერიას. მას არ სწამდა დემოკრატია; პარიზის კომუნამ მასზე უარყოფითი გავლენა მოახდინა. 60-იან წლებში მოინდომა პოლიტიკურ სარბიელზე მოღვაწეობა და 1868 წ. გა-

მოაქვეყნა წიგნი მიმდინარე მომენტის შესახებ. იგი ლიბერალი იმპერიალისტი იყო; თავის პროგრამას იგი ასეთს დასკვნას უკეთებდა: „თავისუფლება და პროგრესი ურევოლუციოდ და უონრად“.

4. (გვ. 252) **შერერი** (1838-99)—საფრანგეთის პოლიტიკური მოღვაწე. დაინტერესებული იყო მუშათა მდგომარეობით. მოაწყო მუშათა ურთიერთ დამხმარე კავშირები. მისი მეთაურობით დაარსდა „რესპუბლიკანური კავშირი“ (გამბეტას პარტია), მონაწილეობას ლებულობდა 1870-იან წლების ამბებში.

5. (გვ. 253) **როშფორი** — საფრან. ცნობილი პუბლიცისტი და მწერალი. სასტიკი მტერი იყო მეორე იმპერიის. 1868 წ. მან დაარსა ერთკვირიანი ორგანო, რომელსაც დიდი გავლენა ჰქონდა. სალდებოდა 80.000. ამ ორგანოში იგი სასტიკად ესხმოდა თავზე ნაპოლეონის მთავრობას. ნაციონალურ საბჭოში იგი მიემხრო რადიკალურ მემარცხენეებს, მხარი დაუჭირა პარიზის კომუნას და ებრძოდა ვერსალელებს. სამხედრო სასამართლომ მას მიუსჯა გადასახლება ახალ კალედონიაში, საიდანაც გაიქცა 1874 წ. 1880 წ. დაბრუნდა საფრანგეთში და განაგრძო თავისი მუშაობა. როშფორის შესახებ ბევრს სწერდა 70-იან წლებში ნ. ნიკოლაძე. იგი „ობზორშიაც“ თანამშრომლობდა.

6. (გვ. 254) **ჟულ-სიმონი** (1814-96)—საფრანგეთის პოლიტიკური მოღვაწე და პუბლიცისტი. ლიბერალი, რომელიც თავგამოდებით იცავდა ინდივიდუალურ თავისუფლებას და წინააღმდეგი იყო სოციალიზმისა. 60-იან წლებში ოპოზიციაში უდგა მთავრობას; 70-იან წლებში რამოდენიმეჯერ ეჭირა მინისტრის პორტფელი.

7. (გვ. 254) **პრევო-პარადოლი** (1829-70)—ცნობილი ფრანგი ჟურნალისტი, აკადემიის წევრი, ლიტერატურის ისტორიის პროფესორი. პირველად მემარცხენე ლიბერალი იყო და იმპერიის მოწინააღმდეგე. განსაკუთრებით გაითქვა სახელი თავისი წერილებით „კურიერ დე დიმანში“. თავი მოიკლა 1870 წ.

XXIX „ერთი თვალის გადავლება“ (გვ. 259-71)—დაბეჭდილია „დროების“ № 36-37-ში გ.—ლის ფსევდონიმით. ნაწილი გადაბეჭდილია „სასოფლო გაზეთში“ № 29, სრული გვარის მოწერით გ. წერეთელს შეტანილი აქვს თავის „ნაწერების სიაში“.

შ ე ნ ი შ ვ ნ ე ბ ი

1. (გვ. 267) რუსეთიდან ჩამოსული ახალგაზრდა ყმაწვილი გუნდა იყოს გიორგი ლოლობერიძე, ძმა ნიკო ლოლობერიძისა. მის შესახებ ს. მესხი თავის „ხელნაწერ პორტრეტებში“ სწერს:

„გიორგი ლოლობერიძე უძველესი მოთავეა იმ ახალგაზრდა პარტიისა, რომელსაც იმერეთში „წვეროსნებს“ ეძახიან... შეხედვით 50 წლის იქნება. ყირიმის ომის დროინდელი, მოსკოვის უნივერსიტეტის სტუდენტი“ (ს. მესხი, თხზულებანი, გვ. 385).

აკაკი წერეთელს იგი გამოყვანილი ყავს 1860 წელში დაწერილ „პირუტყვების არჩევნებში“ (იხ. ტ. III). შემდეგ დაწერილ შენიშვნაში აკაკი ამბობს, რომ სხვებთან ერთად ამ პიესაში გამოყვანილი ყავს გიორგი ლოლობერიძე, მაშინდელი ინტელიგენტი და ოპოზიციის მეთაური (იხ. გვ. 397). უნდა ვიფიქროთ, რომ გ. წერეთლის მიერ დასახელებული გ... აღნიშნული ლოლობერიძეა.

XXX. „თამბაქოს მოქმედება ადამიანის სხეულზე“ (გვ. 272-75) დაბეჭდილია „დროების“ № 37-ში ხელმოუწერლად. გადაბეჭდილია „სასოფლო გაზეთში“ № 28; აქ იბეჭდება თანახმად „ნაწერების სიისა“.

XXXI. „სიძვირე და მოქმედება იმისი კარგადმოფობაზედ“ (გვ. 276—80) — პირველად დაიბეჭდა „დროების“ № 38-ში ხელმოუწერლად; გადაბეჭდილია „სასოფლო გაზეთში“ № 29. გ. წერეთელს შეტანილი აქვს თავის „ნაწერების სიაში“.

XXXII. „საპოლიტიკო და საზოგადო მდგომარეობა სერბისა“ (გვ. 281-92)—დაბეჭდილია „დროების“ № 43 და 44-ში ხელმოუწერლად. აქ იბეჭდება გ. წერეთლის „ნაწერების სიის“ მიხედვით.

XXXIII. „ბუნების კარი“ (გვ. 293-98)—დაბეჭდილია „დროების“ № 48-ში. წერილი დაუთავარებელია. იბეჭდება თანახმად „ნაწერების სიისა“.

შ ე ნ ი შ ვ ნ ე ბ ი

1. (გვ. 293) ი. გოგებაშვილი (1840-1912)—ცნობილი ქართველი პედაგოგი და მწერალი, თავისი პედაგოგიური წიგნები უკვე 60-იან წლებში გამოაქვეყნა და ამით დიდნი ნაბიჯი წარსდგა წინ ჩვენი პედაგოგიური ლიტერატურის საქმემ, რადგან გოგებაშვილმა იმ ხანებში ახალი ნაკადი შემოიტანა ჩვენ პედაგოგიურ ლიტერატურაში. იგი „დროების“ თანამშრომლად ითვლებოდა. მისი პირველი წერილი— „პოლიტიკური მიმოხილვა“— დაბეჭდილია „დროების“ № 9, 1866 წ. აქვე უნდა ავღნიშნოთ, რომ „ბუნების კარი“ სასტიკად გააკრიტიკა 1873 წ. ნ. ნიკოლაძემ (იხ. „დროება“ № 400).

XXXIV. „კაცის ხელით მომხდარი ცვლილებანი ბუნებაში“ (გვ. 299)—დაბეჭდილია „დროების“ № 48-ში იბეჭდება თანახმად „ნაწერების“ სიისა.

9. „სასოფლო გაზეთი“ და გ. წერეთელი

1868 წლის ნაწერებში ჩვენ მოვათავსეთ გ. წერეთლის ის წერილებიც, რომელიც „სასოფლო გაზეთში“ იბეჭდებოდა. ამიტომ საჭიროა მკითხველს ამ გაზეთის შესახები ცნობებიც გავაცნოთ. ამ გაზეთის რედაქტორად და გამომცემელად ითვლებოდა თვით გ. წერეთელი. პირველი ნომერი გამოვიდა 1868 წ. თებერვალში; ამ წლის განმავლობაში იგი გამოდიოდა კვირაში ერთხელ — საშუაბათობით. 1869 წლიდან თვეში ორჯერ. გ. წერეთელს თხოვნა ასეთი გაზეთის გამოცემისა 1867 წ. ალექსანდრეს, მაგრამ ნება არ მიუციათ (იხ. ს. ავალიანი: „ქართული პრესის წარსულიდან“ — „სახალხო გაზეთი“ № 894-1913 წ.). გ. წერეთელი ამ გაზეთის რედაქტორად და გამომცემლად ითვლებოდა 1868—73 წლებში. მხოლოდ 1869 წ. რამოდენიმე თვის განმავლობაში დროებით რედაქტორად და გამომცემლად სერ. მესხი ითვლებოდა, რადგან იმ ხანებში გ. წ — ლი პეტერბურგში წავიდა ამოცდების ჩასაბარებლად. 1874 წლიდან რედაქტორობა და გამომცემლობა პ. უმიკაშვილს გადასცა.

ჩვენი პრესის ისტორიაში „სასოფლო გაზეთი“ პირველ პოპულარულ, საგლეხო გაზეთად უნდა ჩაითვალოს. 1861 წ. „ცისკრის“ დამატებად გამოდიოდა „გუთნის დედა“, რომელსაც რედაქტორობდა ივ. კერესელიძე. დახმარებას ეს გაზეთი „სასოფლო-სამეურნეო საზოგადოებისაგან“ — ღებულობდა. მაგრამ თავისი შინაარსითა და დანიშნულებით ეს გაზეთი შემამულეების ოგანოს წარმოადგენდა და მათ ინტერესებს ემსახურებოდა. ამ გაზეთის მიზანი იყო დახმარებოდა შემამულეებს სასოფლო-სამეურნეო ეკონომიკის გაუმჯობესების საქმეში; იგი „მამულის პატრონობისა და ვაჭრობის გაზეთად“ იწოდებოდა.

სრულიად სხვა მიზნებს ისახავდა გ. წერეთელი, მას სურდა რომდენადაც ამ მხრივ ცენზურა ნებას მისცემდა, ფართო დახმარება აღმოეჩინა გლეხოებისათვის სხვადასხვა რჩევითა და დარიგებით გ. წ — ლის ყურადღება ამ ფენისაკენ იყო მიქცეული. ამ საკითხსაც გ. წერეთელი ბოროტაზიული დემოკრატიის თვალსაზრისით უდგებოდა.

რასაკვირველია, გაზეთს დიდი გავლენა არ ჰქონია ჩვენი სოფლის მცხოვრებლებზე, მაგრამ არის ცნობაც, რომ მას კითხულობდნ სოფლებში და ესე თუ ისე იყენებდნ იქ გამოთქმულ აზრებს. 1873 წ. „დროება“-ში ვკითხულობთ:

„ამ მოკლე ხანში უფ. გ. წერეთელს, „სასოფლო გაზეთი“-ს რედაქტორს, მოუვიდა წინანდალისა და ორი სხვა კახეთის სოფლის საზოგადოებისაგან ოფიციალური წიგნი, რომელშიაც სწერენ, რომ ჩვენ დიდის სიამოვნებით წავიკითხეთ „სასოფლო გაზეთში“ სტატია „სოფლის მოსამართლეებს“ და მოგვეწონა ბანკის თაობაზე იქ გამოთქმული აზრობა“. ამასთანავე აცნობებენ, რომ ჩვენ, მამასახლისებმა, ჩვენ ჩვენი საზოგადოებები შევკრიბეთ ამის თაობაზე და ერთად გადავწყვიტეთ, რომ სოფლის ბანკები გავმართოთ. მაგრამ რადგანაც ეს საქმე ჩვენთვის ახალი და უცნობია ამისთვის უმორჩილესად გთხოვთ უფრო დაწარილებით დარიგება წიგნით გვეცნობოთ“ (იხ. „დროება“ № 5, 1873 წ.).

გ. წერეთელმა 1871 წ. გადასწყვიტა თავის გაზეთის გაფართოება და უფრო მოწესრიგება მისი გავრცელების საქმისა. ამ მიზნით მან თხოვნით მიჰმართა „ა-კავკასიის სასოფლო-სამეურნეო საზოგადოებას“. ამის შესახებ იმავე „დროება“-ში ვკითხულობთ:

„ამ ახალი „სასოფლო გაზეთი“-ს რედაქციამ „საზოგადოებას წინადადება მისცა, რომ, თუ შემწეობას მომცემთ, „სასოფლო გაზეთში“ მეურნეობის და სოფლის სახლოსნობის ნაწილს შემოვიღებ და ეს გაზეთი თქვენ გაავრცელებთ ხალხშიო. „საზოგადოება“ დათანხმდა, და ამნაირათ რედაქციას ყოველ წელიწადს ეძლეოდა ოთხმოცდაათი თუმანი, რომლისთვისაცა თავის მხრივ ვალდებული იყო 450 ეგზემპლარით „სასოფლო გაზეთი“-ს წარედგინა „საზოგადოება“-ში. ეს მოხდა 1871 წ. და წლევანდელი (1873 წ.) წლის იანვრამდე საქმე ამ მდგომარეობაში იყო. ამ თვის 13-ს „საზოგადოების“ კრებამ გადასწყვიტა, რომ „სასოფლო გაზეთი“ რიგიანათ ვერ ასრულებს თავის დანიშნულებასაო და ამის გამო დაიწყო იმაზე მოლაპარაკება რომ დაეარსებინათ სხვა გამოცემა“... (იხ. „დროება“ № 4, 1873 წ.).

„საზოგადოებამ“ სუბსიდიის ძლევა კვლავ „გუთნის დედას“ დაუწყო, რომლის რედაქტორადაც 1873 წ. ანტ. ფურცელაძე დაინიშნა. უკანასკნელის სასახლოდ უნდა ითქვეს, რომ მან ამ „გუთნის დედა“-ს რამოდენიმედ ნაროდნიკული შინაარსი მისცა.

დიდი უმეტესობა „სასოფლო გაზეთში“ მოთავსებული წერილებისა ხელმოუწერელია. პირველ წლებში, განსაკუთრებით 1868 წელში, „გაზეთის“ უმთავრესი და ერთადერთი თანამშრომელი თვით რედაქტორი და გამომცემელი გ. წერეთელი იყო. მას იშვიათად უწევდენ გარედან დახმარებას. თითქმის ყველა წერილს, თარგმნისა თუ ორგინალს, მისი ხელი ატყვია. ხოლო თუ სხვა ვინმე მიაწოდებდა წერილებს, იგი ხელმოწერილი იბეჭდებოდა. ასე მაგ. პირველ ნომერში ყველა წერილი ხელმოუწერელია. მხოლოდ ერთი წერილია ხელმოწერილი: „სასოფლო ხალხის ცხოვრებაზე“. — („მგზავრობა“.) რომელიც დ. მეღვინეთ-უხუცესოვს ეკუთვნის. ამგვარადვე

შემდეგ ნომრებშიაც. სხვა წერილებიც, რომელიც უცილოდ გ. წერეთელს ეკუთვნის მაგ. „თაჰბაქოს მოქმედება კაცის სხეულზე“ № 28— დაბეჭდილი იყო „დროება“-ში № 37, 1868 წ.; „სიძვირე და მისი მოქმედება კარგად მყოფობაზე“ № 29, დაბეჭდილი იყო „დროება“-ში № 38, ხელმოუწერელად არის დაბეჭდილი. თვით მოთხრობა „გვრიტას“ რამოდენიმე თავი, რომელიც „სას. გაზეთშია“ დაბეჭდილი, არა აქვს გ. წერეთლის არც ფსევდონიმი და არც გვარი და სახელი მოწერილი. აქედან ერთი დასკვნა აშკარაა: „სასოფლო გაზეთში“ თავის ორიგინალსა თუ თარგმნის წერილებს გ. წერეთელი იშვიათ შემთხვევაში აწერდა თავის გვარს ან ფსევდონიმს, ხოლო სხვისი წერილები უმეტეს შემთხვევაში ხელმოწერილი იბეჭდებოდა.

აქვე უნდა აღვნიშნოთ, რომ „სასოფლო გაზეთი“, როგორც პოპულიარული-საგლეხო ორგანო, ცდილობდა გასაგები ენით მიეწოდებია ხალხისათვის სამეცნიერო ცნობები და განემარტა საჭირობო როტო საკითხები. აქ თქვენ შეხვდებით დაბეჭდილს, როგორც სამეურნეო ხასიათის, ისე სამკურნალო, აგრონომიულსა და სხვა ხასიათის სამეცნიერო წერილებს მარტივი ენით დაწერილს. ასე მაგ. „საქონლის ჭირისა და სხვა ავადმყოფობის ცნობა და იმათი წამლობა ადვილის და იეფის საშვალეებით“ (იხ. № 2, 3, 4); „ანგარიშში სახმარებელი ნიშნები ანუ ციფრები“ (№ 3 და შემდეგი); „ორიოდე შესანიშნავი დარიგება ბოსტნის კეთებაზე“ და მრავალა სხვა. დიდი ნაწილი ამ წერილებისა არ წარმოადგენს გ. წერეთლის ორიგინალურ ნაწერებს: იგი უმთავრესად ნათარგმნია რუსულ სასოფლო გაზეთებიდან, ჟურნალებიდან და წიგნებიდან. ყველა ამ წერილის გადმობეჭდა გ. წერეთლის სრულ ნაწერების კრებულში შეუძლებელი და მიზანშეუწონელია. ამიტომ რედაქტორმა მიზანშეწონილად სცნო ამ ტომში გადმოებეჭდა 1868 წლის „სასოფლო გაზეთიდან“ ყველა ის წერილი: 1) რომელიც უცილოდ გ. წერეთლის კალმის ნაყოფია, და 2) რომელიც ამა თუ იმა სახით შეეხება ჩვენი ცხოვრების მაშინდელ ვითარებას და დამახასიათებელია თვით „გაზეთისა“ და მისი რედაქტორისათვის.

სამწუხაროთ, 1868 წლის „სასოფლო გაზეთი“-ს სრული კომპლექტი არ აღმოჩნდა ტფილისისა და ქუთაისის არც ერთს ჩვენს ბიბლიოთეკაში, ზუზუქსა და არქივში. საქ. ზუზუქის წიგნთსაცავში შენახულ 1868 წლის „სასოფლო გაზეთს“, რომლითაც ისარგებლა რედაქტორმა, აკლია შემდეგი ნომრები: 6, 13, 14, 17, 18, 20, 24, 25, 27, 36. 1868 წელს გამოსულა სულ 42 ნომერი.

10. წერილები 1868 წლის „სასოფლო გავეთიდან“

- I. ახალი სასამართლოს შემოღების გამო (გვ. 302-306)—დაბეჭდილია № 1-ში.
- II. ხახალხო მედიცინა (გვ. 307-309)—დაბეჭდილია № 1-ში.
- III. შესანიშნავი ამბავი საქონლის ჭირზე (გვ. 310)—დაბეჭდილია № 1-ში.
- IV. რა მნიშვნელობა აქვს წყალსა საზოგადოთ და საიდან წარმო-
ხდება წვიმა (გვ. 311—19)—დაბეჭდილია № 2, 3-ში.
- V. ორიოდე სიტყვა ჩვენს უმთავრეს სარჩოზე (გვ. 320—26)—და-
ბეჭდილია № 3-ში.
- VI. ჩვენი სოფლელი მკითხველებისათვის დასახწავლი რალა-
რალადაები (გვ. 327—37)—დაბეჭ. № 4, 5, 11 ში.
- VII. ბოსტნის განყოფი და კვლების განრიგება (გვ. 338—42)—და-
ბეჭდილია № 7-ში.
- VIII. აბრეშუმის მოყვანაზედ (გვ. 343—58)—დაბეჭ. № 8, 9, 10-ში.
- IX. ორიოდე სიტყვა სოფლის ახალ მოხელეების ამორჩევაზე
(გვ. 359—66)—დაბეჭ. № 11, 12-ში.
- X. რისგან წარმოსდგება ქარი (გვ. 367—69)—დაბეჭ. № 11-ში.
- XI. ჩვენი გლეხების გადასახლება (გვ. 370—72)—დაბეჭ. № 23-ში.
- XII. სოფლის მოხელეების ამორჩევაზე (გვ. 373--14)—დაბ. № 28-ში.
- XIII. შინაური ცნობანი (გვ. 375—76)—დაბეჭდილია № 42-ში.

11. დ ა მ ა ტ ე ბ ა ნ ი

I. ახირებულნი ფურცელა (გვ. 379—84)—პირველად დაბეჭდა
1862 წ. მაისის „ცისკარში“ (იხ. № 5, გვ. 23—30) მესამე თერგდა-
ლეულის ფსევდონიმით. ეს გ. წერეთლის პირველი დაბეჭდილი წე-
რბლი იყო. ამის შესახებ ჩვენ ზევით (იხ. გვ. 396) ვრცლად ვისაუბ-
რეთ და აქ აღარ განვიმეორებთ მას.

შ ე ნ ი შ ვ ნ ე ბ ი

1. (გვ. 382) ერთი მოლაყბე—ლაპარაკის „ცისკრის“ თანამშრო-
მელზე; როგორც ვწერდით, მოლაყბის ფსევდონიმით იმ ხანებში უმ-
თავრესად თვით „ცისკრის“ რედაქტორი ივ. კერესელიძე სწერდა.

2. (გვ. 382) პლატონ ფილოსოფოსი—იგულისხმება ისტორი-
კოსი და პუბლიცისტი პლ. იოსელიანი, რომელსაც ზედმეტ სახელად
პლატონ ფილოსოფოსს უწოდებდენ. თავისი სოფლმხედველობით
ზგი ძველი თაობის წარმომადგენელი იყო და შორულადაც უცქერო-

და ახალ თაობას. მისი მთავარი პოლიტიკური მრწამსი რუსეთის ტახტის ერთგულებასა და საქარ. თავად-აზნაურობის სამსახურში გამოიხატებოდა; იგი უდიდესი მეხოტბე იყო ქართველი თავად-აზნაურობისა (იხ. „კავკაზ“-ი 1862 წ.).

3. (გვ. 381) ანდლუყაფარ—გმირია გ. ერისთავის კომედიისა

4. (გვ. 382) ზემოური იმერელი გორისელი წერეთელი ეფთიმე—გ. წერეთლის მამა იყო, რომელმაც 1862 წ. თებერვლის „ცისკარში“ წერილი მოათავსა ი. ჭავჭავაძისა და ახალი თაობის საწინააღმდეგოდ (იხ. ზევით გვ. 398).

5. (გვ. 382) ანტონ კათალიკოსი (1719—88)—მე-XVIII-ე საუკუნის მოღვაწე და მწიგნობარი. მას დიდძალი წიგნები აქვს შედგენილი და გადმოთარგმნილი ქართულად. მან გამოაცოცხლა ჩვენში სქოლასტიური აზროვნება და ფილოსოფია. მას დიდი დაშახტურება მიუძღვის ქართული ენის ისტორიაში: ქართული ენის მეცნიერული დამუშავება მისი საგრამატიკო შრომით დაიწყო. მაგრამ იგი სქოლასტიური მოაზროვნე იყო და მის შრომებშიაც სავსებით დაცულია ეს თვალსაზრისი; იგი სწერდა „მეტად განყენებული, ხელოვნური ენით, იოანე პეტრიწის სკოლას სტილით“. ხელოვნებისა და ლიტერატურის საკითხშიაც ანტონმა სავსებით გაატარა ეს სქოლასტიური თვალსაზრისი. ეს მისი შეხედულებანი დიდი ხნის განმავლობაში იყო გაბატონებული ქართულს ლიტერატურაში. როდესაც 60-ან წლებში ახალი თაობის ინტელიგენცია შეეცადა ჩვენს ლიტერატურაში განმეტკიცებია ბელინსკისა და ჩერნიშევსკის ესთეტიური თეორია ლიტერატურის საკითხში, ძველი თაობა ანტონის სქოლასტიური თეორიით შეიარაღდა და დაუპირისპირდა მათ; რეალისტურ-უტილიტარული ესთეტიური თეორია მიუღებელი აღმოჩნდა ანტონის რეაქციონურ-სქოლასტიურ აზროვნების საფუძველზე მდგარ თაობისათვის. ამიტომ ახალი თაობის წარმომადგენელნი სასტიკად აღაშქრებდნენ ანტონის წინააღმდეგ.

6. (გვ. 383) ბლიადე—როგორც სხვა წყაროებიდან ირკვევა, ბლიადე ხალხური საზანდარი ყოფილა ძველად.

7. (გვ. 383) კახელს შემოწყრაო—აქ ნაგულისხმებია პოეტი ი. ჭავჭავაძე.

8. (გვ. 383) ხამ დღეს უღეკა ხტატია—ზემოური იმერელი თვით სწერდა ამას.

9. (გვ. 383) ანტონსა და ჩახრუხაძეს რას ჩემტერაო—ი. ჭავჭავაძე თავის წერილში უარყოფდა ანტონის ხელოვნების თეორიას.

და ჩახრუხადის ლექსებსაც იწუნებდა, ხოლო ძველი თაობის წარმომადგენელი საესეებით იცავდნენ მათ.

10. (გვ. 384) უურნალო უნდა გამოხცეს—ი. ქავჭავაძე 1862 წლიდან უკვე ემზადებოდა ახალი უურნალის გამოსაცემად. თვით ზემოთური იმერელი წერდა თავის წერილში:

„ესეც შევიტყვეთ კორათ ქუთაისშიდ, რომ ვითომც ახლა უფ. ქავჭავაძე აპირებდეს მეორეს უურნალის გამოცემას, უფველია ის უურნალიც ისე ახალის ენისა იქნება, რა ენისათვისაც გამობრძანდა მწერლობის ასპარეზზედ შარშან და იმედი ჰქონდეს, რომ ბევრს ხელის მომწერს ჰპოვებს. იმ ენით ლაპარაკს ჩვენი საზოგადოება დიდათ შორავს. დამერწმუნოს, ჩვენი უურნალიც ამ ზემო თქმული მიზეზისა გამო დაეცემა“ (1^ლ 2, გვ. 202).

11. (გვ. 284) ყოვლადვე ნუ იყოფინ—ეს წინადადება ნახშიარი აქვს ზემოთურ იმერელს თავის წერბლში და გ. წერეთელი დაცინჯით იმეორებს.

II. „დროების“ განცხადებანი (გვ. 385—90)—პირველი განცხადება ცალკე ფურცელზე დაბეჭდილი; მისი ერთი ექვემპლიარი 1866 წლის „დროების“ კონპლექტში აღმოჩნდა. 1867 წლის განცხადება დაბეჭდილია „დროების“ 1867 წლის პირველ ნომერში, ხოლო 1868 წლის—იმვე წლის 44-ში.

III. პროგრამა „სახოფლო ვაზეთი“-სა—დაბეჭდილია 1868 წლის „დროება“-ში.

12. გ. წერეთლის ნაწარმების სრული კრებული გამოცემათა გეგმა

როგორც წინასიტყვაობაშიაც ვწერდით, გ. წერეთლის ნაწარმების სრული კრებული, წინასწარ გეგმის მიხედვით, განზრახულია გამოიცეს 15 ტომად. მთელი ნაწარმები გაყოფილი იქნება ორ უმთავრეს სერიად; პირველ სერიაში დაიბეჭდება პუბლიცისტური და ისტორიულ-სამეცნიერო ნაწარმები, მეორეში—მხატვრული ნაწარმები.

რასაკვირველია, წინასწარ იმის განსაზღვრა ზუსტად თუ რომელი ნაწარმები რომელ ტომში შევა—ტექნიკურად შეუძლებელია. ამიტომ ჩვენ აქ ვადგენთ გეგმას, რომელსაც საორიენტაციო დანიშნულება აქვს.

პუბლიცისტური და ისტორიულ-მეცნიერული ნაწარმები

ტომი პირველი—1862—1868 წლების პუბლიცისტური წერილები.

ტომი მეორე—1869—1872 წლების პუბლიცისტური წერილები.

ამ ტომში დაიბეჭდება წერილები „დროებიდან“, „კრებულიდან“ და „სასოფლო გაზეთიდან“. აქვე შევა „საუკეთესო ცოდნა“ (ცალკე წიგნაკად გამოცემული 1870 და 1888 წლებში) და „დავით გურამიშვილი და მისი წინა დროებიანი“, დაბეჭდილი 1870 წ. დ. გურამიშვილის პირველი გამოცემის წინასიტყვაობაში.

ტომი მესამე—1872—1880 წლების პუბლიცისტური და ისტორიულ-მეცნიერული წერილები.

ამ ტომში დაიბეჭდება 1872—80 წლების მხოლოდ ქართული წერილები პუბლიცისტური და მეცნიერულ-ისტორიული ხასიათისა. ვაზ. „დროებიდან“, „კრებულიდან“ და „სასოფლო გაზეთიდან“.

ტომი მეოთხე—1877—1892 წლების პუბლიცისტური და მეცნიერულ-ისტორიული წერილები.

ამ ტომში მოთავსებული იქნება, ერთი მხრივ, რუსულად დაწერილი მისი პუბლიცისტური და ისტორიულ-მეცნიერულ ხასიათის წერილები: „Голос“-იდან, (1877—79 წ.) „Тиф. Вестник“-იდან, (1879—80 წ.), „Новое обозрение“-დან და „Кавказ“-იდან. დაორი შრომა დაბეჭდილი მოსკოვის არქეოლოგიურ საზოგადოების გამოცემაში: „Полное собр. надписей Гелатского монастыря“ და „Археологическая экскурсия по Квирильскому ущелью“. მეორე მხრივ, პუბლიცისტური წერილები ვაზ. „ივერიიდან“ (1886—89) და შურ. „ჯეჯილიდან“.

ტომი მეხუთე, მეექვსე, მეშვიდე და მერვე—ამ ტომებში დაიბეჭდება ყველა მისი პუბლიცისტური და ისტორიულ-მეცნიერული წერილი 1893—1899 წლების შურნ. „კვალრიდან“.

მხატვრული ნაშრომები.

ტომი მეცხრე—მოთხრობები:

1. „ჩვენი ცხოვრების ყვაველი“ (დაბეჭდილია „კრებულში“ № 8—9, 10—11, 12, 1872 წ. და № 1, 2, 1873 წ.).

2. „მგზავრის წიგნი“ (კრებული № 5—6, 9—1973 წ. „დროება“ № 12, 13, 15, 37, 39,—1866 წ. და № 16, 17, 1870 წ.).

ტომი მეთათე—მოთხრობები:

1. „გულქან“ (დასაწყისი დაიბეჭდა „დროებაში“ № 41, 42, 43, 45, 1868 წ. და „სასოფლო გაზეთში“ № 34, 35, 37, 1868 წ. და „კვალა“ 1897. წ.).

2. „მონადირის ნაამბობი“, რამდენიმე სიტყვა ტიგრზე— („დროება“ № 42, 1866 წ.).
3. „კლოდ გო“—თარგმანი („დროება“ № 15, 16, 17, 1868 წ.).
4. „ხალხის ცხოვრებიდან“ — („სასოფლო. გაზეთი“ № 15, 1870 წ.).
5. იმერეთის სურათები— („დროება“ № 20, 1873 წ.).
6. ზემოთის სამართალი— („დროება“ № 39, 40, 42, 1873 წ.).

ტომი მეთერთმეტე — ლექსები, პოემები, დრამები.

I ლექსები

1. ლექსი—ყველა ქაცი (რუსულით) „დროება“ № 32, 1868 წ.).
2. საბრელი მამკალი ქალი—მირკანტინისა— („დროება“ № 48, 1868 წ.).
3. უცხო მხარე—რუსულიდან— („დროება“ № 16, 1869 წ.).
4. დის ქორწილზე — ლეოპოლდის — („დროება“ № 4, 1870 წ.).
5. კუხელის სიმღერა — („დროება“ № 21, 1871 წ.).
6. ფუტკრის აღსარება— („დროება“ № 29, 1881 წ.).
7. ფუტკარმა უთხრა კრაზანას („დროება“ № 33, 1871 წ.).
8. სახალხო ლექსი— („კვალი“ № 30, 1895 წ.).

II პოემები

1. არანკა ჰერცოგოვინის ქალი— (გამოცემულია ექ. ხელადის-ნიერ ცალკე წიგნად, 1876 წ.).
2. მწუხარე დედა—დაწერილია 1875 წ. (დაიბეჭდა: „კვალში“ № 34 და 35, 1895 წ. გასულის ფსევდონიმით).
3. ვილგელმ ტელიდან—შილერით — („დროება“ № 52, 1868 წ.).

III პიესები

1. ჯიშრი—კომედია— („კრებული“ № 2, 1871 წ.).
2. ოჯახის ასული—კომედია (დაუბეჭდავია).
3. დარია—დრამა— (დაუბეჭდავია).
4. ეგმონტ—გეტესი—ნემეცურით თარგმანი— („კრებული“ № 5-6, 1873 წ.).

ტომი მეთორმეტე—ზღაპრები და მითები:

1. ფლიდეთელ მოხუცის ნაამბობი—(„დროება“ № 19, 1867 წ.).
2. ლომკაცი—ზღაპარი ლექსათ („ნობათი“—1884 წ.).
3. ლეთის წყალობა—საყმაწვილო ზღაპარი—(„ჯეჯილი“ № 3, 4, 5, 1891 წ.).
4. თავიჭამიები (ზღაპარი)—„კვალი“ № 24, 25, 27, 29, 1893 წ.).
5. ჩვენი ძველი გმირები („ჯეჯილი“ № 1, 3, 5, 1892 წ.).

ტომი მეცამეტე—მოთხრობები

1. ოცი წლის წინეთ—ძველი მამასახლისის ნაამბობი—(„ივერია“ № 9, 10, 11, 12, 1886 წ.).
2. ერთი ღამე საწირეში—(„ივერია“ № 61, 1886 წ.).
3. საჩიო—დალალ-აზანაური („ივერია“ № 122, 123, 130, 131, 1886).
4. ედიშერ ქელბაქიანი—მოთხრობა—(„ივერია“ № 93, 94, 95, 96, 97, 98, 99, 100—1887 წ.).
5. მამიდა ასმათი—(„ივერია“ № 101, 104, 109, 113, 114, 1888 წ.).
6. რუხი მგელი—(პირველი გამოცემა 1892 წ.).
7. ათი მცნება—ამბავი—(„კვალი“ № 48, 49, 50, 1893 წ.).
8. მეცხვარის ნაამბობი—ესკიზი—(„კვალი“ № 1898 წ.).
9. საშობაო მოთხრობა—დალაღთა მოშტრობა—(„კვალი“ № 53, 1897 წ.).
10. თოფის სროლა—ამბავი—(„კვალი 1898 წ.).
11. განწირული—(„კვალი“ 1898 წ.).
12. იუმორისტული სცენები—(„კვალიდან“)

ტომი მეთოთხმეტე—მოთხრობები

პირველი ნაბიჯი—(„ცდა“ 1890 წ.).

ტომი მეთოთხმეტე—კერძო წერილები, გამორჩენილი მასალები და საბიოგრაფიო დოკუმენტები.

ჩვენ შეგვეძლო ყოველი ტომის მასალა იმ სახით წარმოგვედგინა, როგორც ეს მხატვრულ სერიაშია დასახელებული. მაგრამ ამით ეს ტომი ერთობ დაიტვირთებოდა და ამიტომ ასეთს ვრცელ გეგმას არ ვაქვეყნებთ. საორიენტაციოდ ეს გეგმაც საქარისია. რასაკვირველია, სრულიად ადვილი შესაძლებელია ამ გეგმაში შემდეგში რაიმე ცვლილების შეტანა დაგვეკირდეს, მაგრამ მისი მთავარი პრინციპი მაინც უცვლელი დარჩება.

ს ა რ ჩ ე ვ ი

	გვერდი
I. რედაქტორისაგან	IX—XII
II. გიორგი წერეთელი—სიმონ ხუნდაძის ნარკვევი XIII—XLVIII	
III. 1863 წლის წერილი	3— 22
1. „ცისკარს“ რა აკაკნებდა?	5— 22
VI. 1866 წლის წერილები	23— 88
1. მათუსალას აღსარება	25— 32
2. დედა-კაცის აზრი დედა-კაცზედ	33— 36
3. საკვირველი მოვლენა	37— 40
4. ბანკის დაარსების გამო ქუთაისში	41— 43
5. ქართული თეატრი	44— 52
6. ბუნების მეცნიერებიდან	53— 58
7. მლეთის სოფლის საზოგადოების განაჩენის გამო	59— 63
8. ახალგაზრდა დედებს და ყმაწვილ ქალებს	64— 67
9. კორესპონდენციები	68— 75
10. განათლების გავრცელებაზედ საქართველოში	76— 82
11. ბუნების მეცნიერება და მისი დიდი ღვაწლი	83— 88
V. 1867 წლის წერილები	89—174
1. ძველი წლის ნაყოფი და ახალი წლის კოკრები	91—106
2. შხის დაბნელება	107—110
3. ბატონ-ყმობის გაუქმების გამო სამეგრელოში	111— 114
4. პოლიტიკური უფლება დედა-კაცისა	115—119
5. რამდენიმე აზრი ჩვენს ცხოვრებაზედ	120—130
6. ქუთაისიდან	131—135
7. საშუალო აზიაში შოგზაურობა	136—138
8. თვითმოქმედება	139—158
9. ზოგიერთი ამბავი დ. ბებუთოვის ცხოვრებიდან	159—174
VI. 1868 წლის წერილები	175—376
1. ორიოდ სიტყვა კომედიაზე „ვაი კკუსისაგან“	177—186
2. ბუნების გავლენა კაცზედ	187—196

3. ჩენი ცხოვრების ქრონიკა	197—204
4. უცხო ქვეყნის ამბები	205—221
5. უჩინ-მაჩინის ქულოსანი	222—234
6. ოსმალეთის ქვეშევრდომი საქრისტიანო ქვეყნების ამბავი	235—243
7. ტანსაცმლის უზომოდ ხმარება	244—246
8. ამ დროების ფრანციის მწერალნი	247—258
9. ერთი თვალის გადავლება	259—271
10. თამბაქოს მოქმედება კაცის სხეულზე	272—275
11. სიძვირე და მოქმედება შისი კარგადმყოფობაზედ	276—280
12. საპოლიტიკო და საზოგადო მდგომარეობა სერბიისა	281—292
13. ბუნების კარი	293—298
14. კაცის ხელით მომხდარი ცვლილება ბუნებაში	299—301
15. ახალი სასამართლოს შემოღების გამო	302—306
16. სახალხო მედიცინა	307—309
17. შესანიშნავი ამბავი საქონლის კირზე	310
18. რა მნიშვნელობა აქვს წყალსა და საიდან წარმოსდგება წვიმა	311—319
19. ორიოდე სიტყვა ჩვენს უმთავრეს სარჩოზე	320—326
20. ჩენი სოფლის მკითხველებისათვის რაღაც რაღაცაეები	327—337
21. ბოსტნის განყოფა და კვლების განრიგება	338—342
22. აბრეშუმის მოყვანაზედ	343—358
23. ორიოდე სიტყვა სოფლის ახალ მოხელეების ამორჩევაზედ	359—366
24. რისგან წარმოსდგება ქარი?	367—369
25. ჩენი გლეხის გადასახლება	370—372
26. სოფლის მოხელეების ამორჩევა	373—374
27. შინაური ცნობებო	375—376

VII. დამატებანი 377—392

1. ახირებული ფურცელი	379—384
2. განცხადებანი „დროების“ გამოცემაზედ	385—390
3. პროგრამა „სასოფლო გაზეთისა“	391—392

VIII. რედაქტორის შენიშვნები 393—454

1. გ. წერეთლის ფსევდონიმები	395—397
2. „სამნი ძმანი—სამნივ თერგდალეულთგანი“	397—403

3. გაზ. „დროება“ და გ. წერეთელი	403—115
4. გ. წერეთლის 1862—68 წლების ნაწერები	415—417
5. 1863 წლის წერილი	417—430
6. 1866 წლის წერილები	430—437
7. 1867 წ. წერილები	437—439
8. 1868 წ. წერილები	439—445
9. „სასოფლო გაზეთი“ და გ. წერეთელი	446—449
10. წერილები 1868 წლის „სასოფლო გაზეთიდან“	449—
11. დამატებანი	449—451
12. გ. წერეთლის ნაწერების სრული კრებულის გამოცემათა გეგმა	451—454



გამომცემლობა „ქართული ენციკლოპედია“

იგეგმება

გიორგი შერეთლის
თხზულებათა სრული კრებული

მორკმ ტომი

პუბლიცისტური წერილები

(1869—1871)

* * *

დამზადებულია დასაბეჭდად

მესამე ტომი

პუბლიცისტურ-მეცნიერული
წერილები

(1872—1880)

დღეს
მოაგზავრის და
მოლაკის თანამდ.

**უხურობის ხელს
წეკრაში!**

ასწავლის ერთულ და
რუსულ ლამაზსა და ჩქარ
წერას, აბას აბადის მოე
დანს, ახოსპირელის 1 ლი
ჩიხი, № 6 ლეონობატოვ.
ა. ახლას 3 -2 10:57

ექიმის
ა. დ. ქლენტი

შინაჯანი სნეულებან.
სპეც. კუჭ ნაწლავის სნე
ულებთან გამოკვლევა
კუჭნალობა. ძილბა 6-
დაბ 7 საათამდე. თამა
ათობით უფასოდ. წყნე
თის ქ. № 8. 13 1

სსსრ კომუნისტური
პარტიის ცენტრალური
კომიტეტის დასავლელი
ბიუროს მიერ

სწარმოებს ავადმყოფობის მიღება:

1. მანობა ზიანოლოგიაში

მედიც. დოქტორი ს. პ. შახარო და ის კონ
სულტაციით, დილის 12 საათამდე მიიღებენ
შემდეგი. ექიმები:

- 1. ექ. პარატაევი
 - 2. ექ. აივტ სოვა
 - 3. ექ. თ. აბაშიძე
- 10-12 საათამდე.

მედიცინის დოქტორი - კალაშნიკოვი 12-1 ს.

პროფ. შალაპერიძე 1-2 საათამდე
ექ. ა. ბაქრაძე 2-4

2. ძირკუპრიაში:

კონსულტანტი პროფ. მაჭავარიანი მიიღება
დღე გამომგებით კენტ რიცხვებში 1-2 საათ
ექ. ოგანიანი 10-1 საათამდე.

ექ. გაჩეჩილაძე (კიროვო-გროლოვ) 2-4 ს.

3. შინაგან სნეულებაში:

ექ. ტერიანი 10-1 საათამდე.
4. სავადმყოფოთან ახლო ხანში დაიწყებს
მუშაობას საექიმო დახმარების ბიურო.

ნიკოლო

უღროდ დაქა
ღმ

სათ. საქარხთ
კუოების მასწ
ულობეს მწუხარ

ნიკო მოსე

გარ

შვილები: გიორ
ძმები: ივანე, სე

კონსტანტინ

გარდაცვალებას
დღე 6 იან ს ლე
ახალ სასად

გოლმოკუული
ალადაშვილი. თ
ჩხუტ. მვილი ი

სოფი

დაკარგ. ს. საძ

სამუდამოდ დუ
ბრები: ნადია

ბათუმის რაიონის კომუნალური

10174
11 № 11
სამსახურის დასახელება
საზღვრე სამ
რეაქციის დასახელება
დასახელება
დასახელება

10173
საზღვრე სამსახურის დასახელება
საზღვრე სამსახურის დასახელება
საზღვრე სამსახურის დასახელება

შანი 4 მან-

ყდა 1 მ. 50 კ.

894-63

8394